

四庫禁燬書叢刊編纂委員會

北京出版社

四庫禁燬書叢刊



集部第一〇一冊目次

嚴石谿詩稿六卷

〔明〕嚴怡撰
明萬曆五年劉效祖刻本

..... 一

輸寥館集八卷

〔明〕范允臨撰
清初刻本

..... 一八九

詒美堂集二十四卷

〔明〕祝以龜撰
明天啓刻本

..... 三九九

嚴石谿詩稿六卷

〔明〕嚴怡撰

明萬曆五年劉效祖刻本

上海圖書館藏

通學公舉入鄉祀呈稿



近故

德府堂邑王教授嚴怡志行端謹問學淵深
入泮尚在髫年為文不隨時套七調主司
而不錄曾無愠色六司教事而不倦惟有
恒心訓胸庠而舉管幼安諭蒿庠而傳吳
慈母讀書幾萬卷之多不求聞於人著述
計念種之富盡可行於世大中丞王訂其

為天下之士大郡伯吳信其為三代之人
簞瓢屢室仍存濟物之念蒸嘗莫備寧辭
絕戶之田非公不入立身有類于澹臺得
正臨終易簀果似乎子輿操履足稱言為
可法允矣海邦之典刑誠哉士林之矜式
古所謂鄉先生歿而可祀于鄉者也

嚴石谿先生詩引

余客檀州廣陵錢憲使為余言其
鄉先輩有石谿先生云先生氣正
舉子業屢頭銜闕以歲薦入官博
士凡歷南北郡邑幾二十載所著
聲詩盈篋中憲使欲為之梓間出
以觀余余率業謂憲使曰先生詩
意興裏年鎔裁冲泊無一字一句
事標襲語是宜傳頌語者雖詳擇
者貴精若軋什一於千百尤為必
傳憲使曰然遂俾余點定得若干
首以獻憲使憲使曰石谿先生蓋
棺時無長物其所遺子若孫者止
是篇牘耳公為闡其幽今以往

詞林中第一有知先生皆公之賜也
 余曰先生公鄉先輩也是惟其表
 揚之意誠汲汲爾余何可貪以為
 已力先生嗣君一萍遠來檀省
 憲使聞之曰先大人不朽之業二
 先生咸有力願錢先生辱在桑梓
 宜爾爾先生未有風交也乃而勤
 惓若錢先生先大人地下有知感
 錢先生更感先生何論直不肖
 萬曆丁丑仲秋吉
 賜進士中憲大夫陝西提刑按
 察副使前奉
 勅整飭固原靖虜等處兵備兼理
 糧餉廣陽劉效祖拜謨

題石谿詩刻
 石谿被服為儒則時、搢縉為詩、
 有闕云其後官廣文廿年嗜詩益
 甚所著累數十種既罷家居環堵壁
 畫圖書充棟焚膏繼晷日夜弄筆子不
 以二毛廢業詩大意尚真與死不款寄
 賴他人藩籬拾取吐咳家不治生產
 子孫靡什一之業數時嬰無粟釜
 無炊而公未嘗一日去詩仰天長吟
 嘯傲自如星中子謂困公不謂困也
 向富人持張過問遺邪其當公終不
 以富故而受富人張賣文得錢客至
 沽醕論詩盡懽而罷居常苦貧無資
 恨足跡不遍諸名勝一軀望使兩腋

生風有凌虛御室之趣亦往於詩見
馬老病華客謂子病毋詩公枕應
之曰鶴為骨格鷄為肋六出花為兩
鬚絲一膽獨存龍虎氣那能吟嘯
不成詩口授客百餘篇而絕異哉其人
余竊見世之稍有力者身未蓋棺即
手其集即弗自輯即客為輯而託重
焉蓋然克域中石谿枯寂人也於世
靡所好平生嘔心瀝膽博一藝以殉
其身曾不得一富作者之觀余悲其
意華鬚三大夫鳳岐戴大夫含菴劉
大夫與余好間以觀三君三君有實於
余言也而劉大夫毅然遶三百若干
篇授木鳥嗚呼惟三君雅好文詞

故有石谿詩石谿微三君即嘔心瀝
膽將其語與其骨俱朽也欲以觀當
世能乎哉

萬曆丁丑九日廣陵張湖錢藻書
于檀州之折衝堂



題石銘子毛風竹筆後

昔人謂吾東野以詩名實予謂東
野亦以詩名傳名東野故善道
窮於此究其意而什報其人徐然生
然況南時乎況生人之身亦如舉而
落難子風以佳文章名江南以一時

仙進水為我題序其形與貌而在
銘子試有目報不能外宗以報其
筆成成其為東野之子升斗之祿
以養乃取最機山之東以書其不
能子之子詩特其為詩之樂在銘
子知為東野是銘在銘子佳其以

撰述累數子之詩無不吟詠之聲
其各篇後取王褒詩云河而不流
今以此視古者為河而石銘子詩
乃其東野後生必出王褒之詩
也石銘子因詩是矣、留而與
是明而以此

卷

隆慶庚午歲夏四月朔

陽進士中奉大夫西廣都御史

楊國陳竟叔撰

訪石谿嚴老先生記

臯有嚴石翁非臯之士私謂天下士也予心交於翁久矣冬日買舟訪之適遇翁於西寺前迎謂曰翁識予耶翁張目曰誰有老眼至不識范孟博乎豈獨識君面且識君心則久矣予曰有是哉是果心交也已翁即顧予僧舍握手論心戀々不忍舍去予隨適翁拜翁於堂見其書籍滿案予曰翁其萬是中人也而貯之心外充乎棟不知翁之爲翁耶翁之爲書籍耶予因請翁所作翁入室檢之予曰肆升翁堂矣肯入翁室乎翁曰吾室空虛非若富貴家侈所有也予曰室之盈虛在人得其人則虛亦實矣非其人則實亦虛矣翁謂金玉爲富室

耶文史爲虛室耶乃檢所作硯賦示予則如所謂瓊林大盈金玉阮也予喜曰翁之面不予面翁之心乃予心謂翁之作為予之作何不可也蓋樂而忘返翁遂呼童沽酒將以款予適玉華冒翁遣使速予及翁及竹翁翁乃相携出堂々外種植有菜翁曰此吾贈炙也予曰膾炙乎菜者翁之視菜也菜乎菜者衆人之視翁菜也遂過竹翁偕竹翁過玉華翁玉華笑而迎之歡然飲不輟翁談吐益偉蕭々肅々儼若孤松予曰翁何健也翁曰吾不知其尔々予曰翁欲知其以乎是養於中而充於外也翁藻斧厥脩清白厥守節義文章私爲已有夫是物者天地之精英山川之奇秀造物

所忌不輕以與人翁獨得之其健也
有以也夫人健於力翁健於德德以
基壽壽以膺福以昌厥子孫翁其大
有獲於天哉翁慨然曰君言誤矣吾
方貪奚其福吾子若孫愚奚其昌予
曰天之理貞而不爽天之期遠而不
近德學如翁影響應矣翁曰美哉纒
纒乎言之文矣乃起謝舉大爵酌予
予亦浩然豪飲之而醉而援筆記
之既以贈翁且持歸吾鄉朝夕玩之
庶幾日面我翁以契其心以企其德
也已

隆慶己巳孟冬望日

崇川介石范希顏頃首拜書

題石谿子丁酉歲暮

往季見嚴氏宮詞意石谿子特工於是
耳今獲覩丁酉稿諸詩備諸體裁非尋
常藝苑遊戲居雲子曰士不得志托諸
吟詠寫幽深而發磊落是用詩曰窮而
工石谿子貌溫如玉訥、如不能言有
懷揮灑迺若長戈大劍在壯士掌握人
莫能承噫而奇也哉有奇抱者吐奇氣
子固奇士也哉

嘗

嘉靖丁酉仲冬既望中山武寧王居
雲子徐京撰

宗伯禹門學士姚公評

惠寄嚴石谿詩刻披誦數首
具見清中雅調興致逼唐不事
摹擬且無砌轆真作家也意其
人風流飄洒如淵明太白浩然
諸公耶併其句酷似興獨到也

石谿詩評

跋石谿龍公擬古十九首

今海內名家者流多屬什則
集以能讀之大都風流蘊藉殊
微同而求大雅卓爾不流於
道者則指不可以屈朱杜時
即云海內有石谿龍公顧顧見
其人而不可得也陰憂庶年春余
赴海上始造公之庵旬日而乃得
吾閱公集其入梓者殆十之一耳
竊為評之森然峭者公之憂擊琳

疎博附梁蔡也秋興六言者公之
贈矣也十九王者公之太美云酒也
冲法爲多風之手其進於古是吾
知曾到沈謝其公望壇角藝未識
雖市北而或曰僧古知公酒詞十九
有聖古人可也余所以爲公云
挖易潛露子陸西里長唐甫
相書

邑乘本傳

嚴公諱怡字士和少補諸生崛起榛莽
中力振風雅好學明經術不爲章句訓
詁通而已學宮故無藏書銓部洛陽陳
公大壯謫貳秦州素署臯篆先生輒之

身爲渡江購諸制書及二十一史儲焉
嘉靖中以貢爲校官閱二十年初訓
臨朐表管幼安祠之務教景寧攝聊
城令事逾年以德化民上命從仕去之
日清風兩袂而已聊城祀之名宦後爲

堂邑王教授曳裾王門一手所乞得
先生博及群書工詩古文辭而猶介
自持意所不可一發於詩家無搖石之
儲晏如也居恒自言曰海而無一相知
之人九州而無一可行之路他日讀少陵

卷七

百年同棄物萬國盡窮途三復潛然
以為杜老贈石叟語也樂至黎侯
竟熱以均糧奏行贈以浮田弗受移守
泰州檄舉以廢馬廐一區營其居銓部
武東楊公薦入史館事格不行大中丞

卷三

南岷王公讀擬古秋興諸篇有異才
之嘆高使致聘托疾不往先生為獎
予後進手已逾耄而禮不衰於童穉
手自營書積至萬卷卒以老易殉
每太息楊王孫贏塋一事時奉趙

岐終令張無遺命預執二子但令王
周於權而已如先生真有志無時所
謂強可祭於社者也

外史氏曰余志執文志其切事實備
徵信而已其間最著者遠如胡王近

如孫何墜簡遺編莫可稱述則俗之
不好事也雖素舊矣豈老氏所云居
其實不居其華者耶以余所聞博雅詳
贍亦有嚴士和其人生平文字零落幾
盡二三君子幸相共紹明而光大之母

往德壙而展食也

吳淞解元公原呂克孝書

嚴石谿先生像讚

先生之學必求自得故博而寡
失先生之父必弱已出於初而有
獲積不過一經而其氣可以凌勇
乘食不飽事辭而其節可以芥子

鈞讀其書吾友其人瞻其容吾卜
其存是君平叟之遙裔而天隨生
之後身也耶

吳淞呂克孝書



叙移情禱詠

萬曆甲戌歲秋九月石谿先生之
臥疾也感事日有詠詠予曰
就榻向疾索詠筆之兩
閱月得三百九十餘牘可謂
富矣乃若夜之所詠心及筆

而先者尚多矣先生伯子正性
孝能體父之心者懼詠牘
之散逸也請予輯之先生覽
且喜曰不待此疾力安能宵
是數百篇發揚乎生此桐江一
靈異也遂題曰移情禱詠余

因譚其驚風雨注思神一之句
先生拊枕笑曰禱詠出金石神
且聽之病豈不愈乎余復披
讀諸篇多有發古人所未發
者其中天時人子風化倫理褒
貶刺美忠憂樂喜悲林野

不平之狀以及山川草木禽鳥
魚蟲無不備其所以先生
自謂以此疾也且其寢疾累
月人不堪其憂獨無恙且無
微神無恙其通移情于禱
詠曰理崇術以旋病機以殺病

勢而疾名尋愈余謂先生
則又得此詩力也一日先生坐
余撫其瘦骨稜撐慰之曰
太瘦生或此苦于詩乎先生
應聲曰實為骨格難為肋
久出花為兩髻絲一膽弱

存就帛氣郁終吟嘯
不出詩余慶之曰先生神情
向健疾可瘳也蘇門於焉
暮命伯子即榻前邀余
坐榻上口授遺言十七條屬于
易其伯子且誦曰必得此就

創孰克成就亦此平生處
得力處也沒齒不忘斯乃先生
與予與予永訣語也是夕秉
留達旦則先生易簀矣時
借月二十二日也嗚呼哲人既逝
襟詠可傳于世庶幾倘觀

風作史考之詩集也次季二
月先生仲子直自北歸把
詩而泣錄是什俱入其廬廬
真五燬于回祿詩草一俱燼
人莫不天息也余往唁之因憶
韓昌黎論李杜詩有曰德

官初六丁雷震下取將先生之
詩無乃天不歎遺于人間世耶
不然何以有變也六月仲子
獨熱造余泣且拜曰先君子
襟咏獨公不忘之筆一以示不
惟先君子之作復存公之勸

王

且不忘也余即付其可省記
此四之一後叙其原悽然嘆曰
余客東海口以詩交於先生歷
十五載先生物故詩不絕響
今後相思僅得百餘首得
昇梓 竟中外俱熱淚

汗如雨不覺淚交兩眼三月計
余言之不文也

挽

石谿嚴老先生

海岳悠然收正氣哭君何止
動鄉邦幾千萬卷書

六

曾讀八十餘年志未降
席 弱文章存碣石魚
龍風雨泣桐江家今挂
劍招魂魄飛下遼陽
雀一雙

為曆丙子季夏未盡二日後學

豐城詠劍吳銀甫題

明故堂邑王教授石谿嚴公行略

公以諸生歲貢爲博平司訓丁父憂補臨朐
司訓遷嵩縣教諭丁母憂復爲景寧教諭遷
東昌教授遷

堂邑王教授公之先世居邑之江上嚴家堡自
公之大父德廣徙居治之舊河北德廣生一
菴德廣蚤逝一菴少弱依諸父兄周一菴生
公自先世業農允周視公不類他兒令就
學猶然不得良師友故公年十四不知爲文
督學按臯試公以對句當督學意又令對督
學奇公命補博士弟子公被儒服大慚曰服
若服而不知事若事奈何即讀書晝不頃
刻休倦則自朴朴之不得醒輒奮怒迸出雙
淚必醒而又讀未嘗以倦怠暮年而熟經書
或以義授之不快公意乃學於重菴李翁西
溪劉翁吳陵名士姚先生者挾其藝適臯公
往游之不舍晝夜未幾而姚先生束書去公
茫然大痛失所依歸思友古人苦貧莫爲購

書每於市肆賒得之則披閱不俾數歲盡解
諸子百家言而業亦成督學歲較諸生公輒
得首列獻之主司不售擬王建作宮詞而首
歎遇之難鄉人有酒徒某者日醉市肆踞罵
人莫知省避者惟過公居輒噤聲疾走里之
長老咸相謂曰嚴生與人恭酒人且憚之宋
龍圖王學士家塚墓湮沒公言之廣東平齋
梁侯表而祠宇之渚陽裕菴陳公以銓部外
補泰州佐來署臯篆雅重公置學田命公爲

行

二

之記公諷陳公買二十一史藏之學宮以惠
後學此皆公少小時事也公爲諸生凡七上
主司終不售每落第公不窮日之力必於金
陵江山勝處徜徉吟眺餘月而後返詩多見
集中嘉靖丁酉應貢至京行都市中一切靡
侈詭異之玩不涉於目及過儀部前閱書則
常移時日忘飢渴當意者易之不屑較值
市書者諸衆人爭求異書售公四方雄豪之
士集於一時者爭交驩公或誦公長安旅夜

賦謂公曰世有如此才而詘於一第以獻貴
人必得大售奈何斤、守尺寸哉公曰吾徒
欲得乎職之卑、可稱者竊斗升養吾親足
耳吾何能爲遠東豕博笑邪謁銓部得博平
司訓捧檄過里中奉二親往立修業齋訓規
作郭孝子傳以勵諸生不一載而一菴翁捐
館舍公大痛曰天乎我所從以役者爲吾親
吾翁平生安貧賤甘澹泊疏不出戶庭今乃
於他邦而喪吾翁扶柩還家貧不能葬時爲
邑者西蜀樂溪黎侯知公賢助葬焉侯政暇
過公論文晝日不倦侯奏均臯田疏公刪潤
之也事訖侯欲以絕戶田爲公業公辭之
侯高其義侯遷泰州守移文於縣以廢棄
馬廐地一區公領俸金要兩江劉侯爲公
創屋以栖老母移文有貧甘原憲有捐介不
求之操學比盧仝有文行俱優之望等語起
復補訓胸庠舉漢處士管寧祀鄉祠采寧平
生見於史冊者輯爲錄光祿卿少洲馮公侍

即胸岡遲公賢公之舉咸佐公梓公於諸人授一冊而諭之曰以我則不足爲汝輩訓以汝輩鄉先生爲汝輩訓胸有二巨盜賊殺人邑侯淮川王公併獲而繫之王公仁人也胸人懼不死二賊公因黃鼠賊家鴿作鴿鼠紀談諷王公王公寤杖殺二賊胸人謂公以文除害遷蒿庠母老不能行留夫人率伯子輩俱侍養獨以仲子自隨歲一遣省焉時河南郡守蓬岩吳公御屬僚大嚴一日召公色甚和以賓禮處公語其嫡母之賢要公按實編傳記以風化公辭曰公爲治教主不宜以文爲戲請爲太夫人作慈母傳俟太史氏他日采擇不尤勝邪公曰蒿伊董公贊先生所爲自持當於古人中求而樂溪黎公往々稱名儒不置口二公長者不輕許可先孺人得託不朽矣惟所命之公乃援筆就傳吳公訝且稱善其文多有傳者有繡斧使欲祠兩程移公爲文既而以雅稱多聞士可質疑更兼

志行衆所推與語獎公公既終母喪無宦情矣苦二子無生業莫爲饗殮計者不得已再赴銓部方城宗考功謂公曰先是選司武車楊君甚好先生才方圖進先生於館會先生以母憂去不果今楊君不在事語稱力田逢年則信有驗乎其言也既而公得景寧諭考功曰景寧僻在萬山中士不知習業非先生莫可教者乃作薦書於督學山峰阮公贈詩有向人白髮時、短之句公至景寧逾年遷東昌教授登光嶽樓悵馬興懷作登樓賦以見志幾二載遷堂邑王教授公囊其故書赴國將以開王王幼未出閣國主好讀書然遠詞臣而習宦官公不得其志作操瑟吟三十首瑤臺鶴唳詞百首以自遣曳裾者逾年啟王賦歸王許公祭掃嘉靖辛酉秋也明年公謝事惟修學著書暇則隨意賦詩以自娛賣文得金易泉刀置床頭客到則酤酒飲之公善好客草堂坐客不虛日四方來遊者無一

不謁公未就館食者公飲食之不以數而倦
久而怠其去者必探囊贈之囊空必命伯子
貸而遂之伯子能竭力承公不違其意公與
客談非古人高誼及其嘉趣不談客有不悉
即發篋檢視客或曰先生善讀先生善記一
抵此乎公曰我非善讀亦非善記我能存之
一念不以食息而置不以顛沛流離而移耳
公平生不蓄一物不守一錢惟癖於書貪多
務得細大不捐厨積萬卷恒恨見聞之不廣

六

六

未嘗以貧一動其心公讀書提其要鉤其玄
者有博平錄胸山錄嵩陽錄面山錄乘暇錄
犬室錄讀書隨筆老不怠情莊摘左摘檀公
摘仙鑑摘禪林略等書又考古土木恠惑災
異忠諫而各爲書則其意遠矣公志在山水
貧乏資斧莫遂其觀遊之興作金箱雜志意
到聊披閱之以効卧遊齊雲九華天台鴈宕
栖霞武夷六名境每飯意未嘗不在其間作
夢遊詩六首以寄興大中丞南岷王公誦公

擬古秋興二作歎曰先生異才也盡發其平
生所著錄而持去公六任儒臣東西南壯之
遊幾二十載大學士石麓李公少司冠梧岡
陳公皆嘗力揚公之才賢其竟不獲一展其
蘊蓄於當年卒懷抱以終其身天也公自爲
諸生以至終老林下未嘗以私一至公室萬
曆甲戌中秋感疾至九月十三日隨事感觸
輒形於聲客謂公曰先生病不務呻吟以圖
瘳而務爲詩無乃非養神之道乎公即撫其
瘦骨稜嶂而應客曰鶴爲骨格雖爲肋六出
花爲兩鬢綵一膽獨存龍虎氣那能吟嘯不
成詩至十一月念一日忽吟曰脫屣紅塵鶴
典羣周遊八極歷星文青天上面無行跡
中央只度雲扁豹九關高莫極龍鸞萬隊宿
難分諸綠屏息神魂肅帝語冥冥若可聞自
是絕吟又數日謂客曰異哉前日夜晝之間
意到爲詩即渾然完具不待安排今乃強探
力索而無一字異哉乃倩江客龍劍吳生於

榻前集之得三百七十九首題曰移情雜詠
歎曰吾乃得疾力而有此三百七十九首之
多發揮平生此桐江一靈異也遂謝客於十
二月二十二日命伯子正封藏其著述諸書
遺仲子焚平日所讀三子口義及左傳二書
以殉逾時命浴即奄然逝嗚呼痛哉仲子名
直此時壯遊不在膝下殆聞公卧疾匍匐南
還抵家則公已薨六日悔恨無爲欲爲公請
狀投淚爲之略直未學言之不文又其傷痛
荒迷顛倒雜亂或當著而願遺或宜簡而復
贅因示余余因仲子直之請若損益而序次
之則懇望於

海內名公知公之平生者

賜進士第文林郎知會稽縣事邑人禹河馬洛

頓首拜撰

嚴石谿詩稿卷之一

東臯石谿嚴 怡

著

樂至樂溪黎允勲

選

廣陵方城宗 臣

八閩白嶼張嘉猷

鳳岐戴 耀

都門念菴劉效祖

西蜀華巒王三錫

崇川梧岡陳 堯

海陵蘭臺陳應芳

石谿詩稿

卷之一

一

吳淞公原呂克孝

同邑淑湖錢 藻

同選

後岡李上林

校

中宇郭師古

楚陽虛仙陸長庚

同邑雲石陳汝猷

承麗殷之澤

泰雲吳正華

承倩張王成

君求黃應徵

同校

真州兩夜

微醉未銷如有情今宵旅宿憐同盟扁舟亦
自廟廊意好夢奈何風雨聲海天不曙客無
寐江月漸高潮欲生中流正爾思擊楫欹枕
試聽隣鷄鳴

風雨舟中作

南國歸來只敝裘江河風雨屢維舟上書季
子殊不遇善賦長卿應倦游海樹焚巢謝鳥
鵲石田無劍買黃牛可憐行路難如此還夢
天京十二樓

石谿詩稿

卷之一

文一

宿承恩寺竹菴上人房

細雨疎窓過晚風夜涼不寐思何窮美人千
里隔明月秋草六朝聞候蟲塵夢忽醒禪榻
畔牢愁難遣客游中十年浪走真無益慙愧
東籬舊菊叢

東歸值九日玉華兄於揚移得菊一株

載舟中相與小酌期過南沙

秋風失意買舟去秋雨無奈征帆遲客衣九
月尚絺綌塵世百年多路岐黃華於人笑相
向濁酒到手醉何爲前程欲赴杜陵老雞黍

剪燈同賦詩

老牛歎

主人寒須我帛主人饑須我穀主人無后我
架屋我壯繁菑不俟鞭齒老力衰鞭不前主
人忍數屠兒錢嗚呼漢家亦殺淮陰侯豈侯
功不多爾牛利心一起兮恩作讐

泰州南門送王賓山筆工

城上西風吹日斜一杯萍水話天涯明朝君
向江南去我自孤舟夢筆花

春晚

石齋詩稿

卷之一

二

樹遠烟輕鴉自飛村園門巷又斜暉主人一
笑花無語春色三分燕未歸病渴能忘金谷
酒賞心思典杜陵衣風光是處堪行樂惆悵
年年此願違

遊法寶寺

斜日停舟野水湄還過野寺讀殘碑入城乞
食逢僧少吊古尋幽步屨遲却歎醫王無宿
供不妨行客有新詩匆匆又自牽塵役欲話
無生未有期

秋夜悼石氏婦

晚風天無雲秋月上庭樹孤客愁不眠蟲聲
滿窓戶緬懷同心人十載共辛苦年來念多
病飄飄去何處精魂時入夢既寤傷無侶靈
筵耿孤燈照我淚如雨往事成浩歎前途引
長慮隣鷄自三鳴無復鄭女語哀哀聊一吟
吟成天欲曙

雨中

滿簾風雨思悠悠晚滴空階夕未休閒枕舊
書終日卧更無人問草堂愁

春夜雨中

石齋詩稿

卷之一

三

二分春已東流水一半花如老去人枕上計
難生兔角雨中愁易砌魚鱗

題扇

醉脫簑衣挂短篷浪花吹起鯉魚風悠然一
枕東周夢忘却烟波釣艇中

送史鴈峯先生改判蘇州

二年海上駐星槎遷轉新恩喜及瓜此去諫
書還振幕向來詩句已名家相思合引吳門
興四海誰排楚客嗟却憶酬知天路遠空因
北斗望京華

冬日隱玉齋對雨

聽慣雨聲惟客耳坐忘機事是禪心風簾寂
定香烟直雲徑冥迷木葉深

七夕

流俗相傳七夕織女會牽牛余惡夫
傳之者妄風人撫景歌譚相譚莫有
辨其妄者因吟此章為之解嘲云

七夕會牛女斯言良可猜燦燦萬里內不知
孰為媒河漢不可梁神鵲胡憑哉恠誕誰所
為無稽類齊諧謗世苦不足揚塵汚天街念
石齋書稿 卷之一 19
彼群兒愚竚望銀屏開流傳有謬種昭雪無
清才悠悠向千載感激傷余懷

題樂畊卷

郭外有田餘二頃居隣荷篠丈人墳舊書付
與兒孫輩翁自乘春犁白雲

四月八日遊上方寺

吊古偶經隋代寺殘碑猶記上方名折花壽
佛人天喜汲井對僧身世清半畝廢池還浴
鷺四檐脩竹獨聞鶯因懷龍樹東來意斜日
扁舟忘入城

鴈溪

越江水冷蕙葭老楚澤秋來鴻鴈多盡落小
溪烟景裏酒壺詩卷共漁蓑

送鄭于南

于南鄭夫子文彩照書林海內知君少天涯
顧我深千金真駿骨三歎有遺音古道相求
意青天見此心

送喻逸軒

積雨暗江國扁舟移野雲君歸綠底事我醉
愛論文遲暮悲龍卧飄零惜鶴群明朝離別
思落木共紛紛 卷之一 20

酒醒

酒醒難忘鬱鬱情杜陵狂客哭吞聲尋常作
事鬼所笑老大偏書婦不平世上未應無直
道古來何用有浮名無端却笑年時夢夜夜
乘舟屋裏行

題江臯曉霽卷

晴霞迥孤飛極目江門曉誰其駕星車指顧
長安道字雉啼野棠迴風振原草父老夫何
如攀留以為好

送趙東麓

山人與世竟參差海鶴相將比鬢絲意氣高
矜飛食肉詩篇渾倚勝揚旗秋風浙瀝吹尊
俎夕照迷茫指路岐自是楚江遲暮客當歌
臨別不勝悲

秋興

清溪毛髮動秋風况是千家響候蟲幽憤著
書愁鬼魅狂吟搖筆落星虹霜寒無那芙蓉
老水落還憐翡翠窮自分不才甘棄置百年
天地一飄蓬

石路詩稿

卷一

七

南竺

數畝新開南郭居碧山憐對野人廬庭除幽
事能馴鳥池沼清風戲養魚好客每存鷄黍
意傳家况有鯉庭書村園門巷誰云隘見說
頻來長者車

夜宿江店

暮從江館挂長鉞雷霆殷地知潮生山頭月
出夜如晝木末風高秋正晴倦遊何處可駐
足不寐自信難為情天明擬上大悲閣極目
長波陶不平

王西村將軍留飲營門王堯湖冀通川
二學士同席歸卧松泉道院賦此

日斜騎馬款轅門秉燭煩開北海尊夜寂肅
如聞鼓柝興豪渾欲借瓢盆將軍喜為前星
劇學士情俱大雅溫待客更憐何羽士歸時
猶啟碧雲軒

宿田家

宿雨野田泥獨漉黃昏騎馬妨失足前村水
深行不得燈火夜就田家宿村中無酒客欲
睡何處哀哀聞野哭因知去歲困猛虎猶有
春餘詩稿 卷一 七
寒婦啼空屋可憐旱蝗十年餘霖潦此邦為
水國原上明朝寒食節大麥無苗傷育鞠上
馬曉辭田父去田父為余遙送目號呼再有
猛虎來我買擔囊賣黃犢

題扇

桃葉渡頭春水生桃花開映石頭城美人手
把桃花扇遙憶東風片片情

謁漂母祠

淮陰萬家邑汝獨念王孫一飯寧須論千秋
識鑒存

過清河

我行渡淮水赤日燒朱夏猛風吹長波赴海
正東下天空無片雲何處望親舍風景漸以
殊傷離自今夜

直河野望

朝辭鍾吾去暮投直河宿迴風起天末勢欲
搖地軸我登高丘望齊楚傷遠目川原無麥
苗何以慰策獨落日聲鳴悲于飛念鴻鵠

大風雨泊新安驛

驕陽連數月四野忽雲垂雨勢川原合風聲
石人頭

卷之一

八

海嶽移廟堂誰變理天地我危疑今夜應無
寐扁舟楚水湄

登徐州含暉樓有懷

含暉樓上望雉堞見黃樓放鶴亭何處雲龍
山未遊至尊瞻北極高士憶南州水石中
洪峭篙師正上舟

胡陵城夜雨舟中作

胡陵城邊一夜雨楚客舟中萬里心相思有
夢不可說縹緲誰將鸞鶴音

棗林夜

宿雨海氣重四野天冥濛岱嶽渺何許星槎
來自東登眺阻落日飛行思御風夜深還不
寐起坐棹歌中

登顯惠祠山亭

遠眺因懷古憑高意渺茫太公表東海武帝
築宣房往事浮雲變孤亭百尺強遊人指鄒
魯山色共蒼蒼

石人頭

高岸勢若崩上有誰家墓已無墳上土尚有
墳前樹樹下多行人車馬成廣路此地少芳
草幸免穴狐兔石獸半埋沒碑板知何處往
者盡如此來者永不悟石人不解語空泣草
頭露

卷之一

九

登廣川樓

郡中人家主事微樓前賈客帆檣稀孤城控
帶青齊迫千乘來遊秦漢非天吳弄風當晝
景蒼狗蔽日飛山嶺山川鬱鬱獨懷古身世
悠悠殊念歸

登天津拱辰樓

北遊經海國雄鎮見天津將闔嚴東徼

君門拱北辰風濤形地險鼓角壯雲屯更喜
魚鹽利舟航集遠人

立秋夜作

長安酒樓高入雲客子不飲傷離羣大火西
流歲冉冉中台北望心殷殷故園書信苦難
寄今夜蛩聲愁獨聞通天堦甚清涼露惆悵
相如何自分

七夕辭

謂天其有妃兮謂后土其有夫人山河嶽瀆
一為之配兮羗不畏瀆於明神彼巫妖之恠

事類彙編卷之八

十

誕多訛言遂失真哀斯人之聾瞶兮惜不
知其語之不論彼云精衛之罷命于海兮喻
夫人之不量其力也羗乃駕言于烏鵲兮何
矯誣至于此極也維牽牛處河漢之西兮織
女處河漢之東與天地其終始兮迥不越於
津梁余惡夫衆毀之銷骨兮又惡夫群輕之
折軸雖上天猶為之汙鱗兮奚斯人可辭于
垢辱嘗試矯首于蒼蒼兮渺從夜而達晨荷
兩星之去離其次舍兮是帝亦保姦而不仁
造言者之腥欄於天兮乃不降大僇於其身

儻余言之上通兮迥昭雪于三辰亂曰彼衆
人之惑惑兮是百犬之吠聲也余悼夫世紛
紛其莫不然兮又奚獨睹言于兩星也

題樂畊卷

蟋蟀山樞吾所愛微翁此意向誰論遙知書
卷隨牛角尚想風流似鹿門晚歲長饒堪託
命豐年濁酒正盈尊只應鷄黍邀田父擊壤
長歌 聖主恩

前淮卷為靈璧侯題

甲第俯秦淮堂堂古帝開波光搖檠戟雲氣
擁樓臺彩筆堪賦朱旗未擬回魚龍應見

事類彙編卷之八

土

待何日下三台

東溟為周廣文題

彼美東溟客襟懷未易量大觀橫萬里靈氣
納三光見說南溟近知非北海狂只應垂釣
者蚤晚遇文王

與王豹山

君家豹山近我去豹山遠孰云隔江海豹山
常在眼文章假大塊有美華而晡當其足露
兩蔚若照星漢云誰陟其顛未可窺以管我

欲偏豹山鑊之以金版力薦當九關帝心諒
茲簡吠犬方信信含情我何敢

次韻胡生行

淮海胡生玉堂客夏鼎商彝能辨識俊采朝
開五色霞高標秋倚千尋壁嗟嗟阮籍哭塗
窮胡生慷慨走西東未遇長風送滄海屢見
落日昏陰虹大藥之成須九轉事功在後始
則蹇雄劍挂壁蛟龍鳴伏匿海恠逃山精世
間寧有客如此百年只作泥塗士健翮終當
萬里飛駿骨自合千金市應有王官收席珍
求

西內

青青桺帶紅橋十日東風雪未消並海樓
臺三島接中天宮觀五雲遙迷茫似說華胥
夢縹緲難瞻繡節朝不是玉皇香案吏却慙
雙眼切煙霄

燈市

太平燈市見都城人擁天街不可行借問道

傍斑白者何如載餉看春耕

花朝

黃金臺下客無聊看鏡深慙齒髮凋尚憶出
門逢穀雨那堪彈鋏過花朝高陽酒伴何由
得杜曲詩人不可招漫向東風拾瑤草想思
誰寄赤欄橋

代送五首

憐君歲晚着烏紗稍喜姑蘇路近家想見停
車子游巷春風桃李正開花

漢家又復珠崖郡文教煩君到海隅為采榴

花多釀酒天塘溪好拂吟鬚

寧山瀘水盡難如振鐸遙知樂有餘五色藤

箱煩寄我黃金臺上要收書

滄山浪山挿太清滄浪水咽舊歌聲當年劇

向曾遊處還許先生一濯纓

聖朝文教盛莆中君去宜張魯國風一首新

詩一杯酒奇山還好看壺公

讀法華經二首

耆闍崛山天地開金繩橫界寶蓮臺欲翻貝
葉靈文字風雨如聞龍象來

誰將錫杖挑袈裟去去靈山路轉賒一笑石壇播影裏飄然身在白牛車

登太白酒樓

襟袂飄飄世界浮天風吹上謫仙樓金龜換酒無狂客落日歸心不可留

書劍篇贈趙別駕

別駕從西來旗力風不颺車捧呂氏刀斗氣光焰焰蛟龍未出匣柰可測神變當其有殺戮唾手走赤電古亦有壯夫跪請上方劍千載揚英風何孟弼炎漢借問石上書恐是循吏傳憂時如使君未許遂歸願

夏日庭槐下作

炎熱去無所棲床庭樹間所欣無吏役永日門長關手把柴桑書聊用開心顏秋花既以落夕鳥亦知還悠悠我心思乃在三神山

九日

秋風日已厲涼露滿豐草故衣晨不溫寒事何太蚤俯從茅宇下仰觀向晴昊來鴈何翩翩群飛志梁稻寒花不肯榮何以開襟抱感茲節候變愧我顏色槁持醪難獨進懷人易

為老賴古有達士詠言以傾倒

送人

萋萋南陌生芳草燕子未歸鶯尚蚤王孫一去幾時歸我有閒愁不能掃綠叢青筍釣寒江而翁高風不可雙相思他日遙相訪莫遣茶烟撲酒缸

題瑞桃卷

萬里東來漢使槎觀遊一倍惜年華何人戲種崑崙核此日真開度索花碧海春光迷島嶼赤城晴色散雲霞披圖為祝西王母天書遙知未有涯

挽鄭母

寒燈影輝輝機杼倚空壁鄭母去何之鄭子懷舊織作歌格真漠長夜路昏黑念此林間鳥中宵啼不怠魂乎蚤歸來慰此栖栖翼

留葉南屏飲西邑何生德安適至歌贈

南屏

葉生葉生世難有不知海上無重九知我籬邊有菊花駕言仰我如山斗我知葉生有高興立斷不待謀諸婦愧我太白五花馬為典

春衣旋沽酒飲酣捉筆掃秋空意氣呼兒剪
春韭葉生響然歌一聲搖落江門萬株柳風
流自許屬之我奴輩何須挂諸口有客不知
何處來醉中忘却為誰某似曾東閣共觀梅
疑是玄都舊攜手一杯相視心莫逆百年此
會事非偶天機袞袞人代速忽復烟花滿林
藪更謀一醉未易得況復常常能聚首辭親
我欲遊燕臺歸去越山君莫哀洗眼看取青
天開

朱松山招飲玉虛宮席間作

朱松山招飲玉虛宮席間作

朱松山招飲玉虛宮席間作

朱松山招飲玉虛宮席間作

蕪沒難尋紫極宮玉虛真境坐冷風星辰北
望天京近淮海東來地脉通自有仙人謠碧
落不須商女唱玲瓏高情為愛松山子載酒
能排阮籍窮

登羊山寺挹翠樓

登臨忽得羊山勝牢落難瞻古佛衣有僧高
卧晝不起之子薄遊春未歸長嘯倚樓悲下
界一時乘興詠斜暉忽忽不借禪堂宿應愧
西林鳥倦飛

新安道中

又是新安道茫然睇眴間流雲停遠樹細雨
失前山稍慰三農望真懷十畝閑不勝鄉國
念何日蹇驢還

過房村東望呂梁諸山

洪上山如帶蒼然入望中何人鑿天險今日
仰神功頗恠經行易貪看峙列雄蹇驢泥路
滑猶勝峭帆風

過九里山

我行九里山朝日未出野雨後山徑險未敢
驅羸馬長望雲冥冥短褐風洒洒行路豈不

朱松山招飲玉虛宮席間作

朱松山招飲玉虛宮席間作

朱松山招飲玉虛宮席間作

疲畢竟閑人寡有僧鋤菜畦意在供蘭若百
年會有盡而我何為者

都門別意為喬沙村作

最是都門別難為旅客情飛騰傷落羽漂泊
愧浮萍孤劍君何往哀歌我自鳴幾時江海
上尋取白鷗盟

長安

鬢髮蕭蕭愧鶚冠風沙獵獵客長安迷塗自
信天難問敝帚其如市不看此地可容通酒
債乃心原只在漁竿旗亭笑撫馮驩鉢任是

無車亦倦彈

游善應寺宿蘭上人房

滿山靈氣貫星槎前殿名香禮法華歲久於
菟渾化石夜深簷蔔盡開花振衣上界天如
洗啜茗西林月易斜為愛遠公禪榻畔絕無
塵土浣煙霞

龍王堂下觀泉

碧崖千丈一泓清決決寒流鏘玉聲不信城
中車馬客能來此地濯塵纓

祕魔巖

書齋詩稿

卷之一

五

山中鎮海寺巖洞晝常開幽恠遁無跡神僧
喚不回倚天猶翠壁逸徑只蒼苔茶罷穿林
去匆匆愧北來

平坡寺阻雨宿中山上人丈室

登臨偶入前朝寺倦撫三生石上苔縹緲香
烟染衣履霏微花雨濕樓臺真遊不覺塵襟
滌勝覽殊無俗駕來珍重高僧能借榻笑顏
應為白雲開

平坡對南

向夕石生潤侵晨人夢歸山雨急如瀉野雲

停不飛小詩題柿葉清隱憶荷衣古佛應如
我他年願不違

華巖洞

為愛華巖洞誰因置石床六丁勤斧鑿二氣
異溫涼物外青霞賞山中白玉堂不須移枕
簞燕坐世堪忘

河水謠

會同河中河水溢水面視田高數尺農人愁
漕卒喜多少白徒待漕米漕卒喜綱運捷農
人愁化魚驚農人化魚猶自可綱運失期愁
殺我

書齋詩稿

卷之一

五

逆風

楚客歸舟愁易生無邊落木送秋聲潏潏山
倒風還逆不信青天有世情

石佛寺夜泊與同舟諸君子談虎

石佛寺前秋月明匣中孤劍寶光橫夜深與
客戲談虎颯颯林梢風欲生

阻南旺

花時作客忽深秋況是闌河苦滯留四十日
行千里路兩三人共一扁舟堂堂歲月如流

水耿耿江湖抱隱憂老大無成悲倦翼白蘋
紅蓼夢芳洲

濟寧雨夜

秋水方漣河秋雨時復作造化寧有他二氣
偶偏駁我行悲永久愁緒轉錯莫慈親苦倚
望閨人怨離索寧知倦遊子正爾愧漂泊何
況三農心腰鎌待西穫

徐洪旅泊

齒齒洪上石河流湍相激天地若震盪何況
不眠客此中誠乃險舟楫何絡繹耦耕且一

事持齋

卷之二

辛

飽千載愧沮溺

白洋河

悠悠南去客又阻白洋河搔首忽傷別扣舷
聊放歌九天瞻日月一念靜風波想得慈親
望秋來鬢易皤

渡淮

不觀淮流壯安知水國雄波聲搖數澤濤勢
接雲空健櫓行天馬狂歌送海鴻飛廉在何
許不與借長風

送別周東溟廣文訓石城

六年前事憶京華共看天門五色霞邂逅逢
君驚皓首奔馳如我愧黃華舊來眼界原空
海老去文章更作家去去石城期一振好音
憑仗寄天涯

題畫

南山老樹堪為薪冰雪滿地饑彌旬枯腸未
可一日渴且博壚頭石凍春

箕踞科頭無管束坐支拳石白雲中一編在
手還多事只合高眠松下風

山峯疊疊樹層層煖翠浮烟霽上騰屹立獨

看松詩齋

卷之一

辛

看孤塔露定知林下有高僧

斜枝夭矯千尋長鱗甲剝落胡髯張夜深海
月落松頂疑是蛟龍吐夜光

聞邊報五首

仍傳虜騎犯邊城太息風塵未易清獨使

至尊懷鉅鹿無聞猛士請長纓臺官不奏旄

頭暗闔帥應慙埃火明多少室家遙引領羽

書何日罷西征

詔書六郡選良家激勵懸知式怒鼉拙劣無
能分虎竹飛揚有夢靜龍沙老臣尚想趙充

國奇策宜收李左車漆室婦人憂獨切不勝
清淚墮悲笳

元戎歲歲出涇陽醜虜年年寇朔方塞外收
功須李牧廷中論將有馮唐北風鼙鼓千山
振西日牙旗十丈黃況是我軍張矢利不難
射殺左賢王

西北星河屢動搖東南輸挽漸蕭條尋常袞
職肝不食百萬龍驤夜擊刁長嘯何人却胡
騎堅城本意絕天驕艱危正倚羣公力坐使
冥冥氛祲消

新詩稿

卷之一

五

消息初聞一盪胃亂離應不到飄蓬周家北
伐車旗盛漢堂中興將士雄虜運未衰方跋
扈王師不戰亦成功中丞羽檄防秋急上策
由來只禦戎

孤鳳吟

翩翩孤鳳皇覽德若不蚤桐枯竹不實毛羽
空自好栖栖枳棘間羣飛共臬鳥虞周曰已
遠徒傷我懷抱胡不歸去來山中有瑤草

騶虞歎

騶虞含至性是不履生蟲紛如百獸內獨與

祥麟同昭昭瑞聖世靄靄楊仁風豺狼之謂
何睥睨山嶼中明神豈不怒奮擊何當容騶
虞復騶虞慎勿傷其衷

長生謠

穀紋羽帳眠西清紅羅梅開花滿盈寶月五
色楊光晶我時靈局湛虛明翩翩兩童調鳳
笙絳節邀我朝玉京切雲之冠瑤綫纓青霞
結佩雙玉鳴超忽九關神不驚守以虎豹羅
千旌帝居五雲虹作楹煌煌萬靈嚴衛兵陛
見帝曰予汝矜七竅隱若天球聲瑤如齒牙

新詩稿

卷之一

五

飛赤瓊予懷汝德白以精青華寶書鐫汝名
汝可下主芙蓉城錫汝母壽山與京蟠桃花
開予汝迎虎拜帝錫超蓬瀛輟然一笑三極
平

官倉穀

官倉穀官倉穀容易入人罪不容易入人腹
野有饑人食豺虎穀在官倉化爲土誰云積
穀官不似守財虜

登雲門山

小立雲門最上頭此時身世亦悠悠三齊舊

壞烟雲溟萬壑悲風草樹秋西北瞻天傷遠目東南浮海憶孤舟日斜羸馬還歸去應被山僧笑浪遊

胸山吟

朝來南引望矯首爲親舍白雲何悠揚遊子不得暇緬思少壯日不肯力耕稼鋤口諒非計飄蓬苦無藉中年從吏祿且欲畢昏嫁饑來謁赤尹廩粟未易借縮舌莫敢吐祇恐遭嫚罵愧彼千里駒局促處轅下天地豈不寬安所稅吾駕日月豈不明漫漫似長夜歸計未成徒爾夢鄉社

石齋詩稿

卷之一

三

贈穆陵關吏

齊國關門亦壯哉時清兵甲靜黃埃煩君認取神仙氣恐有青牛載客來

顧景篇

楊雄草玄日未免歎寂莫寧知霄漢上惴惴自投閣淮陰倦漁釣奔走負雄畧身方享茅土詎意遭束縛魯連既解紛不屑受金爵黃綺定儲位鴻飛脩寥廓貧賤恒苦饑聊可飽藜藿富貴信所欲中有奇禍作所以古志士

不憚死溝壑山齋閉晝寂顧景多愧忤回也獨何心不改簞瓢樂

懷古四言

稽古有人不倦今樂聽惟恐卧先民有作里耳之悅啁啾嘔啞啞其笑矣折揚皇考清廟之瑟朱絃疏越一唱三嘆遺音靡絕已人下里倡和紛紛陽春白雪欲和無人芻蕘可詢釣菲可采敝帚千金孰爲之買原也有云我是用驚黃鍾毀棄瓦釜雷鳴日月之明風霆之震輶賸莫馬吁也可信昔九方臯名善相

石齋詩稿

卷之一

七

馬既得其精我心用寫牝牡驪黃乃其寵者人之所辨臯之所舍明月之珠夜光之璧以暗投人見者辟易豈曰非寶世不察識彼且按劍伊誰之惠井渫不食爲我心惻天門九重孰爲之汲從古則然我心匪石卷而懷之庶幾悅懌

贈石上人

上人行住擁青蓮盡掃狂花丈室前萬變不搖山鬼現一絲閒把象王牽宵携海月經石曉濯天龍卓錫泉去日靈山曾說法袈裟

猶染舊香烟

在陳嘆

池鼃爾何爲聒聒鳴未休
綢繆爭噉噉林之幽二蟲
方自適不奈羈人愁南冠
者誰子中夜揚齊謳非有
陳蔡厄無乃簞歌憂蚤歲
拙生計栖栖慙薄遊晨出
采藜藿白雲望悠悠何以
慰吾懷伊人在西周

久雨

天意如何似雲陰不肯開
兩將周甲子田已半汙菜
海嶽無靈氣春秋有異災
江南連數

君謠詩稿

卷之一

美

歲赤早轉堪哀

雲謠四弄

臣家白雲邊帝宅紅雲裏
紅雲與白雲咫尺萬里

帝宅紅雲裏臣家白雲邊
白雲隔紅雲欲見無因緣

瞻彼白雲中兀坐西王母
指山稱壽考酌海爲杯酒

瞻彼紅雲中千仞黃金闕
號令馳風雷鑒衡

懸日月

賈胡曲

紛紛諸賈胡擾擾趨東海
蜃蛤易爲售明月誰能采

鳴鼃詠

嗷嗷憐汝鼃聒聒云何事
不及糾糾時依稀似文字

懷賢吟

梁鴻賃舂日寄人簷宇下
尚平志遠遊苦未畢昏嫁

在齊嘆

歸雲瞻渺渺倦鳥慙栖栖
憑誰寄尼父韶令不在齊

君謠詩稿

卷之一

美

皇考曲

皇考笑者多白雪和者寡
知音苟不存此曲爲誰寫

秋夜

新秋旅思何由平不寐起
看山月晴斗杓揅地迫莫
接河漢橫空斜欲傾千林
正當落木候四野况復莎
鷄鳴故鄉無計可歸去
難爲此夜情

廣文馬

廣文馬失之瘦顧瞻樞中鮮芻豆馬如游龍
金作鞍不問可知州縣官

懷居雲子

中山武寧王裔孫

徐王孫馬所居家居五雲中飄飄凌雲賦子
虛口自吐出明月珠懶讀古人糟粕書有足
不肯沾汙渠手鞭風霆駕雲車彼攀龍鳳勢
赫如瑣尾視之等妾魚鳳皇臺上吊古跡獨
與李白同襟裾我昔曩詩謁王孫傾蓋許我
登龍門謂我胷中有奇氣不若餘子蟲處禪
石點詩稿

卷之二

走

山川間之日月奔思之不見傷我魂寧與王
孫相讐冤不願他人同笑言膏梁紉褲徒紛
紛習氣俗下何足論奈何乎一在山之東一
在江之左中間豈無羊角風蓬然載君還載
我雲將崔嵬過鴻濛遊三神山奚不可

觀小兒剃頭

剃髮每驚啼凡骨未爲駿孔家有英物延頸
受白刃

秋蛺蝶

翩翩雙蛺蝶遊戲花叢裏未省怕秋風旦夕

且歡喜

再遊雲門山

百折盤旋經地險千尋萃律上雲門登臨頗
念青齊古指顧遙憐海嶽尊秋興只應山有
助舊題何況墨猶存洞天巖月襟期在還與
幽人一笑論

贈顏將軍代人

千里河山一望平東南將帥厭談兵詩人父
歆花門詠戍卒長嬉黍地耕幕府非時陳俎
豆朝廷本意在干城憑君好戒無虞日見

事舉詩稿

卷之二

走

說邊塵未易清

曉起

東南海上是吾家三載飄零祗自嗟客子衣
裳慙木葉家園風景負梅花悠悠曉夢何由
覺衮衮春愁未有涯憑仗新詩相慰藉一吟
驚起樹頭鴉

書感

行藏恰似春來樹花謝花開樹不知若道東
風能著力問君花謝是何時

二月二十四日作

二月行將盡山花未見開賞心何處寄鄉信
幾時來歸去悲無計淹留愧不才孤吟對
草那得寸心灰

春日喜客招飲

林花未動柳初黃海燕西飛日載陽劇飲喜
從文字後高風想見舞雩狂且拋塵鞅三
外好振荷衣千仞岡坐對胸山還一笑短
歌聊復答春光

次韻

莫嗟老鬢半蒼黃且喜山齋景艷陽鯨吸我
石齋詩稿

卷之一

七

無絲繒量鳳歌天縱接輿狂叢談已快風生
席藻句仍貪玉出岡待月不來還秉燭肯教
容易負春光

次韻答草堂廣文

西齋老子未華巔談頃新詩可數篇隨意彩
毫飛素練有時白眼望青天酒錢世少蘇司
業經筭人誇邊孝先君自江南我江北相逢
何幸杏壇前

生朝

五十四年吾笑吾此身猶自在泥塗慈親老

矣喜無恙遊子塊然甘守株酒禁未開花欲
謝卿書待寄鴈難呼白雲回首何顏面得似
枝頭返哺鳥

漫書

山城豈不厭栖遲歸計悠悠費我思僻地况
無書可借冷官兼愧俸難支十年病肺妨開
酒三月看花懶作詩却笑東風吹老鬢撩人
短髮故絲絲

次韻草堂喜雨

一雨應知麥有秋化工殊不負啼鳩三農頗
石齋詩稿

卷之一

七

慰來蘇望五斗猶賒乞索愁海嶽適看靈氣
降山川還恐暮雲收翻嫌杞國人多事不爲
蒼生也白頭

雨後行西園

高鳥如窺幽客來坐吟深樹亦悠哉雨餘物
色未全減紅白蜀葵花正開

紅花歌

莫道紅花易紅花采亦難芒刺如針攢葉端
采之須及露朱乾花間曉露方濛濛煌煌日
已來東芳終朝不能盈一筐人言十夫采紅

花不如一女自采桑按洗湏令水盡黃黃色
淨盡紅乃章那知花一筐欲費水數缸舉世
盡愛紅朱裳服之不衷身乃殃君胡不見鄭
子臧我作此歌還自料兒女聞之應見笑

午睡聞雨

午睡何曾着仍聞簷溜聲天雖行月令雨不
近人情貧病憑誰話悲歌強自鳴千秋賴原
憲數語慰平生

晨起小雨中童子掃地

枕上還家夢江頭把釣回城鴉呼客起山雨

石路詩稿

卷之一

五

爲誰來舊約無從踐新詩不待催今朝莫掃
地鳥跡在蒼苔

歸思

寂寂無詩句何由見肺肝病思拋藥易貧欲
廢書難可是宜藏櫃云胡不挂冠數椽依澗
谷有愧碩人寬

夜坐

今夕喜晴霽寥寥雙眼空星河橫碧落天地
敞朱宮孤坐朗吟發四山涼氣通何須列禦
寇誇誕御冷風

短歌

花下晚風吹鬢毛可堪幽意正滿騷鼠肝蟲
臂吾何憾螺贏螟蛉方自豪老眼且饒觀海
嶽浪遊無乃負江臯不容胃次有芥蒂憑仗
短歌開鬱陶

獨坐

樽散誰能顧廣文著書人亦笑河汾畧無奇
策干黃閣大有閒心愛白雲客裏年光何裒
袞眼前時態正紛紛胡床獨自墻陰坐吟就
西林已夕照

石路詩稿

卷之一

五

立秋夜作

天上星河浩蕩流人間節候劇行舟坐看山
月忽過午想見井梧先得秋烏鵲南飛闕旅
思鱸魚正美入鄉愁寒衣欲寄慈親遠吟倚
西風愧薄遊

秋日坐井上

古井人不汲泠泠貯寒泉我時坐其傍撫事
心惻焉秋雲浮遠空夕照桑榆邊豈不傷我
懷遠樹號寒蟬借問張侯子誰能挽流年風
人詠蟋蟀徵士賦園田杳杳今昔情欲話無

此賢

苦瓜歌

山童戲種何物瓜黃金幻出妖蝦蟇為從何
處授奇術滿腹錯落藏丹砂嬌痴兒女頗饕
餮入口浪擬食朱霞謂予服食倘不厭年貌
可視蟪蛄桃化世間自有肉食輩好以大嚼相
矜誇平生盤饌盡珍異此物何足置齒牙古
今食色本同性奈何賦命有等差貧賤自湏
甘淡薄東門種瓜亦不惡

金鳳花

石齋詩稿

朱之一

三

金鳳花千羣紫鳳飛交加花樹空鳳兮鳳兮
喜乘風香風泠泠鳳飛去主人不可無佳句
誰能載酒開花處

讀剪燈新餘話

二老文章我不能妖淫恠誕類無徵青天白
日談何事費盡工夫夜剪燈

落葉

西園落葉已如鋪無樹可藏城上烏不獨高
情有張翰秋風吾亦憶尊鱸

容箴

山叢藏疾河海納汙其高其大有以也夫淺
夫狹中見不善至心有芥蒂背若芒刺讒諂
嫉妬自蹈於凶若一箇臣休休有容澄之不
清挽之不濁如黃叔度云胡不樂凡百君子
敬而聽之不念舊惡夷齊我師

忍箴

一朝之忿忘身及親惑之不辨于何其臻惟
怒之發如火烈烈不可扇揚祇可撲滅鴉鳴
而怒犬吠而嗔彼則禽獸汝為何人膝下受
辱圯上進履豈不慙惡事過堪喜凡百君子
敬而聽之橫逆三反輒為我師

石齋詩稿

卷之一

三

題半村卷

竹徑瓜畦帶草門風烟草樹自成村閑中未
必無功課為寫農書教子孫

宿龍泉寺

一宿龍泉寺三生感慨中驅馳慙俗駕留戀
喜靈宮法界星辰爽山門水月空上方鐘鼓
動又自轉萍蓬

寄徐麓庄

南州高士近何如契濶還憐興有餘相送行

舟能載酒自從賓館不歌魚雲山忽漫懷幽
約江海何緣返敝廬便好溪邊尋釣石典衣
傾倒舊襟裾

寄屈鶴嶼

愛汝幽栖處薰葭葭水一方風情存鶴嶼烟景
接魚梁自覺鶯塵迥還憐晝日長只應名利
念渾不動滄浪

九日

客裏年光轉轂頻可堪隨事只因循白雲忍
縱登高目黃菊其如抱病身不飲喜無人送

石磬詩稿

卷之二

三

酒浪遊差與世同塵髮今種種時如此奈爾
風前舊葛巾

雪中兒直有人憐滿樹梅花發我恠孤
城酒價高之句爲更數字且足成之

天際亂山排玉几案頭吟筆凍霜毫且看滿
樹梅花發莫恠孤城酒價高三日閉門歌慷慨
百年回首興滿騷飄零有子能相慰不愧
而翁已二毛

次韻夏將軍遊張園二首

春困憐人懶欣看使者來新篇驚彩筆高卧

憶蒼苔太息花將盡深慙酒未開將軍不作
意誰與共幽懷

爲問看花者誰家酒易謀山能青客眼雪欲
白人頭世路如何可年光不肯留張園尚可
借吾與爾重遊

病眼

十日病眼因廢書花鳥笑人閑酒壺鴟鵂自
與海播蕩日月未覺天模糊形骸我忘牝牡
馬疑似訛辨雌雄烏曉開玉筍出金鏡照見
靈臺涵太虛

石磬詩稿

卷之二

三

雪夜

鬱鬱吾居此流光轉轂頻美雛懷有母捫虱
話無人年譜添書目晨炊掃甌塵潛夫論自
好何暇着詩神

歲暮二首

風雪歲云暮閉門思故鄉嬌痴憐小女慈壽
念高堂蓬轉何由定書成未寄將况逢軍旅
事郡縣正皇皇

悠悠去鄉國鬱鬱客山城終日有歸思敢云
無宦情流光轉轂身世一流萍吾道將焉

託滄浪可濯纓

和唐人塞下曲

獵獵風沙昏四野
嫖姚戰勝臯蘭下
笳鼓喧轟塞外歸
漢兵一片騎蕃馬

贈雲岩僧四首

水中月色鏡中花
花月能爲水鏡瑕
一點不留清淨地
白豪光裏着袈裟
惆悵雲岩寺裏僧
一僧宵點一枝燈
煩師爲指光明藏
不作冥迷隔紙繩

娑伽羅僧梵天宗
心持半偈能降龍
早年乞

石谿詩稿

卷之一

七

借慈雲力雨我公
田蘇病農

牛山老松千歲強
松頂蒼藤百尺長
斗大茯苓時掘得
逢人未可道休糧

題畫菜

披圖興意已超然
老圃風光晚更妍
笑捧腐儒藜苒腹
雖看鼎食不流涎

夏將軍飲酣出示二劍爲作短歌

君真虎將我儒冠
花底酣歌興未闌
一笑萬金雙寶劍
不教西去斬樓蘭

書事

江淮水旱盜紛紛
里社瀟條更忍論
米價未騰貧到骨
兵符欲下痛消魂
荒墳漸少人添土
空屋仍多吏打門
目擊耳聞今日事
傷心不獨石濠邨

秋夕

胡床坐據草堂幽
月色蛩聲相對愁
昨夢悠悠水東逝
中宵忽忽火西流
風高鴻鴈于飛急
江冷芙蓉不奈秋
世路難行機事拙
可堪仍抱杞人憂

雨夜懷直兒

石谿詩稿

卷之一

三十九

高情尚想蘇司業
齋舍誰憐鄭廣文
苦雨淒風相間作
空山落木不堪聞
一衾似鐵寒無寐
半壁殘燈夜未分
今夕吾兒宿何處
客愁鄉思共紛紛

嚴石谿詩稿一卷終

嚴石谿詩稿卷之二

真游

有山峻極煙霄外俯睨湯湯河漢流玉陛丹
臺九級上珠宮貝闕五雲浮星官問客金光
草天女朝真紫綺裘坐頃飈車經北斗鳳笙
吹月下瀛洲

華陽洞

見說華陽洞空明別一天太初無虎豹常日
貯神仙石磴雲霞合珠窓日月懸幾時乘鶴
去燈火夜參玄

十月十九日飲斗野公籬下

一壺忍負經年約十月來追九日情花儘後
時還出色酒無深趣不留名主人況有清尊
在老我焉知白髮生今夕未應吟思澁借分
殘燭待詩成

送潘進田

藻思憐潘岳塵埃識者希閑居空有賦卒歲
苦無衣館閣期相引雲霄阻一飛誰能解金
劍臨水送將歸

秋胡子

新昏豈不樂去去汝何易豈無兒女情屬有

四方志慈親在高堂短景迫西逝望望日倚
閭遊子行不至彼美閨中人井臼苦勞瘁卒
歲念無衣春日親蠹事采采陌上桑獵獵桑
下騎喋喋致言辭草草生脾睨妾心苟無瑕
黃金何足貴提筐徑趨姑入室慙見壻忘親
非令子誘女非吉士妾身雖有眼忍見此狂
悖重惜平生心不忍一朝恚寧甘赴長河苟
活非妾意不聞秋胡子臨喪欲何謂

送姚廣文

夫子千人俊卑栖奈若何文章天有漢意氣
海無波報國存劍膏車佇息戈淮濱須雅
頌吾道未蹉跎

與奚星樓

避寇客揚州新詩感舊遊請纓君落莫操瑟
我淹留世已無青眼人今且白頭劇談豪氣
發時見拂吳鉤

飲吞海亭

人間何處堪消暑借此江風吹鬢毛潮上樓
臺浮島嶼山空鐘磬出波濤狂歌一曲僧能

和濁酒三杯世可逃底事潢池兵未息空聞
長劍倚天高

客夜

鬱鬱淹留念此時奈無才可濟艱危鳴蜩入
夜綠誰作羈客逢秋祇自悲西北忍聞豺虎
闌東南愁見鴈鴻饑因懷海不揚波日白石
滄江釣可垂

重遊大明寺

江北江南天地秋江山無恙我重遊蕭蕭草
樹道傍墓閔閔旌旗城上樓一笑海波何日

蘇詩稿

卷之二

三

靜三杯羽客偶同謳憑君莫及西疇話此事
宜闌肉食憂

壽尹道士六十

一任流年周甲子那能中夜守庚申閑梳鶴
髮星辰曉笑撫桃花海嶽春

飲迷樓分韻得里字

飲酣吟思劇日夕悲風起憑高聊一望極目
可千里天涯吾欲歸海上兵未洗緬惟經濟
人倘寄樵漁裏

九日

縱飲宜賒竹葉春可堪佳節轉傷神江湖白
髮吾將老籬落黃華他自新酒貴道傍無醉
客時危澤畔有騷人羽書日望南征捷滿眼
烟雲愁戰塵

初冬日偕月翁過訪野巢董翁留飲籬
下

拄杖敲門日已斜清尊小坐故人家百年取
醉三杯酒十月來尋九日花青眼未能看濁
世白頭何限愧烏紗遙遙契濶今如此慙負
平生書五車

蘇詩稿

卷之二

四

送曹一松少府因懷乃弟于野上舍

江風海月幾狂顛記得山堂託宿年老我泥
塗今落落喜君文采尚翩翩高標不愧藍田
石餘事宜崇雪竇禪卿國才名如令弟可能
吟憶廣文甄

初秋雨夜

急雨空階夜有聲新愁往事共牽縈三鱣尚
自知楊震一鷄憑誰薦禰衡旅客乘流欲東
下王師何日罷南征起來獨據胡床坐一夕
秋風白髮生

舟過甲馬營值暴風雨阻泊

日夕行經甲馬營河流屈曲路迴紆扁舟野
泊自無賴急雨盆翻胡不情歸夢未應鵬海
隔羈愁可奈縐毛生因悲蟋蟀綠何事向曉
猶聞唧唧聲

舟行偶見芳樹白雲天水相映

仲秋行且盡殘暑氣轉盛偶茲蓬窓坐聊以
悅吾性夕陽在西嶺風止水復淨白雲與芳
樹歷歷影空鏡我心亦泠然倚棹發孤詠

風逆甚舟膠岸側莫進篙槳甚勞有田

嘉善詩稿

卷之三

五

二

父方倚樹傍觀意態甚閑心頗愧之因
成短述

河濱有野老倚樹看操舟田作雖云苦風波
非所憂可能知倦客本意在西疇長物猶存
劍因君欲買牛

清河縣

清河元小邑蕩析亦堪憐舊賦單中戶新差
鬻上田燒焚悲劫火逋負累丁錢不住還牽
送分關載貨船

不寐

客路何悠悠我心亦靡樂空聞 空魚有媿

鳴臯鶴風波良可畏塵網苦自縛達旦不成
眠天風響蓬索

游仙詞四首

何處真官朝太清半夜風吹環珮聲青鸞白
鷗蒼蒼際叫破海山秋月明

度索山下蟠桃花一萬里路蒸紅霞昨宵王
母山頭過遙駐七香金鳳車

蓬壺仙人星謁衣身騎白鶴周游飛秋空冥
冥望不極手搥芙蓉何處歸

嘉善詩稿

卷之三

六

金光明宮飄異香仙者虎豹為衣裳白日騎
龍九天上聞誦洞玄皈命章

秋日雨中

節序匆匆悲老大利名滾滾混塵埃牢愁不
逐暮雲散病耳忽驚秋雨來高價何人酬敵

帚衡門竟日閉蒼苔一尊我欲對花飲窓下
木犀猶未開

臺試秋水澄清

西風天雨霜洞庭木葉下鏡光晨不搖星點
夜可數孤影成往還百憂洗今古何由借長

鱸一印魚龍譜

桐江歌三章

高臺疑恠兩亭亭東一臺應屬客星西下一
臺誰管領千年空自挿青冥
奔馳犀象兩山開屈曲蛇龍一水來次第看
山還看雪小舟吟嘯亦悠哉
斜日停舟大浪灘瓦盆沽酒就漁竿儘多漁
者無魚買見說漁樵也自難

金華道中二首

曲折金華路連山勢若屯清溪無釣者灌木
有樵人積石地藏險寒林天借春居然娛過
客何以業貧民
石徑時看過樵擔扁舟可惜載浮名青山不
斷雲邊去白髮無情客裏生數里溪灘幾深
淺一旬風雨屢陰晴今朝蓬底欠詩句似未
曾經此地行

縉雲道中

獵獵陰風憐客顏此行贏得鬢毛斑
翻思說法黃龍寺似勝哦詩石馬山始信羊腸多屈
曲曾聞鳥道最間關驅馳未是行人事十畝

桑田何自開

嶺道

攢峯峭壁渺雲烟極力躋攀亦可憐我爲越
山生白髮人歌蜀道上青天伶俜自愧身爲
客飛動誰能骨有仙遙憶江鄉舊知己清尊
吟笑蚤梅邊

宿石塘

山行吾意正淒迷託宿爲經山下蹊中夜有
風疑過虎西林落月卧聞鷄自憐兩翼不勝
倦何處一枝聊可栖多謝主人能掃榻醉眠
如在浣花溪

砧

西風窓戶流螢入飛飛照見閨中泣九月征
人未授衣隣姬莫訝砧聲急

紀夢

四顧茫然世界浮手携毫素此夷猶蒼涼月
露仙人掌縹渺雲霞帝子樓自寫瑤篇瑤碧
落相邀珠佩戲玄洲風聲喚醒中宵鶴一笑
華胥夢裏遊

桃花

我有尺素書欲寄雙飛燕所歡在天末迢遞
何由見歲華爭代謝客色易遷變悵望天桃
花照眼紅蕖滿

留別鍾明府

蒼山遙映古綸巾又自孤槎向北辰身世萍
蓬長浪迹江河風雨正迷津三年操瑟慙爲
客一笑揮金謝主人天地茫茫從此別還期
馬首挹清塵

遊紫陽菴

紫陽菴好聞人說此日來吟閭闔風天路躋
攀山宛轉樓臺掩映石玲瓏真仙不返千年
鶴薄宦長飛四海蓬今古鏡題滿崖壁滔滔
耳老利名中

中秋夜泊北新關

佳節其如無勝賞孤槎可奈對晴空鮮衣沽
酒爲誰飲橫槊賦詩徒自雄月在湖山應更
好船多書畫未爲窮三年想像中秋夜盡落
霸愁旅況中

遊塘西寺

西風落日此維舟暫向塘西寺裏遊劫火兩

廊無梵唄凌空百尺有鍾樓祇園樹在烏鳥
樂法界塵埋龍象愁坐聽殘僧談寇盜不知
騷客正悲秋

吳江舟中

篙師解纜趁朝鷄水闊雲長月漸低第四日
船風轉逆幾多年客路猶迷不堪舉目愁如
海只合終朝醉似泥南國人家足杭稻差科
可奈何蒸黎

客星歎

我行江南路不遇江南人山水既以佳秋色
况新鮮奈無杯中物局局傷我神吾方古爲
徒誰謂德有隣客星在江湖渺如一纖塵自
非橐中裝咄咄難問津

遊虎丘寺

境入虛空天闕近盤多曲折梵宮幽千年意
氣懷龍劍一笑精靈見虎丘僧住翠微禪寂
寂人吟碧落興悠悠最高臺殿橫青眼不負
南來是此遊

逆風

北船風與便輕帆去如飛南船方逆浪欲進

苦力微鷄鳴輒解纜維舟忽斜暉牽挽一何
勞計程一何希風波日滔滔不出食與衣何
如東陵瓜不及西山薇閑閑有桑者思與尔
同歸

憇新安田家樹下

河涿枯楊樹借之維我舟我舟息其下長風
吹未休波濤何洶湧短髮寒飈飈締綵不爲
用客塗寡衣裘村中暮砧急胡然生我愁草
野何足歎遠爲邊戍憂鐵衣不暇解帶霜眠
隴頭

蘇詩稿

卷之二

上

逆風

誰謂江河遠我憐僮僕饑逆風狂不轉歸鳥
倦還飛老矣懷茅屋淒其歎焉衣丹陽在何
處林杪又斜暉

丹陽泊宿

小舟原利涉扼此北風狂無翼可飛去有身
難退藏江湖生白髮月露宿丹陽寂寂孤蓬
底勞歌夜未央

渡江

南遊感慨鬢毛新四顧茫然笑此身空有歌

詞泣山鬼都無尊酒酌波神羣龍戲海潮生
岸一葦橫江月近人柔櫓數聲吟欲就金焦
回首隔嶙峋

宿瓜洲

昨夜宿江南今夜宿江北江北視江南祇有
一水隔江南非不好鬱鬱愁作客我里雖蕭
條宅可蔽床席我跡在泥塗我心在水石弛
檐苦未期會有東山役

夏日雨中

蘇詩稿

卷之三

上

霖潦偶因停刺謁此時情思轉悽然泥塗老
作三齊客風雨寒生六月天病眼廢書春復
夏倦游懷土日如年宵來有夢憑誰說看美
漁舟海樹邊

送松山丘遊肇西還

島夷踪跡適先聲六月飛書報太平喜氣遙
瞻生北極壯猷端合佐中興麒麟舊數山西
將魚鳥新歸海上兵不用腐儒憂醜虜天教
老眼識長城

秋日奎光樓對雨

東郡藏書百尺樓飄飄何意我來遊雲天送

日冥鴻晚風雨憑欄海樹秋狂飲未能忘社
酒流離空自賦荒丘人間尚有藝香閣頭白
昏昏也合休

與東方海鶴三首

千年海鶴今來歸疑是故人丁令威安能脫
去世間網時與孤雲相伴飛
人間自有東方生天上幾年無歲星將相足
跡遍四海雙眼不知誰爲青
翩翩縞衣遊太虛吞舟下視海大魚三神山
知在何處爲我寄之金玉書

嘉路詩稿

卷之三

七

雪中招海鶴道人

猛風夜吹海水凍碧樹欲折蟠桃僵不知老
鶴作何狀請來爲我覩霞觴

宿谷泉上人房

爲愛靈巖寺雲堂借榻眠前身疑作佛今夕
夢遊仙臺殿星河近山川海岱連上方鐘鼓
動情境正悠然

宿南天門

偶同浮丘生上禮蒼蒼天是時西崑崙返照
東蓬玄灝氣方彌漫四顧何茫然風猛不可

留歸興飛雲翩翩振衣復冉冉餘香煙訖
宿南天門北斗當我前吹噓青扶藜吟誦瓊
瑤篇藏書擬名山絕粒懷真仙下方多囂塵
何由謝諸緣

偶書

鬱鬱久居此悠悠祇自嗟春愁心潦草夜讀
眼昏花老欲藏孤劍貧思鬻五車何由滄海
上浩蕩泛仙槎

旅夜

挂壁羞看古劍長天涯歲晚客情傷宵吟達

嘉路詩稿

卷之三

七

旦愁無賴冬暖如春歲有祥東閣梅花誰燕
賞西園蝴蝶自飛揚相親愛汝寒燈在照見
蕭蕭鬢上霜

人日

歲月忽驚蓬鬢改山川遙憶草堂靈一詩偶
自題人日四海憑誰問客星浮世忍看多變
態故鄉知隔幾長亭依依得似官河柳笑倚
東風眼獨青

夢中作

黃金鍛養烏老鴉西飛東走不還家道人彈

指東風裏九見鶯啼鐵樹花

次韻印峰潘廣文思鄉

五車存舊業孤劍客他鄉不見囊中物惟添
鬢上霜老語人事拙懶厭宦塗忙聞說河流
遠相思轉更長

雨中春色

江烟漠漠海溟溟風景難忘舊草亭尚想林
花寒飲態遙知野曉暗回青迷茫竹徑天何
遠暮歷桑田雨既零向夕簷牙無返照憑誰
指點少微星

春日漫興

老大童心猶自在可堪役役未能休迷塗與
世夢分鹿插架笑人書汗牛望裏家山徒四
壁吟邊野渡有孤舟春城渙渙環秋水二月
無花何處遊

花朝日歷馬生駒適滿一月感而有作

東風不管客無聊萬里長吹百草搖我馬方
春生汗血隣鷄侵曉報花朝家園苦憶關河
隔歲月徒傷髀肉消老矣壯心誰共語空吟
愁緒柳千條

題江梅千城卷

江梅何多難頻年未解兵島夷窺上國邊將
失長城戰伐遙思虎飛揚舊有鷹桓桓姜別
駕坐鎮赤威聲

題舜廟

虞舜生諸馮死葬蒼梧野蓋井謨都君恐出
好事者此邦崇廟貌有井宮墻下豈當東巡
時遺澤在鰥寡年深屋壁壞像設仍儼雅朝
家三大節門廡填車馬遠臣懷側陋老淚爲
沾灑何如碧霞宮金爐爇香炮

二猫

我家雙狸奴遠勝如兒孫黃狸喜捕鼠鼠輩
爲逃奔黑狸好竊鷄鷄雛無復存吾欲誅黑
狸醜嫌吾少恩黃狸作虎士可以衛君門

次韻南洲

湖上有人晨見尋邀我共聽黃鸝音落花啼
鳥苦無賴碧水蒼山宜一吟鶴髮不知此身
老漁竿偶觸當年心彈歌作客愧吾黨把釣
何自春江潯

又一首

湖水原幽勝今朝始一遊
樞衣趨大雅折簡籍名流
樓閣神仙近山川世界浮
桃花應笑我醉倒木蘭舟

再次岱翁韻

仙侶春移湖上舟風光歷歷晚烟收
只應山色橫青眼未許花枝笑白頭
莫道前身非學士更從何處覓瀛洲
飄然會有乘桴興知是不爲魚鳥羞

此
春夜同南洲解元飲嶼翁中庭歸而賦

東齋書稿

卷之二

七

曉時飽脫粟無事吾欲眠老眼忌燈燭高閣
書一編門有剥啄聲我時意欣然念無田租
負知非索公錢開戶視蒼蒼酒星方在天威
茲南隣叟相呼夜談玄張華信博物辯口黃
河懸五經載腹笥坐有邊孝先展席就明月
揮杯話當年飯牛不逢堯駿骨思售燕窮塗
哭猖狂解組懷昔賢飲醇不覺醉起舞庭花
前丈夫重義氣書劍常周旋豈無風雲會遂
爾溝壑捐

贈遜齋先生

晋代風流張季鷹天涯邂逅蓋須傾仙靈爲
憶茅山木意氣曾彈謝簿箏拜舞無時忘彩
服淹留未欲縛塵纓憑誰與借雙黃鶴汗漫
同遊白玉京

贈崔舍人

詩賦舊傳黃鶴樓新恩載筆侍宸旒龍頭喜
見巍科士虎節來從大邑周風采獨傾三館
望圖書不惜百金收棲遲爲借鷦鷯地自愧
平生只薄遊

畫梅爲印翁題

東齋書稿

卷之二

七

巖崖隱高空虛無不可見是時歲云暮冰雪
迷宇縣不知何樹木能與北風戰枝柯鐵屈
曲華萼玉璀璨雖非星辰上觀者咸仰面安
得羅浮仙連袂遊汗漫相將影婆娑一寫情
繾綣誰謂屋壁間光景開素練精工憐意匠
慘淡合神變故應山谷中今古共歆艷

秋日嶼翁太傅少洲學士携遊釣魚臺

騷人興爲悲秋發公子情多載酒來昨夢未
能忘虎穴本懷常自釣魚臺一年節序重陽
逼四面河山笑口開颯颯西風吹老鬢不教

半點著塵埃

寧陽道中

四野鷄聲催曉發
舊書慙媿橐中裝
霜風淒緊客裘敝
村落蕭條山路長
人笑形容塵臧沒
自憐愁緒海冥茫
憑誰爲喚蘭陵酒
一曲勞歌慰老狂

旅思

向誰論旅思
徒自感年華
愁與客爲敵
夢先人到家
滿頭生白髮
三徑媿黃花
想像村中酒
依然未易賒

石齋詩稿

卷三

十九

泊新店

卧聞新店人家鷄
身世可堪猶在齊
滔滔波流水就下
耿耿星漢天傾西
衣裳已覺歲時變
舟楫未應津渡迷
經年萍梗只漂泊
一簑何自漁清溪

宿師家莊

官河流水何洋洋
吾舟仍阻師家莊
獨看歸鳥落天際
誰問騷人吟澤傍
詩思牽縈行路澁
羈愁贏得鬢毛蒼
只應妻子遙憐我
腸斷西風吹夕陽

穀亭阻閘憇河東碧霞宮中

偶爾憑高舒望眼
誰能載酒慰飄蓬
萬家禾黍秋成後
千里河山夕照中
有客追趨青瑣闥
無人遊憩碧霞宮
羈縻亦自樊籠鳥
仰媿冥冥天際鴻

阻閘九月十三日

冠蓋紛紛相送迎
扁舟繫纜若爲情
一壺何處酒堪醉
九月今朝天喜晴
蜀鳥勸人歸去好
海鷗憐汝往來輕
家園咫尺滄江上
世路其如未易行

石齋詩稿

卷三

二十

八里灣

客中已過重陽節
頭上空餘漉酒巾
妻子故知難脫屣
儒冠無乃不謀身
那堪八里灣頭閘
又阻孤吟澤畔人
落木蕭蕭風颯颯
此時行李正迷津

歌風臺

行經歌風臺
風勁不可堂
相將撼海嶽
何止雲飛揚
高皇思猛士
寧不爲苞桑
韓彭既菹醢
平勃亦周章
幕中無留侯
漢運孰維綱
百代事相感
扣舷歌慨慷
騏驥日千里
男子志

四方而我獨何爲無由騁康莊匏瓜繫不食
老大徒悲傷

大沽頭

酒旗相望大沽頭疾風吹河河倒流愁極故
應謀一醉誰能愛惜敝貂裘

下境下

疾風爾何來烈烈吹洪河聒天響崩浪連雲
擁層波強陽舞鷗鵬絕力翻蛟鼉我舟才一
篙如此險絕何方思理舟楫所媿縻網羅天
明下彭城滿意山之阿

石鑿詩稿

卷之二

三

過呂梁

幸自南來無間阻其如不借北船風三杯正
爾看孤劍一笑悠然過兩洪戎馬有人曾攀
揖乾坤老我尚飄蓬憑誰爲報東籬菊取次
開花待若翁

舟子殺羊賽神

下洪舟子何欣欣船頭殺羊賽河神奈無田
父將鷄黍來問淹留旅食人

舟中聞鷄

吾衰聞鷄不成舞其氣硤礧猶難降登樓空

有客懷土擊楫奈無人誓江何由北風送帆
席偶見西月當蓬窓此時只合酩然醉安得
跳舟魚一雙

翫珠亭

射陽湖水海相連聞有珠光上接天惆悵翫
珠亭廢久滿湖秋水帶寒烟

捫蠡

敝袴年深蠹蝨生燈前兒女出奇兵七擒擬
破南荒膽一掃將空朔漠營遺育肯教留罽
隙逋誅何況肆縱橫當時意氣如王猛已視

石鑿詩稿

卷之七

七

桓温不翅輕

懶吟

驅馳何止媿迂疎株守年來喜遂初閒不種
花緣止酒老難投筆苦傭書蠶桑自笑無營
業龜笑誰能爲卜居欲寄沅湘春信息碧波
千里倩雙魚

懷竹溪少府

黃金臺下客思家春興茫茫未有涯江左風
流詠桃葉羅浮仙子夢梅花黑貂裘敝書難
上金錯囊空酒易賒旅食淹留君莫歎白頭

偏喜映烏紗

再寄少府來書有人物論因詩見意

老大爲丞苦未聾新辭喜聽唱玲瓏歌唇小
妓櫻桃赤酒色長安琥珀濃談笑君方輕七
貴盤桓我自撫孤松敢將身命論窮達猶勝
梁鴻只負春

書感

文史高連棟簞瓢媿老妻無人抄舊藁有客
問新題自笑平生懶誰傾舉世迷溪堂少塵
事拋食祝雛鷄

書感

卷之二

三

書感

鷓鴣夜撮蚤自照不及螢衆蟻方慕蠶夏蟲
乃疑冰九夷何可居七尺空有藤飄然躡一
簫西去懷神僧

長饑僧

饑來赤脚踏層冰不着袈裟不拄藤遶澗獨
尋松栢子前身疑是五臺僧

贈龔培峯山人

五經家世名南州伊人獨向青囊求牛眠是
處有佳地庖丁眼底無金牛

次韻李草堂扇面

桃花渡頭春水深春風搖曳渡江心錦袍爲
黃金陵酒還就桃花樹下斟

沙實齋招食河豚

漁舟杳不在江村浙浙春寒惱客魂却喜東
隣開臘甕杏花時節見河豚

茱萸灣見杏花

顛風已自舟難進村遠愁呼酒不來海上羣
芳殊未動茱萸灣裏杏花開

題尹玄古神仙得渡卷子

本齋書齋

卷之二

事

滄洲水雲亂蕙葭野風搖漾舟橫斜高眠有
夢落何處相招羽客遊青華

采桑女

采桑女采桑勿采柘柘刺鉤人衣高堂恐驚
嚇紉補遲遲歸歸遲蠶苦饑我心憂靡定不
覺臧客輝采桑女勿采柘但采桑蠶饑猶自
可慎勿戚高堂

苦雨

積雨經旬只索居冥冥天道欲何如可堪無
客與談虎不見有人來賣魚撥悶偶因成短

述得閑聊復檢殘書杜陵茅屋床床漏牖戶
綢繆計已疎

寄楊茶府

漢將樓船鼓角鳴長帆西去海雲橫無志魚
鳥沙頭別有待麒麟閣上名耳熱放歌曾拔
劍夜長剪燭憶論兵襟期未覺揚州遠不用
何戡唱渭城

雪山吟

城市那堪氣鬱蒸清涼遙憶雪山僧渴來不
汲岡頭井自鑿田龍澗底冰

寄壽翁

卷之三

七

六月六日

六月六日天無雲炎炎暑氣嗟如焚雪車冰
柱古有詠玉井金莖何自分城南壇墀少樹
木道上車馬多囂氛飄然欲去苦無所靜掃
溪堂開典墳

寄壽東臺嚴仁齋先生

吾家子陵隱漁釣君平亦自能藏名翁因醫
藥濟東海我欲文史追西京由來相與有瓜
葛何況行年如弟兄狂吟尚可侑春酒聊寄
遙遙筆曹情

夏夜

新月耀天末冉冉沉西林我時當軒坐清風
灑衣襟仰面見河漢靈源何自尋欲濟無津
梁迢迢非我心牛女限西東參商無古今閨
房有違異何況天門深

彊孫輩曝書

爾不作六月鍛爾不鋤當午禾中庭曝書視
此等容易豈止百倍過我心豈不憚炎暑此
外奈無安樂窩仰看官府豈不貴整衣束帶
冠差我汝欲希蹤貴公子汝無此分將如何

寄壽翁

卷之二

七

夏夜

席地惟應得友生笑言還共玉壺傾一年幾
有許多白六月風無如此清坐見河山俱爽
氣試聽草樹已秋聲天機迅速炎涼變何況
伊人不世情

牆頭草

牆頭草何易枯東家寡婦幼失夫婦失夫色
枯槁吁嗟不及牆頭草草枯有時還復青失
夫之婦長伶仃

夏日

江風一綽海雲開轉盼還看雨欲來午睡慵
騰誰喚醒阿香呼起破山雷

夏夜露坐

盡日憚炎暑愛茲宵月光靈雨忽開霽好風
能送涼孤興爲誰發相思何自忘謳吟未欲
寐滾露滴衣裳

老農

東家老農多忘事說晴說雨不曾休不知名
已在鬼錄尚想豐收營一牛

有客過草堂交揖即去

石齋詩集

卷之三

七

誰家西竺同清涼長是墨池冰雪香問君不
於此地坐何處人間尋醉鄉

惡錢歎

漢家篡賊如新莽貨布乃行金錯刀不似西
周均九府榆莢水滔滔

晨起

晨興整衣坐念彼夜來夢偶茲涉雲海瞥爾
歷巖洞龍虎未易馴烏兔迭相送欲排闥闔
風岐山聽鳴鳳

青霞謠

玉壺貯綠酒思對青霞傾明月已上天滄浪
歌濯纓海鶴終不來山花徒自榮寄言俚俚
子孰賞悠悠情

與李草亭棋李爲金陵人

貌汝憐無好畫師顛狂聊作草亭詩百年消
息幾壺酒六代興亡一局棋江左重遊應待
我天涯此別欲從誰前身可是青蓮李放浪
乾坤不作痴

晨興

晨興顧頭顱種種髮嗟可數那能老病餘更逐
春華壽術

卷之三

七

風雲侶學書既無成殺賊空自許今朝當與
誰軒中共談虎

二鶩歎

吾家兩白鶩叫叫湏水食力不濟汝饑心徒
爲汝惻萬羊何厭飲千駟自蕃息莫返山陰
魂誰暇相物色

官馬歎

羸瘦憐官馬求無牧與芻圉人疎畜養驛使
任馳驅本自蹢躅鼈元非汗血駒傍觀三嘆
息我亦在泥塗

簡張仁齋

我亦江湖落魄人可能相見不傷神
凌雲有賦相如病負郭無田季子貧
造士未湏爭力命忘言何暇議根塵
階庭玉樹枝柯滿想像高齋一味仁

紀夢

夜來吾有夢鬢髮長數尺我身雖有此於我
定何益苟有丈夫志安用髯似戟彼其髮甚
短而心有籌策緩急尚可資世恐不我釋

懷楊參府

元戎帳幕隔天涯離思迷茫望眼賒
不見江魚寄書素獨看庭鳥啄苔花
星辰已去三台近歲月那堪兩鬢華
何自相尋龍井樹笑言同煮上方茶

栢梁體詠十二辰

晉如碩鼠知非祥夜中歌牛何慨慷
虎變始可言文章狡兔三窟徒張皇
雲龍相從乃其常靈蛇有珠月同光
牝馬地類行無疆大道多岐以亡羊
棘頭獼猴非所長乃知天鷄叫扶桑
東門黃犬空自傷有因牧猪舉賢良

二十八宿雜詠

載角不觝嘉祥麟霧雨之豹知亢身
氏羗來享惟寬仁阿房既築胡亡秦
乃心克正天下均履虎之尾與禍隣
箕無動搖偃風塵斗運元氣行兩輪
牛不服箱我悲辛男女之正首
姦倫靜虛爲無氣孔神邦之安危由
大臣芝蘭之室宜因親圖書四壁如
倉困彼奎之明將策勲邾婁盟叛何
紛紛五味傷和胃爲屯宵征詠昂甘
欣欣畢獻萬物夷咸賓儲盈將勝觜
鵬因參商之說何足詢井渫不食嗟
賢人鬼神之享惟明稷清和二柳惟
秋春傳說死則爲星辰文武張弛宜
遵循垂天有翼超河津軫惟車騎主
載任

再送石橋

黯然從此別把袂爲酸辛歲事逢秋
社歸囊媿老親笑言誰慰我唱和亦
無人後夜如相憶西風鴈字新

贈王龍泉醫士龍泉云爲陽明公從弟

夢寐陽明古洞天喜於羣從見龍泉
青雲久擅傳家譽丹鼎無存濟世緣
方外未應無事

業壺中自昔有神仙知君采藥來東海目擊
滄桑幾變遷

日夕偶題

南窓獨自撫孤松目送斜陽下遠峯却笑秋
來綠底事不分吟興到鳴蛩

聞鴈

八月且盡鴻鴈來孤飛卧聽聲鳴哀不傳塞
外書一札空使閨中腸九迴

借牛而耕借地而種秋旱不收

一生自笑無本業三時借地還借牛種得青

李翁詩稿

卷之二

七

秋遭赤旱奈何天不借人收

悼孫太史

孫盛起北鄙衆稱良史才歌揚白雪調名重
黃金臺歐當五星聚韓起八代衰誰令負此
志南國恨悠哉

九日解嘲

撐腸拄腹貯經綸累歲經年只窶貧雙眼直
看天在上三辰不照海之濱蕭條景物黃華
瘦潦倒襟懷白髮新莫恠山妻開口笑萬錢
一食是何人

九日與秋山先生及生思隱口號

羈遊有客自南徐託宿隣君得隱居肯信奚
囊詩似錦可堪賓館食無魚東家不借登山
屐西席空多挿架書今日黃華應見笑二公
相對欲何如

九日晨起悵籬菊盡以雨水萎枯主人

索莫愧于佳節

江州風韻久消沉村酒難賒欲當琴客斷經
過從落莫詩非興到懶搜尋千莖有髮白如
雪一樹無花黃比金徧逸東籬何意味不能

李翁詩稿

卷之二

長嘯只微吟

閨中秋思

夜合樹前霜葉飛懶拈刀尺淚頻揮秋來轉
戰知何地莫寄征西將士衣

題他山葉子絕句三首

青蓮居士元高興思卧廬山五老峯媿我非
才牽吏役涉江何日采芙蓉

南冠君子客揚州一片歸心不可留西望琵琶
亭上月相思日夜大江流

西周誰采鶴鳴詩興到他山意可知千古清

脩有劉向招延不遇孝宣時

離思爲秋山公而作

矯首西林外新霜草樹枯如何同景物渺若
隔江湖歲月漁舟晚星辰客劍孤短歌風颯
颯落羽悵雙鳧

紀夢

散髮誰乘太乙蓮朗吟東去思飄然江天有
月夜如畫海水無波人欲仙羽翼我方排灝
氣丹青何必畫凌煙莫言赤壁風流盡一曲
洞簫龍躍淵

石齋詩稿

卷之三

三

初五日心田宅賞菊

十月來看九日花當年繡斧使君家統籬種
菊經三世挿架遺書尚五車所愛風流存賞
興何妨景物換年華主人况復多收秫酒出
床頭不用

天步歌

東海嚴生困天步無園田居有辭賦朝看虎
豹變山林夜見星虹落縑素三月床頭無酒
錢狂走擬趁飛行仙欲傾雲外三危露爲采
峰頭十丈蓮

偶興

三旬一飽汝何嗔尚自歌聲振四隣先輩有
人能辨夢古方無藥可醫貧清遊苦愛登山
屐皓首難忘漉酒巾閑看兒孫亦身外不如
書卷日相親

藿食歌

諧談每笑東方生囊粟戲與侏儒爭讀古人
書不得力觀浮世態何爲情掉頭日見海水
淺哦詩浪擬天球鳴尋常藿食未易給列鼎
誰云宜大烹

石齋詩稿

卷之三

三

兩夜

子夜風雷襍兩聲壁間雄劍作龍鳴誰云漆
室能憂國安得封疆盡罷兵帝者憶曾勞夢
卜野人時復誅干城千年尚想商周際一舉
能令四海清

次韻傅秋山留別

廿載萍踪西復東白頭江海喜重逢一尊忽
話河梁別累月方憐笑語同節序正當冰雪
候世塗無奈馬牛風塞鴻便是衡陽鴈南北
音書想易通

漫興

閉門情落落隱几夢蘧蘧好句常難覓閑愁
未易祛所須吟有興未問食無餘惆悵愚公
谷何人肯卜居

寄錢儀部

粉署仙郎思致新一書遙見筆如神省中雲
集今多士江左風流舊有人好對青山開篋
笥便應黃閣掌絲綸封題爲報相思字驛使
梅花正及春

題對山亭

南隣邀賞對山亭吟對諸峯眼爲青肯信時
人銳逸興曾看五嶽列真形嘉招未可無詩
客痛飲還期聚酒星千古風光纔一瞬何妨
秉燭倒銀瓶

十二月一日之夜風雨大作竟夕不眠

動地迴風夜撼城卧聽鳴雨襟江聲魚龍海
運神應泣烏鵲巢危勢欲傾往事獨關嫠婦
念深憂誰辨杞人情悠然枕上悲身世一夕
半垂白髮生

風夜

屋茅風卷壁蕭然人事相將歲暮天任自插
書三萬軸奈無沽酒十千錢開山浪擬營丹
室渡海何因駕鐵船詩就不知僵卧冷布衾
如抱暖雲眠

絕句

破屋無眠夜有風翻騰海水接雲空雪花不
報豐年瑞空弄扁舟叢笠翁

出塞吟

周室牙璋漢虎符軒軒不羨執金吾廷臣喜
見新推轂關吏誇談舊棄襦雄劍朝叱諸部
曲悲笳夜遁五單于先秋奏捷龍沙靜始信
軍中有亞夫

苦寒口號

苦寒只合成僵卧莫訝柴荆午未開無客可
談三不是有人曾賦七堪嘉書憑鴈足將誰
寄畫逐烏音竟不來却笑長沙賢太傅一生
空抱治安才

北坻北田素養寒日過夜航館中因留
飲北坻起欲歸夜航出二句云寒驢駝
醉客應待夕陽西爲足成一首

有客來蕭寺同心偶共攜倩人賒綠酒饒我
割黃鷄凍鉢龍猶卧霜林鶴未棲寒驢駝醉
客應待夕陽西

泊比郭

今夕緣何事城隅鼓柝中冰霜歲年晚身世
水雲空四海悲漂梗三更起斷鴻不眠心耿
耿思借舵樓風

舟行有懷

霧雨天難曙舟行怯畏塗微徭何日息江海
此身孤鷁願吟騷客顛狂憶酒徒茫茫成四

顧誰與共乘桴

卷之二

三

感事

神龍失其勢鱗鱗猶相侵醉尉呵李廣惡少
凌淮陰二士豈不武時方向幽陰一朝乘風
雷赫如神鬼臨田甲何足較殺之非我心

旅舍作

五十年前曾託宿樓邊不記是誰家當時豈
意人空老末路那知日易斜孤劍未妨留酒
肆一詩聊復詠梅花明朝擬放東歸棹還倚

江門看海霞

斗門見桃花一樹爛然臨水

臨流瞥見小桃花不近前村賣酒家風利片
帆留不得美人惆悵隔天涯

觀水車

伊誰制成器畧具乾坤體回環旋地軸倒挽
天河水潛龍試吞吐波潤俄九里雲雷以濟
屯霖雨喜傾否乃知漢陰人未識推行理

枉後泉謝翁下榻題贈

雲仍從上世文教慕中華卜築神仙境傳流
將相家交情眠借榻晤語燭成花他日來東

海還應問釣車

卷之二

三

宿楊子橋

楊子江頭楊柳烟迷茫水氣雨來天孤燈夜
就漁家宿一路情因柳線牽

舟中兩夜

兩打篷牕夜有聲小舟孤枕夢魂驚美人不
見春光晚楚水吳江何限情

泊楊子橋懷從軍友生

意氣相期舊有人欲將書劍靜邊塵十年一
字無音信北望關山傷我神

渡江

永夜懷人悲舊雨，星言喚渡趁新晴。
煙中隱約金陵樹，江上周遭鐵甕城。
日月東西相出没，山河今古自衰興。
風帆浪楫何爲者，似是金焦不世情。

山牕聞曉鷄

籠竹攴林隔浣溪，青松白鶴得同栖。
那能夢裏還爭鹿，肯信仙家亦養鷄。
蠟屐欲尋山寺勝，酒瓢誰爲客星攜。
飄然興意須明發，覓句應留翠壁題。

石磴詩高

卷之五

七

焦山飲東冷上人房

尊前帆影浪花噴，幸自遊觀眼未昏。
載重倘無龍象力，放狂難共海山論。
只應騷客逋詩債，不及僧家佛法門。
忽憶當年焦處士，辦香思與鶴招魂。

遊招隱寺飲三聖樓

山樹葱青石徑遙，幡風無奈髮蕭蕭。
來遊偶自逢僧話，欲隱憑誰肯見招。
且可泉香分虎鹿，不須詩句引金焦。
平生苦抱幽憂疾，況是祇園有藥苗。

雨後望江

雨後登臨發興新，雲邊眺望點頭頻。
三山勝槩借江水，千古曠懷由野人。
頗愛龍吟纏島嶼，敢云漁釣動星辰。
無錢可買新豐醉，好汲中泠慰渴塵。

別三山

江山如此好，都屬住山僧。
不惜三珠樹，還攜七尺藤。
逝將探禹穴，何止吊延陵。
仙馭遙相憶，冷風我得乘。

丹陽道中

石磴詩高

卷之五

七

丹陽河邊烟柳斜，河邊酒樓知幾家。
惆悵來遲旬日裏，不教一樹見桃花。

汨二村

長年不識山河路，斜日停舟野水濱。
西市人家有酒賣，可能賒與異鄉人。

茅山道中

高風夙昔仰茅君，消息遙知地主聞。
一路塵埃洗靈雨，四山花樹涵香雲。
泥中絕少虎狼跡，天際但看鸞鶴羣。
濯足我方依水石，可堪西嶺隔斜曛。

遊茅山宿半山陳鍊師山房

百尺丹梯萬仞山，千重樓閣渺茫間。
黃昏猿鶴能相引，碧落龍鸞宿莫攀。
雲卧不妨依羽客，霞栖真自隔塵寰。
空階達旦傾神雨，未許明朝俗駕還。

登茅峰

雨後陰雲低接地，三峰陟絕費攀躋。
茅君香案圍笙鶴，羽客盤飧割樹鷄。
極力苦吟詩不就，佳遊深愧酒難携。
華陽諸洞還幽勝，萬木陰森望眼迷。

石谿詩稿

卷之三

七

眺茅峰

夜來江雨苦盆傾，曉起喜看天色晴。
作佛成仙無骨相，探奇覓勝亦風情。
古人不帶青山去，我老還拖拄杖行。
歷檢圖經尋往事，二三君子獨留名。

下山見巧石觸吟興

莫道老夫懷不開，煙霞信宿別仙臺。
一坑巧石鬼鑿出，千古好人看來無意此。
身生羽翼所須今日靜風埃，小舟我欲西湖去一吊。

孤山處士梅

丹陽舟中懷草堂

維舟悵今夕，問水知何處。
新月如曲眉，側挂丹陽樹。
悠悠我心思，江流日東注。
芳歲易爲晚，佳期恐淪誤。
命茲千里駕，允矣見衷悵。
緬惟嚶鳴聲，爾我可同賦。

舟中懷京口三山句曲三峰諸勝

金陵佳麗帝王州，東有南徐控下游。
一名山僧占住迢迢古路客，來遊盤旋歷劫龍蛇混。
縹緲諸天驚鷺浮，最喜茅君能選勝。
三宮鼎列碧峰頭。

石谿詩稿

卷之三

七

重遊虎丘

幸自經行虎丘寺，那能不看虎丘山。
題詩舊壁知何處，說法高僧竟未還。
千里人猶談劍石，一龕我欲借雲關。
憑誰與共無生話，擾擾禪林總未閒。

吳江舟中戲爲竹枝詞三首

吳水吳山長更長，吳姬壓酒喚人嘗。
柳花雪片漫天去，那得風吹滿店香。
吳山到處綠差我，烟雨吳江添綠波。
楚客木蘭舟上坐，吳兒閑唱竹枝歌。

原麥青青秀未齊牧兒驚起雉雙飛雉猶將雌雉去晴鳩恰喚雨鳩歸

千里命駕赴梅花草堂舊約至則主人翁逝矣周覽之餘悵焉有述

涉江南問隱君家雲漢空瞻貫斗槎展齒尚疑留蘚石棋枰時復落藤花碧牕醉墨懷騷興青社盟言憶釣車遼鶴不歸烏鳥怨舊交能不泣烟霞

近姑蘇再爲竹枝詞三首

老牛耕地自然遲枯樹開花是幾時最苦蠶

饑桑葉少相思無路莫相思

公子山船打鼓開吳姬唱歌迎面來夜合花

開郎有夢鹿蔥花謝妾無媒

君知白苧勝穿紗勸君栽樹莫栽花服美爲

君門戶累花多不利女兒家

泊丹陽

江雲淨掃棟花風南望中星夜正中蠶妾故應眠未得漁家可是夢相通最憐今夕丹陽月能照他鄉白髮翁明日三山還一眺賣刀何忍玉壺空

渡江

動地夜來吹猛風雙槳獨開朝鏡中江雲懶飛樹隱隱海日欲出天濛濛聊因短句見狂興安用健翻凌長空征帆歷亂不知數極目堪憐如斷蓬

泊浮橋再作竹枝詞三首

揚子江頭艇子過依然日日有風波爲問楊花何落落行人折去柳條多

老去非無趣逐心恐妨天氣有晴陰寄與花

間惡年少休將糞土視黃金

替有山花携有筐誰家蠶妾自條桑行人莫

訝身縑縷歲歲官機不穀償

歸思

開偏茶蘼與棟花石榴轉眼照牕紗那知不

帶看花眼身到揚州心到家

重遊狼峰

來遊知是幾年前與客携壺此放顛一笑滿

頭生白髮五山橫眼看青天欲携楊子江爲

酒見說秦王石可鞭特走魚書通海若不波

人好種桑田

寓拚茶

我來東海上來去苦匆匆靈藥終難覓真仙
未易逢何緣遺世累無計滅塵踪枕上悠揚
夢驚回野寺鐘

病眼

病眼今年甚模糊看兩儀金鏡空念佛丹藥
不逢醫彼日何傷食吾心自不虧紛紛任橫
目迷罔亦奚爲

代贈歌者

徘徊桃花源邂逅桃花面歡唱竹枝詞我唱

石齋詩稿

卷之二

星

桃花扇

又一首

我家竹山頭歡住桃花裏未許唱離歌且泛
桃花水

謝竹岡惠帚二種

掃榻留風月烹魚溉釜鬲因君借吾具不畏
客過臨

書感四首

獻玉因亡足披裘不拾金悠然懷往事誰獨
見吾心

其二

章甫不適越琴書時夢陶先生宜閉戶流俗
正滔滔

其三

蘊櫃未爲迂聚鐵難鑄錯奈以隋侯珠而彈
千仞雀

其四

日月非不明盲兒莫能見何況昏黑中能辨
五色線

雜詠

石齋詩稿

卷之二

星

翩翩衆少年意氣矜裘馬焉知藜藿人塗足
耕田野

可惜青銅錢不買花間醉紅雨滿青林空挽
花間轡

漢家李將軍不畫麒麟閣市中有白徒赤手

沾封爵

芳華難累日古樹不知年最是風中絮顛狂
亦可憐

浮雲如妬月苦雨似嗔花槩以人間事紛紜
更可嗟

春江搖鴨綠春柳曳鶯黃不似青樓女工夫
作曉妝

避俗因成懶矜名不作狂有時同孺子濯足
詠滄浪

菜蕪飢在塵柴桑餅貯栗焉知鐘鼎家僕妾
厭梁叻

門外無軒車階除有苔蘚盥手弄書琴得聞
聊自遣

題胡雙泉壽軸五言絕句四首

先機無負局危地有生着安得山人來觀

石齋詩稿

卷之三

聖

橘中樂

千歲對黃鶴數莖飄紫髯今朝把春酒不覺

歲華添

愛此泉石幽探尋不知遠秋屨日相將松筠

歲方晚

連山欲斷處海日紅瞳朧未了谷神語東將

尋木公

晚飯

老去宜踈懶幽居絕四鄰草堂生計薄麥飯

晚炊新天靳三時雨誰憐百姓貧海波何日

靜鼓腹詠皇仁

風木興思卷

風木悲遊子難忘母氏慈丹青圖墓影金玉
賦時思淚盡啼烏血雲瞻瘴海湄瀧岡一片
石何日打穹碑

代贈

衛武淇園竹王維華子岡市朝心獨遠圭璧
道彌光觸事有新作濟人多驗方清脩如此
老宜祝壽而昌

題陵川宗約卷

石齋詩稿

卷之二

聖

信美陵川派源源總象賢不愆由聖祖惟永
燕皇天屏翰歌周雅山川錫魯田藩封須則

儼德澤正綿延

對雨

鉶聲爲壘恥深慙漉酒巾一春長對雨無日
不愁人吾土難謀醉他邦懶問津封題託梁
燕爾可寄情親

平崖下鄉收獲久不赴會

今歲聞崖叟南山種豆稀身雖勤畝畝志不
顛輕肥取足鷄豚畜焉知燕雀飛菊花天氣

好何事賞心遠

寒雨

寒空方晦昧何自辨東西積雨野橋壞亂雲
江郭迷三日不出戶一舟常在溪囊空亦已
久那得醉如泥

寄贈何後溪

遙遙何水部華胃接斯今風韻存先世栖遲
恆素襟儵魚知有樂鷗鳥狎無心何日東觀
海相邀共醉吟

寄東塘繆翁

石齋詩稿

卷之二

三

東塘幽勝處高棟是君家晞髮迎朝日
服曉霞自無分鹿夢何事釣魚車晚見
者文章國可華

不寐

戍鼓打三更悠悠夢未成旬宣懷舊伯左右
憶阿衡楚值天難問顏當世不平不眠多感
慨達旦氣填膺

聞鷄

隣鷄如爲我風雨送長號命託長鑣柄歌成
大食刀自傷逢世難誰暇念民勞季子真堪

畏金多位更高

二月且盡觀梅玉華亭中

二月明朝盡名園始見花自憐時太晚何況
酒難賒蚤計思羹鼎流涎笑麴車停杯還弄
筆一倍惜年華

偶題

牆喜添蝸篆門堪置雀羅世情知己少家口
病人多積案有文史登場無麥禾茫茫寰宇
內吾道欲如何

秋夕

石齋詩稿

卷之二

三

金神司節令涼思已淒其天上星辰變人間
草木衰黃昏聊獨坐皓首欲奚爲不與同身
世那知宋玉悲

又題方洲卷二首

當年風雪裡洛下卧袁安千古傳家世孤標
挺歲寒烟波娛鴈鷺天路渺鷓鴣未許人招
隱先生正考槃

其二

名利遠朝市囂塵了不干五湖舟楫遠七澤
水雲寬野鶴隨吟興沙鷗近釣竿西風吹木

葉長燭不知寒

冬暖

孤吟長達旦憂思苦繩繩宇縣晴無雪河流
暖不冰李梅聞有實楚麥恐難登樊理三公
在元非藿食能

寒夜

晨鐘無暮鼓日夕自相撞酒量隨年減愁心
得句降梅花寒入夢鶴唳夜橫江最好今宵
月無人話雪窓

聞虜自遼陽內侵陷京東諸縣

七言詩稿

卷二十一

五

近得遼陽信洗思爲鬱陶關河戎馬逼幾句
虜塵高謀國危諸老憂天損二毛伊誰當閫
寄况我在蓬蒿

雪夜

宿雨曉仍狂風號不休嚴凝成雪霰寒重
失衣寒天報豐年瑞人無卒歲謀袁生僵欲
絕誰與問窮愁

仲冬月五日以來疾風連作時華翁去
饒乃即送之儀真直兒偕往

臥聽嚴更近溪堂接戍樓狂風號永夜寒氣

失重裘老鶴應無寐飢鳥更可憂真州江上
月何處泊孤舟

再題方洲晚趣卷三首

方洲如可到吾欲去方洲特與樵漁者相期
汗漫遊振衣江關曉珥節海門秋有待珊瑚
樹千年鐵網收

其二

伊人鴻矯矯宛在水中央絕與江塵隔寧知
白髮長荷衣茸自老鷗鳥欲相忘誰謂追尋
易何緣一葦杭

七言詩稿

卷二十一

五

其三

此翁無外慕卒歲任優游采佩惟芳杜忘機
共白鷗漁竿隱東海鶴髮夢西周巧歷應難
數年年海樹秋

書懷

市朝非我事幽興輒川莊擬種松招鶴思鞭
石作羊田丁催耒耜野老共壺觴此志終難
就空吟十畝桑

深秋對雨

青鏡朝看白髮新可堪鳩性拙謀身閉門十

司惟聽雨陋室經年不掃塵肯信窮愁真有
鬼相陪閑話苦無人黃花懶放重陽過孤負
淵明漉酒巾

初冬對菊

千古有懷陶靖節風烟今落野人家一秋未
及崇朝賞十月纔看九日花草木固應隨節
氣琴尊且爾趁年華沉沉夕照西林外爲愛
翩翩來去鴉

別駕丁公宅觀菊席間有作

十月來看九日花風流况属使君家但教塵

石谿詩稿

卷之二

卷三

世心無擾不管頭顱鬢有華騷客未須悲落
木主人應是待栖鴉相招莫惜年年賞見說
吾生信有涯

代楊泰府別韓生

終軍請纓當妙年卜式上書求助邇千秋我
獨懷二子能使芳名照青史共說君堪比素
封乘時胡不早攀龍樛楠百萬才一擲奈何
只作揚州客詔書六郡選良家要分虎竹掃
龍沙車旗我欲辭淮海北去何時見丰采橫
槩因君一賦詩相期那得不相思誰向魚鹽

舉膠鬲萬里奇勲須自策

十八日無酒無客

東家不乏沽酒錢奈無佳客與周旋西家結
內多良友常苦無錢沽美酒清溪白石是誰
家年年歲歲種黃華黃華我於尔何負不肯
開華向重九似嗔杜老困空囊不得吳姬壓
酒甞睥睨蛟龍挂東壁姦佞不誅空憤激不
如一笑付旗亭把酒向天招酒星舊俗相傳
何不廣何必重陽獨堪賞

懷金陵

石谿詩稿

卷之二

卷四

金銀樓觀倚晴空虎踞盤龍地勢雄六代豪
華如夢裡一時人物憶江東因思陵谷幾遷
變喜見車書今會同慙愧非才無健筆鋪張
聖祖廓清功

題仲子直書室

卑棲取足隔塵氛高棟何煩上切雲暗室每
看如白晝寒簷還可借晴曛睡請龍蟄傳西
華書換鷺群夢右軍燕坐隨時涉經史便宜
旦夕友多聞

立秋日作

風雨閉門終日坐階除桐葉報秋來喜無殘
暑留書社應有新涼入酒杯節候忽驚星火
變胃懷聊與水雲開不因草木悲搖落千古
誰憐宋玉才

月夕獨坐

晤語無人吾獨云西堂月色誰當分山河大
地止今夕星天極目無纖雲莎鷄在野暑將
退隣女吹簫愁不聞頭顱老大亦可笑滿身
花影同紛紛

送館賓吳龍劍歸省

石鐘詩稿

卷之二

集

杜陵有句堪相贈劉向傳經心事遠南極上
騰神物氣高堂懸望老萊衣江魚他日還能
寄野鶴何天不可飛今古悠悠一情興登山
臨水送將歸

冬日書懷

如何七十數流年一事無成不惘然杖屨未
能遊五岳蓬壺空擬狎群仙藏書滿屋將焉
用退筆如山亦可憐笑然吟鬢歌白雪梅花
開向草堂前

自六月大雨連綿至七月十二日之夕

四天無雲月色如洗孤坐南榮偶成二
首

積雨經時愁復愁今宵月色喜新秋偶因遠
樹嘆鳥鵲仰見當空橫斗牛老我三更方病
渴憑誰八極與同遊藏無斗酒其如興一曲
雲謠再四謳

二首

山河四望暮雲收宇宙中間爽氣浮明夜恐
無今夜月初更看到五更頭邠人備預衣裳
蚤楚客悲傷草木秋西下何緣返流火凌空

石鐘詩稿

卷之三

集

思起摘星樓

寄焦西原

經學精勤董仲舒淹留此日意何如未應高
閣春秋傳肯上長安卿相書君以晚食充食
肉我聞安步當乘車東風轉眼催桃李滿樹
開花樂有餘

寄王竹坡

都門一別九秋餘天上浮雲異卷舒顧我盤
中空首蓓喜君腰下佩金魚相思不爲關河
隔老懶惟應音信疎封禪無書詞賦拙倦遊

誰復念相如

次韻石橋先生

暫醉無因錦瑟傍獨憐籬菊有寒香一壺共
剪今宵燭萬木同凋昨夜霜稍喜鏡中頭未
白何須腰下帶垂黃主人不盡淹留興忘却
山童報夕陽

寄毛東泉廣文

蚤知華胃漢毛公此日傳經見古風都下共
誇詞藻麗斗間遙認劍光雄烟波自覺孤槎
遠魚鴈何妨萬里通記得荷衣紅映面與君
狂醉北湖中

卷之二

七

偶題

倦鳥歸飛海上天舊家門巷只依然誰云蚤
績能憂國自笑龍鍾尚草玄寒士無衣堪質
酒豪家有酒可提錢尋思定是難謀醉讓我
繩床懶即眠

中秋夜月

粉牆搖漾芭蕉影畫本疑從妙手臨前夜轉
無今夜月老年那有少年心星河不落乘槎
興猿鶴如聞抱膝吟爲愛乾坤好光景一壺

思與客同斟

宿玉虛觀

黃昏來叩玉虛宮臺殿蒼茫月露中尚想神
仙來夢寐似聞笙鶴在雲空金箱竊發疑方
朔丹竈消沉念葛洪酒醒忽驚鷄屢唱碧窓
晴見海天紅

宿梅道士房

從來九日名佳節況復佳人賞燕同微醉筵
看黃葉樹勝遊耽憇碧霞宮何緣散髮栖塵
外偶借閑雲卧月中爲問鳳山明日約誰家
還有鞠花叢

卷之二

七

不寐

雨滴空階夜有聲不眠無奈此時情邊烽未
罷三城戍海徼長屯列郡兵苦爲風塵愁在
再忍聞兒女啼嚶嚶將軍戰沒書生老朝野
何時見太平

人日

今朝人日感天時人事悠悠更可知遺愛莫
傳花縣譜故交誰寄草堂詩耽書幸自身無
恙看鏡從他鬢有絲南北東西吾志在茫然

杖屨欲何之

竹溪公子招飲

九月書來寄酒錢一壺
須我喚梅仙
故人不忘粉榆社
公子能開雪月筵
良夜未妨成酩酊
高歌亦自有嬋娟
天涯此會真奇事
爲報相思已隔年

漫興

乾坤無處着迂疎
幸自南山有敝廬
不羨春蚕成甕繭
徒悲老驥困鹽車
世情鹵莽宜藏
帝病眼昏花轉愛書
却憶去年拋相印
褐衣

蓬鬢賦歸與

又一首

迷塗有愧奔馳日
敝屣方當棄置餘
足跡未經周五岳
鬚毛空自老群書
伊人不似烏求友
顧我欲從龜卜居
三嘆屈原傷憤激
忠魂千古葬江魚

夢中贈客

不鍊丹砂不坐禪
祗憑疎散度流年
難分漢帝金莖露
愛誦唐臣寶劍篇
寫有黃庭遺道士
誓無青眼看神錢
前身曾化林臯鶴
飛過

人遊赤壁船

宿冒錫之莊悼憶乃翁玉齋處士

霜寒月明烏鵲飛
田家自掩雙荊扉
買魚沽酒賴有客
揮杯擊劍歌無衣
今宵吾輩盡情飲
他日主人何處歸
衰遲耦耕今已晚
飢來欲采西山薇

寒夜

夜長信是難成寐
點檢生涯爲撫然
晚飯尚餘瓶內粟
春衣不辦酒家錢
滿床書籍殊無賴
比屋倉箱自有年
說與梅花應大笑
獨禁

涼冷草堂前

次韻吳龍劍館賓

無路堪隨漢使槎
林間且復閱年華
爲園懶種千頭橘
絕粒思餐一片霞
滿架挿書從散漫
老人作字任橫斜
憑君浪與誇閑適
未及相邀一醉花

生朝

在禮明年宜致仕
知機去歲已投閑
小山空自有詞賦
大藥可能回面顏
百爾欲拋身世外
一簑并老水雲間
傾杯爲勸漁樵侶
拭目

西林倦鳥還

積雨後飲一鑑亭

城頭樓閣當空斜，主人園池饒物華。陰森借此楊柳樹，臧沒念爾芙蓉花。蓬萊山好海波隔，閭闔風高天路遐。偶因杯酒發長嘯，泛泛何由星漢槎。

曝日

簷曝開看景漸長，歲寒今喜見春陽。東風不住催花信，西日無人過草堂。曉鏡何傷添白髮，晚炊猶幸足黃粱。只應物慮俱拋遣，底事

事書壽考

卷之三

三

狂吟興轉狂

漫興

天上浮雲任卷舒，林間不礙我蕭疎。只應竹杖能扶老，且喜荷衣已遂初。捫瓢敢談當世務，汗牛徒擁古人書。朝來獨倚東風立，身世雖貧心晏如。

春日懷張嶼翁

成都卦肆隱君平，西洛滄留張季膺。枕上晨鐘悲往事，望中春樹隔良朋。三秦莫道無豪傑，四海誰堪託弟兄。南北相將二千里，何緣

携酒聽啼鶯

有懷茅峰賦此

江流一帶隔茅峰，人隔神仙又幾重。帝里山川西踞虎，茅家兄弟左騎龍。地生靈藥偏多朮，天與長風滿聽松。想像真遊似今夕，宜拋塵鞅趣雲蹤。

秋日雨中

碌碌驅馳非我心，歸來不覺老侵尋。種花尚想客携酒，得句奈無人賞音。梁燕只應同寢處，野鷗難與共浮沉。連朝風雨門長掩，寂寞

事書壽考

卷之三

三

西堂愁思深

對菊

去年此際憶還家，又自江天飛落霞。儘有事堪生白髮，奈無錢可醉黃花。似聞身世關天運，頗愧頭巾負歲華。獨對東籬情漠漠，懷人空復詠蒹葭。

不寐

一夕悲風萬木號，感時傷事思迢迢。讀書不與人求火，學字曾無地種蕉。老去猖狂存故態，古來貧賤媿清朝。天涯况復單衣客，肯信

猶傳滯上饒

風夜有懷直兒

悲風徹夜攪漁簑奈尔單衣客子何夢鏡共
嗟薪者鹿草書誰換右軍鴛莫云海內交遊
少幸自江南閱歷多身世可藏書可著考槃
何處有岩阿

送周文峯南歸

但聽君說易不覺我開顏柳眼窺人別蘭舟
冒雪還書應藏禹穴壽每祝稽山要使慈親
見拚飛霄漢間

石簾詩稿

卷之二

七

喜蒼庵山人見訪

一別王維知幾秋相看憐汝敝貂裘懷人不
減山陰興作賦還登海上樓黃閣何緣能下
士清時無路覓封侯因君爲憶長安客可有
常何薦馬周

風夜

兀坐思存天動威無端竟日猛風吹狂瀾既
倒魚龍泣林木將顛鶴鶴危今夜老人難帖
席當年殘婦鮮憂葵何緣可得杯中物一醉
都忘宋玉悲

夢遊六首

夢遊棲霞

香雲繚繞入棲霞祇樹相將集暝鴉名利我
曾聞四絕真詮誰爲演三車中邊懶問糖霜
譜苦淡貧嘗穀雨茶共倚西山瞻王氣金陵
千古屬

皇家

夢遊九華

生平興意九華山真境嘗形夢寐間清隱倘
容依玉樹白頭無負款雲關因悲過客俱如
夢

夢遊齊雲

卷之二

七

幻却笑飛仙亦未閒安得青蓮李居士三山
絕頂共躋攀

夢遊齊雲

黃山境接齊雲路技老來遊我尚能宿酒緣
醒翠微裏倚風長嘯白雲層羣仙按樂兼三
籟萬聖朝元拱一燈虎豹關門兵衛肅爾時
鳬鳥蹈淵冰

夢遊鴈蕩

西竺尚稱爲佛地人間信自有丹丘天開二
谷藏諸勝地出千峰冠十洲絕頂陂塘奇鴈

蕩晴空雷雨駭龍湫道人不惜燒丹費爲我
磨崖紀勝遊

夢遊天台

江鄉二月我辭家不啻頭顱已髮華山寺路
多紅杏雨天台景接赤城霞僧歸夜月山無
虎煙起晨炊飯有麻惆悵當年人不見依然
流水泛桃花

夢遊武夷

九華伊邇猶難到何況武夷山路遙不謂兩
餘虹跨海能呼天上鵲成橋諸宮道士煩相

石谿詩稿

卷之二

六十五

引每曲真仙喜見招今夕華胥竟夢裏相招
黃鶴見雲巢

南溪

南溪老人情興幽卜築正爾臨溪流魚龍高
卧風雨夕鴻鴈大來天地秋樵斧時還下
麓釣艇忽漫移江洲何由載酒過茅屋並坐
一銷今古愁

嚴石谿詩稿卷之二終

石路吟葉

和山谷虛飄飄

虛飄飄虛飄飄醉中捉江月夢裏度虹橋天
花散奇朶風絮脫芳條山鬼吹噓黑夜火野
馬馳突青雲霄虛飄飄比人情誼猶堅牢

春閨

悶掩重門寂不譁午風簾幙篆烟斜梨花滿
院將歸燕楊柳當窻欲沒鴉衮衮年光悲鏡
裏茫茫春夢落天涯明朝又是清明節腸斷

征人未到家

初度日是丁亥年

三十四年讀古書一字未入承明廬苦無伯
樂善相馬常想任公能釣魚花鳥課詩日不
足菽水奉親歡有餘况是今朝天色好彩衣
聊且戲庭除

秋雨病懷

疎簾不捲日昏睡貧病易爲生歎嗟野雲漸
低天欲雨陂水乍深荷褪花秋風鬱鬱感詞
客宵夢悠悠隨海槎翻嫌蟋蟀太多事一一

喚醒西林鴉

雪中

嗚嗚海風叫枯桑愁多不眠知夜長起把長
鏡立戶外雪花梅萼羅春妝乾坤誰借一壺
酒旋與此客澆枯腸且將雙屐挂空壁戲草
短檄招巫陽

秋風

西風攪林不停聲有客夜眠竟屢驚舊書半
綠作枕破幽興每向懷人生丈夫從古重意
氣兒女滿口誇功名起來獨自看北斗長柄

年年如此橫

懋崇真觀留宿

片帆搖落宜陵日暫向崇真觀裏遊霄漢鳳
毛驚舊夢階墀桐葉報新秋高寒還借雲廊
卧蕭洒因貪羽客留星月滿天清不寐恍疑
身世在瀛洲

二雨謠

去年雨人不病人不病有賢令今歲可憐窮
百姓人日雖雨占不應
右人日雨
去年雨穀不收穀不收農賣牛今年犢角生

未周穀日雖雨應有秋 右穀日雨

題畫

溪邊莎草接天長
溪上桃花撲水香
我看鴛鴦開意思
笑他燕子一春忙

蜡月二十五日世俗相傳

上帝降下界察禍福是日也適沈子初度之
辰感而賦此亦取風人善諷之意云

人言玉皇今日降下界不知五雲輦子定落
何神州臣有衷情欲往慙不知可輒上達聰
明否何事沈子逢生三十有九度都無一度

書賸詩稿

卷之三

三

得風流嚴子何以同年不同時日月恰好先
後一樣同窮愁沈子如何飲酒欲呼東海竭
何物嚴子新詩句句鳴天球吟詩飲酒不足
道又胡爲乎意氣一味橫高秋箇中心事夜
來曾與吾家竈神說不知可曾奏疏玉皇香
案頭吾因沈子聊復寫此意又奚翅拔一毫
毛於萬牛是年爲嘉靖壬辰歲

雲溪

卜居聞說臨溪水喜見溪雲貼水飛夜氣
英移草閣春波渺渺上苔磯閑多鷺伴憑風

立醉有魚驚咏月歸才力如君知未隱清時
且莫製荷衣

夏日雨中四句

江頭老龍夜行雨正及未破冬青花草堂無
事擾捫虱藜杖有人邀聽蛙

江南婦

嘉靖甲午冬余僦居張氏廬聞隣有
哭者問之爲江南楊氏婦楊死婦不
堪其貧計嫁以苟活則先嫁其幼女
其二孤亦幼有姑老而瞽婦未暇恤

書賸詩稿

卷之三

四

也余惡此婦之忍又傷其姑與二雛
生之不振不無世道之感作江南婦
江南有婦從良人移家江北秋復春良人在
日妝常新良人死後傷食貧有女七歲嫁北
隣有雛力未能負薪有姑年已逾七旬婦重
餓死輕失身催妝脂粉能自勻雛啼姑泣傷
我神婦亦灑泣呼蒼旻汝嫁不爲天所嗔始
知天地亦不仁

贈諸華陽

華陽有客高七尺胸中空洞開八極唾花時

夾晴雪飛神機渙若春冰釋狂呼虞夏有君
臣醉罵春秋多亂賊竭來海上訪酒徒不必
高陽人姓酈皎日空懸用世心大風不惜垂
天翼曾參三日不舉火猶自歌聲應金石高
門縣簿君不過顧我蓬蒿定何益遊將五嶽
采華芝與君天際論衷臆

壽陸貞翁

君不見松性可折不可屈君不見石性易碎
不易輒貞翁賦性同松石又同冰雪難為煖
生憎巧宦乞墻間又笑痴兒富轉慳投効不
貪朱紱貴得歸聊共白鷗閑隨人不作鉛迷
指明目張膽爲男子激烈風雷出懷抱笑談
文字滿牙齒後生如我嗟拙薄嗜酒耽詩貧
亦樂倘其翁立青雲梯若將我上芸香閣感
翁知己爲翁壽笑折梅花獻春酒

立春日作

開戶朝暾紅焰焰宵雪草堂猶似苦此時如
大銀甕中一粒火珠光礪礪赤輪轉眼又朱
方檐溜琤然鳴佩璫迴風濁亂海鶴羽晴雨
洗拂宮梅妝蒼龍隱約出滄海日下卿雲生

五采知是天王羅網中爽理陰陽得元宰九
重聖人欣壽昌山中儒生歌慨慷朝來作字
用雪水輸與蓬蒿筆硯香

除夜

混沌初開直至今不知除夜凡有幾中間豈
無寒餓士未必貧能入肝髓滑稽頗恠韓退
之掉美筆舌送窮鬼倘其天不忌才名窮鬼
何緣苦排擠我從隣火燒却屋負僮已看三
度徙一技剛不借鷓鴣浪說千林如有喜徙
寒客又合蒙戎伯叔何人憐瑣尾千門爆竹
響春霆我自寒燈窓戶裏固知文字不療饑
戲作狂歌慰妻子秦宮隋室富熏天鬼火空
餘照荆杞出亡旋復伯諸侯堅忍遙憐晉重
耳豪奢自古多喪敗憂患場中事雄偉夷齊
獨立首陽山之死未忍呼庚癸詩成索笑向
梅花春風已是先桃李

陪東陽亦沂二夫子飲玉華亭

公子園亭好能來鄭廣文酒香熏竹醉歌響
隔花聞矢劇盡無諧情真款有片興移還促
席歸去已斜曛

崧高篇代贈

崧山之高接天縹緲半腹藏雲烟孤標
出日月上發脉疑從開闢前嶽嶽定爾拂河
漢疾手可以攀星躔登封見說宿帝者栖息
想像多真仙雲梯直上俯世界欲以尋尺視
八埏熟看黃河與清洛略似一線東西牽了
無隙罅貯俗物獨有豪逸尋高眠吾宗何幸
見夫子身有仙骨黃金堅宦游不屈粟五斗
酒價樂輸錢十千天將陰德報于尉人以廣
文稱鄭虔前身作牧借申甫後嗣孕秀靈山

崧高篇

卷之三

七

川少室山人多索價洛陽才子徒少年歲寒
誰獨似夫子獻壽爲作崧高篇

冬月與養初兄歸自南都夜泊江口值
有大風不寐有述

山雲江霧朝冥濛日夕曠蕩吹長風兼天波
浪響雷雨嗟我已過青山東扁舟去岸秣數
尺登濟欲與升天同問君何事涉此險晚飯
吹火驚濤中地維天柱且顛蹶崩陷皇恤馮
夷宮蛟龍走藏龜鴈泣仰見星宿搖寒空廟
堂燮理有元宰江湖戎輦宜飄蓬毛寒魄動

不成寐想像朝者瞻華蟲明日爲長至及之

飲吏隱軒呈亦沂夫子

廣文先生真好事官舍構軒多逸思春來特
地作盆池決海汲江聊自肆大盆勢將溟渤
吞揚瀾左蠡雙小盆中間有石數寸許彷彿
氣象撐乾坤盆中養魚亦不惡漆園傲吏知
魚樂却愁神物白日中不待風雷變頭角先
生愛焚太極香酣歌離騷泪沾裳魯國諸生
迂亦甚不緣竹醉即花狂崔田批雖非唐格自有奇氣

自君之出矣六首

崧高篇

卷之三

八

自君之出矣悵望楚臺雲雲飛還帶雨妾夢
亦隨君

自君之出矣花月閉重門月滿惟今夕花開
又一番

自君之出矣河漢路迢迢妾願化江水君爲
江上潮

自君之出矣不試辟寒香思君沙漠上帶甲
卧新霜

自君之出矣閱歷幾陰晴陰雨妾無寐晴天
君好行

自君之出矣思君成苦吟君不見妾面何由知妾心

鄭店夜

終風怒以號河水多屈曲一羽力莫挽而況舉萬斛舟師失篙槳我亦駭心目羊腸非峻坂太行亦平陸帝怒何自回獨坐念傾覆日夕天霽威嘯歌濯吾足乘月遽忘險不肯維舟宿

遊高真觀

城闕高真觀雲霞碧殿新仙犬不吠客玉童來迎人樹轉石壇影鳥鳴瑤圃春閉門憐羽士世界隔紅塵

楊青晚泊

濕雲隱朝日有風來自東河水皆震蕩而況舟航中向夕爲艤泊小雨天溟濛潮生忽侵岸睇髮當清風浩歌待明月煙波思無窮

寄董野巢

鳳兮本靈鳥棲宿必高梧里以勝母名參也回其車何當混濁中置彼照乘珠言念巢居子寸心雄萬夫漢家有飛將不得當單于百

里既飯牛公孫亦牧猪俚俚子失路悠悠迷塗何自振高足共釣溪中魚

詠太極香五十韻

奇特憐夫子精勤製此香千年抽寶訣十襲出玕藏山海搜應徧圖書考更詳款款收薦稱鐵杵屑沉光龍腦徵三佛犀沉采綠洋鬱金兼石葉蘇合及都梁薰陸來何遠旃檀品最良潦毬和露滴珠串雜星芒計值輕常祿掄材悉衆芳燒焚能致雨擣鍊必經霜樣製依九彈名題繹孔莊一丸開混沌累劫助清

石鼎書齋

卷之三

十

狂石火烘銀葉銅山隱盡牆意含三極妙氣扶五雲長馥郁聞書社氤氲暗講堂身如芸閣上衣近御爐傍清潤蘇關竅昏疑滌肺腸自然逃鬼魅何止燮陰陽浩蕩翫虛白幽玄達彼蒼逝將散上帝惜不媚空王焰冷回琴靜煙開點瑟張飛蠅渾退避睡鴨正悠揚恍入塗魂國如遊選佛場樓臺成結構鸞鶴爲迴翔稍倩風排闥還同霧滿廊晴熏窻戶煖宵心夢魂涼壯浪當文陣羶腥洗醉鄉未湏家桂嶺不暇沐蘭湯地可聞千步天應降百

祥漫誇椒壁貴消得竹林忙
蠹靈祛青簡雲霞護縹緗
移文慙蕙帳服食笑松肪
臭味應難並勛華未易量
騷人美荷屋樂府陋芝房
頗恠山含麝虛疑地出樟
欲脩天樹記累造月支彊
幽怨嗟巖桂穠華恨海棠
那堪娛俗客祇用對青卽
印已傳多士名終動八荒
野人思負笈海賈欲齋糧
百病真能起連城未易償
誰云青玉案直博紫香囊
三嗅知縣解孤吟到坐忘
餘芬凝燕寢異馥襲匡床
事擬增前譜玆疑出上方
漢宮留齒頰荀令灑衣裳
齋閣春無賴屏山夜未央
美哉通鼻觀清矣逗壺觴
渥惠煩投贈冥搜得報章
何由充錫貢吾興正茫茫

題詹月洲行樂圖

翩翩何許來斯人丹臺奪得梅花春
八閩秀色在眉睫曹霸丹青爲寫真
珊瑚照耀日光彩天馬抖擻龍精神
誰云白屋終藏器自許青雲能致身
只今未落皇家網提三尺琴居草莽
七絃泠泠太古音鼓一再行神爲爽
閑攜白鶴東海頭知是摩空有遐想
區區爭食

雞鶩間碌碌無成愧吾黨君不見巖野得辭
版築勞當時亦緣畫手高

月夜

散髮坐胡床滿月當前楹借問古時月何如
今夕明閨人皆熟卧而我獨含情
絢扇未欲揮玉壺誰與傾
好風花間來頃覺襟袂清
相思隔江海莫寄此歌聲

借槐軒

吾生等萍蓬飄轉既以久
吾舅亦無家借宅里中叟
天地一逆旅主客定誰某
君看平章

有書齋稿

卷之三

五

宅花時鎖窓牖安能夢蟻穴
何暇歎株守爾度役者富貴
亦何有幸此佳菊開且與陶
杯酒

沅萍丈室前種菊數本十月始華
既而賦此

吾生何太愚借宅亦種菊
食豈必飽聊以順吾欲
矧茲寒氣至風霜變林木
凌晨茅宇下燦然媚幽獨
因之念朋好無酒可見速
遶離獨彷徨誰與謀一斛
儲粟不滿瓶空有書連屋

南溟別駕携酒來飲籬下

溪山遠卜築江海欲飄淪北里薰天富今年
到骨貧携壺煩別駕食菊憶騷人却訝金
日風光似早春

南溟宅看菊分韻得午字

主人出新釀速我遊秋圃是時黃花開簷日
正亭午飲酣授我簡吟思一何苦悲風動地
起林竹潏揪舞因之念西陸猖獗有狂虜中
興文武士懷古仲山甫談笑已策勲宴坐沾
率土

右齋詩稿

卷之三

三

冬日

腐儒遲暮轉飄零白髮憂時一夕生塞上兵
戈困胡虜幕中籌策念良平卧聞龍劍鳴聲
急悵望旄頭殺氣橫況是東南財賦地秋來
螟旱害西成

是月十日聞北虜已退京師解嚴適一

川潘子携酒與客過丈室中酌言看菊
竹溪兄出竟日看花坐草堂之句余因
倚而成詩既以志喜且酬潘子

羽檄朝傳定朔方漢家生致左賢王喜君賣

劍營尊酒與客看花過草堂共倚廟謨扶日
月不憂戎馬逼疆場揮杯擬作西征頌萬里
誰因獻武皇

十一日集南溟宅得南都

人傳醜虜深
賞與悵然

胡騎仍聞突塞垣將軍又是擁轅門圍棋古
亦摧驕虜鼾睡今誰慰至尊白日蒼涼悲海
國黃華惆悵對芳尊萍蓬未定時如此北望
殊傷楚客魂

送人

歲云暮矣多北風江頭烟雨天濛濛征夫荷
劍直欲去何處可以開心胃梅花未開如待

右齋詩稿

卷之三

十四

雪驛亭柳條不堪折玉壺傾酒誓同袍何由
渴飲匈奴血

寄許補垣

四

別時卿國蟹初肥又是東風燕子飛病肺春
來愁漠漠隔江人去思依依

青藜丈歌爲陸貞翁作

山中老龍極奔放千年蛻骨東海上一夕風
雷宵莫窺偶然化作青藜杖胡髯髯髯挾雲
濤頭角依稀湧煙浪精神直欲走鯨鯢光氣
猶能動星象生成無乃由帝力斲削定非經

巧匠陸翁陸翁天所助年紀已高筋力壯自
從神物落吾手轉覺林泉情浩蕩絕塵奔軼
渺飛仙晚歲扶持懷彼相荷篠驚看避世賢
策勛喜拜登壇將黑夜何方衝虎過青山有
興穿雲望驅車躍馬渠所羨問柳尋花我無
恙正須日挂百錢遊爲寫詩懷兼酒量

夏夜

驕陽勢如焚塵氛滿人境雷雨出其膏卿士
可以省我心誠憚暑欲去靡所騁宵來乘月
坐四野星炯炯清風爲誰來短髮飄我領誰

石齋詩稿

卷之三

十五

家寓絲桐有客懷玉井風月豈不好莫慰憂
炳炳欲語當告誰徘徊顧孤影

聞汲井

清風忽漫灑衣裳小坐真耽大塊涼明月獨
憐毛髮短美人相憶海山長新詩偶自題紈
扇高卧從誰借石床中夜輓轡聞汲井隔隣
殊不慰疎狂

答朱松山惠大字草書

若人耽草聖其力可扛鼎興來拂毫素意氣
一何猛書成駭觀者有筆不敢秉我行阻淮

水傾蓋玉虛境立談交莫逆一笑心已領欣
然掃白練持贈不須請此意不可忘作詩謝
毛穎却愧江東髯一幅金數挺

姚江楊方石學士與余聯舟北上阻泊
淮陰夜自持燭來讀余所爲文賞其卓
識答以短歌

誰云海內無人物姚江尚有王楊輩吾儕誰
謂無文章立言浪欲鳴當代楊生楊生有卓
識手持銀燭高一尺照我床頭書一編朗誦
聲如出金石朱絃在廟音有餘疾雷破江聲

石齋詩稿

卷之三

十六

帶濕紫極宮中仙可呼田橫墓前鬼欲泣莫
愁燭短編簡長夜如何其夜未央仰看北斗
手可接小立東風情獨傷生不成名身在野
五車載腹何爲者楊生楊生吁可憐與汝相
逢楚水邊

羊山道中

曉發羊山道春雲四望平物沾靈雨潤寒枝
散裊輕客思如中酒鳩啼似喚晴雲龍在何
處吾興到彭城

匡港阻風

盡日好風水舟人正維舟衝風激橫波解纜
乃南浮屹屹不可去採棹再復留舟中百無
爲扣舷揚短謳天也若不聞落木風颼颼登
陸一以眺彼黍盈西疇腰鐮者誰子愕顧欣
有秋豈無食力願二頃不可謀嗟嗟無所成
栖栖空白頭

戚家堰阻風

河流極奔騰百折力愈勁滔滔東赴海況也
水之性長風挾其威驅簸益復橫眇然杭一
葦孰敢與之競南船果何爲恃捷氣愈盛弭
石齋詩稿 卷之三 二十七
揖依野岸眼目有觀聽農人共咨嗟河伯方
自慶順逆會有期小坐待其定

聞鴈

閩河八月鴈南浮中夜哀鳴悲凜秋老大獨
愁新鶴髮蒙戎三歎敝貂裘不知逐逐干微
祿還似區區守故丘輸與官河楊柳樹西風
不管夕陽收

魯橋夜風

中夜猛風聲動天客愁無賴客塗邊月明却
數南飛鳥無樹堪栖誰獨憐

霜

澤國夜寒鴻鴈哀黃金臺上客歸來新霜忽
復滿田野菽麥其如花未開

春過伊前山其中庭牡丹盛開匆匆驅
馬北去不得留賞今茲復經境山主人
以入試未歸留此寄意

東風一笑去京華不賞中庭滿樹花九日重
經境山路主人猶自未還家

九日

飄飄只合辱泥塗九日真慙白玉壺作客分

石齋詩稿 卷之三 二十八

大

無人送酒到家魚恐吏催租黃華應笑歸何
晚清世還憐老更迂拙劣如予宜袖手興來
詩句不能無

崔鎮

尚憶風花驅馬處青青原野麥苗稀不知霜
露還家日采采蒹葭鴻鴈飛兩月逆風天見
扼經年行路客思歸故鄉今夜砧聲急應念
征人未授衣

徐家庄

數家雞犬近村庄未泊扁舟已夕陽萬里飄

飄悲鴈陣一燈隱隱認漁梁愁多可奈客無
酒氣肅應知天有霜徹夜有懷眠未穩滿船
風月共蒼涼

淮陰雨泊

紛紛搖落見西林冉冉悲傷歲月侵往事分
明似春夢歸塗况復阻秋陰淹留尚想長安
夜展轉還憐倦客心此日閨中應動歎天涯
資用絕黃金

次韻胡橫岡廣文

晚歲來爲此地遊仰慙林鳥坐枝頭沂山極
事點詩稿

卷之三

七

目還東鎮瀾水無情自北流爲問中堂頻借
馬何如南畝獨驅牛道傍野老應相笑皓首
無官只自由

宿東鎮劉道士房

燈影輝輝拂曙明石床涼冷睡難成起看蘿
月下峰頂卧聽松風來雨聲不爲蕭條悲歲
晚自傷超走負平生匆匆未免山靈笑到此
曾無眺望情

不寐

山齋長夜苦漫漫閱歷因知世路難草草攤

書乘老興悠悠病肺笑開官拂龜端策從誰
卜扣角揚歌強自寬素飽不勝慙雀鼠本懷
何止憶漁竿

獨望

東征花柳尚春烟又是他鄉歲暮天拄笏看
山傷遠目乘桴浮海惜殘年冥鴻矯矯秋雲
外落木蕭蕭夕照遶懷土思親雙涕泪不勝
南望爲潸然

咏木鳥

蠹木蟲穴樹腹樹爲空蟲乃育咏木鳥揚威
事點詩稿

卷之三

三十

自笑

一官如作客三畝念無家自笑痴狂甚攜書
尚五車

天井道中

欵段斜穿石徑行千峯紫翠笑相迎客遊已
落青春暮花謝其如白髮生到處一吟真我
事誰家雙犢正朝耕瞻雲忽動慈親念身世
飄飄愧不情

題文殊寺壁

青雲白石迥難攀，碧草芳花正滿山。
選佛場空悲法界，采真遊好厭人間。
煎茶爲解枯腸渴，躡屐思尋大藥還。
坐倚匡床舒倦足，朗吟何幸借禪關。

出文殊寺

一宿文殊寺，言旋及早霞。
春流堪飲馬，宿麥未藏鴉。
不斷憐山色，無邊笑杏花。
白雲時矯首，那得不思家。

姑惡

不第詩稿

卷三

五

胸有姑惡鳥，其聲鳴惡甚。
人厭聞之，古有姑惡禽言詩，結末不近事義，今獨取其首句，以己意足成古體，使兒女輩歌之。

姑惡姑惡姑不惡，既云姑不惡，何似聲聲叫姑惡。獨坐厭聞姑惡鳥，汝不怨姑聲自好。

立秋日作

西堂獨坐思悠悠，仰見星河曲曲流。
何處風來掃殘暑，今宵月出是新秋。
泥塗易觸流年感，木榻難爲卒歲謀。
遙憶杜陵詩興好，飄零

時有廟廊憂

次韻橫岡秋日感懷

悵望千山落木秋，塵中歲月正如流。
周南鬱鬱嗟留滯，蜀客飄飄愧薄遊。
蒲柳易凋新鬢髮，風烟苦憶舊林丘。
當年釣石應無恙，巢父其如未掉頭。

九日朐山登高

九日來登覆金山，道人爲我敞雲關。
尊前老菊雖堪把，天際孤雲未易攀。
何自狂歌還發興，偶因佳節暫偷閑。
悲涼不獨傷齊地，草樹蕭條夕照間。

蕭條夕照間

與張慥秀才

志行如張子，清脩入老成。
雲霄遲進步，郡縣早知名。
木榻聽雞坐，山田冒雨耕。
他年看事業，應不負平生。

宿盤羊洪福寺僧舍

千山萬山雲氣連，羸馬愁入冥冥天。
爲尋野寺借僧榻，忽夢江村吟釣船。
跡似萍蓬何日定，情於桑梓不時牽。
浮名薄宦俱堪笑，有愧

瞿曇息謫錄

過赤澗

雲門回首日西斜，馬上行人正憶家。客路不時經赤澗，江皋何日岸烏紗。祗應拙計難謀食，肯信無田可種瓜。儘歷風霜容髮改，栖栖真愧樹頭鴉。

憶嘉靖甲午歲揚州胡生夢瑗寓吾邑

廣福寺一夕就與共談，夢瑗之上時月色如畫，興意超然。因有狂吟，懷有二句。

云：天上星河橫九曲，人間風露近三更。餘不復能記，而彼時光景因此二句十

本集詩稿

卷之三

七

餘年來常在目中。今胡生死矣，余碌碌奔走，未免人間勞也。因足成之以志吾感。

十年前憶化人城，夜聽瓊仙按玉笙。天上星河橫九曲，人間風露近三更。此時敝屣看妻子，何止虛舟等利名。今日故交南面樂，却慙踪跡戀浮生。

海翁謠

炎是趨熱是附世之人，何以故拯阮窮患。鯨鯢張海翁獨長者，風洋洋海茫茫鷗自飛。舟

自颺翁不歸吁可傷

歲晚

楚天回首片雲孤，顛影茫然愧故吾。生理苦無涸涸，統羸形頗笑。掇拘株獨憐鄉里經年別，又見冰霜逼歲除。齊土淹留非我事，誰將東海共乘桴。

悲王生

王生名邦直，河南慈州州學生。膂力絕人，善馬上刀。刀重五十斤，步下刀重六七十斤，能於兩指上舉人。撫臣

本集詩稿

卷之三

七

以其力薦聞東塘毛公，時爲大司馬。策試生許其能，吐良書奇假以符命，使立功邊郡。從之行者果敢有力士，且七百人，皆西北之選也。聞今年某月日遇鞞賊於某地，生易之遽與戰，不虞其有伏也。伏起，勢莫敵。生與果敢士皆殊死戰，併沒於陣。雖其所殺傷莫可數計，身死無功，惜哉。聞胸人自邊境來者談其事如此，作短歌以悲哀之。

胡虜如大魚矯矯時陸梁天子勤北顧誰能
靖龍荒王生起南服猛氣蓋四方豈惟力絕
人所恃者長本兵假羽檄逝將掃沙場手
提大鐵刀西馳迅鷹揚桓桓衆虎士赴義何
慨慷一得當單于目中無大羊寧知四伏起
力竭成陣亡黃沙白草地援絕真可傷國家
養將士無乃爲封疆王生今已矣吾憂殊未
央

夏日雨中

暑雨西山雲氣深空齋不語自沉吟人間無
事難辭藉

李益

五

路着雙足海內從誰話寸心冷眼難爲看世
態浩歌聊與滌塵襟漁簑悵望滄江遠頗愧
栖栖鶴在林

傀儡子

俯仰憑機巧歌聲借迭梁誰家傀儡子鼓板
夜開場

新花樣

根株不可尋枝葉自條暢兒女爲予言此是
新花樣

二狸詠

物性苟相制勢不相假貸吾有二狸奴吾豈
憂鼠輩

二鳥詠

安得姑惡鳥千年去不歸庭前黃粟留汝向
誰家飛

青青牆上草

青青牆上草此是誰種植人生自有命何苦
役心力

秋井歎

秋草始復生秋桐倏已落朝來倚銀床撫景
情索莫

李益

五

五

紅女歎

靡哉傷女紅金線無乃費無益饑與寒技巧
安足貴青紅裝羽毛組繡雜花卉把似昧目
兒誇謂真翡翠

出無人

騶從塞道塗聲勢動朝野借問此爲誰云是
讀書者笑殺鄭廣文自控款段馬豈無涼扇
子一向無人打

齋中從者止門役一人使令不足舉無

易事嘗以更衣遲慢見呵官長追憶彼

時心常戚戚因成短述

年來頗憶北山薇強戴儒冠悟昨非官長有時遭慢罵即當曾爲脫朝衣

觀化篇

尚想重華心終焉在耕稼放勲咨四嶽授之以天下云胡饗養子未彈思鶚炙揖讓嘉唐虞攘奪羞五霸浮雲變滅間可以觀元化

有客來談命

有客來談命云吾秩且遷我無錢使鬼渠有

事書

卷之三

主

勢熏天巧閭難攘背狂馳忍看鞭三臺周歷者此事屬時賢

消息吟

無兒思有子有子歎無兒大有真消息傍人那得知

砥石篇

彼傭怠若事主既負之直此傭力頗殫常不飽餼食亦或肆微勤奄有千萬億功或未易成而鮮錙銖獲槩以稱物義差殊相十百衆目多所忽我心爲之惻誰哉獨懸衡與世作

砥石

莒筆歌

賈生從何來贈我莒父筆記玩不覺喜氣溢利錐健稍那足匹東家女兒花樣新依稀描寫翻自失盡眉恐非丈夫事判案祇是老吏術老嫗不能爲記室刺謁無乃類操瑟忍能效尤吳道子調染丹墨貌古佛封侯志願吾已畢山堂愁坐吟抱膝數斗傾出金壺汁孔壁事業聊可述蚪蚪錯落濃抹漆光氣自許照星日

事書

卷之三

主

山蘭綯

山蘭食山桑吐絲作山蘭探求念山女躋陟足爲研不厭山溪深生愁懿筐淺何由上綠車機織功可展經年成匹帛勞瘁傷婉嬖被體無完衣那得自裁剪父家有差科鞭朴賴茲免大兄持入市富兒有豚犬自矜統袴子市易類不腴傍觀者爲誰却立情展轉

望家信不至

春來絕鄉信滿腹填憂患初秋擬作書未見霜前鴈晨昏勞夢寐南北徒相盼遥遥天萬

里歸擔苦莫辦愧彼考槃人終焉在山澗

倦遊歎

栖栖營斗粟累歲不還家苦憶東陵子青門
只種瓜

有客熊姓者自南州來爲余談其星術

驗者嘗謂宦遊某人歲在某甲子當

有風波之厄其人貌不之信尋以調

官行過龍樹灘風猛舟溺併妻子死

焉有二妾攜所獲在別舟得不死既

抵家檢其橐中金凡三千付其族之

事書

卷之三

七

長一日散盡嗚呼仕者亦何以多得

金爲哉

宦海風波險復深衣襦不戒禍侵尋那知龍

樹灘還鬼不享南歸滿載金

庭下金鳳花紅白間開

庭前花樹何輝輝白鳳時兼紫鳳飛老我羽

毛無秀色蜀禽相勸不如歸

蓼花

不語山齋坐夕陽蓼花千樹似江鄉秋來鼻

孔開靈竅嗅得鱸魚帶酒香

聞鐘作

山郭朝來又打鐘梳頭洗面太匆匆懸知入

幕爲巢燕冷笑穿花釀蜜蜂偶爲泥塗三歎

息何曾萍水一相逢人間底處無溝壑身後

寧湏馬鬣封

愁坐

鄉書落落憑誰寄世態紛紛祇自嗟春夢不

關身外物舊書空轉腹中車故知皓首宜餐

菊尚想青門好種瓜一幅綸巾三畝宅幾時

江海卧烟霞

在書

卷之三

七

有客

有客來自江之臯痛飲不肯舖其糟青衫自

控欵段馬白眼相看金錯刀擡頭不得屋簷

下揮手猶將斗柄高巨壑長風無信息居然

作頌笑王褒

瑤瑟篇

誰家翡翠樓覆以鴛鴦瓦美人挾瑤瑟意態

何瀟灑愁因妙指傳心託哀絃寫餘音過歸

雲終曲駐班馬烏遶南枝飛鳳泣西山下厲

鬼悲回風祥麟踏中野是時天地秋我淚爲

盈把君看下里人誰和陽春者

中秋

晚雲冥迷悲遠天待月不來吾欲眠今年賞興已如此落落何暇期明年

軒蓋是何官

軒蓋是何官氣勢何侈哆旌旗出城郭鼓吹動原野傳聞山谷間縣吏多苟且爰有惡少年紛紛盜牛馬連年發鑛穴比屋置爐冶利常在姦彊患不逮鰥寡送迎疲道路供億勤里社芟夷苦無計此是何爲者

石谿詩稿

卷之三

圭

皎皎何佳人

皎皎何佳人望望清湘岸面非種花地人作芙蓉看折芳欲遺誰佇立增浩歎迴風動地起靈雨波渙渙有來雲中君接以青玉案佳期渺何許天空彩雲散

即事

舞罷西樓傀儡箱月中歸騎踏新霜煩君且莫闌珊興又自明朝有戲場

瘞黃狸銘

有黃者狸爰在我閨鼠哉不動矧肆嚙嗜辟

諸閭將神武不殺彼陸梁者失其桀黠嗟嗟汝狸不疾而死我之念汝曷維其已爰命童子埋之東里期汝化虎以衛邊壘世亦有人躬秉斧鉞不戢部署狗偷鼠竊是人不死爲國之孽我銘汝狸以風閭閻

書事

逐逐非我情栖栖且三年俸入不餬口干請心煩冤有時遭怒罵囁嚅不敢言雖貧不戚戚猶幸妻子賢當塗急考課送迎敢憚煩局促處轅下倉皇趨道邊吾衰可如何仰愧蒼蒼天茲行值窮秋苦雨嗟連綿泥潦深沒膝欲去何由旋始知接輿輩雖狂未爲偏

五月炎蒸甚三十首

石谿子之生不知經幾何五月矣其間氣候寒燠皆茫然不復省記今年五月且盡煩暑如不可耐因藉子墨客卿輩爲之解圍故詩皆以五月炎蒸甚起句數日來得五言律凡三十首不忍棄置草草錄之當揮汗之時倘可拈出一笑不知此後有幾個五

月耳

其一

五月炎蒸甚山川氣蘊隆人譏裸裎浴我慕
舞雩風耐可迴天步難於借雪宮今朝策統
扇汝有濟時功

其二

五月炎蒸甚誰其駕火龍居然焦九土何以
慰三農大禍終當解皇天倘見容掉頭虛枕
上踈快聽霜鐘

其三

五月炎蒸甚高槐借午涼對時吟海嶽盡日
敞宮牆尸坐天機見心齋物慮忘超然榮觀
外君子正陽陽

其四

五月炎蒸甚山堂正午時樹陰籠地窰花影
過階遲赤日有人畏清風真我思靜消心火
盡賴汝二南詩

其五

五月炎蒸甚長關白板扉造門無俗駕挂壁
止春衣楊子玄難草班姬扇懶揮歌鐘方鼎

食愁殺達官肥

其六

五月炎蒸甚誰馳使者車王程方袞袞客亭
自遠遠樓上高吹笛田間劓荷鋤庶無干異
患吾愛野人廬

其七

五月炎蒸甚從昕直至晡古今千劫火天地
一洪爐混沌誰能關豐隆未易呼正須誅旱
魃一雨萬方蘇

其八

五月炎蒸甚其如物不齊五經笥臆腹千里
草然臍術士盤丹虎奇兵出火難盡輸江柳
外浩蕩浴鳧鷖

其九

五月炎蒸甚憑誰話老懷乘桴思海島食粟
愧山齋皓首腰難折青雲事不諧還愁故人
笑君箇樣形骸

其十

五月炎蒸甚披襟亦快哉大風吹海立長嘯
倚雲開揮汗真成雨觀書不輟雷遙憐玉川

子茶碗觀蓬萊

其十一

五月炎蒸甚泥沙有涸鱗西江云汲水東海
幾揚塵莫厭憂葵念難藏食藿神蕭條如我
里未免費經綸

其十二

五月炎蒸甚憂心厲若熏天高無自問風怒
可堪聞君相應勤兩山川不出雲倘承宣室
召那得不云云

其十三

右翁書齋

朱子

三

五月炎蒸甚川枯井亦渾自無憂旱責空惱
素餐魂雀鼠非吾意溪山與孰論因悲稚穢
子不肯過閑門

其十四

五月炎蒸甚援琴未欲彈榴花貪放潑梅子
潑流酸渴病難爲解牢愁強自寬山妻差可
喜不厭廣文寒

其十五

五月炎蒸甚從天乞得閑雖無人問字猶有
興看山酒貴難招客囊空只閉關秋風稍涼

冷與爾破愁顏

其十六

五月炎蒸甚憂心正悄然窮猿呼火井時雨
悶神淵解慍歌難和風零詠不傳林陰愁坐
久花鳥得周旋

其十七

五月炎蒸甚齋居意獨超誰能汗浹背自顧
氣凌歊溽暑先周令薰風協舜韶此時人病
肺茗碗正須澆

其十八

右翁書齋

朱子

五

五月炎蒸甚憂天笑草茅九重厯衣職一兩
望神蛟海嶽靈難降乾坤氣不交人傳泰山
下猛虎尚咆哮

其十九

五月炎蒸甚詩狂稱酒豪拗花傾玉醴燔黍
雪冰桃四望雲無脚多方地不毛那能觴詠
際都不及憂勞

其二十

五月炎蒸甚幽人感慨多清涼且搖扇兩汗
正鋤禾五馬藏樵斧三公起釣簑我生殊偃

蹇碌碌老吟哦

其二十一

五月炎蒸甚詩堪詠雪車胡床蔭園柳齊瑟
對山花井上移時坐墻西待日斜只除迎送
外渾不著烏紗

其二十二

五月炎蒸甚高寒自講堂六輪驅酷暑一曲
鼓清商林樾陽光變桃笙午夢涼道人心似
水何必濯滄浪

其二十三

五月炎蒸甚馬能召麴生拋書尋午夢選賦
誦秋聲焰焰非吾意涼涼舉世情近來驗心
地冰炭喜無爭

其二十四

五月炎蒸甚宜拋舊酒瓶俸思償鶴價書擬
續漁經陋室虛生白連山遠送青三年笑栖
息一味忍伶仃

其二十五

五月炎蒸甚無錢買得水迎人可憐妓逃世
邨輸僧白雪誰將和蒼繩衆所憎冷風在何

許不肯借之乘

其二十六

五月炎蒸甚嬉娛得短謳一蠅疲蝸虎二氏
戰蝸牛瑣瑣因觀物卑卑愧薄遊吾家滄海
上乘興欲東流

其二十七

五月炎蒸甚黃鸝不出林市朝無緩步雅頌
有遺音酷熱關人事卑栖得我心晚風歌一
曲涼氣滿衣襟

其二十八

五月炎蒸甚頭童可廢簪場師初打麥織婢
正忙蠶柳下三宜黠稽康七不堪轆轤晨汲
井多酌未爲貪

其二十九

五月炎蒸甚風沙不捲簾爐香虛寶鴨硯水
濁銅蟾狂病時時作窮愁日日添高齋喜無
擾詩句得常拈

其三十

五月炎蒸甚柴門只反關廢書情感慨懷古
淚潺湲江左士當起遼東客未還封題謝梁

燕爲我寄家山

聞蟬

蜀葵花開汝誰憐
偶因物候悲流年
新蟬嘒嘒噪何處
堂下古槐陰際天

久陰

前日望雨雨不來
此日望晴晴不開
幽懷鬱鬱不可寫
撲筆推書歌落梅

得王華兄書

燕臺留滯意何如
玆重來書慰索居
旅次君應疲僕債
迷津我正憶樵漁
禰生刺謁知無

書

夫子主

書

益齊客彈歌計已疎
惆悵天涯阻魚鴈
緘題終日獨踟躕

又次韻王明府

天際雲濤瀉尊前
雪礪流山川須我輩
身世與雲浮忍作衰
遲歎難期汗漫遊
提携煩殺

率吟賞得滯留

胡橫岡廣文留滯家
遣僕者迎之因其
僕見過附寄此詩

鄉國遙聞早拂衣
茅堂新築待君歸
遲遲頗怪淹行李
去去何妨詠采薇
海上極知鵬翻

健霜前好趁鴈行飛
只應五柳先生後
僮僕歡迎似此稀

聞鴈

雖雖卧聽鴈南遊
鬱鬱其如此滯留一
笑平生江海客幾時
歸理釣魚舟

悵望

繡衣銅斧出東方
直指其如漢吏良
笑殺痴兒望鄉曲
埋輪人恐是張綱

秋夜

秋夜漸以長布衾
苦單薄我夢方遶遶
城上

書

夫子主

書

鳴鼓柝落月在西
牖照我情索莫慈
親守空幃遊子淹
海角緬惟沮溺傳
一意老耕鑿從仕
果奚益無乃自繫
縛安得歸去來歌
而采藜藿

寄王華兄

西風遙憶黑貂裘
旅食京華歲已秋
一紙告身何日請
千金駿骨少人收
山川莫命相思駕
霜月空懸兩地愁
南北飄飄非我意
一尊聊欲話林丘

偶書

紛紛無計謝塵緣世路難行更可憐不覺搔
頭還一笑忽驚操瑟已三年古人尚且思浮
海老我安能更夢天歲晚生涯定何似一竿
還許釣江煙

閏月九日

天涯何處可登臨木落山空悲我心閏月重
陽難再遇百年多病只孤吟淹留已被黃華
笑遲暮從教白髮侵送酒無人詩有興儘開
懷抱向霜林

葉生行

市叢詩稿

卷之三

望

葉生誰謂非豪雄江湖浩浩吞胸中葉生莫
歎無舟楫足底雲雷天可涉我憶十年前佳
節九月九看我菊華呼我酒人嗔此老無乃
狂我愛伊人真我友東山累歲我飄蓬黃金
用絕裘蒙戎歸來江上舊茅屋四顧其如四
壁空眼底乞兒貪向火何獨此生能顧我金
鏡割膜無佛手太息英雄困江左葉生向余
笑我與尔同調我甘老風塵爾亦但廊廟東
門黃犬不足悲華亭鶴唳將誰吊蠅牛任自
出兩角混沌未湏開七竅只應納納乾坤中

與爾悠悠同笑傲昨日此語如可聽今朝辭
我使我驚春寒野陰何處行葉生葉生胡不
情胡不俟江花開春水生携酒與爾同聽鶯
雖無青銅錢典衣與爾傾生云爾可去河洛
神龜龍馬久寂莫誰其繼往聖湏爾憂後學
嗟嗟我聞葉生語俯仰能無心愧怍大厦元
非一木支本懷且欲遊嵩嶽自掃丹崖寫新
作爾時來遊亦不惡

蓮塘道中

市叢詩稿

卷之三

三

風雨西來石徑長計程今夕宿蓮塘惱人魂
處一回回首海樹江雲思故鄉

汴城旅寓

我行寓大梁逆旅嗟淹留從人問鴻沼廢來
已千秋兔園亦蕪沒詞客無枚鄒陸行苦無
車川行苦無舟薪米視珠貴其價未易酬仰
觀空中雲鬱若烈焰浮僕夫疲擔負我亦倦
行游豈無所懷思道遠誰與謀沮溺定何見
耦耕獨無求

秋夜病中有懷秋谷舅氏

西堂不寐夜悠悠落木風高蟋蟀愁作客那

堪常卧病懷人可柰復悲秋塵緣耻共波流
轉野性思隨鹿豕遊舅氏無家甥浪跡何由
捧袂話綢繆

日夕

日頭下山山色昏脫粟飯飽腹可捫吾家羣
雞飛上樹問字知無人過門

納納歌

萬牛莫挽東逝波一萼柰可杭江河嗟嗟精
衛欲填海豈不見笑蛟與鼉滔滔天下趨一
軌雖有賢聖將如何栖栖斯世竟何益空激

五言詩

卷之三

目

楚人衰鳳歌爾等伶官力如虎考槃不肯歸
山阿友將萬舞丐一爵不知所失亦已多彼
綠爭國戰蝸角此夢製地封南柯詞臣不耻
狗監薦痴相適得羊裘詞死灰甘爲小吏溺
冥鴻肯罹虞天羅紛紛度量每相越奚翅百
倍千倍過國臣徒以競勢力擾擾遂用尋干
戈我生適丁三季後懷古不覺時蹉跎乾坤
納納大如許何處可以容漁簑野人羹飯采
藜藿騷客衣裳紉芰荷嗟嗟底事自束縛南
山愧彼高嵯峨朝來拂案檢本草誰與醫此

雙鬢暗急疾嗔汝義與和胡不少駐日月梭
聽我鳴瑟吟烟蘿

伊陽道中愁小店鋪有馬鄉老者携酒
殺追欸黃昏入城飲吳見嵩司訓宅賦

此

車房西下日將斜小憇鄉亭見暝鴉草次不
圖人送酒花時無奈客思家喧騰鼓角知城
近出沒山川覺路賒何幸尊前遇鄉曲笑言
渾忘在天涯

宿碧峯寺有懷裕菴陳公

五言詩

卷之三

目

初春驅俗駕一宿借僧房布被寒猶勁龕燈
夜未央懷人愁不寐老我世難忘應被瞿曇
笑閑官亦自忙

送陳蘭翁

風度方傾陳大丘花時何以慰離憂鳳毛有
待三旌位鶴髮思歸百尺樓昭代不應歌蜀
道舊山那復憶嵩州遙知樂在粉榆社土鼓
匏尊共唱酬

代人一首

三月三江烟浪開布帆安穩盡船回白頭輝

映烏紗帽喜見春從天上來

天旱觀淘井因成短述

井泥深悲鮒林枯苦喚鳩天厓湯后禱吾抱
杞人憂旅食將焉寄逋租又不收白雲遙入
望懷土思悠悠

喜雨

經旬炎焰焚蒼穹執熱豈不思清風四方感
蹙靡所逞竭力執扇終無功今晨坐起矮簷
下冉冉黑雲來自東阿香獵獵走空際驅雷
掣電何威雄倒翻天河易反掌盡洗濁惡寰
石路詩稿

卷之三

聖

區中葛巾灑灑有涼思黍稌可知秋事豐夜
來小圃已種菜肉食何暇懷三公

悼夏以玄秀才

茫茫天道與誰論太息虞翻骨相屯千里易
聞伊水哭辦香難返趙州魂哀鳴逸樹憐烏
雀劫火焚山痛陸渾見說道傍猶下淚一朝
何況黍師門

雪夜有作因懷冒興業

寂寂山堂三日雪閉門誰與話酸辛獨尋虎
穴慙無路對泣牛衣念有人撥盡寒爐茶未

熟喚回春夢鶴爲隣過家遙憶蒼梧客吟倚
紅梅賞興新

得邸報知虜退適四峰汪學士招賞籬
菊秉燭賦此呈席間諸公

今古誰似吾飄零腹笥空復載五經一官已
自兩鬢白四海更誰雙眼青玉堂學士頗高
興呼我來倒雙玉瓶黃花何況滿籬落短燭
喜對風泠泠捷書昨夜報虜退燕樂可以知
明廷詩人筆力稍強健光氣射落旄頭星請
君更出五斗酒狂歌未可醒然聽

本集詩稿

卷之三

聖

苦寒

冬月豈不寒今歲寒獨早冬月常多晴今歲
晴日少非時風雪作陰曠昏四表陰陽既偏
駁舊害多繆巧腐儒等雀鼠偷竊且溫飽念
彼山谷中凍餒有衰老羽書選丁壯明歲備
征討弓刀滿鄉落抽點要精好斧斤廢樵採
何以供爨燎况逢絮不收單衣力昏曉何以
寬此憂愁緒正轆擾諒非數斗酒可以洗煩
惱作歌寄春風須爾振枯葉

雪中

瞻茲嵩洛間羣山鬱崢嶸中多干雲樹時聞
鳥嚶嚶伊人欲言邁聽彼伐木聲忘林足猛
獸古路難獨征淹留歲將晚徒爲抱茲誠尉
它彼何人竄匿方自矜立談契陸賈不惜千
金傾陽山信窮僻南海多蛟螭非昌黎子
誰將致區生嗟此空谷中塊處將何營賴有
案上書記載古昔英其人雖往異世可同
情山堂皓積雪天地一以清閑門幸無擾挾
筴就前楹阿端勸我餐歌竟誰當賡

兒直情僧剪刻燈帶書此

今夕知何夕恩波大賜酺九天王月滿四海
客星孤自隱烏皮几誰同白玉壺喧傳好燈
火村鼓迓神巫

寒夜與兒直擁爐直於爐灰中作離亂
吟詩憶杜陵之語卒莫之應也中夜不
寐足成近體

獻策論兵苦未能臨危空復氣填膺彈歌乞
食羞齊客離亂吟詩憶杜陵海內不應無猛
士林間可柰有閑僧憑誰爲報平胡捷笑倚
家山七尺藤

與陳望雲

相看富貴等雲浮山隱憐君事事幽引水與
魚通活路種松招鶴伴閑遊棋枰取決花間
勝書卷甘忘世上愁乘興有時還弄筆殘麻
驚見翠烟流

春夜

積雪尚千山春風已連日夜來幽窓夢似見
李梅實何處無陽和枯坐自蓬室

與羅生

羅生頗識字蚤歲失科第不聞李虛中辭家
隱星士傳聞大將軍近將掃胡騎何妨謁轅
門干請一書記雖無封侯望猶勝居市肆去
來歸去來此邦難避地

偶書

塵埃愁袞袞江海思悠悠歸興不時作閑官
何事忙看花遶酒伴東常廢詩狂二月相將
盡王孫草正芳

偶題

萬木山中一老僧年年松下理殘經有時行
傍清溪上自放天龍出淨瓶

鞠贊府席上贈歌者徐文卿

誰招南國美人來素手清歌送玉杯不信離
愁千萬斛今朝笑口爲君開

捲簾

春來常自病悠悠一向珠簾懶上鉤最是今
朝好天氣放他晴色入妝樓

淪茗

鳳團新試古磁甌滿面茶香煖翠浮莫道往
時陶學士侍兒烹雪不風流

懷直兒

書畫壽翁

卷之三

七

星月憐烏鵲南飛亦可嗟登樓人有賦彈鋏
客無家莫借冲天翼空懷泛海槎更堪諸幼
稚漂泊各天涯

草堂前桃樹一株二月十五日開花花

色紅芳可愛

一樹天桃爛錦霞相將曉日照簷牙只除傾
國傾城色何處人間更有花

霖潦歎

陰雲翳不開滯雨止還作原田渺江湖村樹
何落落垂魚失厥所林鳥靡栖託誰將省天

禍逝當念民瘼軍儲何自供詎免擠溝壑跼
蟻獨何心酣歌恣淫樂腐儒昧生理俯仰懷
愧怍

荅譚竹垞

伊人的的有才華太息淹留海上槎千里爲
親能負米一經如子可名家無時不夢忘憂
草何日纔開夜合花得似家山倚脩竹興來
吟弄翠交加

贈陸虛仙

陸氏家聲從古昔喜君文采更翩翩辭榮不
棄書畫壽翁

卷之三

七

待金門詔病潯惟甘玉井蓮誰謂山中無宰
相我聞世上有神仙同舟並馬還連榻傾倒
寧知海樹邊

紀夢十六夜

西堂蟋蟀夜恍惚夢夫夫笑倚三花樹閒看
五岳圖雲旂奔海怪風馭簸天吳坐我玄洲
上同傾白玉壺

亡失

自笑謀生拙乾坤剩此身賜衣無忘想揭篋
有傍人夢鹿誰能辨亡羊底足嗔只應書卷

在相對未爲貧

扶桑謠

伊人當悉化鬼魅老眼何緣見鳳皇我欲乘
桴浮海去扶桑東下看朝陽

觀場謠

一顰一笑關情性觸發須從我肺腸悲喜隨
人不由我矮人何足與觀場

全真謠

一毫有慾皆爲累半點無私始是仁無慾無
私難得盡故知方上少全真

名壽壽翁

未主

懷金山

孤根深不極砥柱自無雙鰲負山浮海龍穿
井透江雲廊攢上界天闕對西窓何獨經題
詠孫張未易降

五日無酒

今朝雖不飲不可不吟詩酒興人曾許詩名
世不知由他生白髮幸爾遇清時迢迢終何
事徒爲造化嗤

寄贈何曲川

清隱便觀水廬全屋數間黃河元九曲碧海

更三山不息天同健安流我共閒悠然魚鳥
詠樂意正相關

白頭公

門巷從稱陋簞瓢任屢空斯文如未喪吾道
不應窮人無青眼客鳥有白頭翁誰謂長飢
者猶然氣吐虹

穀日

永旱恒爲咎難逢穀日晴今朝天氣好何況
海波平晨見農祥正秋占穡事成街頭賒酒
易吾得和淵明

名壽壽翁

未主

壽梅懷川鄉耆

仙隱懷梅福風流見後來山庄依鳳鳥雲氣
望蓬萊不復鴟夷夢惟應驥子才憑誰同此
意歌響動春臺

宿湛翁別業

深秋把酒瀟瀟亭燈底相看眼重青千古風
情傾笑語十年湖海歎飄零黃華苦愛東籬
菊皓首空瞻北極星可是對床今夕話情騰
宜喚醉魂醒

晚興

西林偶自散吟筇光景相將及下春一笑失
之爭夢鹿千金誤矣學屠龍多財任種推錢
樹劣相原非裂土封志願所須鉅貯果免教
官吏調租傭

題扇送蔣贊府赴部改授

離歌一曲發河梁共許經營膂力剛正直開
河開兩雪恰逢輦轂盛冠裳除書喜換新化
縣記壁應招舊草堂定自不教人數慢黃龍
丹鳳見高翔

贈貞庵余御醫

石谿詩稿

卷之三

七

煉就丹砂太乙前心存利濟不知年當時七
劑曾供御回首機緣忽契仙采藥行遊滄海
上携壺取醉碧雲邊白頭問道吾非晚妙處
何妨一笑傳

懷古

耕稼苦無牛一隻床頭安得酒盈缸流年袞
袞催西日懷古悠悠卧北窓五柳竟辭彭澤
縣一竿寧釣富春江不知塵世緣何事蟻聞
蝸爭未肯降

牛歌

枯坐茅簷待月明閒愁可奈自牽縈伴門鼠
穴應難塞世路羊腸未易行唾手但堪捫虱
用悲歌徒爲飯牛成餘音欲出江雲外不雜
西林落木聲

田生子詔送藜杖答之以詩

勞君贈我青藜杖頃覺衰翁添力量萬里寧
知蜀道難況于緩步康莊上朝來驟雨成泥
塗拖屐奈此老病軀左提右挈相煩汝意氣
方將西擊胡

寄遼南洲公子

南洲公子近如何雲錦鋪張織女梭淮海掉
頭龍劍氣笙簫洗耳鹿鳴歌人誇一日輕千
里神馳三場鏖九河短札長吟煩寄我可堪
露酒淚痕多

偶題

六合何由西靈誰能萬徧誦黃庭漢儒枉
漁鱉魚雅秦火奈存山海經載鬼一車疑卦
象提刀獨立巖庵宇不如醉倒床頭癡死化
長虹貫日星

夢遊金山覺而有述

四十年前遊覽興偶於今夕夢禪關東來駕
海止三島南去中流能幾山僧指蛟龍藏窟
宅我憐仙佛出塵寰齋厨許借人天供吟嘯
雲堂未欲還

種菜

車馬從教塞閭里白雲長是滿幽居餘年可
是宜高枕病眼那能便廢書鳩性笑人生計
拙柳條憐爾鬢毛疎王師累報南征捷且喜
階除得種蔬

寄贈曹子野

平生意氣傾曹植辭賦宜稱漢魏雄鄉國盡
歸人物世塗無奈馬牛風高情自適煙雲
外晚歲相期海岳中消息如聞招隱逸一尊
何日話西東

風夜聞鷄

風怒不休悲此夕隣鷄何況急啼聲驚回枕
上燈前夢喚起天南海北情不見酒星來入
命翻疑愁陣歆衝城極須羽檄傳飛將好爲
重圍出勝兵

坐雨

江雲海霧雨濛濛獨坐茅齋四壁空愁有根
苗頭易白吟無情興語難工回看出入書堆
裡得似理藏酒肆中何獨匏瓜能不食天涯
遊子只飄蓬

寶陽見訪

仙槎何自至江潯濁酒三杯發朗吟空有唐
賢囊裡句都無漢使橐中金君垂鵬鳥回谿
翅我慰匏瓜不食心千古英雄郭元振世間
何處可追尋

逃禪吟

馬卿空有賦凌雲狗監無人莫上聞晚覺一
株宜自守蚤知八駿不同群屠門大嚼從公
等陋巷長飢樂我云定是襄陽小兒道攔街
誰復笑紛紛

與材官程雪門

華胄遠從程不識英年通武況能文詩書滿
腹堪爲將膂力方剛好策勲海國波濤春不
作江城刁斗夜常聞周宣漢武中興際喜見
伊人才出群

天遠

冥冥造化難爲測寒暑災祥敢妄猜昨夜猛
風何事作今霄明月爲誰來陰山九夏常飛
雪炎徼三冬忽起雷却笑群蒙如坐井五官
何許候靈臺

不寐有述

秋來何事惱吟魂跛躄蹢躅不出村無恙人
方遊福地忘機我已入玄門五侯莫換詩千
首列鼎何如酒一罇昨夜梅花相笑詠水光
清淺月黃昏

與花劍吾

揚歌特地倩菴卿醺飲相招更友生三嘆正
當風鶴唳一壺還對兩同傾引杯那得長看
劍擊柝應知早出城枕上自思如此事浮生
何用役浮名

四更

病耳啖鷄晚殘燈喜月光心無腸屈曲夢與
蝶悠揚法有無生忍書多得效方江樓今夜
月奈爾四更長

有感

太息臯陶遺世久是非終古混塵埃奪牛但

以谿田故爭鹿殊非辯訟才納履恐防忘忌
諱竊鈇終見犯疑猜憑誰得似愚公谷駒犢
全拋歸去來

漫興

誰能扣角更歌牛天步艱難自合休塞上有
人曾失馬壑中何處可藏舟似聞一切俱爲
幻却笑無詩不帶愁苦雨祈寒惜沉醉憐君
不善爲身謀

雨中絕句

茲山何幸得觀遊談者云從浩劫修望眼遙
遙千里外真人不與借蓮舟

漫興

膠擾擾世紛間常擬求閒苦未閒身落醉
鄉迷不復眼看文券積難還直須喚醒塵中
夢相與遊觀海上山長嘯一聲風動地不知
狂可有人攀

嚴石谿詩稿三卷終

石谿詩稿卷之四

春日高都道中

四山重疊展屏風，桃柳連村綠映紅。不是今朝開出郭，那知春滿禁烟中。

春日

春深猶未換春衣，末路因知早計非。花信幾番風作惡，鳥啼常是客思歸。不應門館似僧舍，肯信江湖無釣磯。寄與向來樵負者，可容同采北山薇。

春詩稿

卷之四

清明日作

二年客裏逢寒食，隴樹依依入夢頻。地下馬醫猶有鬼，花前鶴髮亦傷神。禁烟况值山齋冷，載酒思尋野寺春。滿耳淒風聞野哭，天涯愁殺未歸人。

胡溝道中

原上新墳接故丘，天涯羸馬過胡溝。清明昨夜千家哭，落魄今朝獨客遊。麥隴高低飛野雉，桑村遠近叫林鳩。白雲南望吾何興，未見詩能慰籍愁。

春日同段五峯遊靈山寺

臺殿高臨水石清，偶從佳客得閑行。分明此處可携酒，不柰無人來濯纓。幽樹隔花聞鳥語，遠山當面見雲生。飄然只逐萍流轉，我亦難逃世上名。

宿靈山寺

花雨松風杳靄間，幽尋偶自入靈山。周遭水石難爲畫，信宿烟霞未欲還。身世乃今知我醜，宗門如此羨僧閑。隣雞不住催羸馬，一笑諸天未易攀。

石谿詩稿

卷之四

七

次韻奉答殷豫菴先生

故人書素到幽遐，遊子瞻雲正憶家。戎馬關心王事急，山川回首客程賒。剛腸鬱鬱身將隱，古道悠悠髮已華。多謝陰鏗好詩句，再三吟詠向天涯。

秋夜

爲問秋來意，其如夜漏長。山川飛別夢，身世轉迴腸。烏雀方營樹，蕪葑已着霜。伊人在何許，天地正茫茫。

秋日同汪四峯學士遊陳望雲園亭

羸驂曉趁白雲秋又上元龍百尺樓戎馬關
山愁北極川原禾黍念西疇敢辭倦客無佳
興爲惜狂歌紀勝遊更喜高情汪學士棋枰
不管夕陽收

陳蓮峯索贈

嵩陽美人仙者流生平興寄何悠悠郊居未
就荷衣製天漢還期蓮葉舟玄賞不知誰結
社高標今許我同遊一杯偶自拈新句正是
山中桂樹秋

九日一首

石齋詩稿

卷之四

七

今朝風日未應孤滿眼山川對玉壺酒不難
賒人病肺詩雖易就吏催租地常借重黃花
力天肯包荒白髮無遙憶玉華亭下會幾人
依舊伴狂呼

九日演武場觀練兵

今朝九日還高興與客同登戲馬臺星象喜
占胡虜滅鞠華愁傍戰場開只應北伐張天
步豈有中原闕將才掃穴犁庭定何日腐儒
隨處得啣杯

山齋甘菊移栽自玉生鐘所因留之小

酌賦此

山城九月菊花天况值今朝有酒錢花亦不
知誰是主相看一笑總嫣然

秋夜

中夜月欲上山木相蔽虧月忽上天上山高
亦奚爲我時屬有念起望天四垂眇無膚寸
雲星河自逶迤斷鴻爾何來飛鳴聲苦悲中
庭有黃葉乾聲走階墀佳人在何許佳期定
何時偶茲搖落秋敢怨韶華遲

望直兒不至

石齋詩稿

卷之四

四

冬來音信轉茫茫想像情猶戀北堂驅馬幾
時辭祖餞聽雞何處宿行裝種來區豆今除
架開徧黃華屢護霜心折眼穿還不至可堪
東望又斜陽

懷古

徙宅忘其妻斯言無乃戲如何杞國人渺渺
憂天墜漆室有嫠婦曾不恤其綿山堂夜何
永懷古愁不寐惟爾窓下雞霜寒晨不啼我
心不如汝所志在卑栖推枕攬故衣起見烏
雀飛鳥栖苦無樹我亦未成歸

題希夷卧像圖

你是何人豈無星事倒有工夫閑睡打起精神
睜開眉眼也好看些天地虎卧深山龍潛大澤
忘却世間名利這其間倘遇痴兒形迹論他不
濟○又焉知寤寐庖羲神遊混沌親見太和元
氣半夜藏山終身填海到底不成心計魔力難
降迷頭莫悟孰辨衆人醒醉想先生不是慵眠
別有一般清味

右調蘇武慢

寒夜懷直兒

今夜寒如此遙憐客路中主人無此道羸馬

有西風不柰山川隔何由信息通衣裳恐單

薄相憶命塗窮

每

寄王省齋贊府

葵扇東城送使車風霜轉眼歲將除冬來詠
雪心何苦北望停雲興有餘請粟頗遭官長
罵折梅聊寄故人書山堂宿昔憑誰話爲待
登樓賦起予

日夕

頻年落魄宦遊中詞賦羞稱篆刻工狗監誰
能薦司馬漁竿何自夢非熊風塵老矣甚回

首天地依然只轉蓬日夕翩翩見飛鳥片雲
何限憶江東

張二尹折送牡丹走筆戲答

東君折送牡丹花牽引春愁亂似麻爲問明
年可招賞今年應是酒難賒

秋日出吊仇汝化妻喪道經玉齋翁南
莊因悼南塘兄

出郭聊舒眼情因感舊傷西風未黍熟前日
室廬荒老涕無從雪平生未忍忘楊花橋畔
路何限憶南塘

吾友黃溪張子客送之鶴再閱歲調養

已馴乃去年壬子六月盡之日去而不

知所之時乃翁南庄處士方卧疾越七

月二十日遂捐館舍今年癸丑五月盡
之日鶴復來歸曆閏三月歲逮一周黃
溪子感其事傷痛不可解於心圖爲卷
以志其思慕之情頃以語余余惟鶴胡
爲而去乎若告其主人翁將去而上仙
矣又胡爲而歸乎若告其子我則歸主
人翁其不復歸矣孰謂禽鳥不近人情

邪爲書三絕於其卷歸之

汝鶴何知翁欲仙白雲相引忽經年茫茫翁
去歸無路汝獨來歸何處天

人間世累變滄桑塚上人纔種白楊珍重一
言煩汝鶴令威何日下遼陽

鶴如曾識舊山川牛亦曾眠新墓田遼海有
人明月夜返魂香裏望飛仙

挽曹春菴

董奉醫功大嗟嗟去不還病龍吟海藏馴虎
泣雲關花雨壺天暗樵風葉徑閑腐儒懷舊

不集詩稿

卷之四

七

德揮泪滿匡山

題月隣圖

攢峰疊障叢薄連林下積猪水不知其深誰
開茅堂迥對遙岑秋空寥廓暮靄陰沉時有
明月來窺我吟澗道伊誰言携綺琴豈不謂
我素賞其音幽期在昔不自斯今茫茫宇內
孰馮予心自我不見憂心欽欽靈泉洗耳清
風滿襟今者不樂上帝其臨

壽尹西華少府

西華先生戚里賢祗今林下散神仙曾看落

筆花如錦尚憶收書海用錢雙鬢未妨生鶴
髮一官渾忘在龍泉當尊莫罄交游祝閱世
傳聞大有年

次韻楊華峯一首華峯乃太常公季子
傷乃翁死諫下因絕意仕進爲方外之
遊余意謂有太夫人在堂不當若是愁
也因其雅教諷以彛倫

塵世年光促客窓秋夜長夢回青草峽起舞
白霓裳自信波添泪誰云石作腸寸心憑鐵
笛三弄據胡床

右次韻秋夜言懷

不集詩稿

卷之四

八

回船

旅蒲連野水晚興尚堪乘市遠難呼酒舟遲
便乘菱孤飛憐急鳥共話憶高僧烟靄城隅
暮漁家尚把罾

風夜

達旦無眠夜有風羈愁難遣客遊中囊書莫
濟封疆急巷議似聞田野空燕息竟誰親歎
掌孤裘徒自歎蒙戎月寒霜冷江湖闊何處
哀鳴飛斷鴻

送陸三塘廣文之建陽

似聞武夷勝不減三神山神仙遠莫致夢寐
徒相闕君以縱高步我方存大還談經如有
暇好爲一躋攀

送強臨淮少府

海陵家世舊才名邂逅燕臺意氣傾少府干
城知有具廣文書劍笑無成官卑不負藍田
石天遠能忘白玉京草草一詩狂送客可堪
聞轉上林鵲

送徐公子檢校閩藩

十年前偶識風顏似是蓬萊閩苑間幸自重
十年後重逢

逢雙塔寺何由同看武夷山羈愁歷亂難爲
別夙駕迢迢不可攀簪履家庭淮海上彩衣
贏得過鄉關

大黃莊泊宿

河水方瀾瀾浸到田家門南風扼予舟搖搖
入黃昏漁燈渺何許犬吠知有邨維舟此栖
宿水闊見星繁澤國况多蛟中宵惱吟魂浮
雲倘可梯逝將欸天門涼風幾時來爲掃此
煩冤

舟中對月

我家東海上杳杳難送目海月從東來應經
我茅屋見我室中人刀尺方秉燭悠悠念行
旅此際倘栖宿我時在蓬底百爾攪心曲乃
如歸飛翼不得附黃鵠

送潘南洲先生紀善遼府

西京推賈生南朝重潘岳誼能陳治道潘有
辭賦作美茲南洲客二子同廓落名藩佐宗
英逝肯負所學東平亦有言爲善曰最樂斯
言良足勸黽勉輸葵藿方將召宣室吾道未
寂莫

小河口阻風

烟樹人家還宿遷五更篙梁已杳然乘桴直
欲東浮海崩潰其如上聒天蓬底歸懷空浩
蕩沙邊吟興自延緣千秋賴有規林作不羨
如飛北去船

逆風用淵明規林韻二首

吾生苦行役夢想園田居瞻依悵桑梓鴻鴈
念友于栖栖問前路鬱鬱失東隅籍也徒云
狂乃爾哭窮塗我心異朝市我跡滯江湖秋
水時方至落木漸應疎耦耕寔吾願一飽寧

復餘乘流且復逝遇坎將焉如

茫茫望八荒去去欲何之矯首瞻衡宇適與
寒花期南風爾何來競此霜露時欣賞念佳
客淹留方在茲順受誠足貴逆來安可辭巫
咸既已死自信奚復疑

桃源夜

風聲一何猛水勢一何溜兼天波浪湧破地
雷霆闐羣龍正酣戰萬馬駭馳驟無將撼山
嶽忽若掀宇宙衆方貪利涉誰暇念傾覆我
時廢嘯傲兀坐省炎咎蜚廉無乃過河伯倘
可寄泊宿問烟村簸揚厭箕宿陰雲迷指點
急雨方灑漏昏黑到桃源短歌聊自壽

舟宿湖嘴有感

十年淮浦幾經過烟水微茫感慨多莫問王
孫垂釣處空聞漁父扣舷歌江南大亂勞師
久閭外無人柰國何皓首儒臣憂轉切不應
身見海揚波

黃昏舟過虎丘

澤國風霜草樹秋白頭何況我來遊卧看雲
氣知龍劍靜愛高僧住虎丘卜宅懶栽千樹

橘挂冠思放五湖舟東南樂土如吳地見說
徵徭更可愁

舟中不寐輒復賦贈一首

無風愛此澄江色冷浸同雲凍不流一夜青
山生鶴髮獨燒紅葉向漁舟欲歌欵乃艣難
扣不惜簑衣酒易謀爲愛孤山花樹好合歡
誰復夢羅浮

謁嚴子陵先生祠堂

高臺古木倚江濱高士清風百世聞三歎祠
堂煩地主共傳星象動天文誰能脫屣遺軒
冕我爲維舟吊水雲凍雨寒燈對飄泊可堪
搖落正紛紛

五言一首

韓彭志侯王未免遭殺戮良寶千金軀抗志
甘辟穀偉哉商山老采芝茹空谷一赴儲皇
招冥飛遂鴻鵠光皇監高帝雲臺示優渥一
意全功臣不使秉鈞軸云胡鏹鏹翁以死報
推轂明珠指薏苡身後有謗讟古云行路難
人心多反覆先生閱世變漁釣不翅足微車
未爲榮持竿未爲辱目雖存故人足不知帝

腹歸去來祠江不可榮以祿富貴有歇疾人
代一何速釣臺自無恙今古同送目偶茲謁
祠下再拜伸吊哭徬徨不能去懷古心屈曲
江中豈無魚山下豈無竹不見垂綸人何以
慰幽獨

泊石壁

野宿偏傷遠客心不眠展轉抱青衾江多亂
石灘聲急山有餘寒雪色深歲晚頻年愧漂
泊腸枯每句費搜尋下程知有蘭陵酒定是
誰家肯當琴

石壁書齋

來之山

主

泊石塘洪與雪湖

石塘洪下晚山晴石塘洪西新月明携酒與
魚無蜀客奔流激石有江聲吟鳧震盪眠難
穩世路崎嶇尼不行賴汝雪湖人好事日將
梅譜慰離情

白溪口

一夜灘聲雜雨聲西風况復攪林鳴不緣楚
客多愁思任尔無愁愁亦生

鰲峯黃生邦贊台州庠生也持軍門羽
書至景寧召募阮兵過訪山堂題贈一

首

三年未報海波平聖主宵衣念戰征燕領有
人投筆研兔置于野見干城前籌好借詩書
帥入幕宜談節制兵此地自無貌虎士擾鋤
徒取護銀阮

用韻酬鰲峯見贈

山中風雨苦綿延枯坐西堂寂若禪載酒杳
無人問字扣門爰有客籌邊迴瞻北極星辰
近歷數南征將士賢便可飛書聞此捷盡歸
耘者事春田

車轆書齋

奉之田

主

轆轤

井梧蕭蕭北風急轆轤百轉羗獨立請君幸
勿念高堂提甕猶能爲君汲

扇

世態炎涼多是非行藏畢竟我何歸憑君莫
作蚊蠅用百萬猶將聽指揮

簫

天高月明愁思長強拈玉簫吹鳳皇秋空冥
冥彩雲滅雄飛何時歸故鄉

枕

魚海鋒屯殊未散角枕錦衾空燦爛閨中春
夢夜悠揚惆悵寒雞不知旦

鏡

春來妝鏡欲生塵夜合花前月色新獨照雙
眉憐此鏡不如明月照征人

社鼓

楓林社日鼓萼萼兒幼不堪隨社中放牛歸
馬是何日爲采山花祈社公

邊馬

去時班馬不勝肥千騎能將幾騎歸病骨空
在鞍旁

然瘡滿脊翩翩曾逐虜塵飛

燈花

玉闌迢遞無音問獨立經年吾自分願言夫
婿覓封侯不喜燈花報歸信

酒旗

杏花村裏杏花紅多少遊人醉夢中安得遙
庭息桴鼓征夫歸卧酒旗風

棊子

衝關奪角勢紛然決勝誰能讓一先頗憶相
公詩句好偶因觀局憶臨邊

紅葉

紅葉因知夜有霜白頭自信老無妨彩毫題
寄新詞爲吊當年古戰場

瑟

明星煌煌天欲旦一鼓朱絃三浩歎良人戈
甲事南征不爲翱翔弋鳬鴈

琵琶

良人志欲靜龍沙生死懸知不憶家得似相
將關塞外免教哀思上琵琶

簾

東風未欲敞紅樓翠幙重重窓戶幽不爲舊
家雙燕子綴鬢誰與控銀鈎

針

霜寒月冷鴈砧燈底裁縫敢憚勞不見李
唐傳故事宮人猶自繡征袍

歸船

軍中前日有書來盡掃東南氛侵開紛紛海
舶不入望卽載戈船鼓吹回

機杼

島夷膽落天山箭海上師徒新罷戰秋今且

可罷征衣依舊相催織官絹

北岸頽垣破扉宛然而室廬無復存者

天桃一株花盛開夕照中感而賦此

都無破屋有頽牆一樹桃花向夕陽老我驅
馳山下路傷心不獨爲流亡

花落雖頻意自閑此山峯公試教職詩

題一日偶閱擊壤集漫書一首

綠樹飛紅兩晴窓倚夕陽春歸何迅速花落
自悠揚不惜年芳減翻憐世態忙素心回物
理十畝憶條桑

石齋詩稿

卷四

七

代姚江門上四溟高公五言律三首

汪洋元海若奇特亦壺公画省神仙譽黃堂
俊傑公四郊民按堵千里士趨風自顧非徐
稚深慙禮數中

位望三台上風流兩漢餘萬山春氣迫孤燭
夜堂虛政美中興佐聲華太史書野棠花樹
好隨處密村居

閭巷聞絃誦仁公在栢蒼山中無虎跡天上

有龍章曉發蠶桑駕宵凝燕寢香三年今報

政登薦竹明堂

雨中懷秋谷舅氏

不柰貂裘散其如鶴髮新人生春復夏山雨
夜連晨自古歎行路秣今難問津天涯遠舅
氏誰與話酸辛

雨中

濕熱愁梅雨卑栖傍墓林青山空對面黃鳥
不知音歸夢江湖隔衰頽歲月侵客懷何鬱
鬱塵土暗床琴

留別柯峨峯少府

新秋柰此去程何夕照寒蟬感慨多今日題

石齋詩稿

卷四

七

詩別黃鶴幾時携酒問金鷺青袍顧我心猶
赤黃綬憐君鬢未皤還擬鳳毛霄漢上肯分
光彩到巖阿

贈處州郡錄劉蒲涯

公子家聲舊翩翩振羽儀苦吟時發興耽画
或忘飢世味無嫌薄官曹任自卑昌陽池館
在此外復何爲

登雞鳩嶺

曉登雞鳩嶺不聞雞與鳩二鳥定何處倦客
此來遊蚤計既已非拙性不自謀絕險窘陰

兩我心能不憂顧茲溪中禾令人念西疇耦耕似沮溺千載空悠悠

行路難

行路豈不難來去長駸駸我行既永久豈不良苦辛辛苦何足歎感慨寔傷神擔夫或爭道醉尉能呵人長卿志車馬何獨緣賤貧藜藿守鄉社仰慙古逸民

江行

雪夜舟曾宿釣臺秋風長鉞又歸來黃昏烟雨愁無賴皓首江湖愧不才行色適當鴻鴈至到家應值菊花開蓬窓獨坐看流水東去滔滔何自由

逕亭爲宏上人題

誰將茅亭子結構虛空處下臨千鬼窟上近三天路俯視閻浮提多生煩惱樹落葉四飄飄陳根自盤互障礙諸人天蔽虧衆牖戶上手利斧斬伐不復顧翻令主人翁問尔何以故請開一隻眼大地披雲霧四維上下際一切皆淨土如如觀自在不洒楊枝露

支生國材持扇索詩

我來東郡逢支生結髮已馳場屋名光芒直掃斗之上意氣遙知山可傾未妨末路騁騏驥豈有盛世無子旌丈夫何以報知己寶尔熠熠雙青萍

雪夜

作客當寒夜窓風燭易銷抄書殘筆凍沾酒破棊燒僵卧懷袁老狂吟阻羈橋江梅花滿樹歸思自無聊

懷秋谷舅氏

舅氏遙相憶衰年髮未皤謀生無乃拙食客石叢詩稿

不勝多意氣知誰似泥塗奈我何封題聊慰黯猶幸海無波

懷鄉國社中諸老

鄉社諸耆舊頭顱總暮年羈遊無毒苦釀飲任狂顛禾黍聞秋熟桑榆儘晏眠浮榮何足道憂患欲滔天

春日漫興

過眼滔滔訛與論天涯回首爲消魂憑誰問路愚公谷愧我停車勝母門春夢茫茫滿東海老懷顛倒負南邨庭花寂莫風烟冷賴有

新詩對酒尊

春日同陳生源魯游靈巖

爲愛靈巖寺，巖巖特地來。如何二月節，不見一花開。
登眺同佳客，鏡題滿綠苔。蒼蒼山色裏，龍象獨盤迴。

游岱嶽

恍惚經行舊夢中，茲遊偶自慰飄蓬。盤旋陡見仙巖轉，呼吸遙將帝座通。
却笑一丘藏曲折，始知天路入虛空。吾衰爲借肩輿力，想像飛仙只馭風。

石巖詩稿

卷之四

七

躋攀磴道陟陂陀，日觀天門一放歌。絕頂因看衆山小，老懷如此勝遊何。
茫茫八極悲塵世，渺渺三神隔海波。秦漢雖亡遺事在，斷碑殘樹夕陽多。

張松岩及乃侄介峰及宋見田三君携

游王母池呂公洞

西母池隣巖回仙洞，有天幽尋成癖性。勝跡出流傳，携賞煩佳客。
登臨惜暮年，貪看古松樹。欲別興猶牽。

題扇畫

山泉冷冷山月明，山空夜寂何爲情。有琴無耳未欲鼓，坐聽松風浩蕩聲。

薛月翁回自都下過訪留宿燈底索吟走筆書見情

廣文官舍無車馬，春草階前一尺長。何意揚州薛夫子，笑言來共此燈光。

立夏日書懷

齋居不逐馬蹄塵，物色驚看槐葉新。偶揭歷頭知立夏，因悲屐齒失尋春。
何緣泥飲遭田父，苦縛微官愧野人。舊業尚餘茅屋在，清溪白石水潏潏。

白石水潏

卷之四

七

代贈郡吏拜滿北上

舊業在山曲，驅馳漸有聲。南陽傳盡諾，東郡數才名。
雲路天非遠，風波海未平。煩君䟽時事，尚可佐中興。

九日登光巖樓呈席間諸廣文

高樓遠望思何窮，欲賦其如句不工。黃菊華開戰場後，白頭人愧宦游中。
四郊極目嗟魚鼈，萬里冥飛羨鴈鴻。偶爲群公舒一嘯，蕭然短髮動長風。

深秋雨夜

一燈四壁何蕭然
吾家舊物惟青氍毹
經時未易得
鄉信苦雨可柰傷
秋田乾坤納納客無
賴江海悠悠情獨牽
沙雞誰令汝在戶非倚
酣醉還能眠

次韻保莘縣九日之作保號西洲

一年佳節喜重陽
身世那堪是異鄉
蚤歲何緣相見晚
閑官自笑半生忙
衰顏不減黃華瘦
愁緒相兼白髮長
千古風流陶令在
詩篇殊慰老夫狂

石齋詩稿

卷四

七

次韻丁觀峰秋夜之作

無意驅車駕聘輪
遙從上界輟金銀
平生自信狂成癖
一笑誰云懶是真
海內文章慙草竊
籬邊尊酒負花神
憐君頗念栖栖者
報以瑤篇興寄新

挽王室黃孺人

空際黃姑沒
應傷處士情
兒孫紛涕泣
里巷遏歌聲
逝矣今難挽
賢哉舊有名
憑誰脩女史
刊石耀佳城

讀具慶恩錄

南極星辰迥高高
不可攀
新恩來北闕
爽氣

看西山
天子當陽日
仙郎衣錦還
玉壺傾
壽酒春色滿
酡顏

聖主嘉臣子
天書錫寵榮
山川騰喜氣
閭里動歡聲
葩藻宸章麗
雲霞命服明
遙知家慶日
車馬撼江城

捧誦方州刻
應留百世芳
鯉庭瞻振肅
龍誥羨光揚
登譽知耆舊
新恩拜省郎
往年經梓里
遺恨失登堂

不寐

石齋詩稿

卷五

七

卧聽寒城鼓角聲
夜長不寐可勝情
上官揖拜無虛日
薄宦驅馳已半生
方朔未甘飢欲死
長沮直愛耦而耕
腐儒身世風塵裏
落落何由歸計成

歲暮

見說鶯花不厭貧
擬拋殘臘待新春
如何鼠竊支離粟
儘自狐疑骯髒身
孤劍半生常作客
四郊多壘正愁人
封題爲寄東籬菊
我負淵明漉酒巾

冬暖

漉得末頭酒一升醉吟牆角短檠燈旗亭巨
素冬無雪釣艇相饒煖不冰漸覺蛇龍魂抖
擻似聞花柳氣熏蒸人間節候今如此笑倒
山中赤脚僧

田父留飲

道傍有田家一老居二婦蕭然一室內嬉嬉
若賓友殷勤爲留坐視我若隣叟自云八十
餘生計止田畝今年苦旱澇在昔所未有丁
男且離散何況雞與狗翁嫗老無力破屋甘
自守飢來併日食營得酒數斗非緣伏臘設
石簪詩稿
聊塞里正口傾杯勸我飲物薄情則厚爲云
州邑長早晚救黔首

題印峰扇

野寺前頭春水深酒徒詞客隔招尋隣家璫
履如相借期聽花臺鐘磬音
青山不斷水雲寬樹有珊瑚拂釣竿短筇長
策烟雨裏桐江物色可同看
迷茫烟樹水邨中不與人間車馬通醉脫簑
衣短篷底未妨高卧酒旗風

春盡

羸驂日日走風沙事緒其如亂似麻老惜折
腰徒爲米狂嗔病眼失看花淹留久矣無情
况吟賞依然負物華飛絮茫茫春已暮兵戈
那得不思家

送東方海鶴就食東平

千倉萬廩原有人一粒不濟東老貧我亦家
無五斗米老矣猶自拖儒紳飢瘦身形憐老
鶴栖栖不肯填溝壑更欲將雛何處飛海闊
天高魂落莫物情世態何紛紛春風飛絮秋
空雲人非漂母不可食金非鮑子不可分荒
本簪詩稿

山飢走聞有客丈夫資身苦無策惠施何必
書五車相如可笑家四壁東平流風安可量
樂善舊有賢王蒼只應春風生寒谷不惜梅
花寄草堂

懋碧霞宮

繫馬靈宮日欲斜可堪塵土隔烟霞滿頭鶴
髮慙操瑟一葉漁舟苦憶家偶對南山詩句
澁遙憐北海酒尊賒皇皇日與神仙接不及
階墀木槿花

府中頒新曆有感

雲山一帶海相連勝槩尋常在目前幸自曳
裾無去志偶因頒曆感流年刀圭莫就金丹
術意氣空吟寶劍篇數紙家書寄兒子可能
營得釣魚船

歷下遇果沂亭贈此

燕市悲歌知幾年鶴書遙憶寄青山山川一
別渾疑夢尊酒相逢似有緣君喜傳經隣梓
里我慙操瑟向華顛離亭折贈無楊柳爲唱
昆吾寶劍篇

和嶼翁喜雪行

小民祗是祁寒憂冬暖不關家國愁更憐兒
女不解事笑指桃花開樹頭今年赤旱地頗
遠蝗留遂至屠耕牛眼前缺食尚云可明歲
奈何田無收民無子遺未暇恤百萬何以輸
漕舟天心仁愛真巨測汛掃妖禍敷神休回
雲忽漫徧四野北風兩雪寒飈颼閉門僵卧
聊自慰爲喜明年宜麥秋憂時賈傳有新作
豐年我正懷西周假令米賤酒價減醉筆好
賦籌邊樓

送鳳溪徐先生歸壽二親代龍汀公

明主躬彞訓儒臣許過家壽筵光梓里歸騎
及桃花萬舞衣兼彩雙親髮共華講堂方佇
爾未可戀烟霞

春寒擁爐偶成

短歌長缺笑相看懷古思卿興渺漫種髮可
堪逢世難微衰如不柰春寒寄人簷宇何顏
面許尔江湖見肺肝獨擁地爐終日坐卑卑
有愧縛微官

春日偶題

春寒未撤換春衣惱見顛風盡日吹離別可
堪花柳月親遊爲憶海山期相携尚有平生
寢自顧能無老大悲南北兵戈還滿耳壯猷
誰與濟艱危

馬東道中

曉煙散盡日曛曛自策羸驂過馬東山矯遊
龍送流水樹兼飛鳥落西風路經海岱觀遊
外人在沅湘興意中何自南枝栖倦翼不煩
長歎首如蓬

與劉道人

白洋河西劉道人自言消受一生貧豈知皓

首儒冠者出路無車旣有塵

去清河轉近風浪逆甚力挽而進

路逼清河近風掀白浪高人非千里駿舟比
一鴻毛健櫓難爲進哀歌祇自號來船何意
氣安穩送雲濤

舟中雨夜

徐邳欣解纜又復阻淮濱滯雨經旬日連天
貼水雲卿心愁易亂戍鼓濕難聞爲問風波
客何如鹿豕群

五更解纜即風起兩作舟不可進復就

石泉詩

卷之六

七

岸艤泊

擁衾不寐自初更解纜依然逆浪生無力可
呼風北轉歸心徒逐鴈南征丁丁又桡沙頭
杙泛泛相看水面萍聞道清江仍阻淺片帆
何日下蕪城

宿小河呂石泉店

白頭宜爾賦歸與况復青雲器業疎南去安
能如塞鴈冬來可柰病河魚未應旅次懷無
斧得似關門出有車點檢平生五千卷腹中
猶幸不空虛

過邵伯湖

不信世塗險今知行路難海波天震蕩湖水
地瀾漫龍伯狂爲恠蛟人膽亦寒舟中有羈
客高卧夢漁竿

漫興

似聞國士不謀身自信非才合隱淪未報邊
城息烽火可堪江國被風塵天涯痛哭誰騷
賦海內無聞急難人正是千林搖落日白頭
黃葉對傷神

宿清平港西入夜風雨大作

石泉詩

卷之六

七

黃昏繫纜誰家樹四顧茫然身世孤風雨無
端惱堤事乾坤有客在江湖舟方涉險幾時
濟酒可破愁憚處沾雞犬不聞更鼓遠海天
惆悵正模糊

長夜不聞更鼓

江城鼓濕寂無聲展轉難知是幾更病耳人
曾聞鐵閤惡懷吾獨急難鳴鉛刀莫割優柔
斷河水終期混濁清只合平生如此友相看
一笑話餘情

病中

案有諸書四壁空身無調度不妨窮商量此際惟應蟹想像何緣得似鴻舊學草書蕉葉上新牽愁緒藥爐中莊周可是能齊物生死相看與夢同

病懷

病來餘月苦尪羸頗覺顛危尚可持自此好搜醫士傳從前不皺世人眉奔波未欲看忙態放浪何妨作惡詩寄與東南山水道吾衰不似壯遊時

苦夜長甚

石齋詩集 卷之四
起卧翻憐鶴骨輕殘燈半壁自熒熒五更并作三更打如此其長亦不應漏聲燈影不分明病叟難爲此際情忽聽鄰雞纔一唱應知譙鼓已交更

栖歎

往事猶牽祿養情宦遊終竟不謀生只今蕩浪無根着始信吾兒號一萍

志壹動氣

愁客當暮雨病耳聽秋聲縱有吹毛劍難摧振瓦兵孤軍拔趙幟一箭射聊城赫赫卑蘭

捷今標去病名

爲文

爲方以矩爲圓以規匪規匪圓自何能爲後生能文肆筆不疑盜竊名字莫知其非蝸涎鳥跡是何細微視古篆籀彷彿依稀

就枕偶成

憶從伏枕辭酌應酒興生疎詩興賒兩月聽更纔幾夜百年回首只孤槎事如春夢俱成幻眼對寒燈幸未花深信蠲膿南面樂老夫童子讀南華

石齋詩集 卷之四

直兒不至

歎歲家家不自圖可堪吾病與蕭疎身形十分餘三分人事今吾媿故吾芳草王孫愁萬里蓮花博士酒千壺而兄日糴而翁渴想到歸耕賣劍無

聞雨

四鄰已是傷秋潦入夜依然聞雨聲征鴈恐無歸宿虞寒蛩疑有不平鳴病翁儘借詩爲藥狂士都因酒著名忽憶匆匆忙裏過誰能了悟此浮生

客有說直兒歸信

傍觀竊笑我即當自笑即當老不妨兩月廢
書憎面目一朝恢復舊猖狂鴻音屬耳千金
得蟹酒淋衣三日香不遠吾兒來膝下鬢毛
何惜帶風霜

雜興

餅罄壘空志不伸還思漉酒舊頭巾花開定
有蛾眉女天上應無鶴髮人紅葉若將驕碧
草黃鸝亦自愛青春可憐蠶妾無蠶養挑菜
楓林看賽神

李商隱詩集

卷之四

七

杞人憂

夢田長是意醒然四壁寒燈一劍懸聽鼓聽
雞煩老耳愁風愁雨廢高眠豫有衣裳函卒
歲大無禾麥魯憂年卧聞夕照看村落一井
能炊幾竈烟

自嘲

天生拙性我如鳩世事都無着念頭更不作
詩兼寫字還同田父廢耕收
眼底論痴我更夜中吟噀却書詩如何耳目
全然具觸事長如醉夢時

聽琵琶詞

送客江頭月色蒼琵琶一曲響新霜荻花楓
葉青衫淚喚醒離魂白玉堂
塞外琵琶客楚鄉餘音猶帶漢宮商傳聞塚
上青青草不似風沙塞草黃
腸斷辭天出漢宮琵琶馬上落飛鴻千秋可
笑詞人錯不怨君王怨畫工

風

攪亂蓑衣捲去蓬江邊昨夜鯉魚風漁家大
畧風波少不似尋常世路中

李商隱詩集

卷之四

七

書感

鴻鴈利高秋蚊蠅利長夏鳳凰鳴朝陽蝙蝠
騁昏夜羈遊戀鞍馬蠶妾重桑柘市兒競錐
刀高士薄天下忠言苦于藥利口甘于蘆爲
問良知家從何尋柄橈

贈陸潜虛弟子俞文通

之子云何能蚤服從師采藥海雲邊諸家莫
了峯同契初地如聞棒喝禪鳥跡寫藏餐王
法象耕收穫種芝田老夫不坐無靈覺誤矣
先春緩着鞭

憫朱鶴山

辛苦誰憐朱鶴山一年一日不曾閑錢如子
母纏腰下藥以君臣濟世間流水欲償兒女
債繁霜不管鬢毛斑公然素飽深慚我日見
丁男負米還

自許丹溪伯仲間向來醫案老能刪淪亡不
耐家門否歷涉可堪天步艱兩兩孩提新喪
母勞勞筋骨日為山秋鴻社燕頻來往為問
先生何自閑

風雨

書

卷一百

七

苦雨淒風日長貧老病夫連雲鴻路遠落木
鶴巢孤不厭添詩稿何因罪藥鑪田家懸磬
室愁殺吏催租

悔不力田

數弓有地接荒塋宦學羈遊誤耦耕蚤歲不
知營秫酒衰齡何計糝藜羹王孫未見資身
策孺子空懷食力情兒直飄飄還似我依然
書劍笑無成

枕上讀直兒書未見歸意賦行路難

道遠衣單念汝寒世間行路古來難風波鯨

海千尋險坂道羊腸百折盤且可悲歌扣牛
角未妨窮餓守魚竿迷津到處從誰問苦愛
風人詠考槃

寄范介石

范叔緇袍一向寒文章有子挺琅玕經年底
事無音信為問桐江舊釣竿

送殷載登赴賓州盧別駕之招

白髮憐君事遠遊可能製得黑貂裘北風雨
雪齊山道莫惜探囊上酒樓

病夜

書

卷一百

七

生平安枕舊簾床抱病纔知苦夜長人以形
骸悲此叟我憐羈旅在他鄉上林鴻鴈雲千
里白露蘼葭水一方為憶同人能敬老庶幾
神可遇滄桑

自笑

晚覺平生知識偏都将饑飽付流年青錢買
醉貪留客皓首燒丹懶學仙寤寐群書從結
髮烟雲一切不流涎神仙宇外尋常事苦笑
依然薏裏天

述懷

江鄉風雨興蕭然頽卧經旬亦可憐老病迎
醫無報答貧家舉事廢黃緣愁懷偶得移情
法日糴還資賣酒錢仲子何因如郭隗千金
市馬善謀燕

懷狼山

白狼神挾海山靈可照桐江舊客星聞說兵
屯猶未解幾時還醉半山亭

漁者觀物

一竿志不在魚蝦枯坐苔磯翫物華鳥數鷗
鷗能汨沒花無輕薄似桃花

石齋詩稿

卷之四

七

睡覺

被褥新綿煖若雲睡醒夜永苦難分月華星
彩知何事鼓響鐘聲總不聞待旦可堪心汲
汲忘機無復夢紛紛此時安得同床友共話
平生虎豹文

霜

楚天風露正蒼涼一夕零爲萬樹霜紅葉青
山何處所美人應寄九迴腸

隱語

朝霞掩映釣臺空綠樹林塘振晚風一尺鱸

魚江店裏酒香薰醒綠簑翁

童子報社飲諸老醉歸

江城烟靄弄斜暉諸老醺醺社飲歸悵恨歎
盆新稻酒無緣沾灑綠簑衣

正兒辛苦侍疾

勞瘁形神念此兒秋冬侍疾未曾離典衣不
懈供湯藥祇是天知人莫知

感龍劔餽雞酒

古風遠矣世涼涼裹飯誰能問子桑枵腹怒
雷三日轉一杯珍重慰饑腸

石齋詩稿

卷之四

七

次龍劔新篇見問韻

皎月正在天中央迢迢此夜何其長如聞桐
葉下金井忽夢梨雲生石床卧檢海龍方試
藥妬看溪蟹酒生香此翁僵偃今猶昔病轉
支離詩轉狂

次龍劔新篇見慰韻

造化拘拘苦見侵浮雲萬變我何心鼠肝蠹
臂由天付暑雨祈寒總自禁豈有補天能鍊
石寧爲躍冶不祥金新篇至再煩相慰感激
高情又一吟

次韻答龍劍送油之作

江雲慘慘雨霏霏此際煩君念董惟暗室俄
然逼明發短檠長是吐寒輝淹纏苦卧河魚
疾奮迅思從海鶴飛珍重瑤篇合瓊報慙無
一字似珠璣

次龍劍新篇見慰韻

風雨江湖卧病人忍將愁思損天真陶潛不
管瓶無粟杜甫其如筆有神手懶任從書在
閣容枯翻愛鏡生塵中秋數至初冬日伏枕
今朝是六旬

石齋詩稿

卷之四

七

次龍劍對鞠韻

春花人共愛我愛傲霜枝畢竟湏沽酒那能
不作詩閑情原自得幽興頗相宜徵士千秋
外吳生後汝期

次龍劍對雨韻

風雨泥塗履齒深煩君來此話愁心家貧可
奈人多病歲歉其如天久陰恠汝芭蕉逢夜
雨虧他蟋蟀助秋吟新題汲汲催新作珍重
吳郎善賞音

次韻答龍劍見示

古來惟酒可忘憂不飲憂還在念頭且再歌
牛懷賓戚由他騎鶴上揚州親朋漸向去年
隔兒女難爲卒歲謀不有豐城龍劍客壯懷
誰爲老夫謳

陸虛仙讀移情雜詠

谿老方卧病吟弄豈無謂私竊古聖神得此
移情計厥計欲如何將以理榮衛於焉旋病
機且再殺病勢夫豈無菁華未免雜蕪穢所
取酒爵開不在詩律細虛仙正法眼轉盼若
馳騎披沙揀黃金刮羽拾紫翠當其得意處

石齋詩稿

卷之四

四

往往能誦味錯落着圈點依稀稀賞精粹性真
露活潑語韻喜流麗譬彼繁星中芒色欽五
緯屈到何敏達知言許黃帝誰云可焚燒出
口何容易或曰無一句無乃深妬忌彼謂奚
以爲此水方睡寐得其門者寡何足爲恠異
盲兒摩大象禪者笑茫昧豐城吳龍劍走筆
爲予記三復不釋手悲壯歌斫地其聲出金
石江海可翻沸神哉此劍客亦自機緣契

夢遊

脫屣紅塵鶴與群周遊八極歷星文青天上

面無行路碧落中央只度雲虎九關高莫極
龍鸞萬隊宵難分諸綠屏息神魂肅帝語冥
冥若可聞

東隣砧聲不斷者屢日連夕

隣姬不斷送砧聲兒女紛紛感易生補獎遮
寒殊不足深慚九月授衣情

雨中留別劉賓暘學士

歡言能借榻謝爾主人翁山雨晝連夜溪雲
西復東一壺頻剪燭廿載只飄蓬何物酬知
已徒看寶劍雄

事書詩稿

卷之百

里

贈群鹿劉蒲涯先生

公子家聲舊翩翩振羽儀苦吟時發興耽書
或忘饑世味無嫌薄官曹任自卑昌陽池沼
在此外復何爲

留別鍾明府

蒼山遙映古綸巾又自孤槎向北辰身世萍
蓬長浪跡江河風雨正迷津三年操瑟慙爲
客一笑金揮謝主人天地茫茫從此別還期
馬首挹清塵

沈望雲鵬酒侍往湖上諸寺

此地平生幾夢思因君携酒得探奇塵埃迫
絕湖山勝巖洞幽深日月遲真畫史應難出
手薄遊人得暫舒眉匆匆莫盡登臨興惆悵
重來未有期

舟宿烏鎮

可憐行路難如此漂轉依然只異鄉何處江
湖尋釣石無端風雨扼歸航十年作客衣裘
敝千里懷人夢寐長況是東南經寇盜蕭條
郡縣更堪傷

舟行見有乘小盆采菱煮藕釣具者

石路詩稿

卷之百

四

小孟聊作采菱舟餘興還攜雙釣釣鰲菱歌
雜漁唱羨他身世儘優游

吳江舟中

篙師解纜趁潮雞水濶雲長月漸低第四日
船風轉逆幾多年客路途迷不堪舉目愁如
海只合終朝醉似泥南國人家足秔稻差科
可柰困烝黎

客星嘆

我行江南路不遇江南人山水既已佳秋色
况鮮新奈無杯中物局局傷我神吾方古爲

徒難謂德有隣容星在江湖眇如一纖塵自
非囊中裝咄咄難問津

聞虎丘寺曉鐘

湖山隨處有行蹤名勝多應不負懷躡屐曾
尋龍井寺維舟還聽虎丘鐘十年往事來深
省累劫前身期再逢正是海波平靜日白頭
宜此駐吟筇

逆風

北船風與便輕帆去如飛南船方逆浪欲進
苦力微雞鳴輒解纜維舟忽斜暉牽挽一何
勞計程一何希風波日滔滔不出食與衣何
如東陵瓜不及西山薇開關有桑者思與爾
同歸

丹陽泊宿

小舟原利涉扼此北風狂無翼可飛去有身
難退藏江湖生白髮月露宿丹陽寂寂孤蓬
底勞歌夜未央

懷烟霞洞

古洞號烟霞天作神仙宅時有燕遊人終鮮

星客

愁遠想像飛來峰雜踏虎豹躡蛟龍不應西
竺有此物此是征僧蛇老儂

吾行江南二千里間所見小大林木何
止百千萬億株皆具眼之所過而不顧
者也獨塘西寺廢殿東北隅松一株足
觀既入見常州城西河濱一樹不知其
名亦奇古可愛焉有此吟

豈有三角無異樹深山絕壑苦難逢若非此
老娛人眼除是塘西寺裏松

石谿詩稿

卷之四

白田

余所爲號石谿者意取谿中有石水石
清激不雜塵沙耳茲吾南遊往來溪山
間實有數處稍近識想疑爲號之日即
應有此行也爲賦四言以攄情懷

溪中有石石上流泉瑤金玉聲于空明天淨
無塵沙汙雜其間晨斯鑑夜聽泠然真想
在初吾將老焉吾茲南遊世網所牽眇茲勝地
而無真山舍旃舍旃我心在川

近家風逆其

南北復西東年年只轉蓬何由能結心無路

可求通每遇淋頭雨難逢到岸風一帆誰供
便惆悵夕陽中

十一日至通州鳧翁爲下榻

仙翁家近赤欄橋花鳥東風喜見招把酒燈
前論往事按茶江上看春潮只應杜曲愁心
戚漸覺文園渴病消况是洗兵魚海日絕無
驚恐到漁樵

飲危翁引聖諸君率登鍾秀山

亭下牡丹猶未開花枝爲笑客何來直須待
爾紅芳發不用愁他白髮催倚醉放歌直我

事登高作賦媿非才

海雲東下三山近落日遊人未擬回

春日月山魯齋方田招徐厓江顧懷泉

凌蓮渠盧山樵葛玄同遊狼山適官兵

水操

漢家大將樓船出海怪應知膽亦寒却笑春

遊爲浪走敢云水戰是奇觀滄波有助詩懷
壯皓首無如酒量寬爲報白狼山下日匆匆
且莫促歸鞍

飲大中丞陳公紫薇園席次呈此

此葉北圖配補

奉進始信名園勝窈窕欄杆曲曲遮風興每
吟君子竹流傳不借故侯瓜先朝節鉞曾開
府後輩文章况作家聖主求賢方側席漁竿
未許拂三花

飲次分韻得風字

白雪調高酌和寡紫薇園勝笑言同人間喜
近麥秋節天上欲收花信風老境可堪詩限
韻醉鄉誰謂酒無功汪洋幸接東南美身世
都忘似轉蓬

飲大司徒石渚馬公綠野草堂

石齋講稿

奉南

西天

英年甲第老尚書天上歸來心晏如野服黃
冠從社飲滄江白石有園居星辰西北瞻依
迥淮海東南顧盼餘却笑狂奴存故態蕭然
身世只樵漁

十九日魯齋又復招賞

群彥觀遊我得從倡狂風興醉顏容每當傷
酒輒成病連日看花不厭重簫管未妨他自
賞江湖何幸此相逢未須秉燭消良夜且可
斟杯到下春

秋闈

此葉北圖配補

多病今宵下象床半空樓閣倚慵妝青天碧海秋無際錦帳銀屏夜未央鸚鵡夢回鈴索響木犀香動瓊窻涼玉門關外封侯客可念閨中欲斷腸

冬閨

簾幙低垂白玉堂熏爐初試辟寒香不知宵雪欺羅襪尚想春雲撲象妝海水似添今夜漏梅花欲換去年妝多愁自是天難曉喜見西窓零月光

游靈谷寺

事書壽稿

卷之四

四十七

乘興偶來游實地松杉一徑到祇園彩雲自接鍾山氣芳草不招梁帝免詞客未湏傷往事寺僧猶解語靈源隔林况復聞鳴鹿還有心期付酒尊

草亭

何處乾坤著草亭君山天借一螺青春多藥蔓生階砌畫有江光入戶庭開圃獨番調鼎地下簾還閱相牛經誰云巖壑煙飛裏寂寞猶堪聚德星

蘆村

幽人卜居何處村水澤曠蕩蒹葭繁斐夷聊爾結茅屋清勝可以無桃源風霜歲晚鴈欲下燈火夜深漁不喧見說此中堪避世知安耕稼勝乘軒

秋日小集西原

焦生走銀鹿速我西原遊江臯此何時正及林塘秋鴻鴈渺何許蟋蟀鳴啾啾良士感時節懷彼蟋蟀憂欣此一杯酒因君話綢繆願言永終譽谷鳥鳴相求

重遊觀音巖

布點詩稿

卷之四

四十八

曉日靈巖縱目初秋風高閣朗吟餘海雲東指真仙宅江漲南開上帝居歷歷山原還覽勝飄飄身世一憑虛浮名底事牽人去不得綸竿此釣魚

題龍王泉壁

此中窟宅天所開千劫一度真仙來神龍正湧海波出濯足我欲遊丹臺

宿儀真壩下

江邊寒力勁重纈卧難溫不寐夜何永有懷愁正繁風聲城柝急水氣舵樓昏漂泊誰知

得微吟歆斷毫

秋夜漸長客窓無寐憂從中來不可斷
絕擬古十九首以弭憂端知其無作者
之才乏風人之興先師不曰亦各言其
志也已矣

悠悠我心思脉脉君不知星有好風雨驟疎
有雄雌不見枝頭乾死猶抱樹枝楊花性飄
蕩隨風無定時以玉亡吾足緣夢偶得鹿刎
頸以結交夫妻成反目我欲忘我憂杯中豈
無酒我憂不可忘杯空在人手

本詩書稿

卷之四

七

其二

翻翻樹頭鴉轆轤道上車翩翩誰家兒冥冥
犯風沙悠悠去未已忽忽忘其家寧知耀車
馬不如事桑麻我欲歸去來且種東陵瓜

其三

不厭京洛塵但慕京洛富第宅切雲日軒蓋
迷道路五侯暮傳燭七貴朝治具妙舞多佳
人連城傾一顧觀者忘其歸夸者矜所遇無
人賦蟬蛸有客譽嘉樹祗知龍有睡莫悟虎
有怒彼人何蹇劣藜藿守章句

其四

梁妻號善哭舉國習其悲王豹以謳唱音聲
滿河西白雪誠寡和遇雲恐無稽怨曠歌廢
多殆非百里妻谷風可以怨終風無乃迷彼
遇此或乖物情本不齊兀坐抱瑟瑟溪風爲
淒淒

其五

白雲何英英其下有空谷超超者爲誰自出
牧黃犢治生不求餘帶索常鼓腹時復林莽
間高歌紫芝曲知非神仙流亦自出塵俗談
惟及農圃卧或就麋鹿終歲不食肉其面頗
類玉腹中苦無物未可佐黃屋

其六

采采南山桐十年成一琴豈不良辛苦謂世
有賞音持以奉君子不與我同心擬鑄鍾子
期家無雙南金

其七

風霜肅大塊冰雪結窮陰萬木盡搖落孤松
秀長林物情乃如此可以觀古今先民亦有
言勿疑朋盍簪膠膝化戈矛孰謂利斷金義

不忘漂母古亦有淮陰朝耕暮望獲此道日
消沉鮑生獨何人寔獲夷吾心

其八

東風幾時來處處天桃開王孫適侯家公子
迎天街爭道馳翟車蹇帷耀鸞釵觀者如堵
墻香風滿塵埃東家有美人幽芳伊可懷羞
稱洛神賦每薄文姬才鳳皇之謂何不肯爲
之媒掩鏡日絺繡無聞歌標梅

其九

漁者遺之車獵者遺之舟用苟遺其天欲濟
將焉由運轉十二辰歲與天同遊願持招搖
星薄言贈伊周

其十

明明天上月矯矯雲中鶴翩翩振毛羽迢迢
入寥廓終焉去不返此意將焉託作書寄黃
鵠麟鸞日蕭索驚塵不可居且爾觀海嶽

其十一

行行欲何適日暮猶在野誰與哭猛虎我正
驅羸馬僕夫去我久况復徒旅寡塚間鬼火
出木末風灑灑人生自有命戚戚非長者不

因啟明星未覩繁霜下

其十二

南山高且廣草木亦蒼然江海浩波流魚龍
樂其間蜉蝣玩細娛鰥鮒無大年自非李郭
徒孰是可周旋市女薄寒士富室賤高賢鍾
期苟不作素琴可無絃抱甕未爲拙投閣殊
負玄懷古見覆轍好德甘執鞭山雲頗相狎
卷舒當我前

其十三

誰家作新阡式廓無乃闊多栽白楊樹下可
蔭千穴立石頌功德千祀異昭揭碑亦不在
大文字有磨滅樹亦不在多歲久終朽折君
看古封樹往往遭剪伐金椎恣狼籍礪石時
鼠竊巍然兩翁仲有口不解說不如託蓬顆
苟可免發掘

其十四

死者不復生生者必有死陰陽無停機聚散
有常理千歲乘白雲一朝悲逝水世豈有仙
人誰能戀妻子君無作石馬牛角思礪爾

其十五

弱喪詎非迷蚤計亦已誤羊牛夕知歸蟄蟲
晚坏户子幸有酒食何不日鼓瑟驅石莫填
海揮戈莫迴日老龍既已死何許俟仙佛

其十六

唧唧復唧唧蟋蟀近我床我時正歎息嗟此
秋夜長殘月炯如曙故衾知有霜經年作長
客何日不思鄉豈無東門女如雲盛朝妝古
云糟糠妻白首不下堂妾有隱居服願言懷
孟光山川室廬隔使我心悲傷女爲悅已容
士爲知己死紛紛何足道我心亦如此

其十七

海風撼枯桑號怒極悲壯夜分不能寐開戶
視乾桑胡應此月破我其得良將僕未起吹
火燄酒助予唱我心悲麴蘖此江海壘撫
掌歌一聲虎嘯月亦上白首爲諸生不得乘
六障

其十八

歌鳳懷接輿歌牛懷寧戚被哉歌魚者并作
孟嘗客白首在天上見我心匪石爲問漢西
風是何所高何許有丈夫上馬能擊賊

其十九

長卿挾詞賦落魄遊臨邛馬公滯周南山川
滿心曾題柱豈何堪藏山辨何雄我何自齊
魯來觀三南風落落竟難合媿彼冥冥鴻

書扇贈朱澤甫

佳客勞相訪淹留媿草堂不嫌盤饌儉莫問
鬢毛蒼悉索無他贈沉吟得此章秋風期買
棹共話海雲長

陸澹翁川有詩見寄和荅劉名儀

五言金來事神交海石翁文難竊

託鱗鴻君世長城險吾家小技窮休拈釣臺
話千古魏宗風

直兒去秋八月南遊本以賣劍不遇劍

客因適浙西因緣適江右非其本意也

觀其今年夏初鄉客於武陵所寄家問

且以袍著附還可知其期於秋前作歸

計矣今茲冬初聞尚留滯上饒日來天

氣陟寒客路禦寒之具其何以備爲有

此吟

劍已爲龍去人猶向斗看千秋徐孺榻七里

子陵灘莫訝瞿塘險休歌蜀道難經時家問
斷長路客衣單不謂初冬候風霜如此寒

送吳龍劍

惆悵逕陵後皇皇柰數奇臯比無坐處龍劍
有鳴時晚歲爲歸計春江入夢思山家梅可
折莫惜向南枝

陳東村招飲座有二姬唱曲

春寒欺侮敝貂裘搔首花前不自由賴有高
人能折簡如何達者不忘憂狂吟偶爲紅妝
發老耳偏聰白雪謳柳外任渠西日下還應

東燭續佳遊

卷之四

五

感興

故知鍾鼎異山林得喪無端自古今顧我不
名將沒齒何人未語已知心瀟漫世網何由
出縹緲仙山未易尋極目飛雲歸鳥外斜陽
影裏自沉吟

正月大盡日作

不獨流光轉轂頻晨星落落亦傷神新年已
過三十日故舊何無一二人漫託聲音寫情
性朱甘身世泥風塵朝來獨自茅簷坐花鳥

依依如見親

書扇送許筠臯南遊

越水吳山盡色鮮况當花柳塞春烟佳遊奈
不携詞客獨徃知非惜酒錢高興想應同謝
傳雅懷何用異坡仙相過賸有藏書室好爲
搜尋一二編

代贈陳南溪處士

太丘家世歷年多行誼如翁足詠歌周室舊
傳憂老憲漢家元重力田科即看光彩生閭
里不使衣裳著芰荷春酒春花人共羨烏紗

東燭續佳遊

卷之四

六

輝映雙雙瞞

春日感興是日讀五代史

牖戶虛明几席清只將書卷了餘生孰看世
事疑非事轉見人情似不情流水落花何處
哀隔林啼鳥自嚶嚶因悲五代干戈際八姓
紛然幾戰爭

東行吊張思岡阻風同諸公宿竹岡兄

田舍

逆浪顛風扼去舟瓦盆田舍得淹留燈前晤
語憐朋盍海曲羈魂念客遊兩月可堪天不

兩三農誰憫麥無秋蕭條原野朦朧月賴汝
鳴琴破客愁

雙店道中

隄柳縈牽客子愁長河不奈水膠舟東風作
惡花無賴好雨知時麥有秋飛動何緣生羽
翰蒙戎誰暇問孤裘今宵擬託田家宿扣角
應歌寧戚牛

次韻陸虛仙贈田鍊師

看破吾生信有涯脫身世網蚤辭家笙簫獨
倚三株樹衣履常裁五色霞松徑有時尋野

才翁詩藹

卷之四

五二

鶴藥欄都不種閑花從渠轉眼滄桑變甲子
安知紀歲華

種菜

一畦聊種菜澆灌豈辭頻肉食非吾事藜藿
憶古人長年惟抱甕拙笑不謀身爲圃雖云
陋何如逐市塵

漫興

我欲東觀海憑誰僭羽輪冷風飄萬里仙島
歷三神雲水天無際龍鸞地有隣相邀廣成
子與尔此藏身

贈人

歲晚憐君來海上旅人行李一囊空買書不
惜百金產吐氣尚餘千丈虹夢寐有時探虎
穴江湖無地著漁翁栖遲况又相逢我天遠
何由力薦雄

題扇

海雲淨掃青天開獨鶴萬里秋徘徊劃然長
嘯水波湧洒淅八極清風來

巖石谿詩藁

書感

周遊未見平生意九野如聞共一塵公子未
爲能好客將軍尚自不知人此中卜築無鄰
並何處雲山合隱淪我欲勸君焚筆硯只應
隨地可藏珍

累日雲陰不解且連晝夜風作寒甚

累日雲陰不肯開吟筇何興探江梅時無猛
士除三害夜有幽人賦七哀宿麥四鄉思見
石谿詩藁 卷之三
雪飢腸九轉卧聞雷天寒可是宜謀醉問我
憑誰帶酒來

又一首

風挾寒威欺病骨我烘臘甕破愁心連雲底
事蔽天日獨鶴奈尔悲霜林腐儒空復志康
濟儲家祗自罵驕淫故知今夕有憂者不似
杞人憂特深

有懷

清溪白石四無鄰自適惟存舊釣綸四海莫
尋津渡處一壺難偶笑言人繁霜滿鬢渾忘

老獨樹開花不記春爲憶襄陽龐處士風流
遠矣意何親

全真

一毫有慾皆爲累半點無私始是仁無慾無
私難淨盡故知方上少全真

蛇虎謠

泰山婦人哭猛虎永州蔣氏捕毒蛇試以較
量今日事毫釐可是不爭差

代壽田近江

伊人家世滄江上奈此潮聲漸近何先業喜
石谿詩藁 卷之三

看存隴畝遠帆驚見出風波門前景物青山
老鏡裏光陰白髮多子姓承歡翁姬健好傾
春酒聽漁歌

漫題

搜尋頗恠留侯傳不著當年辟穀方習性未
能拋筆硯任真原自懶衣裳敢云不得詩書
力但覺難依日月光爲問往來行路者可容
屈曲免迷陽

漫興

蒹葭何煩遺食經襟懷未欲媿壘餅文如索

債辭難免酒不忘憂醉易醒自顧鬢消春草
綠誰能眼作晚山青梅花一樹琴三疊鼓動
天南處士星

寄壽朱石潭七十翁以今年壬申十二
月二十一日七十二十三日立春且今
年閏二月

誰謂黃楊厄閏年先生情興轉悠然居常不
管風雲變處困還同鐵石堅海屋傳聞添壽
算梅花香氣滿吟箋向知歲運今逢泰早占
春風二日先

石谿詩集

卷之五

三

交道

西林幸識魯東家南北交遊盡檢沙蒼狗白
衣雲變態綠陰紅雨柳飛花狂吟我自多風
興老眼誰能閱歲華笑貌雖同肝膽異此人
何止隔天涯

老懶

分并飯糗與羹藜含瑟追思舊去齊竟不趨
營成老懶更無回向笑終迷勞師可厭兵當
北倦客應知日易西馬驟車馳何袞袞滿天
霜露忽聞鷄

除日歌

行年明朝吾八旬知識纔與孩提均讀書奚
取破萬卷古文不古詩不新家無僦石甌有
塵膂力不及朱買臣行歌道中能負薪幸無
愚婦見怒嗔厥初天地生烝民恒河沙數難
比倫其間賢聖可屈指次取不負頭上巾自
餘蠢蠢等鳥獸皮毛雖具非鸞麟父兮母兮
生我身匪我伊蒿我酸辛假令乾坤不生我
斷斷豈少一个臣我家先世曾垂綸舉足搖
動天星辰四海今無我兄弟一壺孰賞孤山

書扇贈戴春泉醫士

舊家醫業鳴州里世澤綿延在海隅難療莫
如嬰幼疾禁方應與聖神符擬看玄圃芝三
秀好種匡山杏萬株何自千金酬敝帚市樓
同醉洞天壺

連日暑不可耐而寶陽告行因懷仲子
亦在遠遊

葵扇葛衣情困懶日來茅屋苦炎蒸人間何
處暑可避林下有時間不能毒熱酷憐行路

客清涼遙憶住山僧因悲仲子遊燕市見有千金駿未曾

題光祿歸隱卷

排雲笑捧琅玕腹貫斗思乘河漢槎天上不容依日月人間還許卧烟霞興多風雅長搖筆樂在琴書懶種花從古是非知未定閉門時復誦南華

陳未齋殿元招飲有琵琶歌者其人自

叙爲顧閣老歌妓

暇日來尋小有天不妨棋客雜吟仙名花劇

五言古詩

卷之三

五

賞林芳盛珍品食嘗海錯鮮出谷啼鶯求我友江州司馬泣哀絃主人情重難爲答特寓新詞雪色箋

題平崖公畫冊後

憶余嘉靖戊戌領貢于京日僕僕車馬塵間躑躅彷徨不覺衝平崖公馬首公爲投鞭下問胡爲乎來哉怡對以行役故既相與問舍館適授余書一編曰爲我誦之近寓開緘則公某地某年官跡薦書輝煌奪目時則公自永平以御史

召也逮謁公于某觀公留我凡三飯焉

命風景題作詩凡數首爲慨然嘆曰子

乃流落不偶如此哉怡感激服膺計三

十年餘矣怡足不躡白狼顛頂東面而

望海若者亦且四十年餘今年春且暮

以故人之招既周遊五山因歷覽諸名

園花竹煩伯仲兩公子招飲其所爲園

何廓落紆迂幽勝也則又出朝野羣公

所贈公卷冊數種海內書流盡手文匠

詞宗丹青藻斧繡錯其間葉子所爲叙

五言古詩

卷之三

五

贊公者公當廟食漢珠崖山谷間不獨以馬政宜受鄉人尺祝且公之祀于鄉也又不獨配之社神祠宇巋然並城隍臺殿是何等勲名如不才者乃皓首黃齋魯不免漂泊東南天地之間是何等齷齪兩公子借季父思亭所釀雪酒觴余于匡山萬杏花中狂奴故態老矣依然爲作短歌以攄宿昔

往年自薦黃金臺駿骨不售空自哀天街邂逅驄馬客投鞭問我胡爲來胷中哭兀吐不

出愁雲迸散青天雷玄都觀裏特相訪
不見桃花開回看已是隔世事我心想像攸
哉白狼山下春相逢鳳毛兩兩雙梧桐城西
百畝有花圃載酒邀我遊其中亭欄百折貯
風景池沼一派江流通規爲即此見氣象誰
謂二難無父風青眼故人今廟食白頭狂客
何飄蓬李父床頭開雪甕爲寫新篇陳昨夢
題中石馬公子卷

彼美三公子爭誇馬氏良千尋天際石宛在
水中央外直莫攀附中堅無隱藏虺蛇狐鼠
石翁詩稿

安得穴其腹洪濤巨浪日夕任尔相衝撞人
言公子有父風堂構不忝尚書公烟波釣叟
愧衰颯何幸笑言杯酒中公子真能讀父書
驅馳有待赴公車飄飄日奏凌雲賦詞藻聲
華我不如

春日月山諸公同遊狼山適官兵水操
漢家大將樓船出海怪應知膽亦寒却笑春
遊爲浪走敢云水戰是奇觀滄波有助詩懷
壯皓首無如酒量寬爲報白狼山下日匆匆
且莫促歸鞍

夏夜

寂寂草堂前繩床未欲眠好風何處至明月
向人圓濁酒遺軒冕新詩應管絃蕭然鳴雨
過院落似秋天

宮詞

長門昨夜夢承恩漸晚臨妝待至尊見說羊
車留別院金籠鸚鵡亦消魂

早起梳頭

曉風吹起數聲鴉喚醒閑愁亂似麻洗面梳
頭作何事紛紛又采蜜蜂花

月者晚歸

泮上歸來雨滿衣楚江雲氣正霏微腐儒晚
飯蒸藜熟小圃春根種藥肥四子文章依舊
好十年心事覺前非

雪夜

篝燈爐火夜無譁溪上敲冰試煮茶千里暮
雲拖柳絮一簾春雨送梨花悠悠同谷歌難
和宵宵羅浮夢可嗟誰畫疎梅向窓紙草堂
西畔月初斜

宿芹湖田家

天惱梅花漏春信東風忽起千林振客子衣
單路悠遠村酒閉門難借問喜逢田父湖西
路自言家在湖南住不辭濁酒釐菜羹白駒
暫繫庭前樹稍喜家田風味好茅屋自來塵不
掃妻能刺語息兒啼槽有枯箕從馬飽縱然
田父知好客古木叫風眠不得野外何曾聞
漏聲祇聽雞鳴辨天色曉辭田父歸城市田
父寄言明府吏里社無人橫索錢年來雞犬
多生意

秋夜

石齋詩稿

卷五

九

此夜西堂月不圓秋風一夕若爲年砌蟲似
怨天難曉庭樹知知我未眠幽會欲追胡蝶
夢閑愁忍寫鳳皇絃沈郎況是身多病卧對
殘燈祇自憐

揚州道中

二月揚州塗路中桃花千樹倚東風想應只
笑東風惡不笑遊人面不紅

聞雞

樓上風高夢易驚壯懷未覺負平生誰云櫪
馬亦駿骨獨舞隣雞非惡聲漂泊身留孤劍

在嘯歌燈結一花成武皇侍從多詞客正少
鄉人識長卿

中秋夜

風靜雲閑月自移山香不斷桂花枝一年秋
色平分夜半榻涼陰獨坐時玉宇瑤樓誰着
脚青天碧海我題詩失結句

戲題寄張東隅

聞道劉郎老更狂千金又欲置偏房不知若
個桃花瓣飛上君家白玉床

人日四句

石齋詩稿

卷五

十

人日愁逢杜陵雨春風吟憶草堂詩衰遲忽
自驚霜鬢栖息從誰借一杖

題回龍山人卷

時清渾忘看陰符六籍能消酒一壺愛爾回
龍山下客軒軒不羨執金吾

壽人四句

家添鶴口多儲穀水沒漁磯濟灌秧谷口清
風迴俗駕社中高論動江鄉

游廣福寺贈竹泉山人

歲折楊枝淨山鬼笑翻花雨浴天龍

海陵舟中

晚飯推蓬望上台此時吟興正悠哉蒼龍變
見海雲合白鷺翻飛江兩來五兩忽看風力
轉三更遙見月華開野狐未省緣何事叫嘯
叢祠亦可哀

宿江口

日落江城鼓角聲魚龍震掉鳥鳥驚雷霆正
鼓寒潮上星斗還看夜色晴風景偶然成感
慨路歧真自媿經行明朝去住知何似注望
長波送海鯨

不事書寫

卷之五

七

宿傍山軒呈子捷主人言謝

城市塵埃悲滿目此地清勝疑山中更無雲
物礙海月況有草木吟天風圖書欲闢西崑
富詞賦須稱南國雄落魄愧非徐孺子憐君
掃榻慰飄蓬

濟寧舟中

郡城北去水雲多不斷長楊夾兩河帆影回
看移樹杪村烟遙見隔湖波却愁民舍爲魚
驚稍喜王租足芰荷莫訝吟餘成感慨此邦
良牧定如何

朝午門

不寢雷庭入夜聞五更靈雨雜香雲蒼茫漸
觀金銀闕斗絕難攀鸞鶴羣太息漢家無制
度始知周室盛人文腐儒遲暮何來此朝下
天門曙色分

貞女吟

歛有洪氏女先許配江氏子江夭卒洪女
聞其父母將別許他姓子因泣而縊死其
鄉先生員外郎胡公岐題其墓曰貞女余
爲貞女吟

石路詩稿

卷之五

七

王風既以降姆訓日消沉雖當柏舟變孰嗣
柏舟音亦君子在而多貳其心夏姬知幾夫
馮道知幾君亦云汙史策良足戒邪淫誰其
方在室而心已斷金烈烈洪氏女英風耀高
深誓同江子穴靡御他人琴親也不我諒天
平應見臨鑄題自太史豈獨昭斯今星日照
金石鬼神呵墓林好德如賤子宜爲貞女吟

春堂

春堂見說壓匡廬種杏千株錦不如馴虎坐
收山戶穀病龍來獻海神書杖藜采藥三山

近服食求仙六鑿虛更喜儒林推伯氏良醫
良相共門閭

龍溪行樂四首

山下溪流千尺深溪邊花柳正陰陰春風罷
鼓曾狂瑟冒雨來聽龍一吟

山木龍葱帶草堂北窓高枕夢羲皇人間池
館多炎熱愛爾龍溪一味涼

霜落澄溪徹底清電光宵射老龍精所翁畫
本誰收得又是新詩對境生

龍溪歲晚轉豪華釀黍盈缸代煮茶應有寒
石翁書

驪狂浪客雪中來此詠梅花

濟寧道中

南旺湖邊烟水平漁家晒網趁春晴蛙聲聒

聒天將兩柳樹依依路近城一笑舟中翻曆

日二年客裏過清明謫仙遺像危城上想見

南飛倦翼情

簡徐石潭

金陵一別忽三秋消息真成隔九州絕唱不

勝慙白雪相思常是夢黃樓前春願見魯齋

刺此日言歸尚幾舟特遣長鬚致雙鯉可能

騎馬問窮愁

江臯圖詠爲亦沂詹夫子作

不作醉鄉君子醉高懷取醉邵堯夫誰知日
飲無何意不在青絲白玉壺

先生幽興渺難羣濠上風流可並論莫道水
深魚極樂不妨江海看埋盆

舟送亦沂夫子夜泊吳陵城下月色滿

船鴈詠話別

孤城四望秋水濶碧樹欲落秋風涼扁舟送
客不知遠中夜揚歌聊復狂至壺屢勸月易

不盡書

曉蠟屐相從山更長誓言作記白鶴觀還與

廬山開一觴

送黎石崖

一詩珍重送黎生萬里浩江指去程渺渺秋

風方落木蕭蕭行李亦關情蜀中詞賦誇前

輩海內文章羨弟兄擬泛星槎難共汝卜居

何自問君平

一山侍御張公招飲大雅堂席間呈此

駉馬歸來知幾年風霜猶凜鬢毛邊高溪不

覺忘軒冕大隱何妨近市廛共賞園池多竹

未獨窺海嶽有神仙西堂粉壁閑書偏尚自
能憂杞國人

謁樂溪公信宿而返吟憶此詩

信宿吾憐刺史衙清風時復振庭鴉囊無餘
俸還攜鶴政有賢聲未及瓜夜泊官書常秉
燭春來堂判盡成花高情每愧陳蕃榻想像
酌知鬢欲華

德之不修聖人是憂三反而逆於獸奚
擇作三箴以自克

惟彼愚人或遭狂吹或聞鴉鳴妄生嗔恚我
石齋詩稿

則笑之匪智實味我遭我聞嗔恚猶之人之

我笑我復奚辭責人易矣責己艱哉墨卿司

戒敢告靈臺右克已箴

河海納汗山藪藏疾斯其高深未易可匹

顧瞻龍門底柱巍立風波不搖乃見剛德匪

河匪海其咎安在匪山匪藪伊誰之咎有匪

底柱我是之慮右克廣箴

李下正冠瓜田納履人之獻疑厥惟其理禮

亦有之別嫌明微云胡君子弗慎先幾徽日

在天矇瞽不與我心儼兮何思何慮我心匪

日何用不懼右克慎箴

與胡鶴山

漢家不起故將軍踪跡常依海上雲囊索計
無山可買林臯思與鶴爲羣高懷懶作乘軒
夢先世猶存靖難勳愧我儒冠成束縛飄然
身世不如君

寄九江羅東湖

聞說東湖居士賢平生興意只悠然惟知自
理登山屐未羨人多負郭田江月獨窺饒飲
量梅花常笑聳吟肩南州誰謂無徐稚想像

石齋詩稿

風流可並傳

竹莊

竹滿丘園水滿渠主人端不負幽居已將勁
節看高士不惜長竿送老漁天上汗書無此
夢林間燒筍愛吾廬北窓驚醒樵青喚喜見
茶烟午睡餘

登翠微嶺

極力躋攀未欲休五雲深處認皇州河流一
帶金湯隔岡勢千重紫翠浮巉險合無戎馬
逼道遙如載大鵬遊此時與客論身世疑是

諸天最上頭

送潘東郊先生佐開州幕

大府諸公德業優喜看銜命佐開州才猷共
仰新蓮幕登囑還憐古鐵丘鎖鑰從容配冠
準綸竿憑仗吊莊周洪洋山下東風裏處處
梨花可出遊

謝恩日長安門作

香霧空濛曙未開陰沉宮樹暗樓臺孤臣久
佇天門望雙佩遙聞相國來何幸遭逢當盛
際不勝遲暮愧非才江湖亦有垂綸興一寸
石壽壽壽

丹心苦未灰

湛泉歸興

飄然西去喜洋洋未許傍人笑楚狂回望五
雲無愧色懸知百世可流芳求仙不必希梅
福有母還能慰范滂神武門邊遙送目挂冠
誰復似中郎

讀何烈女碑

嗟哉何氏女烈烈有剛腸一死丘山重千秋
日月光中臺勞震怒行道爲悲傷風操閱吾
道英靈動彼蒼穹然碑版在墳土亦飄香

送別改菴方廣文訓寧德

聖人坐撫中興運學校陵夷自可傷太倉竊
食有雀鼠盛世來儀無鳳皇吾道正須煩大
雅斯人好與振頽綱八閩見說多文獻珍重
先生在一方

泊宿曹堡懷廖南沙

野泊相依楓樹林人家不辨海雲深憑誰爲
寄尊鱸興老我空懷樞馬心雪夜還舟悲往
事山陽聞笛憶知音高懷尚想南沙子宿草
新阡何處尋

題畫

空將妙指寄梧桐社酒難彥俚耳聾秣馬遊
魚俱寂寞朱纒宜老白雲中
世上風波最可憐城中車馬日翩翩只應碧
樹蒼崖底高誥羲皇御世年
蕙帶荷衣歸去來雲霞此地隔塵埃相將愛
汝林泉子笑指青山歸去來

送樂溪公入覲

州牧驅車覲九重東人杳杳望飛鴻誰能赤
子看黎庶共倚青天覆困窮袖有政書聞上

帝囊無土物觀羣公漢家歷數循良吏借問
何如治蜀翁

三月十二日之夜風雨大作

動地猛風何處來江花猶自來吹開田間宿
麥凍欲死城上饑烏啼轉哀農人咨怨不見
恤天帝震怒何當回腐儒懷抱似嫠婦展轉
慙無濟世才

出龍江

桂籍京闕未許通片帆江上借西風草堂歸
去還如昨花樣看來又不同彩筆少年違補
衮青衫何日謝雕虫飄飄漫有凌雲志惆悵
浮沉陸海中

游浪山

積雨新妝野色明鳩來吾亦慰吾情不愁海
若笑伎倆獨喜山靈知姓名絕頂高憐接霄
漢東隅聊欲認蓬瀛天風忽地吹髯戟坐見
江湖對酒生

書姚母

千秋哭哭淚紅雨封爵一片字孤心分明
在機杼與夫何哀字孤一何苦姚母汝勿

悲上帝應憐汝眉壽看孤兒春風彩衣舞

聞意

千重簾幙百重樓深鎖東風二十秋怕見樓
前迴理樹不曾容易上簾鈎

題扇

風雪襄陽歲暮天蹇驢駝醉峴山前此翁不
爲梅花出孤負寒香又一年

夢李春壺黃惠菴二故人夢中恍惚吟
有回句既寤因足成之

海上相逢何恨情相看可柰二毛生自知半
世以前錯敢慕千年向後名痛飲已拚無舊
量狂歌未欲作新聲世間種種俱春夢蝸角
依然有戰爭

宿衡恭王墓下

泛泛孤槎東復西客星今夕宿青齋峯回若
欲天河轉夜靜如聞石馬嘶將相侯王須有
死丹青竹帛亦無稽方將起舞心仍懶霜月
空號野外雞

宿李雙田家

雙河兩岸如削壁一水屈曲流寒碧水邊堅

冰高一尺水中無魚空有石土人鑿崖以爲
宮土床高卧無春冬行路爲渠愁土崩渠云
此是磐石宗驅馬晚就田家宿索火一燎薪
數束幹旋造化力不足聊鼓春風扇寒谷却
怪寒雞不肯鳴我獨展轉何爲情輝輝甕牖
見霜月疑是滄溟初日升

雪夜

風吹長林聲攪空四野一色雲濛濛讀書不
知天地曉憂國所願年時豐北堂護草喜無
恙東閣梅花吟獨工何人今夕肯見訪慰我

羈愁離索中

夜坐

餬口深知蚤計非飄飄何自訪庭闈白雲遊
子愁無那芳草王孫怨未歸夜久星河俱北
轉月明烏鵲正南飛胡床坐聽晨雞作不寐
懷人淚滿衣

夢中作

齷齪誰能逐世紛飄飄我亦欲離群壁間已
置新茶竈看取松風度白雲

靈臺

靜靜靈臺最上頭超然樓觀見神州憑君一
瞬飛雲屢看取江河萬古流

靈府

靈府深深復深深金堂石室古猶今塵埃盡
日馳車馬不肯來遊傷我心

寄答黃寒溪

尺素殷勤手自題七千里外借光輝相思未
覺伊人遠不遇始知吾道非終歲著書愁欲
絕三年操瑟路猶迷煩君爲乞湖仙夢寄與
沙鷗好急機

送林存吾

孤雲野鶴共飛飛悵望通仙此日歸蟻虱處
禪知我醜丘園遜跡羨君肥未妨萍水論交
晚却笑山川見面希記取相思他夜夢先須
識賞芰荷衣

此老

芳香滿把初青蓮詩性疎狂酒性顛拄杖穿
雲遊五嶽衲衣持鉢供諸天吻間鐘磬聲音
古衣上雲霞氣色鮮八百年來無此老前身

疑是夢中仙

走馬看錦

千日才成錦一端工夫走馬定難看只應飛
鞚揚鞭者似未曾經眼一般

退席僧

悟入菩提許惠能本來無物得傳燈念頭撥
轉袈裟上恐是靈山退席僧

謝如天上人送茯苓

晝日山堂天共殿中間亦自少人來極知散
吏無仙骨頗愧高僧送藥材靈效敢期黃髮
變朗吟聊爲白蓮開紛紛可是羶葷客滿目

不羶葷客

卷之五

五

松風喚不回

宿白秀木書屋

陰雲連野千山黑旅宿柰何今夕情奔走道
塗慙俗駕邀延僕馬喜門生談鋒共劈燈前
竹飲量誰傾海上鯨風雪夜深煩掃榻夢回
茅店已鷄聲

宿梅花堂閱卷呈二廣文

邂逅無端成信宿狂吟頗稱骨稜嶒如花共
閑行家錦對案分食郡閣冰老我泥塗甘困
辱羨君霄漢可飛騰夜深應被梅花笑何似

歸桃結網燈

九日

過眼年光不易追可堪無酒對東籬看花興
減詩應退落木風高我正悲彭澤似非耽笑
傲杜陵空復念艱危衰遲好袖平生手蹙蹙
將焉顧盼爲

題謝樗仙寄秋谷舅氏小幅詩畫

珊瑚出海枝柯壯風動琅玕韻小山不信幽
人在空谷江南詩思亦相關

贈瓊花觀掌書道士

君谿詩稿

卷之五

五

不待玉皇香案頭翩然一鶴下揚州身將瓊
樹依巖谷口檢黃庭與道流夜草玄章虹逸
筆曉臨清醮羽爲裘琳宮誰謂文書少架滿
琅函十二樓

壽雲岡繆將軍

父家奕葉護神京兩世淮南亦有聲虎帳風
堪動江海兔置才可作干城小春茂坐蟠桃
宴大將新開細柳營談笑相期取金印好音
遙祝利南征

次韻高浮峯廷考

五色雲開見日華
歲寒萬樹隱啼鴉
一人宮闕金爲屋
多寸文章筆有花
藻鑒喜歸黃閣
老衣冠望隔赤城霞
只今物論榮科第
吾黨憑誰濟國家

近淮

意報王師捷
何妨旅客窮
萬艘飛北騎
一葉舞南風
佩劍應難解
裝囊苦未空
今宵泊淮浦
好放酒杯中

寄宋梁湖刺史

善賦吾憐宋玉才
都門一別十年來
掉頭早
謝專城寄揮手
相將短棹回
魚鳥獨舒湖上
嘯風花不輟
擘中杯却慙楚客淹
齊土夢寐携壺上釣臺

送胡橫岡廣文擢教威海

三年意氣形骸外
千里分張海岱間
行李獨看書
擔重風霜相映鬢
毛斑我如鮑繫何由
去君似鴻飛未易攀
他日音書須寄我
相思元不隔雲山

江湖萍跡爲亦沂師作

脫屣潯陽僂石儲
飄然萍梗泛江湖
煙波水

月身如寄藥裹書籤興不孤
蕭散自知宜浪迹
追隨我亦欲乘桴
廟堂憂樂群公在
可是先生計未迂

雪夜

皎皎冰壺八面寬
冷冷爽氣萬山寒
乾坤別有人間世
老眼今宵得縱觀

花朝日作

山城物候感花朝
眼底無花興寂寥
正欲聽雞聞小雨
偶因送客發長謡
羸驂漸覺春遊懶
薄宦其如老髮彫
鄉信不來勞悵望
白雲芳草旅魂消

芳草旅魂消

春日同章堂廣文劉生有造曾生師孔

登龍山

攀雲拂石聊舒眼
風猛天高亦盪胸
西下山形疊屏障
北來岡勢走蛟龍
薰然四野皆春氣
率爾三杯已下春
多少風光待吟寫
却慙歸騎太匆匆

父之豫川携壺而來飲次爲題草堂所

寫石谿圖意

好客平生自負多
今朝無酒奈君何
只愁新

簡終難致不謂携壺始見遇妙手君詩成破
竹枯腸鄙句費搜羅草堂圖詠真如錦況復
添花錦上校

二月二十四日作

二月行將盡山花未見開賞心何處寄鄉信
幾時來歸去悲無計淹留愧不才孤吟對
草那得寸心灰

題畫

雲山疊疊樹蒼蒼三老能同一草堂定時不
譚塵世夢時時一曲和滄浪

承華詩稿

卷五

五

詠得喪

唐虞相禪受茲事古創見小人盡謳歌君子
絕歆羨湯惟有慙德武亦未盡善聖人果何
心不幸遭世變春秋屢弑奪六國恣吞咽生
民蹈水火歟跡交字縣宣尼修魯史孟氏聘
雄辯用意豈不勤卒莫救昏墊秦漢寔虎關
魏晉非龍見南北何紛紛華夷孰能辨李唐
放藩鎮趙宋都抗汴昧諸彊幹喻召此商夷
亂五季成贅疣金元陷畿甸流禍波滔天撫
事淚如霰古今幾得喪指掌槩可見所以巢

許徒潔已任狂狷嗟彼賤丈夫錐刀日酣戰

春日與客行城上

愁緒紛紛奈此身偶隨吟叟一行春城西園
盡山當面花底秋千屋惱人千里周章鄉國
望三杯抖擻客衣塵東風笑汝顛狂甚作意
來吹烏角巾

草堂作書屋成落之以詩次韻相答

爲問西齋小結廬偷然此意欲何如清風不
厭閑官榻陋室何妨君子居四壁亂鴉翻醉
墨滿庭芳草映儲書憑君且作藏身計莫漫

承華詩稿

卷五

五

漁樵憶孟諸

再次前韻書懷一首

當年吾亦愛吾廬飄轉應知鳥不如鰓角那
堪成虎闢鵲巢何自借鳩居青春懶作烟花
夢皓首難忘糟粕書一笑千金懷散帚世間
何處可沾諸

孤塘道中

茅屋橫斜麥隴長數聲雞犬又山莊柔桑無
葉愁蚕妾遠樹飛花逐酒狂林外鳩啼知爲
雨城西山色欲斜陽羸驂不進吟鞭急自笑

開官未免忙

次韻草堂喜雨

一雨應知麥有秋，化工殊不負啼鳩。
三農頗慰來蘇望，五斗猶賒乞索愁。
海嶽適看靈氣降，山川還恐暮雲收。
飜嫌杞國人多事，不爲蒼生也白頭。

飲草堂萬香榻中賦此爲贈

若個先生狂不狂，安排枕簟傲羲皇。
大書飛白糊門扇，肆口成詩帶酒香。
古器物銘心酷好，舊梅花榻夢難忘。
一千年後風流話，可是才華蕭稿。

猶傳夏草堂

張少府招飲胸山

上方眉曉俯雲烟，四望泠然几席前。
西北羣山隔天日，東南一水悵神仙。
身如老鶴垂雙翅，眼看長鯨吸百川。
稍喜潢池兵鬪息，腐儒光景得留連。

漂母祠

人代已非風義存，丈夫未能忘怨恩。
淮陰年少侮國士，漂母意獨哀王孫。
我憐無地可垂釣，誰謂有香堪返魂。
再拜古祠三雪涕，數聲

漁唱海雲昏

九日大風至夕野泊不寐

咫尺去家仍是客，不堪風雨扼歸舟。
黃昏泊宿知何處，佳節飄零似去秋。
潦水大爲邦國青，陰雲暗結海天愁。
孤眠爲憶南征將，可是龍山廢勝遊。

漫興

風帆波浩渺，煙樹景模糊。
豈有五湖水，都無一釣徒。
日中沙市亂，山暝客星孤。
自信忘機久，羣鷗或可呼。

石簪詩稿

七

四月五日雨中期蒼麓山人不至思爲一詩未就倦而就枕有客招飲暮歸足成

晨雨午不歇，興意何蕭然。
登樓賦懷土，念彼王仲宣。
曲肱忽而夢，郡符分酒泉。
門有剝啄聲，童子驚晝眠。
云其主人翁，客有博奕賢。
相招救棋場，兩國方兵連。
饌以咄諾辦，酒如軍令傳。
頽然既以醉，起坐身便旋。
屐齒沒泥淖，拄杖扶危顛。
歸來草堂上，剪燭闌遺編。
詠歎魏中作，想像山陰船。
面折不憚，呂爛柯曾遇。

仙斯人皆往矣雲翼方孤騫君有遠遊志我
無周覽緣意今更懷古清淚濺朱絃

逸興

山河渺緜天穹冥顏色枯槁心神靈不願九
州有虛譽所須五岳同真形滛聲厭聽野狐
嘯種髮閑梳海鶴翎擬向羅浮招羽客軒轅
南問酒旗星

觀物吟

爲問玄機孰主張洪纖一一理微茫魚非人
種多於粟蚤本天生養待桑巧厭蜘蛛能結
名詩壽稿卷五

圭

網智稱葵葉解傾陽不知筆硯緣何事揮灑
平分日月光

偶成三首

胷中何事足相關力已摧頽鬢已斑有地肯
栽龍骨樹得錢湏買虎頭山肩峯直聳尋詩
去揮汗如流負酒還飲次不枯風月句空令
人笑酒杯閑

其二

終日柴門只反關有身何忍混塵寰千頭種
橘嫌爭利十畝栽桑擬遂閑先世綸竿曾釣

水此時蹤跡合藏山傍人不信忘機事喜見
沙鷗去復還

其三

早知鳩性拙謀生株守依然只短檠三月未
妨忘肉味二毛何忍輟書聲似聞海外有人
到肯信世間無路行蹤使散棗堪當酒白頭
肝膽向誰傾

昭陽李鶴峯學士來訪後岐竹翁陪飲
蒼麓首唱予因次韻

海內文章有異同相看何意盡宗工六經不
石詩壽稿卷五

圭

與秦灰冷一顧誰云冀北空肝膽未應無飽
子江湖底事坐溪翁今宵偶自星辰聚筆陣
羞稱五霸雄

題畫三首

水遠山長石逕斜烟村隨處有人家伊誰獨
自苔磯坐目送飛帆趁落霞

不盡長江帶遠山石林茅屋隔塵寰誰云鳥
帽朱衣客情在烟波浩渺間

青雲繚繞杏花紅燕子飛飛趁曉風似是少
年人意態老夫慙色首如蓬

偶成

代步原無下澤車
閉門日月自居諸
非看萬古似屈指可笑
一生空讀書
華表未歸遼海鶴
短策甘釣雪江魚
知君骨相禁涼冷
赫赫炎炎總任渠

呈蒼麓山人

仰面蒼天點白頭
此身那得竟悠悠
世間有路可以去
宇內何山非我遊
對酌定誰堪共話
相攜本自少同流
若言海客無仙骨
底事乘槎犯斗牛

示弟蕭菊

卷五

五

兩中小酌送蒼麓山人

明朝君欲去
愁與酒同傾
海氣蒸爲雨
江雲懶放晴
後期嗟未卜
前路悵孤征
兩地相思夢
秋風託鴈聲

望仲子

南遊公子不歸來
何處逢人笑口開
世路難行何浪走
吾衰已甚欲心灰
未聞斯道三宜去
恐犯時情七可哀
天際風帆江上樹
不勝遙望思悠哉

書扇寄蘇山陳公

越客書來細作行
嶺雲江樹思微茫
論交可奈鄉情薄
撫事殊爲世道傷
史氏未應遺保障
野人猶自說甘棠
遙知公議千年在
叙贊終存漢吏良

偶置書厨

髮今種種意何如
蕙帶荷衣喜遂初
每笑餅無陶令栗
獨憐家有鄭侯書
紅塵未忍依倉鼠
清苦惟甘守蠹魚
門巷蕭然籬落小
不妨人道似村居

偶成

示弟蕭菊

卷五

五

蕭然陋室成孤坐
朝日何妨到夕曛
老汪魚聊自遣閑
思鳥獸可同羣
已知市井無交道
每見圖經有異聞
惆悵柴桑人去遠
一吟時復和停雲

代贈管水哨陳把總

孰寫花溪戰伐憂
東南猛力擁貔貅
威聲不忝樓船將
家世曾封戶牖侯
笑倚狼峰題石壁
顧言魚海靜波流
冥冥坐見消氛侵
果日明霞天際頭

端午日晨起見黑雲如山擁蔽初日須

史猛風動地陰霧障天先有登眺之約
莫遂也薄暮乃開霽

海風簸弄天中節兀坐山齋思不平痛惜屈原今日死流傳胡廣此時生兒嬉戲縛艾爲虎禁讎難沾臬作羹九節菖蒲一壺酒夕陽誰與眺孤城

漫興

山風吹雨晝冥冥草色花香滿戶庭草似多情
嫌闌葺花非不艷易飄零身雖混世心如石
眼待看人鬢未星畢竟迷津難借問一舟
吾欲老烟汀

夏日宴坐

山齋晝日一何長靜坐因知世可忘喚不雨
來鳩落莫掠將花去蝶張狂紛紛物態爲誰
變落客空自忙試問今朝北窓下幾人
高枕夢羲皇

聞歸鴈有感

春歸何迅急候鴈已回翔倦客隨年懶閑官
逐日忙高風聞踏海多病劇思鄉銜沁心無
擾饑飮亦可忘

題清平尹杜公乃配祝氏葉子

王風既已降姆教淪蓁蕪閨中無令女彼婦
宜其愚狎恩既無父矧伊知有夫諄語或凌
母矧伊知有姑婉婉祝夫人身與古訓符如
天事夫子慈母視其姑情危蹈水火痛忍殘
肌膚想當手刃時勇與壯士俱效微蕤石外
幽有神明扶誠精出天性微音滿皇都環觀
有家者誰獨無妻孥我歌爲風動庶幾唐與
虞

贈張月塘

野寺前頭古月塘濯纓宜此詠滄浪稻畦河
藉九里潤草閣天賒五月涼山色水光搖象
緯藕花菱葉隱魚梁只應下有蛟龍窟雲氣
神靈雨亦香

王時邨經府轉遼海經衛遂告致仕歸
送以此詩

茂族三槐後流風百世聞不應王逸少老作
鮑參軍歸有園田興行將鷗鷺羣綠雲樓上
餞離思共紛紛

病眼

病眼吾憐冬復春，可堪趨走日逡巡。
憶曾貫虱如穿札，柰此看花似隔塵。
烏有雌雄知未得，字多魚豕辨難真。
香烟且欲歸依佛，爲借金鉀救學人。

生朝

朝來把鏡看頭面，齒已彫零髮亦皤。
六十七年今若此，百千萬事欲如何。
王孫芳草迷歸路，漁父前身憶釣簑。
好爲桃花開笑口，煩君莫惜醉顏酡。

題畫竹

石齋書齋

卷之三

三

骨相自知非食肉，老人無復夢封侯。
偶因畫筆生涼思，爲愛瀟湘六月秋。

九日

重陽自昔名佳節，況復伊人賞興賒。
鏡裏不妨生白髮，尊前何忍負黃華。
洗兵魚海聞方叔，落帽龍山憶孟嘉。
風景悲涼天日遠，誰云賈傅在長沙。

九月二十二日飲白嶼張太傅籬下

主人不惜割晨雞，留我庭前看夕暉。
爲借黃華追九日，柰何青劍客三齊。
奮飛可得輕如

燕醅酽惟應醉似泥，却笑座中狂亦甚。
葛藤纏倒蒟蘆提。

挽曹斗野先生

鄉信有人傳斗老，海東頭去作神仙。
可堪揮涕二千里，何止傾心四十年。
史傳定誰收卓行，名穿真自有遺編。
衣冠里社蕭條甚，南望星辰爲悵然。

送張公子

桴散託交橋梓間，喜從詞客送君還。
奚囊不辦一斗酒，祖席正當千佛山。
肯向西風歎搖落，祇應北斗望躋攀。
後期滿意聞消息，封事長飛虎豹關。

人日

曉起懽懽醉欲醒，喜看晴色到階庭。
草堂寄贈憐人日，櫟社招尋在酒星。
海樹可堪風颭颭，江雲忽漫晝冥冥。
此身無恙綈無粟，枵腹何妨飽六經。

穀日

餘日陰猶可，其如穀日陰。
農應憂稼穡，天豈厄山林。
自有羣公在，誰懷共濟心。
腐儒無調

度尸坐獨沉吟

西寺吾往從師友傳習上方者累年投
老林下非謁客或經歲不到昨訪韓樂
吾先生見佛殿傍老樹悽然生感因成

短述

同衣曾此話宗乘種髮依然困葛藤空腹尚
存當路樹尋頭不見往年僧因緣偶憶三生
石臺鏡誰傳六祖燈珍重昌黎曾論佛吾家
彼岸可容登

入春自穀日至花朝風雨雪霰間作

石齋書齋

卷五

五

兩雨風風春寂莫自從穀日至花朝咎徵無
乃闌人事愁緒何其似柳條赤社有靈晴可
禱青林隨處濕難樵腐儒不獨憂年穀佇望
東南氛祲消

春陰

從春號怒總淒風海霧江雲四望同况值泰
山憂猛虎何緣渭水卜非熊田官孰恤耕夫
苦澤國難期歲事豈土鼓聲中奏幽雅永懷
公旦念農功

漫興

單衣短褐取遮身懷戴當年折角巾且可成
詩聊遣興不應飲酒妄從人棹頭江海星辰
夜散步丘原草木春桀溺長沮如可作相將
一笑出迷津

友

蒼狗白衣雲易變況於黑髮已成絲誰云海
內盡兄弟我歎世間多路岐敢以雷陳望交
道只應管鮑是相知古來益者惟三友對酒
宜歌代木詩

書

石齋書齋

卷五

五

鄴侯揮架三萬軸富矣哉書誰與方石室收
藏聞太史金樓著附有賢王芸香閣上元充
棟太乙峰前亦滿床老我家儲無儋石流觀
四壁亦輝煌

帚

人看敝帚渾無用我愛平生共事心且可掃
除從一室那能價值享千金纖塵不染虛生
白四壁雖空靜復深舍垢納汙非此喻何當
陸海並浮沉

酒

未須較計吾生死樂在都忘彼是非玉碗盛
來吟欲就金魚換得醉言歸床頭一甕傳聞
久月給千壺夢見稀安得園田多種秫無煩
日日典春衣

代贈中軍秦把總

淮濱東下接江干虎士同瞻大將壇稍食獨
優周掌固蹶張先占漢材官幕中生進謀猷
壯麾下貪趨禮數寬結髮一經今皓首可容
相借六韜看

新秋夜作

西風入夜送秋聲節候相催老易驚耳有莎
雞新語韻夢無蕉鹿舊爭紛紅芳已趁流年
歇白髮應隨落木生惆悵腐儒艱日食所須
鄉國歲豐城

竹窩草亭三首

一派雲稍翫鳳毛千秋風韻接離騷琅玕箇
箇堪題刻不怕城中帝價高
幽深爲愛林間屋蕭散真憐物外人肯信滔
滔皆是日孤高猶有葛天民
風颺如火汗如湯此地長賒六月涼輸與主

人翁自適故知康樂未渠央

秋夜聞雨

雨聲落落屋簷頭喚醒悠悠枕上愁幽土衣
裳思卒歲楚山草木爲悲秋鏡中顏面風霜
老眼底江河日夜流稍喜今年農事好未須
深抱杞人憂

雨中

十日無錢就酒壚村煙雨正模糊事如起覺
難分鹿鳥有雌雄孰辨烏魯國一人何特達
襄城七聖共迷塗嘗聞四海皆兄弟此日誰
云德不孤

直兒以去年四月南遊今年秋且盡未
有歸信

憶汝離家是去年定知何日可言旋車廂谷
裏歸無計飯顆山頭瘦可憐永夜蛩蛩吟不
歇淒風綿絡思相牽長江一線人千里悵望
音書白鴈前

雨中

十日因霖雨誰將問有無柴荆少鄰並金甌
急晨晡徑草連書社囊裏付酒壚文奇如濟

用富可比陶朱

九日

楚賦陶詩世並傳三閭五柳更堪憐古人事
已成陳迹老我情猶似少年擊節每歌漁父
問賣文時送酒家錢今朝又是黃華節把盞
食英意欲仙

不寐

四壁一燈相對愁天寒柰此夜悠悠虛名已
寤遊仙夢善賦還悲落木秋短褐單衣憐作
客江空歲晚望歸舟明朝不用看青鏡白髮

石齋詩稿

卷之三

四三

蕭蕭獨倚樓

不寐

憲風淅瀝思淒迷何處哀哀哭寡妻歎歲徵
求猛於虎老人筋力倦聞雞世情已自難為
合時命其如未易齊酒盞漸疎詩不進白頭
還憶浣花溪

喜陳未齋進士惠顧

雲仍應遇舜重腫萬戶寧湏戶牖封草檄有
才堪倚馬連床常夜夢元龍淹留苦勸杯中
物挺立貪看澗畔松老我幸從文字飲不知

何事去匆匆

喜詩客淮陰高改庵見訪

自昔淮陰多俊傑伊人此日是重來香燈不
惜傳吟社風興還能過釣臺爲問三年佳句
得何如一笑好懷開君胡汲、沙頭纜對酒
當歌再四推

壽大中丞梧翁陳老先生七十

不看富貴等雲浮天上誰能發乞休公喜著
書名樂志人期列爵至通侯百年壽母歡榮
養千里神駒遂壯遊海嶽降靈當此日紫薇

石齋詩稿

卷之三

四四

園景亦丹丘

泊茱萸灣散步古墓間

荒草誰家田叢棘誰家墳維舟此登眺落日
明遠村隋宮在何處暮靄雷塘昏由來感慨
地易傷行旅

春日隱玉齋

古寺逢春二月餘道人情興一蕭疎鳥多好
語客僧磬花有異香熏佛書牆短遠憐通野
色日長閒得味齋居陶然直欲遺身世爲愛
東風似起予

老女

寄聲鄰女休相笑自分生無井臼操日莫何
妨倚脩竹春深誰復詠桃天塵心已化支機
石愁緒長提切玉刀想像瑤池如可到願從
金母奏雲璈

往於東郡馬上見酒帘題有眼空世界
酒如來之句爲之驚動不知古今誰能
爲此語者覓句對之不可得今十年餘
矣莫能對也七月一日偶讀白沙子
詩乃公次韻顧通守詩中語也對句爲
歌放霓裳仙李白殆不成語餘六句亦
多不稱不知海內還復有人能作對否
因足成八句以俟後人

馬頭自見旗亭句一向驚魂喚未回今古不
知誰說出眼空世界酒如來斯言絕唱難爲
和老我沉吟媿不才遙想英靈誰可作應同
索笑嶺南梅

秋日飲楊西庵鍊師丹房

竹杖嬉遊雨後晴玄都觀裡夕陽明迢迢金
母隔瑤圖兩兩玉童吹鳳笙安得高松巢老

鶴無能渴吻吸長鯨衰遲懶話糸同契爲問
丹砂何日成

飲李司城宅有歌妓侑觴是日雨不止
司城貞子舊名家滿院香飄金粟花數畝爲
園情自適千金買笑興何賒梁塵落落歌聲
響江雨冥冥鴈影斜莫怪衰翁先客起可能
昏黑踏泥沙

穀日晴

冷潮數日喜晴天太史當書大有年但得逃
壘朝後榮那愁負郭我無田相邀便可尋花

醉何妨藉草眠笑與東風論舊約誰家
好春泛湖船

人日陰

固知天地好生成奈此雲陰不放晴人日題
詩聞往事朔書占驗在新正野臣達旦思康
濟海戍何時罷甲兵安得花村無吠犬賣刀
買犢事春耕

戍婦詞三首

人西去戍流沙忽忽三年未到家社日有
角曾附燕春風無樹不開花閨中懶作王侯

夢天上忙驅日月車見說明珠疑薏苡何如
與妾種胡麻

其二

慵妝一意綉征袍不耐春寒逼剪刀節候簷
牙來燕子園林花事到山桃歸鴻爲寄龍沙
信汗馬宜分虎士勞多少鄉鄰來引領看君
前路擁旌旄

其三

錦衾角枕合歡床坐惜春陰謝海棠百尺樓
臺朝對鏡滿簾花月夜燒香封侯自是男兒
石蒼甫稿
事傾國誰看少女妝寒鴈傳來新信息獨分
虎竹掃龍荒

臘月十七日作

海鶴閑看不出巢江村人亦掩衡茅不情寒
雨連三日頗恠陰雲暗四郊有約不來茶已
熟無衣可典酒難拋今宵定是簷前月照見
梅花滿樹梢

歲暮遣懷

千古風流漉酒巾悠然想見葛天民苦吟曾
不得佳句痛飲何由從好人案有圖書非陋

室情關雪月是閑身竹爐火發湯應沸朗誦
茶歌洗渴塵

不寐

布衾似鐵難爲寐數盡江城到曉更病耳有
時聞蟻闐壯猷寧復舞雞聲昏昏苦愛杯中
物赫赫慵起世上名皓首自安鳩性拙何妨
衆口笑無成

臘月十六日雨中

滯雨無人過草堂竹爐空自沸茶湯詩懷探
問梅堪賞酒債尋思劍可償清興偶吟何水
石蒼甫稿
部高情遙憶賀知章似聞門外驅馳者迎送
東來使客忙

遣興

世情吾道兩堪憐已閱人間八十年莫問燕
昭千里馬空吟趙一一囊錢關山有客逢銀
甕渡海從人駕鐵船但使家貧筋骨健不妨
風興自悠然

夏日雨中

幽居長日過從少賴有謳吟破寂寥花底一
春空夢蝶林間五月未聞蜩經旬雨爲黃梅

作滿鬢霜憐白髮凋鬱鬱孤懷誰慰藉月明
思聽玉人簫

壽鞠西竹

編茅種竹雉城西千挺相將古木齊剪伐肯
分漁者具淹留思割太人鷄蒼顏白髮看逾
好菊徑瓜畦路不迷常是書聲明月夜家傳
何止業畊犁

代壽鳳竹

揮汗何妨劇勸酬竹間涼氣已先秋當筵鼓
瑟娛嘉客汲井浮瓜憶故侯共祝年齡同海
鶴都忘機事向沙鷗遙聞去日藍田璧依舊
風聲滿士流

二月且盡靈雨不降草木不見生意

江村煙景尚蕭疎淺色憑誰畫作圖枝上桃
花疑可數林間鷓鴣鳥不相呼放歌欲使群芳
振當路應憂二麥無一兩四鄉民足食老人
安意辱泥塗

懷丁竹居

春風遙憶木蘭舟越水吳山恣勝遊我愛竹
枝娘唱和君緣驄馬客淹留鱗鴻不寄還鄉

信雲樹重遮望海樓肯信社中時引領願言
騎鶴上揚州

用韻

溪頭燕子呢喃語莫道此翁生事微話有樵
漁人不俗家無僮石貌常肥買膏青杏園林
酒醉卧綠簑風雨衣醒後正當開霽色夕陽
咸看落霞飛

初夏同諸老飲鳳翁宅次竹老韻

紅芳漸歇綠陰生江雨初收海色晴痛飲欲
成賓主美狂歌因見古今情賦歸我羨陶彭
澤好酒誰云阮步兵此是神仙真勝境虛無
何暇問東瀛

懷人

若有人兮水一方能縈太史九迴腸鴈傳秋
信霜猶蚤燕說春愁日正長望裏烟雲何繚
繞夢中岐路亦迷茫憑誰爲致中山酒千日
愁應一醉忘

除夕同伯子正於仲子直書室長孫振

次孫大守歲

白髮絲絲輝絳燭光陰虛擲惜從前八旬以

外無多景萬卷當中坐一瓊明日又看新曆
日何年較勝舊流年兒孫可乏倉箱穀不可
容顏媿昔賢

春日雨中枉黃龍溪冒麟郊冒文樓冒
唯齋劉斗衡五賢招飲石完初別墅賦
謝

爲憐城市有山林竹徑茅齋靜復深已見文
章成豹隱偶從風雨聽龍吟甄收未許士藏
器笑語不妨朋盍簪多謝夜來情興好玉壺
花底得同斟

對雨

天際風帆海上樓憑高一望思悠悠別來無
日不梅雨記得歸時是麥秋夢想依稀牽郢
樹愁腸屈曲轉江流紅蓮落盡黃花放可許
還聽楚調謳

雨中

長夏單居不自聊雨中懷抱更瀟瀟情多漫
倩狂歌遣愁重難爲老力挑花鳥笑人離思
苦山川憐彼去程遙我心奈與懸旌異盡日
無風亦自搖

題井一字至十字

井井鑿深酌洞淵比澄地同永上應星纏下
資人境客因投轄留隣每扣門請嗽齒而誦
靈篇種橘以祛災青只應止渴藉寒漿豈有
汲深持短綆本其來派若決山河坐以觀天
莫周光景千年改赤縣彼甃依然一注濕青
雲乃心斯逞丈人抱甕不辭筋骨之勞稚子
尋源奚翅桔槔之省

爲華翁題古梅花軸

姑射山人風骨奇綽約素有冰雪姿良工無
乃巧妬忌罵入烟雨迷茫時佳人何以在幽
谷雖有國色誰能知羅浮夢寐感前事孤山
水月傳新詩我憐華華王門客揮金不惜收
奇跡特走奚奴索我吟老眼摩挲三嘆息

我行在中野

我行在中野却曲歎迷陽深山出岡兩幽巖
隱鸞皇月黑狐聽冰明星人履霜公孫牧群
承豎子追亡羊骯然誰髑髏獨宿古道傍此
中亦何樂自謂南面王彼婦無乃愚薪此墻
下桑不思來歲蚤徒醫眼前瘡我心方蘊結

誰因訴蒼蒼

宿仇汝明莊悼憶乃翁南塘

我思南塘老高懷渺當年窮愁雖滿腹談笑
常忻然客輒至呼酒興來寧惜錢我方滯嵩
洛離思悵江烟屬續獨懷我有詩今尚傳流
光倏一紀哀悰何眇綿惟翁有似子侔儻族
相賢依然敬父執風韻何翩翩邀我宿田廬
雞黍相留連薪燭聽宵雨傾觴話春田悠悠
感今昔出涕爲潛烏無何失親故薄俗正堪
憐

辛酉青秀

卷之五

七

淫雨歎

嗟嗟二三月赤旱來楚枯入夏雨連作壟畝
成江湖菽麥一朝盡四野人號呼鳬勉種杭
稻期了今年租下田已絕望高田知有無奈
何日日雨能無愁體膚昊天不見吊元元一
何辜自無儋石儲哀此章句儒

題愛菊卷絕句

滿天霜露蕪葭老萬里風沙鴻鴈來正是千
山搖落後主人籬下菊花開

其二

寒風蕭瑟悵鄉關三徑花開九日閑千古一
人陶靖節高情今見白狼山

其三

西晉高人張季鷹故家風韻落萊城世間不
獨尊鑑美也自東籬有落英

其四

柴桑處士何風韻不愛春園似錦霞意在東
籬數株菊年年九月有黃華

其五

東籬一笑與悠然滿地風霜轉更妍服食流
傳可仙去名稱不媿傳延年

辛酉青秀

卷之五

七

送行絕句

北風吹不散同雲雪片飛飛連鴈羣寄語征
人一回首江城離思正紛紛

其二

先世曾聞陳太丘後來年少亦風流漢家舊
不循資格往往功曹多拜侯

其三

江亭楊柳帶寒烟綠酒紅裙唱別筵君去不
憂難得路如今官道直如絃

五月十二日雨中絕句

身雖落魄意優游，僊石無儲書汗牛。一事定知難瞑目，九華山好不曾遊。

虛名不要滿人間，興在觀游樂在閒。得似青蓮李居士，讀書堂在九華山。

香林天柱迥相鄰，此處何緣有俗塵。見說遊仙曾化石，只因有石是前身。

相看已忘形骸隔，一笑因知臭味同。老樹精靈猶可度，伊人何況有仙風。

百折山溪何屈曲，片帆江路亦迢遙。五溪橋下東流水，不到揚州廿四橋。

書書齋

卷五

七

千峯過雨萬花香，山樹青葱草色芳。春倩蒼龍秋倩鹿，與君同種玉田莊。

可憐海錯名烏鰂，爲笑禽中有竊脂。栖止梧桐食竹實，鳳稱靈鳥不爲私。

無相寺前無所見，撐天柱地有孤峰。伊誰並立青雲外，讓與蒼蒼一樹松。

落盡莎羅樹上花，寶陀樓閣露橫斜。遙知去日燒丹竈，長是萎爲五色霞。

野臣無分上方水，弄筆攤書畫苦蠅。安得九

華仙掌扇清風，四壁掃炎蒸。

望海樓西江霧橫，望江樓北海雲生。相思恰似黃梅雨，暮暮朝朝不肯晴。

天梯石棧路逶迤，踏雪穿雲去不疑。特地思尋斧柯嶺，共看仙客橘中棋。

海日未生江月沉，無人見我此時心。起來獨據胡床坐，風露滿天愁思深。

未問君家何處住，妾家樓閣近橫塘。月明花霧朦朧起，是妾樓中拜夕香。

宿酒愁多未易醒，伊誰招我過旗亭。尊前縱有已渝唱，不似雍門未欲聽。

書書齋

卷五

七

草堂西下是誰家，天遠山高日易斜。烟樹重

重人不見，月明愁對合歡花。

雖貧懶種故侯瓜，老不能栽夜合花。三十乘書還借看，種相思子答張華。

沙邊獨鳥兼群鳥，江上晴雲雜雨雲。無客爲傳君憶我，有人相笑我思君。

代人留別

楊柳風高燕子斜，酒闌無奈客思家。不知後

夜江門月，可照歸帆落九華。

秋興六言序

楚人有言曰悲哉秋之爲氣也草木搖落而變衰彼其情豈端爲草木而發耶意深遠矣杜陵秋興盖有曠百世而相感者余生若此何獨無古人之意乎哉往寓朐陽學舍得言三十首凡以秋興發也雖才識不逮感慨則同矣不有君子孰知我懷又焉知旁觀者之竊笑也老眼摩娑歲月短衣勾當霜風知叟曾談塞馬弋人何慕冥鴻

石齋詩稿

卷之五

五十七

鷄羸纔供伏臘桑麻足給租傭土鼓獨吹幽雅汗尊共祝克封蒲柳深悲晚歲芙蓉頗憶秋江弄月時拈鐵笛瞻雲不掩山窓紅樹青山矮屋黃花白酒疎籬老我不驚寵辱有人自繫安危青眼憑誰掃榻白鷗信自忘機無術可營丹竈非時好製荷衣門外客無車馬江頭釣有鱸魚小恙常思採藥餘閒不廢攤書

自許不忘溝壑何人久辱泥塗寂寞未

鄙賤何至當壚

荷鋤且爾種豆抱甕欣然灌畦雞黍

藜羹不負山妻

流水高山指法清風明月襟懷操瑟寔慚齊客買舟欲下秦淮

何處玉笙吹罷有時鐵鶴飛來一片青天碧海千尋翠壁丹臺

藉草相忘麋鹿拄杖自牧鷄豚斜日扁舟野渡西風木落江門

石齋詩稿

卷之五

五十八

倦遊頗念蜀客久寓莫恤黎臣我亦山東浪跡何由海上藏身

妻子譬諸敝屣富貴視彼浮雲借問窮年矻矻何如終日醺醺

一言偶取相位終身多誤儒冠誰謂重門擊柝不如高卧加餐

賸有花開竹徑鮮聞客叩柴關揮手安能蹈海掉頭不礙看山

天際雲山矗又山中白石澣又寡和無聞白雪太音孰賞朱絃

珠斗銀河上界輪中羽扇中宵四壁悲鳴蟋
蟀一枝棲息鷦鷯

屑玉山羹可煮煎茶石火宜敲點易梅邊雪
實哦詩松頂雲巢

紫鱗探來虎穴黃雞割以牛刀一飽釋耕南
畝半醺舒嘯東臯

橫吏不驚雞犬痴兒取辦差科慈母南山爲
壽聖人東海無波

賢聖無如白酒主賓便是黃花甘老草衣木
食焉知大纛高牙

不盡言和

卷之三

三

岐路大多南北素絲可變蒼黃一笑無心夢
鹿三旌不換屠羊

淨掃黃金佛地真遊白玉神京試用牙籌打
箕較輸錢鏐歸耕

酣倚夕陽紅樹悵望秋天翠屏浮世幾人不
老故山雙眼偏青

髯戟拂開積雪脚板踏碎層冰斗酒盛來玉
碗雙鯉弔出絲繩

海內其無白屋人間亦有丹丘兩陣打開蟻
戰半生看破浮漚

風月誰家晚笛關山到處秋砧往事勾回春
夢新愁付與蛩吟

人命略如朝露塵勞酷似春蚕服食多爲藥
誤機心頗笑狼貪

黃葉晴堆石徑白雲晚宿茅簷一曲無人按
拍三杯偶自掀髯

書案自無除目銘旌底用頭銜不着烏紗
帽惟持白柄長鐮

舟中作

往者已碌碌前期濟悠悠天機宵莫測世路
古谷寺高

卷之三

下

阻以脩菽水闕爲養無家寧免憂無衣更無
褐卒歲安所謀學也不沾祿哀歌懷飯牛

行園見菊

一秋常是病九月復多陰甚矣吾耽卧蕭然
興懶吟匆匆佳節過耿耿百年心應彼黃花
笑頭顱不受簪

嚴石谿詩稿

寄崔三湖蕪簡陸虛仙

虛仙尺素報谿堂若有人兮水一方五色雲霞連海氣百年魚鳥共湖光著書已就潛夫論求友還歌伐木章何自清尊同二妙滿船風月聽鳴榔

贈黃劍翁

威稜曾覩肅風霜想像年來鶴髮長淮海共傾黃叔度里閭偏重鄭公鄉人傳歸擔無資斧神護遺書在寢堂地下先公應瞑目生沾恩命死光輝

贈顧方田上舍

唐年顧況有詩名之子宜為異代英譽望蚤知聞璧水風流今羨入鄉評肩輿每借園子力下榻深慚地主情明日欲辭東海去暮雲何限憶江城

書扇贈孫丹泉先生

久欽家世慶源長華胄遙遙自李唐天錫鳳麟遊藝苑人傳龍虎見丹房治多奇疾存醫案學有同流乞驗方錦

優禮動賢王

贈陳未齋先生

天上星辰爭出沒人間岐路異東西我來文苑觀風虎君向華陽問樹鷄夢想三年欣晉接樓高百尺許攀躋盧傳為報明春信躍馬看花出御堤

舟中再作壽陳梧老

千年靈氣萬夫雄不愧昂藏宇宙中健筆蚤知扛鼎力中興有待濟川功鳳毛喜聽傳臚近燕喜誇傳祿養豐壽母康寧蘭玉貴人間

樂事許誰同

聞鴈

今夕初聞鴈悠然感慨中塞塵何自息江國幾時豐萬里爭餘粒孤飛咽斷蓬長鄉方落魄念尔在霜風

瓜花謠

賸有閒田不種瓜都無隙地好栽花疑渠不是東陵派似隔東陵四五家

匏瓜謠

一顧相將掠九州同遊不遇我同流匏瓜穩

繫苞桑樹春復春兮秋復秋

乘風謹

幸自此身居淨域可容心地不光明青天白日無纖翳好御冷風遊太清

又題陵川宗約卷

天潢欽藩派奕葉嗣徽音樂善多分印收書不惜金千秋光祖烈一德格天心共仰宗英盛皇仁灌溉深

懷人

日來頻作惡何事慰吾心偶以機緣契常於夢寐尋別時今不忘隨處即沉吟爲問千峯內煙雲幾許深

書扇寄陳未齋

江鄉青眼客誰復似元龍問我能遺藥凌寒獨作松善價雙金貴高樓百尺崇瀛洲登眺處表表見孤峯

次韻奉答邊南洲公子

撫事惟應蚤賦歸本懷非與世相違似聞臺閣能調鼎肯信江湖有釣磯天意冥茫那可問世情如此欲何依才名得似邊公子有路

雲霄近衮衣

漫興

仰見青天飛織鳥回看赤縣此身孤千金不買雙龍劍四壁時張五岳圖函谷狗偷羞上客桐江魚釣憶狂奴門前白石蒼蒼路任爾車塵馬跡無

歲暮

蕭然環堵絕無鄰風興猶存漉酒巾拙笑五車曾過眼狂如四海莫容身掀然對客閒談虎洒涕呼天痛哭麟忽憶經行陳蔡日迷津

誤問耦耕人

草堂以酒鉞插花欲賦一詩豫川起句予足成之

酒鉞今已作花鉞花意猶憐酒氣馨酒似逐臣辭故國花如散吏坐空廳不應酒假違芳約未許花枝笑獨醒酒不釐兮花不謝老夫何必歎飄零

行路難

作戲何須百尺竿踰繩亦自駭傍觀驅馳蜀道情知險上下瞿唐想更難鐵馬金戈沙塞

遠青簑綠笠雪江寒平生拙劣應飢困細嚼梅花敢厭酸

書扇爲杭石泉贈

噴雪思存石上泉看君直是意超然三杯放筆橫成陣一曲清香響應絃到處芝蘭同臭味幾時毛羽奮雲天谿堂不惜垂英盼海內誰將似此賢

書扇送筠舉赴秋試

共說南都多作者我聞西序有人才一飛好慰鄉閭望二馬曾掄國學魁桃葉渡經前渡

濟芙蓉花是此時開香名刻有如臯許蚤寄桐江舊釣臺

聞徐麓莊翁以正月八日生朝寄詩祝壽

聞說南州徐孺子稀年穀日作生朝浮雲不羨馬千駟陋巷能甘飲一瓢樂以忘憂從皓首歌而鼓缶託清朝鳳山西下傾春酒桃李東風雪正消

與孫雲龍自言公族子以楷書畫梅遊江湖間數過子索詩爲有此贈

糟丘行過酒池邊痴絕時還一放顛家世舊傳天下士風流今見飲中仙王侯第宅常通刺書畫江湖欲滿船老我始知袍繫拙因君重理卜居篇

友輩爲二博士先生索文字

金錯空囊世可哀夜深閑撥地爐灰檢書每藉青藜照得酒都忘白髮催賒有兩家文字債慙無七步應酬才極須白戰衡寒陣趣取將軍武庫開

曉枕

戴破平生漉酒巾都無一策可資身三千里外人非遠五百年來我獨貧未覩燕臺求駿骨如聞魯獵蹄祥麟何緣良吏安淮海波潤依稀及野臣

閑中省憂貧無益

迷人可惜皺眉頭貧賤寧湏苦見憂四字錦中非貴客五車書裡帶窮愁謾誇筆陣奔風虎好息機心狎海鷗爲問鄭人蕉鹿夢何如楚漢割鴻溝

歲暮囊空

飯顆山頭太瘦生囊空何以慰高情儲書滿屋都無用世路無錢不可行扣角有時歌寧戚下簾無伎效君平只應欠却尋常債皓首空藏酒肆名

空囊

白頭三復錢神論羞澁其如杜老情自信早年難致雨可堪絕處不逢生孤吟懶索梅花笑一醉空懷竹葉清司業不歸元振逝壁間龍劍向誰鳴

我吟

世方如此我何如四壁雖空腹不虛搜盡枯腸難得句養成癖性好藏書衰年尚自喜談虎先世有人甘釣魚安得清尊常致客陶然一醉不求餘

偶成

天下滔滔懶問津白頭何處避紅塵欲招狂客爲嘉客莫遇中人以上人醉死不須題墓道苟生無乃負頭巾擁爐坐聽茶湯沸似勝歌聲出絳唇

賦命

祿仕名場兩不諧棲遲何幸此茅齋鄉人共笑才名劣日者曾談命運乖五石有壺悲莫用四方無路任塵埋夜深起爲觀乾象何自衡平見泰階

十月中風連晝夜作

動地猛風吹不休鷺鳥退飛河倒流故知天奪海寇魄寧免我爲漕師憂通宵不奈客無寐卒歲可憐農失收似聞蛇虎可痛哭善說伊誰如柳州

喜張實陽見訪因懷仲子

高高一笑天難問海內誰如二子狂放意五湖君皓首堆書四壁我空囊有人弛擔能懷綬無術燒丹可絕糧爲念江南薄遊者幾時天際任歸航

次韻答慈谿方白谿先生

鳬鴈蒹葭景色幽一竿常是俯溪流雲帆莫抗江湖志霜鬢未知禾黍秋老去胸中無芥蒂從來海內少交遊煩君特以詩相贈不似西家視魯丘

送劉心銘選貢北上

河陽兩世種桃花五柳清風况舊家先烈榮
名存宇縣後昆能事擅才華千金自致燕昭
馬萬里方乘博望槎老我合無飛動意因君
還復憶朝鴉

中秋日腹疾小愈殘暑亦退

袞袞何緣離世紛白頭誰謂我無聞行年老
大猶耽酒生計蕭條只賣文伏枕偶因賒藥
券懷人時復夢梨雲痾煩暑俱難遣一快
秋光此夕分

懷人

鏡中何忍見衰顏底事相思不放閑每夜望
懸千里月無涯情在九華山江間尺素書難
寄天際千峯手欲攀安得力如齊婦捷爲君
搥碎玉連環

壽竹翁八十一歲

健羨行年逾大耋愁腸淨洗酒腸寬向來作
吏常稱傲老去爲文未覺難裕後竟成三兔
窟笑人空守一漁竿白頭尚有東山興似是
風流盛謝安

聞早鴉

適看夜合花前月忽漫扶桑散小霞別緒縈
牽千樹柳離魂喚起一聲鴉南遊未許人携
屐西去其如子憶家記得臨岐分袂語蒼蒼
白露詠蕪葭

夢遊九華

李青蓮愛九華山九朵芙蓉手自攀老我神
遊蒼靄際真仙境在翠微間香煙縹緲行相
引風馭悠揚去復還天路空虛河漢遠此時
身世隔塵寰

冬無雪春無雨且日日風

恒風不雨天難問已是春光一半過萬樹有
花成底事四鄉無麥欲如何想應詔令寬民
賦可奈漕舟阻運河却笑杞人憂獨切依然
北里自笙歌

漫書

家具空餘貯粟鉞苦吟耽飲笑顛冥花前對
酒頭俱白海上看山眼獨青卜築自甘成豹
隱引年何暇效熊經從昏達旦爭蕉鹿可是
迷人夢未醒

黃狸奴捕得書架中逋鼠感而有作

有鼠噬我書刺刺惱我腸我心豈不欲磔鼠
如張湯吾家黃狸奴猛捷疑天狼譬彼驚擊
雞瞥尔虎噬羊君不見島夷猾夏逾十年奈
何無人爭着鞭憑誰慰帖鯨波靜渡海吾將
駕鐵船

正月二日薄暮雪中胡思詒學士見過
出酒不飲忽忽辭去言謝此詩

正月二日天同雲空谷足音如有聞雪中顧
我獨何厚天上識君殊不羣骨相未應無飲
量劍光還可撥紅紛便騎借馬衝寒去一夜

不第詩稿
相思虎豹文

春洲爲松江吳佐朝賦

洲上荻芽生洲邊水痕長夜來桃花雨山氣
鮮以爽波光雜山氣晝日排書幌晴沙滿鷗
鷺草樹迷臯壤是時洲正春釣艇可來往酒
徒提玉壺騷客擊蘭槳推蓬楊柳風茶烟出
蒼莽濯足歌滄浪船如坐天上此樂可忘老
何況非非想寧知垂天翼忽墮

皇家網共倚投綸竿世可運諸掌

正月十日之夜與殷鐵岡話出門快夜

色霽極賦此

與客春宵話轉萍開門送客是深更天於上
界浮蒼玉星向中臺露赤精恍見雙輪飄鶴
翅似聞比竹駕鸞笙真仙景象何如此海月
閨風滿 帝京

秋湖

湖水秋來與岸平湖風涼冷釣船輕蕪葭采
采知霜落鴻鴈磬磬共月明煮蟹驟吹茶竈
火鳴榔響答櫓歌聲鳥啼喚醒蘇臺夢忘却
炎炎世上名

不第詩稿
讀維摩詰經

居士蕭然卧一床文殊問疾與醫王根塵未
許天花著毛孔還憐佛飯香不二門從誰印
可無生忍得自金剛耆闍崛下千年秘解脫
微官半日忙

送中舍孫竹塘先生歸省

鸞臺鳳閣殿東頭染翰朝朝侍冕旒走馬十
年趨魏闕美雛千里憶淮流時清左掖無封
事春暖長河好放舟見說北堂諉未老羨君
冠蓋遂南遊

舟過沛縣泗水亭喜雨

泗水亭前船欲開
舟人爲指漢王臺
孤雲響應歌風起
好雨星馳戰捷來
宿麥四郊生氣
象晴花千樹洗
塵埃腐儒喜極
成狂舞况報南
巡萬乘回

過射陽湖

日出煙開湖水通
今朝又是刮南風
誰家挂席如傳箭
早飯推蓬亦盪胸
豈有波神撼鰲
極虛疑海若闢龍
宮一詩戰退無天
浪始信狂夫筆力
雄

石鼓齋書

卷之六

十一

醉邵亭觀鶴呈亦沂夫子

祿薄從教馬不肥
階除養鶴已能飛
寧知稻粒分官俸
每下魚錢與釣磯
永夜獨憐聲振
野高秋欲盡耳羽
爲衣先生意在窺
遠廊不似郎君詠
夕暉

東溪爲邵武謝生賦

見說東溪風景幽
石田茅屋認丹丘
香雲五色翻瑤草
靈籟三更瀉碧流
不許女郎來濯
錦獨尋仙侶共乘
舟烟霞笑指蓬山
近采藥還爲海上
遊

王時邨經府轉遼海經告致仕歸送以此詩

茂族三槐後流風百世聞
不應王逸少老作鮑參軍
歸有園田興行將鷗鷺羣
綠雲樓上餞離思共紛紛

生朝

朝來把鏡看頭面
齒已彫零鬢亦皤
六十七年今若此
百千萬事欲如何
王孫芳草迷歸路
漁父前身憶釣簑
好爲桃花開笑口
煩君莫惜醉顏酡

石鼓齋書

卷之六

十四

塔院對雨

赤日夜來焚石林
曉看法界雲陰
樓臺隱約暗江雨
蓊薄宛轉啼山禽
花灑載酒不可到
竹院閉門聊復吟
爐香爲開古佛笈
去住偶然忘宿心

與馬紫泉

士到紫泉良獨難
聲名往日動長安
勸參留守輒掩耳
不拜督郵寧掛冠
老去惠施書卷散
病來沈約帶圍寬
只今衣鉢應傳我
多少歸依切肺肝

九日

重陽自昔名佳節况復伊人賞興賒鏡裏不妨生白髮尊前何忍負黃華洗兵魚海聞方叔落帽龍山憶孟嘉風景悲涼天日遠誰云賈傳在長沙

挽曹斗野先生

鄉信有人傳斗老海東頭去作神仙可堪揮涕二千里何止傾心四十年史傳定誰收卓行名家真自有遺編衣冠里社蕭條甚南望星辰爲悵然

卷之六

卷之六

一五

翁泛舟湖上次韻岱翁

與客來遊穀雨前青山不礙泛湖船狂歌忽起魚龍蟄醉眼橫看日月懸人世未妨情落落鶯花可奈思綿綿閩中作者東方彥皓首追陪我亦仙

望陵母墓

陵母墓西春日斜斷碑人不辨龍蛇烈風千古動天地劍血青青開鐵花

望亞文墓

伯業無成國士推游魂定是不歸來只應

父當年墓不近君王戲馬臺

下洪

朝來船上鼓鼙鼙一笑飄然下兩洪明日淮山應到眼片帆誰與借長風

鬻兒嘆

篤師買一女舩師買一兒鬻之者何人農家恒苦飢苦飢亦信命征科無已時征科尚云可夫差民命疲此邦無父母猛虎畫張威鬻兒豈吾情緩死湏吏期兒亦有所託幸免飼狐狸吾計良自得使君幸勿嗤

卷之六

卷之六

一六

六

茱萸灣阻雨

四月下揚州村園麥未秋路岐存佩劍風雨扼歸舟處世真如夢勞生卒未休幾時滄海上談笑對沙鷗

春夢

春來才一日春意忽已動胡然抱寒衾遽爾作春夢因觀赤城霞倏覩九苞鳳玉童把瑤笙援琴復三弄携我琴瑤華小憇華陽洞揮盃勸我飲金液瀉銀甕我時騎蒼龍畊裂九地凍徧焉種芝草曰爲神禹貢天風忽吹衣

雪月照虹棟

立春日作

立春喜見天晴霽鬱鬱西山爽氣浮
兩雪定須開驛路烟花應是塞

皇州孤槎早晚成歸計五嶽相將理勝遊
且典敝衣呼斗酒出郊尋虎試吳鉤

胡生行次韻

淮海胡生玉堂客夏鼎商彝能辨識
俊采朝開五色霞高標秋倚千尋壁
嗟嗟阮籍哭塗窮胡生慷慨走西東
未遇長風送滄海屢見

落日昏陰

虹霓藥之成

十一

落日昏陰虹霓藥之成湏九轉事功在後始
則蹇雄劍掛壁蛟龍鳴伏匿海怪逃山精世
間寧有客如此百年只作泥塗士健翮終當
萬里飛駿骨肯啗千金市應有王宮收席環
山川其舍筆如神見說十年遨四海幾多豪
傑奉清塵買酒宜燒肺肺腑愁蚤晚來看弓旌
求

代壽

湖上茅廬烟樹斜湖中生計足魚蝦求仙有
待成黃髮拜相無心到白麻徵士衰年還釀

黍野人滿地只移瓜一杯爲獻春風壽千歲
蟠桃正着花

杏莊爲溫鈍卿醫士題

嶺海誰栽杏作莊東風千樹映丹房看花不
作長安夢倚樹開抄海上方故事未湏論董
氏新題元只爲溫郎何由便結山中社一笑
悠然挂錦囊

日淹逆旅不得一遊湖上有述

海鶴猶存雪色翎相招不見舊旗亭欲過竹
院尋僧話柰少蘭舟載酒瓶十日倚樓歌骯
不盡蕭蕭

十一

七人

麟四山揮淚吊英靈舍人往矣坡仙老誰道
江湖有客星

寓杭二首

名勝世應惟此地杭人自昔競遊嬉一經寇
盜頻年戚四碩湖山滿目悲尚有船堪載歌
舞奈無才可濟艱危千秋岳墓英靈在風雨
如聞泣虎貌

此邦在昔稱繁盛老我經行自不遭擾擾風
塵迷去住嗷嗷鴻鴈欲劬勞湖山只合終無
恙壤地其如有不毛馮仗

皇威清海島倚樓還看曲江濤

遊雲居菴有懷賓山上人

勝覽聊乘半日閑不知巖壑費躋攀我方來
看西湖月君却去遊何處山軒冕忽拋清夢
外衣裳如卧白雲間夜深雨歇松風作疑是
凌雲錫杖還

次韻賓山上人題壁

鹿野驚峰何處是此中端合住高僧湖山捧
擁三摩地臺殿輝煌無盡燈法席可能容短
褐談鋒聞已截長藤香雲一片松千樹飛閣

不露詩稿

卷之六

一九

凌虛我獨憑

阻杭不得一遊湖上却邂逅劉雪湖先
生同舟賦贈二首

孤山自昔聞幽勝風雪其如眺望賒剛道世
間無妙手爭知浙上有名家揮毫喚醒羅浮
夢滿帝能開傾刻花貪玩令人心欲醉老夫
忘却在天涯

詩思爲看山色好郵籤不記水程賒江湖星
象感孤客富貴功名慙五車漁釣未應無隱
逸風情吾獨愛梅花憐君點染多清興欲鮮

羊裘付酒家

舟中無事輒復賦贈一首

澄波三萬六千頃冷浸同雲凍不流一夜青
山生鶴髮獨燒紅葉向漁舟欲歌歎乃絃難
扣不惜蓑衣酒易謀爲愛孤山花樹好合歡
誰復夢羅浮

雪江胡蝶歌

嘉靖乙卯冬石谿嚴子以景寧之役泊
六和塔邂逅山陰劉雪湖相與同舟南
邁過大浪灘數里許舟中無事展玩雪

不露詩稿

卷之六

二十

湖所作風烟雪月梅花圖適有花胡蝶
飛歷蓬底翔舞不去仲子直夾雙指取
之玩弄爲笑余懼損傷其金粉也命釋
去之蝶不驚飛去來再四若戀恋余舟
然者於時四山積雪未消又西風滿江
寒逼人甚念此物胡爲乎來哉雪湖畫
梅枝榦花萼盡得梅之全體筆法不愧
古作者以此響動名公卿間姑不暇論
今茲披圖寓目忽致昆蟲豈其復有香
氣浮動江湖間邪不然何以有是事也

景物奇絕詩興勃然因作七言四句短
歌且復記述其事命仲子書之以爲雪
湖梅譜之助時閏十一月四日也歌曰
雪中胡蝶尔何來翻舞逢窓去復迴水石絕
無花柳氣物情如爲雪湖梅

鰲峯黃生邦贊台州庠生也奉軍門羽
書與其子師克至景寧召募阮兵過訪
山堂因題贈各一首

三年未報海波平

聖主宵衣念戰征燕領有人投筆研兔置于

石露齋稿

卷之六

三十一

野見干城前籌好借詩書帥入幕宜談節制
兵此地自無貔虎士擾鋤徒取護銀坑
英妙黃生志不羣請纓何獨漢終軍乃翁報
效心如日之子拚飛翼若雲不屑名場爭一
第欲將孤劍策奇勲阿符可笑師郎伯苦對
韓縈誦古文

雪後枉潘少岩廣文招飲席間有作

暇日來遊學士家爲憐景物聚幽遐山應不
礙穿雲鶴梅自能開帶雪花廳事儘餘旋馬
地溪流合置釣魚車人間即此堪行樂何必

東陵好種瓜

送人

九十九峯相接連朝飛霞彩暮蒼烟不知若
個峯頭月照見楊雲夜草玄

次韻平崖懶出

凍筆難屢呵老我宜袖手如何五車書不辨
一斗酒初春天雨雪年且書大有鼎食非我
心麥飯取餬口我友喜見招痛飲須健走作
詩迎石佛飛錫就溪叟乾坤此何時太歲方
在丑

石露齋稿

卷之六

三十二

元日試筆

古人文字今人鏡歷歷諸家在眼前削鐫我
嘗聞梓慶學書誰復象張顛江淮河漢自行
樂日月星辰同麗天枯守筌蹄失魚兔應知
不是上乘禪

正月二日立春一冬無雪而今日雪人

事乖戾天道應之殊未見其遠也擁爐

孤坐女奴爲掃雪煎茶頗慰幽興

宿酒情騰困未舒今朝詩思欲何如梅花滿
樹偏憐雪鶴髮千莖轉愛書即事可知天道

近忘機不管世情疎
樵青頗似知幽興
汲汲煎茶慰老漁

雪中對酒

野色冥迷海上天
閉門孤坐思綿綿
詩成我欲排雲叫
茶喜奴知挿雪煎
今日不呼人飲酒
明朝枉爲客張筵
蹇驢蹋遍梅花路
苦憶襄陽孟浩然

人日蒼麓招過所寓僧舍倩楊竹溪爲

余貌小影飲間作

茫茫四海欲何之
抖擻衣塵醉舞時
有客能

石齋詩稿

卷之六

三

尋蕭寺約定誰能寄
草堂詩只應霽色開
人日未許春愁亂
柳絲老去恰知何
伯醜肖形除是虎頭痴

蒼麓魏予小影云留置行李中以爲相

思之地賦此言謝

狂奴存故態甚矣
吾衰也虎豹徒有文
麋鹿性何野機事等
虛舟身世視飄瓦徒
聞臺閣圖應見山川
舍誰知雌雄烏莫識
牝牡馬看鏡自知醜
出涕淚盈把彼美王
山人吳中善文雅廿
年湖海間交遊未爲
寡乃心獨勤予

此是何爲者胡不實金玉而寧顧土苴傳說
千載上姜肱千載下遙遙我心心思心動面輒
赭何以報相知短歌聊自寫

十三日之夕程雪門招飲其主僧澈上

人房

閨外將軍喜見招
驢呼的的爲元宵
香飄禪榻茶應熟
風動轅門柳欲搖
已見昇平人共樂
直須氛祲雪同消
典衣不辦狂夫醉
安得侯家七葉貂

觀物吟

石齋詩稿

卷之六

二十四

靜裏閒觀物有情
不應花縣似荒城
樂羣每見鹿呼鹿
求友况聞鸞喚鸞
底事伊人常不偶
可憐之子大無朋
笑言昏媾心行路
四海誰云皆弟兄

舟阻開東託宿堰山玉女祠賦此

託宿雲霞繚繞天
嘿將精意扣幽玄
監河侯肯顧涸轍
浮海人應濟巨川
僧拜夕香揚梵唄
客悲春夢雜塵緣
晨興漱齒思噴雪
雷雨迎龍躍九淵

春日雨中

閉門三日雨濛濛問字誰能寂莫中苔徑閒
吟書帶草花村狂憶酒旗風床頭一向黃金
盡眼底羣兒白髮同明發江天開霽色我心
應快海霞紅

書懷

從事嘗聞子在陳春愁可奈話無人乘桴我
欲浮於海問渡誰將告以津除是酒杯堪遣
興始知文字不謀身驪珠價擬千金值探取
其如有逆鱗

又

貨粟監河計未成經旬不復蓂莢山中但
有書堪著天上原無路可行栖每依人憐海
燕聲如求友媿林鷺勞勞苦厭人間世却笑
嵇康論養生

乘月過西寺同范石翁夜話

託宿君依竹院僧相尋我愛月堪乘三更不
了浮生話半偈湏傳古佛燈老去交遊殊落
莫近來文字太翻騰鳳毛况有青雲器鴈塔
何時快一登

漫興

苒苒年光春復夏悠悠世事古猶今滄江白
髮吾將老清廟朱絃熟賞音態度忍看雲屢
變愁心欲共海同深高風爲憶寒山子抖擻
根塵肆意吟

又

世方如此欲何求興意惟應賦遠遊已向靈
均分藻思還從太乙借蓮舟千年未化遼陽
鶴一向相忘海上鷗忍更役形塵鞅內白頭
狂走不能休

窓下小桃盛開不能成賞

惆悵平生兩鬢華一年孤負此桃花分無博
士千壺酒歌到盧仝七椀茶夢想武陵人不
見攀翻海樹路何賒如山縱有崑崙核得似
青門五色瓜

漫興

百億分身共一塵誰將大氣轉鴻鈞挾山超
海吾無力拔宅昇天世有人牖戶三星愁達
旦郊園草木喜回春閒開鄭圃陳公案夢鹿
何如只負薪

三月十日作

萊畦苔徑草堂幽書卷成堆在案頭懶對桃
花開笑口閒聽燕子說春愁腸枯刮削無佳
句計拙商量有敝裘忽憶長安倦遊客計程
應是到揚州

書扇答范北坻

孤高遙憶范萊蕪踏蹬其如有命蒼老眼方
將空舉世虛懷何事下狂奴爲憐獨釣清溪
石安得同傾白玉壺痛飲豪吟江海上飛行
不用杖藜扶

喜陸小漁見訪

家世原多卓犖才雲孫風興亦悠哉江湖到
處携茶竈煙雨還能過釣臺村遠可堪無酒
問春深興自有花開相看擬是玄真子西塞
山前鼓棹來

遣興

鶴髮閒梳向夕陽滿林紅雨送年芳昔賢字
有人能問此老書無室可藏笑指巢鳩生性
拙坐看梁燕去來忙溪中白石難爲煮苦憶
留侯辟穀方

安豐王文淵爲園作萃春亭以待三益

花樹芬芳草色青主人新作萃春亭林間氣
候常三月案上圖書有六經小立放歌風浩
浩大觀遙對海冥冥知君未是幽栖客見說
文光射列星

寄安豐吳龍渠

延陵家世舊稱賢之子襟期亦渺然怒挾迅
雷誅旱魃和爲靈雨駕神淵行天未起池中
物在地還隨海上綠我亦泥蟠忘歲月只應
鰕蟹混流年

用韻答岡翁憂雨

四隣束手經旬雨有客關心萬國愁人事祗
應天作孽官占肯信麥無秋始知賈傅雙流
涕敢謂徐公百不憂旅力既愆時太晚豐年
何自見西周

六月六日以後濕熱不可奈十五日十

六日得雷兩解圍想疫氣亦當衰減

高臺無地築凌歊兀坐谿堂不自聊渴病難
分仙掌露羈懷空賦曲江潮霧霓已快炎葵
洗霹靂還應氛祲消飽食憑誰知帝力短歌
吾爲答神堯

雨夜聞蟋蟀有感

西堂蟋蟀早知秋宿雨空階滴未休何止衰
翁驚節候只應遊子動鄉愁敢云海戍兵宜
罷苦念田家歲不收痛飲難謀吟懶就艱危
誰共此時憂

曉枕

疎窓卷幔看猶暗傾耳西林報曉鴉向夕已
知收宿雨侵晨端擬見晴霞年顏自覺衰於
柳心緒誰能亂似麻况是貧家無外事只應
閒檢惠施車

寄荅高郵掌教柳愚谷先生

志齋詩稿

卷之六

寄荅高郵掌教柳愚谷先生

特地魚書遠寄將十分珍重敢遺忘蘭亭碑
記千年在柳氏文章奕葉光人怪長淮騰寶
氣我看諸作盡金相兩生出處雖殊調趣操
同歸自不妨

寄荅州學倪湛川掌教

詩狂草聖追昔賢祇今誰似倪湛川楚人氣
力可扛鼎匠石運斤能斲郢寄我新詞十七
篇風格踈動開元年河伯乃今知我醜木李
何堪報瓊玖何緣奉袂向龍門傾倒論文酒

一尊

秋日雨中

雲陰連月雨霏霏征鴈砧聲如道飢笑我典
衣沽酒去逢人踏藕得魚歸路岐本自多南
北力命知他誰是非爲報江湖倦遊客何如
言采北山薇

秋日雨中枉范石翁招飲僧舍云以明

日欲行

高情誰似范萊蕪僧舍能沽酒一壺本意割
鷄邀上客翻令煮蟹喚狂奴漏天有石難爲

補古渡無船儘費呼明日欲從何處去我心

志齋詩稿

卷之六

原亦在江湖

懶仙

形骸放浪情顏然不似顛仙疑懶仙月落寒
橫醉欲醒天高露下寒無眠擬喚喚遠陽鶴同
夢閒尋玉井蓮爲船都忘身世在何許踏踏
狂歌朝日邊

懶僧

不隨時世著衣裳衲結皈依大法王滴水將
爲四天雨一燈思閃九幽光尔時乞食曾持

鉢投老栖禪懶上堂聚石點頭無此事白蓮池許毒龍藏

李司城招賞第二番桂花席次與歌者

王月萃

陰雲何意變晴霞不負西堂待月華風色我悲楊柳樹天香人愛水犀花翩翩忽下空中鳳閃閃雙飛鬢上鴉玉宇瓊樓銀漢接思從海客借仙槎

是夜酒醒有述

夢回孤枕聽三更記得宵來席上情烈士慨

才華青鬢

太三云

三二

慷慨斫地佳人負持色傾城不知尤物爲誰有聊以戲場觀我坐却笑陶家無樣子葫蘆可是盡難成

秋日偶成

把鏡年顏不忍看白頭風味笑儒酸無田可種柴桑林有路寧辭蜀道難每日聽人談鹿夢五湖何處放漁竿因悲遊子衣裳薄風露其如水宿寒

答柳愚谷先生用其四韻

雙鯉喜看傳尺素重湖可奈隔同心老我綸

竿自東海羨君聲價比南金龍鬣蕪澤集多士桃李門牆疑上林聖主佇聞清廟瑟朱絃三歎有遺音

秋思

蕪葭零落水雲邊締綈淒其霜露天冷暖不須追往事沉酣且欲混流年相思白髮三千丈更俟黃河五百年人世豈無他玩好我心惟有獨懷賢

書扇送陳如岡公子節推河南

中丞家世光淮海公子文章有鳳毛

才華青鬢

未之六

三二

北極特看刑柄重東都遙望法星高黃昏豈意來金馬青眼還能顧緼袍他夜相思何處切梅花堂憶舊揮毫

偶成漁家嘆一首

衆芳搖落見西林人事蕭條惻我心二子江南爲日久一簑溪上覺秋深不知水國何多難每爲田家得苦吟酒既難賒魚懶釣忍聞婆婦哭霜砧

喜正兒歸蘭谿

去家七十日行路數千里客子得所歸主人

心則喜接納豈不勤賓主豈不美監河自無
采涸輒安借水山陰興既盡蜀道難如此爲
問疲奔馳孰與守桑梓以尔造事窮知彼固
然理

狂思

人間未見此狂夫不耻家無儋石儲虎豹其
文觀易象龍蛇走陸誦陰符淫淫爲灑投湘
涕落落思乘浮海桴惆悵桐江釣臺上千年
猶自客星孤

寄謝近漳公書幣之惠

石齋書齋

卷之六

三十五

高風雅韻憶仙郎燕坐氤氲漢署香天以麟
鸞昭治化人驚虎豹有文章無餘清俸常分
贈忽漫音書遠寄將沽酒買魚招社友不容
溪老不顛狂

余平生志在遠遊徒以無資莫遂

白盡頭願志未休哀歌斫地涕橫流世間好
事誰能作海內名山我久遊大有居人無去
路儘多行客沒來由不知緣分如何可得借
真人蓮葉舟

漫興

墨池枯涸硯生塵青眼徒看筆有神可是浣
花溪上老年時出語不驚人

陡寒

結髮讀書今老大汗牛充棟亦奚爲天非數
九寒如此士不無雙困亦宜壯矣有時歌慄
慨卜云何術濟艱危孰知糠粃偷生者異日
臨機六出奇

聞雨

昏昏終日醉夜氣苦難清孤枕候鷄唱四更
聞雨聲農憂場圃事我動古今情編閱人間
石齋書齋

卷之六

三十四

世無勞學養生

天恩存問葉子爲大司徒石渚馬公題
臺省封章切司徒聞望尊皇情懷往績清問
示殊恩快覩傾鄉國榮光照里門祇應千百
禩餘慶亢雲孫

朝野榮哀葉子爲石渚公題

譽命嗟元老先春氣化虹朝廷優恤典江海
動悲風四牡馳天使千秋肅殯宮悠悠華表
鶴何日下遼東

紀夢二首

宵來凝醉難爲醒，滯雨殘燈睡寐間。忽爾寒更交五鼓，飄然春夢掠三山。神遊不覺風煙迥，仙境潛窺日月閒。爲道狂生非俚耳，雲邊許聽鳳笙還。

鄰鷄呼醒鼻中雪，吾夢却從天上回。但見雲霄行日月，不知塵世有樓臺。連翩鸞鶴盤空舞，豁落神仙笑口開。可是當年東海若，雄誇河泊亦堪哀。

冬日雨中

海霧江雲不放晴，雨中無奈客愁生。楚天自雨難爲問，蜀道相傳未易行。浪跡可憐萍泛泛，壯心空復鐵錚錚。散裘斗酒猶堪換，安得何戡唱渭城。

夜枕一首

南北東西志未休，依然胡蝶夢莊周。思尋石室爲書庫，欲鑄銅山造酒樓。拚鏡千莖生鶴髮，焚膏五夜寫蠅頭。尚平昏嫁何由畢，滿口空談五嶽遊。

十月且盡籬菊始花囊空不能爲賞

西家盆菊猶堪賞，况是東籬幾樹開。却笑囊

空難速客携壺，誰爲主人來。

與金壺仙

白狼山下金壺仙，結有真遊勝覽。綠身形鍊得瘦，復瘦棋局參透。玄之玄輪七九迴，火風鼎鼓一再行。霜月天今夕，煩君高著眼。客星可在斗牛邊。

海客嘆

有客入東海，豈不以寶故不發。海印光應爲海錯，誤瓊瑣蜃蛤間不采。珊瑚樹棄擲明月珠，魚目珍所遇。三周遶海徼，十日迷海霧。先

民亦有言，咨訪爲大務。

偶成

點爾當年鼓瑟希，相携童冠沂乎沂。只今操瑟齊門者，千仞岡頭獨振衣。

讀曹子野步虛詞一首

雲際誰傳法曲來，若人真有謫仙才。一吟欲換黃金骨，每奏頻傾白玉杯。邪穢此時應滌蕩，幽陰隨處可昭回。霓裳舞罷笙簫寂，喜見靈光八表開。

寄曹子野

家世桐江譜派中行藏那免魏宗風三杯酒
已十分醉千首詩無一句工心在名山遊未
得家如逆旅本來空相思欲寄曹子野望斷
江魚與塞鴻

頃見詩家專事刻雕無情興我於此輩
竊獨悲之

老生積習未能忘畢竟誰登作者堂花蠟裝
成工太巧性情流出拙無妨可憐學究尋門
顛忍見俳優在戲場音韻悠揚辭的當風流
輸與竹枝娘

漫興

老鶴昂頭帶笑看飢鷹呼食鳥號寒一言取
相何容易萬里封侯不作難床下那能聞蟻
鬪泥中誰謂有龍蟠子臧作事驚人眼喜戴
我然聚鵲冠

又

老我懶卜離騷居笑人枉讀糟粕書擬構一
軒談猛虎不從三井看神魚得錢且醉高陽
酒拄杖還拋下澤車除却苧衣兼麥飯世間
何事足關渠

冬日雨中

榻塵留鼠跡階砌滿苔痕溪逼江雲冷城連
海氣昏長吟空抱膝痛哭欲消魂天時與人
事此際向誰論

懷靈均靖節

草堂坐看香爐煙捲卷忽而懷昔賢三閭大
夫去不返五柳先生醉欲眠相思夢遶沅湘
外叢菊花開籬落邊千古二公英爽在遙遙
南望白雲天

懷仲子

酒醒谿堂恰二更可堪風雨撼江城烏啼鶴
怨綠何事水遠山長共此情賣劍買牛懷仲
子守株待兔魏平生迢迢永夜寒無寐展轉
相思夢不成

與陸小漁

有客携家東海濱爲言風俗易相親磻溪漁
釣何妨老曹霸丹青不厭貧東道主人還愛
畫我家先世亦垂綸天寒莫訝難爲忍見說
江梅已報春

聞陳錦川誇越中歌者李雲絕色且擅

戲場爲兩浙名公卿無不賞愛之者南

渠嘗調之云李云李云玉帛云乎哉慕
其風韻爲作短歌

錦川人爲說新聞黃閣當歌調李雲烟樹重
重江水濶何緣六幅見湘裙

與張望溪

醫林人到望溪難病鏡中懸外照寬一紙不
留賒藥券三年鍊就返魂丹方從海藏龍傳
出杏種匡廬虎爲看楚有二天懷治效高文
巨榜送江干

月集書刊

卷之三

三九

十一月十二日之曉夢與陸虛仙相揖
拜語忽而覺賦此

前日鯉魚傳尺素愁邊情思亦依稀今宵胡
蝶迷孤枕夢裏音容知是非高士肯爲塵所
網狂奴甘與世相遠一壺何日桐江上同看
梅花雪片飛

漫興

朝對先生首常盤青氈夜卧未爲寒強吟一
句詩何苦擬作三都賦不難無廢八門安道
法有人百尺戲高竿古來行路皆如此敢怨

拏舟十八灘

冬日飲石完初書屋

風猛江寒可奈何故應商略到魚簑極知村
酒難爲問爲愛書林喜見過晚歲未妨詩思
健夕陽那昔醉顏酡當年借榻僧俱老剪燭
揮杯感慨多

冬日枉豐城吳龍劍江陰倪心穀昭陽
凌後岐通州范石翁金壺仙五賢過觀
復草堂留飲

晝日柴門只及開衆方役役我偷閒所存赤
手供觴詠豈有白丁相往還佳客數當星聚

井老夫年近日銜山未湏戚戚人間世好變
愁顏作笑顏

與陳錦川蕪簡周文峯

妙墨奇文愛昔賢蘭亭勝自永和年後來人
物多黃甲前輩風流見錦川已約藏書探禹
穴還期奉日向堯天故山好寄周公瑾莫忘
論交海樹邊

懷吳龍劍先生

囊橐知君一向空西行寧趣酒旗風千年神

劍從誰賣五字長城頗自雄何處高人能下榻我家仲子亦飄蓬雷風不借波臣力未免同遊涸轍中

自嘲

白盡鬚鬚與鬚毛畫呻估畢夜揮毫聞之好馬因成癖豈以亡羊廢補牢老去性靈還拙劣近來書本太貪饕且從心地開茅塞天上由他種碧桃

贈李令軒

漢家未起故將軍塞外難收破虜勳畫地有時思獻策叫天無路可排雲三冬且作龍蛇蟄一變終當虎豹文見說東南防禦使幾多才氣不如君

冬日偶成

錄錄平生百不能夜吟常是自晨興再呼不起花溪老共話難逢竹院僧得句有時呵筆凍懷人無語對寒燈明朝欲託傳書鯉擬鑒江頭一尺冰

懷仲子一首

日夕西林吹猛風草堂孤坐念飄蓬不堪牖

戶綢繆後何況江湖震蕩中羈旅自應悲歲晚猖狂那免哭塗窮遙憐客舍寒燈夜可有人能意氣同

題閨女繡作花鳥四首

千金議價未爲高南海天生翡翠毛紅杏一枝相映發內家新樣繡宮袍
老來詩句苦難工雙眼猶能認女紅
朵朵桃花開笑口似憐鸚鵡說春風
黃鳥枝頭噤不鳴紅榴苦未見裏情依栖得似長楊館一放嚶嚶求友聲

石齋詩集

卷二十六

四

南枝天許冠年芳可是無花可頡頏靈鳥蚤知春信息爭先一步孟襄陽

冬日喜晴

至後吾憐海國晴草堂朝曝在簷楹梅先洩漏春來信鴈有連翩北鄉情肺病可堪終日醉愁多還喜一詩成江空歲晚悲遊子何處歸航趁月明

交難

茫茫禹跡不容身何處溪山可卜鄰天下豈無天下士市中應有市中人爭遣每見形骸

隔契合何妨楚越親千古我懷陶靖節此公
蕭灑出風塵

遠興

家世迷茫不可求都無名氏號浮休疑爲上
古麟鸞友好與深山鹿豕遊已向雲邊招羽
客還從海外訪神洲回看萬派皆東注獨自
天河水倒流

文難

毫端光景日常新作者方知筆有神兩夜似
聞詩泣鬼楓江何止句驚人朱絃三歎誰能

不露詩痕

卷之六

四三

聽黃口羣飛底足嗔却笑此翁頭盡白讀書
曾不輟晨昏

代人題桂紅圖

晴空玉宇連瓊樓白露爲霜天地秋陰森萬
丈知何樹擣藥依稀聞顧兔霓裳羽衣者姮
娥宵隨織女渡銀河黃金花結黃金子紅杏
碧桃應妬爾

不寐

夜來鼙鼓寂無聲向曉鄰鷄苦未鳴海上定
知龍蟄卧夢中閒看鹿紛爭風驅歸鴈千羣

過月爲梅花一向晴何獨江南書劍客飛帆
不下廣陵城

論文

大道多岐側我情都無鄉道只冥行得之一
字千鈞重失則千篇一羽輕茫昧夏商宗廟
器崩奔楚漢戰場兵浣花溪上論文酒何自
相招白也傾

題漁隱圖

碧雲紅樹遠滄波正是秋空鴈影過長嘯一
聲山月出未應軒冕勝漁簑

不露詩痕

卷之六

四四

春日訪車穀齋於何松溪丹房不值
東風情興浩無涯特地垂涎向麴車却恠玄
都老道士相携何處看桃花

松溪童子索題

家住松溪不種松欲於何處寄仙蹤玉童乞
寫賓雲曲忽漫風雷遶筆峯

花朝日作

晨興枯坐興蕭蕭昨夜風雷何怒號不雨四
郊愁麥壟無人一喚賞花朝春寒未許詩能
敵世慮惟應酒可消忍聽東鄰如玉女倚欄

時自詠桃夭

通州曹可竹語人過臯北上必將見訪
竹裏曾分穀兩茶相過一倍惜年華海山交
道從先世兄弟文章並作家共說仕塗如水
鑑遙憐帝里足烟花奚囊到處收佳句可託
雙魚寄釣車

送鳳山貢士北上

海宇砥今當泰運河橋不惜路岐分周官選
舉登髦士漢策賢良際聖君太白仙才元倚
馬長卿英氣舊凌雲鄉闈久矣人稱屈此去
不第奇焉
因知四國聞

送一江薛紀善之魯藩

華胄元從記室收當年文采照瀛洲哦松况
擅聲稱久設百還應禮數優魯國山川勞望
眼米家書畫送行舟却慙操瑟齊門客歸卧
桐江老故裘

寄贈懷慎張將軍

十年淮海靜風濤一戰無因試六韜忍以塵
兵邀爵賞願言歸馬嘯江皋遙看劍氣橫牛
斗共說文章有鳳毛老我未遑趨幕府爲從

周雅賦崧高

書扇送龔欽明先生

皓首深慙應付僧機緣方擬契宗乘春遊不
得同攜屐夜話何由共剪燈欲濟時艱非我
事爭先逐路定誰能期君合在烟霄上龍氣
相將劍氣騰

壽竹翁

家世山房竹萬竿清溪猶尚挺琅玕耄期尋
樂翁何健閨月逢生世所難定是黃楊無厄
運只應彩服善承歡不知籌算還餘幾爲借
石第壽焉
青華寶錄看

恪遵訓典

皇皇我

聖祖神武夷夏肅天地既以位萬物亦以育
義以制庶事仁以親九族焚香讀祖訓典
刑駭心目惟王恪遵循允矣綏後祿

慎守藩服

仰觀太陰體既盈漸以虧滿者戒於溢高者
戒於危惟王有封國慎守固其宜持盈與執
玉洞洞屬屬爲宗盟既永延苗裔亦無期

鏡情詩文

多愁奪心志有過何由寡君子豈其然群籍
供玩把梁園好辭賦授簡多作者虛席待鄒
枚異世懷董賈嚴忌獨何為棲遲向東野

雅尚儒術

端居味儒行邊數未易悉提身不用甲引鼎
惟以筆所實在忠信先事後名實雄藩產英
胄雅尚誰與匹詎謂漢河間前身見今日

好善忘勢

惟善以為寶楚語何鑒鑒賢哉漢東平為善

方藝青菴

卷之六

四二

云最樂于何世之人觀彼勢厚薄那知達識
者視以雲漠漠是於方寸間泰宇增式廓

敬業樂群

修業欲及時取友以輔仁運甓戒逸豫鼓瑟
樂嘉賓所懼荒於嬉所貴得有鄰陵川有宗
約王亦篤於親洒掃陳八簋和平聽之神

濟人利物

天下濟滔滔自私還自利計較毫釐間爭競
尋常際時無郭元振事孰為我濟慈惠若賢
王獨與時世異江漢有垂綸能無慕高誼

孝友忠貞

分莫尊君父道莫大忠孝

聖祖正華夷睦族頒訓誥本宗既盛大支庶
亦繁浩其麗既不億豈不思克肖乃如鎮康
王可以振彛教

謙尊而光

謙之為卦體不泰亦不驕高卑具吉德外內
無凶爻施必多寡稱心無誦瀆交德尊卑莫
踰大度荒能包淮瀆達漳水義聞何宣昭

寬洪簡重

石藝青菴

卷之六

四二

雍可使南面為問何以故寬洪及簡重謂有
君人度後來有國者誰可繼高步惟王挺英
資一國之所慕豈無涵養功盡謂天所賦

宸翰褒嘉

賢王有至行無忝國土封使臣得諮訪一以
聞

九重侯度憤藩屏

皇心懷靖共璽書馳驛騎宸翰輝雲龍萬

國為激勸千秋慶遭逢

士林稱慶

夫人有恒言公道出學校彼其不仁人苦未能惡好

賢王衆所欽聲萬同一竅如彼王屋山觀者皆喜樂何獨無聞言曰惟篤忠孝

喜蒼麓山人見訪

別來何處賦登樓携酒憐君過釣舟舊雨未能忘夜話新篇奚止破春愁吳中自昔多佳士海內誰將占上流老矣菟裘營莫遂藏書吾亦欲西遊

惜春

臺榭空煩幄幕遮十分春事九堪嗟冀雖可待將歸燕樹恐難留欲謝花愁比漢妃生去國情同楚客死懷沙明年縱有紅芳約亦自悠悠隔歲華

懷仲子

言念辭家又一年三江兩浙幾周旋榮名蚤失金閨彥義聚空懷寶劍篇哀哀塵中悲世路茫茫天際望歸船不知徐孺緣何事苦戀南州地主賢

禪詠四首

萬衲如雲笑汝孤屠刀放下即吾徒目難見睫緣相近渡不逢舟枉自呼供佛祇須香一瓣醉人何必酒千壺中宵半偈傳衣鉢誰是前身行者盧

棒喝元非正覺僧磨磚作鏡亦無憑支離可奈粘皮骨牽引還嫌顚葛藤爲問三生空說夢何如一笑已傳燈千年頗憶寒山子語韻依稀最上乘

七尺枯藤歸去來黃金地湧寶蓮臺我聞舍利無煩惱佛喜文殊有辯才花雨熹微千嶂石窮詩和

合幙風晴閃四天開蕭然放杖靈山下忍似羣盲摸象回

不從官路去長安苦道驅馳脚板酸八月潮頭江上弄一春花影鏡中看行深果入三摩地進步那須百尺竿千葉寶蓮光顯現世尊何獨護阿難

嚴石谿詩稿六卷終

先大父不同生產無佻嗜好以覃
黜屢空時以詠以自娛迨然會
心老而彌篤不孝期大昕夕侍側
雖推魯不文每得一篇輒繕寫
咸快哀集千首有奇藏之篋笥

卷一

於今四十餘年歲月如流歟焉
老至奄奄待盡人壽幾何慮身
後晚有故件何以見先大父於
九京罪將誰屬用是謀登梨棗
以傳於世尋於家園構祠宇數

椽奉先世遺像於其中因念先
壠具存久虞墓蕞爰鑿渠築
山植木堅表俾行道之人無知
有嚴氏先人之墓拮据事終艱
苦萬端囊橐浼如精力孔熒然

卷二

於生平矢志庶幾少酬即湛此
餘疏徒歸以終餘季不且甘心
無憾親茲集者其鑒不孝一片
苦心無新云畧一言念先大父
藉以增重不孝當歸賜鐫之子

子孫、沒世將不泐矣

不孝孫嚴期大稽首百拜謹跋

翰寥館集八卷

〔明〕范允臨撰

清初刻本

上海圖書館藏

翰墨館集卷一

吳趨范允臨長倩氏著

五言古

送陸日方歸雲間

秋氣清且厲悲風起西北臨河攬裳衣行行欲
安適浮雲蔽四野蘭杜萎江側容輝日以逾衣
裳日以薄逶迤長道路中有王侯宅方舟已滯
滯要津寧可識紛華咫尺間時去忽如擲努力
當在今玩志當在昔願言崇令圖無令傷促逼
采蘭行代友人作

名園有國香灼灼揚光華王孫美遨遊經過一
回車徘徊以眄睞熠燿何紛葩植根云誰從乃
出楚山阿枝枝自相對葉葉復相加迴風西南
來微芳薄鳴珂采折將遺誰所思在漳河往從
詎云艱中道復蹉跎豈忘雅素心輕舟怯洪波
歲月脩且長憂思日苦多馨香漸銷歇枯槁不
再花古人重久要鮮終世所嗟含意向誰申彷徨
起長歌

癸亥春日携諸姬再遊桃源澗時亡妻墓
草已宿追思往事賦此志感

步入桃花源不見桃花瓣笑殺天台路淒迷千
古晚當時携手人重換春風眼脉脉對空山一
飽胡麻飯

覽古

閔生巢許儔隱心寄泉石家鮮擔石儲門無車
馬客周黨獨見親披褐時相索何用真盤餐啜
水飯粗糲主亦無厚顏客既稱飽德聖世有逸
民微尚在丘壑游意即皇初交誼準古昔仰天
忽長笑洛陽多第宅何事衡門下倘佯竟年歲
生非骨肉姿願從心所適

又

太冲賦三都縱橫備文采什襲聊自珍觀者徒
憤憤名位不動人安能悅流輩偉哉皇甫生咄
嗟長丰裁傳寫遍豪貴紙價頓厚倍當其未見
珍公等復安在良璞棄遠野申椒不充佩世人
用耳觀悠悠多此類嘉名千載餘當年或閭沔
時無玄晏賞精光久應晦

玄妙觀

虛室背層巖靈館帶川渚夕檻垂煙幕晨牕曳
霞綺悠悠靜者心穆穆幽棲事杖策陟崇丘攀

厓牽蔓藟坐隱送餘曛揮麈彌夕雨朗詠少和
歌微言中名理庭際列雲山塵外閱城市倚樹
面長汀鮮風生碧水

山中對雪蕚梅有懷李宗文王脩微

自我開茲山三度見飛雪手植寒梅樹冰花競
皎潔今茲營菟裘雪與梅相挈幽姿對素容似
許經年別慘白苔蘚痕壑翻蒲柳葉青田銀海
炫頑石肪腴截空山渺行蹤皮冠鷹狗絕隱隱
美人期迢迢高士轍搔首野踟躕望斷山陰樵
相思無可語口眼臨風咽安得共酒卮勞歌飯

卷三

甕徹

雜詠

人生貴行樂歲月忽如道胡為坐自拘坎壈懷
百憂望門趨高巍澗畧生怨尤乖離起歡譟踈
戚異沉浮遑遑聲利途恩怨苦難酬願從黃鵠
俱振翼凌九州躡足太華巔泛舟滄海流高步
歷閭風顧眴小陵丘豈不畏險艱羞與燕雀儔
燕雀慕徒侶日夕聲啾啾自古賢達士小儒安
足侔

溪上山寺

言遵碧水湄亭午繫輕舸忘彼赤日暉陰此叢
林譚憑虛眺青矚既肝腹猶果衆山俯崩迤長
松羨磊砢霞氣衣上鮮鳥影窻中墮梵筵竹葉
杯法界蓮花朵蒙叟意虛舟齊髡辨灸輻聞唄
滌煩寃漱流澆乍火公理是吾師游心在海左

挽趙母

白華詠孝思柏舟表堅節彼美洵懿規誰能相
駕軼卓哉趙母賢徽音嗣名閱束髮事君子偕
老期同穴風波中道乖一朝忽永訣鸞掩秦鏡
塵鳳去羸蕭咽寒燈弔鰥姑夜雨啼蜻蛚啾啾

香

三尺孤筵四壁缺秉心勗紹宗矢志甘吞蘂
脯糜奉翁嫜續緼供殮藝養生愛敬隆送死悲
思切含歛既已終涕泣日以啜健力持戶樞辛
楚操霜雪撫孤成碩儒娶媳復婉哲篝燈相夜
帷脫珥佐朝歡儲精紅女勤給毳青絲截茶苦
躬備嘗憂勞心寔憊弱疾不復延柔姿遂中折
嗟彼淑行窮痛此孝力竭婦姑相後先蘭醴共
芬刈食報俟來茲流芳昌後傑煌煌鳳詔頒奕
奕龍章列皎月炤幽封清暉映貞碣彤管垂令
名千秋永不滅

新婚辭

春風桃李夜嬾婉及良時千年兔絲草百歲女
蘿枝一朝相附麗永永母相離盈盈十五妝玉
階步文綦花釵舉雲鬋金薄厠羅帷惟沈水貯博
山鬱郁綢繆披流蕪結綺帳四角香囊垂鬱金
玳瑁果海燕雙來窺詔詠批鵲鳥旭日紗窗曠
會取南都黛待隔雙蛾眉羞言趙飛燕寧數邯
鄲姬日暖青蓮綺兩兩鴛鴦嬉咲指雙明星夫
嬾會有宜願言永相愛千秋以為期佇感徐卿
兆吉夢相追隨蒼龍自天下神女擎香爇五色

一

懸繡綏會送麒麟兒豈論國香姑徒徵九畹滋
明年湯餅客先賦新婚辭

詠美人衣并序

余覽齊梁作者綺靡奪目麗冶驚覓賦
婉孌者盡態極妍詠房櫳者窮妖絕艷
則已淋漓丹雘焜耀青緇矣顧盤龍飛
鵲儻見高篇而霧縠雲羅未聞獨唱夫
楚腰雖細豈謝飾於華裾衛手誠纖尚
借妍於冶袖芙蓉兩鬢開以北地燕支
遠山雙蛾發於南都石黛鬟垂墮馬不

棄金鈿鬢薄鳴蟬猶須翠羽簪之弁以
綠條取媚鳥以彩翼見憐在物猶然於
人固爾姝豈徒以玉為骨人寧可使婦
無禪語稱長袖善舞詩云豈曰無衣物
有細而不遺事有美而必采於是揮毫
命繭率而成章敢曰巧咲工乎東鄰寔
則微顰拙於西子

六銖裁錦殼佩服可憐妝目風時暫舉想像見
容光夕掩茱萸匣朝盈蘇合香蘭襟啼染迹繡
領鬢餘芳帶綰同心首絲紫並蒂章文成雙比

卷六

翼禰作兩鴛鴦解佩凝膚出來蓮皓腕攘羅輕
見挑脫紈薄隱明璫舞席從風引歌堂映燭明
浣溪香膩滑炤日粉光揚未許秦王卷應歸盧
舅箱倘同夏姬相衷之戲曲房

咏芳草

光風吹野岸宿莽翳江潯寒荻驚變昔弱莖復
榮今蔥蒨含朝露芊緜覆夕陰絲繁香徑密苒
藉落花深纖翠藏蜻翅叢芳冒蝶心銀塘雕華
拂玉砌綠綦侵長帶臨書幌青輝暎子衿終愁
雲歸至蕪後恐難禁日暮襄陵路空傷千里音

七言古

衛老年伯母夏太君六十賦得短歌奉壽
條風三月放桃花歷歷寒星伴使查阿母秋中
逢甲子僊郎先為捧流霞門前車馬如雲密玳
簪珠履光白日僊郎早入承明廬中秘宣麻騰彩
筆竭來佐理水衡錢綠紋赤不慎流泉持籌握
笑助飛輓董賈才猷君獨先才猷經濟縱橫見
鳳池文藻卿雲綯玉立庭前桂樹枝鵲起聲華
等東箭昔時未遇母劬勞丙夜篝燈躬績繅一
朝龍躍天衢內燦爛斑衣獻碧桃碧桃食之後

新婚詠

僊郎玉貌蓮花芳吳娃艷質世無雙盈盈十五
嫁玉昌綵蝶文綦臨畫堂流蘇斗帳挂香囊脂
體橫陳白玉牀博山爐中沈水香綰縵鬱郁紛

飄揚雲母屏風映綺窓批頰謔譔旭日光倚昆
扶起沐蘭湯亭亭紅玉浸寒漿寶髻梳成倭墜
粧金雀釵頭雙鳳皇脣蛾皎明洞房羅衫玉腕
弄明璫池塘水暖兩鴛鴦和鳴交頸相翱翔願
將可憐持贈即咲指雙星今夜明玉盤雕膾酒
盈缸萬歲千秋樂未央

代內悲美人

長空木落洞庭秋帝子蒼梧雲樹愁湘靈鼓瑟
清冷杳羸女吹簫烟霧收鼓瑟吹簫欲未足可
惜飛光催駕促一葉西風萎路傍堦薛無人空

自綠古來薄命嘆紅顏粉剝香寒轉盼閒月冷
荒丘蟋蟀弔露濕寒塘泣夜蘭君不見銅雀臺
空歌吹悄昔時紅粉同衰草英雄氣盡亦等閒
那得容華長不老憶昔佳人拾翠鈿撫絃弄管
鳴流泉一從白壁青蠅玷塘上吟來悲阿甄叔
夜臨刑長太息顧景徘徊日未曷廣陵一曲世
無傳至今千載令人憶

春雪篇

春光如繭春氣束瑤華飛繞鶯鶯屋圍枝綴葉
自玲瓏蕩戶排空競紛逐飄薄輕翻迅若瀾雲

屏黯：夜生寒乍見落花歸後苑忽驚飛蝶舞
前闌從風宛轉踈復促隨霞盤旋斷還續光瑩
繡閣映流黃調濕朱絃咽新曲此時凝睇倚闌
千處：青山盡綺紈歸去烏鴉沒孤影飛來白
鶴混霜翰烏鴉白鶴時相適芳草年：看成碧
關山千里尚從軍羅衣猶自催刀尺別來青鏡
損紅顏庭樹相思幾度攀塞外征人愁毳幙閨
中少婦想刀環刀環夢斷空牀怯銷魂容華坐
愁妾心紫柳絮惜芳菲粧罷梅花冷嬌鬢柳絮
梅花搃憶君含情掩涕對寥寥空持玉液臨花

卷九

宴空暖金鑪向夕薰朝看雪花復如掌長安一
望形神往明年春草君及還願折瓊枝共君賞
又

江城凌旦東風起雜霧和烟湊春水絲雨繽紛
灑九衢蓋雲滂散昏三市九衢三市寂無喧天
中垂霰下林園朱扉北戶先迎冷繡閣南軒頓
不溫窺軒入戶爭相訝綠甕冒棟紛來下掩映
銀寒翡翠屏參差玉暗鴛鴦瓦苑柳條青絮已
多庭梅花落枝還亞如花侶絮逐風狂珠林玉
樹遙相望歸飛素雁渾迷素決起蒼鷹漸失蒼

徘徊縈積無窮已萬室千廡摠相侶西地偏歡
豪俠人東城獨快繁華子繁華豪俠復多情蘭
閨蕙質開輕盈置酒邀歡紛綺席張筵競賞錯
瑤甍張即法饌供千品樓護中厨列五鯖麗人
起舞促弓彎羅帶飄搖拂髻鬟招來春雪迎紈袖
爭得春風咲玉顏玉顏紈袖人如月不數迴風
與流雪瑞態環姿若有餘柔肌曷臉應無骨衛
尉園中香不飛洛川波上塵應沒洛神洛浦大
非真巫峽巫山入夢新誰將白雪陽春曲為寄
朝雲暮雨人

卷九

劉子虛五十

青藜丈人然藜火夜炤劉即讀書苦傳經父子
說歆向授笏兄弟有龍虎君今五十頭正蒼上
書獻賦聲名揚梅花吐萼誕申甫襟雪和香稱
壽觴我學華封善三祝多男多福襲圭璋

徐家巧娘能彈批把度新曲顧時有不平
之意而余亦牢騷司馬青衫有淚聞其聲
不勝江州之感為作批把歌贈之

志云推手為批却手為把俗書琵琶非也

羅沙檀槽光如鍍金縷紅文雙鳳感宜春院北

彈一聲統殿轟雷鎮相逐鮑家四弦今已亡綠
水蚕絲誰敢當巧兒手劈珠零碎方響呼出鸚
鵡娘張紅能記新聲曲今日巧兒亦不俗銀篦
撥得阿蠻聲乞與臂支紅粟玉潯陽江頭風浪
驚割然裂帛春波明感君能使青衫濕為作批
把少婦行

壽陳述之七十 有序

予壬午之歲客遊長安市與王孟夙陳
述之之寓相去數武望衡對宇懽情自
接清言竟夕茶冷香消爾時則有周哉

遺徐聲遠及張氏二三兄弟莫不意氣
干霄精誠貫日芥視不義之富貴扇障
元規之穢塵遂相與結為鹿草之社言
麋鹿之性終戀芳草耳方且盟締千秋
緬懷上古今孟夙聲遠我遺俱已化為
異物而張氏兄弟亦復落落如晨星獨
予與述之兩人巋然魯靈光耳撫今追
昔能不惘然述之今年政七十乃命兒
子寫長松圖予作長松歌壽之

長松百尺如虬龍槎牙戲舞摩碧空風霜已飽

氣自雄亭亭獨立羞秦封惟我愛此蒼顏更相
對尤思歲寒友恍如鹿草初結盟忽見韶華為
白首祝君聊為歌長松惟松節概君差同願乘
黃鶴馭紫極坐看百卉爭玄冬

為龔侍御題杜機園 名霞外山居中有飛

貴軒雲在亭侍御為表申即母舅

屏陵峯頭花滿樹小山招飲留君住高謝塵纓
學灌園霞外冥心息機務當時蹀躞紫絲聰白
簡寒霜飛殿中青蒲畫伏籌前箸殉節人稱是
兩龔片言偶觸龍鱗怒澤畔吟來散幽憤九畹

滋蘭遠葉賚百畝留夷標蘅杜歎息人間機事
多白衣蒼狗樞虛無溪陰抱甕羞為棹杜德由
來駭季巫花塢徜徉春欲曉自選綸竿投碧沼
歸來陶令搥休論世棄君平那足道獨坐幽軒
雲影流霏微淡月浸簾鉤飛光歲歲道遙度我
貴知希任馬牛君不見栢梁銅雀黃塵厚洛岸
銅駝夜來吼何用名園金谷繁看取門前五株
柳又不見洛陽少年上書客太息遠向長沙謫
一朝洒露借波臣鬼神夜半虛前席君今強健
猶善飯東山久佇蒼生頤舌在君卿未是貧好

擬他年宣室論

長歌祝周集之令堂六十

寒帷落燈燼揆手團熊九機杼聲軋軋中夜起
長嘆以此腕中苦博彼頭上冠韓韡棠棣花玉
立能承歡中有蘭芷秀佩服裁裁弁蜚英霽黃
序牛耳盟詞壇一躍雙南金高騫濱海翰慈母
榮咲齒素懷良可寬十月梅花發甲子一以完
堂上設怗悅雕胡盛玉盤諸郎捧霞竿嘯舞衣
珊珊今日且進千歲酒他年佇看銜書鸞

司李周五溪太夫人九十

平反良讞民不寃高門大戶容華軒阿母熊九
得甘膳持將綵服上霞尊粉署花開俱四炤油
囊酒熟盈千盆菊英粲粲可不老北堂樹有長
春萱天子錫坊扁百歲題曰千公清里門他年
旌節來王母翠葆鸞衣奉玉闌

碧憲日亞斜光睨昏色微侵簾影晦雙鸞開鏡
臨晚粧圓蟾一片窺高髻美人鮮辨理殘膏十
八鬟多雲委地香絲焚散翠繞襦髻光可鑑無
纖膩侍兒秉燭倚象牀金篦直下重雲碎須臾

擺掠蟬翅生挽出盤龍老鴉背外史攤書伴夜
夜燈畔波慢轉秋光睍玉堂花院自焚香醉顚
橫舒暈濃睡

賦得行義桓婆贈姚母文節婦

碧天飛霜凍雲然幽谷春生茁蘭芷手植乾坤
一婦人天下鬚眉盡驚死古來靈異會有鍾欲
知姚母視姚子蓋世昂昂偉丈夫當年呱呱三
尺孤青萍陸離光黯淡至今淚血時模糊試追
弔影獨持戶誰其提孤身禦侮死易生難世所
悲母氏劬勞苦復苦茹藥含冰數十年何常一

日忘黃土倬彼行義桓家婆五更之後秉節奇
生長名門頗相似蕭然約處尤淒其物情縱使
滄桑變石性難令山谷移即今旌異自天子
哀落容華樞不知賓朋旅進爭上壽母氏聞之
泣勿受未亡視息徒爾為安得爾先目爾後鳥
雀羅門易鼓吹九原還起共餐不嗚呼貞心矯
矯厲千秋昔有桓婆今姚母

贈某將軍

鎮鄧關外烽烟織環江渡口蠻雲黑應馳朝謹
桂樹巔猓虺夜吼龍山側海晏俄聞石鼓鳴么

魔小醜肆奔鯨雄戟授來宣廟畧羽書飛至事
橫行烏號百發柳葉碎材官蹶張餘勇銳三春
丹微少風光五月炎洲多瘡癘宏威制勝搃佳
兵霜伏蜺旌耀日明白鵲翩翩搖旆色蒼山隱
隱蒼鵲聲魚麗結陣連鸞翼引葛捫藤危嶺陟
被羽先登鵲擊鷄殘熒灌海須臾熄捕舌謀成
几席間凶徒粉潰車輪殷秋風卷穰飛塵淨電
掃應無匹馬還齊壘烏棲幕膏染蓮花鐸已知
銘頌勒燕然更待丹青畫麟閣指麾功在蕭曹
先武節文規誰比肩佇看龍額封侯貴荀令臨

戎賦雅篇

秋圃晨機吟為霞客兄令堂徐母賦

秋風瑟瑟吹秋憲籬豆花開秋徑香寒蛩唧唧
啼四壁絡緯吟聲似織杼深閨感此美機杼阿
母崇朝臨圓墅緯車軋軋手忙忙績杼絲杼理
殘緒豆葉陰濃逗斜日織素如繡日千疋公儀
逐婦似小簫文母教子勗無逸而賢未必兩相
妨儉素穠華各有方斷截機絲嚴內訓至今千
載遺芬芳禦冬何用盈箱帛衣被蒼生在枵席
若使斑斕舞膝前裁作霞衣被霞客

庚辰九月六日登虎丘觀袁中郎祠余所
書額上墨為人所損取筆脩之群眾聚觀
虎樓忽崩而墜衆共危之余幸無恙喜而
書此俚語

黃花九月登高節虎丘士女相携挈八十三翁
隨喜來鷲地無端遭一蹶幾乎化作墜樓人粉
骨花鈿等閑歇幸得身輕無損傷大家齊念阿
彌佛如此災殃平善過老夫或有百年活不是
安危沒等倫佛法元來無起滅生死回緣能了
然虛空粉碎隨機說

振源親丈生平好飲餽姐蝦糟陶然自放

如玉山之將頽乃命陸生季醇圖其小像
宛似其拍浮酒池中態也余因作歌頌之
劉伶解醒酒五斗李白斗酒詩百首屠君寓酒
亦寓詩終日陶陶開咲口一幅生綃寫醉容仰
天喝月玻璃走不須荷揷埋青山千年化作陶
家缶牛腰行巷墨花香彩筆淋漓供奉場一日
清平奏詞賦九華殿裡美霞觴大成不顧千金
賜願得封侯老醉鄉

明河篇

八月明河淺且清乘槎欲問牛女盟玉繩金漢
雲中度碧樹銀塘望裡明銀塘碧樹相輝映中
宵對月如懸鏡倬彼昭回似可親何惜流光暫
相倩此時郭翰已交歡此夜文簫逐綵鸞追隨
得入清虛府玉藥瓊花折不難前身或侍瑤臺
寢贈以七寶琉璃枕衾刺神絲翡翠文衣裁明
月流黃錦經過賣卜成都肆取石探求意中事
未知媒是蹇脩良已許佳期三五至何悟癡牛
正未成河邊靈鵲悄無聲水梭空自停鴛鴦羽
旆何曾駕鳳輶自言此夜三星見忽遣昏期九

李長吉

秋變好將珠淚滴羅衣勝取甘言噴冷面甘言
熱語徒虛張吉夢祥占盡渺茫碎植織女支機
石亂拂君平龜策床回身却望南飛翮露下薰
葭秋水白溯流欲往河無航一水盈盈情脉脉
此情脉脉何時已會須共築韓憑壘一對鴛鴦
塚上飛鍾情如此而已矣

題飛翠閣

峯峯薜樹雲根舉高樓拱天天欲語寒蟾泣魄
濕團光霞脚斜飛千嶂雨草木懷陰冷翠微人
家仙掌白雲扉踈鐘似向蒼烟度清梵疑從碧

落飛憑欄四顧低影蔚浮圖挿漢如簪筆研玉
裁雲湍瀨鳴石脉滴沙泉滴山潭晚淨白罍
叫山月含輝蟬蛩弔山燈如漆炤松花空翠濕
衣巖窈窕窺欄蘿穿葛來經行紋楚排雲几案生
天際連青山一片隆隆十萬俯朱甍過客遲留
一杯酒習習涼颼入虛牖駐馬遙看塞外榆停
驂且玩闌門柳閑榆寒柳綠依依白狄玄菟盡
解圍明發東方千騎去山花拂幘使君歸

壽楊瓶訥七十

讀書四五十載面對古人心獨解老驥伏櫪

李長吉

長阪鳴青萍夜吼雄心在丰姿白哲頗有鬚銀
絲飄灑光陸離相國門庭下惟處傲然不肯曳
長裾幾回正字效春坊竹裏棋聲清晝長賭墅
未遑折謝屐手談聊復隱支郎圍棋三百六十
一君算與之無比匹願得長斟花下觴與君醉
飲累千日

壽屠敏瀾尊叔翁四十

素雲之華青雪英濯枝拂水流雲橫波冷鴛湖
靈仙骨蟬聯奕代承簪纓沙堤日煖芙蓉紅翩
跹奇翼摩長空倒翻墨花玉女舞時嘯蒼乳烟

以下原缺

荊茅復七糝青粟杞笋傍根埋紫玉雷聲一夜
雨一朝挺然迸出如蕨苗先生飢腸詩作梗小
摘珍芽汲水井爛炊雕胡浙青精笔以天垂寒
綠萌

題屠德胤像

陸郎寸管開生面鬚眉拂：春風扇和氣溫顏
在睫間墨花筆彩披如見問君此是何人容屠
君自是金閨彦憑將一幅剡溪藤寫出南金與
東箭不須摸索暗中求顏謝曹劉誰可眩他年
獻賦明光宮請畫蟬冠易儒弁

屠德胤

題沈君房小像

漢武白雲老飛燕溫柔鄉何如君房閒道人翩
翩海燕雙翱翔一朝飛去春花裏並宿盧家玳
瑁梁香風入帳梅花落驚破芳情雪滿塘

五言律

平望有懷

雲蓋飄吳會風期滯楚天荷秋翻草露樹晚入
江烟夢逐啼鳥斷心隨去雁牽暮謳淒轉劇清
嚮溫長川

梁溪道中別弟

華薄亘通川垂楊岐路邊浦深搖亂影林霽卷
輕烟典盡驪駒道竟銷鴻雁天暫游愁計日少
別恨經年

與伯文宣武門夜眺時鄧有鄉思

李

城闕寒光迥平臨四望賒邊風傳遠柝秋氣咽
清笳塞絕看銅柱源窮問漢槎壯心并俠骨何
事散京華

夏日西塔寺作寺在城西

金利脩珠梯攀臨萬井底馴龍香雨過怖鵲石
林棲演日常成劫貪禪并入迷愁棟三徑斷清
嘯梵天西

梁溪道中憶弟

颯颯秋雲暮淒淒草尚繁衝飈驚遠樹零露濕
高源洲白蕪葭亂汀寒雁驚喧鵲鵲歡暫隔孤

月共江村

灣頭

懷玉方悲楚鳴榔忽到吳星樓明遠戍寒吹落
平蕪去路風煙積離亭驛路孤隋官芳草沒惆
悵舊江都

倩華鴈蘭便面賦此贈荅

如花渾失艷如畫渺難工未入高唐夢荆王詎
易逢杜蘭申雜珮懷袖託微風長得芬芳意寧
期篋笥中

贈張倩華

墨

渺渺陽臺路盈盈洛水湄春羞調笑意髣髴風
心期下蔡千人失東牆幾度窺由來張女姓天
漢繫相思

陪劉明府飲李氏園亭

玄圃留仙鳥華林薦客杯蘭房紫錦障菊秀泛
金壘澗瀑涼侵袂山雲密遶臺歡娛方卜夜頻
惜短歌催

米仲詔年丈書畫船得清字

青翰浮平陸圖書映遠明泉從蘭渚泛尊傍翠
旌行月白侵花冷雲流蘸竹清池塘有春草會

向夢中生

陸散所丈邀飲慈雲塔後復携壺榼小飲
舟中

輕舸弄晚颺碧水淨玻璃謳唱中流發壺觴逐
景移夕烟披柳岸初月漾蓮漪却憶躋攀處松
蘿戀酒卮

同蒼麓蓮雲諸寅丈重游梅花塢

追歎覓故友隔歲感離思舊樹垂新綠新梅攬
舊枝金鑣公子騎清夢美人期日暮徵歌罷花
籌促酒卮

墨

從軍行

烽火甘泉亂單于會蹕林長戈枕沙漠飛騎繞
城陰漢月邊笳冷胡霜旅雁侵金微老征戍辛
苦報恩心

其二

意氣欲橫行長驅渭水潯千金裝寶劍萬里夢
驚衾馬骨傷寒水龍沙亂夕陰紅樓驚別思玉
筯每沾襟

煙霞載為錢甥大鶴賦

落日湖光靜輕風引棹謳石華帆影出海月惺

中收藻荇侵簾色魚鳬狎座構何當同野客一
泛斗牛州

採茶寄宿僧舍

微雨逗松徑穆然來遠風投林得奇趣聞語識
游蹤交秀銀翻浪茶香烟裊紅一泓涵淨綠持
此鑑心空

東隱菴

江關殊未遠寺逕薜蘿侵大地分香界幽棲愜
素襟雅琴調淥水清嘯發寒林老衲渾無諍深
公意自深

其二

康樂未成佛參軍乍閑閑院窺山鳥熟榻卧野
雲閑桂月冷鐘磬竹清風珮環客心驚莫定丹
葉響秋山

武林留別

拂袂歌行邁披襟散鬱陶離尊酌芳桂雜珮贈
申椒珥棹鳳山月飛帆漁浦潮烟霞早成癖歸
隱不須招

旅寓玄妙觀外舍值他邑令君至移內小
院竹樹交映烟雲相麗山色蒼翠時入軒

檻院主為仰鶴道人賦此贈之

丹巢依鶴侶琪樹借鶯遷枕簟落青霽軒窓隱
碧天經同閑尹受杯共翫仙傳為語風塵客烟
霞此地偏

夏杪施水寺喜雨

炎蒸銷永夏法雨度虛堂幻身看電影飛蓋落
雲光燈塔千花燦禪枝多露灑乞將功德水長
飲世尊傍

錢塘晚眺

萬井春城合千艘晚漲開浪連江樹去潮帶海

烟來遲景鶯頻喚鄉心雁屢催白雲凝望處愁
絕咏南陔

謁張仙祠

花逕紫丹洞芝欄映碧龕午陰留樹影朝翠落
峯嵐勝跡心偏遠仙根客自探烟霞千萬色遙
擁紫鸞驂

俠客

俠客古幽并相逢似識名吹塵看舊劍投袂請
長纓獵馬胡烽急荒鷄邊夜鳴如何劉宋日征
戰問書生

友人便面畫美人乘雲吹簫

窈窕含丹女吹簫獨向君知音空自苦清響詎
能聞月冷凌波襪風迴度峽雲蕭即何處所離
思日氤氲

大水後登延福樓晚望有懷三山

積雨江流漲迴波落照涵亂飛林樹葉輕抹晚
峯嵐匹練呈宵影雙虹飲暮潭遠天孤雁沒遙
思屬天南

興化寺

河朔曾消暑竹林堪避喧寧如支遁室得共許

寒字

詢言法雨香生袂晴紅色滿尊魚山聽梵後仙
韻遶歸軒

早發史溪懷燕江陳子忠

渚泊依寒鷺谿行趁早鴻急湍鳴峽口孤棹出
烟中雙塔秋雲迴千家曉霧籠深情有高惠宵
夢杳難通

正月十三夜雪後見月

江城初罷雪皓月麗南端入院堦逾淨窺林樹
轉寒誰同梁苑客并作庾樓歡况屬正元近千
燈夜未闌

和陸長康元夕赴曹能始招飲之作

暮雪浥飛塵華燈引勝賓清歡在西第分炤共
南鄰桂燭全輕月花雲并作春聽君操雅曲轉
自妬芳辰

自携李之武林別心栢上人

攢眉別遠公寧厭綠尊空障袂城隅日揚帆柳
外風想塵應未斷思夢若為通心似鴛湖水悠
悠遶寺東

夏日寄卜公述時讀書智果山房

相憶精廬外江城望漸賒菩提雲樹逕蒼苔夏

寒字

林花捲幔諸峯月抽毫四壁霞知君禪誦後不
但悟三車

飛翠閣遲馬揆叔不至

徙倚層崖暮高樓有所思虛簷涼氣潤幽翠冷
泉滋鬱々閑河樹悠悠江漢期琴尊天緬懇相
望阻山陂

訪吳延陵和壁間王百穀贈章二首

平戶擬眉行幽居遠俗情花開俱四炤客到盡
長庚明月空潭影疎松韻水聲鹿門堪並隱聊
學溺沮耕

其二

散髮杖藜行言尋物外情蒼松延月色流水度
鐘聲酒熟榮瓶罌未登息癸庚不須買黃犢瑤
草喚龍耕

變童有目青者戲為贈之

闌干生赤暈眉角絢霞文扇却羞燈影屏開畏
日曛含顰疑嚙被微困欲書藁若使流青盼紅
啼持贈君

庚辰十一月廿四日重霧

老冬布羅穀障此萬物容花疑魯眼看顏似暗

庚子

銅滕滴潤堦頭綠迷藏帳裏紅豐年為此兆乞
溪頌寒霧

五言排律

詠春雪

春至花為雪今看雪作花寒光映庭樹冷艷浸
窓紗明月疑同炤青山不辨家詩傳道韞絮火
熱盧仝茶鶴印留殘跡烏棲巢霞相將擬顏
色誰復並鉛華獨有寒梅樹芬芳孤影斜

和徐昭質江村隱居

小築通幽徑栽荆闢水扉孤吟山鳥荅燕坐襟
花圍鑪氣飄青霧溪容翫畫衣葦條花絮熟菱
角米炊肥野艇同魚樂寒磯共鶴依閒情無所
繫還與岫雲歸

澤

徐清之姬人文君手製橘燈見貽即席賦
贈

秋老人烟冷寒花着子芳佳人手自櫚刻作九
華張剖核驚殘局驅瓢瀉玉漿膏焚腸更熱質
薄體生香祗懼幽懷瞑故令丹悵揚洞庭霜色
在淮海性情長星彩當空出珠光叶夢祥餘輝
倘相炤子夜詎云央

清之姬人劉橘為燈桂瓶中山茶花上援
筆書此

誰剪春燈燄名姝以意裁香從蜀嶺發霜自涸
庭來火樹生瓶水星橋架伐枚新妝銀燭炤嬌
眼睡魔開璇宿輝初散鶉鄉種乍栽丹螢昏雜
驚紅葉夜偏燁氣馥蘭膏熱心擎芬炷煥楊家
妃子妬巴國老人猜脉脉花光裏金屏未夜偃

賦得高柳鳴蟬送陳臥雲游梁

白露團堤柳秋風送遠行離情咽溝水况復暮
蟬聲長枝淒楚曲高葉振秦笙巫峽雲初度梁
園雪正明金羈從此去驚座識陳生

秋夜同徐景文嚴道澈諸君集顧朗哉飛

楠館得山字

金甌延爽氣銀燭破秋顏徙倚庭中樹年來幾
度攀尊光浮北海星彩耀燕山白苧歌仍變蒼
筠色更斑談兵思柳塞看劍想榆關風急雁聲
斷天空雲影閒長安明月夜飛夢逐刀環

秋日賦答樂白未

楚客逢搖落齊統詠棄捐青氍毹席後白眼愧
人前昔墮張君霧今披樂令天生芻堪比玉夢
筆更如椽皓月冰壺胡秋水鏡鮮江山收藻
麗風彩屬豪賢繡虎雄文煥朱絃雅奏官壯心

淹驥樞俠氣撫龍淵神風如穆穆腹笥日便便
一旦逢交臂千秋得比肩桓生私獨好楊子詎
能傳欲報琅玕贈含毫意邈然

同清之內人游張公洞

廿載心期地偶來成此遊良朋殊爽約女伴喜
相求野營林泉瘦境閑視聽幽峻嶒窺地肺穿
窾扶山眸初入疑無路深探侶有洲就奇成位
置以意造菟裘磴暗勞捫摸巖歌學蠅蟬衣褰
香繞壑簫振語傳丘步滑跌連墮行艱寸趾留
有摩鳥比翼腕接抗攀摻暫轉時相失忽逢時

臺

乍拔雲光流鏡影曦影逗星球石態雕瓊葉峰
形肖東嶽虎踞鸞飲羽羊叱米謀齋拊搏成鐘
鼓懸垂類冕旒高高歷鳥道下下俯龍湫得谷
欣逢吉出幽勝蹤因不因履巖險何以憫耳擦
歲晏無煩事流連安足尤

湖上逢沈千秋先生見贈二輒擬短章奉
酬下里唐突陽春請以郢斤削之耳

相思渺河漢相對蒼溪烟意氣俱相得風流絕
可憐同携若下酒共泛木蘭船隔浦花爭笑臨
流人是僊水平雲接岸月出鏡開天歌按紅兒

譜詩裁白雪篇快晴霞侶火漏雨夜如年興劇
寧知返歡濃未許捐含情在何所芳樹有啼鵲

邂逅卓小玉索賦此

薰葭水一方邂逅美清揚勺藥隄邊誰柔桑陌
上篴琴心引密意畫手拂輕黃舞態春衣怯歌
聲子夜長風流卓女調馥郁霍娘香妬殺盧家
燕雙棲玳瑁梁

和馬仲良使君詠

諸郎作劇限

韻十八

擲塵停香屑登筵聽綺談添眉方的翠注口尚

玉

桃含顧曲翻成誤為歡似未諳顰月冷夢鬟
鬢澤分簪衛玉目爭奪彌甘口共貪喉簧鶯語
妬肩羽燕飛參洛浦陽初轉巫山雨乍南皇娥
非敢匹寵妹搃難堪短袖斷仍快雙輪激亦甘
門楣不屬女椒壁反宜男密會雲盈握幽期星
有三酥融因日射酒暈是霞酣冶態偏羞夜憐
情更在慙襟開偏亂拂髻髮輕髡婉嬾偎能
昵溫柔死款耽紅蕖芳擬肖玉樹倚知慚後釣
誰當泣前車我獨擔使君自有婦五馬未須探
徐元歎內第五十得八韻

旭日炤窮巷幽然掩竹扉三生無骨相五十始
知非不曳朱門裾惟珍蒼碧几寧馨終抱子洋
必未言飢詩以真為貴名因遜益肥看君多意
氣顧我少光輝衡宇雖相望過從每恨希聊持
一杯酒祝爾舞萊衣

送林自名公祖歸里

津吏忽來告風波未可行故交青眼白官路直
絃橫一樹繁桑萎千滕貝錦成看君官左日憶
我謗書盈殘豆何須嚇家山自可盟惟携一尊
酒相送十亭程小立溝頭水依依衣鉢情

玉

己卯秋仲茅爾果內姪壻自關中歸便道
過訪即席見贈倚韻和之立就

偶卜名賢地誅茆學種蕉市囂吳語沸雲影碧
山遙一尊聊自遠三徑詎相招有客來投轄無
僮擁篲茗買魚呼鑿落語舊拂輕綃不厭腐儒
癯姑留名士軺野亭浮小艇遠道引金鑣高談
寒剪燭曲宴曉光昭更吐遺珠贈霞文直上霄

初夏聞蟬

蟬聲耳畔清如有茂林在石榻卧松風煩襟差
可概豈足傲羲皇祇恐來褰襪呼童滌清泉聊

取臯廬賽一杯復一杯水厄從教耐

內弟清之梅金屋重樓以居其寵姬九娘

子且當筭旦適值悅辰詩以賀之

筭旦逢初度年華與髮齊鬢髻光可鑑眉無翠
偏低雲袂垂蟾子鬟釵掠鳳兒傍人問宜稱拂
鏡眎斜歌鶯向廬家宿鸞從秦女樓宜男裁百
草比翼聞花鵲為問隋樓上朝雲幾度迷

七言律

除夜雪

餞臘賓春歲已周尚留寒客弄冰毬梅花開處
楊花落爆竹聲中黃竹謳穆天子與西王母遊
於瑤池歲暮不歸大雪民飢乃作黃竹歌已聽
朱絃咽新曲還歌飯甕餽乾餹灞橋驢子饒詩
興爭奈明朝鬢欲秋

飲內兄湯子寬清樾齋即席賦贈兼贈王
子

月籠雲駛斗闌干誰遣蛾眉曼睂看度出吳歛
塵欲墮携來楚袖雨偏寒仙人緜嶺吹笙下帝
子秦樓駕鳳還醉後摧頽偎玉寢橫陳白雪奉
君歡

冬日初霽同項玄池登易州原泉山亭二
首荊柯山在其傍

驚沙落日悵登臨遷客離憂北望心烟吐寒巖
開盡障泉鳴石竇寫瑤琴荆柯山晚低鴻度易
水沙明遠樹侵忽聽羽聲傷往事千秋此地易
沾襟

其二 亭子有集雲峯是日將暮未至

登樓思逐斷蓬飛望入郊垌起夕霏漱玉流瑤
情已洽披雲却日願多違來分霽色迎仙佩去
引霞光炤客衣莫惜寒鴉棲暮影重遊應待共
春暉

夏日過再興寺訪周林諸君

色界空林自一丘支公玄度許相求梵音鈴鐸
風前度禪影松蘿月下幽龍宿暮潭常侶雨猿
啼清夜忽先秋述方是處俱昏黑可道尼珠惜
暗投

古意

榆關烽火炤秦京飛將頻年戍北平已恨龍沙
雕短鬢還憂馬骨損長城天山雨雪常乘障遼
海旌旗未解兵每念封侯無計覓羞言騎射是
平生

對酒

帝城春色滿酴醾兩度愁看不自持舊攀庭樹
垂新綠新寄寒梅折舊枝南陌聯驂公子興東
家調笑美人期鄉心旅夢俱撩亂春夜春筵劇
所思

京口舟中小飲

壽陳攻父七十詩三首

湖海元龍氣不羣真人天際動星文到來函谷
青牛駕望去豐城紫電紛帶草光搖庭炫玉墨
池春暖畫生雲朝看問字門停轡猿鶴驚人亦
避氛

其二

牛耳誰盟騷雅壇千秋逸調映琅玕烟霞奇癖
耽駒谷身世浮名老鶚冠坐隱藜床暄日負躬
鋤爰隴帶經看彩毫詞賦千霄漢邁軸何嫌歌
碩寬

其三

吳會高懸處士星少微光並潁川停巢雲獨鶴
翩翩下梢漢長松落落青野蕨秋肥朝舉案石
牀烟冷靜繡經生憎女子知名姓自架柴車入
翠屏

壽邵母

春槽酒壓泛流霞婺女光浮處士家阿母蟠桃
千歲熟僊郎丹桂九秋花雲移野渚堪肥蕨月
映春畦好種瓜咲看庭前蘭玉秀聯翩萊綵舞
衣斜

送吳含詠出守順寧郡郡為滇中西徼

送別河梁客思驚離亭津樹迥含情鶯花香
三春夢關塞迢迢萬里程海貝沙金通禹貢
房車閣瞰夷管焚重一曲吳歆亂酒壓銀槽醉
雪秔

其二

星橋直下是榆關鐵懸梯鎖碧山天外煙嵐
紛點綴雲中蘿葛仰躋攀哀牢南渡環三島蒲
塞西連控百蠻莫道邊陲動遠畧漢庭文法且
須閑

署中望鍾山積雪

手板支頤送遠眸遙看鍾鼻白雲留花明玉樹
梁王苑月吐寒輝庾亮樓豈是陰山春未到非
閑惹嶺氣常秋懸知冷落滄江外應共孤臣早
白頭

秋日飲顧兄舟中贈趙校書

水國蒹葭迥欲秋美人何幸共蘭舟綵雲忽向
尊前墮明月初從掌上浮楊柳詩成驚客座菖
蒲花發繫離愁白憐夢落江淹筆白雪高歌敢
奉酬

秋夜飲虎丘卽事

亭臯木落氣蕭蕭雲淨瑤空月滿若露潤石苔
浸綵縹風吹寶袂聞纖腰梁塵暗墮櫻桃曲鳳
駕高翔弄玉簫倒着接籬歸去晚酒船紅燭炤
清宵

新月懷人

娟娟纖月淨無雲千里流光迥炤君盡出蛾眉
山更遠飛來鵲鏡影難分環沉碧海寒蟾魄弦
控胡天起雁羣纖婦樓南怨清淺流黃機上未
成文

客有激水為燈毬者戲為賦之

何人激水學春葩素質虛無隔彩霞望去琉璃
同一色飛來韎鞬散千家浮空風颺鮫人淚映
日光淫帝女花自笑塵情如泡影却將起滅寄
生涯

黃河阻風

簫鼓樓船上來石尤風勁阻層隈黃塵古渡
行人靜白水搖空沙島回極浦蒹葭秋色冷湍
城烟兩角聲哀河流幾曲君休問羈客柔腸共
九迴

無題二首

北斗橫天月欲低，羅帷隱燭楚雲迷。
調琴蜀郡琴心亂，織錦秦川錦字稽。
不忿栖梁遼海燕，生憎催曙汝南鷄。
無端春夢陽關失，惆悵關千玉筍齊。

其二

空庭明月冷於霜，影落流黃夜未央。
紫塞有鴻傳錦字，藍橋無杵覓瓊漿。
合歡游女椒空握，懷夢夫人艸自芳。
會取支機石買卜，天孫銀漢許誰航。

重過西園再晤六一帳念前懽感而賦此

效李義山體

重上當年歌舞筵，不分啼笑各淒然。
悲吟團扇羞顛顚，惜綵絲麻怨棄捐。
金梳漫誇幽冥會，玉環虛擬後生緣。
欲援錦瑟傳心語，腸斷清商五十絃。

曹塵客念子艱嗣有姬相贈既而以讒間背盟作詩寫恨

解珮懷珠望已休，星房寂寂冷衾裯。
看花暗憶八相似，臨水空傷淚共流。
莫向章臺窺弱柳，且

尋磨勒事千牛東風倘解多情意，吹夢吹愁到小樓。

其二

歷歷盟言似可尋，如何消息反沉沉。
飛絲擾夢迂求路，別緒牽愁暗入心。
自恨每移花渚棹，翻嫌誤聽酒壚琴。
此生誓死終相見，塚上鴛鴦共一林。

葉台翁相公同文起諸君小酌山居賦詩

見贈倚韻奉酬

自愧疎慵百不如，漫藏丘壑送吾初。
山多奇岫

因成壘門對長松，便卜居穀雨潤餘鋤。
暖地石牀留得讀殘書，江干車馬頻勞駐。
何事侯門效曳裾。

其二

祠傍巢由好結鄰，當階石筍碧嶙峋。
松枝細剪堪為塵鶴影，徐來侶有人拍案紅牙多誤曲。
詩題繡領絕纖塵，高軒倘肯時過從，粗糲淹留不厭頻。

顧孟鳴先生五十初度走筆壽之

絳帳諸生代執經，清風穆若儼儀刑。
持將十月

年少居官未足奇，所奇官號美人司。課征女稅三千間，職領官花一萬枝。粉氣隨風香滿座，脂入饌酒盈危。平生落魄誰相似，恰似青樓楚趙兒。

陳懷玉五十

莫愁湖上草連天，小築茆茨在水邊。老去知非懷伯玉，年來惜福學坡仙。芳蘭正欲生庭砌，霜鶴欣看和圃田。一醉油囊千日酒，元龍豪氣拂蒼烟。

丁丑元旦余躋八十乃誕元孫喜拈洪武

韻示開兒

八袞方開第一尊，又斟白獸賀元孫。堦前覓草蘭先茁，月裡窺輪桂始屯。早得美璋君勝我，晚來當璧我輸君。生申鼻祖春王正，今日欣看再誕申。文正公亦以正月一日誕故云

送謝山持出守東粵

僊郎為政有光輝，詔入承明作小儀。鳳節乍從三殿出，龍旂忽指百蠻麾。淮南棠樹風前芾，隴首梅花笛裏吹。此去好施懷遠化，佇看前席問從離。

壽戈存橘八十

古有書顛則張旭，米襄陽矣有詩顛。酒顛則李青蓮，汝陽王矣有畫顛。則唐僧繇明沱江矣，而獨無醫顛醫之有顛。蓋自我戈存橘始，存橘之為醫也。游神於望聞問切之天，而脫跡於鍼石砭灸之表。按鄰把臂，便有神解。譁浪嘯傲，病已霍然。腕指有神，膏肓無鬼。可稱神聖矣。蓋不顛不聖，惟聖乃顛耳。今夏躋八十，彌老彌健，彌健彌顛，彌顛彌聖。既以壽

國復以壽身，矍鑠哉是翁乎。任誕哉是翁乎，許以壽之喜其誕且壽也。

不理青囊不飲池，不宗盧扁不宗岐。脩然土木形骸外，幻此烟霞骨相奇。獨解天弢人罕識，但拘世法我難知。青蓮一朵神丹就，咲指滄溟某在斯。

沈羽仙六十

高風吹落孟嘉巾，送酒人來未是貧。已把淵明籬下菊，更焙鴻漸建中春。生涯擬跨揚州鶴，興味猶思三泖尊。見說生辰周甲子，欣同絳縣老

人句

題錢與立煙霞載

擬向中洲寧宿莽一舸隨意木蘭牽簾開嵐影
千山動棹劃湖光萬月旋香篆細生青荇岸茶
煙輕颺綠雲天風波靜處思乘浪不與浮丘共
拍肩

完卿兄四十信筆書贈

階前細草碧於染天上明河燦若銀桂府初脩
開月戶玉梁高架踏水輪未論馬足侵香土已
擬鶯聲喚侍臣有酒任教紅袖舞一觴笑進武

陵春

趙公過吳見訪

旌旄千里渡江關為代君王問隱賢出自澹黃
含柳日歸從嫩玉釀梅天吳山到處皆停蹕越
水何堤不繫船笑我老夫門似翟亦勞車馬破
苔錢

象明四十

梅花如雪酒如泉笑領春光四十年已樂林丘
賦邁軸更尋石室授真詮傳經亦羨劉家向問
字終歸楊氏玄竚待寧馨抱佳子萊衣日下輝

踰躐

徐冲玄老舅七十用洪武韻

鎮日逍遙不杖藜蕭然窮巷席為扉梁間燕子
語皆賀戶外榴花色代芝草有寧馨稱虎將不
妨薄宦學鷗夷新居搆得油囊酒收拾盤餐慶
古稀

丙寅春初偶作

短髮如油未挂絲青山坐對翫盈虧深慚陶令
能耽酒最喜坡仙獨拙甚舌在豈關經國議甌
塵猶冀荷薪炊年來一事真堪賞除夕元朝不

賦詩

梅花

庾嶺音塵逗短郵故園花信憶羅浮烟籠野岼
斜陽晚影落寒潭夜月幽折贈其如傷遠道看
殘猶自攬春愁無端清角催三弄香夢隨風到
隴頭

垂絲海棠

臨風裊裊闌腰肢酒暈紅潮上兩顰媚萼低垂
經宿雨粉容微赧映朝曦沉香亭北闌凭處白
玉林東笑倚時最是含愁渾不語如卿嬌泥有

情痴

癸酉中秋無月有雨戲嘲遊客

雲濃煙濛雨蕭蕭、何處歌聲咽畫橋別浦遙聞
漁子棹小樓誰度玉人簫清埋桂闕吹香影寒
漲江門拍岸潮慚媿生公一片石可中亭上夜
寥

其二

吳兒齊望月華高爭醵游錢買短舸無奈結璘
羞俗侶故教屏翳障輕幃不聞銀管歌長曲聊
藉真珠滴小槽歸去嘈、檐漏永滂誇秉燭興

偏豪

奉送撫臺王笥張公祖新進治河少司空

開府旌旗日月懸東南拓出大荒天羽書狎至
援枹鼓芻蕘催輸問葑田甫奏小民新粒食復
邗大禹舊山川衮衣漸遠東人去誰嗣歌棠口
並傳

其二

河橋柳色已青、折贈其如送遠情水漲桃花
牽纜緩宮堅匏子壯隄成波沈壁馬春流穩餉
將儲積秋廩盈但勒漢臣溝洫志三犀無恙早

書銘

其三

帝解東南萬姓懸故令長劍倚青天玄主特錫
河隄使黃鉞仍分節制權轉餉千年軍國計朝
宗四海列星經徵書為問蒼生事不是長沙賈
席前

遣興

兀兀三盃無漏仙昏昏一覺沒眼禪版碑漫滅
真文字香火凄涼是聖賢齒鈍不須漱利石耳
污何用枕流泉近來山水無幽邃觀欲埋名混
市廛

其二

且學鴻冥汗漫遊戈人幸免費追求無言懶對
寒山石不視羞為阮藉昨盡虎偏宜同狗質釣
魚何必着羊裘大都惟有糟丘好濡首銷沉萬
古愁

茅孝若卜寓花橋以七夕迎新姬倡險韻
疊吟二律倚韻和之

花橋還勝鵲橋無且喜邀歡暑正徂已將機石
支鴛枕新姬小字曰支機不必靈錢卜紫姑艾

髮並余侵綠鬢蓮趺着地有金鋪試看兩渡雙
星後一曲秦簫引鳳雛

其二

花橋還勝鵲橋無歷歷星河天上榆莢罷冰梭
遲素錦且揮團扇試青蒲桃紅染帕留香汗縷
色開襟映玉膚火炤靈芸來魏闕夜來銀燭恣
清娛

楊瓶訥先生八十

君家卜築在城闌白首傳玄玄已真字飽神僊
成脉望香裁艾衲盡龍鱗魚腸有劍堪酬客狗

監無人真問津且把油囊介着壽梅花權當楚
靈椿

風鑑祝敬嚴相子思深怨多所遇皆負心

男子不覺慨歎賦此志感

持梁醬肉不為貧蹇羈顏反相秦不是先生
風鑑別祗緣范叔綈袍新從來思怨翻雲雨自
昔賢愚在喜嗔今日幸從唐舉相始知蔡澤未
沈淪

壽僧

又看黃菊紀年芳一飯胡麻八十霜結社遠公

惟種竹買山支遁愛焚香不嗅疥壁餘圖史靜
聽鳴鐘伴客舫自是禪心本無着任他灰劫目
飛揚

鶴沙老父母九月五月初度小詩為壽

東風吹雨送重陽正值吾侯嶽誕祥楚國有才
吳國用相公重考令公香萼符法籠馴刀犢菽
栗心籌起瘡冠今日嗷嗷欣鼓腹黃花滿縣好
持觴

送錢季山比部奉使出都

三殿花深賜錦袍行邊明月廣陵濤千秋逸調

諸瑤瑟一代名家佩寶刀紫氣常浮天北極白
雲猶滿帝西曹晝遊初曳仙人珮聲傍尚書劍
履高

楊柳

紫陌光風散麴塵輕絲流亂翠烟新纖腰學舞
應來妬愁黛含顰解送人文彩浪傳梁苑賦風
流爭似謝庭春一聲橫笛關山月腸斷凋殘渭
水濱

送清之四舅北游成均余蓋十五年後未
報地下人也故詩多感慨之意

數年嬰杵任非輕今日看君頭角成已幸呂虔
刀尚在還期郭隗駿先登琉璃河冷漸流咽砌
石宮高天論驚遠道風塵孤客意貉裘莫遣夜
寒生

其二

吳江楓冷暮雲平津樹離亭別思驚落日帆低
楊子渡歸風歌引木蘭聲文成江令生花筆志
請終軍繫虜纓憑藉鄒陽吹暖律幾年幽谷忽
生春

灘上小寺

巖崿山氣水層波競秀爭流覽勝多洞壑含風
喧雜樹幽巖零露綴飛蘿慈航不復驚湍瀨隱
吏何曾廢嘯歌聞道遺珠還可覓金繩留日問
維摩

張明府招飲席間頗談往事

秋高平楚望俱蒼地主留賓且盡觴歸去愧稱
蓮社長到來羸作竹林狂曾投燕璞同和別屢
散蘇金少陸裝擬和四愁還未得漢陽湘水思
偏長

留別何蓮峯

俠少相逢結客場重看分袂向河梁清猿坐嘯
千谿月旅雁驚飛五夜霜郭外斷雲隨去棹津
頭斜日促離觴芳梅莫負東風約攀折何辭瓏
坂長

和人遊仙之作

星冠霧縠御風迴遙想仙踪一快哉三素雲開
青鳥下九光霞泛赤虬來增城列坐傳瑤艸源
水留賓薦玉杯倚醉曾應問王母漢皇何事乏
仙才

元日即中

他鄉元日漫遊身對酒空傷客子神百感更隨
寒漏轉二毛偏稱歲華新西堂列席淹長夜下
里徵聲按早春莫倚椒花能獻頌千金買賦未
逢人

桃陽道中

到來秋色老燕關長缺飄搖未擬還關嶺暮雲
親舍外楚江烟樹客愁間張衡南望思偏劇潘
岳西征鬢自斑心事寂寥年歲晚縱橫歧路淚
堪潸

鳳山秋眺

風前飛葉見秋深
倦客江關思舊林
嘯入蘇門
聽鳳吹歸來
平子賦龍吟
孤雲漠漠千峯色
逝水悠悠萬里心
白露滿空霜月夜
鄉園何處不清砧

寓婺州天寧寺近城闌雨後登城廻眺寺

中戲簡洪使君

寂歷禪扃雙樹林
雲堦烟檻共蕭森
海潮忽到
春江水鶴唳相和
古殿陰長者揮金
曾布地徵君乞社
早投簪舟航宛轉
清波外莫向津梁恨
漂滯

閨山月

清秋月焰漢家營
思婦南樓萬里情
不分纖眉
低玉塞偏憎孤影
落金城徘徊宵幙
光先入掩映寒砧
暈更生羗笛隴頭
吹不盡關山幾處
向人明

再賦得關山月

秋聲夜滿漁陽冷
月年空戰場漢使
節旄明拖練胡兵
戈戟淨飛霜刀環
暗數離魂斷匣鏡
遙分別夢長為照
寒闌工織素莫教
青淚濕流黃

渡西湖

悠：碧水淨龍宮
嵐色波光一棹中
隔岸疎林黃葉下
長堤哀柳綠烟空
松清別院鳴臯鶴
霜落平沙起塞鴻
楚客乘秋悲自劇
湖天搖漾起微風

夢遊長春觀

玄都杳靄覓仙踪
清夢分明五夜鐘
朝罷玉墀香霧合
煉餘丹鼎曉雲封
花原藥選春長在
露漱霞餐客自供
見說群真趨北極
似聽簫樂韻東峯

建州道院小飲

輕烟忽散暢初晴
拂曙烟嵐向晚清
水曲數畦芳草合
河橋千尺暮流平
花疎正向杯前落
葉滿偏迷柳外行
春事異鄉看欲盡
東風林下聽殘鶯

飲延平玉皇閣

檻外曾岑似列屏
城邊空水共含青
雲霄直接丹檻近
露液常兼綠酒零
梁宿斷紅迴暮雨
簷披薄霧縹晨星
自知呼吸通元氣
欲扣天關更乞靈

賦得滕王閣寄豐城雷元亮

仰連碧落俯清湍佩玉鳴鸞客未關空翠西山
飛欲染落霞南浦秀堪餐絃韻送孤鴻迴殷
塵風生兩腋寒憶爾登高能作賦陸離脩劍切
雲冠

丙午即事

金山初奏金門捷劍閣俄驚白羽飛待餉閨中
猶未給徵兵越水故應稀邊庭悵望軍書緩關
摧紛紜主計非見說深宮常旰食願將廟算息
戎機

其二

滇筑年來乍息肩錦江玉壘正紛然紫微急下
巴渝詔太白遙經井絡驢何處壇場推頗牧尚
聞心計付桑研相君愛國今尤甚十載恩光日
月邊

其三

何當清暇出離宮奏賦從容諫射熊為道瘴荒
多逐客至今封事尚留中西南半壁憂方劇邊
徼頻年策未工十道輜軒還在望二東杼軸已
全空

其四

先皇大業似金甌川蜀今遺聖主憂日月高懸
光北極烽烟長望亘南州外藩自合共朝命中
使何曾善國謀莫向湖湘歸客問不堪闕市入
遼愁

艤舟京口登北固山

輕帆湖海日乘空漸入安流路未窮百里潮聲
先到鄣半江僧梵迥舍風水如衣帶連吳會山
有亭臺似越中往跡諸賢蕪沒盡升沉何用問
蒼穹

和曹能始民部詠走馬燈

高閣華燈向夕紛一枝懸炤五花文乍驚天駟
星同爛轉見風車影作羣驤首似驕青海月輕
蹄如度火山雲遊人祇共尋常翫試問驪黃恐
未分

其二

大樹光中趁碧蹄風前流影望堪迷非閑香氣
驚衣袂豈為宵征急鼓鞀絳焰搖時渾欲舞銀
花咲處聽頻嘶仙郎有意憐神駿贏得長分太
乙藜

重過王氏園亭追憶昔遊賦此志感

昔歲名園結伴遊。今來花鳥動春愁。迴風廣袖橫波渺。子夜高樓碧月收。飛鳥王喬見似鶴。悼亡潘令髮成秋。可憐二十年前地。蜀紙秦釵逝不留。

壽沈翼乾司馬六十

石城東望紫霞明。遙羨飛仙下玉京。葱嶺丹砂成寶錄。茗山真訣授長生。天南象緯中霄麗。海上風烟此日清。試問修齡當幾許。隆衡嶽共崢嶸。

壽高孺人七十

楚、丰神澹、姿黃花。堅老傲霜枝。餘杭遠覓油囊酒。蜀嶺潛聞玉局碁。願共古香冰作骨。任教樗散髮成絲。雲璈一曲籌三至。回首秋容景未遲。

枸杞

芥花松蒼餞春忙。夜吠仙苗喜晚嘗。味飽雨膏甘復脆。氣含風露咽猶香。作齏淡着微施酪。茗茗臨時莫過湯。却憶荆溪古城上。翠條紅乳摘盈箱。

七言排律

初入山居遣興二首

自剪黃茆覆短楹。礙眉壓帽杖藜行。已同猿鶴為良友。未許松蘿背舊盟。世棄君平平棄世。卿卿我我卿卿。花枝低亞窺粧靚。山色橫陳學黛清。不共寒泉沈俗耳。獨携斗酒聽啼鶯。看他雲態昏朝換。一任長安碁局更。

其二

已知人世羽毛輕。杯酒差強身後名。自有家山樂衡泌。不須賜地揭高貞。巖扉鎖鑰交雲護。地

集

席笙歌倩鳥賡。祇許藤蘿穿戶牖。不將硯礪塞。鼪鼯荷衣無用縫。裳手松粒何勞秉。未畊鷄犬亦知嘗。剩藥兒孫自解乞。殘羹惟餘筆硯生涯。累擬學焚書偉太平。

冬日劉民部載酒山齋招陪按君燦翁張

公祖即席賦贈

花底鳴珂擁傳來。旌旗繚繞白雲隈。不妨鶴夢驚仙蹕。自有狙公闢草萊。松徑清陰分翠蓋。石門黃葉界蒼苔。詩當道濟難裁句。酒對公榮數舉杯。寒水細流幽磎合。青山遠映夕陽開。江南

十月霜無隕繡斧移春大地回

壽芝石伯翁九十

五月葵榴當戶明
張南星彩暎長庚池
亭近傍香魚館
朋雅遙分古柳城
躑躅不煩靈壽杖
象賢時掛侍臣纓
仙雲繚繞迴歌席
卿月留連戀舞璚
膝下斑衣叅作隊
堦前瑤草長成莖
從教棹楔書人瑞
時有鯨山子晉笙

喜袁中郎父母得祠名宦賦此志感

昔年罷縣過江湄
皓月澄波話昨非
公詫榻將吳譜去
我欣奪得石公歸
公號石公予以其山携去戲之遂以其詩

至望

文章琬琰光千古
政事棠梨樹十圍
拙以催科考常宸
勞目撫字病多違
每聞琴韻思遺操
却步花陰怨落暉
今日得瞻崇俎豆
始知公是在音徽

直指文翁任公祖
聰馬言旋犧尊雙舉敬
陳魯什用代吳歆
歌以侑觴聊供捧腹

正喜埋輪靖此方
復欣捧檄捧霞觴
齊懸彩曜青丘上
並奏清商錦瑟旁
教以義方成令器
門題仁里化強梁
風清鯨嶺雙鳬鳥
月滿秦樓兩鳳皇
王事未皇皇介壽
萊衣鷹繡舞堂堂

五言絕句

從軍行

去去征衣換行行舊侶非
回看歌舞地疑有雪霜飛

衆香亭

斜日落空亭香風解宿醒
五絲今已續何處得無生

張侍中小齋題牽牛即花

柔條不負輒垂影
炤河梁萼引支機石
終期度七襄

至望

玄之周先生六十

讀書四十年窺見古人骨
窓前書帶草尚有靈蟾窟

有憶

井唾不復顧花飛
難再攀江頭一片石
應化女郎山

其二

莫便收蘿薦還留玳瑁牀
君恩猶未斷或有夢回翔

其三

開蔭檢遺跡餘香還復溫嫁時衣尚在不忍見
啼痕

其四

癡憶醒成夢書空字類之還疑落地雨猶有上
天時

其五

尚覓故時劍難尋墜地簪君看天上月弦望侶
商參

其六

冷風吹暗雨短燄戀殘缸夢裡尋君處舟迷楊
柳

卷十七

子江

題畫

翠碧倚老柯流泉寫其下杳冥無人煙似隔桃
源也

詠鸚鵡花

香稻鸚鵡武啄金蓮地上生能充御厨飯莫使浪
飄零

詠杏花

色奪朝霞艷芳分玉女漿梁樓雙燕子不羨鬱
金堂

詠百合花

香飄山麝馥露染雪衣輕宜室宜家好相歡百
福生

詠剪春羅

君恩宴曲池為郎製官錦月落杏花寒裁縫剪
刀冷

古意

亦有相憐意能無別後思故情濃似酒那顧路
傍兒

石榴花

卷十八

綠葉裁烟翠紅英動日華風翻一樹火電轉五
雲車

菊花

影和金滴水香染玉潭風不學陶彭澤銜盃對
短叢

玉蘭

璧月歌曾聽瓊花色更妍移栽後庭裏懷抱向
君前

梅花

枝橫却月觀花繞臨風臺誰弄閨山笛相思一

夜催

水仙

雲卧衣裳冷風生環佩香
盈步秋水玉骨度冰粧

竹梅

瘦影橫清淺清風響珮環
如何明月夜兩共君還

驚衆草

野馬不任騎兔絲不任織
既非中野花祇堪驚鶯食

李元

七言絕句

都門送楊雅村還吳

薊門秋色擁黃雲立馬躊躇一送君
為向金昌傳旅思月明砧杵不堪聞

送何王臣之江西

秣陵雲散大江西江草淒淒江樹迷
莫道情深似江水征帆遙宿楚雲低

從軍行

漢月胡霜旅雁聲蕭蕭邊馬共悲鳴
續聞粉黛銷紅淚又向烽烟擁翠旌

其二

聞道單于會帶林妖氣未掃主恩深
夫君已恨封侯骨莫遣紅顏別思侵

路逢小侯家送與姬人梅花陸長康折去

一枝與長康諸子同賦

御苑春還未有涯春光留意舊時花
攀折一枝心已斷餘香猶在細侯家

其二

映雪迎風曲水濱鶯歌蝶舞伴芳辰
祇今摘去無窮恨暗覺香飄幾度春

其三

雪豔全欺漢苑春，朱門昨夜共留賓。
同心枝上傷離別，不為東風為玉人。

其四

粉態紅妝春意長，離君忽覺有悲傷。
願從玉笛風前落，不分他人折路旁。

入滕口號

夾路垂楊擁使車，溪流曲曲綠陰斜。
雉馴麥秀滕侯政，不羨河陽縣裡花。

過孟嘗君養士處有感

羣

戰國蒼黔枕鎗鋒，三千朱履溢餐饔。
當時狗盜鷄鳴客，猶脫秦關百二重。

題梅花

千里月明思庾亮，滿林飛雪憶梁王。
關山一夜吹羌管，何處征人不斷腸。

題帳上梅花

疎影橫斜斗帳旁，美人春思憶連陽。
窓前一夜黃昏月，身入羅浮夢裡香。

燕江之右有磯如拳，突屹烟波中。顏之曰：『磯以螺所潛窟也。』孫夫人廟貌據其巔，世

傳夫人醮蜀歸吳，計無所復。舟次磯下，遂

自沉。以死邑人，因其地祠焉。余感其事，為

詩弔之，得十絕句。

烟莽沉：碧玉湮千年，冷月泣孤燐。萋迷香魄歸何處，唯見江花空映人。

其二

蜃閣蛟宮枕激湍，湘簾暮捲浪花寒。秋風一夜巴陵雨，腸斷歌聲咽木蘭。

其三

永安宮外月如梭，衰草寒丘弔總姑。雙翼不如

羣

華表鶴，春風杜宇淚痕多。

其四

銅雀春深歌舞銷，西陵松楸自蕭蕭。芳魂不逐連雲棧，愁對空臺總帳飄。

其五

翠玉珊：點淚痕九疑愁，黛隔湘沅蒼梧帝子年。恨不共儂家泣夜魂。

其六

英雄割據總刀錐，怨耦師昏誤結褵。不信周郎無六出，却將香餌借蛾眉。

其七

燕闌英姿本一枝摧殘何忍說磨笄鈿釵零落
沉烟水不及曹瞞贖蔡姬

其八

桂墜氷輪漢殿幽粼粼宮水咽還流一從片石
棲神後繡帳香銷紅壁秋

其九

蠹粉板塗生網絲濕螢涼露冷空祠鴛紋翠簾
流塵暗猶記深宮望履綦

其十

半領愁雲結不開磯頭潮打夜聲哀應知一掬
吳江淚流入瞿塘濫潁堆

贈清之歌姬彩鸞

銀字生寒咽未調月明鰈嶺夜迢迢如何不逐
文簫去却理霓裳伴舞腰

其二

春衣葉葉細生香飄向東風舞柳狂章臺未敢
輕攀折恐斷君平九曲腸

記已未訪瓊花顚末

輕帆細雨木蘭舟為覓瓊花遡急流二十四橋

何處問簫聲偏在八江頭

其二

不惜褰簾再着眸低回無語半含羞相逢便欲
通名姓仲字輕傳口角頭

其三

燕妬鶯猜舌弄簧擬將釵鈿擲輕狂嬌蛾意在
金貂壻自願將身倚玉郎

其四

衆中顏色擬頭籌獨立花枝最上頭偏是春風
妬嬌面莫將紅袖倚高樓

其五

柔枝一掐嫋風前欲向金盤上舞筵忽見手搓
裙褶皺似曾臺上倩留儂

其六

星前私語說從前幾被風波散錦鴛不是瑣窓
流俊眼英雄那得識婵娟

內子赴李家姨之酌剪燭遲之輒成小詩
約伴看花夜未還倚風垂袖怯衣草小窓獨坐
遲歸輦銀燭燒殘月上闌

其二

花間滑那更層波猶注人

其四

妹貌朝霞絕可憐嬌歌宛轉出燈前驪珠串落
紅牙拍顧曲何勞誤拂絃

其五

灼灼紅蕖向臉開六郎未許擅仙才生前自是
蓮花長何必吹笙跨鶴來

其六

齒被濃情尚可要芳痕猶染合歡綃微風香起
輕紅袴肯抱齊宮婉嬃腰

其七

美盼流波翻似嗔一灣秋水剪瞳神更教細寫
隆顙黛未必蛾眉肯讓人

其八

妙年小史並周郎約略輕衫學楚妝試向巫山
邀薦枕雄風左面拂荆王

其九

翠髮斜分玳瑁簪鴉雛雙鬢楚雲曇垂有暉袖
飄蘇澤堂上留髡醉二參

其十

燈下如看未睡花未顏不醉已流霞後庭玉樹
千秋曲歌罷江風月未斜

其十一

愁態由來絕代妍綠慙偏得可人憐斜眸嬾眼
時含笑只合司花玉輦前

其十二

滿堂華燭月輪高花露寒侵翡翠袍醉卧氍毹
歡未覺偷將短袖剪金刀

其十三

細嚼餘桃玉液寒甘分口澤肯留殘齋姜欬齒

猶難匹一燦流芬氣若蘭

其十四

琢成文枕木連卷夜夜幽棲相抱眠不見羅浮
山上樹枝枝葉葉自相纏

其十五

紅芳粉艷沐蘭膏花壓春衫繫錦綢傳得紫鸞
天上曲前身元是鄭櫻桃

其十六

鞭是珊瑚玉作鞍桃花寶馬紫絲繁試歌明下
仙童曲莫遣金丸馬上彈

其十七

憑將短調寫深心未泣前魚愛已深歡意豈同
銷暑寶儂情遠勝辟寒金

其十八

銀塘明月映芙蓉絕似卿卿醉後容試看青桐
雙鳳宿求皇空自說臨邛

其十九

見卿歡劇反成狂彪性柔為繞指腸形穢自知
依玉樹忿蠲寧復待青棠

其二十

奪得鸞篋不與人錦堂明月醉華裯君看密愛
前車共誰道男歡不單輪

春日泛舟光福觀桃花內子有作倚韻和之

木蘭孤棹倚滄浪春暖汀舟杜若芳夾岸桃花
霞綃日武陵何處問漁郎

無題

齊女門東婁水香思君日夜夢瞿塘不知絲竹
栖真處可近行雲神女傍

春曉閣詩八首

千條弱柳裊垂垂卷入西樓曉夢遲睡起殘妝
猶在臂惱饒鶯舌打紅兒

其二

樓上嬌鶯莫亂啼美人纔夢到遠西曉風偷入
紅梅帳一枕香痕玉筋齊

其三

簾外春寒護錦衾初回好夢香難尋窓前烏柏
休教種鴨鵝謔諷惱妾心

其四

一握香鬋縮綠絲玉笋斜睨鬢離離碧窓自把

鴉黃正誰寫張郎十樣眉

其五

清露如珠浸玉墀恐侵羅襪步逶迤花畦欲倩
輕雲灌手握銀瓶汲水遲

其六

小窓初日映花枝百尺晴絲匝地垂手捲蝦鬚
銀蒜押戲調鸚鵡念新詩

其七

結綺曾居張麗華當時齊唱後庭花如何弄玉
秦樓上時有簫聲出絳紗

其八

海燕飛來朝日明
雕梁並宿語丁寧
盧家少婦含情坐
自理雲和學水聲

觀曹氏諸姬鞦韆六首

百尺朱絲架綠絳
纖腰蠻髻舞晴空
盈盈弱態疑無骨
不獨行雲又御風

其二

玉纖雙控髻鬟垂
輕蹴蓮花上履綦
零落翠鈿收未得
遺香滿地晚風吹

其三

已同雙燕掠紅芳
又逐飛花入苑牆
望遠不聞金釧響
風來知是汗流香

其四

高塞羅襪攪青雲
蕩漾明霞出畫簾
七寶臺成風不避
留仙輕皺石榴裙

其五

便脫鸞靴上綵牀
湘裙飄拂玉溝香
輕顛不覺雲鬟亂
偷學梁家墮馬妝

其六

鳥逗流雲不敢逾
侶驚香氣噴紅襦
玉容斷送

層霄上疑有神僊
下碧虛

夏日

斜頭坐到日初斜
不覺槐陰轉碧紗
毀罷香鶯涼飲子
一瓶新水注荷花

送申玄渚北行

帶將幾片春帆雨
破却千層巨浪風
何似蘆花清淺處
扁舟不繫月明中

栽蓮口號

十畝方塘盡是蓮
花開如雪藕如椽
兒童擷取供甘毳
只種荷花不種田

詠楊柳美人彈碁圖

楊柳依依燕子飛
美人花下斝彈碁
不知若個爭先手
輸却花鈿玉腕垂

梁溪懷人

醉別河梁歲暮天
鄉關旅思盡茫然
酒醒却憶毘陵道
兩岸青山起夕烟

贈巧娘

君豈麻姑姊妹行
黃庭熟誦舌生香
批把夢裡曾親授
傳得仙家獨指商

贈行脚僧

茫然不肯住林端不惜穿雲踏月寒好把軍持
來陽倒勸君早去學瀟山

詠枸杞

枝繁本是仙人杖根茂新成瑞犬形寄與君家
莫浪吠恐驚多露有宵行

詠桂花

天將秋氣蒸寒馥月借金波滴小黃記得當年
曾折取銀缸影裡賀新郎

詠碧桃

數枝艷拂文君酒半里紅歌宋玉墻折得一枝

斜揷鬟助嬌銷恨玉環粧

詠秋葵

秋陽影淡心還向似妾投君懷裡時莫訝嫩黃
銷瘦色道家裝束步虛詞

詠紫微

薄膚輕痒不勝爪嫩幹生宜近禁廬若使仙郎
來作伴絲綸閣下幾行書

詠石榴

人道卿貌嬌如花儂道花輸卿貌好卿卿能作
子繁繁庭前羞殺宜男草

曹塵客許以歌姬六一相贈喜而代其作
留別諸姊妹詩六首

少小追隨弄玉簫彩雲夜夜護重綃一朝簫史
相携去十二樓中明月遙

其二

海燕雙雙掠水翔同棲玳瑁鬱金梁開簾放入
盧家去從此娥娥冷玉筐

其三

櫻桃樹下顰相歡短髮齊齊龍作盤忽訝簫聲
隨彩鳳共垂紅袖倚闌看

其四

數年拾翠在江干逐隊徵歌子夜歡一拍霓裳
定情曲頓拋銀字玉笙寒

其五

恨殺花前小盼嬌多情誤認倚樓招郎君莫怪
崑崙使輕擲紅綃是綺寮

其六

章臺柳帶正堪攀無奈王孫一擲看今日始知
情字苦却教臨去哭啼難

葉台翁相公過訪山齋辱贈歌兒以新詩

賦此酬謝

清喉檀板按梁州繞屋行雲咽不流誰是周郎
能顧曲新詩絕勝錦纏頭

其二

高築層樓弄玉簫青鸞惟許綠雲邀何當不惜
黃扉貴綵筆題詩贈阿翹

贈袁重其

卧雪高蹤不可攀臨池塚筆漫承歡聊將碗水
供甘羹寫盡芭蕉墨未乾

天池道士索余書采蚕豆作供以當籠鶯

夢室

烹食甚甘因念不得與內子共享賦此寄

懷

道士求書豆作鶯山厨烹食想青蛾無由不得
分甘贈舉案齊眉奈爾何

庚辰五月夏已過半忽有雙燕來余凝香

閣下營巢經營辛苦匝月而成作詩勞之

細芹香泥玳瑁梁雙雙軟語費商量營巢夏半
雖辛苦猶喜盧家少婦堂

其二

盡卷珠簾洞瑣窓任教營壘鬱金堂杏花雖老

香泥在不必茅檐怨夕陽

嘲有人娶妾懼內人知之

明璫解罷向衙城老奴猶是罽聲嗔何當乞取
倉庾肉快買紅綃弄玉笙

贈金公朗歌童王元

短髮絀絀號遠山斜垂倭墮帶華簪妙年蕭史
難消受不忍含嬌嚙被函

初夏同內子泛舟鴛鴦湖承尊舅屠貴長

載酒烟雨樓下適遇微雨與內子各占二

絕

夢室

為寥芳杜訪汀洲載酒同移湖上舟黑雲潑墨

濃遮樹今日方知煙雨樓

其二

就李爭誇煙雨樓朝陽偏喜袷粧遊誰知水色
霏微裏亦有扁舟倚棹謳

與屠貴長諸君席上拇戲得狀元口占狀

元詩一首

一枝折得杏花香九烈君來染綠裳試看馬蹄
得得去有人樓上出紅粧

復拇戲得老儒口占老儒詩一首并附于

此潦倒儒冠不似前自憐霜髮已蕭然
騁各聘康莊步驚馬難加祖逖鞭桂苑攀
花羞却後杏園作賦敢爭先老成也望罷
頭屬無奈嫦娥愛少年

贈內弟仲孟明仲舒

二仲並坦吾家東牀之腹以姑姪而諧
妯娌之歡以昆季而聯襟裾之好其歌
棠棣也似友琴瑟其吹鳳簫也若奏墳
簾可稱奇媾矣余心寔嘉焉花燭之夜
輒口占小詩賀之亦聊以為戲耳惜其

卷六

題甚佳詩殊不能稱然亦勝催妝新婚
詩俗套多矣

上苑名花本一枝分栽芳草謝家池春來燕子
銜泥去並壘雕梁語似簾

自延平行舟沿溪沂流偶游灘上小寺

溪山是處稱幽襟放逐休為澤畔吟前路烟霞
人境外夢游曾已到雙林

其二

薄技微官總不堪祇宜丘壑恣冥探空門一證
因緣理悔業從今好自參

其三

岸幘中林散鬱蒸虛堂四望入雲層冷々香澗
心如洗內熱渾忘更飲冰

其四

沿洄小艇足幽尋落日逢僧祇樹林宴坐經行
俱是幻世心銷盡即禪心

其五

野寺鐘聲送晚風青林兩岫碧烟空法輪早挂
三天外舟在江花水鏡中

東隱菴

卷六

庭院微昏月半林隔窓珠樹霜秋陰山深不見
風濤色靜夜疎鐘清客心

燕陰晚眺

城陰日落大江流江上西風吹客愁欲買輕舟
醉明月赭山東問秣陵秋

發婺州午泊蘭江時欲去武林不果

春水輕舸駛若飛長吟歸采閩山微停橈忽憶
桐江路古木蒼烟護釣磯

湯陽客邸

樓居何用避牆東欄檻憑高四望通更似陶君

庭院在醉來欹枕度松風

早發史溪過慈雲塔下忽憶永安北塔

高塔臨溪倒影浮清光搖漾曉嵐收平瀾十里
堪迴望不似潺湲燕水流

其二

慈雲片落青波天末涼風引棹歌便似枰山
城北路向來何用別愁多

送董遐周內弟北上

淥波春暖漾輕舟送客寬銷竹箭流楊柳欲隨
征憶去千條盡向武昌樓

其二

谷口初聞二月鶯銀塘碧樹迴含情馬蹄歷亂
千山道杏雨香塵伴客程

其三

南國烟波欲暮春酒亭斜日映離津一鞭咲指
長安路寶馬桃花汗血新

其四

青草河邊春水生送君南浦望盈離情欲向
鶯花道不覺雲封鐵甕城

其五

得意春風馬足輕陌頭楊柳拂行旌懸知少婦
凝粧望莫遣紅顏別思驚

席上贈金卿雲

盈一抱楚宮身羅襪凌波寫洛神一入襄王
清夜夢頻令雲氣繞青旻

其二

鴛鴦湖水綠文層蘭漿輕舸破浪來欲載卿
湖上去恐驚蘇小在西陵

其三

舞席高擎束素腰輕雲嶺上御風嬌擬將七寶

層臺避爭奈留仙裾欲招

其四

花影橫窓倩月描憶梅清夢夜寥誰言巫峽
千重杳一枕瀟湘路未迢

題飛雲洞

蔥菁瓏鬆花露飄風吹雲影控瓊霄千峯錯落
芙蓉片簷外珠纓絡索招

其二

香櫺丹岩望裏遙青霞縷媚紅橋恍疑刈藥
天台路古洞春深秀玉苗

其三

空翠飛花倒玉芽
携來楚袖曉雲麥乳泉亂落
珠千琲一線橫開雪寶室

其四

雲氣陰陰浸碧紗
寒飛漱玉亂瓊花
嵒生無分餐靈液散作巖前萬縷霞

怨詩五絕戲贈瀾生濮郎并以為別

淶水芙蓉寫六郎
吹笙縱嶺月如霜
忍教烟霧迷仙路不及秦家雙鳳凰

其二

斷袖濃恩隔夢中
當年嘗被渺難同
明珠投贈空垂淚似向靡蕪山下逢

其三

蓮花如貌葉如粧
一水盈盈望渺茫
可憐墮粉寒塘淨剩有殘香製芰裳

其四

楚王菟夢杳難尋
冷落巫山一片雲
歡意已如銷暑寶懷心爭似辟寒金

其五

春來紅雨亂如絲
自恨香花去較遲
棄置已隨

秋草歇芳塵還問隔年期

題屠貴長小像

玉壺澄徹貯冰心
書帶青輝映子衿
一似彩毫花入夢上林詞賦繼纓簪

宜男花

北堂一樹可忘憂
帶得宜男愛遠遊
君自多情非薄倖春風攜手曲闌鈎

玫瑰花

數枝分作滿庭陰
一架香生絳雪惟
高處紅須欲就手低邊綠刺已沾衣

其二

紅殘綠暗已多時
路上山花也自稀
嘉苴餘春還子細燕支濃抹野薔薇

西南海棠

媚柯攢瓦倚春暉
封植寧同北枳移
台嶺分霞爭抱萼蜀官栽錦爛纏枝

薔薇

碎剪紅銷閒綠叢
風流疑在藥珠宮
朝真更欲薰香去半擲霓裳上寶籠

虞美人

初對庭除似浦池寶陀光彩射晴暉等閑遊女
來攀折免使蘭橈水濺衣

碧桃花

一枝天上栽和露數朵蒸霞洞裏開可恨劉郎
無處問鳳皇毛羽向誰來

秋海棠

嫣然一咲竹籬邊酒暈紅生色更妍翠袖捲紗
凝碧霧秋風庭院嫋輕烟

杏花

繽紛紫雪浮湏細冷淡晴姿奪玉光剛笑何郎

卷之五

曾傳粉絕憐荀令愛薰香

剪春羅

百畝千畦下種時花開似剪錦官衣滿即移去
河陽縣滿院香風蝴蝶飛

山茶

葉厚有稜犀角健花深少態鶴頭丹莫嫌桃李
妬春色常共青霜伴歲寒

郁李

偏反花繞露華垂室通人遐豈不思日暮風吹
金縷帶留春自繫最柔枝

雜體

蘭花

九畹國香帝錫燕姞人服媚之夢徵而吉

芝草

燁燁芝草產於玉砌三秀五彩是稱吉瑞

杏花

漢帝苑中一樹董仙林裏千株擣得瓊漿自飲
何須塞北醍醐

百合花

光彩晃耀配朝日君子耽樂和琴瑟福齊大似

卷之五

金斯匹

詩餘

閨思

金閨門外垂楊樹滿堤飛絮盡樓東畔拂長條
郎與玉聰俱繫無奈別離容易雕鞍輕撥鬱金
梁上落香泥燕子去人同去當時悔向樓頭
住被伊偷覩少年心性沒拘鉗寬散一簾飛絮
誰道盟言無據誤人婚娶是他風苦放花開却
又放花飛去

已未十月偶過石湖行春橋見景物依然
先宜人舊遊難再追思往事不勝空惟殘

昭之感賦此寫恨調寄渡江雲

故人何在寂關情流水平橋記得春風垂柳扁
舟繫棟盡柔條香喉檀板彩毫佳句幾度惜芳
韶音容杳江山如昨共誰人明月吹簫回首
舊遊陳迹不堪重理蘭橈孤鴻天外叫離愁牽
惹寬銷惟有丹林霜葉似淚染輕銷芳魂渺倩
取簇蝶裙招

題蛾眉亭調寄霜天曉角用壁間韻

澄江浩淼秀出芙蓉蛟波浣青螺沙點翠鈿駕
鼇天表黛寫臨邛貌並妬雙蛾巧桂葉含顰未

老看幾變王孫草崩濤噴壁狂雪霏千尺壁
月斜分水殿秋鳥鵲南飛急望遠愁心極柳折
寒城遂割破晴空一片玉曲終兩峯碧

蝶戀花 詠安石榴

五月江南花事歇噴火朱英笑吐玳珠結鞢韞
滿囊光迸裂流將甘液寒涎咽繡帶宜男剛佩
徹多子呈祥更向繁枝折髻簪紅霞蒸眼熱莫
教吹落猩猩血

其二

柳噪新蟬梅雨急滴綻紅榴點點玫瑰濕一掬

明珠藏蚌翕夜深和露寒漿吸蠟紙苞含顰犀
香黃紫爛斑似染湘妃泣多子蕭娘愛酸汁水
精碎嚼千千粒

辛亥臘月十九日同陳眉公楊去奢諸君

子飲延陵吳丈新築填得漁家傲一闕次

眉公韻

誅茅小築清流曲連青一片山遮屋場圃平鋪
鷄鋪穀新芻熟江楓漁火寒烟宿十步迴廊
花四簇水橫梅影風敲竹寫出剡溪藤一幅生
涯正松花數畝荷花綠

詞餘

桂枝香

邀歡翻去驅愁偏住為他花嫁東風使我芳顏
無主我閑凭小媛閑凭小媛戲占寒嚶亂猜幽
謎殢春暉夢落鶯鶯水香流燕子泥

不是路

芳草迷離此路王孫昔日馳到今日武昌柳新
栽偏已不見楊花撲面飛啼紅雨那堪盡日關
千裡鼓斷瓏璚碧玉枝春歸矣狂夫不信不思
歸請聽杜宇請聽杜宇

長拍

長拍

澹蕩輕風澹蕩輕風蕪纖暮雨慘銀缸燈花憔悴
正是枕屏閑塞夢兒中不辨金微乍合又分
離恨花神不做美把人驚寐聽徹疎鐘月正午
可憎他窗外梅花瘦影窺生生的望斷了虛消
息又怎知朱橋第幾何處留伊

短拍

画史眉脩画史眉脩琴心調綺他兩人文福雙
齊偏我與鴟單栖縱有雕梁舊壘到如今也網
紫塵翳說甚蘇家錦巧怕千絲亂難上殘機

尾聲

梨花暮重門閑從此危樓休倚怕生見你覓得
封侯棄戍彊

桂枝香

春光欲餞溜紅成霰寒生銀字笙慳愁褪玉籠
雙釧想金羈未還想金羈未還刀頭塵眉月痕
雲串數流年畫破琉璃水窺穿卵色天

其二

烟籠花甸暖雲晴綯酥融日暈紅腮黛蹙風撼
金線望交河思綿望交河思綿汀洲無限江頭

長拍

石變悔從前輕把金鞭薦翻將翠被捐

黃鶯兒

春事到縈蕪奈王孫芳草何憑闌數盡歸鴉暮
香寒博爐機停錦梭空持暖玉擎鸚鵡看春波
一池吹皺眉黛水紋多

江兒水

媚臉芙蓉褪修眉楊柳傾恨無端醺出傷春病
慵妝羞問安黃正凌波騰有芳塵凝冷落蒼苔
香徑蕩子牀空寶瑟共寒燈相映

其二

夢冷流蘇帳香銷雲母屏怕花星偏照孤辰
金柳絲烟鎖嬌無定梨花罩雨珎珠迸羞對分
飛鸞鏡惆悵登臨見芳草汀洲綠映

梁州序

武陵春盡劉郎去後翠壁丹崖非舊桃花流水
人間總是離愁悵望垂楊烟鎖十二重樓人在
樓中否為誰如病酒減風流却教我廢破春山
恨怎休沉水篆銷金獸怕月明花落黃昏後
蝶夢冷莊周

滿庭芳 閏六一病

剝雪苔痕冷狂雨攪愁初定新蟬脉脉印波明
音書到也報道故人病春風醉我渾難醒入夢
芳魂靜更那堪衣半蕭瑟一庭瘦損梅花影

吳趨范允臨長倩氏著

序

詞林海錯序

今夫食全鼎者有餘味而染指寸鬻者且得傲之以不知非全鼎之不若寸鬻也。珍異之難嘗也。余嘗謂味固有之書亦宜然。經史子集譬諸梁肉讀者習為故常而龍醬鉉醢搗臠臠翠咀之使人有旁出之味則說部諸書是已。嘗考古之食經撰自馬琬諸人而下蓋百有七十餘種。

而按之天厨禁鬻十不得一焉。四時食御志梁大官食法幾盡海內之豪而於雲碧玄腴沆瀣正陽十又不得一焉。乃知味不貴廣而貴雋不貴博而貴奇。世之讀書者上則汎濫百家涉獵經史白首窮年莫得要領如萍泛海茫無津涯而其下則漁獵糟粕浮襲唾餘陳陳相因了不可食。余嘗揔攬諸家類說如玉海則縟而無奇海錄碎事則窒而寡韻。乃若羣玉萬花諸書則如太倉紅朽之粟酸醎餽釘才一下著令人欲嘔。庶幾百陽樵俎或可薦之几筵而諸臯寺篇

則又怪怪奇奇如鬼腊人乾不適於口。蓋類書之難若此。吾同籍夏茂卿先生蚤謝春官沉酣蕝海有古書滛傳癖之奇每從事親之暇漁畋於四游千古之間於書無所不窺而能冥搜醜記提要鉤玄其所著法喜志女鏡玉麒麟酒顛茶董寺書業已膾炙人口而茲復出一書示余曰詞林海錯海之為言廣也錯之為言襍也言奇珍異味錯錯然襍陳於前也。蓋海之為物湫澌漱澌渺瀰濊濊吞吐百靈茹納萬象含魚龍而隱鯢鱗巨則長鯨魴鰭烏鰂鰒鰒而細則鼉

三

如也讀書者得是集而咀嚼之其庶幾不為祭
魚之獮也哉吾知其食指動矣

二卷三

李得雲賦鵬館集序

今之世無詩矣非無詩也夫人而能為詩也夫
夫人而能為詩而何以無詩也則以夫人而能
不為詩也不為詩也者無詩也已矣何也詩以
言性情也而駕言言性情者每率而失之俚曰
吾以取自然耳夫使取自然而遽可以言言性
情性情一何鄙也獨不曰詩正而葩乎詩三百
篇大抵皆太史氏採民風而獻之天子以觀其
風者也故曰國風曰國雅風雅者文章之韻也
此皆出諸田夫野老紅女閨房之歌謠自然而
中律呂者也律呂者文章之調也故其詩曰采
采卷耳不盈傾筐嗟哉懷人寘彼周行此即提
籠忘採葉昨夜夢漁陽也曰自伯之東首如飛
蓬豈無膏沐誰遑為容此即君行殊不返我飾
為誰榮也此豈不言性情者乎豈不出之自然
者乎而何以文采璨麗音節鮮華洋洋灑灑乃
爾也使言性情而可以無文則凡途畧巷謳勞
呻康吟耦耕作勞而相歌呼者亦可以升歌清
廟格神人而舞鳳皇乎此皆起於效王李之顰
拾滄溟之牙後嚙不勝生燁活剝之苦致今矯

枉者懲而過之指而摘之遂爾波及北地婁江
株連濟南七子曰是塗玄黃於溝中之朽蒙澤
廩以雕虎之皮芻狗而千年薦之楊裘而一其
飾者也黃金白雪紫氣青山一何層見叠出耶
於是相與揶揄而胡盧之曾未窺見古人藩籬
而輒已射天笞地矣乃又設壇坫而要盟誓相
戒曰慎毋為彼於是相與習為鄙俚膚淺衰頹
寒儉之詞以力矯其弊自謂享太羹而飲玄酒
脫糠粃而吐精鑿醍醐乃味之如嚼枯木舌本
稿然矣而且號於人曰吾以言性情云耳性情

三卷五

云乎哉下一之音能使白家老嫗怡然解頤嫖
母不能為吳宮妝而自推其髻曰吾以比德孟
光不令西施掩面哉乃又有吠聲耳食之徒隨
而和之習為一種寥寂無聊之語生枯冷淡之
詞十而百而千如羣盲取道一夫肩隨而履
躡之曰培塿則培塿曰汙邪則汙邪耳風引江
流而東其誰能不波哉乃吾友李得雲氏則能
以扛鼎之氣從頽波中力挽之今日乃再見昌
黎蓋自束髮時輒已沈酣文苑獵百氏而探千
古慨繁暑之亂雅纖音之蕩滯思以削滌煩穢

扶立卑瑣以中原之雅音振八方之害氣其所
為詩若文訇然如中黃鍾之律洪中肆外宮音
而襲氣母者也其沈鬱渾古則毗於杜其激昂
鼓壯飛揚而莽宕則毗於李非建安三謝不敢
吐諸口也非開元大曆不敢落諸紙也其憂天
下之深心殆將以大王之雄風挾雲霧而朗日
月故顏其館曰賦鵬以武君家青蓮遇希有之
鳥相與倡予和汝翱翔於寥廓之上激三千而
騰九萬絕雲氣而負青天于以鼓吹風雅調變
元氣且將格神人而舞鳳皇矣何有於搏扶搖

三卷六

情哉

而去以六月息哉李子曰吾蓋欲以詩易天下
者耳天下有詩吾不與易也嗚呼李子易天下
而天下有詩矣天下有詩而夫人能為詩矣性

落花詩序

今夫詠雜英於芳甸則靈艷標華賦繁囿之藂
蕙則仙葩授色何者春暉凝榭瓊藥資以爭妍
旭日韶梁葦姿因而奪彩暖風初扇龜醒迷迭
之香潤色輕籠頰暈燕支之石木堪戲鱗影足
留鶯繡檻雕欄爰並玉樓金屋油幢鈴橐情深
綺袂珠基妒寵憐嬌工歡擅媚是以金谷園中
留連錦幔銅駝陌上雜沓香塵濡翰者競謝繡
手柔附含毫者炫江花于麗萼家有芳菲之詠
人傳芍藥之篇蓋藉韵韶容倚才穠質易為力

二卷七

耳若乃因風委砌泣露辭條鳩香雜燕泥而俱
乾煖艷隨鶯翅以偕落繽紛舞席零落歌茵藥
氣全消萬紅半死綠珠冤散空餘翡翠之樓碧
玉聲沉惟剩鶯鶯之井香閨思婦愁看墜靨遺
鈿紫塞征人驚見聚雲飄霰傷搖落于遲暮感
逝景之颺輪斯亦情愴思繁腸斷聲咽文通為
之才盡元常為之筆停者乎而若撫氏乃能弔
粉泣香摹憔悴追驚殘之夢蝶輓已去之春
工遂使枯卉傍玉砌以揚輝落英藉彩毫而長
價韵拈三十律賦七言賡黃閣之宏詞陋巴人

於下里諸家不敢競爽一時難與聯鑣君苗硯
焚希逸紙貴可謂才情雙絕金石相宣者矣嗟
乎桃夭歌而化洽黍離賦而興悲虞廷有調露
之章陳室歌玉樹之什聲詩之道與政通焉諸
詠並傳家絃戶誦余于此不能無三歎矣

二卷八

四書月指錄序

禮斗威儀曰政升平月圓而多輝禮會文嘉曰至德之世雲潤星輝風揚月至而世以登茲榜者謂攀月中之桂然則月固金精非獨世運係也亦閔文運焉故曰觀乎天文以察時變觀乎人文以化成天下劉柔交錯天文也文明以止人文也余嘗橫襟而攬古今作者乃知文運汗隆一稟風氣自我高皇帝提戈而掃胡氛於時宇宙載闢光嶽氣完執士奮起依馮出日之光故其文渾渾爾噩噩爾質而不魯厚而不滿

三卷九

含而不炫美哉皎兮其月出東方乎成弘而下漸以宣宅兩曜經天衆星歷朗造化機杼蔚為文章故其文大而婉富而廣直而不倨曲而不詘近而不倡遠而不携美哉灝灝乎氣融潔而宏耀質明潤而貞虛其月之二三乎降而嘉隆降而慶曆則少靡矣然詳而有體決決乎大國之風也其月之二八乎軼輓近而氣稍衰颯作者愈盛其言愈支以掃韋氏而視今世其孰能不波峨眉半輪影逐潭水糠粃眯目纖阿在御而不知指盆盂而為月入郢而不見冥山矣余

竊異之頃奉詔往校滇士滇近崦嵫去中原萬里夜郎王之所雄踞而夷疆之所襟處也其地巖崖蔽虧清暉半隱其士椎魯蹇淺而拘於俗無昭曠之觀語吳牛以月有汗而喘耳又其山川迂迴駕車服馬難於登天策駑蹇而之崑崙賈人無利心矣故其縹緲罕接丹麓絕踪衣帶昆明沓同弱水微論金匱石室之藏壁府屨坡之帙渺窺一斑即手一編而呬語類皆郊廟之芻狗已陳而薦猶曰擊鮮享敬帚以千金忘其為遼東豕矣又安所得典墳丘索而讀之出

三卷十

冥冥而觀昭昭乎故其文如小兒號咷多所剿說飽太倉之粟陳陳相因輒自哆其果然耳此無他邯鄲遠而跬步失法象毀而告厥生無足恠矣夫學者誦法古昔去之千歲其人若存世儒適埴冥行而不軌於正遂使卑議塞路謂後死者何余是以慨然有用夏之想取先民之式而程之發書陳篋數十篝燈而校得若而首質取其不戾於時華取其不詭於格汰賈樸土鼓之音謂其不諧里耳奏咸池而歆大章襟以流商刻羽諷諷乎正始之音也庶幾其屬而和者

數千人乎揆厥所元終都攸卒蓋月在橘脩園
屬之間凡四閱月而告成事授而梓之顏曰月
指月指者取西方標月之義也夫玉鏡當空眺
胸不隱流光千里有目共覩又安藉指而見之
顧夫盲者見月誤認盆盂昧矇大夢終身不醒
故以手指月示人使人因指見月諸士之昧矇
也久矣其烏知夫玉鉤之為蛾眉也耶其烏知
夫鵲影之為蟾蜍也耶余故指而示之不惜以
五輪指作光明拳俾盡觀琉璃世界非若天柱
山片畧寒光耳雖然目指見月可也認指為月
不可也認指為月豈惟亡却月輪亦復不知明
暗故見月忘指者妙明也認指為月者妄明也
然則斯刻也其指也耶其非指也耶非指之指
不可傳則亦有不指之指在爾諸士虛圓徑寸
各具靈明月印萬川隨人自見亦第見其不可
指者而已矣奚必躡廣寒追桂兔拾婵娟而後
乃始賦流黃詠閨山也耶其相與磨勵之俾結
璘寒蟾遐邇共矚阻深闇昧得耀乎光明於以
翊人文而扶世運余竊有望焉若曰吾第識其
指指在月在指亡月亡則是盲者之認盆盂嬰

兒之捏其目而見第二月也余之懼滋深矣

賀邑侯羅陽區公榮擢柱史序

代堂翁石
年伯作

制三年大比庶尹之治胥再計乃始徵其異等
者以入臺垣無亦以庶尹親民務持久以責成
效且得習利弊上聞也今乙未之春上徵循
良備耳目首下弓旌則自東明始公被命而
入試為柱下史鄉大夫十餘曹謀所以賀公悉
玄端玄冠微言于余余惟士脫屣載之民上以
足未涉疆場往而嘗若所不狃縣俗乃睢睢視
萬衆自有肺腸于以揣持其腹當得人情若之
何不恂也而又適賦入卑儉戶口流亡踰壘而

三

不能為令之秋自非亟去其所苦集其所愉快
揣情為合圖所勞來生殖而莫若履孟令民愕
眙相顧以為負擔我而割裂哉莫敢窺左足入
者非夫也余故習東明政而知公宰天下善也
不腆敝邑東負海北倚河山以東左扼之河以
內右扼之壤枕境錯往來若五父之衢蓋巖邑
也民之情剛柔異往往武健諸作奸犯科者稍
引繩批根輒東西竄匿有輕去其鄉耳公一切
以法繩之伏肘石者如懸鷄之足無敢尺寸越
焉比歲之不易場功不登公私倉廩一空市糴

釜十緡鬼神狐祥無所食民安取蹲鴟而濟之
于時道有捐瘠俗類離散流竄為僇民滿二境
矣公曰倉廩脫粟以供緣附則不稼不穡江河
之于漏卮也澤蕉黔首以聽衆餓則相枕相藉
秦人之于越人也驟起而操左右革則尾湛附
潰持策無當民未有不先朝夕者也乃鈞羨委
施于所不足捐大官米設粥餌以哺餓人日給
千指卒之完活數萬四面如望雲中之月是歲
也飢而不害已又謂士民病蓄積索也蓄積索
田疇荒也乃躬親草野石田谿谷不食之地十

三

而當一平原四達膏腴之地一而當十與其民
約累土樹藝勿令惰窳敗績適歲凶枵腹斃也
于是穰穰之衆日就衽席復脩法布令案牘憶
計不能困以所不給而又慎如山明如火矚然
如秋水歲祿所入不及舍贖刑所入不及庭旅
幣不及門部鼎不及境悉蠲奇贏以佐農事民
用益饒間有凌法者不疑錯斧鉞其寔皆揣民
之情以為合夫能合民即能得君今天子立
三階之上南面而受要發明府之法端以稽其
首擢公而假以繡斧之尊勢宜也柱後惠大豈

其以危法自持蓋以庶民達王登之春臺耳垂
英聲于霜府植高誼于雲天流功名于後世公
之治若潤藏潤育然澤下尺生上尺無煩戶告
人說而天下已千載期之矣乃邑之人猶不能
忘情于令君小人曰吾儕得令君而生不者幾
培為桑間之白骨 上何不私我一邑留我令
君雖後之能繼其若二天何君子曰上置令君
境內即境內不失一循良即置令君廷中廷中
不失一骨鯁胡不可也余請為宜僚以解兩家
之口鄉者河內水旱頻仍道饑相望屋 宵旰
憂發數緡遣御史鍾君掠郡賑貸河之民沐
天子澍澤而并德御史以公之勛倘堯湯之世
萬一有倣則特簡在公將舉九扈之民行有庚
祭諸君何必公私夫令君也公之長公子天祿
石渠間為國寶已若斯而澗岱之琛復有介弟
四海之內盡以為黃星絳雲神龍朱草倘鼓吹
風雅斧藻帝絃並馳中原舉四維而太山之君
家兼有焉奚必批鱗之為快已耶則敝邑雖單
父之細而國治寔以敝邑為稅駕也

雲南丙午鄉試同年序齒錄序

柔兆敦牂之歲滇之士舉於鄉不佞寔董其役
告成事焉業登其名與丈以獻既錄之公矣又
相與私錄之後先其年而次之木予得而觀焉
著土著之畔明世系之自與經術之所宗相指
誓為同盟揖遜而偕列彬彬焉忘分誼和而明
讓將以尋世好而共翺翔甚盛美也抑聞之記
乎記曰入學而尚齒教民讓也夫讓也者不爭
之謂也脩和德之端而執上下之志也古之儒
者遺述不爭陰陽之利冬夏不爭陰陽之和久
相待也遠相致也其交友有如此者故足述也
泮水之詩曰濟濟多士克廣德心而又繼之曰
不吳不揚不告于訕在泮獻功言廣其德心而
和以致功也然則士之貴讓尚矣不讓不可以
敦倫不讓不可以明禮不讓不可以繕俗不讓
不可以事上夫惟遜讓立而寔循寔循而行成
行成而名茂故讓莫先焉夫士有千里而同堂
傾蓋而莫逆彼其東西南北心腹腎腸之不同
然且不以遠近為故契合蘭芬而誼聯膠固夫
士豈必撫塵而遊垂髮齊年偃伏以日數乃稱

齒讓哉今諸士群而舉於鄉矣亦既食茲地之
毛而共育此寓矣此非東西南北萍鳥而合者
也有如鴟鴞齒讓之末而眉目齊楚肝胆胡越
中戾而陽浮志乖而靡群矜已而凌儕自高而
忿爭又何有於讓則今日之齒無乃為聯鷄之
足乎故余與諸士約莫先讓矣同事而讓功同
行而讓步同得而讓利庶幾哉比於濟濟之士
而克廣德心他日比肩而事上其忠君愛國寧
有量哉賁興之詩曰示民不能君子是則是倣
言為鄉所舉者為王嘉賓民之望也如復象交

二卷十七

而携心凌慄而驕衆夫且不齒於鄉其寧齒於
國以此稱嘉賓不己羞乎勗哉諸生毋憤驕毋
彊梁毋蕘陵而諄詎毋自智而愚人自長而先
人自贊而矜人毋據於尊而遇以卑毋享於逸
而貽以勞毋蹈於利而貽以害毋謀於面而謀
於心記有之君子不自大其事不自尚其功彰
人之善而美人之功以求下贊大雅曰敬慎威
儀維民之則諸生勗哉余與諸生有一日之誼
因其齒也而以斯言黜次而弁諸首毋亦百里
之託足哉語曰甘言疾也苦言藥也余之言若

矣其蟬而服之矣諸生其謂葍塵也乎其薺也
乎夫葍塵也薺也諸生其慎所嗜矣

二卷十八

雲南武舉鄉試錄序 代按君作

歲丙午滇當大比士學使者既提鉛槧棄青衿而進之侍御周公業紀綱而籍奏之得雋以獻雖離乎歛鹿鳴矣亡何有武之役則公為政乃復集郡國良家子羽林材官試控弦鳴鏑之技諮武畧焉法也於是中丞陳公填滇春秋十有四矣率作訓練如培豫章而干霄之故其養士最厚而其得人亦倍往額於休哉威德翔洽風猷丕振此亦多士鷹揚之秋也余猶憶曩者癸卯之役攝官承乏亦既簡章縫介胄而貢之天

卷九

府競競乎隕越之是懼然此猶庖人不治越尸俎而代之耳今且身督率之職其懼滋甚能無一言醮之首簡慨自兵農既分文武道二說者謂時平用文世亂用武於是分曹角立即國家文武並用時亦不無伍昂大學之士詘介胄介胄亦詘文學二者皆譏若商參之不並曜而薰猶之不共器也乃今既竣事校冊覽觀之言斐然殊章極王霸之謨用究孫吳之指要援古往以證形寔馳仁騁義異慮同程則相與駭曰是所校騎騰步蹕射命的力貫侯者歟何其文之

秉道武經脩雍容揖遜之禮也余于是知文武之士之具材矣昔者卻縠說禮樂而敦詩書而詩稱吉甫文武萬邦為憲則韜鈴儒術若鉅鉉相憐久矣安在其相詘乎顧射有儀而士有範範立則詘也而申範失則申也而詘夫士固以宣尼範矣而介胄將安範乎余聞永昌西有野人之桑以為弓不筋漆而利九賤之西多薦草產善馬而金鐵銅鉛往往山出碁置故滇之刀劍戟矛名天下是習武者之善物也側之叛伏波有浪之役獲之叛武侯有瀘之役其歷履經營

卷九

於爾漢者權衡不失尺寸雖童兒婦女至今神之非百世習武者之型范儀的耶諸生之見收於武也以弓則取材於西野以馬則取駿於越賤以刀戟則取五金於諸產所以運籌而權衡者能取範於馬葛兩公則勘定為憲之功行且與卻縠吉甫比肩而立安在其不文若耶且文士白首而談詩書至舍筆腐毫不能脫囊中之穎而爾以一臂之任遂登壇建節取斗大黃金印如丈人承蜩而撥之士一登仕籍吏以三尺隨其後束之如濕薪一蹶不復振而爾得便宜

從事至貪詐之是使士循資而上至華顛不能
取卿相或終身屈辱下吏而爾第積尺寸之勲
取通侯而盟帶礪子孫世世勿絕然則上之
待爾輩不薄矣安在其相訕耶亦顧士之自申
耳昔人謂西北多名將而中興周室者寔產於
梁滇固梁之域也于次為井鬼于位為酉于行
為金夫金介之屬也西方其當之矣滇之域得
無有若而人為天子驅除氛祲免西顧之憂
者乎余跋而望之母使龍旂鵲印獨後于側注
進賢也則士之自申效矣

卷五

雲南武舉錄後序

余讀西南夷傳武帝遣使求身毒國印竹為昆
明所閉欲伐之聞越雋昆明國有滇池方三百
里故象之以習水犀之甲樓船百艘戈矛山立
壯哉皇王之軌乎而當時靖內攘外附衆威敵
所稱熊羆之士不二心之臣則有若貳師將軍
有若車騎將軍有若驃騎將軍有若冠軍將軍
咸桓桓赴赴宣威奮旅不可勝紀至簪筆垂紳
之士雲從騁馳胥應于世劉向王褒司馬長卿
枚臯鄒叔以大章顓蕭望之梁丘賀夏侯勝韋
玄成以儒術進而李都尉詩詞膾炙千古彬彬
兼有其能干城腹心股肱心膂合為一轍得人
之盛於斯見矣是以興造功業制度遺文凡在
函夏莫不承循休用跋躡純景流唐漂虞滌殷
蕩周於鏢哉雄材大畧也乃猶不忘檄外命使
西征朝丹從馳定筭存邛畧斯榆舉苞蒲勲業
爛焉掩映萬禩夫非介冑章縫之力哉哉國
家威德肅昭統一皇度主上承天續服
中外咸賓南夷之君西楚之長靡不重譯納貢
稽顙來享而一二殊俗之國時犯義侵禮為擾

邊境 主上拊髀而思頗牧是用射侯決表延問方畧以命爾諸士爾諸士其何以應之夫滇去關中萬里而遙風馬牛不相及也然且厲其池水習戰練士思啓疆焉今昆池環爾滇矣其南則身毒天竺之所距也九真日南合浦蠻夷之所都也其西則僰緬冉駹邛笮莎車鄯善之所列也叛服不常羈縻靡定頃者緬瓦之間羽書星馳烽火電發諸士亦既焦心而蒿目矣能提一旅而問之如驃騎諸君其人乎能持一檄而畧之如司馬長卿其人乎能犁幕南之庭乎

卷三

能靖瀚海之波乎能勒燕然之石乎能眈樓船之蹟乎夫士居恒輒曰吾曹以馬上得之不忘喪元以報 主上文士徒握三寸不律搖其鋒而持之授以一旅之任有縮如蠅耳為大無當安用此毛錐為也若然則章句縫掖不得與金革伍而熊羆之畧獨著疆場乎乃今日之事則且不能舍鉛槧而進矣有如質有其文表傳其裏格虎命中運以方畧未平狼望毋以家為則干城心膂行且與驃騎諸君繫長角勝即鄒枚長卿蕭望之常比肩而奉下風又况豎儒之

空談無當者乎不則彼以筆舌說遇亡碑壯猷或趨利如鶩避害若熱視勢取附庸至罔聞去則功焉而又剝士之糗厚招遊俠徒以金錢買寵則豎夫枚子且羞之安在其輕裘緩帶總文武而憲萬邦乎則又不若垂紳簪筆以經術輔治者有補亂亡矣不佞既搃青衿之雋藉手報命而復從事韜鈴其所陳說亦既雲蒸霞蔚矣何遽獨後賢科乎爾諸士其勉旃以踵昆池之畧毋徒不憚吾黨之不律為己是役也凡韋之跼注什九為不佞所統治余是以從未蘭而

卷三

照母曰此說鈴也而瑱其耳

賀華亭東翁項侯考滿序

令甲守令賢而才則兩臺為請之天官氏擇劇邑以往然率由近序遷使疆壤相接可以周知其習俗而壺漿迎者亦得稽首境上無武歌來暮之嘆公嘗尹建陽再補丹陽皆著有循良尋以除服補邑邑巴在蜀數千里而遙天官氏不難輕千里調公為華亭何也今天下擬東南之莞庫猥云蘓松蘇為通都商賈輻輳其民雕鏤纂組善為奇巧以虛伎而易寔糴今松人拱手取辦惟一塊土耳隴畝之所入十不得九而其

卷五

稅於官者十之五有餘即使人無厲歲且立窘矣況比者肥蠶旱魃相尋而嚙我吳富者無歲入之美將易肥為瘠而貧者或拾草錄不得飽至驚雀苻以活旦夕今之華亭非昔之華亭也昔吏于茲土者左右抱牘立令鄉賦長及期而前較量盈縮足矣公于豈凶間務有所調劑使孱弱不至竭漁而奸民猾胥不至為窟免難一昔于直指部使不過飾厨傳奉文書具受成事乃罷公不敢絀歲出之力以旬噸嘆間以意裁約而于蠲賑兩事多所覆謂委蛇于訊牒之中

使恩出於上而惠寔於下難二昔垂簾橫琴游詠典籍六曹肅然坐嘯可辦公悉力修救之策拮据萬端而又以三分之一退而與逢衣諸君講德課文進而與縉紳商榷庶政難三夫以天下之艱難迫遺於君之厥躬非有獨賢之才而具百鍊之器者未易勝此公從容談笑不暮年而告成厥功兩臺之薦牘與父老子弟上書借恂者旁午於邑門之下公之得此於華亭深矣公知今華亭之所以遮留公者其情亦孔亟乎夫公之劬勞于荒政出溝中之瘠而賜之生百

卷五

姓如病乍蘇今十甲之役儼將循環而始其病者又恃公為梁肉也且非獨民之伏公也往曹士郡邑率阿堵脉之至夷于氓隸即有衣褐懷寶者方掃索入貲已惴惴于踐更之及又焉能安意于公車業不佞蓋身猶驚餌為士氣之不振所從來矣斯二者惟公在可以此情告公去而士民皇皇不猶赤子之脫於其懷哉即他日黃金璽書以青鎖栢臺召公公亦不能長借於海濱乃屬者則日視月月視歲也姬公之九罭雖信宿東人猶以為快况二天如公其忍公脂

車秣馬以去吾知父老子弟必有請矣方父老子弟詣郡侯請公天方旱是日大雨夫帝且喜於吾公之留則天官氏請而俞旨可知也不然曩不惜重召公於千里之外豈以今日而不重留公於華亭乎哉是為序

卷十七

吳縣袁侯考績并賀封公時岳先生六袞壽序

明州袁侯令我吳之三年而政教翔洽行以異等報聞主爵氏當宁必為之親灑宸翰題黼宸而錫褒綸且嘉念啓佑疏榮太公可拭目俟矣而冬之月又太公攬揆辰也國恩家慶巧相邁會吳人士思所以頌侯而并効封人之祝於太公者履相錯也其門下士盧侃盧倫等受知最深則相率玄端玄冠問序范子余惟庇蔭者知根飲甘者知源我曹郎未得望見太公而語云非是父不能有是子則有侯之治狀可更僕數也夫吳雖一邑乎而寔江以南一大都會閭井駢闐五方雜還車擊轂而人有摩高門鼎族纓綏聯蟬比屋相望而中間輕俊佻達服奇志淫徂僧市魁武俠犯禁者何日蔑有且也徵賦如山訟牒若蠅令甫坐堂皇一眎事席未得暖而皇華乘傳之使鱗比雁集間釋躡矢歸又中丞直指臺之謁見有期簿書有會矣是非開敏閱碩之材能揮五弦而送飛鴻者曷繇治辦乎廼侯自下車以來不東濕而威不絕物而潔不察

察而明不煦煦而惠澄襟整暇當機轉圜居無
幾祇安於俗觸網者格矣士安於教敗羣者化
矣司農少府之徵輸不告匱而鼠牙雀角之爭
徐解去矣賓旅之頌聲洋溢四境而中丞直指
臺之薦剡日旁午矣今寓內赤縣亡慮什伯而
有如侯之治狀可以目攝卓魯拍有言宓者指
得綏數乎侯顧歛然若不足退然若不勝士大
夫交口而誦神明必起立避席曰初仕無所知
此不過稟家大夫之義方而奉以周旋庶幾免
官謗以貽親安也然而侯之淵源世德非自太

元

公而始為聞人也廣州公孝廉公而下代有炳
堅冠冕人倫人皆謂袁氏之厚積必源發在太
公矣而太公雄於振藻詠於逢年孝友醇脩蒸
然怡怡惟以經術經世之寔學與我侯相磨礪
至於今而昌明龐偉之業大展於侯續服貽謀
所繇來遠矣豈止如向之與歆彪之與固惟崢
嶸於父子之間也倚與盛哉詩曰樂只君子民
之父母又曰樂只君子遐不作黃耆夫人情驩欣
愛戴於侯不啻人怙人恃直欲以無疆祝之矧
太公為衆父父而推本尋源轉以祝我侯者祝

太公其鮒背鯢齒寧有既耶茲者介壽有日矣
而侯飲冰素絲之節益貞而固筐篚絕於庭羔
雁絕於道我儕僅得操不嫺之辭郵致太公布
武之謂何雖然之所以成侯庶也亦所以廣太
公教也異時侯之貴在日月之際而太公春秋
日益高當宁將舉袒割問道之故事加禮太公
則今日循吏之封綸不猶九仞一級哉區之祝
直擊音矣無所容吾喙矣

壽

吳邑侯湘真袁公考績馳封序

我邑侯袁公三年 錫爵之期介太公六襄懸孤之會壽與恩逢慶與榮集霞觴與紫綸相映益曠遭哉一時都人士咸嘖嘖謳歌志喜侈為盛事予既從諸士後效一言之祝矣而侯所識拔士若余天叙等復徵序於余余則復何置喙哉惟語有之培壘無昌松栢言貴所自也侯自其先刺史孝廉公迨苑馬太學以至太公代有聞人中雖莞枯異遇鬱紆有時然自侯遡之慮無不臻偉特達吏治文章冠冕當代蓋數積矣

卷五

德厚而光蓄極而濬公侯子孫必復其始復始而大大袁氏者非侯而誰茲且以一邑為嚆矢其循承綢而綴之也哉然而吳非易治者也縷指東南奧區吳為首厥地瀕海厥土阜厥貢繁厥俗澆而多競蓋嚴邑也民之情衷辟異往往武健多作奸犯科許而訟者狀紙如蠅左右胥吏又日陰陽其狀以伺我使人東西易面而不自知令縱極精能強慎恒遽勃掣阻於不得騁地使之也而又以簿書為寢食以期會為期期望塵而拜莫不上官蒿目而憂莫不赤子此

其焦勞胼胝蓋衆難具矣惠徼我侯至則察土俗體羣情引三尺若從繩披紛拏若治筌絲不煩而理秉精通而務簡要博博大而佐英明警則奉鑒刀而奏清廟何論干將故未嘗以聲色相厲而精神若揭肺腑洞然群下觀望竊祇栗恐悚靡敢不以腹心腎腸相示盈庭有口片言折之舉忿摯聞構之習釋然冰解各捧心而退無異虞芮之質成法不撓而民訟不煩矣累案如山侯悉手裁目決不以借吏吏慄慄秉成案惟謹莫得高其手而右下其手而左大蠹弛而

卷五

宿弊祛矣邑故征繕無時司會取盈之機日下比歲之不易場功不登公私倉廩無所藉侯慮上詘則病國下詘則病民乃與之期會緩其責而徐課之即大司農以典額謹而侯弗惜也民乃感泣爭輸期無負寬郵至意於是庾積如山歲計成而賦不耗矣自公多暇輒以文教率士文學弟子斐然嚮風侯聚族而程其能殿最有差諸弟子以經術起家率在高等人咸服侯衡鑑如神吏治簡而士習不貳矣向所號為難治者於侯何有而說者則又曰吳與長並隸於郡

乃長之賦幾倍於吳地較窪民較瘠兩造較分
其治長視吳更不易而侯乃奉檄兼宰長而長
亦治即印繫繫綬若若而侯優而理之若有餘
裕日計一視月計一課糾拏者井然積滯者豁
然御之者如批卻而奉之者如流水宰吳不見
其有餘宰茂苑不見其不足將宰天下如宰兩
邑矣自昔上大夫悉受縣漢丞相皆起於治民
而長安洛陽令不專以擊斷重惟在事久德澤
洽和迺稱上理侯自隨車春雨以迨報秋秋
保綏靡弗周斟酌靡弗滿其何有闕之者故頃
歲搶攘為變禍於巨室吳俗輕剽聞風騷動侯
輒治其魁而亂萌以遏此非能攝於臨時其懾
之者素耳今秋蝗為祟雲陽周環噬稼禾如掃
而獨不入吳境若有神使此不亦明侯惠愛格
天之一徵哉所部章十上率首吾令推轂之今
天子操吏治極民生璽書下郡國徵召卓異必
先我吳侯將奉法從惟遠客是司其所以大展
立馬公以來未展之緒者曷有紀極

題竟陵楊明府五華圖序

漢李固與其弟圖書曰固年五十七鬢髮已白
所謂容身而遊滿腹而去周觀天下獨未見益
州耳昔嚴夫子常言嶽有五涉其四州有九遊
其八欲類此子矣王逸少與周益州書曰省足
下別疏具彼土山川之奇益令其遊目意足也
可得果當去卿求迎遲此期以日為歲但言此
心已馳於彼矣其想慕山川名勝乃爾至宗少
文以足跡不能徧歷名山乃圖山水於四壁以
當卧遊曰舉琴動操欲令四壁皆響蓋古人於
洞天福地欲遊志騁目以自快其奇者不啻如
盲之不忘視僂之不忘起乃輪艱蹄蹇身羈事
牽不得躬履足踐至形諸夢寐饑渴其於奇蹤
勝緣不能湊泊如此況生當勝地宦歷名邦乃
至所號所治山川名勝適相脗合者其勝緣可
勝道哉隣水楊公固蜀人也蜀故有華陽成都
浣花濯錦諸勝先生身為益人已與李固逸少
之想望而不可得者大有徑庭矣而誕甲之地
則有山曰華山又與五嶽相埒曰自命曰五華
長蓋自誇其勝若據此為家山也者曰此可與

太華少華玉華諸山相顧頡爭奇乎乃不自意
天壤間復有一山與之同名若符合者又不自
意他日官輟與此山適相值如遇故人也者今
上御極之歲為戊辰龍飛首科先生遂登茲榜
成進士中銓得授竟陵令竟陵為世宗肅皇
帝躍龍之地其形勝甲天下而境內亦有山曰
五華焉相傳為神農氏封域祠宇蔚然如魯靈
光其旁有洗墨池色正黑巒峯蔥蒼千巖萬壑
競秀爭流極泉石之勝而山名適與公之號符
亦甚奇矣公下車入境式兒童父老竹馬之迎

卷五

首問民所疾苦以次諮訪土風及察境內山川
奇勝得茲山異之躍而言曰是何名與吾號適
相脗合若此豈其識耶昔白居易為香山耆老
會乃不自號香山而號樂天子瞻耕於黃之東
坡乃遂自號曰東坡然非名山大川又非身生
其地亦非素所自號而適與宦跡合者也吾今
生於華山以五華為號而宦遊之地寔有五華
山以湊合之是古人夢想神遊翹首企足而不
可得者乃今一旦得之豈非天所命耶於是賓
佐僚友相與置酒張樂而樂之又從而歌之曰

華山蒼蒼隣水之鄉華山岌岌竟陵之邑公來
是邦適與山值顯名榮號剖符而勒竟耶鄰耶
孰云兩域天耶人耶是誰之姻地効其靈天相
之默人傑地靈為邦之式於時政閑簾卷吏散
鳥啼間策杖履時一登躋景高山之仰止挹翠
黛之霏微噓以仁風霈以甘雨父老子弟熙熙
向化和氣薰蒸有不知竟陵為鄰水而鄰水為
竟陵者矣余鄰邑熊明府昆季欲作五華圖以
壽公書來介余作頌因得悉公仁明慈惠腴人
耳根無論近代即古循良得未曾有方今聖

卷六

明在宥究心民牧博採良吏聞公治行旦晚徵
書賁道入對青蒲進而補衮進而具瞻異日裁
邑乘者方且謂竟陵以五華重而通國士人又
咸以五華為甘棠則五華又寔以公重薄海內
外仰望名號如仰太華即嵩衡泰岱遜不敢伯
仲寧直不腆竟陵借公生色已哉太白詩云太
華峯頭玉井蓮花開十丈藕如船得而食之者
為上僊公挾有兩五華則此十丈蓮如船藕不
難擷取以供甘毳將無如李鄴侯領取十年宰
相而後乃今為雙鳧為飛鳥令千載而下即公

起家地志竟陵有僊令不益徵此號信天所命
不虛設爾爾哉予未得識韓以輕萬戶而知熊
明府昆季不阿私所好心儀公非凡品故敢以
是為公頌竊自比於魯僊不知其帚之敝矣

壽蔣母黃太宜人八十序

古者頌行不出閭其壽亦不經見而獨魯頌言
壽母後漢書乃有登堂拜母如范張交未聞侈
為文也自文生於情而後世始有榆楊頌述之
者要使其行著於彤管而祝釐於神無愧辭則
今之蔣母黃宜人是已余不逮拜母安知宜人
知宜人自其子繕部君余濫亞冬官適土木勝
民罷於征繕時宜人子亦列在郎曹為僚屬稔
知其人蘭茁玉踰澗停嶽立翩翩材大夫也而
又有子為宜人元孫業已薦賢書稱孝廉矣宜
人盖大有造於世去云宜人人生而淑慎載其德
歸于蔣為贈君逸齋公頌贈君固曜然蕭然而
姑又番番然也宜人人事若姑寢膳烹飪寒暄之
適靡所不當意至取中帟自浣濯不減萬石君
事真丈夫女矣贈君少耽讀宜人緝絲枲佐之
讀已而又力耕宜人操井臼佐之至若贈君之
緩急父客驩交游補軍餉皆宜人佐之各井井
辦而業日落矣乃不忘鹿車如少君而晝夜如
歐陽母迨膳部君之成進士而令永嘉也贈君
相與戒之曰吾自少至老所存活皆有天幸賴

若母貽吾以逸今孺子哀然起徒步自致青雲而長有民社脫以武健勝無乃不堪命乎以故其治多所縱舍修衆庶之和而邑以大治尋用永嘉績封父母如其秩當是時宜人年六十七矣里中人持觴走宜人為壽宜人又嘆曰吾乃一荆布老嫗而孺子方羔雉縣官未有大功可以稱者而天子以一命恩施及而父母而父不少須臾待繁老嫗獨承之何敢舉觴吾日以餘年聽造化以報塞聰子孫耳唯是繕部君由司元而執度揖意公忠以備任使而共濟余固

東莞

知君所為宜人壽者不在承顏在悅志不在涎沫相煦濡在奮身一當令天下稱是母是子也今宜人又八十老矣會天子又覃恩宜人翟第而拜命婆娑受觴益融融洩洩矣向微子若孫則亦與田姬里媼同漸共盡而烏在其履及房第焜煌史冊也是宜人于贈君為能煩于繕部為能母于孝庶又為能母母蓋二姜許穆夫人而下所未有者而宜人兼之矣即令上元黃姑絳僊嬖女之屬各以刀圭進必且叱去為無易此斑斕權也若是則余又安所壽宜人告士

大伯之母云吾能老而已然所言地德民事糾虔潔奉之典魯之君臣至秉為以修於國今子大夫列在冬曹所職事大都相合願扶之以鄉用俾令名無窮而靈壽杖之賜延及樹顙則所以壽宜人者又何隄止耶

東莞

壽內弟徐清之四十初度序

今崇禎丙子之秋八月余內弟徐清之春秋四十矣內外賓朋操壺觴而上華封之祝者履及於室皇軒及於寢門騎及於金昌之市范子亦持一端綺尾珠履之後塵旅進旅退逡巡而不敢前客望見而叱之曰彼何為者耶有龐眉黃髮皤然而杖者曰是乃致清之於四十年者也舉手而招之曰子來前微子今安得有四十年清之哉何乃趑趄戶外也范子乃納履於戶歷階而升不盡一級戟手而笑曰快哉清之今日

乃竟稱四十翁哉已反袂掩面而泣曰嗟乎清之今日乃亦得稱四十翁也客曰夫夫也狂哉今日衆賓客為清之稱萬年之觴堂上樂作懽聲沸然而子躊躇何為者何悲快相隨之速也嗚然者曰是有感於衷者彼其觀盛衰之相仍追初終之閱歷故始而快繼而悲也客曰可得聞乎曰夫孰不聞之夫此四十年者非清之之四十年乃趙武之四十年也非清之之自致之四十年寔夫夫所致於清之之四十年也嗟乎此四十年者何其艱哉然為趙武之四十年易為

清之之四十年難程杵所致於趙武之四十年易夫夫所致於清之之四十年難為趙武之程杵易為清之之程杵難何者下宮之難為戎首者一屠岸賈耳非有趙氏之宗幸其亡而利之也彼其宗趙同趙括趙嬰齊者方且身在刀俎惴惴焉趙宗之不保又安敢染指趙鼎而族之乎方其索兒宮中為程杵者不過抱他人之嬰兒偽告趙氏孤處兩人自為之耳趙宗固無敢泄也且又有韓厥提昧明靈輒鉏麂六七十者為之後先夾輔趙孤何慮哉今事乃有大不然

者太僕公五十未舉子也踰八年而始舉焉岌岌乎其危得之也夫危得之者幾得之也幾之為言得不得未可知之辭也人人而快之矣彼其家擁程卓庾廩充積齒革羽毛盈篋塞棟而春秋之祠祀後無有踵而拜跪者人誰不涎嗜而目眈之曰是且不堂不構不播不穫而人人可得而堂之而構之而播之而穫之者也朝而叩焉姓而便便者若而人乎暮而叩焉就館而製錦粧繡祿者若而人乎見其門有張矢焉而嗒然矣望其堂有壺觴羔雁焉而懼然矣則又

曰是未可知也弱草朝露見日而晞耳則又曰是未可知也是夫有噓疾旦暮人耳未幾而易其簣此一塊血何勞膏斧哉聚族而謀之率群不逞而囂於戶將加刃焉而夫夫以一身捍敵之皇皇然勝其病妻而與之格率飽其橐焉去則又誣非宗焉黜之曰是非我族類有父之者焉吾得而踞之矣夫夫又以口爭之卒又啖鼎而去夫夫者身如布侯從橫矢中逗生耳嗟乎此四十年者非趙武之四十年而清之之四十年也蓋胡越起於室內而戈矛在閭也豈不艱

聖

哉豈不艱哉艱而得之宜其始而快繼而悲也客曰是則然矣然吾聞趙武為程杵服齊衰三年以報其德今清之何如哉皤然者顰蹙而言曰嗟乎世安得有望報之程杵乎然清之每飯意未嘗不在下官也勢格之耳夫已氏儼然在焉雖百趙武何能為今使太僕公須眉復張設衣冠而坐置數人於堂上指而數之曰是嗟夫蔡者是置嬰兒於袴中者視其穎將誰有泚乎乃清之則趨而前曰兒今日得稱四十翁矣父所授產未折一箸視昔有加焉堂之構之者有

人矣播之穫之者有人矣春秋祠而饗而拜跪者有人矣伊誰之力乎則今日之稱文而壽兒者是也使太僕公輟然而咲是乃清之之所以報范子者也夫范子則豈望報乎哉期不媿四十年之地下而已矣客曰善哉吾乃今而得聞此言也范子不望報清之豈忘報乎哉亦善視其後焉可矣請以此觴為清之酌清之曰客之言善吾寔領焉詩云他人有心予忖度之此之謂也其敬舉君之觴

聖

送侍御燕雲沈公滇巡事竣再巡粵東序

代陳樸臺作

余之戾滇也春秋十有四矣輜軒之所詠抱鼓之所徹心計之所周蓋巖邑焉雕題交趾與被髮文身者比屋互居壤枕境錯民之情剛柔異往往武健諸作奸犯科者稍引繩批根輒鳥獸散不難盜潢池兵弄之而又西負濮緬南倚身毒莽刺瓦首集驚雄視耽耽三宣赤白之囊雲飛雷駭關門無結草之固方岳無鈞石之鎮吏茲土者如處甌巢慕惴惴焉朝夕之是危罔敢

案

跳於繩之外而逞於繩之內有司因津竅其節天子念萬里外鞭長不及馬腹險遠號稱難治思得虎視鷹揚之臣以柱後惠文殫罄之乃以沈公往按滇公起家宕渠風著威望至則刈剛佑良吏度不得免聞先聲輒解綬去群不逞之徒不寒而慄公一切以法繩之伏肺石者如聯鷄之足無敢尺寸越馬士競於囂習為不軌有短垣而自踰之青青子矜裂為敗縞公廉得其狀下學使者按治之士稍稍戢其文學行誼之優者褒崇寵異之由是士益砥於行稱彬彬焉

白町之區山多峭峻蜿蜒回互自為城郭又竹箐叢菁草木蒙籠嘯聚良易民緣為奸萑苻竊蒺白晝大都之中剽吏而奪之金鉗子山君如避雨塗無之非是公下檄有司督捕之獲其魁聚而殲旃餘黨解去冠用是熄氓儆安枕免於狗吠之警亡何虎首窺我內地犯我顏行蹂躪我金湯虔劉我人民羽檄星馳龍編夜徹三宣六慰惕馬震動余及公督六郡良家子討之授指將吏月羽分登雲衝震發再戰薄之於江游蒐鼠竄遂得靡旗蠻莫入我版圖罕蓋縛之魔

案

下不煩即暴之牛已駕昆陽之象余之徵惠於公其溥矣先是礦稅詔下遣閹尹董之冠鷄鷄者四出口含天憲手握王權剝削萌黎競恣奢慾披枝腹膚薰天炙手所在而是滇之榮尤虎而冠民之斃於虐斲者澤若蕉咸思食其肉而寢處其皮矣會其巡卒踐更後期衛使者扶之以告榮乃震怒以鐵銀鐺致之杖之百三木囊頭以殉於市六衛士不勝狝兔之憤率軍民共起攻之囊血射天吹脣沸地昆明屋瓦皆震乃火其廬而焚其屍格之不止此亦古今未觀

之變也余及公庶其元具疏聞之上置之於
理民用是以寧而恂恂者用是以戢於時公被
粵東之命脂車秣馬有日矣陟岵而望太夫
人之廬可一葦航乎而以茲故羈其馬首訓督
余以所不及余幸而藉以免於顛覆公之明德
施於滇者若淵藏潤育然澤下尺生上尺無煩
戶告人說而天下已千載期之矣故事省方者
必期而往及水而代得代乃始還報天子議
者謂滇越在萬里必欲候代至歲以為期毋乃
久勞於役賦采薇之率章乎且是以廢格令也

奏

上可其奏令自今按遠方者不必代公乃奉
後命再巡粵東臺史省方不候代自公始此於
法若異而於格若溢公以異政披異數宜矣乃
滇之人猶不能忘情於公曰吾儕小人得按君
而生不者幾括為桑間之白骨曩劉公亦得借
恂留驄騶者再匝歲民至今歌之不休上何
不私裁滇而私之粵乃奪我按君雖後之能繼
其若二天何余曰上置按君滇中即滇中不
失一藜藿即置按君東粵東粵不失一鷹鷂粵
與滇皆天子地相去一丘之貉耳諸公何必

公私夫按君也公其行哉夫庖丁之解牛也批
大卻導大窾因其固然所解數千牛矣而刀刃
若新發於硎乃每至族吾見其難為粵東僻在
南服俗醇而人樸自晉以還稱名士馬今天
子詔罷珠崖民免於剝紂竭澤之苦更可卧而
治視之山箐烟嵐侏僂強悍奚啻倍蓰公於滇
且恢恢乎游刃有餘地矣其難粵哉茲之役舉
而措之而已矣雖然倉公挾醫而行游四方術
隨地輒變顯名天下故參苓以起疴羸而鳩喙
烏首用驅惡疾嘉禾莠莠培覆異施安如公不

奏

以按滇者按粵體相類而措置少差殊乎哉公
往矣敢以是為繞朝之策

送侍御鶴峒周公滇巡事竣并巡東吳序

代陳撫臺作

歲著雍涒灘之病月鶴峒周公按滇將竣役還往按吳脂車秣馬有日矣二三大夫謀所以贈公者相率徵言於余余聞之記曰儒有道途不爭險易之利冬夏不爭陰陽之和故事君軍旅不辟難朝廷不辭賤忠之屬也余觀周公其有馬故事御史代天子省方則御史大夫籍其名酌道里遠近條上之曰某所者某往某所者某往天子報曰可乃行於是周公當往按滇

重刊

滇去中原萬里道里遼絕山川阻深又炎方多瘴雨蜚烟碧波如霧家在夢中杳不可知衡陽之羽低徊不度古所為歌行路難也周公粉榆在豫章螺水去滇杳若天塹萬石君家方廁綸中裙之是眎背子舍而涉蕭條遠道跋履山川踰越險阻非其情矣周公乃奮曰此誰非王之踐土其擇之乎令盡畏羊腸之阪而軼其車誰為天子持斧者彼叱馭者非夫哉遂陞辭而行以七月至嚴暑灼人如炙單車從紅塵中歷鳥道而度良苦矣余勞之郊公問所以治

滇狀余曰夫命使之按於有土也蓋省方之遺意也天子立三階之上持玉斧而授御史俾之狩方岳而慶讓諸侯權莫重焉執之莫或撓之軒之莫或輕之擊之莫或植之故按者所警也非警人者也按者所藉也非藉人者也滇僻在南服其民慄疾而多奸不難以三尺為市鬻首卉裳與端甫章縫弁櫛而處往往武健作奸犯科蓋其天性澤之萑聚宵人焉探丸而脯人之肝赤白之囊日日以傲吏莫敢誰何因墮窳其節蒞茲土者罕奉法循理不聞廉聲蓋法之

重刊

陵遲若十仞之坡而豎夫牧矣故今日之事嚴為政釋斧斤之用而以芒屨遇醜醉愚以為不缺則折譬之牛馬處暑之既至蚩蠻之既多而不能掉其尾非威猛剛摯惡能勝其任而愉快乎公曰否吾聞理禁絲者不控拳救鬪者不搏擊寬之而適以濡威之而適以驟刈剛佑良培苗莠秀去太甚焉其可矣柱後惠文豈其以危法自持要以廢民達王登之春臺耳故法太寬則慢太糾則猛慢則民玩猛則民殘斤斤焉務纖舉以為哲鷹鷂擊之是快其率也東薪

而加濕焉秋荼而加烈焉是其不覆培而民詒
罹者世其幾矣夫號為人上者非民不康又之
為患立而不自克之患苟慎自克又何涸焉故
公之治不厲而威不嚴而肅不戒而成張執樹
表而民莫敢踰焉立陳法紀而民莫敢犯焉滇
素苦盜公戢之而澤無聚蒲矣滇素苦夷公震
之而邊無燧燔矣滇素苦訟公平之而庭無入
矢矣滇素苦飭筭至飲書下石雪其睚眦公一
切去之而仇無售奸矣滇吏苦墮窳公風之而
墨者解綬窮日力矣滇士苦驚凌蕩機公式之
而膠無裂衿毀帶矣蓋不執無撓不軒無輕不
擊無植所謂慎自克以人民者非耶陽鳩之詩
曰淑人君子其儀不忒其儀不忒正是四國公
之謂矣先是沈公按滇及瓜當代議者謂滇越
在萬里代率不至候代至母乃久勞於役賦采
薇之卒章乎遂不候期間而以粵東之命行
公繼之如前 旨尋被按吳之命馬首且東
矣而會羅婺有逆酋者倡亂擁衆數千焚其北
郭以入羽書星馳省會震動公方候 命律高
移檄不俟授指將吏遣兵擊之獲三渠魁以歸

城遂優顧諸脅從駸駸利為寇蟻附之聚徒積
至萬餘及公遣將吏分擊之賊嘯匿山谷間山
多峭峻蜿蜒回互自為城郭又竹箐叢菁草木
蒙籠賊隱見蔽虧其中東西馳騁卒不可得公
方欲便道亟歸持一卮為太公太夫人壽而寧
紓徐埃之必欲得當以報母寧獨以賊遺不倭
蓋公爾忘家焉律高之圍僅數仞備不容足高
不足跛羊賊倖至城下矢交集睥睨間度非石
人不能旬月守公部署良家子以千數分部伍
習技擊弓矢礮石干櫓戈矛各程其力車騎卒
伍各程其材乃躬率衆挺鉞櫓鐸乘陣周視盡
墨守之術衆以兵當陣器械芻糧不移而具銅
焦魚析昏朝詰焉賊偵之尋散去不敢印視孤
城得免於侵危公之力也公真險易不爭途軍
旅不辟難稱於古之儒者何有焉公之長公朱
藩皐蓋稱卓魯龔黃於益部為國寶已若斯而
淵岳之琛復有介弟四海之內盡以為黃星絳
雲神龍朱草倘壯猷為憲吹填吹麓並馳中原
舉四維而太山之君家兼有之矣奚必擊拳鞠
臚之為快已耶余於公有翠竹碧梧之雅於其

行也祖之郊攀觴而屬曰公乘一匹駟入不測之滇當夷獯錯居戎馬倥偬之日公徐而理之不煩指顧神氣優閑而措民於盤石若庖丁之解焉令行復按吳吳故余所治也其俗醇而人樸吏民恂恂奉法惟謹無侏儒強悍之習直卧而治之耳公無難於滇矣其又奚難於吳乎哉公行矣知遊乃無金牛矣乃為之歌以送之歌曰青青之柳兮行拂公之幘兮其甘棠之蔽芾兮習習之條風兮飄公之裾兮其解吾民之愠兮韓韓之車音兮揚紫陌之塵兮其民之式歌

卷五

且舞兮指金碧之嵯嵯霽昆明之森森兮其山高水長千秋萬歲以龜龍兮望屬車之迢迢兮曰攀轅之遲暮戒征夫之遄邁兮恐滇吳之交互余贈策以繞朝兮思東吳之故武持庖刀以批卻兮解千牛其如土願吳民之被膏潤兮庶幾孔邇之父母公悅曰其雖不敏請佩此為常絃歌舉公之觴矣醕三雅而行次其語如左

長洲胡邑侯婁塘德政序

邑大夫之為一方圖人安也無慮弗千秋其貺也乃往往任格於議行歎於心致令上與下各抱咎嗟何美政之寡效若是是非姑待為來年之鷄亦鮮終為道旁之室孰是塗炭切身風霆鼓魄一勞永逸之績不貲而舉不日而觀厥成如我長洲胡邑侯之治婁塘也亦大奇矣夫塘接崑山壤於東西為跋涉之衝於南北為阡陌之限其扼要匪細乃難於隄防而易於頽圯比他所為甚者以吳號澤國水經所謂觸地成川

卷五

長洲受其大半諸水由具區入海者悉會於婁之泚故龍淩雉瀆沙浦陸涇與下流逆折之勢日夜相激突區區一塘為障障潰則水逸寧微陸乘阻險阡陌之卑下者年稍浸皆成瀦民輒有魚鱉之憂而綠林豪客且倚萑苻出沒塘可一日啟哉慨自至和間崑山薄丘公聿新以來日劇月蕩向所為坦然鯁秉者業已若斷若續而議脩亟矣第徵費則苦設法徵力則虞厲民非豫儲幾十萬緡為庀工之具鮮不曲手結舌同敢言治塘者惠徵我侯自礪城移宰長洲撫

字違違凡所利病洞焉燭炤夫既寬賦省刑旌
善殛惡種種畢舉而尤厯懷於營葺每理揖至
唯亭未嘗不撫膺浩歎也去夏輒具牒條請中
丞直指兵使者郡刺史以有事於塘牒報下咸
可之然無奈鳩繕無資何也乃檢得贖鍰及積
歲養燕之精僅不上千金奚啻平地一簣侯乃
毅然集父老而屬之曰婁塘久壞吾甚憂焉其
界崐山者祝侯已新之其界長洲者吾為政吾
不能新將負吾民并負吾塘矣茲與二三子約
好共成之工料尋當辦耳於是卜日經始諸父

墓誌

老分率水師甫事畚鍤當道以割俸倡而鄉紳
孝廉青衿暨里之赴義者輻輳響應各出金錢
米穀以給營作者欣欣胼胝胙土如雲甃石如
城壯哉五十里底於蕩平橋梁自憲濟以下大
小四十餘咸在鼎新不盈歲而告工竣五丁之
役弗捷於此矣且視故武加深廣而堅倍之其
利賴何可勝計夏頌既陂周言如砥侯其有焉
况始事無基持必行之志以捐精感召通都嚮
風樂助勦此不朽其費初虞不給繼反得羨餘
七百金置義田以裕後圖置學田以贍貧士而

對溪寶帶橋傾且得以二百金旁及精誠一鼓
便益俱興經國之猷於是役得一班矣其成之
日邑之童叟式歌以謠同於擊壤謀余一言為
頌余惟我侯寔三楚之望非百里之才出其緒
餘宰嚭城而嚭城治宰長洲而長洲治銓司已
寂侯績 聖天子方虛臺省需侯之又平一方
者又平天下恐長洲不能久借侯惟茲新築嘉
貺千秋則侯無日不在長洲長洲之民亦無日
不仰見侯侯之於長洲殆與婁水供悠若乎余
不敏幸列編氓戴侯之高履侯之厚詠德頌功

墓誌

莫敢後於童叟遂因詢等之委而聊述其槩以
附於里巷歌謠之末云

一卷終

吳趨范允臨長倩氏著

序

異魚圖贊小序

昔周公教成王讀爾雅而孔子訓門人學詩亦曰多識於鳥獸草木之名然則博物洽聞固聖哲所不廢已用脩書破萬卷學擅五車乃以其緒搜剔異聞旁叅稗史譔為異魚圖贊詩出新裁櫟以古語窮極於蚌貝蜃螺細極於鯢鯢鮪鯢竭江羅海括怪囊奇玉屑霏香雅致可誦此

亦爾雅之註脚矣昔張司空博物而百歲老狐千年華表莫逃精鑑懼而夜泣溫嶠難犀而水府畢獻其狀用脩此贊母乃令海藏鮫人散落珠璣江淮水族朝宗學海耶是書向未鏤板臨從友人朱汝脩氏得抄本錄之藏為帳中之秘蓋十載於茲矣滇雲萬里負笈為難中苟偶携聊充枵腹直指周公見而嘉之曰子思論道始於夫婦知能終於鳶飛魚躍而莊子知濠上之鯉魚謂性天之相契用脩所制母乃非道機乎君子對天地樂育群生欲使昆虫草木並暢鳥

獸魚鼈咸若其可以細故忽諸詩紀牧人乃夢而稽諸大人之占曰衆維魚矣寔維豐年魚鱗族也而夢占若此則周宣中興之盛可不想見也乎

文適序

文可選也而不可選文不可選也而可選不可選也者執一已之意見以來拙目之譏彈可選也者就所性之所欣賞以適一時之嗜好故有人適而我不可適我適而人不適者此不可強諧也昔梁昭明聚天下古今之文而與四方名士高下其議論成一家言矣而劉常孟猶有文章一厄之歎蘇子瞻猶有小兒強作解事之譏選果有定論乎哉夫文之格有淺深詞有險易苑林之愛憎人各有心今夫鳥獸蟲魚有肉食者

有粟食者有水土食者有吸飲露而食者假令處之一牢而均飼之稻粱其不叫號而去者鮮矣世之君子選天下古今之文而求合天下人之耳目此何異舉鳥獸蟲魚而均飼之以稻粱乎其不叫號而去者亦鮮矣是蓋適人之適而不自適其適者也故予之選文姑就所嗜好求適其適而已矣昔石季倫作金谷園極宮室之壯觀臺榭之綺麗珎卉奇花充牣其中天下稱名園佳境矣而身未嘗適也陶淵明處衡宇之下蕭然環堵不蔽風日簞歌屢空而高卧北窓

自謂去羲皇不遠此非能自適其適者乎予放曠山澤中既無琴酒之樂又鮮良朋快士相與晤言詠歌每當月夕花晨清宵永晝無以自娛湧取古今文字意所嗜者彙為一編憑几讀之當其快意酣暢可咲可啼可喜可愕處輒拍案推壁歎呼震鄰而不自知也尤表有言饑讀之以當肉寒讀之以當裘孤寂讀之以當友朋幽憂讀之以當金石琴瑟快哉畢人生天壤之樂無以易此矣嘗謂古之達人各有所嗜屈到嗜芰嵇中散嗜琴陶淵明嗜菊菊酒米元章嗜石

卷四

予之所嗜惟書耳故手此一編以自快不啻中即枕中之秘亦各適其適而已皇顧其他乎因自命之曰文適焉

絡緯吟小引

絡緯吟者余細君徐所作也細君生而孱幼善病病輒稱劇顧性頗多慧剪綵刺繡不習而能父母絕憐愛之不欲吾以書史鉛槧之務曰是笄髻者習為婦耳豈欲榛不律應秀才童子科博青紫榮者耶少長間從女師受書輒以病廢經年無幾月親筆札一片紫硯幾成石田矣笄而從余余時為諸生雖屈首公車乎然間以吟詠自喜細君從旁觀焉心竊好之弗能也迨余舉賢書偕計吏上春官而細君閑居寂寂無所

事事漫取唐人韻讀之時一倣效伊唔短章遂能成詠父母見而憐之輒稱善乃雅不欲示人藏之篋笥余歸而碎錦滿囊矣余曰何不遂成之從此汎濫詩書上探漢魏六朝下及唐之初盛已而直邇三百篇根源遂逮楚之騷賦幡然作曰詩在是乎然又不能竟讀不數行頭為岑岑執卷就卧思之移時似有所醒於書不能記憶亦不求甚解而多所悟入如禪宗之不以漸以頓也顧獨不喜子美而私心嚮往長吉曰子美雖號稱大家乃中多俚俗語初學效之不

免入學究一路長吉雖鬼才然怪怪奇奇語多自創深求之上不失漢魏六朝而淺摹之下亦不落中晚豈至庸鄙開宋人門戶耶吾寧伐山而斧缺母牙慧而餽飭故其為許多師心獨造無所沿襲即一字經人口吻輒棄去弗用或時涉生澀於文理有所踈謬弗顧問吐一語雖耳目創驚而暗諧古調譬之天籟自鳴音響成韻又如田夫里姥作勞相和輒中聲律豈敢謂擊轅之歆有應風雅然無弦動操無孔度曲壹似有風因者焉或謂之曰女子不事櫛縱衿纓歲

管線續而顧操弄柔翰吟詠景光棄而蘋藻母乃非訓乎余曰若然則古曹大家漢史班婕妤統扇詞徐賢妃諫疏盡成罪案而所稱姬姜太姒文母伯姬必目不識一丁者耶然則葛覃卷耳諸篇又何以流傳至今也細君曰不然余少而多幽憂之疾父母雖不欲困以詩書而深慕古賢姬名媛英敏明慧似不歆余作懜寐人余竊窺父母志而思成之不幸失哉怙恃遭家不造哀思無所寄托之篇什自陶以抒寫其抑鬱無聊耳豈真欲學古之人彤管流芳者耶且

余性不敏不能十日織一縑五日織一素以佩
悅獻蒞及事暇姑嫜而聊效虛風抱葉作絡緯
悲吟以自比于織婦機杼徐吾燭影底幾哉藉
口季氏之婦而鮮免於山上靡蕪乎余曰有是
哉余細君得以鉛槧代機杼幸不為東海嬾魚
燈矣乃葺其稿付之剞劂以無忘敝帚而顏之
曰絡緯吟識所志也

刻王于媚秀先館集序

當世以經術論士士守帖括作小兒號嘍一經
而外不知韻語為何物固井鼃駭海而夏虫疑
冰矣說者謂公車莠與詞賦分途異軌善之者
如結冰炭於五臟不能無兩傷且等經生言如
嚼蠟遠於干祿矣此殊憤憤夫負薪之女教之
七日而傾吳宮彼於行雲要渺流雪迴風非數
數然也蓋神解妙悟天授之矣必待飛燕而羣
掌上蹇姐而墮梁塵則吳歆楚袖無乃絕見人
間而齟齬折腰彎環裁髻竟無能效顰七盤九
秋何也士患無通才耳才誠裕則浮天淵亦可
濯下泉亦可上之思生松黛才揆煙華牛耳詞
壇齊盟狎主次亦不難射策春官蜚英藻榜不
然彼負薪者將終不能備御下陳而手揮五絃
目送歸鴻寧獨非人也黃之王子媚氏余年家
昆季也文傳夢鳥學重靈蛇髻而舞象冠冕贊
官其於博士業蓋由基之穿葉而庖丁之游刃
矣乃又以其餘傾羣言而漱六藝發為詩歌輒
能軼駕陰鮑方軌沈宋余過齊安江上千媚手
一編示余諸體具備格調高華樂府諸篇樵之

曹劉幾不能辨七言古婉約有致步武初唐五
七言近體延清詹事差足雁行五七言絕昌齡
太白優孟叔敖蓋取格漢魏取才六朝世多惘
惘于媚獨以章縫弱冠得之此非才擅千古知
周萬殊安能辨此誰謂被褐負薪不能追清哇
而赴嚴節也予於此道未能染指而獨於厥旨
稍窺一斑竊嘗歎里耳寡諧黃琴競奏逐臭者
推轂拾遺吠聲者濫觴供奉活剝生輝伴往而
是至齒及曹劉沈宋漢魏齊梁輒掩袖姍笑比
於彤管靡靡之曲滿腹而後不識河廣可為長

卷九

恨故予於俗士絕口不敢言詩乃獨於于媚冥
契不意永嘉之末復聞正始之音王氏自夢澤
公而後世守其業君家墳麓咸能秦雅于媚其
尤也夫子晉傳書青箱代禪荀氏八龍慈明為
宸第五才名亦何必戒驃騎耶嗚呼黃鍾易棄
明月難投跼石無下車之望絕弦傷流水之音
世不以耳聽而以食矣于媚其鑠之琬琰傳之
通都以前茅羔雁異日挾藻木天簪筆金華黼
皇猷而恢帝紘乃知博士非株守一經長才
可耳目並用而西家施不終捧心老芋蘿也其

以范生為知言矣

顧悅菴雙清堂集序

蓋聞珥香貂者七葉乘朱輪者十人則傳龜襲紫代豈乏數而世握靈蛇之珠家秉江淹之彩者指難一二屈非文章巨寶造化忌洩故寧輕授蟬聯而至於踵英嗣華則靳之若織畚守財之虜蓋經國大業不朽盛事世濟其美誠難之難矣唐之李善父子共著才名而不能為韵語杜必簡以詩雄於唐號稱巨擘其技乃有少陵少陵詩固不逮祖也而名乃駕其上唯是稱霸耳牧之起於中晚氣遂衰颯不振固非其苗裔

墓士

矣右丞兄弟並豪於詩而墳麓之奏不能無異音蓋文章繼擅其難若此乃虎林顧思益先生可異焉思益弱冠蜚英譽序癸未舉進士有詩名乃其大王父滄江公以詩崛起其先君子西巖公繼焉思益乘奕世之後踵徽音而嗣之俾大雅朱絃代不絕響流芳胤芬輝映三葉豈非絕盛一時凌跨千古者耶思益之言曰予於詩非敢有知也唯是先君子世業在焉予小子母敢墮厥世故免而效寒蟬之吟以自比於下里謦之鳴鶴在陰不敢不和耳子其為我觀焉得

母過佚前人光否也予取而卒業則見其大絃洪而小絃越也前者吁而後者喟也其清新婉麗則落花之藉芳草而白雪之舞迴風也其流利宏肆則山泉之放溜而江風之怒濤也其渾雄沉勢則頗牧登壇而飽孫吳之畧也其流轉輕快則淵月之沉珠而露花之濯錦也其芳潔艷靚則孔張治教於臨春結綺而太真之咲荔枝也宜主合德之出浴而玉兒之步步蓮花也蓋上之可軼貞觀永徽次亦不失開元天寶嗚呼盛矣美矣觀止矣茂以加矣蓋予嘗讀滄江

墓士

西巖公二集而嘆絕盛者難其繼也詎意琬琰之後乃有天球龍躍鳳鳴復多麟羽舉千秋大業而裴治之亦大異矣夫杜氏祖孫雖世擅詩名乎乃子美偃蹇春官視一第如舉九鼎鄧禹累世貴盛其子孫徒侈華腴膏粱至不能吐墨水一斗有負將軍之腹西巖公身為嘉隆名臣至政祀官而德祀鄉思益復以高第文名繩武奕葉世顯其官劍門瞿塘蒼山洱海四履之地若合轍焉是造化之所厚錫者先生既躬承之造化之所獨靳者先生又互擅之庭列珪組筭

傳綵筆令鄧樞二氏不得哆口揚休嗚呼亦大
偉矣今世之韻左官商字迷根銀者尚得以哇
聲蟬噪自鳴于時灾豫章之木而汚洛陽之紙
乃先生盛美若此其忍秘不以傳是用付之削
剝今世得觀武庫焉思益為先伯父門下士予
與有北海元禮之雅且同官於滇故予叙其集
而為之論次其世如此至美錦而管荊緣之珠
玉而糠粃導之抑又勿論矣

題元定劉年文浮雲編序

楚風之競繇來舊矣而卯金之材獨擅藻於南
服自元定先大夫赤幟苑雄踞漢水雲夢之
濱蔚為淵藪元定繼起振旗鼓而梟張之凌厲
無前為鸞熊飛將此雖弓裘不與亦磊珂而英
多固然哉蓋其五內函牛繡虎聊避世於金馬
方其所極意直冥契太始旁睨六合白眼無當
暇出浮雲一編相眎讀未了崩雷掣電霆怪四
遠決決乎莽互萬里而旂旄縹緲也何物寧馨
有此瑰瑋吾觀其入京書感則鷄肋澹然冲夷
多致神器金臺諸歌崢嶸桀驚精光閃爍真所
謂躍冶新硎早梅一篇清冷奇負秀出等夷李
供奉見之當為咤然吐舌龍舟鰲山觀俘諸什
頌而無調張而有制庶幾哉諷諫之流亞與他
如送別留題過從啣玉促席蕭疎清遠玄言若
眉無之而非開元慶曆遺響也至其憤世疾時
無聊不平歎歎感慨之致時時噴激毫端以彼
其才而徒倚白榆宜篇中三致意乎楚自三閭
創始而騷壇隆起入國朝來乃有夢澤明卿
諸君丕振大雅而江漢宗依以予觀于元定接

武羽翼其在斯與昔徵君厭薄五斗曠懷達襟
每形之詩辭間悠然見南山仰視浮雲白千載
而下不可多覩元定斯編也得無象之然乎其
品尚矣其品尚矣

卷五

謝洪伯寓吳草小引

夫文章之技昔人等之雕虫彼合組織錦動恂
宮商猶復如是况文成俳偶藝類倡優者耶伏
櫪老驥不忘千里丈夫須眉六尺不圓畫天而
方畫地廼握三寸禿穎嗶嘰粉墨以中時好業
已見羞壯夫士不難走東海難越制科而立字
內所束者名耳一日而脫浩淼寧復戀朽槎哉
而肉食者鄙頭上進賢歲鞋猶津津口宋老先
生不休目不辨菽麥口不別淄澠而好詆訶文
章糞壤充幃瓦缶快耳見一二稱說先王輒啞

筆末

然嗤之以為是且抱岐陽石鼓而遲庖犧氏南
面蒼頡諸君典賢書者乎入郢而見冥山服死
骨而駕崑崙之馭計何左也彼蓋自擅於博士
業若趙壘之幟而稷下之喙矣嗟嗟吠日喘月
吳蜀所限豈可罪牛狗哉夫博士業於文章家
固大澤之碧空乎然以肖聖衷摹道旨稱一代
鴻裁此豈小兒號呶所能彷彿婢作夫人終是
舉止羞澁優孟效叔敖焦膺中有楚相經綸耶
夫和之弓垂之矢干將莫邪之劍彼固一物耳
然不得赤堇之銅荆麋之筋燕牛之角陰陽之

母清漳之淬礪諸之砥七柘之幹湛衛之菌簪
拮則束手不能成一技夫精於菑者如是而况
精於文者乎故夫不聞趙簡鈞天之奏不足與
言樂不啻荀勗苻朗之調不足與言味不挾桓
君山之藏不足與言書不窺典墳丘索之奇者
不足與言文駕蹇而希沃若潢汙而望朝宗吾
知其無濟也余友謝洪伯以垂髫時輒已寤寐
先秦醉心兩漢三篋五車充滿佐治之腹間發
為古文詞則屈宋奉鞭簪鄒揚供廚役紙上烟
霞咄咄逼人蓋天孫雲錦陽侯雄濤逋供左右

重七

中書君應接疲矣而詘於法度俯心博士家言
則又極才人之致其凌厲蹀躞之氣時露槩獲
間譬之汗血在廐純鈞函匣神駿精光終不能
掩余按讀之其雄偉奇壯則張龍公之挾九子
而擎青天也其冷爽俊逸則江妃龍女曳輕綃
躡文履吹洞簫而出凌波也其飄忽飛越則匡
石斷郢鼻之壘而風習習列御寇御十八姨而
冷然善也其秀媚婉約則張麗華開曉鏡而畫
雙螺楊妃子見荔枝而嫣然潘家玉兒縛纖彎
而步蓮花也其清芬快利則病文園之渴

食袁家之梨飲雲英之漿忽不知煩熱之若掇
也搃之胸羅武庫佐以錘鑪故能揮異標奇靡
不快意此豈逐臭吠聲學一先生之言枵腹而
譚者同日道哉以此懸秦市之金貴洛陽之紙
奚媿而洪伯輒退然不屑曰吾不幸網青衿屈
首而受約束令英雄氣短吾且為土苴吾且為
芻狗吾且為蘧廬而以求合里耳哉夫陳香山
未知名時為行卷千百大設食飲遍召賓客悉
出行卷付之一日而名滿天下洪伯迺遂欲弁
髦之耶母亦為香山之行卷可矣世豈盡聾瞽

重八

哉老杜有言文章千古事得失寸心知夫既已
劇心鉢腸指摘造化奈何不索解人而令無目
者輕讀之故下生動容於隱璞鍾子拊心於離
絃士重知已而薄感恩良有以也古人文成而
欲傳之通都大邑已又欲藏之名山夫傳之通
都大邑以候識也欲藏之名山則憤世之憤憤
而且還之造化也其寄慨深矣洪伯而未傳之
都邑也其遂秘之山靈乎昔楊子雲著太玄而
自謂後世必有子雲即桓譚侯芭亦謂其必傳
焉呼洪伯而後無洪伯也有洪伯也吾不能知

也其有桓譚侯芭其人也吾可以數計也即不然而以岐陽石鼓謂要無如洪伯何也吾且以青蠅為弔客矣刺凡得四十首顏曰寓吳識地也

吳時可制藝小引

陳子昂初入京未為人知有賣胡琴者稱價百萬豪貴傳視無能辨者子昂突以千緡市之約衆集宣陽里觀其技子昂乃盛陳酒肴置胡琴於前歡宴已畢捧琴徇衆曰某碌碌京塵有文百軸不為人知此樂賤技豈宜留心舉而碎之以其行卷徧贈會者一日而聲華溢都下左太冲為三都賦陸士龍兄弟誚之曰比聞有儉父為三都賦湏其成以覆酒甌左乃求玄晏為之序遂得盛行都人傳寫洛陽高其紙價夫蒼蠅

飛不十步附驥尾而致千里士當其未遇幽隱岩穴非附青雲之士烏能聲施後世哉余友義興吳時可名家子也弱冠能文幽閒自喜苟令焚香而坐效潘岳栽花以遊遂顏其館曰團香所制公車業清芳秀質讀之令人三日齒香駒齒未齊已具千里之足余嘗賞其文曰子汗血矣行而駕崑崙之御矣顧時可家徒負四壁而立意恬淡如一日持行卷而示余曰余所業如里婦倚市門飾新粧而逐時好者耳楚人愛細腰余不難束襟而約帶齊王愛衣紫余不難衣

苗而敗藍宮中好高髻余不難堆雲而監笄余蓋不遺餘力而趨時矣而未得一售豈齊王之門終不好鼓瑟耶世無相知請以青蠅為吊客矣余曰子不見夫鬻蘭膏者乎積而韞之什襲而懷之日號於市道無顧之者走不越百步千步疲矣安得盡執塗之人而告之曰余有蘭膏在乎即芬芳襲裾袂終自媚薌澤耳不若當風而懸之霏其屑而揚其脂雖一丸一甌而香茸數十里人且踵門而索之矣子何不賣信貨哉而自囿於團香也故與其私之不若公之與其

卷五

秘之不若楊之子能不悵千緜以市胡琴又不惜置酒高會示奇於衆又不惜碎胡琴而示以行卷徧贈會者如是而聲華不一日溢都下如陳子昂吾不信也余雖不敏亦當效顰玄晏勉為子序三都余且藉子賦而不朽矣於是悉索武庫以付梓人而以行卷徧示天下此所謂賣信貨者也茲揚無有愛於膏者矣

董元常制義題詞

昔人有言文以窮而益工虞卿不解相印安得春秋今所傳國策一何工也乃知非窮愁不能著書信矣左丘以失明有國語孫子以膾腳列兵法遷蜀懸國門之書囚秦陳說難之策詩三百篇夫孰非賢聖發憤之所作耶董氏自潯陽公起家學士躋位宗伯龍山青芝相繼接武傳龜襲紫珪組蟬聯當其盛時未輪華轂列鼎擎鐘抑何雄也可不謂通耶然宗伯窮時樵蘇不爨至不能脫踐更為縣官所僇辱夫安知有今

卷五

日不窮不足以致宗伯窮何負於人耶乃其後也至中條而失之遭家不造遂以衰落門無翟公之賓戶張羅雀之網荆棘生於庭下胡越起於閭左可不謂窮耶元常以青芝弟傳蚤失其怙執執寡母形影相弔乃屈首受書下帷錐刺十年不窺於園至其為文一字一語嘔心而出非驚人不道非翼聖不談時而雅麗清新如清井浮箋蜀江濯錦時而工緻縝密如機上流黃魚中人素時而雄激悲壯如清茄咽風玄鶴唳月時而流利悠揚如鳴琴寫怨寒澗流澌蓋以

其牢騷不平之感抑鬱無聊之志發而為視舌
揣摩之文如秦之見唾妻嫂儀之受笞楚相且
為說也皆以窮得之夫安得不工耶以此說天
下君王且立取卿相况公車帖括棘園射覆何
難一第耶夫宗伯以窮致通顯今又以其窮貶
元常天道環而無端夫孰知元常之不為宗伯
耶其通也可歧而竦矣昔陳香山名未著乃為
行卷數百大設食飯徧召賓朋授之一日而聲
名滿天下子建好人譏彈其文丁敬禮常作小
文僕植潤飾常謂後世誰相知定吾文者元常
以其文付剗剗今吾序之夫亦歎為香山之行
卷耶吾不能如子建潤飾元常之文而欲使元
常之行卷滿天下有能彈射之者其相知也不
尤愈於讚述之者耶元常為人弱不勝衣呐呐
然如不出諸其口而其為文精贍乃爾人貌榮
名寧有既耶窮之能工文也益信

重刻范孝子傳序 代按君作

余嘗披覽載籍見臧木臧頂效王臣之蹇：憂
哉思岫賦我心之攸：者輒指髮汗青剗腔白
骨艷慕神往愜然如見其人茲奉 詔按滇乘
驄而問俗則聞有所謂王華川吳荆水兩公者
先後卹 命死節其人與骨俱朽矣而其英：
烈：之氣凜然若揭日月而行廟貌猶生光華
不滅余既緝其傳讚編錄訂挾島馬馬付之
殺青鑲七之手乃聞白國有孝子范運告者性
天篤至念其親星遊萍泛棄蟾窟之芬枝而偕

于間閨縹緲為霞裳芰衣之覓重繭累跼萬里
蕭然迺復葫蘆展轉山石不辭茹風飲雪足堦
肱弛挾黃壚以相見此其純衷篤愛與兩公之
牙牙齒劒烈臆貞肝有若天符性契者前學使
者徐君養正傳其行事壽之豫章以不朽其孝
歲久寢沒於蠹魚至漫漶不可句余恐幽芳之
墜地也乃復俾梓氏染松霧以布遐邇令與兩
公並曜千古余惟忠孝一道其竅於天而成於
性者虛圓徑寸麓隙鍼窠寔乾大父大帝之所
鑒而獨於排肝斂髓棲肺鑄胸時即有不可辭

無所逃之真以奔淪淪涌於洞空靈港之府故
指義標命則仲宣父所以詔葉公子高也然而
掛籍離裏者俱圓顧方趾但罵子臣之貌鮮肖
其衷則所為臣貴者不在朝趨夕蹠而惟於遠
沙絕漠以觀其禿節剝刃之勇所為子貴者不
在暮食晨杖而惟於荒烟淡草以眎其孺慕想
冤之仁故由之粟損之車阜之血常悲悲切切
灑灑漓漓於風樹之間而蘇之羶張之舌許之
軀亦烈烈英英炎炎轟轟於邊圉之外彼蓋所
謂不可解無所逃不逾於天而無離其性者也

三

故象組隅帶非忠而隆圭盈缶者為忠類格類
緩非孝而息嗟喘通者為孝檻陳蒲伏非忠而
銜庭探穴者為忠漸冰鏤木非孝而沁心入骸
者為孝若王吳兩公之忠烈范孝子之純篤儻
所謂崩城貫石化血蝕鼎者非耶彼豈若建鼓
而求亡子欲急買聲名於天下者哉余奉有
簡書職在風勵則殷忠隱孝非止在齒吻間獎
形慕影而行且見之彰瘡以對揚天子休命若
范孝子者可式已余故表而之俾忠孝同芳
並顯與斯世還衷循性以遵軌襲懿不徒為額

忠色孝已也

吳贊皇拙園序

語云阜壤林泉寔文思之與府故神藻僊的逸士以之澄心烟島雲林詞人因而奮筆登龍門而成史牘湘潭而賦騷古來才彥靡不藉興江山乞靈巖壑者矣毘陵饒沃野平林而之青丘丹穴欲求遊目騁心籠輟棲月滌文士之塵襟發幽人之濔思者不可得則不得不謀諸園吾戚閔吳贊皇氏以雕龍夢鳥之才挾剪綵生花之筆其臨文作賦豈待泉石輔神松筠協性玩華林以遊思倩遠山而磨階靡乎哉顧塵囂全集

三
集
主
七

不無借潤於滄雲威暑煩侵終賴息陰於濃綠於是手闢名園樸裁奇卉堦叢花藥林響飛嚶珎木連陰芳草如積湖光似舉樹影成車翳蒼藤蘿能令風煙出入葦叢灌莽之吏日月蔽虧豈止楊德祖家惟弱柳殷仲文庭列枯槐已乎贊皇乃謝俗執閨荆扉挾策徃帶經鋤折松針以代塵滴月露而研朱花明月媚開披細帙之文雨散煙飛手弄芸香之卷牛蠅虎僕奇莢錯陳秋水春臺清文迥出較之近市面城攬腸牽慮相去懸矣說者謂其志匿丘園情耽枕漱鶴無

意於輪軒鳥賦音於鐘鼓將遂與松桂為群雲壑成侶耶余曰非也贊皇氏亦聊以湛幽抱搗春華六月息於天池三年著成繁露耳未服芟荷何憂焚裂未友猿鶴奚至怨驚異日對天人銘斧鼎鳳搏九萬水擊三千乃始擁白雲携明月賜鑑湖開綠野則茲園當掃三徑而迎留松菊以待即謂之衛公平泉溫公獨樂可也可遂以北山移文自解耶

三
集
主
七

趙若曾墨浪齋畫冊序

學書者不學晉輒終成下品惟畫亦然宋元諸名家如荆關董范下逮子久叔明巨然子昂矩法森然畫家之宗工巨匠也此皆胸中有書故能自具丘壑今吳人目不識一字不見一古人真蹟而輒師心自創惟塗抹一山一水一草一木即懸之市中以易斗米畫那得佳耶間有取法名公者惟知有一衡山少少彷彿摹擬僅得其形似皮膚而曾不得其神理曰吾學衡山耳殊不知衡山皆取法宋元諸公務得其神髓故

集

能獨擅一代可垂不朽然則吳人何不追遡衡山之祖師而法之乎即不能上追古人下亦不失為衡山矣此意惟雲間諸公知之故文度玄宰元慶諸名士能力追古人各自成家而吳人見而詫之曰此松江派耳嗟乎松江何派惟吳人乃有派耳今觀若曾墨浪齋諸冊筆筆摹擬古人入其堂奧而又不襲一家凡宋元諸公無不得其神理即真之真蹟中一時不能識也雲間諸公且拜下風况吳人乎恐惟可與雲間諸君相鑒賞慎毋輕示吳兒又相與詫之曰此松

江派也

外姑仲母萬太夫人五十壽序

歲壬申華月十七日余外姑五十設饗余將肅酒幣為賀且致祝焉內子顧余曰母氏劬勞昊天罔極懿德未有彰也今之為頌言者姑射修神於冰雪麻姑驚異於蔡經常談耳子曷為叙叙之余曰泉以醴而求其源草以芝而思其根子之為德於范至矣姑因不可忘頌也余因念昔者病同敬通每讀江汜而廢卷范之鬼幾若教矣迨炊臼入夢余思服之勞始不勝左右采烏於時姑方為姑相攸余邀靈柯斧遂委禽七年舉二女又四年而舉子一綫維垂絕之祀文正而下寔式靈之乃兩罹巨寇咏咏者幾膏斧余內不慙不竦具以智免詩曰既明且哲以保其身又曰以燕翼子斯之謂歟而保育周摯寔稟姑訓則姑之德可頌也絡繹集余先荆所行世也余內之歸不矜學殖乃授簡輒通大義而銀鈎鐵畫爰得楷法至其目睨明月手招青霞偶出一語響振金石即古風人不多過焉豈黃絹幼婦直天授耶蓋虱處頭而黑麝食栢而香蒸性染身得姑之教者舊矣則姑之德可頌也

乃若女紅絲枲補紉賓祭之事以及饌飽酒醴芼羹棗栗莖豈粉榆之屬余內以家庭之所聞見者方之舟之泳之游之又何見已蓋自吾歲公捐館以後門戶不落而二三藐孤以時而教育之初不知失怙之艱也姑雅慕朱陳世誼余家一泉玉藻者有媛皆閨秀姑曰尹姑哉納采納幣克成禮不欲以婚媾遺地下憂則姑之德真可頌也已客夏龍舟競渡虎父分符是為余雛誕弥姑一再撫之曰顧茲寧馨其宅相耶吾及見其成也今方卜志而姑且以白髮耄孺局景福稱壽母不益舉觴自慶怡然快吉祥善事哉誕之日子孫之祝於膝前者若干人公族之祝於堂上者若干人三世之承葛聞風而祝於門下者若干人余內子出余言示之魚曰猗歟休哉是可以頌太母矣遂令副墨記之跪而進三爵太夫人忻然而咲曰敬舉君之觴

屠親母老夫人六十華誕序

柔兆攝提格之歲月在園壯哉親母屠夫人春秋六十矣時維秋中月華流彩桂影飄芬肇悅在堂琴尊在戶女若子子若婦妹若姊兄若弟率其甥率其子率其媳相與酌油羹之酒削冰谷之冰雪玉井之藕剝穀城之棗為母稱霞觴而祝無遐之齡樂融融色怡怡矣余子媳懋英母所出也整襟而告余曰吾母誕辰在此月之望姑姊妹兄弟咸乞靈名公之筆墨為吾母華袞吾將率二子兩媳為吾母壽獨無一詞以佐

壽

吾觴媿吾姊若妹矣維翁言語妙天下何惜一舉腕借我天球弘璧乎余惟婦德不踰閭吾何以知夫人之行哉知之以吾媳耳媳之言曰吾母姓陳氏浙之醉李人也幼而歸于屠時有大母秉家政有貫魚之義焉吾母椎髻操作惟謹已而大母棄吾父而掃花天門吾父遂副蓬馬能儀吾大母重而筦鑰巨而蘋藻細而中饋米鹽粗而執爨灑掃靡不身親之為臧獲倡生吾兄弟姊妹凡若而人媳其李也凡訓吾兄弟姊妹無不身為之儀其容雍雍肅肅淵穆以

和閭內外悉稟其令童稚無敢譁者時篝燈熒熒佐吾父讀斜月射窓唧唧機杼聲相應不鷄三喔咿不休吾父賴以舉賢書皆其力也已吾父捐館舍而遺吾藐諸孤吾母撫而訓之幸有成立今曉：頭玉青其子矜矣婦人無他奇行大槩若茲耳余曰有是哉不知其父視其子今不知其母視其女矣女子之生也母教之幽吾媳幽矣其母之幽乎女子之笄也母教之貞吾媳貞矣其母之貞乎女子之行也母教之順吾媳順矣其母之順乎操三德以立身又以俾其

壽

女可不謂大德乎惟大德必壽吾可以卜其無疆矣夫德不茹貴不吐賤善不捐微不萃顯絡秀李氏弱女也值周安東避雨其舍知其貴人也獨與一婢宰羊豕為數十人食飲了不聞聲浚窺而異之欲求為適父兄不許而秀獨委身從之生伯仁兄弟特有令聞秀語之曰吾所以屈節為汝家妾者門戶計耳汝應不惜與我家作親親故周李相親無間遂得方幅齒遇賢哉絡秀可稱女俠矣今屠氏兩龍英：道上頭角歲：為時名賢豈非母之明德遠乎是可以壽

母夫人矣媳乃持吾言而往壽其母曰吾得請于翁以一言為母壽揚吾母徽音甚悉無媿諸姑姊妹母可以觴矣諸姑姊妹視之亦曰是當無讓哉諸名公言母可以觴矣母夫人視之亦曰不腴涼德以辱汝翁汝翁不鄙乃華詞而譽之汝亦勞止戒可以觴矣其敬舉汝之觴

屠尊叔翁嬪黃令人四十初度序

今歲旦月既望攜李文學屠君春秋四十余業已奏蕪牘矣至是其嬪黃令人初筵載開余細君謀所以觴之者而謂余曰吾將竊度索之桃摘嶼峯之棗折大北之栢挈圓丘之桑釣南溟之魚餌東海之巨鰲與麟之脯鳳之臠而佐以中山之酒侑以子之言以為令人壽子其有以與哉范子曰事尚經恒語析體要如子所云大而無當猶河漢之不可極匪所以壽令人也夫度索嶼峯圓丘大北南溟東海皆遠而不可即之地其為物咸異而不可致必是之須則必揆以莊周列寇之詞諧以東方曼倩之譚侈以鄒衍公孫龍之辯然後宓妃可降西王母可臨魏元君可集杜蘭香可要許飛瓊可致而令人可以觴余之言近不下帶遊樊之中一穀音耳適越而求冥山子不達矣余忝葭莩竊聞今人之樂吾為子推本女德原始婦道研核閭政殫述母儀而子試擇之令人為學士葵陽公女弟風有派故通內則列女傳諸書刺繡女紅特其餘事是今人之慧也既歸于屠相厥夫子坤承有

制夫子翔翔澤宮嫺於文詞而令人翊之讀無
狎狀無褻語是令人之敬也事舅姑恪慎牀第
必周饋饌以時柔心抑氣愉其色以侍左右是
令人之孝也令人韶齡盛齒有小星之德姬媵
皆得抱余進御賦彼宵征是令人之不妬也妾
舉一子視如己出撫摩鞠育不啻掌珠是令人
之慈也令人首不藻翹衣不純繡課臧獲奉烝
嘗侍戚畹宗盟斤斤鰥鰥一稟於禮是令人之
儉且勤也夫慧以濬靈敬以翼德孝以聚順不
妬以惠下慈以沛愛儉勤以值本此六者福道
也亦壽道也而令人並蓄儷至衆懿不遺將見
國香入夢玉樹駢羅如詩所謂螽斯羽子孫蟄
蟄者矣將見白首一堂永錫難老如詩所謂山
阜岡陵不騫不崩者矣抑聞之醉李負海帶湖
號稱腴壤桑麻竹箭逞逞而是其山曰五臺曰
秦柱古木鬱蔥率千百年物水名鴛鴦中多鮒
鯉鷗鷺之屬與波上下狎而成群子折其麻勝
於度索之桃嶼峯之棗取其竹箭踰於圓丘之
桑據其古木美於大北之栢魴鯉鱸於巨鰲鷗
鷺之炙甘於鳳脰麟脯而酌彼旨酒味不下於

中山薦余之言覈於莊列東方之詞且也名姝
淑媛宛若宓妃元君諸人聯翩雲集相與執犀
竿箕觥籌令人其弗吐之矣何必荒唐莽葛極
於無垠哉於是余細君授簡緘辭命子若婦往
再拜為壽令人輒然色喜立罄三爵

撫臺薇垣曹公恩綸冊後序

績而錫命 恩以酬勞常耳書不言明試以功車服以庸乎乃至有異績而庸異典殊寵而錫殊庸此不惟賢臣不敢望之 聖主即 聖主不能必之賢臣何也有異績者必其家世挺哲人代承懿範祖孫流譽聚穎川之德星鄉邑稱高戴平輿之月旦叔子則九代清德稚春則七葉素儒或恭睿重規或蕪貞疊軌或書屏而誠或著訓以絕或強項以垂勁節或髡髻而矢柏舟或遷里斷機以教或拊咏持鐃而理用能

三卷九

孕靈毓秀遠紹前休格於皇天簡在上帝食報不爽若取寄償如于公預高門以待孫母聞坎蛇而喜此其著者也哉薇垣曹老公祖起家廷評駁歷中外棘寺則平反不寃庭絕肺石之訟計部則戶口增數民無庚癸之呼守東省而妖民繫頸赤白之囊不驚屏藩翰而逆閹抗顏貂璫之威少霽來撫我吳曾未滿歲而訐謫遠猷累績積區振茲威畧宣其惠和藻鏡官方無廢中之惡焉品裁庶類絕路左之喘牛且復拔園葵而自潔飲吳水以齊清第五倫之臨會稽躬

川馬草鄧伯道之莊吳郡自運家糧化洽行春風澄坐嘯揆厥所自良繇玉葉既積金徽乃傳忠臣入仕孝友當官我曹公之祖則有若龍潭公者雅行超倫清標鎮俗甬中人野之際歛衽邁軼之間絕少分甘有懷孔邇咸景雲棲抗高木食少微輝耀處士星躔我曹公之父則有若東山公者鳴琴弦理製錦絲調驚鶴荷稻梁之惠犬馬蒙惟蓋之恩鳬鳥高蹇鑒刀罷割秣陵之柳尚拂清風陝服之棠猶留美蔭我曹公之祖母則有若王淑人者黃鵠歌殘文鸞影斷節

三卷十

凜劇面粧廢安黃鸞藐孤而特健力存慈母以代嚴君既曰鴻妻亦稱萊婦我曹公之母則有若常淑人者胎毓珪璋苦茹荼藥奉姑承監訓子倖機貞節峻於寒松韶儀毀同碎壁有此令德相仍何難象賢克紹語姬朝之舊族莊武慙顏叙漢代之名門常平掩耀然則未蓋垂雲玄軒肅霧寵賁泉扃思凝松石宜其及矣語云深山大澤必生蛇龍又云子之能仕父教之忠我曹公之慈膺殊典六捧 恩誥豈偶然哉詩稱三錫命易言晝日三接方之蔑矣乃命彤管

潤飾堯言借翰獻羲登之琬琰五色絲綸被貞
珉而不朽九霄雨露拱木以長榮播帝命於
良書不忘君也勒王言於柱石不忘親也手抹
紫泥心馳丹闕兢兢業業職思其居不忘身也
一舉而三善備焉公真能善承世美者矣古稱
純臣一命而偃耳命而僂三命循牆而走我曹
公已奉六命而龍德愈光謙撝益著退然若不
勝衣者可謂榮過七輿恭踰三楮其受未可量
也他日河山之賞帶礪之榮延及苗裔遠映蟬
聯周公拜前魯公拜後政未艾耳豈止六綸三

三義四三

世而已耶臨得與觀華袞受命續貂散附俚言
以當左券

療狂書後序

辛酉春日有鶯從王謝家來飛集余璚瑁梁上
余感玄鳥事有事於高襟取道曲阿謁華陽洞
天寄徑九子山祝釐白嶽自新安江沿流而下
登嚴先生釣臺白雲滿衣清泉在耳一洗塵囂
垢習然時時念內弟清之事不能忘情違山十
里猶聞蟋蟀之聲也抵舍已及葛巾白袷聞簡
栖先生著療狂書數千言未獲寓目至是謁之
則行卷就鏤矣剪西憲殘蠟快讀一過不覺增
慨世道江河極於今日滔々不可挽矣盡如闕

聖

黨之徒必欲使一國之人皆淪胥此水一國之
人皆若狂一國之人皆至於病不可療而後飲
者之意始快嗟乎泉之為既至此耶豈知聖為
狂藥善是惡醫瘡投則桔梗豕苓可以却病服
誤則醍醐甘露可以喪身顧療之之方何如耳
彼闕黨人之狂非夫偶一為之與何幸有熱腸
如先生者不惜咳唾之餘以為萬金良藥療此
不可療之狂夫所持論言、鍼石字、刀圭滿
腸滌藏無非冀其自新理腦解顛靡不極其匡
救其躍治也如彼其鑪錘也如此是何老婆心

切期於必效而後已耶即古良醫用心仁愛當
不過是此豈獨為徐之族哉為一國耳為世道
耳噫此先生著書意也然獨療關黨人狂而使
老夫之牽率至此者直秦越肥瘠視之以為舉
不足療無乃非先生藥世之意乎夫彼老夫者
貴人也其所耽耽於藐孤枕上肉者欲屬厥全
鼎豈但染指一嚮以群公柏臺青鎖之白簡彈
之而不畏以酒民雷震烏鳴之微詞諷之而不
畏此國犬之狂無不瘳者也獨不見其上當路
一書乎其辨謗書謂非謗君父君謂君父可謗

亦謗之而已矣且謂謗止徐郎不謗君父遂以
是為長者事然則不為長者將遂謗君父乎嗚
呼人臣無將將則必誅春秋之義貴人何不聞
焉而所謂收田里所謂處落者止此所謂幽閑
所謂鉏耨非所謂擅筆削權累累連牘夫非天子
事耶方今英明在御皇命維新苟非狂奴
逮夷咸知歸仁嚮義可以放逐田野之臣而欲
行天子事乎斯人之狂更甚吾恐茅摩波流
莫知所屆先生奈何不出一言療之將使其病
日深且以長者之不狂為狂矣先生輟然而笑

曰吾不及貴人耶以常野史之闕大耳子亦以
春秋之筆責余而謂有所隱避其間耶人知夫
療之療而莫知夫不療之療也請書以為後勦

樵班令題詞

此集中文奇古雄沉冲夷爾雅精深華茂清閒
曠逸刻畫鍛鍊脫化迢邁馳騁宏肆簡易春融
無所不有譬之月臨衆水波波見月春行萬國
處處皆春又如齊謳郢調吳歆越吟與夫款乃
輿譟苟一宣聲無不中律又如梨園子弟數部
齊舉簫鼓笙簧錚錚板遂以至魚龍角觝紛紜
嘈嘈均可洞耳駭目因舉伶人俚語戲顏之曰
樵班令此亦足以見文章變幻而可以開性靈
矣古稱文章遊戲三昧又曰以文爲戲余之顏

三昧

大蓋近戲矣夫不戲不足以爲道凡事皆戲而
況文乎庖丁之解牛也郢人之運斤也鸞鳩之
笑大鵬也莊生之文也而莊生之戲也莊生之
戲也而莊生之文也選凡得若干藏之館中聊
以自適不足傳之通都大邑也

珍珠衫傳奇題詞

自古幽歡客愛握雨携雲莫不芳譜詞林艷傳
雅曲或情鍾才韻或誓指河山或私締紅牽或
風窺青瑣然皆香閨弱質玉體元紅合以雅交
聯繇冥契文君以琴心而奔司馬賈午以窻眼
而竊韓香小玉以十字而識李郎崔徽以解圍
而適君瑞初雖枕薦花宵竟則睂齊玉案以亂
始能以正終人情固所恰合天道亦或佑焉未
有狙僧愚氓江湖估客生非疇侶之哀風寡鶯
鳳之契固乃縱淫心於良匠逞狡毒於閨貞佳

三昧

耦思從一而終狂且必百計而亂如暢亭歌客
所傳珍珠衫者珠衫爲陳喜三巧兒私相贈遺
事三巧兒者蔣興哥之耦也陳與蔣兩人皆巨
商各有室家俱稱嫵婉蔣行貨於粵東陳行貨
於襄鄧蔣則新婚惜別睽顧帟房夢繞鶯鶯之
水陳則遠客忘歸浪遊海角冤牽鈇蝶之花三
巧兒樓頭凝睇朝朝錯認幾人船陳喜哥簾外
游韁一顧頓迷傾國色遂構薛姿奇計桃開三
巧芳心藥語勾人惱亂蜂狂蝶浪暗衾潛入混
同濁雨蠻雲可憐白壁無瑕竟被青蠅亂點嗟

乎人孰無婦而乃侵之出爾反爾寧可捫心清
夜致使珠衫跡露棄妻竟罹沈寃無奈天道好
還彼婦互成奇媾是相贈反為相既媾人適以
自媾此固市井狎邪汙人齒頰不足道也豈若
遺珠解珮義合情聯始亂終婚作千古風流話
柄者比耶悞亭歆客傳此非以宣淫導慾寔欲
警世開邪使夫知者不為為者知懼今而後始
信殺人之父者人亦殺其父媾人之妻者人亦
媾其妻天網之不可越他耦之不可亂若此能
無履朝歌而迴轍觀人豕而驚心者乎此所謂

卷十七

歆乃漁歌曲終奏雅子虛詞賦歸正道而論之
者也孔子刪詩不去鄭衛悞亭母乃近之乎

吳趨范允臨長倩氏著

記

重脩虎丘五賢祠記

虎丘之最勝者曰平遠為堂三楹中祀唐宋五君子踞高臨深吞吐萬象風帆雉堞極目無翳即百里外之虞山且為之拱而伏也韋左司白少傅劉賓客俱以禁近刺郡王大理令長洲坡老晚年流寓往來輒憩焉夫此數君子者以騷人為遷客當其南轅也非一麾即手黜耳非傳

舍即萍踪耳而適主詞壇如星辰之麗天後先風調相暎亦若伯仲然俎豆越三十年而其地遂拘為慕葬風淒月冷樹影繽紛蟪蛄聲切五君子或相與臨軒而嘯憑而弔之者誰哉民部燕雲馬公董權許墅感茲額宇瞻彼諸賢慨然捐俸葺而新之余因適然而興曰茲舉也第一堂之廢興乎哉壽地脉而肖山靈匪名賢弗幟無論十洲三島仙伯主之華陽以弘景天台以承禎四明以賀監即近而吾吳支硎鄧尉何山直從姓著而虎丘獨無專屬何也閭廬不以之

墓耶短簿不以之宅耶縱一亭明月頑石點頭生公不以之寺耶迄今而蟻聚鴉棲潦倒於千人之坐則酒而市矣其稍稍稱曠者紅牙檀板按譜徵部流水奏以猶慚白雲留而不去則歌舞而場矣余吳人也以其郊於大國狎而近濫幾不能為茲山解嘲而惟躡屐而上登斯堂也眼界為之廓然眉宇為之偉然即廬山真面目埋沒於塵囂俗垢中者亦若為之滌然豈以帝可捫仙可游置風可御乎哉顧瞻棟樑彷彿其遺貌在焉情與景互合而意與趣俱生借迴合

之奇以幼與我丘壑非五君子決不能有此山者夫名賢之重於郡邑也雖一經宿一留題繞落姓字便添聲價山川為之色飛草木亦覺其流芬而矧署領其中此固几案間物則四公主而東坡客也或謂公餘觴詠民社羈之不若以閑散之身習熟遊之地則坡公主而四公又客也噫河嶽日星長藉不朽孰知其同為四方之客同為一堂之主哉抑余更有思焉茲山之閱人之多矣至唐宋而五君子始顯即五君子之閱世也遠矣至我神廟時而祀於茲山始顯

士貴自樹耳不患不千秋矣海內名山久矣其
虛席待矣

卷三

故城縣重修儒學碑記 代撫臺作

今天子申飭功令廣厲學官責所在有司程功
能繕居息以興文治余邑為景屬高賢大良之
故墟而人文之所奮跡也學官舊廢城之東北
隅戎馬躡之風雨撼之其間脩而路路而脩勒
龜龍之石者凡幾載在文獻可鏡也比者將作
不共學舍復圯龜圻鹿夷觸目而是挾筭結矜
而趨者相與嘆悅群謀葺之蓋有日矣會當事
者憚工費之煩往往中寢萬曆乙未夏邑侯楊
君來蒞敝土顧瞻官牆叢薄相倚惻然傷之曰

卷三

令以近民其親則父母也其尊則師帥也其所
職則教化而俎豆也邑寔有學而坐廢之崩榛
塞途而圯人不戒士無恒居而業無所習師帥
之謂何乃損俸錙為邑士大夫倡屬博士弟子
贊焉於是邑人相率響應捐金日盈醵藻駢臻
梓坊并集麗輝桂楔決月告成左之由殿而廡
而戟門右之由亭而堂而舍而黌門咸與維新
不啻更始始若乃兩坊並樹勢若建標則如砥如
矢濟濟跼跼多士之所率由而出入也雙池相
帶環如拱壁則堂堂洋洋暎星日而涵天光洙

泗之所分流而合派也廼群博士弟子而居業其間鏗鐘考鼓颺奮雲蒸勃乎改觀矣故事創物建庸必紀慮事命日之規為後代式於是學博吳君玉君暨諸生張顯居等千里走楮徵余文為記余惟人才成壞視學校廢興漢初立太學設博士詔郡國舉孝廉而增廣學官弟子諸儒經明者咸得隸學官而雅樂亦盡出獻之三雍有大政事賢良文學與公卿大夫襍議彬彬之盛庶幾乎金口而木舌矣光武間初起太學諸生吏子弟及民以義助作由建武以及本初

四卷五

之元尤留意於斯拓立學舍益置弟子員視西漢有加焉故兩漢之士多碩大光明之才而廣川董子號稱醇儒上承洙泗而下衍濬洛學校之關係人才非渺小也余邑北枕董村為董子下帷地令君茲舉無其有廣川之恩乎夫百志成於居肆百畝易於居田工農之戢其志而安其業若此士何獨不然里父之教其子也已為隆師已為親友矣乃猶必授室而後有寧宇焉軍帥之訓其士也既已分部伍合攻同矣乃猶必拮据家室綢繆牖戶而後有固志焉諸生於

子則肖矣於士則銳矣藉令謂懸疣附贅棄而教養則何異禽犢而痿痺又藉令教之無方養之無地掬茂草於朱扉育鼠狐於環堵則又噓吸不通甘苦不共者也令君茲舉其慈父之善教而良將之善養者乎士遭逢其時其所興起當蒸不後兩漢士宜何以自處也蓋余觀聖人序易先革而後鼎鼎之為言養也宮牆廩餼皆其具也士進養於王家為時鼎鉉其所學亦既革故而鼎新之矣行當應運而興為國家圖鼎建之功庶幾備之家為寔學獻之施為真材

四卷六

今後之觀者不徒嘆天人為絕武且無以咎士而明有司之功也斯亦令君孳孳程功能繕居息之德意也詩曰濟多士克廣德心余於邑人有厚望哉是役也官不煩業民不廢時決策者侯而董其役者則省祭韓君大有邑告諸生曹應元余書紀其功以志永久焉

新建曲江橋武安王廟碑記 代按臺作

昔杜元凱啟建河橋於富平之津論者謂周所都經賢聖而莫作衆口紛角如聚訟而卒排群議而梁之橋成帝從百官臨會其上舉杯而屬預曰非君橋不立也乃知非常之原黎民懼焉非一世矣國家方興延袤原隰阜壤沈湮沮洳錯焉如繡而水居其七山陵谿谷之地百不當一也川澤陂池之地十不當一也江淮吳越三江五湖表裏襟帶民生其間揭厲便習長年閑於刺舟牙檣錦纜綠鷁蕙梵駛若鷺乃雁齒

四卷七

龜浮虹垂星應壤接而鱗比焉豈顧高高下下以罷其民夫亦是河屬梁之是賴以免於寨裳濡軌不然陽侯怒而天吳震飛鳥危而帆檣絕民安得不胥而魚耶西南之國滇為大滇固非澤國也度索尋橦不講於剡木杭蒿之利乃昆明池水藩屏身毒漢武寫之以習水戰思委食焉固非拂埃而楊埴者矣夫安得廢遼沮而不梁也句町之陽有曲江焉去郡九十里而遙其源出青蛉弄棟由嶠倪而入盤江匯為巨浸夏秋雨集山泉會之騰涌澎湃瀾浩湏漲

無端白鷺寒飛雪濤山立行者輒假舳舻以濟僅如刀馬榜人不戒於水中沉而膠之而波之而迅之風伯鼓颺孟婆搗虐舟不沒者一板民隨波而流墜於魚腹死者以國量乎澤若焦川中之骨可掬也余奉命按滇蒞其境問民所疾苦父老以告曰苦墊河為之厲歲溺者以百數若河伯之娶婦焉民無如河何矣坐視懷襄而莫救如吏何余是以有沈石之想會鄉大夫王公思民包公見捷從吏之捐其橐以助固非若群喙之紛角也余亦捐庾廩之半乃鳩工紀

四卷八

材伐石斂土畚鍤齊興衆舉雲集經始於大荒落之歲閏啟牂而告成事焉九為星者幾為柱者幾傍琢石為斜闌曲曲十二望之若渴虹下飲玉池固不敢比於玉梁金柱然得驛嘲潔而從平燦或可拯民於魚鱉耳橋之陽祠漢壽亭侯其上以鎮侯於滇固未涉也乃其子索從武侯濟師烏瀘之役死者以萬河為不流武侯褒其骨而祀之則墊溺之患固侯所戚矣戚之其不拯之乎蘭津之濱有鐵橋焉懸梯織鐵勢若飛虹其上祠武侯以鎮著侯績也關於武侯心

契神合陰相往來安知其鐘鼓不式靈之余故
仿蘭津而祀侯從民志也輪宇炳奕粉櫟複結
物物而為之備令民歲得以牲醴而祈福焉庶
幾搖歌鳥拜侯之靈其默相之俾海若不驚馮
夷安堵蒼蛟白獺歸於其穴牽牛飲馬於萬斯
年矣夫沈玉瘞牲波臣助順鑄牛燃鍊玄冥效
靈以侯之精忠貫日而永莫之其不比於鞭石
豎梁哉廟貌鼎新設醴張樂乃為之歌以侑之
其辭曰河湯湯兮激潏潏濶濶兮懷陵山馮
夷怒兮洪濤翻野渡迂兮遡流難遡流難兮薄

四卷九

白日舟如刀兮衝波出泛中流兮榜人溺沈重
淵兮蛟龍窟川無梁兮渡無人民之墊兮丁此
辰乃駕梁兮河之濱通波陵兮車轡鱗龜浮
兮斷航續祠靈神兮梁之麓神之靈兮亶覆育
長虹堵兮螭龍宿廟貌肅兮燕樂康振金交鼓
兮酌蘭漿神之來兮續紛揚擁長劍兮珮鉞鐔
雲馮馮兮陰肅肅神之鑒兮朱顏頤衰下土兮
殫為戮庇吾民兮祭受福千秋萬歲兮莫陵陸

計部張公重脩白公隄碑記

良二千石之守股肱賢長令之治巖邑輒進三
老而爰諏究利弊而釐舉其巨者惟田功康功
之是即田疇阡陌之戎疆我理其或波翻石壞
障以董澤之蒲河囂金隄填以孟津之土魚龍
呼吸桃花水漲春流壁馬浮湛飽子官舍秋色
此子大夫之能事非關令尹之所勤也若乃奉
璽書而募舟車收緡錢以佐少府猶能賈餘勇
而問其咨捐羨金以脩滌滂則獨有計部張公
耳張公之績不具紀紀其脩白隄之歲著者焉

四卷十

虎丘故有白公隄云白太傅樂天守郡時所築
也其隄自虎丘而至金昌蓋七里而遙俗所謂
山塘者也從塘而望虎丘若層樓出沒烟雲璇
宮紺宇翠微暎帶山容水態屬地索天行旅有
摩踵接絡繹駢闐靡不循塘而濟矣當其盛時
沸天歟吹撲地閉屢牙檣拂鳥錦纜牽烟銀塘
委宛碧樹澄鮮鐘聲扣白雲而欲響塢影入青
漢而長縣或當夜月琉璃之水春風卯色之天
草換青袍之色花開玳瑁之斑則有東都艷女
南國麗娟袿袿綺袂珠履金鈿效邯鄲之躡步

媚趙北之鳴絃金波炤戶玉露曉天駕北渚之
雀舫歛江南之采蓮斯亦一時巨麗儔匹罕妍
者矣白傳既往千載而下滄桑不無遷改或圯
而脩或脩而圯春雨浸淫洪濤漲起磁石駁裂
頽壞堙毀崩崖千尺斷岸數里荒葛冒塗寒流
沒趾塞裳濡足之夫受屢擔負之子莫不呼嗟
道路感歎行李昔之弋林釣渚紫陌芳塵皆掬
而為通池巨浸矣乃有裨衲達賢棄其妻孥舍
厥宅里手執木鈴沿流拜跪或乞酒人或丐商
旅施以金錢斗粟寸縷隨付匠石畚鍤雲起築

卷十一

尺則尺築只則只如蝶來蜂釀如鵲巢燕壘然
而工巨力綿一木難支夫傾厦河決川潰聚沙
何補於飛塵雖以韓侯濟倖檀越布金僅能舉
其半址安得全彼九仞覆此一簣哉於時張公
五鹿奉詔算緡舳艫銜尾帆檣蔽空大商巨
賈輸稅而待權者雲集霧擁而公一切及於寬
政所算緡錢如額而止而乃縣金鑑之清輝負
水宇之潔望霜情共皎月俱高冰心與湍流爭
激庭無旅幣之陳境絕鄙畝之入酌寒山之泉
采楓江之蓴而已矣然且目擊時艱嗟懷民瘼

謂海湧津梁阻此衣帶不有芳隄涉者安賴白
傳故址宛其如在戒其繼之寧有所愛乎哉乃
採輿誦之徵言哀鈴衲之膜拜捐其餼廩屬之
彼髡髮石糊壤一時鼎新作者奮拳子來惟動
基高固護萬祀千春夫以使君之重而親民間
之細以闢門之紫氣而蕪綠綬之紛紜斯已難
矣於是行者駕有游者接軌隄如宛虹下飲溪
水千齡百尺之汙泥一旦登之於文陸昔日繡
轂朱軒樓船簫鼓依然中聖迷花留連芳塢月
印清波鳴榔曳榜鼓腹便便式歌且舞前有白

卷十一

公後有張父顏隄曰張誰其不不鴻工告竣落
以尊酒范子為文勒此不朽系以短歌如擊瓦
缶歌曰金昌西望兮飛翠流丹有峯如螺兮躍
出雲端表我江左兮曰海湧之山闔廬埋骨兮
草殷石斑白虎蹲其巔兮金闕銀闕張洪濤之
汨沒兮衆濡足而莫前白傳築隄以濟兮若蒼
龍之蜿蜒牙檣錦纜兮亘彼長川月夕花晨兮
簫鼓盡船延及後季兮水齧騰穿石剝土湮兮
孤蓬委填行者揭厲兮居者波掀誰其葺之兮
張公曰銓登辰龍之髯榜兮產五鹿之故阡持

簞而權於澣墅兮算舟車之緡錢歲祿入而弗
有兮曰吾其舍旃乃鳩傭而慮材兮奮畚鍤之
連翩文石千尺兮矗若雲連版築雄傑兮百祀
弗遷舍舊而新是圖兮撫勝原田轉挂舡扣兮
士女如煙蘭橈桂楫兮舞席歌筵昔日榛崩兮
今者路闢白公張父兮光華比肩文采風流兮
輝映後先歌者載道兮石闕口銜勒之貞珉兮
惟以永年

澣澣江橋記

澣澣江橋者諸葛武侯之所建也江經司城東
北八十五里羅岷山下漢明帝時兵開博南行
者愁怨乃作歌曰漢德廣開不賓度博南越蘭
津渡澣澣為他人渡處舊以竹索為橋後廢至
武侯時欲征孟獲次於澣澣江流斬截無以濟
師圖架飛橋以度而兩山削成萬仞壁立絕巘
刺天旁無岐岫林木蕭森襍離蔚蔚若在霞氣
之表兩崖相去十餘丈幾不能辨牛馬而瀘水
經流其下其色正黑墨汁一江陰沉深不
可測禹貢所謂華陽黑水惟梁州者也其水毒
甚一勺入口便同飲鴆獨孔雀飲之無恙夏而
嵐氣勃蒸彌濛濛布滿巖谷飛鳥低回梯雲
無地其險也如此即使公輸運斤工倕操斧無
所措其手足而安能如度索尋橦之國乎乃其
麓僅有石嘴微布突出水際相錯如趾似有天
巧武侯乃因趾而跨木焉木之上又跨木焉以
鐵纜百餘丈橫亘兩崖穴山而懸之鑲其兩腋
更加板焉遂成輿梁覆以板屋凡十餘楹迤邐
選選如渴虹下飲碧澣乃得濟師所謂五月渡

瀛者此也嗚呼亦危矣哉此若有神運鬼輸非
天生武侯不能初此橋也不然者安能無翼而
飛乎宜孟獲之降心以從所謂將軍從天而下
非虛語耳余以丙午之春較士永昌歷其地乃
得觀此崔魏委宛凜然心悸命從者舍騎而度
余亦出檐帷而行猶慄：危懼若將隕於深淵
其上有武侯祠棟楠雄麗凡巡歷者必具牲醴
謁焉余入祠瞻拜觀武侯廟貌觀：羽扇綢巾
猶有生氣儼若走生仲達時也真神人哉父老
為余言武侯之後更遭兵燹橋燬而復成者凡
幾矣乃猶循其舊軌不失尺寸千載如新此猶
八陣圖石亂布江濱洪濤巨浸不能轉易與此
橋並不朽矣余解官後二十餘年而慰堂張公
祖以丙子巡方履其地觀茲垂虹天矯絕壁駭
目驚心仰其神略惜其傾圯乃捐貲而重葺之
復繪圖以寫其蹟歌詩而落成之遂使千古奇
構頓復舊觀宏裁巨篇與金鰲玉鍊爭奇闢麗
真武侯之知己哉乃復不鄙愚瞽命臨作記以
紀其事謂臨承乏滇中寂寞久當悉其祥耳臨自
惟短陋淺拙禿管不文安能奉教授簡如吳質

耶且歸夢朦朧不能記其委折聊掇拾舊聞追
憶昔所觀記一二以塞明命珠玉在前覺我形
穢孤衷而蒸其袖馬殊不顯矣

傳

太學生墨川徐翁暨配繆孺人傳

自余垂髫壻徐氏則聞墨川翁以隱德稱家饒園池花木之勝蓋比於素封比長善景文內兄為翁仲孫乙酉同鄉薦乃益習翁行知為雍容博大長者太史公所謂富好行其德者也亡何景文成進士為直指使者而翁以壽終遂以傳語屬不佞臨謂臨知翁雅耳臨肺腑親也其敢以不文辭按狀翁諱封字子慎別號墨川其先系出南州孺子十三世而徙海虞為自教壽又

四卷上

十二世而徙吳郡城是為淵潤生朴所謂尋樂公者也尋樂脩祖業而息之業始日益拓朴生煒及煒煒為南康府幕翁所自出也南康公舉大夫子三翁其仲生而穎敏南康器之曰是能大吾門者其高門乎及長倜儻負氣雖善恭奇羸顧軒軒霞舉不屑屑牙籌會計間比游成均益雍容文酒視世氣如元規塵視倖門若汙池也者遂跳而家食累足仕路或以捧檄諷則謝曰吾奈何以五斗米易一日養且吾兩尊人華巔矣而我乃欲青雲耶斑衣舞執與菽水歡公

且休矣會歲大侵行道多菜色翁計以工得食貧者輸其力而我授之殮不且兩利贖於大人施乎於是做築堤建埭遺意出橐中裝為園城西倚泉石之致役興邑藉以無殍乃以東雅顏其堂嘗謂孟嘗多俠客而乏文梁園饒文士而未雅吾所願歆於斯聚於斯者其大雅君子乎以故一時名勝若文徵仲父子王履吉兄弟逮王子祿湯子重輩咸雅慕之日登斯堂相與嘯歌竟日或至丙夜猶聞敲燈落子聲客有不韻者輒拒之戶外母溷乃公為也生平雅好執文

卷八

牀上積書與屋齊尊彝繪素悉釣致以供玩弄曰吾擁此如南面百城作老蠹魚游萬卷中甚快安能效賈人富兒持籌握算為阿堵奴哉先是翁族居直塘者分隸太倉歲歲更良苦翁為捐金置十頃田以代役屬之里中豪里中豪輒私鬻之以責償於翁翁償之再無難色卒免蒸役焉松陵有負稅而以妻若妹鬻者公見之惻然更予之金為歸其妻而嫁其妹族人有所居數椽為仇家備怨行火翁售之直八百金仍歲出子錢遺之其好樹德類若此生子三悉教之義

方而獨心奇侍御公曰曩所謂高門而待者其若乎蓋翁既陸沉閭里而諸從皆朱輪華轂聯軫結駟不無南北阮之嘆所望以脫迹翔身為門第尤者意特屬侍御公以故嚴擇良師友所為教督加意侍御遂以丙戌成進士為潯陽理稱最按郡國有聲翁之教也翁生春秋八十有五而卒其配為繆孺人繆故周出娠時夢負角者入室光晶晶可鑑覺而占之曰負嫠也角於星為壽其女祥乎乃誕孺人幼閑內則絕無翔行嫚語公媿異之為擇嘉耦最後而得字翁焉

卷之七

既歸則婉嫕勝婦得舅姑歡及南康公暨尤夫人率孺人襄大事甚周歲時伏臘俎豆莫莫如也妯娌雍雍如也家政故旁午乃以力布筦鑰分資諸媵而自董其綱所為樛木小星之誼又穆穆井井如也季子生最晚孺人撫之如已出季子忘異母焉故善刺繡稱針神年九十視聽無爽猶能於燈下為繡文如蘭一夕病作鷄鳴盡漱口誦彌陀而瞑翁所為躬苦茹淡餐祝虔燕飴腴睦姻洽共於赴緩急若渴稱朱家季次風者孺人寔助成之也翁生先孺人二年卒先

之八年視孺人算歲六耳子男三伯諒仲簡叔謙諒為太學生間以子封九江李諸孫四元孝元正元即元俊正即景文公以江州高第拜監察御史者也司馬氏曰余外舅為景文從父則於墨川為翁伯也余居外舅家髮才履額耳手一編不窺戶不及見墨川翁長而習景文蓋恂恂敦文君子庶幾哉比於指樹數馬風乃知翁所斬摩也語有之木有根而水有源乃又曰芝無根醴無源孰信然乎哉非也及觀墨川翁多隱行急於好行其德不私其有所謂人富而仁

卷之七

義附者非耶自翁至景文三世而門始大不於其身於其孫其所培植深矣

雲菴萬公傳

蓋余髮才覆額則耳中時時有所謂履菴先生也者亦無從問識之間從舉子業中讀其文數首淵厚宏博碩大雍容輒心儀之曰此豈宗工鉅匠也耶何用物私而取精多也已從父兄先生指點授業乃知為義興大宗伯萬公則又心儀之思得一觀其人以為快又數十年余已成進士罷官里居在萬山中不問戶外一里有衣冠少年執筐篚而謁見詢之知為余從子必試同舉戊午賢書義興廣文雲菴萬公長君也余

呀然曰得非向所聞履菴先生苗裔耶出其懷中一卷書授余曰此先君雲菴公行畧也余小子幸得與先生稱兩世年家好先君子時時頌說高誼今湓先朝露矣不腆先君之荒丘有麓牲之石在諸名公大人業已不鄙而銘之惟是小傳以累如椽垂之不朽惟先生圖之余受而卒業則知希菴先生寔雲菴公大王父而履菴其從祖父也希菴公又與余伯父中方公同上辛丑春官所謂兩世年家者也余曰信哉用物私而取精多也余童而習之矣其敢藉口不文

乎遂援筆而為之傳公諱德徊字錦倩雲菴其別號也其先為濠上人有諱勝者以元亂徙荆溪而家焉五傳而至璵以孫貴贈少宗伯璵生吉弼古齋訓導桐廬以伯李踵貴歷贈如璵官祠於鄉有丈夫子三長為希菴公諱士亨以嘉靖辛丑魁壁經官稽勲即次為貢士養菴公士安又次則大宗伯文恭公士和所謂履菴先生者也司勳公清芬絕俗質誠自天毀父喪而殞世稱孝焉是生三子長諱曉為存希公卓犖有大度重然諾好施予為博士弟子聲滿不墮其

家聲子四而人人磊落如其父雲菴公其季也剛介更饒之跳地即作虎子英英穎秀氣可食牛所讀書默識成誦有安世之聰文統一稟先民程式唾棄時流秦漢而下不復措意矣存希公喜而摩其巔曰承前烈者其在茲乎十五就督學房公試一出而冠其儕偶房公大奇之觀於棘園弗售時才十六耳會文恭公寢疾存希公侍醫藥如其子晝夜無怠容而公則以孺子知憂悴見於面徘徊一室中歎歎竟夜不交一睫懼一旦泰山頽而梁木壞誰支之也因屏跡

城西研討經史攻苦食淡是不廢於戶庭存希公時躡而窺之聞書聲喜而返而公則從隙中望見泣下沾襟念老人持門戶良苦眈眈望子成立何以慰之也戊子存希公被疾稱篤公憂惶扶侍四閱月不解中衣偏走醫巫卒以不起公哀毀骨立一慟幾絕辛卯繼遭母抗孺人喪苦塊相仍孺慕如一泣痕沾草為之不榮人咸謂萬宗純孝代有其人塚上之栢幾成湘妃淚點矣甲午文戰幾奪元矣以主者爭元相佐侂失之先是宗伯公之壻唐太常閱其卷謂非元

卷三

即魁不者即不可知至是而信文章果不能與命衡耶然公弗以此挫也蓋磨礪以須雖環堵蕭然樵蘇不繼而館穀是資絳帳一開橋門環侍儀山曹方伯諸郎半出其門第五孝廉父事尤謹戶外之車軌於其巷講誦之餘斗酒自勞意泊如也丁酉餼於廩官癸卯捷於圖賞其文者貞石邵公石簣陶公皆雅負知人之鑑者也丁未之役孟太史得其卷奇之欲以冠多士而主司刻意尚平以奇見則公抱瑜屢踴壯心不無少挫乃以其牢騷不平之氣發舒於課先嘗

謂其長君孝廉曰吾懼墮先志故不能不鷄肋此道今以屬汝曹屠蘇偏讓少年若奮即吾奮矣乃不惜鬻貨以延名師躬自訓督之時示以作文讀書要領在磨礪心體光瑩如琉璃屏風一塵不挂道在是矣迨孝廉公得補青衿意乃稍憚而又教以涉世之法在調心定氣無習少年豪舉孝廉凜凜凜凜教不敢若陳咸頭觸屏柱謂大要教調也癸丑南轅精力始耗生平豪飲頓減其平日坐臥一小樓賓從多絕夜半長吁忽忽若失長君百計寬之而公喟然曰吾有三

四卷

未竟耳少失怙恃備嘗艱辛曾不得挂半通之綸以資地下兩親屬在淺土未卜牛眠貸家收責紛如貧不能償十一終以累汝此三未竟也吾有此三未竟而歲月如馳不為吾待吾安得晏然而已耶以故丙辰遂決謁選之計又以偃蹇風塵卧疾燕邸稍愈強起就謁得南通州以歸敝裘蒙茸面目黧黑然猶能賦詩見志有歸篋尚堪圖再舉且開殘卷邁長途之句知此志未衰猶未能忘情技癢也是秋扶疾渡江息羽於崇川之冷暑風簾月榭茂草盈堦而公瑞已

正物學行為先諸士雅化一洗澆漓之習為直指公所器首登薦剡士有訟叔於庭者公呵責之訓以大義令踵門肉袒其人愧悔感泣懷資以謝公峻卻之備脯既絕首肯盤空採芹寒塘之鱣自給而已古齋公有遺訓謂願為好人不願為好官公遵而蹈之無愧所聞矣先是公以病餘戒途間閱委頓歸而酬應筋力益疲雖勉為支吾而語言艱澁手足木彊生平江臨池得二王筆法求者輒與至是絕不復拈弄一片紫硯荒於石田矣會直指公閱撫江上公從於狼

四卷五

山為海風所中疾遂劇適長君捷書至喜而忘其疲益酬答紛沓形神更損長君謁主司歸即扶公歸里然已憊甚迫計偕不得已就道草草畢試急馳歸而公已奄然無起色矣公孝友性成事叔兄如事父幼弟未成立撫而育之即七筋壹食弗與共弗樂也字諸姪以叔為師相與折疑義賞奇文厄酒晤言夜分忘勅公為人油油煦煦飲人以和至是非所關輒毅然介石不少假借正言規切咸悼其嚴然發自滿腦肥腸又人人諒其誠悃也親友遇從款洽竟日青藜

濁酒相對怡然即瓶竭罍傾未厭也生平羞言阿堵耻握牙籌竟不知會計為何事所居數椽僅蔽風雨山田數畝歲儉薄入甌窶不能滿篝為孝廉十餘年足趾不及麗譙半刺不通邑宰人或諷以請謁輒歛襟謝之曰士常貧賤耳奈何以齷齪玷累世清操耶君休矣人常謂公厨中酒類步兵牀上有書類子雲而公事不入宰室則又類澹臺子羽公蓋燕清和介者也嗚呼公以如是之才如是之學如是之行如是之廉貧而竟厄一第以沒天寧沒有聰耶雖然不於

四卷六

其身必於其子孫子如孝廉公天若自有待一旦乘風雲而上為龍為虎若於承綢而擬之竟所未竟顧不易耶公可以瞑矣公以隆慶庚午生以萬曆己未卒計其年僅享中壽子一即孝廉公諱近字行遠娶奉常康侯晉明女女二俱有適其婚嫁姓氏及塋之年月日在狀中不具載載其大者外史氏曰天道無親常與善人又曰公侯之子孫必復其始以余觀於宗伯稽勲兩公積德累行數十餘年而僅僅祥發於其裔脉遠流厚夫豈易哉乃天若靳其年又若靳其

一第齋志地下未究厥施天之報施善人為何如耶世有弱植淺基單門寡學而竟得繩紹襲組榮華至今竟享上壽是遵何德哉倘所謂天道是耶非耶孝廉公以彼其才何處不勉乃永歎祖烈寄慨遺文一何汲汲也積而復溢怒而奮飛以復其始夫孰非公侯之子孫安在其無親不與耶天道恢恢疎而不遺萬公之謂矣

沈文學典詔世犬小傳

典詔既塋之十五年其子循以為墓銘者所以歲諸幽也欲發揚先人之德莫如傳太史公贊留侯云見其圖狀貌如婦人好女子其論田橫則云善畫者莫能圖也今二子之畫無有矣讀其傳猶想見其人二子不以傳傳歟古之孝子色不忘乎目聲不忘乎耳心志嗜欲不忘乎心則循之所以自見其親者亦何往而得忘哉遂以其所撰先人事數百言乞余為傳余讀而悲之為次序其語典詔氏沈諱希夔典詔蓋其字也先晉之襄陵人國初彥禮公以脩行聞數傳生其高祖倫倫生均器均器生士寧以子貴贈京兆尹喜錢塘湖山秀麗遂卜築焉士寧生光祚與余同舉乙未進士歷官至京兆尹典詔所自出也典詔生而清揚秀眉目纔兩週京兆抱擁鄰上投閑睢之詩應聲而和越信宿猶琅琅出諸口稍長舉止端好不逐群兒嬉戲京兆垂紳戴纓輒軒軒亦趨亦步作大官儀止喜文事見京兆染翰即捺觚而前塗畫如意京兆益奇愛之司勳錢公過必摩頂舉手呼為寧馨既訂

朱陳每自慶得快壻六歲就外傳日誦毛詩二百言十歲能畫記史記國策十二下筆千言不遜作者十四手纂尚書講義即先儒有成說必反覆擊刺經義遂冠一時補錢塘諸生諸生弗敢與翔翔也純孝本自天性寢膳清溫罔有渝替京兆嘗抱病舟中典韶亦受病從者相繼死行李慘澹主僕錯愕典韶獨強起晝夜侍湯藥京兆病且劇益復哀號籲天欲赴河身代誠之所格京兆以是得霍然矣生平敢履璞沉豫濯心本騁丘園之耿潔步先哲之高衢藏息典

四卷下九

墳之林綜校翰墨之圃振衣濯足莊拱溫潛於時柏府蘭臺朱轡墨綬莫不披衿領契稱通家交乃脩：乎目睨明月手招青霞寧為落：無為纖：好事家禮懇貨交紫之纓絡直視以白眼令人冷然若夫安節之士鵠策之侶意有所許即黽勉求之無俟數：請也入其室綱紀肅然出見客體恭而骨堅乃其於臧御僕隸仍藹然不一加呵叱斯其嚴以持已寬以及物者歟少苦羸弱不任勞然猶博綜攻文時舉少年成進士者以自勵青燈白杜輒廢寢食於是奄奄

者遂不可起彌留之際猶取素所誦習者以程實學以復嚴訓責志良可悲哉錢夫人割股和藥殆有感於刑子之素也夫斯亦可驗典韶宜字之一端也外史氏曰余與京兆為同籍雁行不知異姓握手相懽共昕夕也而獨不得窺典韶半面讀其子循所刻行狀慨然想見其為人蓋怕怕篤行君子也真可親貌於圖史矣雖然以彼其才何地不勉乃不獲食報於天早邁雲路卒以夭死是遵何德耶天道無親常與善人不能不致疑於典韶矣然有子能勤塗墜茨克

四卷下

續厥緒翩翩驪駒欲向前矣

林母徐孺人傳

語云婦行不出閭吾何以知徐孺人哉知之則以其嗣仁父君云仁父之言曰天降凶於小子弱而喪我先妣勝淑人甲辰我先君又捐館焉予小子幾無以生為矣幸我母徐孺人在庶幾瞻依膝下時奉七箸以若見我兩大人而孺人復舍我去矣八年之內薦致我怙恃吾何以生為哉所恃以不朽我孺人者則有大君子在幸而賜之一言載諸麗牲之石以貢我孺人我孺人寔休嘉而蒙戴之予小子尚有賴焉庶幾哉

白楊生梯丘寵無悲風矣乎則手一編垂涕淚而授之不肯寔孺人之懿行在焉余哀之而為之傳孺人者徐姓同卿私齋林公之如室也其先世居浦之南為望族父南疇公用奇節著好超人之急以長者稱里中里中豪相高之矣娶於張是為張孺人婉孌有令德孺人所自出也孺人生而慧容止溫茂嚴重矜吟言齒不安啓南疇公愛踰其子曰是笄而弁者誰坦王郎之腹哉於是私齋公生三十年且業得計偕矣客覘其門無孤矢以為憂惟太淑人所夙夜慮者

後為大勝淑人既艱乳其敢愛櫻木以憂太淑人乃謀所以抱衾裯里中有稱孺人賢者亟委禽焉然猶未敢朝置諸閨館以居既而鄭太淑人王淑人益習知其賢迎致之禮之如淑人不以小星視以名家子而賢乃孺人則肅肅宵征不敢以燕見也同卿公故食貧雖彈劍絳乎然天性至孝朝夕具甘膳進之兩大母淑人飭孺人檢治之手所調羹弗繁弗敢嘗食也勝淑人御下莊莫敢犯顏色而孺人以和承之如淑人意旨嚮往無弗當一切操執以委孺人淑人弗

親也託其肩鑰佩組自愛雍容而已孺人晨興鷄鳴咿爾輒持歲鉉鑰為諸獲先歲時伏臘中外姻里饋遺倚辦孺人豐約咸中度而淑人乃免於操作也太卿公雅好客客常滿座上輒命脯醢為文酒會至投其轄不顧尚書期而孺人輒咄嗟而具母敢愛簪珥篋笥咸太卿歆而夜堂上燭滅太卿公留覺送客醉二參以歸而猶聞機杼聲軋軋也以故太卿自成進士歷兩都後先幾二十年而皆以孺人從多所褒贊比於鷄鳴脫簪斯太卿所錄委蛇羔羊之節者乎微

孺人安得無間內顧也歲戊寅太卿以給諫留
邸中夜若夢雲霞五色爛如錦天樂作雲中聲
殷於庭則有群仙擁一麟者投諸懷旦而孺人
乳目命之曰麟滕淑人取諸其懷而予之不知
其非所出也人亦不知其所出逮仁父既冠受
室率子婦堂上問寢視膳而孺人遜弗受也曰
而母淑人矣而更母哉耶卒不自明其母也滕
淑人慷慨好施問遺贈卹務出其厚索糶然垂
也而孺人輒翦中襦結脫花勝明月璫實之不
令太卿知也既疾而太卿檢篋中有淑人之編

兮在焉而乃泫然垂涕洟矣性尤慈愛喪兩太
 淑人畫儀盡志襄舉必無憾而後即安事諸母
 視其姊若妹雍雍如也僮僕訢訢如也母見其
 叱詈也者而曰人人母之乎歲在龍蛇膝淑人
 去其帷而太卿復不豫孺人躬視粥藥進之夕
 則椎號頓地祝北斗自代絕而蘇者再矣然竟
 以此致疾孺人雖少廢華俗乎而躬自菲薄晚
 歲奉釋氏食不二簋啖茹衣單安之若素即仁
 父羞脩精紈綺以進一御不再陳也歲時稱觴
 為壽聞樂聲而悲曰子卯不樂太卿公在堂斯

其子卯也大矣娶也未亾人也不以殉其敢御
諸縣至微之南郊有別墅花時請以板輿游而
孺人輒止之曰有太卿之遺訓在幸得不次望
總惟孰敢以治步有離寢門之思其儉約端謹
類此有孫五人統鄰索梨棗而孺人不憚燥濕
撫抱提携晨起操作寢乃罷雖在疾弗間督其
下有程度至米鹽脯醢魚菽必躬飭之而孺人
亦已憊矣先是苦頭風常瞑坐一室中既而患
河魚腹疾仁父善脉家之書日治七劑延名醫
診之所服山鞠窮可一斗而竟弗效遂以疾卒

率之日具湯沐加新衣其上端坐如跣跣弗歌也諸子環而泣乃張目熟視曰母亂我我得正而覺侍太卿淑人地下顧不善耶遂瞑比殯骨體柔和捫其頂蒸如壹似有風因者焉豈釋氏所謂惺悟不由情臨終能轉業者非耶嗚呼得其歸也已矣外史氏曰以余觀於孺人不獨有婦德而兼有婦才焉始以良家子侍巾屨之末至微矣而能勤儉孝敬貞靜自持至秉閭政裕如持門戶勝健婦可不謂能哉人孰不自矜其乳乃出諸襁褓而歸諸淑人無以子也則淑人

之有以子也抑又異矣不自明而又禁人之代
為明情也乎哉乃不習墳典而素閑女訓不精
宗乘而能脫然死生豈非其植根良乎生有令
德歿有令名嗚呼賢矣哉身弗食其報而食諸
地下也其徵麟也夫其踐嘉夢也夫是在孺子
麟矣

貞孝婦屠氏小傳

余乙酉以尚書魁順天鄉試戊子余友董玄宰
與醉李屠思常亦以尚書舉順天其同門師則
余同籍汪程君也已丑上春官玄宰則館余水
清君邸舍與余同研席時余子鉉才五齡耳日
向玄宰館中作童子矣或索梨棗玄宰喜其韶
秀絕憐愛之日蓄餅餌以伺故事上春官者當
合宴其座師玄宰則與思常釀金而宴程君招
余侍其觴酒際玄宰與程君譚余子稱其秀慧
不去口思常听然而咲曰君有令子而不令我
知乎誰家青瑣窓而牽之絲余曰未也屠君曰
吾有季女長令子一歲眉目姣好且有至性余
甚憐之請得與君締絲繆乎玄宰亦躍然起曰
兩君結百歲之懽而可無媒妁乎余請執柯而
從之遂以一言而決又十五年而歸于子舍結
禱廟見果雍雍肅肅如也屠為醉李鼎族甲第
蟬聯而余婦椎髻操作而前初不以貴祿矜其
舅姑執婦道惟謹承吾兩尊人色笑無不得其
惟有甘肫必以進即一齋一匕箸罔敢私諸口
余子丙夜讀書婦篝燈熒熒紡績佐之啾唔聲

與機杼相應逮余子青其子矜而婦不色喜茲
勉勵之始舉一子不育而余適奉 璽書視滇
南學婦收淚而行間關萬里備嘗途味丙午丁
未余聯抱兩孫時襁惟行部不得舍飴美之而
婦與其姑提携撫抱推燥就濕躬自浣濯不以
煩渰媼也既鳳首兵起所在震驚烽火燭天干
戈滿地膏血塗原野雉堞皆飛櫓余日夜捍衛
睥睨拊循將士皇恤其家而婦以一弱女子處
危城之中上衛其姑下哺其胤寸心欲嘔雙背
幾枯蓋擯於死者幾矣婦姑間私相語曰脫城

四卷七

不保賊來就縛可奈何婦曰有死耳願以身代
顏色自如烈大夫剛腸不若也亂方息而余有
閩之役婦懷七月孕蒲伏輿中至沅而育扶持
以歸余中譏口罷官家居室人交謫家有惡犬
當門而信書空咄咄無以為生婦百計圖惟力
為解釋未幾而我宜人忽遭危疾婦日夜籲天
願減其算以延姑姑竟不起婦躑躅號泣五體
投地哀聲動天毀面瘠容狀而後起余行庭不
見總帷淒風空階月冷不勝奉倩之悲時縱情
巖壑流連詩酒以自消其硯礪置家人生產不

問而婦手搯巖鞋之鑰身無僮僕之役內主饋
醬米監外奉師友賓客有截髮畫荻之風而又
能以嚴易慈用母代父訓其子攻苦勤讀莫成
偉儒蓋自吾兒亡後稱未亡人者垂十餘年未
嘗聞其高語疾呼未嘗見其喜容咲色一身而
外十指多糜如此為吾家婦蓋可謂苦之苦難
之難賢之賢者矣歲癸亥婦春秋四十而吾兩
孫相繼游於黌宮親戚賓友相與醵錢為文以
壽兩孫曰外人那知閨內事忍文而赤實吾祖
可無一言以實之余囁嚅者良久不得已姑撮

四卷八

其巔委以為之傳客曰翁而傳婦禮與余曰古
未之聞也然則何以傳之曰人之娶婦患非名
家女名家女矣患其為富貴容無富貴容矣患
其作女公子統袴習無女公子統袴習矣患其
有驕矜舅姑色無驕矜舅姑色矣患其不習勤
苦習勤苦矣患其不善事夫子善事夫子矣患
其不善持門戶主中饋善持門戶主中饋矣患
其不能處危難處危難矣患其不能履冰霜而
吾婦處順處逆居易居險食苦食甘兼是數者
身優為之可不謂賢乎可不謂孝乎貞乎閨有

賢孝貞婦而使泯泯無聞匿德隱賢余之憤憤
與家有名士而三十年不知者何異余故不沿
軌轍而初為之傳若此若曰譽婦之癖與譽兒
之癖等余不能詭辭對矣

翰康館集卷五

吳趨范允臨長倩氏著

墓誌銘

明太學生君栗張公墓誌銘

吾友張君栗卒之三閏月而其仲士毅以實來請銘曰無寒前盟以及地下余讀而傷之曰嗟乎此吾困窮迫阨時石交密友也吾安忍忘其墓哉蓋余少從慎吾張先生受兩戴禮與其諸郎伯仲又有葭萼之雅迨余婚而從婦翁與浦公宦於燕懷吾師已為兵科給諫長余旅食長

安窮愁萬狀君栗伯仲時相過從慰藉勞苦情好甚篤時則有閩中陳履吉益祥粵中袁懋吉學貞同郡徐聲遠應雷周我遺隣孔王孟肅在公陳述之世美暨慎吾張先生養子沈國寶璵與君栗伯仲及余十餘人相率為鹿草之社鹿草者取麋鹿戀豐草之意也維時指青山以為期誓白雲而同侶神情五岳意氣千秋俠骨俱香剛腸共烈或把臂論心或卮酒談藝蓋不知月落烏啼香寒燈灺矣亡何慎吾師以外調行吾婦翁以被謫去而余亦南其馬首各各星分

而別瓶墮縷縻履吉高隱懷月音塵杳然懋吉拂袖歸山不聞近耗聲遠召賦玉樓徒存遺草我遺面壁枯禪久示寂滅國寶化為異物渺焉長往孟肅棄官遠遊將脩浮屠氏之業獨余與君栗伯仲暨述之五六人相依依耳而君栗又舍我而去溘焉朝露人琴俱亡一時鹿草兄弟零落殆盡追惟往事刺腎刺腸弔影悲形寤言永嘆嗚呼吾尚忍忘君栗之墓哉然知君莫余若者是安得辭蓋君栗為我師慎吾公長子初名士弘字容之以避祖諱更名寬然則字曰君

栗君栗生而朗秀少有龍文驥子之目為人沈默蘭靜玉立淵渟東俯自好無吳俗貴家兒夸毘沓拖之習至其讀書嗜古則若齊王之食鷄丙夜篝燈熒熒咿唔聲與喔咿相應其天性也弱冠補博士弟子員試輒先其儕偶已游成均受知馮季兩司成深所器重甲午之役典經者奇其大欲取以冠而主者以沈深抑之君幡然曰是數且奇矣吾安能白首一經與造物者爭衡於五色之日耶遂戢棄經生言博綜千古旁究二氏之學外若重厚少文而中藏宏博無所

不有從游者相與妙析奇致如叩洪鍾而灌醴
醪靡不覺然融然去也居恒恂恂雅馴無疾言
傲色而遇有人間不平事輒扼腕立髮悲歎慷
慨痛飲擊劍有古俠烈丈夫之風雅不喜譁浪
嘯傲及吹簫鼓瑟痛博伶僇諸玩弄事所居必
焚香燕坐擁列圖史酒鎗碁局引接勝流又類
古之沈冥有道者其養邃其神全即消遙長世
誰曰不宜而年僅踰艾以卒卒之前預知死期
無昏散恐怖諸相儻所謂乘運恒化者非耶當
吾師為給諫時以直言左遷而君從旁引譬大

義消行吟憔悴之色自浮湛中外薦長外臺而
君代秉家政約勒臧獲戒師藉無內顧以服勤
其官人咸謂無愧名父之子迨我師捐賓客而
君獨力襄大事友於諸舅推甘讓肥且廣給諫
未竟之志而分產以贍兩伯之遺孤婚而授室
字而于歸孀而振乏闔族之終宴而無歸者又
為之給槨穿墳以卹至於躬藥餌以起舅氏之
危疾捐義田以蘇里中之役困通刀布以應素
交之緩急鄉之人嘖嘖張長公賢而君顧不自
伐也先是君艱於胤配宋孺人為置蓮二而竟

不育君趣遣之曰是不有命在天奈何以我故
誤人華茂其有隱德又若此而卒以乏嗣豈非
天哉乙卯之春君病噎膈醫誤投以蒼鞠鬱血
益稿遂不復進飲食遺命以叔弟子應豫為後
蓋以給諫公生嘗以叔氏多男為念耳逮易簀
語不及他惟諄諄給諫生平著述校梓未就屬
後人善成之真所謂至死不遺其親者也生未
嘗屬筆古文詞而時一手裁竿牘則又爾雅多
晉人之致顧深自韜戢銚耀不欲如時輩噉名
客以故人罕傳者所葦有酒史學圃憲說諸書

行世而給諫公琅玕代醉編亦多所贊禪染指
一嚮旨其全鼎矣晚歲又欲廣蒐海內郡邑志
乘做班固地理志以補職方之未備而竟齋志
以歿惜哉君以嘉靖癸亥八月之三日生以萬
曆乙卯閏八月之七日卒享年五十有三婚嫁
氏族詳君仲氏所其實中不復載為君後者以
其冬十一月之十有二日卜塋君於葑溪子字
圻之新阡而余為之銘銘曰予之才遇且蒿樹
之德報不食伯道延劉賁陟其人往名無數葑
之陽閔玄宅卜兆永千秋爽君安之無迫戚我

宋銘素車式有不信眎茲石

五卷五

明兵部職方郎沈延甫元配王安人墓誌銘

余乙未成進士居長安邸所善同門友沈君延甫時策款段過從抵掌竟日相得甚驩也顧察沈君色愀然有若欲吐而嚙其舌者余迫之乃為言其配王安人狀垂涕洟者久之曰此余所茹檠飲荼相對而泣牛衣者也余莫邀一命假翟弗以酬其糟糠而今已矣不能待矣余幸脫青衿而白楊已蕭蕭矣所賴大君子哀憐而賜之一言勒諸麗牲之石以附不朽庶幾藉手報

五卷六

地下乎乃出其行畧一編稽首而拜余讀未竟而不知涕之何從矣其忍以不文辭乃拾筆而為之誌按狀安人姓王氏世居錢塘里其先有為鹽轉運使者塋於五雲山之麓以其墓顛數傳至玉溪公用經術起家二千石從大成討逆濠有功玉溪公則生南江公是為安人父以質拜成都郡幕其總配汪孺人寔生安人焉安人生而質敏意高不款後人見時習纂組紋繡務精巧絕倫至廢寢食南江公奇之常置膝上口授孝經論語及諸史百家之書輒通其義間蒞

一難多前人所未及南江公益奇之曰誰當吾家道韞者會南江公卒家稍稍落然有慕其家聲願盟朱陳者踵接履錯也而汪孺人念愛女甚執偃蹇之時沈太翁道誠公方為延甫擇令淑願得取婦如王氏女會汪有族吏揣知翁意謂翁曰必欲得賢婦無如王氏女者吾請為翁圖之乃往見汪孺人曰君女淑而從庸夫非先公意請為夫人擇佳婿擇佳婿宜莫如沈即沈即英英如玉山照人非久貧賤者也兩家素知吏忠實不欺殊信之乃聽令通媒約遂委禽焉

五卷七

延甫故晉人太翁用鹽筴起湖中以財自雄因家焉翁性悛急厲聲色家人對之廩廩安人獨委宛承順周事無所忤翁輒為霽顏曰是真名家子太安人性慈好施與柳下以恩勝安人每山意承之務得其懽安人之歸也筭耳或曰是靡靡者又稚將弗閑於家惟太安人亦是慮乃授之歲黹米鹽中饋不戒而習腰臘必時酒醴醢醬必適蓋藏必籍出納必稽度閭必登若女而婦者於時中外嘖嘖稱延甫有婦矣延甫家雖饒於財乎而母敢以私橐潤惟安人亦荆布

是搯無金珠翠羽紈綺象犀之飾延甫有所賓朋文酒或所需藥餌書籍不可明告翁者輒倚辦安人安人為脫簪珥佐之髻為之禿顧終不令延甫鞅鞅也太翁頗神貴麗楊伯醜之術披星曆而談者戶履常滿或有謂延甫不利客奮鵬翼而高其門者在粉榆太翁乃決策令延甫歸就試故國母令久滯青衿會伯子從晉中至遂偕之行脂車秣馬有日矣而延甫以兩尊人瞋然一弱婦形影弔終不忍遽棄天涯意乃持首鼠徘徊久之安人乃歛容謝曰行也懷與安

五卷八

寔敗名籍子徵天之幸一旦脫穎而去其榮寔多吾即履蒼苔之色聽四壁之蛩志願足矣孰與居家相對貧哉乃趣衰促延甫就道延甫歸試輒駕其儕偶名隱隱少動以西安人聞之色喜而薄帷明月空房悲風不無遊子天末之想竟以憂憤成疾無何延甫下第歸而安人疾亦間謂延甫曰子累糧千里志在焚舟吾四望國門有朱紉皂幘而來者必子也而猶然黑貂耶虛有離思矣其幸屈首肯城借一乎乃出其書令伏讀躬自課之佐以續絰鷄鳴風興而夜篝

燈焚燐不息也延甫感其意為下帷發憤晝夜
仡仡目幾為青而安人後損服御治醫藥療之
得不廢延甫愈益自激發曰所不摩奮青雲以
報子勤苦者非夫也歲丁亥春安人以積勞委
頓日嘔血數升病益篤知不起乃執延甫手而
唏噓曰嗟乎君才如干將何患不富貴所恨吾
不及見耳脫不諱誰當繼我者延甫飲泣不能
語安人曰毋泣君不聞英皇乎吾即不敢比往
前古而吾妹氏素聞母訓其才與福具什伯我
者君其善視之猶吾在也吾目瞑矣遂瞑是歲

冬延甫奉尊人命以安人妹總馬今所封安人
者是也安人卒之後一歲延甫領戊子薦於晉
如星家言會贈翁沒復馳還江南凡再上公車
成進士授河南開封李安人以奏最贈儒人又
六年轉令兵部職方主事遇 覃恩贈安人馬
安人舉一女以嘉靖癸亥三月生卒於萬曆之
丁亥五月距其生也二十五年耳男一希夔聘
吏部稽勲司員外心卓錢公女女一適太學心
所吳公子嗣張為邑庠生安人之自出也 缺

墓表

沈母孫太夫人墓表

癸丑秋仲不肖臨輟裝遊武林問六橋明月邈
迤沈生無回於湖上神采秀澈磊落鬚眉蓋慷
慨不侵然諾大夫也班荆定交遂成莫逆顧以
衰經見詢之則太夫人已溘逝匝春秋矣涕而
手一編曰此吾友胡君胤嘉狀吾母者也不孝
將以是冬舉其藁裡而卜上峽圖所以不朽子
盍為我表諸墓焉余曰表也者揭諸地上而章
之者也國制婦人無表表之自君母始吾聞徵

五季

德以信弗信弗遠余與君為未交授契在太天
人後未及登堂而拜也惟是胡君與君為肺腑
之戚能習懿行且質之外家子姓無弗信是可
徵矣請曰胡君之狀而表之表其著者可乎胡
君之狀曰太夫人孫氏父為後山公娶於章生
女二皆有淑行太夫人其次也笄而適煙江沈
君孫沈世稱饒族及煙江君之身遭回祿者再
而三舉累世之構及別業之在吳淞者格而付
諸煨燼當太夫人操井臼時家罄然懸矣王父
澶源君已捐館舍遺兩王母在堂顧王母久不

良於行煙江君又負其五石之軀浮港間里仲
若季才勝衣以食貧為力子糠豆不贍太夫人
號號一弱婦拮据自供晨起煬一竈費無盛煙
旦上兩姑食已退而哺其仲若季已致煙江君
餽於華津洞中蓋晡西未得嘗食也為婦凡七
年而顧姑謝世又二十九年而陸姑亡兩王母
皆鯢齒膳晨羞必身執饋饌視兩姑進食畢乃
退中帟廁踰手自浣澣三十年如一日也太夫
人故嘗乳已舉丈夫子二年在芳歲即為煙江
君採宜子者以進蓋姚母焉姚固醅謹太夫人

五卷二

尤愛持禮秩有加不以嬌媛遇惟恐不怡以損
精氣妨孕字也逮無回甫釋襁褓太夫人即提
携拊抱卧起與俱婚而罷之不知其非已出也
人亦不知其所自出當就外傳太夫人正色遺
之足未離闕而淚已淫淫承睫矣常市兩玕珥
當長息歸邵時無回才一齡即擇其善者緘之
曰是將為孩者委禽地吾女奄無系此也煙江
君中歲棄書挾筴修其業而息之家日益起太
夫人稍稍自愉快佐煙江君好義趨人緩急未
嘗有德色僅得舒其眉宇耳迨晚歲煙江君雅

慕冲舉委其家政歲復薦饑生計日薄無回雖
已厠青衿乎頭角尚未就煙江君忽焉朝露外
纒內迫太夫人偕姚母提挈新婦健持戶樞即
不至如曩時竈烟迷目然益心陶慮研矣先是
太夫人以積瘁故病嘔血已復病疽病淋下三
歲無寧晷至是遂病怔忡凡二年而以舍飴愈
蓋無回舉子女者八晚乃得育二寧馨而太夫
人疾率以是為增減癸卯無回舉於鄉以煙江
君在藁葬不就公車之牒太夫人為邑喜丁未
冬以末疾薨卧無回夫婦掖之而行手進膳藥

五卷三

病良已又五年而疾作無回徧走醫巫窮萬道
而不起竟以是卒卒之日內外相向辟踊成禮
哀感頑稚無非以懿德茂行結在人心有不可
解者耶太夫人性嚴尤好儉素生平無薰沆之
飾春時兩湖熙遊雕輿繡轡珮鳴珞珞花柳相
映無回將以板輿從而太夫人止之曰無以侈
示後也武林俗好佞佛優婆夷踵接於戶無敢
窺左足一闔太夫人之門其壺政整肅如朝典
即方之東海京陵無讓焉溯而述太夫人之行
不能縷指大都奉兩姑以勤能為世勸孝佐夫

子以義能為世勸順鞠支子以恩能為世勸慈
至若銳敏明慧摩畫天下事定成敗於指掌則
又婦女而儒笄髻而冠者也然余猶謂此其細
者耳嘗讀江敦讓婚之表馮衍武達之書而知
妬之於人甚也世非無婦才要難於無妬為德
耳以唐之名相而君威不行於妬婦以隋之英
主而妬風下逮於臣姬喜其甚矣乃若介子推
之妹劉伯玉之妻鬼而猶妬至今津頭風浪尚
能毀粧墮容乃知妬之在婦雖貴賤死生無兩
也豈止入官入朝相並哉然則銳敏明慧適以

五卷三

資其妬耳太夫人以榮華宜子時即進姚母自
副且非徒以名實秉情體悉周至忍不怡以傷
乳至撫他子如已兒懷珍豫聘雪涕遺讀抑何
篤至款洽也此豈謬為煦煦者哉昔二南之風
能使濱漢女子化為至德而當時周召兩公不
能無微言乃知太夫人為世所難度越古人奚
啻尋丈豈必致疑於樛木江沱諸詩乎善哉胡
君之狀太夫人也是可表矣太夫人生於嘉靖
乙丑之十月十有八日卒以萬曆壬子之五月
十一日計其春秋四十有八子一即守正無

回其字也娶曉亭謝公女女二長類賢太夫人
出適憲副甘澤邵公長孫邑學生之綱次類貞
與守正同姚孺人出適封工部主事見石王公
次子國柱孫男二長尤舍聘庶吉士松齡胡公
女次廣微未聘守正將以癸丑臘月二日卜兆
山之原不佞以無回之命回胡君之狀而表
之夫女德不出閭即彤史不得其詳今胡君之
言信而有徵不佞亦舉其大畧藉手報命異日
無回舉南宮以三命榮墓門之楸表太夫人而
章之則有 天子之譽言在不佞之言無庸矣

五卷三

行狀

明太僕寺少卿與蒲徐公暨元配董宜人
行狀

萬曆丁巳歲之竊月余偕內弟清之行山中次鳳皇之麓脩春祀也先婦翁與蒲公暨外姑董宜人之馬鬣在焉草木怨興塚上之柏可把於是婦翁與宜人闕幽宮者八春秋矣內弟泣而告余曰惟吾先大夫之捐賓客也余方呱呱在襁褓不習哭泣安知含殮賴吾姊次而得有茲土以安其魄兆咄哉佳城鬱鬱矣而一片麗牲

五

之石至今缺焉無題其墓者是使吾先君子不得有聞於世也是使先人之骨忽焉與墓草同宿也是大泯吾先君子也則不孝之罪滋大余將謁諸名世作者為傳為碑為志若銘以不朽吾先君子庶幾白楊無蕭蕭敢以狀累姊大吾姊大其圖之不肖則障袂拭淚而言曰嗟乎吾安忍狀吾外舅與姑哉雖然微吾安知吾外舅與姑者蓋吾亦少孤十四而先君捐館舍十五而母氏棄柩柩余則育於外氏從外氏最久故知外氏最詳遂援筆而為之狀公姓徐氏名泰

時先名三錫字叔來後更今名則字曰大來號與蒲其之長洲武丘鄉人也其先為洪都南昌西隴人淳熙間有名壽者以賢良徵典教常熟縣有直塘里子孫因家焉故又為直塘徐氏十傳而至士瑛仕元為成都倅士瑛生公大公大生淵淵生朴朴善計然之策廢箸鬻財於郡為富人朴生耀耀多心計脩業而息之家日以裕所謂雪井公者是也雪井生履祥嘉靖辛丑進士仕為尚璽卿號古石町公之父也古石公有丈夫子六人公其第三子太宜人張所自出也

五

公生而穎異美丰姿白哲如好婦人有子房之譽弱不喜童子戲傲儻負奇角搃搃已偉然有大夫之畧古石公顧而喜之兄弟同研席業公車而公文獨稱善古石公曰此子必元吾宗吾不憂無兒矣十七丁古石公憂奉張宜人以孝謹聞取於董是為若溪大宗伯潯陽公女潯陽公為若之望族甲第如雲至貴倨矣而宜人恂恂卑抑執婦禮甚恭公率宜人旦晚上堂視寢膳太宜人安之曰此真吾佳兒佳婦餘子僅知棗梨耳公以少孤秉家政便已精練如老成人

一切子母出入田產紛糾之務不煩牙籌一覽洞徹老成獲皆握手咋舌不敢欺以私於是內外肅然不苛而理矣時古石初喪公居惟次有章甫玄端而弔者公心疑其狀庶之知為家人子壻即令易衣冠而見捷之几還之前斥而去其英敏如此服闋補博士弟子員試輒先其儕獨甲子領應天鄉薦以兩戴魁其經數上春官不利人稍稍有揶揄之者公乃屏棄聲伎業憤下惟至引錐自刺曰大丈夫不能撝取青紫豎建勛業而懷晏安醜毒守一經老牖下何以生

五卷之

哉羞我世矣於是乃著書陳篋得典謨訓誥之文子史百家之籍伏而讀之期年而業成曰此可以應對公車矣庚辰乃以尚書舉禮部時申文定公持文衡而梁溪孫公為經考得其卷共奇之遂置上第觀政於大司空委輸餉金舟人不戒於火焚其橐悉燼而公設方畧護官餉無虞人以覘其經濟一班矣役旋授工部營繕主事會慈寧宮災議完繕上以將作界之公區畫精詳巨細畢舉暑月不坐乘不張蓋立赤日中指揮匠者上從屏中顧見之曰此何官

也左右以公對上心嘉之比工竣而黃金不糜坤維永奠以勞績進營膳郎中尋有壽陵之役上念前勞復命為植加銜光祿少卿公至則相土宜定高下鳩工役量經費聚財用裁冗濫時勞逸而飢飽之稽勤惰而殿最之民用不煩而工日以就役之興也同舍郎皆議徵商而公力言不便遂罷勿徵蓋商人揣知役興即緣為奸利藉口徵材居間請託領直數萬金經年不報遂成蠹藪公操直居羈就材輸直官得見財商無逋實省金錢十餘萬緡故事諸內

五卷之六

監徒屬悉竄入將作籍中以冒工直而為之首者復扣其常例而分給之十不得五六衆口嗷嗷公晨入操籍而名比暮按籍而精人受其直遂無不均之嘆故事役夫倚居內監之舍衆且萬指即比屋而栖不容其半坐臥風雨中不勝陞楯之苦公捐俸造室百楹以居於是役夫獲有寧宇不聞露處宵啼矣大役繁興民苦疾癘公設醫局藥之而瘳又以疫氣浸淫流傳漸染恐燥濕之不時以傷餘者乃設病局令病者分曹而處民賴以安所全活者萬衆道路歌舞之

當世廟時初建玄宮所糜大官金錢奚啻鉅萬費且不貲蓋舖戶所侵漁商人所乾沒衆狙為政莫敢誰何焉知紀極矣公一切罷之獨操心計革預支之弊杜扣削之端裁冒破之額用輒鳩材得即授直所省金錢動踰數十萬終工不豫計而事辦材不宿購而力完比告成上車駕臨視為之輟然置酒落之六宮扈從無不嘖嘖稱賞遂賜麟服以彰寵異進秩大僕寺少卿仍掌部事而同舍郎已有目攝之者矣蓋公生平慷慨任事直性不疑所病才太高而不能飲其醵時有大議未決諸僚屬含毫相視莫敢先發而公片語立定一揮而成或有所條奏大司空業已屬稿轉以眎公公從旁指摘可否輒為筆削之大司空以為侮已弗善也而會某給事以商事居間者弗聽心憾公乃時令彈射多所謠詠公遂挂冠歸里門歸而一切不問戶外益治園圃親聲伎里有善壘奇石者公令壘為片雲奇峯樵蔣花竹以板輿徜徉其中呼朋嘯飲令童子歌商風應籥之曲其聲遏雲公飲可一斗而醉二參酒後耳熱歌呼嗚嗚

曰人皆謂我老孝廉而我已進賢冠人皆謂我青矚死而我幸已得金紫人生如駒過隙耳吾何不樂哉於是益置酒高會留連池館情盤景遽竟日忘歸獨以暮齡艱嗣高謀之禱不神乃益置姬媵與其宜子而董宜人復善佐之有樸木蠡斯之德後房曳綺衣綺粉白黛黑者動以十計絲竹筦絃日日盈耳而董宜人若弗聞也者更益市宜子者進之最後得廣陵董姬始舉一子岐嶷秀發人皆謂非獨若翁積慶所遭也乃其宜人實有以成之矣宜人十五而歸我婦翁雖出自貴介而靚黹端莊不忘恭儉孝媚尊章潔蠲饒饒和友娣姒不以家貴失婉嫕之度當婦翁為諸生時厯昧旦鷄鳴之晨讀書丙夜篝燈焚焚佐以續絰為女奴倡即徐吾燭跋弗休也而又習知織畜備嘗吾辛手約歲鞋獨操家乘即米鹽瑣屑靡躬弗親臧獲千指無不稟奉約束肅如嚴君握算持籌燭若觀火婦翁曰自吾得宜人而免於拮据內顧使吾得安意受書而成公車業者宜人也自吾得宜人而免於讓婚之書優於魚貫之御使吾不履跡巨人而

下玄鳥者宜人也蓋宜人之德種種即十禿中書君不能殫而獨難於不妬嫉入官之忌英主不能行於其臣絕入朝之嫉良士不能行於其黨而獨吾宜人優為之若不習而能不教而化者故足術也宜人少失母與其姊妹形影相弔私相悲惋淚眼無睛迨為婦持門戶而更多幽憂之疾遂苦病肺病輒痰痰上攻頭岑岑不能舉遂以眩厥謂且以此疾終其身矣而不意疽發於背醫莫可為遂先婦翁而歿嗚呼痛哉自宜人歿後四十日而清之始舉婦翁曰恨不令

妻十一

宜人見之使吾宜人而在金錢繡襦豈必煩吾手探囊中哉愈益思之每當食廢箸潘安仁之悼亡荀奉倩之情死我婦翁不啻過之遂以病歿後宜人七月而歿歿之日清之正在檯中而余婦以哭母幾殆竟不能訣時叔翁納言文江公至翁乃拊牀而執余手謂文江公曰嗟乎余不能臘矣以是藟諸孤累君其為我善視之乃分部家政手條遺書井井不亂事畢而嗚嗚呼痛哉婦翁性強毅不屈外方而內圓雖剛腸疾惡而好成人之美子弟有不善則訓教而化

誨之有一善則又忻忻誘導惟恐不給其有不贍於俯仰者不難割帑以濟撫弟諸孤至於成立婚娶任之人有緩急若以身當委曲維持必脫於難而後敢食飲歲屬大稔道殣相望里無突煙白骨培野公計家而遺之粟計口而餉之糜有能收暴骨者計屍而予之直給槨而瘞之士又復設義田以贍宗姓待公而舉火者若而人其行義好施若此而我宜人復安儉素無綺紈簪珥玩粉飾之好日賦三糜持一孟羹肉數鬻而已婦翁以考績受封手進諭翟宜人僅

妻十二

一再御藏之篋中所衣一皂綈十年不易其自奉涼薄如此而獨分甘於羣下推恩於衆姬其好善周急與婦翁同一意旨是宜子姓蕃昌齊躋上壽而僅得其中以歿嗚呼痛哉婦翁生於嘉靖庚子六月五日卒於萬曆戊戌三月三日享年五十有九宜人生於嘉靖甲辰九月十九日卒於萬曆丁酉七月十日享年五十有四子一溶即清之國子生側室童氏出娶山東道御史沈宏所公珣之女女一董宜人出即余婦封宜人者也孫男一尚幼孫女二一許字江西饒

州守長庚吳公瑞徵子一尚幼清之將以狀乞銘於馮元敏先生而余為陳其槩如此倘先生不鄙而賜之一言以資其三尺之壤毋使隕越焉內弟溶均且不朽不肖臨亦均且不朽

諸封奉直大夫尚寶司少卿芝石徐公行狀

歲在著雍敦牂之秋芝石公終於寢享年九十矣不示維摩之疾竟作華胥之遊其仲太僕公元正奉公喪塋於南宮鄉之吉壤而以狀屬范氏子馬曰子於徐為門壻故悉徐氏之閨諳徐氏之履者莫子若子其條為狀將請當世顯名貴重者銘之臨以為狀也者象也狀其人之生平而象焉者也寫象者丹青而歸之刻木而摹之子孫朝夕羅拜其下稍不肖則且拜他人

之父若祖矣故寫照者必象其貌狀人者必象其人余之狀公不敢為飾詞不敢為誕詞惟其象而已矣公諱仲簡字可之芝石其別號也其先為洪都南昌西隴人宋淳熙中有名壽者以賢良徵典教常熟縣縣有直塘里因家焉故又為直塘徐氏 國初隸直塘於太倉子孫遂守其丘隴世世勿絕十一傳而至拙菴公淵始徙家於長洲之采雲里淵生朴朴雄於貳富而好行其德是為尋樂公尋樂公生燾與燿燿以其子貴封通議大夫世所稱雪井公者也燾任南

康府幕以書禮起家有丈夫子三長曰圭季曰
佳其仲曰封是為墨川翁公之父也配繆氏公
所自出墨川公豪邁俊爽有俠士風其家自尋
樂公而下世修計然之策貲累鉅萬墨川公脩
其業而息之家益以裕適歲大饑乃大治園亭
出粟以贍聚巧石為山奇峯峙立列嶂如屏環
以曲池漣漪清泚池陰有堂顏曰東雅公所宴
息處也地方十許畝而樓橫堂列廊廡回繚欄
楮周接木暎花承無不妍穩位置區畫皆出名
公目匠心營故逶迤衡直闥奧宏深皆曲有與

五卷十五

思又復延致一時名士如文衡山父子王雅宜
兄弟彭孔加仇實父湯子重輩相與觴咏嘯歌
留連竟日蓋雍容文酒矣時芝石公方髫而侍
側豐頤廣額目光瑩瑩子重生平少許可數目
屬之而孔加尤亟稱賞乃字子重謂而有令女
不欲昏凡兒徐氏即英英者殊非凡兒公何不
以而女字坐令失此快婿乎子重首肯遂委禽
焉是所謂湯宜人者也芝石公倣儻大度不屑
屑家人生產自湯宜人歸即持歲糴以授一切
米鹽礫屑悉以委之而自為豪舉結客好施性

雅好圖書藝鼎不惜重直以購得則陳列左右
把玩摩挲門無俗賓長者履交於戶日烹鮮擊
肥談宴移晷雖家稍中落而公顧恬愉自快意
豁如也二十五而舉太僕公先是夢三丈夫據
上坐旁一人指其中峨然者曰此而子也以屬
之及太僕生而貌類外王父外王父者湯子重
也公心喜曰得迨名士乎然頗善病百計保護
之甫長為擇傳嚴訓督招吳中才蘊之士為文
社脯修餼資不給湯宜人難脫簪珥佐之乃
試有司十往十返卒不售而芝石公不免踐更

五卷十六

奔命無寧晷產日益落即東雅堂幾易姓矣而
太僕公時時嘆憤欲罷業念王父母春秋高動
吾再世不得一青衿以報謂繼述者何乃益發
憤下帷夜雨青燈泣數行下而芝石公好言懌
藉之曰兒嘗言李子坎壈馮唐不遇兒自謂孰
與二氏才彼二氏卒俱困何嘗兒也而憤憤者
且不見東鄰子歟而宇西鄰子老而垂髫乎亦
各命耳兒欲罷業則業之尤矣其如命何兒勉
之矣辛巳乃補博士弟子員公曰吾所望兒者
非止此也乙酉舉於鄉丙戌成進士觀政於廷

尉不獲稱公六十觴而芝石公乃更益自喜貽書誠勉之以官箴人品為最贖累疊也而太僕公用飭於官公訓之矣丁亥授九江司李捧轡還里門芝石公率之拜王父母堂下奉章服進之而喜可知已庚寅以績最封芝石公如其官已又改御史董長蘆鯨長蘆去其邸僅一再宿可時時往來覆視故例得携家公念太僕公未有胤嗣乃率其子婦於京閱兩月意不憚曰吾少年役長安習其形勝今風塵不似曩時吾豈以泉聲山色易車輪馬足哉趣裝歸矣兒勉

五卷十七

勲職事以報國恩母久恩公為也丙申以役竣請告歸而公政七十始得以萊綵稱觴時太宜人亦垂垂華頂雙白並榮歲時宴會烏紗繡服翟翹霞帔爛爾相輝吳人傳羨嗟慕用為累德訓子者勸焉蓋娛侍者三載會臺使者員缺大中丞徵召甚嚴勉就道尋奉璽書按宣大甫閱歲而太宜人訃至矣太僕從馳奔赴強顏慰公而公執手唏噓追念疇昔相對泣也太僕念公衰年獨處內乏姬侍即燈闌酒醒香燼茶寒誰察冷煖者吾而去左右彼滌廁愉者何人

哉既免喪意欲終養而公遽止之曰而以寒賤致身通顯君恩之未報而顧其私耶往哉勿老人念乃入覲補福建道會臬恩封公官如御史甲辰按江右公祖之道道出武林置酒湖上於時柳媚花明波光潏灩公低回汎濫者久之舉杯而屬太僕曰吾子不憶往年辛丑偕遊光景依然湖山如昨人生那可多得哉兕行矣勉之會李父文江公晉大京兆例當引避遂改尚寶少卿而公且八十矣復遇覃恩又封公如其官人以為異數云公雖屢膺榮典而處

五卷十八

之恬如杖屨優游母改布素每遇風日晴好即乘舟興徜徉山水藉草眠花絃竹管絃舞衣歌板興到欣然暇則陳設法書名畫商彝周鼎娛弄送日尤所珍惜者為名人點染佳筵藏之篋笥手澤如新其視牙籌會計數粒析薪相去懸矣先是公艱於得孫而太宜人苦無牛眠之地有善青島家者指和安山之麓曰此其下有真穴塋之當得貴子乃卜太宜人葬而太僕之弟元節遂連舉四子公撫之如掌珠日環繞膝下含飴弄之每花晨月夕臨水登山輒左提右

挈咲語依依人望之若仙焉歲丙辰而公九十矣太僕公與其弟並以六十餘齡率其諸孫子若女聚舞尊前遠近欣慕號稱人瑞而公方怡神健武精爽飛揚耳目之司守官如故日食可粟一升肉二簋他餅餌果栗稱是飲食盱盱如強少年歲舉鄉飲時叅大賓不以老謝而且齒落更生髮白再黑丙夜縱觀聲伎浮白呼盧即清漏迢迢未休也生平無甚疾病即春初瘡發於足稍廢登臨然猶以五日著屐虎丘循涯而觀競渡吳俗以星回節泛舟運渚士女如雲觀

五卷九

收袂服公猶與客乘船縮沂流觀之以斗酒雙柑聽采蓮之曲懽呼引滿不見衰狀唯是歲苦歉蒸鏹金流火五內俱熱公恃強盛袒而露寢寒侵其下體腹隱隱稱痛而六脉平善無他親友有候問者輒舉手談咲言別乃以七月下旬奄然而逝豈釋氏所謂蟬脫道家所稱尸解者耶雖太僕兄弟踴踊悲號哀毀踰節而如此考終亦可自慰矣公雖剛腸疾惡而復坦度夷衷雖面折人過而過則忘焉無貧不親無賤不錄牧監可狎而販夫擔子可偕故人敬而愛之如

趙之日尹之風矣里人有以居停甯者折券加其直再三矣而訟不止吳江易侯怒之當以城旦而公愀然曰此穰穰者為貧耳而重得罪毋乃絕其命耶請於侯而釋之更予之金是夕夢有舁楔入門者一楔而兩童子舁之累累不絕然則公之後楔其可既耶當踐更時邑事繁劇悉以身任無他委大田過洞庭法海寺僧有豪侵地而代償之稅者不敢自明公亟為釐正僧免於暴輸其邁種德若此固宜自食其報榮名華顯父子並躋壽考令終五福駢集而諸孫王

五卷十

立葉茂柯繁振振詵詵繩繩蟄蟄天之報施善人何如哉公以嘉靖之丁亥五月一日生以萬曆之戊午七月二十日卒其配為湯氏封太孺人贈宜人即太僕公之母王太傅大肅公自有志茲不具余惟按太僕公行實而狀其生平以象之苟得象一言而足乃撮其槩而近象者著於篇俟名家采焉至其子孫婚嫁姓字塋地歲月日時則太僕公固已詳之矣

明儀部郎青芝董公行狀

萬曆乙未之冬十月青芝董公以疾終於家春秋在下壽其子廷勛甫九齡未有知也與其母徐宜人孤燈夜雨形影相弔蓋茹荼習慕者十有八年於茲而後乃始克謀窆窆將以癸丑十月舉其槨埋卜上峽於新阡而以不肖為公肺腑之戚知公最深乃屬不肖布之狀將謁諸君子而請銘若碑烏顧不肖材質駑下無所聞於世其何能搢不律為公載質行以圖不朽惟余內子與公為中表兄弟而公配徐宜人又余甥

五卷二

也辱在葭莩即余小子無能為役其又何敢辭公諱嗣成字伯念別號青芝吳興之烏程人也其先世居烏程之梅林里里故有異梅虬枝如蓋可蔭數畝宋高宗南渡時蹕其下五日與羣臣列宴賦詩因改梅林為上林而世猶稱之曰梅林董氏云元末被兵梅遂廢而董氏亦流散無從攷其世有諱辰壽者始徙居潯溪有賢行以蒲輪徵弗就人稱之曰三老董公是為潯南始祖云辰壽生鐸鐸生庠庠生環自辰壽至庠皆孝弟力田無顯者至環乃始用儒術起民間

補縣文學諸生試輒屈其儕偶有聲黌序然以好古多所博外家言與世枘鑿竟抱齊門之瑟不克與計吏偕環生份字用均是為潯陽公以嘉靖辛丑成進士歷官至大宗伯而董氏始顯庸矣份生道醕為龍山公舉萬曆癸未進士官南京工科給事中昏茅宜人為憲副鹿門茅公女寔生公烏公有第五人曰嗣茂嗣昭嗣昉嗣晞嗣章章有異才首諸生籍未第昭舉萬曆乙未進士無祿蚤世而公獨以令聞公生而穎異超群兒始就外傳日誦數千言時大王父潯陽

五卷三

公備聲樂自娛梨園子弟演三元襍劇以鼓吹導狀元至公適侍宴潯陽公携之膝前命曰宣天鼓樂狀元來公應聲曰驀地詔書丞相起時才六七齡耳潯陽公大奇之曰是且履吾武母茅宜人女而儒通古史間摘一二難公公輒應如響無以難也已初試為文鹿門公見之驚曰兒安所得此言何酷類外王父當是吾家宅相耶十四補博士弟子員輒以繼其家聲自奮乃發憤下帷讀不窺閤如仲舒也丙子就省試主司其奇公文已擬置上第會有嫉者格之遂擯

不錄名用是益籍籍起學使者喬公郡守李公最器之三試輒冠多士已卯年二十舉於鄉為第十人明年復舉進士高第入對大廷名且臚傳之矣而會東觀之試報罷遂授禮部儀制司主事公少雅嫻古文詞而以令格不得論石渠之署人爭惜之然公含香粉署素絲委蛇尋討國家故實間以詩歌自陶意澹如也不干人以私人亦無以私干之者世又以公名家子少年取魁名如承綢意其統謗必且為富貴客而公敝衣故革烏策一款段躋躋長安中不知

五卷四

為貴介公子也時柄臣威勢逼人主天下承望風旨游其門如日中之肆悉倚取高官大爵客有勸公附彊者公正色謝絕之曰某幸得為天子禮官第索長安米不以五斗折腰督郵足矣乃更脩小禮曲意貴人左右之助安所稱通經術不失家世乎寧樞野以疏而滌廐以饗不願為此熾趨也人以是益賢之士申晉秩精膳司員外郎會有女弟之變太宜人以愛女之故悲哀無已時公念無以慰母氏日夜引領南望安得以翼飛乎而會皇長子生天子下

覃恩之詔公亟賁詔以出見星而行裝及於舍園及於宿浙弗事接也凡由旬而達子舍以舞綵鮮太宜人願太宜人為雪涕都忘其戚矣明年龍山公舉南宮公入而報命晉主客司郎中侍龍山公於邸奉職而外日脩甘脆進之暇則與赤水屠公少廣王公為文酒之會務雍容盡歡不令龍山公歎數見不鮮母久溷公為也尋以疾告歸里坐一小齋中門庭之跡如掃日討經史而課之朱墨不去手更受素問脉家書投一七劑而疾旋起二年而復其官又二年而

五卷四

丁龍山公之艱公哀毀骨立水漿不入口者數日杖而後起自念未得盡忠主上而王父母且儼然在堂誰為供菽水者乃強就飭粥與其觀而歸歸乃草千言書上之溥陽公大要都保世承家語語不具載會有吳淑人之變尋已吳淑人者公之繼王母也龍山公出自顧而事吳淑人以孝聞及其喪也公喪之一如顧母傷厥考心人人稱吳淑人無子而有子矣服闋起家補儀曹郎如故會建儲之命中格而皇上方端拱穆清深居稱朕前星未耀康寧

寂然公深以為憂乃上書諫 上慎養 皇躬
預建 元良以塞輿望疏入不省而一時諸公
相踵抗章 上乃赫然震怒下詔豫章獄而廷
杖五岑孟公且垂斃矣公將補贖爭之客有為
公危者公奮然不顧自以世受 國恩欲得一
當以報蓋孟公被杖之明日而諫草就矣公因
服待罪請室人人慮公必且為孟公續而 上
止命削籍以去公飄然出 國門行李一肩賦
詩慷慨意氣自若大王父倚杖於門日夜望其
軒車曰吾知兒必以此歸不辱吾訓矣先是公
讀史至馮驩市義之說輒三復而嘆曰嗟乎吾
安得長者之言而稱之如彈缺生筴孟嘗乎蓋
潯陽公豁達多大度不束濕繩其下下反得而
乘之牟主之利以自肥擅主之威以脅衆多買
好田宅折其券半價與之見需百貨於途者賤
其值以售有所抵牾輒蹂躪踐踏委頓道上去
之不顧又加挾馬威獲子或廁青衿大冠若箕
翩翩裘馬從里中豪長者而奪之權所至有橫
聲以故家日益耗怨日益歛而主人翁周聞知
也公一切厭惡久之慨然有歛華就實飭法檢

下之思前所上潯陽公書悉其旨矣至是乃請
於大王父曰某聞君子富好行其德賢者得勢
而益彰大人所設義倉固米也劑糶觀以救死
扶傷凡以思此民爾某請得推其意而廣之諸
所置田園廬舍願推其十之二以予民不則亦
量其值而與之金庶幾哉積而能散孰與夫擁
利自封厚積餘藏欲以貽所不知何人而忘公
家之事日損哉抑聞之隆隆者滅炎炎者絕今
公家多富厚而門下不聞一義舉某竊危之夫
滿而損謙而益天之道也否泰何常惟人自取
公寧不為子孫地乎潯陽公乃大賢之曰吾終
聽子矣於是悉割膏腴解橐中裝咸推與之而
嘆嚙之歎未易飽也鮑鮑之衆未易壑也於是
刀黠乘風雲擁蜂起咸捺刀俎以窺魚肉環門
要索呼聲動天兩邑若狂百里如沸甚且糾集
亡命脅公於途以求繫其賂壑賴奴有力者負
之而趨衆稍稍解去而公亦憤懣抑鬱遂遘痞
疾矣友人移書解之公報以無所芥蒂獨幼弟
五人裝筑在疚老母弱子相依為命我以義舉
而人以不義劫我我固甘之顧安所弛此負擔

乎哉是以不能無怏怏不然予豈遂逐刀錐為
子孫虜者哉公休矣頃之介弟嗣昭以麟經魁
湖中事尋解而會大王父遘疾方危公焚香額
天願以身代徧覓良醫悉走群望竟不能起公
哀號隕絕殆不欲生而嗣昭又以明年成進士
不數月而忽焉朝露曲池春花竟同阿閔公愈
益無聊不勝哀痛夙疾陡發而衆且生心矣加
以母夫人哭愛子甚於愛女公外捍強暴內寬
母憂又收拾餘燼均分為六而哀勞拮据不勝
憊矣旬日病轉劇至不能食一孟糜然猶強飯

五卷七

以示無恙而實不勝也嘗與中夜殆不可支母
夫人率其子若婦就榻前問所欲言公畧無片
語及私惟摩其巔曰吾頂門若有光出如火逐
脩然而瞑壹似蟬蛻者焉嗚呼此豈玉皇香案
吏暫謫人間者耶公亡後家不無少落人以此
謂公潰其家聲至等於不肖或譏其無策詎謂
加焉而不知危而與之安亡而置之存至於今
門庭如水蕭然儒素而聚殯之殯不至呼朋攬
食子孫安於太山遺緒屹若四維則豈非公之
遺哉不然擁此富厚聚若丘山操財愈急至一

錢捫之汗出不能去手比其逝矣子孫不見乃
翁作吾重棄財散其緘縻而散之恣所美好統
麗游飲窘則稱貸倒囊入息於子錢家或怨家
睥睨觀覲思以攫攘甘心甚且聚訟盈庭毒及
來裔多藏厚亡公豈不慮及是乎而世乃猶然
與不才蕩子同類而共譏之人之賢不肖相去
豈不遠哉公天資穎發加以力學無勸遂博極
群書漱其芳潤落筆如懸河數千言可倚馬立
辦於文宗兩司馬於詩宗漢魏初盛於書則法
鍾張羲獻及河南北海永興襄陽靡不研究而

五卷八

精摹之尤工周籀漢隸秦篆雕蟲下至方書騎
射圖繪星曆亦且游戲而旁通之四方走幣而
求書若畫者踵接履錯幾於鐵作限筆成塚矣
病而不能謀醫者公試投以刀圭輒霍然起其
超悟絕倫類此性尤喜恬澹目絕不觀絳華見
世之藪藪此此口不離阿堵或鮮衣怒馬勢焰
薰赫心厭薄之人有言求昏執政者公謝以齊
大非耦其締姻閨氏也以片言定盟於鳳窠公
之生及其歿也至死不敢背人亦執不愛其已
子公不難一息以踐然諾此其賢於掛劍之誼

多矣當宗伯公之世義不遺縣官賦稅令有離
上抵負名乃紀綱之掌出納者輒乾沒之至累
千金公覺而無所措乃悉索私帑償之曰母公
私視而累子若弟也公雅為友于讀棠棣之三
章而翻然曰人誰無兄弟哉先給諫遺孤五人
惟昭為同母弟餘皆出自庶公撫之無異等分
財務必均即寸縷無敢愛長者方弱冠幼者在
襁褓公悉鞠育而提誨之以至今日皆公之力
也生平嗜義若渴濟人如恐不勝見人有緩急
如自有之友之無以為家者與不能舉火者不
能具冠婚喪葬者公悉周之無少吝不獨於宗
人然也入都時道遭昏墊野殍相望公括其白
骨而埋之澤且及地下矣嗚呼以彼其才與其
行誼即百身可贖乃不俾以選齡卒費志以歿
未究厥施天之報施善人何如哉公生於嘉靖
庚申之六月八日卒於萬曆乙未之十月四日
享年三十有六配徐氏尚寶卿華亭總齋徐公
女子一即廷勛太學生娶唐氏常山令華亭曾
城唐公女女二長適方伯與參黃公子太學生
申錫次適邵武守鳳窠閔公子元梁卜地得烏

鎮之獲字行墓以癸丑之十月十日余雖與公
為婚姻交無敢溢美傷公之義特列其獨行較
著者稍稍載之比當大事諏日甚迫故不避不
文如必以文則有筆如椽者在請就良史而謁
之

明繁昌令澹津呂公元配鄒孺人行狀

歲暮杜門一編怡悅有剝米者以巨石支扉不應而語溪呂文學茂良昆季絮泣請見叩其故則泣益甚曰不孝輩不夭早失所恃感念母氏劬勞思重欲綴述一生懿行仰丐立言大君子文諸麗牲之石不孝輩即死且不朽竊痛先慈屬續時不孝輩俱在童年未及縷析聊識一二而又素不文舉筆淚輒岑岑下其何以闡揚先德門下文章宗匠片語隻字膾炙人間世久矣敢冒昧匍匐以請惟司閭者憐而致之則手其

行畧與其尊人繁昌公之狀進吾鄉陳太史先生筆也予為之披閱一過不覺悚然異之用敢藉手詮次以復按孺人鄒氏裔出名族父鼎任福建鹽運司副使兄子直任福建按察司副使生長貴介貞靜幽閑通孝經內則工女紅刺繡甚當運副公心慎簡所偶年二十一而歸繁昌公公之嫡母為淮藩郡主父心源公為儀賓中奉大夫蟬聯貴戚宜其視經生業嚙蠟也而孺人則敦勉公就學補邑諸生試輒高等食廩餼尋以貢例入北雍舉庚子順天鄉試當是時公

名滌耶下謂一第可休冷儒人直勸進自人老

頭母以九十里為末路也更代子孝養舅姑晨昏定省居恒脩其甘脆疾病親嘗湯藥致則勸其含殮喪塋殯厥心力一切具辦不貽繁昌公為之內顧憂而身則衣百澣甘粗糲妯娌戚屬皆舉子者何故豈公固庶母沈孺人出倘堪興家言呂氏不宜嫡出乎曰脫簪珥為公置造六七輩且親為膏沐務以當公之心而廣其嗣諸凡服食起居視已加厚欲使之心怡神旺而宜子

也賢哉孺人迹其用心求諸古人中不少概見詎意當吾世而有此賢媛真足以媿世之以貴家女自負而以妬悍特聞者矣孺人既慈惠小星天亦多誕錫麟趾至於今絕絕蟄蟄皆孺人力也則亦皆似孺人出也不寧惟是又親為撫摩鞠育餵哺愛養遇有疾病則中夜徬徨不寧寢廢祈禱醫藥曲盡苦衷間有大逝者為之慟哭廢食飲比長則延師訓誨東脩供奉有加母殺更為旦暮授書規課以佐不及故諸子在韶齡皆人人自得英英露頭角矣嘗就醫武林以

諸子女委之所生母不數日忽心動悲泣忍保
護夫所因病勢轉劇繁昌公為遣飛舫馳載與
俱孺人色喜如七箸不藥而愈即屬毛離裏之
戚未見若是之相關痛切也嗚呼賢哉而竟以
勤勞節儉不願豐於願養淹淹成疾因而長逝
痛哉厥後繁昌公七上公車不第俛首就選人
得繁昌令有神明稱滿考贈孺人不得榮於生
前而褒崇於地下殆未足以報也其在茂良諸
昆季乎抑茂良之言曰不孝輩皆孽子古所謂
操心慮患者以不孝視之徒成虛語惟有怙恃

五卷三

之樂而已噫非甚盛德足以固結孩提之心而
能令沒世後墓木成拱支庶之子猶眷懷若是
乎予益徵孺人之為嫡孝為母慈而勉夫攻學
為聞人為循吏信可以增光彤史也已予故不
忍以不文辭而狀其行誼如右孺人生於嘉靖
丁巳九月十五日卒於萬曆庚戌十月三十日
享年五十有四子五長大良王氏出娶太僕卿
朱公大啓女太傅文恪公從孫女也俱已逝次
茂良邑庠生娶泗州守包公世杰女兵部主政
鴻達同產也次願良邑諸生娶宜氏今願利

賓女也俱黃氏出瞿良金氏出留良楊氏出俱
幼未聘女六人胡氏出者一適舉人裴應陽龍
川令紹中子陳氏出者三一適金永武刑部主
政枝子一適吳維翰太學生人龍子一幼未字
瞿良同母者一字朱萬銑祈門令大雅子沈氏
出者一字諸生王奇貢元允嘉子自王氏而下
凡十餘人皆所謂孺人脫簪珥而置違者也孫
一宣中願良出聘吳氏文學之翰女女孫四亦
願良出一字徐日昌一字勞則善其二尚幼茂
良等卜以崇禎二年十一月初三奉孺人柩偕

五卷三

繁昌公柩合塋於芝村之西聖圩尚虛石以待
惟大君子鑒鄙言之非諛而賜之銘以光厥壤
不佞亦與有榮施附龜龍而不朽矣謹狀外史
氏曰予觀呂文學昆季之欲不朽其母而信呂
母賢且美文學昆弟之能子也晚近嫡庶之間
母讐其子子亦唯是忍鼻息禁啼哭夔夔齟齬
以事之於生前沒則各親其親已矣今文學昆
季既求狀其考繁昌公只教語附入其母詎謂
不可而必奔號數百里求所以闡揚潛德者不
遺餘力而附青雲矣孝思哉詩曰孝子不匱永

錫爾類予有以卜呂氏之昌大焉故既狀之而
復為深嘉讚歎之如此

五卷

吳趨范允臨長倩氏著

祭文

祭張慎吾老師

嗚呼吾夫子竟曳杖而消遙也耶其竟夢奠於兩楹也耶始臨聞夫子之訃始而疑既而賦已而惻然而悲也是胡其朝為繁花而夕為枯槿候馬日曜而條馬露零耶嗚呼痛哉吾夫子天降哲人崗挺喬木弱冠蜚英遂魁鄉國五車易窮八斗獨擅津津乎遊委宛而探雋穴焉於時

執經問奇趾相錯於路即其不敏濫竽負笈始終教之遂有今日水源木本敢忘所自耶嗚呼痛哉憶臨受書外塾席延郭瑀之師戶列冰清之鑑亡何貝錦飛騰屢遭困辱賴吾夫子羽翼垂天提攜委曲嘘暖寒灰白骨起肉追惟曩昔其又不啼噓而痛哭也迨乎通籍金閨讀書中秘出入諫垣抗顏丹陛黼黻王猷剖決廷議繡口錦心復為剛腸鐵筆即危屈危伸俱為國用晦之而非以愠顯之而非以愉唯是國計民瘼凜凜納繹持憲外臺沛其膏澤手觸鄰跼動中

肯綮庖丁解牛遊刃餘地緬惟所棲厲蓋王之不能瑕而冰之未有溫乎索婦脩姁里女勉為歸行夫子之風世式俗寧有吟矣祿入所餘不問田舍旁及內外三黨解衣衣之推食食之凍者溫餒者飽有不能保其產者予厚值而裂盟書儼乎世九居而業三置也母論棠陰滿路碑頌載途即比鄰接壤之人靡不娓娓口夫子長者頃者奏最大廷天子方虛九列以待而胡為遽之帝所耶嗚呼痛哉方夫子之歸也臨趨謁里門獲聆塵論見夫子豐貌白皙色澤精瑩語笑疊疊風采如昨某且欣欣慶夫子必得至人之玄訣將享彭鏗之上壽方且脂車秣馬北首燕路驪駒在駕別酒盈尊奈何玉樹未殫總帙遽掩畫錦方榮玉樓遂賦耶慶者在門弔者在戶豈天地果為眉睫而古今真為瞬息耶抑巫咸之所不能相而季主之所不可測耶嗚呼痛哉夫子有丈夫子四人能讀父書皆珠輝玉映鵠峙鸞翔飛鳴驚人旦暮可俟有子不死夫子其又何恨焉獨悲夫典刑頓失小子焉依唾咳如聞音容難即臨之所以拊膺而呼天者也嗚

呼梁木其壞兮喬嶽崩斯文中墜兮圖書隕光
臨也門生兮我心孔傷鬱瞻南斗兮能不彷徨
束生芻兮奠酒漿投弔章兮裂腎腸神其鑒兮
來翔翔予痛哭兮涕霑裳

祭顧道尊

惟公越產寔吳兩隸天目呈靈虎林薦秘精毓
扶輿名賢挺萃芳節亭亭淵澄岳峙高華燁燁
雲霏霞賁弱冠蜚聲文龍子驥惟我伯氏青雲
是器登於鬯宮玉笋之最天府策名摩天奮翅
詩廢千人文雄一世奕葉流英蘭芬襲吹牒牒
騰霄澄清攬轡樽俎折衝風裁卓異惠潤三天
威行十地某元禮通家龍門世契飲德心傾依
光神醉附尾追塵同官共事海上羈人天涯兄
弟嘉言在耳陰情結臆方期並驅胡然遠棄蝶
幻莊生鵬愁賈誼金鳧上升班麟長逝察米誰
儀棟梁傾廢捧翰驚心誦詩雪涕惟彼達人彭
殤一視何旦何暮何來何去未竟顯榮取償來
裔令子來奔間閔勞勩哀此樂樂願言則噫山
川悠悠喪車嚶嚶旅魂飄飄徕時鶴唳雙泱浪
浪臨風灑綴白馬故人生易有餒鬼兮歸來鑒
此幽意

祭石翁屠老太翁

天目鍾靈驚湖濯秀誕茲偉人道遙公後一門
之內金紫崢嶸惟翁濬發少有英聲桃李不言
圭璋在璞寬然長者落落穆穆匡生鑿壁董子
下帷五夜弗寐三年未窺上探結繩下窮枯簡
何吐弗經何作弗典當其得志為龍為蛟一跌
不收蠃蜒相嘲其志激昂其行連蹇屈首伊吾
平生莫展教兒嚴毅責有義方父兄師友朝夕
一堂獲舉於鄉注茲挹彼不於其身而於其子
翁曰噫嘻吾志尚在白日可磨青松不改頭顱
易車米路多難才與命畸直鈎曲弦轉巧之間
途窮日暮齎志黃墟溢馬朝露傷哉翁也如天
道何從古志士莫不軾軻鄉嗟纖良士悲亡哲
桑枯海乾山頽棟折妖鬼夜泣波臣不靈大雅
廢墜黃鍾無聲某忝姻連酌觴薦炙竟兮來歸
風淒月黑

祭徐母吳太夫人

文江母

嗚呼霜凝露零雲慘風敲天摧地裂谷黯水清
緊惟夫人徽音交交勤幾敬姜德賢饋庖案齊
梁孟育雛構巢瓶梅香散九熊淚蛟荊州士行
截髮佐肴北海文舉高堂命教玉樹飛輝麒麟
在郊烏臺畫永恭茹彙茅作玉喉舌言納丹坊
文筭六籍詞吹鼓鏡蔚變當明玄豹霧晦名高
二難箕人善筭姦斯羽振五彩九苞長真坤儀
如地委匏云何不祿浮漚影泡崑崙遄涸觀靜
始爰生死旦暮誰為解朝彭殤總歸歆此絮炮
臨風哽咽靈輶旃旒

祭梅母谷太夫人

深山大澤寔生純龍或非其產而庇其宗繁大方伯潘初作儼谷也嗣之令德克媲惟茲藐孤辱在夫人谷也鞠之若雛於身或青其衿或早其世厥有長公六翮奮厲南宮射策飛步隆隆茂宰花縣鳴弦雍雍晉簪白筆凝霜皎日分虎上郡卓魯是通問俗褰帷鞠草園扉為王屏翰暉映紫微今日之殖母氏所翼眷言懷之曷有其極自家而朝維母寔勞崇德報功龍章寵褒鸞榆奕奕有貴其室胡畀之榮而導之疾叢蘭

家

俄隕楚壁竟沉愁雲迷隴苦月炤林山川絡繹曷返其宅王事靡盬而私之惜嗟哉方伯不遑將母承諱切怛五內欲割噫嘻夫人鵲鳩孔揚徽音遠紹嘉聞蘅芳彼姝者芷枯而香侈榆柳誠茂詎足方此苟為不沒亦可以死方伯洗奔聖室爰即臨等同官欽母之德誼綿伊阻望酌而式椒醕芳新蘭羞在祭一束生芻白茅有籍靈之鑒之憑風穴下

祭梅方伯太夫人

世傳純孝閔損王祥謂其母繼而難克將繁惟夫人令德繼明作嬪於梅和鳴錚錚撫茲藐孤若雛於腸慈順惠和珠輝蘭芳方伯事之凌閔駕王當其誨公母而義方鞠之育之熊丸是嘗遂冠世儒嶷嶷昂昂剖符花縣鸞集鳳翔持斧柏臺白筆橫霜肱股上郡渤海豫章升華憲節蔽芾甘棠作屏維垣為王保障微母之教鮮克有臧方伯德母永懷不忘曰予今日母氏是匡諸孤有墜萱草在堂渥典榮施懋德用彰鸞榆

家

象服鳳詔煌煌旬宣萬里板輿未遑豈不懷歸王事靡盬承歡舞綵鞭短腹長念母躋蹠既壽且康含飴弄孫庶幾徜徉云何一疾奄忽秋霜訃來自里訖矣彷徨嗟哉方伯皆決形喪是耶非耶一慟輒僵東望吳雲山川渺茫願言越之一帶可航噫嘻夫人鵲鳩已揚月沒留炤蘭死存香苟為珠壁淵沉愈光夫人逝矣何在何亡臨等載馳四牡共事封疆誼通世籍元禮津梁心儀母德有誦而傷互美遞傳謂莫能當謳紉末由回首蒼蒼方伯為位耶為舉觴哉歌楚些

戒手椒漿群來酌之爰申斯章表緣義起有淨
沾裳

雜著

虎丘山重建藥師閣疏

人以藥生亦以藥死人之生死果盡由藥耶迺
盧扁迴生庸醫傾命則藥又若真能生死人者
他無暇論即如近世瘍醫朱岐山老勃無耻如
狂如醉乃戲持刀圭弄人命於股掌豈殺人之
柄一庸夫操之耶抑蒼蒼之表有制之者第假
手於藥耶夫人命脩短上帝所制果其籍手於
藥則莫若藥師王佛夫藥師王以瑠璃光普照
一切世界豈與酌上池見垣一方者等乃縱庸
醫弄銷魔如赤子盜潢池兵不能制將藥師王
不好生耶抑阻深閤昧不得耀於光明耶昔上
帝失二藥神令梵僧求之乃在王市女子鼻孔
中遂摘取而去今庸醫橫行藥師失矣雲巖寺
僧侶雲欲重建藥師寶閣倘亦求取意乎凡我
有情咸當喜捨我不惜金錢布粟上帝亦當不
吝東市女息肉耳侶雲來求疏余方感外姑之
變疾首痛心書此與之令後人當共被瑠璃光
母為庸醫拯命也

天平山重脩忠烈廟疏

天平山忠烈廟始於宋紹興之某歲而重脩於
我皇明正統八年之冬其詳具載泰和王太宰
碑記中蓋我文正公嘗塋其祖父三太師於天
平之麓改白雲菴為白雲禪寺世度僧守之作
祠於寺之右以奉祀事爾時尚未顏忠烈也逮
公經畧西鄙降服元昊招徠屬羗功德顯於西
土西之人乃立祠尸而祝之比於畏壘宣和間
宇文虛中言公功於朝乃賜名忠烈榜為徽
宗皇帝所手題然特在西土者耳紹興以來西

臺主

土陷沒忠烈之廟已越在龍堆月蟾之表不能
執片楮辨香而祀蘇之守令乃謀作新廟於天
平山而仍其榜曰忠烈郡若縣長吏歲率其屬
祀之此忠烈之廟所由肇也至元乙酉廟圯嗣
孫邦瑞等復新之元末燬於兵踰八十載而廬
陵周公忱來撫我蘇始慮材鳩傭而復構之廟
貌聿新棟宇宏麗至於今歷百餘年而雨飄風
撼蛟漏雀穿一時巨楹勁楠玉舄文碑已摧為
液槁鮮軸崩垣散瓦寒烟冷月鬼嘯於梁衰草
斜陽孤棲其窟數章古木唯有烏啼一片斷碑

僅存烏跡爐香與破甌俱灰總帳同梁塵共颺
遐想昔之執俎豆而駿奔者已便成飛揚灰劫
蝶夢栩栩無論我子姓之憑弔者不勝几筵
塵漬之哀存歿興亡之感而賢士大夫之游軒
飛憶賢守令之間俗觀風過其下者莫不曰此
范文正公之忠烈廟宋世君臣之所顏而榜移
而初建之者也我朝賢守令監司之所鼎新而
尸祝之者也西之人不能得之於塵城櫛邑腦
幕沙礪之餘而今之日乃摧頽於凝工度木鉤
心闔角之後昔胡以繡栴雕檻今胡以棟折榱
崩昔胡以布藻垂文今胡以漏罅埃墨昔胡以
焚蕭薦鬯今胡以腰冷羈間則有感榮哀於一
瞬悲代謝於斯須痛徃德之莫彰嗟豐功之委
棄能無唏噓太息泣下沾襟而繼之塗墜之思
者乎夫秉夷好德仰止思齊不可謂世無其人
也主奉必溶悼顏像之剝蝕覩墻宇之傾枝慨
然興嗟惻焉隕涕意欲再加完繕竊附肯堂而
工力浩繁材用窘縮禁樛陽焉曾無寸木之資
甓甃玉填何來尺土之藉敢輸情於賢豪長者
布悃於族姓宗枋念祖德之湮蕪悲哲人之零

落咸來芥藻共仰構成大破慳根力妄愛網散
涓流土壤之費以成締綿雕鏤之工瓦縫釘頭
悉皆慈造操錐擊鑿盡是德施俾斷構殘璫得
再煥於雲蒸霞駁而香烟爐火幸免侵於謁靈
鼠偷庶翼覆之恩荷重陰於大廈而漂搖之歎
不再詠於風人福不唐捐功無滲漏

支硎山重脩古剎疏

黃金像海上浮來佛力顯前朝之異碧玉臺岩
中幻出梅林開累代之難三世法緣悉歸妙解
千年香火提屬皈依夫乎閱歷何春冬未免頽
頽於風雨荒涼寶座空餘黃葉平鋪寂莫香幢
惟有白雲半覆士女徘徊而竊歎緇流出入以
興嗟茲有住山釋者空凡志在鼎新力難復故
丐文徧募鮮橐充資夫禰以各種為宏果以共
成為勝惟願宰官長者信女善男請捐有漏賢
材會成無量功德隨取隨足只緣化作鉢生蓮
不吝不慳莫使歸來船載月

紀夢

戊辰之春夢考庶常吉士而予與焉其題為閱調馬七言長律予夢中得句云曉批霜耳嘶新柳晚散香蹄印落花遂以此獲元然此猶謂習心未化耳乃丙子秋夜之夢則甚無謂可嘆尤意想所不到者姑識於後 丙子九月十三子夜夢與白樂天之孫白狀元同高節鎮驂薛宏度校書四五人聚飲歡洽分韻課詩此外似更有一人依稀謂是元微之而不甚了了予分得文字韻其前四句則已隱之後四句醒時猶隱

卷五

隱在臆今記於此銀字看成炙花鬢染上文巫山何處所夢斷杳無雲高千里猶是曩時信任呂用之騷子態宏度作兩蟬翼鬢高髻如雲貫髮惟一白玉環約可五六寸態度脩雅宛若文士雖不甚脩飾而膚理柔潤薌澤微聞綽約翩跹了不作脂粉媚態視今之胡鬼野狐油頭粉面打哄作騷者不堪僑條厠廁執虎子下婢矣白太傅故無子而何以有孫且作狀元意者其白敏中乎書此以紀之供鼓掌

訓子

凡童稚為文須要如長河流淅滾滾滔滔又如草木怒生蒼蒼莽莽寧瑕毋砥寧蹶毋濡寧奔潰放溢如天馬絕塵毋繩趨尺步效學究曲謹寧出匣紫硯逢牛立鮮毋粘皮帶骨遇族難為寧顛倒縱橫自稱草聖毋臨摹倣榻才作書奴若甫學行文即鑄意運詞拘攣滯澁如殘林落木如涸澗枯泉如搏沙聚塵如嚼蠟咽屑如模稜碁局如依樣葫蘆如在檻獮猴不能踏舞如衰病老翁都無氣焰光芒眇若辰星生意慳於

卷十六

秋草病在無宏肆之文以助其氣無高曠之文以拓其識無雄邁之文以沛其詞無光彩之文以增其藻耳將秦漢蘇文熟讀詳味蘊取其氣如層巒疊嶂而不促也如奔濤橫流而不窮也秦漢取其識典詞如坡下數言而羣雄雲集如金谷春明而萬花自笑也以此陶鑄胸中自然驅走筆下又以名公程墨前輩小題漫漶灌注久久升熟自能運化矣雖然學奕者志分於鴻鵠擊射者技工於車輪世未有不潛心篤志而得者如愒月玩時而欲求學業精進是采蓮於

山川葵於澤也其何得焉曜靈駛矣長繩縻矣
子其勗哉

聖主

寒夜擁爐藝火見餅內所挿折枝梅花水
凍而枯因取投火中戲作下火文云

寒勒銅餅凍未開南枝春斷不歸來這回勿入
梨雲夢却把芳心作庀灰恭惟地爐處士梅公
之靈生自羅浮派分庾嶺形若槁木稜稜山澤
之臞膚如凝脂凜凜雪霜之撿春魁占百花頭
上歲寒居三友圖中玉堂茅舍搃無心金鼎商
羹期結果不料道人見挽便離有色之根夫何
冰氏相凌遽返華胥之國玉骨擁爐烘不醒水
菟剪紙竟難招紙帳夜長猶作尋香之夢筠窓
月淡尚疑弄影之時雖宋廣平鐵石心腸忘情
未得使華光老丹青手段摸索難真却愁零落
一枝春好與茶毗三昧火惜花君子還道這一
點香竟今在何處嘆惘然不逐東風散只在孤
山水月中

屠親母陳孺人節壽頌 有序

夫人以士行稱者必其含徽履素植節葆其無
媿乎士焉爾然名實相副者百無一二而名是
實非者什常八九况閨梱而士行者哉余讀趙
世家程嬰公孫杵臼事而有感於古今之論節
婦者其言曰死易立孤難耳故余謂婦人之節
之貞不貴一時奮激而持家有孤以要諸歲月
之久為尤難也乃於屠母陳孺人得之其為女
與婦也於父母舅姑之孝無間然矣敬順於夫
子以終其身矣其為母也慈嚴並濟以淑其子
女矣且又罹變而能貞處富而能儉甘節以樹
子矯俗以崇禮詩所稱女士其孺人之謂乎非
含徽履素植節葆真者烏足語此今歲秋仲為
孺人設悅之期余忝在蒞葦爰命細君率子若
媳載拜稽首而獻頌曰周姜翊祚趙媛昌宗覽
古遺絢炳訓於彤猗與女士婉孌其容家稱郝
法尼談謝風婦德尚痺親執箕箒婦躬尚勤躬
搯井臼夫子攸毗要諸皓首內政不囂外政始
剖孰司其權降此厚宥昔如兩龍相挾以飛如
何中途羽翼忽乖又如黃鵠嗷嗷喑喑一失其

雌將嘯依夫既逝只心亦勞只其苦於荼甘
之若薺莫毒於酖視之若醴先君之思以勗孺
子夜如何其誦聲隆隆惟此誦聲出自杼中寒
暑遞遷皎若一日彼蒼者天寧不動恤爰恤爾
孤金章玉質如鳳斯翔翩跹繞膝有客滿堂有
酒盈觴有積有倉有牛有羊以孝以享而色而
康吹笙鼓簧刻羽流商鬢髮未霜白日未央綺
席既張申錫無疆俾大而昌俾盛而強壽考不
忘和樂且長上進軒黃下軼錢彭唐乎其皇皇
乎其唐如陵如岡算胡可量維母之節始終靡
忒維母之壽悠久不息維母之名彰赫罔極彰
赫罔極永為世則哉敬此詩以貽厥德

大士贊

觀自在觀自在一葉青蓮成世界忽然踏破碧琉璃南北東西多不礙

侍衛振揚姪孫小像贊

以為華元也而無其於思音肥以為奇人貂也而無司馬子長之災其外若社德機也而其中如嬰兒之未挾穀也豈下後於魯而此乃瞠然其類夫其能亢吾宗也而為范氏子之才嘻此蓋天子之侍衛也而豈其為興臺乎哉

羽士贊

南鄭巾公旗笏孫思邈道星服遠而望之似道而儒近而察之還反其族其青牛之度閔或白鶴之垂轂雖小道之可觀實太牢之尸祝噫是之為無名之樸

巽泉陳公贊

青鳥書玉蟾指開天山啓佳址祈祈雲陰兩兆前人蔭後嗣蒼松親白雲趾問誰氏巽泉子

儀山曹公贊

儀山曹公伯也同籍予時垂髫未承其烏我來自京公在承明白雲西曹時接盱衡盱衡伊何

白哲婆娑於思豐下鷹冠嵒嵒坊表偉然駁歷承宣所在民樂祝之几筵歲月屢易遂遷其簣濟美多賢殫聯奕奕誰寓遺照丰容儼肖張之虛堂或聞其嘯我作贊詞涕洟則弔

貴長屠尊舅像贊

水為衣冰為璫王武子之珠堂裴令公之玉媚手梅花而自挹想清芬之一致噫是起赤城之霞標而樹詞壇之雲幟者耶

象先姪筆筒銘

爾其鋒藏其禿子其為天下谷守其黑脫其穎
子其為天下景

午久二孫竹筆筒銘

從渭川砥匠氏澤如玉直如矢管城君裘鍾子
相倚藉保終始書同文行同軌吹埴篲有如此

白木榻銘

枕書成夢據鄰得酣侶翺蝶而稱兩對焦鹿而
為三夕陽在樹明月在潭吾不知地之北而天
之南此隱囊之良友而四大之金龜也耶

題跋

蘭亭跋

定武蘭亭入昭陵久矣不意後賄優孟衣冠此
本斷非褚登善所摹豈王枕出在人間耶

跋內子所摹宋榻画像贊

此余內子所摹宋榻東方朔画像贊本也婦人手
腕柔弱故其書多作媚態亦多偏鋒而此獨道
逸雅健出鋒甚正頗得烏衣筆意絕不作閨房
脂粉纖媚氣可稱能品以此北面衛夫人或可
免呵黜門牆外第未知當列第幾科耳

跋內子所臨新茶帖

古人臨摹法書但師其筆法意象耳若字字畫
畫肖之便是書奴矣吾家細君喜摹古帖而能
自出意態非隨人笑語者倘從此變化入神何
難作書家主人翁耶

跋內子所摹蘭亭

此余細君所臨契帖也頗稱道逸足為定武書
奴余中書君欲成塚矣不能效優孟之叔教細
君池水未墨竟以弱管肖之乃知手腕中另具
一種烏衣宿業耳

跋自書月賦

天啓甲子春王正月十有三日新月出於樞端
娟娟如欲媚人大孫能迺出朝鮮絃索書月賦
遂為書之月影不足繼以燈光大賦不足續以
小賦雖筆畫粗細之不均然以六十七老人燈
下辨此不當復計其工拙也

跋自畫二首

余胸中有畫腕中有鬼少時曾留心繪事以一
領青衫不可得退而屈首受書遂棄之今老矣
追憶往年筆墨隱隱在目間偶一拈弄竟不類
青山面孔然隨意塗抹亦自有致絕無畫家矜
徑觀者聊以當無絃之琴

其二

余腹中有丹青而腕中有鬼每見人繪事其點
畫皴染非不了了在心而一舉筆便失之癸亥
夏五送兩孫應試崑山偶興欲畫遂擲管為
之如兔走鵲落頃刻而就似頗有筆意倘以呈
古宰仲醇不知以為何如也

跋吳宣遠摹石田翁端陽景

端陽景最難脫俗即之則落套離之則遠影石

田先生數筆蕭蕭不即不離而自然景與意會
真神筆也第一種蒼勁潤古最難摹其筆趣宣
遠為景洋摹酷似優孟衣冠水水青藍未知孰
勝也

芝房跋

天平為吳中名鎮其石秀立清泉韻風白雲在
天岡陵自出震旦第一山也以兩遭兵燹遂成
荒丘數有載叢林培為瓦礫淒烟冷草不堪廁
屐矣余乙卯之秋稍葺茆茨畧成位置然猶露
棟風闌比於野處辛酉夏仲忽有芝產於房中

又產園內俱層臺並蒂赤光燁燁如紫雲覆上
識者曰是奇祥也有意於芝蘭之茁此其徵乎
乃便構數椽於左顏曰芝房令內子居之以當
其瑞昔燕姑徵蘭果毓令嗣余薄德不足以當
靈貺倘天不終刈我後請以此芝為嚆矢矣

堯峯山照軒跋

宋禪師真淨文住雲菴有軒曰照軒蓋曉諸學
人見自本性也并題偈曰自性本明妙如何却
妄緣常光常寂照聲智聲空圓舉衆皆平等臨
機總現前唯憐不信者甘心自棄捐今堯峯有

軒亦顏曰炤效顰古名不異假古鏡而炤今心
庶幾有益於求心之士云

翰齋館集卷七

吳趨范允臨長倩氏著

露布

平逆賊鳳騰霄露布

伏以六龍兩御 聖主法剛健以經天四牡展
征 詰后奮威嚴而畧地是知輯圭如器仁育
咸賓授袂標銅義征不諛羽林象天之壁壘五
材誰能去兵析父職王之爪牙七德所以禁暴
利執嘗聞於筮氏薦枯載紀於風人衣棟干旄
胥教影布鼎湖陣鼓涿鹿雲收暮河驂駟焱動

紫駟濯濯周京赤鳥和來白雉翩翩詩美來威
書稱即叙方趾圓顧之並覆榛狂咸生長蛇封
豕之為妖雷霆顛擊非徒濟勝殘去殺之用寔
以嚴內夏外夷之防遠畧前聞宏猷代有呂嘉
摧下瀨之師威行五嶺徵側就伏波之戮聲震
九隆蓋剝極生災乃及龍戰師貞終吉方制豕
豸豈曰嘉兵不祥實則止戈為武望殷奚後功
茂無前恭惟

帝陛下 戴玉呈祥書繩紀政臨翠端而則道
基於出震之君坐玄扈以披圖郁矣如雲之后

鯨波止跳崑崙渤澥安流榮曜收芒太乙鉤陳
即次 明哉元首庶事康而朕肱良展也大成
百工釐而脩和舉帶牛佩犢潢池絕盜弄之驚
飯稻羹魚窮鄙有汙邪之樂榆闕月皎控弦鳴
鏑無聲柳塞風清歸馬放牛有象虜海之渠魁
悉致胡戎繫款款之纓名山之琚貢屢增越雉
陪般般之獸北平堯柳南達舜梧雕題反踵之
邦交臂受事辮髮貫胸之長屈鄰請和 天子
之守在四夷春秋之義大一統乃有逆首鳳亮
等者升棠餘孽繁鼓遊寇禮義殊鄉貪殘成性
昔當 文祖之朝擁有羅葵之地傳龜襲組兼
畫繡之榮剖竹分符假藩麾之盛顧乃憑深負
固安忍阻兵橫赤標以疏疆絕蒼崖而設險連
山揜藻陽鳥無地迴翰秀木干雲陰靈有標假
道峯危束馬周軀阻造父之輪路絕懸車漢節
迴王陽之馭自謂一丸泥可封函谷遂奮兩螳
臂以禦隆車風末不舉鴻毛輒敢翱翔凡鳥鞭
長不及馬腹乃思馳騁駑駘雄虺之九頭恃
狡兔之三窟朝文跋扈於前既膏文定之斧繼
祖跳梁於後復觚光洵之戈爾乃授子矜於金

沙界之豺虎窺妻茹於瀘水付彼嵐烟詎意遺
苗禍留克裔虎翼金精寢耀網漏吞舟騰燈燭
火留光燼張雷燄飛走之途未絕灰釘之望更
濃尚挾狼心仍懷豕突聽厄巫之幻術謂鳳德
未衰感前相之訛言信龍姿當王遂爾招搖逆
黨鼓動蠻貊或聯唇齒之交或託葭莩之懿螫
賊相扇叶契連蹤阿五以梨軒眩人肆講張於
舌上鄭舉以絲窓戚閑總方畧於帷中丘相魯
花縣枯英握偽符而言容諮諮僕堯司芹官斷
梗筦弱翰而書記翩翩楊藩者庠之敗儒託以

心膂鄭文者國之墨吏倚為父師乃率此獠獍
肆其猖獗指魚齒獸角之區為錫壤分疆之舊
自本枝之狼狽致後葉之流離加以霍吏頭箕
嗜膚吸髓繼之譏人舌劍鑠骨銷金是以藉口
沈寃甘心雪憤垂涎饕餮指貪羹以某月某
日連營結陣踞險揚兵始鳩集於兩川遽鳩張
於三骨一呼霧合聚蚊嚙以成雷千里雲屯掩
簾精而蔽月益縱癸辛之惡來窺戊己之屯被
鶴鄰以爭馳蒙虎皮而直犯崇墉百雉初無縈
帶之堅峻堞十羊曾莫能離之固復有陳絨膝

而進虎啓閭扇以延狼雲騎長驅不閉歲裝之
鎖霜鋒疾卷竟飛宛轉之蓬月暗千門吹咽戍
樓寒角烟飛萬戶燄騰子夜殘燐爾乃蹂躪帑
儲縛掠將吏推官白明通琅當就繼首戴南冠
指揮金守仁巨索衝堅身殲北郭徃牢縲械悉
縱飛揚困鹿離珠盡歸囊橐良由綿臣失其組
轡致使驕虜犯我顏行乃復恃獬狗之狂恣封
狐之虐侵軼嶺嶠掩襲述城直搗梨漾橫行羅
部駭浪觸昆明之水川絕恬鱗驚颺拂太華之
峯林無靜木橫戈躍馬居然囊血射天聚蟻攢

蜂直欲吹脣沸地乾蓬燭火玄烟四合雲蒸烈
炬衝風紫焰千林霞起朱顏綠鬢驅迴馬上胭
脂白叟黃童化作泥中煨燼艾蕭俱灼沙粒並
糜痛野哭於千家愁含慘月過橫屍於四垌淚
灑酸風然且挾質要盟嬰城請印謂鵲巢久失
宜歸一成之田廟竹再分當棺三尺之蛟彪咆
哮而岬負蛇蜿蜒以泥蟠櫻之莫能斬之未斷
於時軍無藏甲詎云五壘兵神庾乏儲糧直是
三回竈賊臣乃率其子弟糾我庶官相與播鐸
提披乘陣守障銅焦月冷聲飄睥睨之風畫戟

霜寒曉映旌旗之色流激矢而射敵疾若蟲飛
墮石以投人轟同雷賊爾乃出其遊騎嘗彼
妖氛下大墜以揚威擊金鉦而賈勇怒蛙才式
視死無時突稀一呼輕生有地衆揮戈而揚厲
賊望必以披靡嚴鼓未通凶徒泥首顧牙璋四
馳兵未集於貔虎而羽書押至衆益競其犬羊
臣以為七縱八橫勢難滅此朝食而三表五餌
術可止彼兕啼乃衆集策假以半通賊果啗
餌受盟迴颺戢耀逐麋之犬見投骨而無噬噴
浪之鯨吞垂釣而止躍自謂探珠領下欺已睡
之驪龍不知出甲雲中騰方來之文兕於是覩
旌旗而函犀浴鐵之士風馳羽檄麾而拔距磔
石之夫兩集三服揭竿以嚮應百濮羸糧而景
從颯沓吳鉤躍長虹而貫日參差越棘翻滿月
以流星噓氣則皎日埋雲投袂則驚沙散堊五
丁開蜀悉皆劍客材官三戶亡秦盡是蒼頭奮
擊咸桓桓而聽命共翼翼以從征臣乃於某月
某日杖鉞登壇擊杯酌禡撞龍鐘之噦噦伐鼙
鼓之填填三畧訓兵五申誓衆秉驛旄而震金
錫矢之彼蒼執牛耳而進銅匱有如此血感

明君之恩重勇奮同仇憤狼子之毒流義不共
戴賞懸芳餌鼓陷敵之先登令布疾雷揚亂行
之後拒臣乃偕布政使司左布政使臣薛夢雷
按察使司署印提學僉事臣范允臨相與偕前
署而受成謀圖方畧而慮愒愒因天乘地參謨
畧之短長避寔擊虛察山川之險易維時日臨
黃道兵起絳宮五道爭馳三門並啟由富民路
進者將以臨元叅將臣張名世而督之則有署
分守安普道叅政臣楊俊臣鶴尾西敷龍杓北
指龍輶兵百萬揮潁汗而怒雨霖霖驟北馬三
千驟霜蹄而流蘇電掃由羅次路進者將以都
司僉書臣范繼斌而督之則有臨安兵備道僉
事臣龔雲致靈龜固壘玄鶴守衝金鞭明月弓
貫葉落鵬之衆玉劍浮雲騎穿花取燕之材由
尋甸路進者將以都司僉書臣汪如淵原任都
司臣張先聲曲靖府同知臣孫台而督之則有
曲靖兵備道副使臣羅希益長果魚麗廣道僉
排玄索亂犀皮袒素關鞏之甲絳絳欺蟬翼垂
冠受胡之纓由姚安路進者將以洱海守備臣
王之瑞而督之則有分巡洱海道左布政使臣

彭應時團營虎踞曲隊驚飛背水焚舟銀漢星
辰欲墜登山躡蹻蒼巒木石皆搖由楚雄廣通
路進者將以原任守倫臣裴希度而督之則有
分巡金滄道副使臣陳洵虬葆箕舒鷹旂翼舞
族坐而兜鍪閭閻鼙鼓奮春霆動涌而岸憤
崑崙律律林森夏楚至若舊鎮臣子沐繁新鎮
臣子沐調元者一思衛鼎之垂文而志圖橫草
一想晉鐘之遺則而願請長纓咸得執戎戎行
委身郊隧共掃亭亭之氣齊麾整整之旗或犯
前茅而扼其喉或蹈中權而撫其背或順天機

而左轉或乘地軸以右迴金鼓旬隱以雷奔夷
山埋谷旌旗繽紛而虹亂蔽日拂天以此禦敵
何敵不摧以此攻堅何堅不破臣猶以訓鷹揚
之帥以律而滅整烏合之師在和而克則抑揚
霆電驅率熊羆則有署分巡臨元道右叅議臣
康夢相為政持衡兵錄握鑑戎書千旗鼓者法
無赦於孫松易果毅者令必行於魏絳臣又以
古制師行糧從戒蘇之後爨兵貴馬騰士飽
慮鎧弩之為炊則挈眷振廩輓粟飛芻則有清
道右布政使臣洪澄源分守金滄道右叅議

臣劉以平為政倉籍裕於積貯饒載酌於釜鍾
驪駕交馳河內仰梁羸之給木禾宿飽首山絕
庚癸之呼騰組耀鉉熊耳峯齊鄭兕雲輜蔽路
款庚粟謝秦舟縱數路之精兵轉圓石於百仞
擠一旅之戎寇觸魯縞於千牛又以日麗元辰
敵方醉屠蘇以餉睡而兵從天落或可劫更始
於龜腹無事脂然宜從隼擊乃合勾芒之卒遂
祛旬始之氣而賊乃虎踞雄關泉鳴巖樹綠沈
齊發星飛董澤之蒲紫碣亂投雨集秦梁之石
隙駒為喻尚阻魏豹之河井蛙自居頗恃公孫

之險於是叅將張名世都司范繼斌等卒其勁
卒搗彼危巢橫玉弩以警天角筋舉石委金鉉
而焰野後嚮成雷六地風篩九霄星簸延林擬
缺疎枝淡葉成寒對谷吹薪旭日朝雲色晦騰
地中之鼓角駭樓上之梯檣六鷁鏑銷五祀髓
破一麾而鋒屯自却再麾而馬齒全收帶水重
圍湛蛟波而紅飛湯整千城再領倒狸穴而扁
固金隍翠壁青巒無復荒烟迷古樹塵安紫陌
依然芳草度雕輪社稷有靈光回遺燭室家無
恙喜浥空漿既而始盡三春胡騎走陰山之雪

雲昏五夜逾見遶湟水之誅乃復暫息程嘶更
馮狐享擗玉帛而浮之江啣宴藪於鼠穴約糧
裘而缺以木引蔓蟄於蜂窠青畝一軀欲澆鑿
而潰海黃軒四面將灑辱以移山谷響巖呼魑
號腮應綠林巨獮大理保蛇項以鰻艇墜鹵蒼
髯楊禮飲竭順而躡躅嵩明焚陷尋甸豕鋤國
寇飛蒲關路惟滋孟草牧侯飲劍河陽已謝潘
花臣乃遣都司汪如淵同知孫台領騰雲之騎
以長驅率躍景之師而直進此一役也玄甲耀
日朱旗絳天纓青昂藏氣倍三河俠少株干屈

轟力驍四輅神車莎障一驅楊林之名城避提
茅旂再過木密之號米驚九金穎披喉瀨絨脂
牽荇帶雕蚌刺腹山君臆湧銀環却月長雲寧
縱窺垣狐兔耕烟犁雨仍看遍野桑麻脩腹卧
蓬雖未截九嬰於垓下連驚中鏃固已垂兩翼
於雲中大理既茂豐茶易剖臣乃遣原任守備
裴希度洱海守備王之瑞等間因落燼以鈞奸
兵縱竄書而尾寇此一役也啣枚掛月揚柴驚
鳥道之照嚼饗餐風蒙草訝馬蹄之虎藜條密
杖蹂躪徑於峯前碧水油潮跡往踪於渡口光

搖若木醺曉露以洗兵聲著流雲刷浮膏而淬
刃累臣就繫胡荻生俘丘相魯載以檻車安問
綱中羽扇僕堯司錮之犴狴誰司毛穎中書圖
土十圍鄭文犬棲於三木雉環一掛楊藩鬼責
於九原雖湯網不四布固無竭澤之羅而沈黎
幻百妖尚作據梁之嘯青丘九尾戴朽骨以踣
臯赤鬚六肱負巨靈而使臂崇巒切漢凌石菌
以開營絕壑憑霄拒巖椒而峻壘長林織翠薜
蘿惟利徠攀茂菁穿雲荆棘止容矜掛加之羊
腸一線飛鳥可以翔風瀟水千尋巨魚無難縱

壑臣乃遣都司俞書施勲會川衛指揮張維忠
環江結陣遵潯張羅帳列楚歌但使陰陵路失
波無衛艇無令大澤雖奔臣又遣叅將張名丑
都司范繼斌披榛覓路涉澤求蹊四合奇兵七
擒遁寇獷摧十鼎抽烏壓之僊旅羽旄千慕迅
龜蒙之枉矢三軍揮赤莖以封狼窟八陣護丹
霞而掩狐丘乃賊帥騰霄未悟傾巢之兆仍懷
拒轍之心窮鳥尚飛困獸猶鬪弱卒瑣甲欲抗
堂堂之師薄戍綿垣莫保區區之命名世乃縱
乾歸之間偽潰東奔漏多魚之兵詐令北逐而

賊克者乃暮夜窺屯似驚杜宇之魄中宵襲壘
如戰廩君之寇而我兵觀急擊疑因虛乘散伏
弩齊發星攢斫白之書突騎四圍雲匝搖青之
羽淮濡鶴唳後隊告窮楚幕烏驚前軍盡蹙精
衛卽石一杯之水難填望帝啼花三月之喉已
斷竟然臍於東市終掛膽於西州魚敗釜中死
疲牢底雖佳兵無獲醜之誅但殲元惡然羅氏
有遺根之患無使滋蔓遂爾深踐戎場廣翻夷
落夕陰迷而平蕪晦祝活無門朝籟急而荒嶺
寒走危如驚致令賊黨舉皆角稽交手春冰望
日而融蛾伏囊頭秋籜乘風自賈長纓共縛鐵
雖竊而終歸完壁詒城符縱拋而必保紫泥銅
鵲不必問寶鏃於井中黃蚪金龜固已洗篆籀
於席上前後斬首數千級已格虓呼東西倖虜
數千人永無裼戰流膏灑血紅標丹徽之霞積
甲投戈光耀宜陽之日唯毒戎楊禮負命窮山
脫身鏖險徒探雀殼祗憐巢穴之虛空請熊蹯
詎延晷刻之命瞻言係頸無待旬終凡執茅旌
咸與更始天道福善禍淫信果凶之必殄君子
赦過宥罪宜舊染之維新爾乃振旅獅山班師

龍水山川積雨盡消胡騎之塵草木長風咸有
王師之氣金鑣破草落花芝蓋齊飛翠旆雲
楊柳春旗一色暗啗黃鳥韻諧輦鼓之聲憚憚
擅車響應銑歌之奏波澄瀚海清笳咽邊成之
風塵靜玉門羌笛弄關山之月京觀築二石勒
銘三此蓋皇靈誕播廟畧弘敷舞羽來苗
祀並七旬之格采薇遺戍師無六月之勞扶桑
掛彼角弓粵朝重譯肅慎貢其楛矢觴進萬年
祀夏而配皇天寔惟帝力策勲而告清
廟豈曰臣功臣無任瞻天仰聖踴躍欣慶
之至

啟

賀張相公邊功加恩啟

惟中借箸奏千里之膚功殿上宣麻隆三錫之寵命鯨鯢之觀既築鼎之勒不磨嘉廟奠之萬全慶台司之再晉金甌永固玉鉉常新恭惟閣下宏猷彪炳碩德巍哉握統海之玄珠允矣南洲冠冕樹詞壇之赤幟居然中土羽儀學究天人才兼文武早魁多士人人羨東箭南金繼主文衡在在仰冰壺水鏡振皇靈於徼外電掃風驅調元化於域中陽虛陰吸談笑落穰裘之膽指揮清沙漠之氣花馬波澄印五夜長明之月賀闌山曉回千年不到之春榆闕絕刀斗之鳴槐陞見共球之集帝心簡在天寵駢臻燕金出自上方並日光而璀璨綺幣分來大內共霞彩以輝煌崇世德以象賢宅三孤而亮采命圭相印踵平蔡之裴公赤舄袞衣繼征東之姬旦功侔驅獸業駕圖麟某等絕繫留都旌懸魏闕莫遂龍光之親聊申燕賀之私仰劍履於雲邊長懷上德瞻階符於天際共樂太平

賀李相公初進閣啟

身護碧紗列金甌而注姓望崇赤舄肇職功以擎天龍見於田四海文明之會鳳巢其閣百年平治之期六幕生光千官動色恭惟閣下姓出阜陶道包稷契斗間異氣鍾喬岳以生申天上孤標啓貞元而會子妙呼吸百家之學孔席真儒運經綸三大之才堯階碩輔魁名獨冠步花磚而口代王言台象時輝起桃城而心持國論果行育德澄少海以常清崇雅黜浮颺狂瀾於既倒春官列署望如北斗太山密禁宣麻式用益梅舟楫問朝問左右咸無異言惟天惟祖宗克享一德納之大麓而風雨不迷贊此洪鈞而星辰自拱是以妙簡前旒入鑒坡而日侍升躋上衮陪翠輦以宸遊褒大美於不言萬形善寶調明法而不議四序罔愆秉國如衡躬怡澹而酬世用心若鏡飲沆瀣以參寥正己正物之大入五百年名世而出自誠自明之先覺三十幅共轂而旋帝有謀則必就體夏棘之鴻龐王先學而後臣回周槐之菁蔚賢者在位君子得與並美於元老元勳重光於公沂公路某自愧奔

蜂無能伏鵠風忝通家之誼遙瞻黃閣生松近
開王國之禎可卜彤庭戢穀心馳魏闕能無窺
天測地之懷跡滯滇雲願效聖主賢臣之頌一
官如旅欲申燕厦之私心萬蓋成陰莫綴鵷班
之賀客將舐鼎而得僊敢萌榮望喜升階而近
日空激忤悰

賀樞院陳公啓

業隆定鼎皇都之風化首寰區位重建才總憲
之威靈先百辟自非中朝偉望誰當萬里長城
恭惟臺下清時柱石盛世珪璋精英出自嵩高
文彩傳於洛下名標直指片言回閭閻之風雷
德著平反一字啟園扉之日月天子慨然長慮
惠茲豐芑之邦群公僉曰獨賢錫以保釐之任
算舟車筭塩筴中涓方四出而道路幸福星之
臨徵甲冑徵轉輸羽檄且交馳而閭閻慶霖雨
之沛大江襟帶十四郡重城古堞朔清瀚海奔
騰數千里鯨室蛟宮浪息繡斧風臨吳會東人
重睹衮衣來甘棠乍滿長洲南土再瞻朱芾至
追方召而經營績奏班夔龍而典庸勲高某托
籍吳雲抱闕蕪水弱鱗吹浪罔知大澤蕪容寸
草含輝誰鮮陽春遍履愧茲早秩遙瞻霄漢而
難躋乏在下風會睹斗山其在望雖龍門之未
御乃洪惠之久徼敢云獻玖獻瓊伏冀采芹采
菲

賀撫院趙公啟

節鉞霜飛鎮三吳而海甸奏擴清之偉績恩綸
日耀班八座而廟堂顯潤色之弘猷帝賚粥以
佐中興嶽誕神而襄上理恭惟臺下允文允武
克愛克威丹衷吐納虹霓浩氣卷舒宇宙祖營
平之方畧師飽龍驤步清獻之芳塵風清鶴唳
牙旗月擁大江千頃盡掃妖氛甲帳雲屯環海
百城全依保障島夷之烽火方震中原而長鯨
息浪遙瞻主師壯猷吳會之輸將本甲天下而
蘇子無波爭識老臣開濟卓爾功成江漢欽哉

命錫廟廊六曹任重司空且續神工而睹天地
平成之烈四岳位隆玄武行熙庶績而臻乾坤
和理之休履動星辰宜柱石宜棟梁一代皇猷
黼黻身依日月作霖雨作舟楫萬年葵雪輝煌
于甸于宣乍見棠陰之蔽芾來游來頌載聆臺
沼之惟呼瞻茲南顧遲回德音孔通悵矣東歸
信宿衮服何瞻某吳會子黎蕪陰屬吏七年執
掌已嗟岐路之窮一旦抱關又值絕流之困言
教風承化雨服官且乏下風望天路之岩莒惟
切高山仰止念寤寐之幽晦尚祈景曜來斯用

翰片曝之忱少展燕雀之志

賀撫院李公進大司空啟

中臺地峻叙釐允賴于碩髦常伯望尊表率必
資於良弼新命並台樞以共耀舊京台繒紱而
增榮矧在下曹益懷上幸恭惟臺下豫章棟柱
牛斗龍光夢徵雙筆之祥蚤奏賦於鑒殿駟駕
五花之駿風馳名於絳騶冀北江南在在栽培
桃李三禮六樂冥冥通暢神祇相望擬栖筠暫
試五材之飭忠謹同大義默符四嶽之咨蓋亮
采惠疇將俾熙乎帝載而率工程屬豈徒位以
冬官已哉某江鄉分晚粉署名卑無蔣係之才
安所諧於時論叨李膺之御何期慰此平生綠
袍繫於江干阻齊懾於堂下寔玄黃於筐聊效
燕私仰清白之風能忘水懼

賀制府壽啟

鶴算無邊慶日進長生之酒龍光在望喜天開
不老之祥螺烟結雲蓋以同青鳳帶綰瑤書而
共紫喜連方向色動英僚恭惟臺下岳神挺異
昂宿凝精伏節金方惠露洒封疆之澤揚旌炎
海仁風布屏翰之和萬里旬宣江山邏錦四隅
藩衛草木知名茲者條風應節窮氣崑陽叩律
鳴笙響六城之僊奏開函統席輶五老之丹砂
洞府雲開天際之弧星正朗流觴瑞霽人間之
蜃筆爭飛某寅列隨簪辛勤奉袂遙望彌空之
輦預占上古之靈丹景高懸擬聽琅玕之奏冰
堯遠薦蚤馳鸞轡之踪燕賀情深鳧趨步蹇仰
華封而祝頌莫罄歡呼酌溟海以為尊難抒繼
緒葵忱敬竭芝域同瞻尚美嘉祉駢臻鴻聲蔚
起結紫霞於絳縣禎祥注瑤島之春聯佳氣於
蓬萊沆瀣益金莖之潤

賀黃年伯壽啟

舜華吐燄銅鉦掛紫氣以常升陶愛垂姿錢蓋
嵌黃英而不老時逢允正璣宮婺女凝祥宿靄
角東球閣星王絢彩靈開規目喜動芝眉恭惟
臺下吸淪漢以長生冷露華而久視蒼顏素髮
蚤固蒂於仙杖龍碁偃骨綠筋久飛名於瑤書
琳札朝游紫窟暮遡玄洲入晏常陽出携松羨
蘭芽桂砌香拂必以紛披班彩霞光暈陸離而
閃爍玉麟六六角端項鎖金牌黛雀三三玄鶴
首簪朱璐米桃薦寶雪藕牽絲御風冷然旬五

日而後近年穀熟矣遊四海以為期八百春秋
方紀冥靈萬葉三千甲子已知銅莖皆花某雕
刺餘材弓裘未裔懸弧天上常聞叱石之聲紙
鼎雲中徒切如冰之想忻言降岳喜遵生申瑤
圃一株竊欲貢東方之果鏡機五味無能臚西
海之麟敢擷澗毛侑金罍而式酌虔攄沼蔬佐
玳爵以為斟伏願具茨峯崑松塢進竹苞之頌
汾陽浩淼江波響川至之歡飲三埒而友雙成
爭睽人端彈八琅而耘五石奏舞雲璈

賀撫臺元旦啟

青陽啓泰春秋得一以為元綠靄凝華日月重
明而麗正璣旋轂轉清臺占五色之祥天動星
迴庶寮際千齡之運山川解氣草木含暉恭惟
臺下政弼堯年德襄周曆建轉杓之巨望球散
雲開吹暖律之仙音谷搖花綻盈盈天酒甘流
家戶之春媚媚鶯花唱醒江山之旦千門大響
芳聲與爆竹俱宣萬里椒香茂績合綵盤共播
允臨零零望歲兀兀寤年月窓誤亥豕之書蠹
魚空老天驕熾戍樓之燄喫酒何幼士女湔裳

醺方開於十二木公騎鳥飛已薦於三千敬采
溪毛聊將栢葉心深燕賀地隔鳬趨尚冀弘衷
數納淑韻岩飄八千歲以為期鷄圖獻瑞五百
年而名世麟紱凝禧

賀朱都司元旦啟

粉荔迎年萬里陽和歸虎帳瑞雲饒臘三微椒
氣動龍韶折衝暫寓於辛盤鏡吹預搖乎柳線
慶從上日祐應昌辰恭惟麾下邊鎖良匙疆場
古柱帶牛佩犢盡銷鵲鷁之鋒刺蜎斧蟾佇築
鯨鯢之觀功高長子月正春王某頌感椒花遠
意薦蒼山之雪心驚柏葉尺書漂洱水之魚律
度青宮忽訝提矛鼓瑟尊開玉隊何緣握月擔
風敢遵獻雀之儀用代傳柑之宴敬馳蘭訊仰
照雲天

賀撫臺元夕啟

冰漸鱗健鰲山綵結三宵火爍燈高角髓光飛
六詔柑盤露重栢府春深恭惟臺下赤電連雲
青霞貫日太平禮樂姬公之擘畫輝煌底定千
戈召父之威靈炳耀先勞孔政無煩半部之賒
後樂軻章足衍七篇之大茲者芙蓉開陸地剪
隋閣之仙葩屈軼拍高墉肅堯階之瑞草燦星
球懸月璧翠染花駟燒銀蠟湧金萍紅翻繡谷
風清鏤鎧絕天漢以洗兵響息木鉦埒丘山之
積甲某虫邀紫綬鹹伏青緇火樹遙瞻瑤枝欲
繞高臺拾荔欣聞唐后三千巨鬣流霞忭進春
王十五尚真喚咻民瘼遐周蔀屋之情啟沃君
心近徹綺筵之照魠花明玉柱柱霸龍光鱗柄
擁金尊尊流鷹影鳳膏燭燭調玉燭之長春縹
篆烟霏掃烽烟於不夜頓覺重牛牯重佇看野
馬塵銷

送端陽禮啟

梅霖灑綠霏微水國波清榴燄抒丹赫濯炎山
烽靜祥凝鵬樹喜宅鳩枝淑氣來薰和風解愠
恭惟臺下高標切玉雅度包金錢壽天願詎繁
靈絲五色琦功代出無煩義鉞重麾艾綰符釵
席捲羅山之甲草翻書帶盆開蒲石之花雨溜
銀塘萍斗暉飛絳日塵安紫陌秧針影亂彤雲
某桃李空栽枇杷誤寫篆雕鏤刻祇慙蠹簡之
魚繡節旖旎遙睇卑邪之夢鴨池綴錦匏帶常
牽鴉宿垂芒鳬趨自繼葵傾苒思佐引年之
觴沼擷溪陳敬將明信之鼎蘭湯瀉潤柳道馳
倖幸披天鏡之光俯照野人之曝

送撫臺中秋禮啟

玉律迎秋爽氣徹高清之宇銀蟾團霧澄光流
沆寥之天矜伊人於水一方蕪葭露結共圓暉
於山數點桂對風生縹緲興思芬華可挹恭惟
臺下玉府標清金城望重神凝秋水臨皓魄之
晶瑩識透霜華映冰壺之皎徹月明千里彩摠
棠影以婆娑砧度萬家響協頌聲而揚厲靈鈞
在握手磨寶甌三千億斧無痕掌運璫樓十二
霓裳按舞惟傳素羽迎颺蝦布收氣無復金墓
吐酸澤被幽岩潛壑心同碧海青天顧乃漢墨
狂雲鏤鑿妬蛾眉之影致使濯波素質離披隱
兔窟之光撫轡金樞莫挽纖阿之御據床銀漢
誰登庾亮之樓雁噉遙天恨北塞傳書逾杳烏
飛靜夜歎南枝遶樹無依某辱在照臨寧忘瞻
注聊將芹意薄侑瓊筵遡流鑒之被水墀敢望
梯雲挈月採溪毛以羞桂苑無能把酒臨風神
隨壁鏡齊飛思與紫簫俱遠伏願情封廣茹心
海汪涵瀾靜波恬紅消而雲衢彩徹星揚月至
階平而斗極杓迴感東山霖雨之詩重觀繡裳
赤舄聽南庾停雲之曲寧耽明月白雲

送撫臺重陽禮啓

日月會重乾白羽掃榆關之霧水金交正兌繡
斧嚴澤國之霜喜動龍山驩騰鷄塞恭惟臺下
文明利九麻命提三天語口傳莎磧驚颺破雁
王鈇手握栢臺翠葉翻鴉鼓角神羊營窟封狄
歛跡牽雲屈軼蔓堤芳草垂葳照骨金精大畏
雀牙桑指洞胸靈鑑遠清沙蜮蒿裡駘馬鳴鏐
鸞韻砧聲共響鍊冠聳峻霜天浩節齊高銀箭
抽涼銅壺灑潤金風轉麗珠露飛英肅氣三秋
攬轡戰黃花之色柱星五夜埋輪耀身簡之光

某叨覆二天忻逢九日白蘋烟盡有懷楓葉以
攄丹紅蓼汀寒徒望連波而飲潤艷仄阻步蘿
帽興思澗水如藍潔潢醪而薦止山花似錦綴
毛蕞以零芳式泛金疊慶陳野藿伏願鏡光玉
削壺彩水懸佳氣九霄應九策陽明之數泰階
三耀叶三台欵起之辰

又送撫臺重陽禮啓

霜雁下天風吹帽動龍山之想星砧催木葉授
衣興澤國之思歌山月於峨眉清同千里指浮
雲於玉壘想若三秋恭惟臺下日邊佳氣雲表
脩名神變化以為貞軋龍決盡啓靈華而獨照
兇虎功成鑑朗冰壺駿譽合砧聲共遠瓶抽銀
箭洪恩與夜漏同深某學謝登臺才難序閣東
籬菊綻喜開彭澤之尊西服雲濃歆步龍山之
輦蓬心自結芹意聊將紉以為佩無能滋九畹
之蘭用投其桃薄言放三花之藥拾澗毛而作
貢希列荀庖望藪納以為容命充奠酒

回縣公謝薦啟

恭惟門下慈帶流膏花封飲席火明漁罩鯨憐
覃父之綱日永棠枝剪避召公之樹握環中以
應物洵游刃之庖丁決兩造如順流寔辨音之
公治催科拙而民肥肉鳶肩之白骨撫字勞而
俗穰哺牂首為豐順鄭母重光賈男再活芳聲
盡挹於口碑盛譽寧煩於舌筆不佞自媿奔鋒
無能伏鵠懷非皮裏之春秋評豈人間之月旦
直而誰譽染毫慚一字之褒善則無私擊節誦
五歌之美揄揚德政方思描寫難工愈及好音
漢文

詎意珎瑤遜賁陳儀既渥謹綃地而拜於庭趨
壁莫酬敢巾車而脂其轂心碑可勒口頌難宣

謝生日禮啓

日掛銅鉦藹清光於蓮目風披銀幌鼓噫氣於
蒲姿不謂犬馬之年迺荷鹿鷄之愛恭惟臺下
抒華鼎次食秀玄亭露濺瑤桃詠琅筍而下雀
雲縫斗橘擷草杖以成龍栢固松凝玉顏不老
鸞翔鵲峙金骨長生某年裔惟羔歲華如蜚野
樗浸老空慚男子桑蓬沅芷垂芳重枉外孫鑿
臼蓼莪廢誦久悵悼於孤踪金璫遺編辱寵光
其初度慚增面甲感勒心碑一字一鱣莫酬玆
貺十巾十襲謹拜高情被服虔神與鶴翮齊飛

漢文

展視間心共緘絲俱裊餘緘壁返肅佩瓊投敬
勒短章仰塵汪照

賀按臺冬至啓

天宮初動磬義文得一千軌又緹室已飛灰阜
法提三于坎德復雷震千闕之響產氣騰六詔
之歡秀交風行花駢瑞霽恭惟臺下瑠瓶珠露
玉鼎梅羹膽鏡流光皎赤暎於狼駿膏鐔揮鐔
歛紫電於犀犀繡斧凝霜諫草寒生白筆鉄冠
映雪埋輪威壓金鑣伐箭迎玄落神颺之厲隼
斷葦加午掃蟠麓之妖塵蘭署射干翠舞丁松
如黛栢臺巢鳥祥儀文雀惟鳥箕樹風飄恍結
鷗庭綠綻天星瑄授底清鼇闕黃鍾某被線微
材斷牙末品日色眼迷綃絲冥而罔照不烘頭
腦蘼白惑而忘辛碧葢花明沁氣霏梁園之六
出跛鳧足跡孤踪漸激海之一孟柔荔呈芳雖
歆進休昌之履天芸挺秀媿難同道長之書沼
芷承筐謹將陽賀菁茅作貢敢效瞻忱伏願敷
量葑收汪懷波溜建子杓而依日月旌旂消腫
菟之雄旄補申袞而綴星辰粉藻添火龍之長
線喜遊貞元之會殿邦稱五百名臣能襄豫泰
之時輔世用三千禮樂

又賀按臺冬至啓

蘭臺雲淨法星焜耀於中天栢府陽回佳氣籠
從於北極候四分之鳳曆近三點之鶯行雀躍
奚勝魚歡喜共恭惟臺下執憲中朝褰帷萬里
霜飛白簡澄清炎塞之塵日照金扉揮灑天門
之露茲者節屆書雲事宜獻履宮中繡線同繡
服以俱增臺畔祥風共祥光而並滿某遙瞻視
晷之辰遠致履長之賀仰陽德之方亨幸天心
之既渙尚冀恩流鵲旦風沛荔生雲和鼓響新
靈奏于霖車曦馭回東煜光華於烏府乘斯葭
管之灰浮共玆鸞章之鼎至用馳花使敢附天
雲

迎按臺啟

繡斧西馳誕布彌天紫氣彤雲南靄遙瞻絕漢
清光旌旄壯動地之威士庶切來蘇之望名知
草木色借丞察恭惟臺下浩節靈披芳聲雷灌
彩籠霞閣蚤擢秀於江以西瑞枕龍垣雅著望
於斗之北伯吹壘仲吹簫交臂授文章之印前
鞭驚後笞鳳傳心有名節之燈軼倭草於堯階
祥輸堯鷹批堅軌於庖乃志滿庖牛秦鏡飛光
妖魅踪潛獍窟吳鉤揮鏑封狐膽裂駭車節簪
喜見春回閭閻習行者燭照某小巫空傳大全未

窺日麗花磚愛近名卿之日風搖栢徑恍聞君
子之風亮帝惟寅協志敢遵乎虞拜耦王在望
同心竊比夫周交喜方決於彈冠懷深鵲面情
已貞於飛翰地阻鳬超掃驛先驅執爰預誠尚
異虬花魚線鑣聯隨雨之車鶴旆鮫旗彩拂環
山之纛願言攬轡承遂鳴靴

迎屯田道啟

鳳詔如綸茂選既平之德屬花惟繡簡來方穀
之英草木含和郊原飲澤栢枝西挺綺繡南瞻
恭惟臺下雨粟鍾靈谷王善下馳神烏巷體后
稷之猶飢擅巧龍門切塗山之拯溺望隆鱗陞
寵錫龍章屯政其司波瀾獨柱美種既熟見種
桂之雲棲浩澤已流響淵泉而壑沸我心若水
不抱甕而水已盈畦民情為田但鋤硤而田無
亂莠汚邪算滿瀦道沙凝乙氣生庚喜多魚之
沫沫甲兵絕筭集歸雁以叩蘆集巨海微塵太
倉一粒舊美自莽慚菽麥之難分滄水空聆媿
淵渟之莫辨遑思富有喜決川流來暮興心有
如農之望歲前旻候彩不膏渴以投漿伏冀陽
有脚而驅車清若眸而攬轡崇墉比櫛千家歌
靜若華衍派朝宗萬頃波牽苐菜畝栖畝被圖
緒七月臨風涵引溝分澤沛一犁春雨

餞撫臺啟

咸宣畫戟揮馳澤國烟銷響動銀輪赫濯榆關
雲罩情深卧轍望切歌棠將九肅以鳴軌遶三
環而捧袂恭惟臺下鍾華武岫蕩滌溟涸狼窟
長封映掃犁之鐔鈇鯨波止跳泳飛架之戩戩
邊鎖良匙廟絃古調星旗拂露苔卧綠沈之槍
月析吟颺塵靜黃金之甲方勒垂於竹帛忽念
注於林泉草結孫叢蠹開祖帳慈顏鵲髮舞來
綵袖欄斑去國驪歌奏出綠楊悽楚觴咏公雖
甚適風雷上必見思其夙依亮月之光廣被迷

臺

雲之靄代戎山甫洒天酒以同沾鎮貊琦公噫
塊風而合灌登舟榮重傍厦思濃絳擁離尊咸
訝軫旋古道青回去馬忍看輶出長堤敬滌蟻
觴肅將芹侑雖膾山雁海無鏡機子之清芬而
燁夏酌春效華大夫之涓庀伏願鳴珊曳珮響
仙籟於鶻蘋話綺飛文煥靈芒之近斗清規勸
相片言生翠幕之風雅度宜人一醉翻銀河之
浪縈心柳舍而朝浥於輕塵望彩闕河虹漸移
於昆水商還共慕召往誰依挹枕上之清光難
忘席畔指梁間之明月彷彿尊前

謝撫臺薦啟

奉違台顏再易階冀飛光如駛觸序騰心厚德
彌深懷人有夢頃者奉到劄子知下職已列薦
刺披此恩私拊躬內報職柯亭野竹自知無賞
於審音豐匣頑鋒深愧難施於操割乃荷台臺
不棄朽枝被之律呂旁收片冶加以鑪錘遂使
清音見賞於中卽紫氣幸呈乎雷煥心碑可鐫
無辭鑽入石之毛錐德海難量似覺泛騰風之
巨浪昔叔向升駿明於堂下晏嬰戴石父於道
旁自古稱隆於今為烈職敢不勉持末路以報

臺

非常特達之知益勵前脩敢懷一毫偷惰之意
龍門益遠未知覲丰範於何年雁足非遙或可
效涓埃於異日敬裁魚素仰叩鴻慈少效葵寅
未敢擬飡花童子聊申芹獻願竊比食稻書生
拜手迴環傾心肅栗

回縣公謝薦啟

驚鑣鳴雉堞俄觀赤縣鳬飛鵬刃試牛軛蚤見
紫垣龍耀慈君望重國子歡騰恭惟門下溟海
蜚英華山毓秀風節百井琴聲魯鐸相宣歡繞
三鱣芹藻潘花共絢催科政緩月來犬卧蒼烟
撫字心勞雨溜人畊綠野火明漁罩鯁憐羣父
之綱日永棠陰剪避召公之斧刀嫺製錦鼎屈
身鷄不佞技謝郢吹識非郭籟繪圖索駿趨蹌
跌目以為良石鏡照人少婦色絲而莫辨斧袞
殊媿豕亥尤迷採月旦於喙同有寔永萬聲之
譽乏春秋於皮裏無能揆一字之褒枯穎何功
洪鐘自響迺遺珎貺更辱瑤章肅使宣秉磨心
碑而刻感開函登拜汗面甲以增慙敬勒荒槭
聊陳謝悃

謝生日禮啟

野樗漫老空慚男子桑蓬沆芷垂芳重枉外孫
養曰盤而三肅奉以九賓恭惟臺下生由天保
再崧岳之誕申選冠人倫重渭川之得呂玉顏
不老金骨長春挺然松栢凌霜之姿念此蒲柳
望秋之質飛來錦字寵溢百朋捧至朱提光盈
十乘惠而好我何以報君某馬齒微年齒華未
算唾壺增慨空有志於四方雖鉢流英勝舍光
之五色慚生面甲感勒心碑一字一縑莫酬腴
貺十中十襲第謹珎藏聊布短章用申謝悃
圖草具以荅瓊投

謝生日禮啟

波瑩蓮目照人永盼常清風裊蒲鬢對鏡潘容
頓改乃思涯恩之滲漉敬昭積悃之淋漓玉案
懷青腰書表素恭惟臺下扶輿游祉冲益凝祥
齊呂匹申五百年而名世宏侏軼倕八千歲以
為期滿志養生綽有牛軛之裕環中齊物喻嫺
馬指之非暑逼藤蘿扇薰風而御冷涼生笙簞
清火國以回炎化起春臺民安壽域某總姑未
算犬馬微齡好古殊媿於殷編嘉惠雅承乎遽
顧思繁振某意竭葵忱聊具溪毛用酬玆貺舞

古表

綠菜而擊銅斗共樂餘年贈金錯而報緋袍深
慙無物恭疏草狀統冀淵涵

謝啓

臨臚大辰之百歲式卜龜年賦廣厦於萬間聊
將燕賀獻芹獻曝兀自埒於野人其露其珠敢
猥望於君子顧乃龍紋鯖眼金鉤葦處鳧搖兼
之松汁霞箋玉札捧來色動百朋之寵錫自天
五內之媿慚無地而然傾葵藿之私竭勝顏甲
展也獲璫瑤之報無既衷銘敢不魏草啣恩蚤
醉紫微之秀色楊隴載德長占青島之遐齡益
泚荒毫復塵清鑒

古表

謝元旦禮啟

春風曜彩筆感知遇於三生夜月發梅花企思
光於千里龍門引領心切瞻烏徠檻羈棲神馳
賀燕雙魚可託幸碧樹之未秋一蓂難航望青
山而已暮恭惟臺下八閩名流一朝偉望言語
妙於天下聲名重於斗南昔秉鐸於金城集公
門之鸞鳳茲分符於鐵甕吹寒谷之袴襦一郡
陽煦萬物吐氣春生南國剪成綵勝初丹早入
西園坐對葭花未紫迎長安之日豈捨王乎望
蓬萊之雲行首君矣某鹿鹿凡材魚末學幸
逢伯樂之知鹽車已脫獲遇鍾期之聽流水何
工顧千載知音未申國士之報三秋契濶方懷
歸鳥之思迺荷瑤篇連光珠斗擲地作金聲滑
柳倉庚卷舌從天沛花雨葺封瓦礫藏形飲墨
空慚綴桃矢佩敢摘八行之牘仰塵乙夜之觀

謝元旦禮啟

青陽啓令歷稽長烈之常玄律迴周卦應大來
之泰時維茂宰坐擁曙祺恭惟門下德並陽和
氣排冬凜藹然政譽績花熙之風流煦矣春融
漏柳條之消息亟飛鳧舄進造管行某自是陳
人又逢新歲尺書寄鯉蜺往記之不先列炬散
鴉尚餘光之見及肅裁申謝尚力嗣音

謝端午禮啟

龍舟爭軋俯競渡之澄波牙箸縱橫仰握籌之妙笑恭惟門下蘭芳久襲奚藉九畹之滋壽域方深寧假五絲之續顧乃撫朱明而思白屋垂綠字以介青蒲遙憶同心握靈符而祇佩願言合臂分金綫以長榮鑄江心百鍊之銅清輝遠照儲賢國三年之艾枯芳重開裁姑酌彼黃金疊情溢百陶之枝巨何以報之青玉案才慚六日之肉芝

謝中秋禮啓

金波蕩漾九霄皓魄同瞻桂影婆娑萬里清光款溜芬華可挹縹渺興思眇美人於一方共蒼山之數點恭惟臺下鑑觀如洗璧照凌空風靜榆閨靉靆妖暮歛迹月明洱海猗猗怪鯉潛形銀箭金壺動賦長庚麗句瑤臺玉宇廣吟白傳雄篇霞雁齊飛方浥庾樓之興水天一色遽來孟牘之傾筐篋燐瑤玕的爍某似吟秋之鱗蟀祇啖月之魑魍無靈槎之可乘甘大匏而自繫佳儀登拜幾汗喘以淋漓心版難磨撫寒潭而披瀝何以報之青玉案裁姑酌彼黃金疊神隨玉鏡同飛思與紫簫共遠敬裁闕蹕而陳謝嗣拾嬋娟以報君

謝送重陽禮啓

律改三秋乾坤適逢茂節天成九數日月並應
嘉名睠懷落帽高風雅有振衣清思曉霜飛玉
砌羨幽蘭之獨芳曙影動輕瀾睇浮雲而長往
恭惟臺下台繮動色玄宿流光滿志善刀卻批
千而委地神明取畫陽用九以規天菊秀寒堤
懸憶金輝照野澤熙南服遙知瑤露重華方思
詹向之勤拳詎意寵頒之下及其有懷漬葛莫
遂題糕綠蟻含芳謹拜白衣之送酒紫萸結綬
難隨皂蓋以飛觴銘版在心報理計書傳白
雁敢忘月繞風啼危泛黃英豈畏天荒地老恭
疏草狀異照台慈

謝都司冬至禮啓

杓攜龍而建子象自天旋甯吹鳳以及辰陽從
地復折衝千里麾灑六軍諒當凝燕之香丕介
龐鴻之祉恭惟麾下克壯其猷共武之服承師
旅飢饉之後力撫瘡痍收愁恨歎息之聲復堅
保障底績茂哉歸班近只某未遑旅賀先辱謙
施登觀書雲已容觀於道長築壇擇日佇益振
於戎昭

回撫臺啟

昨承鼎諭委課啟箋自愧機材勉塗鴉字竊斤
代斷恐來傷指之虞羔袖狐裘未免裂錦之誚
伏乞畧其荒見賜之郢裁庶陳琳稟旨於下風
應璩承規於記室錄草呈覽伏楮媿心曷勝悚
仄汗浹之至

與陳眉公啟

伏以棣萼發祥秦史侈相霞之盛桃夭被化周
詩歌窈窕之章鳳鳴懿氏之堂卜年卜世車御
王姬之國承籛承筐蘋蘩喜助於他年蕪葭幸
遇於今日時維良月序屬陽和取數得盈探春
在早菊英泛筆香分裴杵之漿菱蒂牽波影入
溫臺之鏡敬遵六禮用展一芹恭惟導親翁大
人閣下茸城珠胄秀水文星詞壇建起霞標九
峯難並其岑嶠研滴瀟殘銀藻三泖遂失其汪
洋淵明晦跡衆號潛龍縱法化人身同威鳳烟
蘿高卧少微光耿於三吳雲笈獨窺太乙藜難
於五夜履跡滿戶外畫傳白鶴之篇詩名入禁
中何減墨梅之賦行赴蒲輪之召佇袖石室之
書追蹤招隱之八公方駕安儲之四皓臨探囊
無智學冶未工岳記風高敢望後樂先憂之偉
抱醴泉雲冷僅遵斷麓畫粥之家風乃以佐晉
餘支仰附昌黎世裔蜚英魚麗昔邀文酒之歡
謀翼燕胎今締松蘿之好雖齊大非耦長冀絲
牽荷季諾騰金韋容腹坦亭亭玉樹撫葭草以
垂肩聯聯原田結嘉禾而引夢心乎愛矣衷寔

佩之顧小兒髮方搃小妮一經未授難稱天上
麟兒而仙子鬢未成雲知四德早開寔作人間
玉種衛郎非璧潤深慚樂廣為翁媼媛正椒芳
殊勝劉臻作婦才堪詠絮待徵幼婦之詞時及
歌梅遂布委禽之禮信言旦旦欣聽合歡之鈴
束帛茲茲媿之九子之墨烏瑞十事白子厚之
貧儉可嗤紫弱千頭劉純材之侈靡勿尚聊陳
綦縞雅稱釵荆試看玉瑄宵清癡女梧禽並誇
雕梁春暖廬家海燕雙栖慶將衍於百男昌先
占於五世敬藉鸞書司契敢因鶴使傳音倘錫

海涵可勝岳戴

五卷五十二

與鄭謙之啟

式承台慈不棄寒微許以令愛既室小兒必秀
謹行納徵之禮者伏以花印香泥海燕營廬家
之壘月臨瑤島瓊簫吹秦女之樓卜昌兆定於
百年述淑好諧夫二姓鼎山重諾華李布之千
金葑菲輕儀謝楊雍之雙璧敬遵六禮用展一
芹恭惟尊親家閣下華峯挺秀漆水流芳峙玉
丰姿膏潤崧山之玉凌雲儀表瑞符榮澤之雲
龍禁堂深每旁衮衣之麗彩木天地近常隨雕
輦之清塵箋素聞夫幽微刪詩存其雅正直聲
久震父之令子而帝之名臣文彩素彰兄為廢
歌而弟為應制如龍如虎英名每覆於金甌吹
噓吹簾奕世競乘夫華轂洵可並轡於平地敢
壽而比轍於震賜乘彪者也臨學殊半豹菟愧
全牛畫粥斷葢蕭寺之辛酸如舊綈袍純扇故
人之繫戀猶動乃忘苦李之寒枝仰附甘棠之
世笏看花騎馬幸追腰裏於天街施萬垂蘿喜
寄宛童於喬木山川鬱鬱適並舍乎魚鳧河漢
盈盈許問津於烏鵲屈朱顏之鳳女匹黃口之
豚兒易地相同諒齊大之非耦自天作合託周

親而匪媒既叶夢於星前遂尋盟於柳下乃布
委禽之禮爰徵雛雁之鳴束帛箋箋媿乏九子
之墨信言旦旦欣聽合歡之鈴有齊季女之蘋
蘩願永資於錡釜不腆先君之筐篚敢求報於
瑤琚試看夜搗玄霜漿泛裴航之杵高懸寶鑑
光分溫嶠之臺涓吉旦於朱明傳好音於青島
海涵是望嶽戴奚勝

荅沈笏林啟

歲轉攝提龍角應天門之候日躔星紀鷄味拂
河鼓之津喜青島之來儀正玄冰之未泮七襄
驚絢百世為榮恭惟臺下八詠才高四聲韻協
楓宸敷對爭誇賈董之詞肺石清寬邁種臯陶
之德迨衡文於竹嶺樸樸靡遺及掌選於兔置
干城增氣雖霜蹄屢蹶殊無慚北海之名侯風
禾再興終必返東都之駕人皆重夫龍德身獨
採其鳳毛如令即者蒙泉初開幻海方深秋水
橫神已見崢嶸頭角西風振翮必將凌厲雲霄
劉歆之嘲楊子應不然乎李漢之序昌黎是所
願也伏念臨隨武慚年范文遜德粗諳斷蕞畫
粥聊聞箋易誅詩第壯志已消於據梧虛靡既
往惟私心尚期於嚼攬取味將來搃莫蘭香成
茲眉憮但小女鳩飼注愛羔乳承歡北面鍾夫
人未能學禮比有孟德曜庶幾秉心方歌綵牕
之詩以自方忽覩紫璇之珎而下賁鸞紙淋漓
似接瑤天湛露裊蹄璀璨遠吹寒谷春風筐篚
隆施瓊瑤莫報伏願涓洽呈祥福祉早攀桂萼
吳山鍾秀寵榮福及葭莩相佩玉於鷄鳴錫封

重於鳳翥光華百歲慰悅雙親則臨與有榮施
益增色喜不映之敬具在副緘仰冀兼容可勝
竦仄

荅楊方壺啟

伏荷尊慈不遺下體采及菲葑孔李通家久叨
榮於世籍粉榆聯社復附帶於喬枝掌露朝凝
瓊液授裴郎之飲蟲絲夜緝銀河邀織女機
相從孔雀之樓作儷鳳皇之兆耦嫵齊大占寔
懿嘉恭惟大師相尊親家閣下植根芳園濯秀
清流歆向傳經世有青藜之照震彪襲組代登
華衮之榮上苑司文光增玉軸名藩秉鑑皎徹
冰壺迨伏節於皇華銀潢衍派旋晉階於青禁
星海長輝凜切四知寔感四環之報逖除三惑
益膺三鱣之徵漢代名門常平掩耀姬朝舊族
莊武慙顏而臨食采餘支御龍末裔懷中無夢
筆楊子雲之詞賦雕蟲殿上錯呼臚丁敬禮之
文章畫虎綈袍執扇故人之友誼雖存畫粥斷
藝蕭寺之家風如舊九重天遠夢遠長樂晨鐘
三徑日荒樓冷小山叢桂顧乃惠而好我訂以
姻盟聘玉之祥翻作探金之慶龍文之胤殊非
吹鳳之速婦翁自愧水清女壻真成玉潤顧小
女才非詠絮敢謂愛女如張瑀而仙郎筆已生
花深快得倩如韓滉自是三生之眷寧辭百里

而遙兆日吉兮辰良慶門楣兮庭寔青禽戴命
禮稱五兩之承筐白璧分輝詩叶三星之在戶
調其琴瑟欣聽合歡之鈴宜尔子孫式頒九子
之墨敢將敝賦附荅徽音金玉無瑕瓊瑤莫報
伏願泖峰鍾瑞光華載衍夫貞符渭洽呈祥福
祉永孚於文定吹茗華之玉琯雙乘秦女和鸞
飾玳瑁之雕梁並宿盧家海燕可勝嶽戴仰冀
汪涵

謝楊方壺啟

恭惟台臺道高物表德冠時宗水鑑澄華水壺
微映應期間出熊羆之佐夢求命世挺生申甫
之神嶽誕學山峰秀三墳仰止乎高標筆海瀾
清九派朝宗於巨浸姬朝舊族可令莊武慚顏
漢代名門能使常平掩耀此誠圭組鐔聯而輪
轂踵接者也臨也駕貽下乘不堪金勒驅馳而
焦朽棄材誤被朱絃撫拂置之孔李之末聯以
秦晉之歡猥以玉潤之仙郎匹此蓬飛之弱息
媿盈盈未能十五乃匆匆怯嫁王昌箕帚方搥
安能舉齊眉之玉案藻蘋試采那知問膏食於
小姑所望慈闈訓以婦軌閨中問寢令之執巾
櫛以從堂上饋漿教之持匕箸而進鷄鳴昧旦
相與視被明星筐筥金綺誰其尸之季女顧盈
門百兩方竊咲夫彼穠而從聘九儀乃盛誇其
此繁被之華袞錫以多儀瓊玖以報木桃綵絲
而蒙草菅銘茲厚德與渤澥而俱深載此洪恩
並嵩華而猶重心乎愛矣何日忘之

與吳贊皇啟

兆諧鳳卜百年分定於檢書聲應睢述二姓歡
成乎叶夢雖齊大之非耦妄冀絲牽荷李諾之
勝金幸容腹坦攬重輝于玉魄先懸溫氏之臺
浥湛露於金英漿泛裴家之杵敬遵六禮用展
一片恭惟閣下摩雲峻閣映水清標踵季子之
高踪風流未沫繼長文之望族譜系增輝蔚芳
蕙於中林詞稿雲錦酌寒泉于片石皎徹冰壺
傳心有名節之燈交臂受文章之印如龍如虎
乘朱輪者代有若人吹壘吹荒覆金甌者世濟

七卷五九

其美賈家之偉節最怒荀氏之慈明無雙機雲
盡俊爽之才歆向無異同之論卓哉喬木聞家
允矣茁蘭秀質而臨探囊無智學治未工畫粥
斷齏僅守醴泉長白投秦霸越敢言張祿陶朱
乃忘若李之寒枝仰附甘棠之世笏山川鬱鬱
適並舍於魚鳬河漢盈盈許問津於烏鵲珊瑚
藏海底肯受釣於虹霓驚鷺翔雲間頓歸羅於
翡翠亭亭玉樹撫葭草以垂肩撫撫原田結佳
水而引蔓心乎愛矣衷寔佩之弟小孫髮方總
髻一經未授殊非天上麟兒而僊子髻未成

雲知四德早開寔作人間玉種渠父不及昂公
敢謂敬宗有孫愛女甚於愛男自喜蕭咸得婦
才堪咏絮待徵幼婦之詞時建歌梅遂布委禽
之禮信言旦旦欣聽合歡之鈴束帛箋箋愧乏
九子之墨烏瑋十事白子厚之貧儉可嗤紫弱
千頭劉鈍材之侈靡勿尚聊將筐篚豈望瓊瑤
試看香滿雕梁並宿盧家海燕花明月鏡雙吹
羸女瓊簫慶將衍於百男昌先占於五世敬藉
鸞書司契敢曰鶴使傳音倘賜洲涇可勝岳戴

七卷六下

吳趨范允臨長倩氏著

尺牘

與徐清之書

頃聞吾丈畫居於內不御七箸者三日矣詢其故謂以不能娶庶生為妾求死不得耳弟聞之不覺仰面失笑噴飯滿案冠纓欲絕已復賦歎唏噓者良久為之泣下數行吾丈素以耿介絕俗自負生平羞言統綺畏入朝歌談及平康狎邪娼樓蕩子輒冥目裂眥欲絕其類不意今日

躬自蹈之此母論言不顧行乃至以一妓之故欲絕粒而捐生亦甚大愚大惑矣將母釀譏於鄉黨宗族襲笑於親戚朋友快心於睥睨旁窺非所以奉遺體而承宗祧又何面目見先人於地下乎即或入地而見先君先君問吾丈何事來此將何辭以對乎此不可者一也不肖罷官閑處不列朝班猶尚斤斤自飾不蹈非禮吾丈出入承明之廬陪奉侍從之列而乃娶娼優為小妾不亦穢朝紳汙白簡羞朝廷之士乎此不可者二也吾丈至孝性成倫常天植屬者太夫

人棄捐帷幕吾丈且吸粥飲水面深墨色擯酒肉而不御闔房閨而不遊今太夫人之樞儼然在堂方且焚香在夜而乃采下體於瓊樓貯賤妾於金屋豈寢苦枕塊之夫亦可假紅倚翠乎此不可者三也常聞野鳥之性不愛樊籠山澤之獸不受羈的庶生從來飄泊風塵清然自放俳優歌舞譚浪歡呼男女襟坐履舄交錯縱欲敗度蕩蘭踰關其來舊矣今吾丈一旦冒以嘉禮列之閨房亦既妾媵處之矣將聽其排窓窺戶游行自若歌喉徹外舞袖從風乎將處以曲房窸窣重圍疊障不令人窺半面乎若聽其出入自繇交游自若則恐冒禮越義貽羞簾箔吾丈必不然矣若將處以曲房深戶則羈的在前徽纆在後恐野性不耐深居風情有時自蕩始雖羶慕富貴少就規閑俄而思及故交追憶疇昔撫明月於空庭歎佳期之長杳或聞歌聲而神往聆雅韻而心馳得母有詭銜竊嚮之思絕絆斷縈之想一旦翻飛出紫宮不復可馴蓄乎此不可者四也又常見娶妓之家多娶不利非其身遭死亡疾病則其家道蕭索凌夷蓋烟花

之然取忌婚家野鳥入室主人將去從古然矣
且無論其遠者即如吾兄笏林高才奇文英姿
妙齡淵雲墨妙嚴樂筆精詩能奪錦賦可凌雲
自謂比跡金門之彥追踪蘭臺之英而一惑於
杜娘效扁舟之少伯遂至室中反日交絕賓朋
少年客死歿恨燕京先人薄業蕩掃飛塵追思
往事悔復何云又如吾養初湯舅英敏才幹長
於理家優為趙魏之老不媿滕薛之君而一惑
於王姬致使火焚其廬妻去其惟天奪其魄殒
命黃壚覆轍在前殷鑒不遠吾丈將鑒其禍乎

卷三

抑效其尤乎尤而效之既又甚焉此不可者五
也且天下美婦人都矣盛矣不可殫矣燕趙之
女鄭衛之姬粉白黛黑螭首蛾眉舉袂成風連
袂成帷吾丈不難以千金購取自可金釵十二
翠羽成行夫何求而不得諒孰阻而難行而乃
溺一賤妓花殘葉謝子落成陰門前車馬將稀
者乎此又不可解者矣弟與吾丈義切葭莩情
深肺腑託孤受命休戚同之豈忍坐視浮沉旁
觀興敗此而不諍其誰諍乎故敢不避威嚴甘
蹈斧踵痛哭流涕進盡忠言使死者復生生者

不媿存沒之情言竭於此倘吾丈不惡其慙采
取芻蕘則當翻然悔悟憬然返轍遠彼邪佞近
此賢良弟當焚香額天告謝先靈自驚賢良以
僞後宮若拒諫飾非悍然不顧自覓死地以殉
下賤則弟請得以頸血濺地謝先婦翁于地下
吾保孤之力竭矣畢忠盡瘁死而後已嗚呼痛
哉嗚呼痛哉皇天后土寔聞此言吾丈聰知過
人當先着鞭勿用吾曉曉也

致傳括蒼大司馬書

久不聞問思心搖搖言念疇昔不忘夢寐擬以
老年越在窮谷桃源鷄犬杳隔人間引領故人
如在天上不能梯雲而叩之耳向者借節鉞於
西川屬有親友作下吏者欲託八行乞垂雲之
覆不得不漫應之亮為臺下所亮也茲者恭承
帝眷借前箸而以籌筆授之此雖重任然以臺
下宏材而運此籌政如庖丁之牛迎刃而解自
能折衝樽俎奚難一犁虜窟令漠南無王庭哉
行且勒旂常而圖凌烟閣矣山中老疾聞之喜

而不寐可勝慶幸乎曩時握別不佞尚未有子
女以為老公祖憂乃甲子丙寅連產二女幸未
舉一雄今雄者已九齡稍露慧性頗能讀父書
而二女已長大且作人新婦矣其次者已歸雲
間太史楊方壺第三郎蓋以兩世通家而締秦
晉之好者也方壺尊公為宮詹楊石間而方壺
能繩其武父子俱作館元而皆主文錫封江右
亦甚奇矣玉波相公係先丈正支使房子孫查
譜牒於不佞為姪孫輩屢欲作一柬通之而以
辱在尊行不宜先及故爾久未薦其宗盟倘見

時幸為不佞道此意都中有一孝廉范邦瞻亦
為不佞之姪可問而知也偶有便信畧附數行
以候興居并道近况功令方嚴不敢薄有所將
竟達空函矣

漫若侯書

予居深山中則聞吾宗人有所謂范若侯者名謙都下心異之曰此必吾觀察公一派也顧安得覩其面哉丙子得北闌秋書則君侯名儼然在焉喜而語其里中人曰吾族自麗水君堊天平之麓青囊家曰此大地當封拜者恨飛沙水走發多在他鄉然危石崎嶇礪必流離坎軻五世乃大發耳已而果然先文正幼隨母改嫁常山朱氏讀書長白山中斷葢割粥辛苦備嘗乃始大發父子拜相後皆塋於維有祭田八百

卷七

畝宋所賜也子孫守墓者家焉故又多發於洛發於齊如范良彥范中彥范志完今相公范玉波皆是也浙中又有一派范少伯為之祖范紹序等發焉豫章又有一派范宗伯涵虛發焉然此一派又多異每六十年發仙人其地有范村在白石山子孫環而居之仙人兵解塋於山腰朱棺露焉今尚在從石穴中可仰而窺也吳中一派自吾先祖比漢公遷雲間故又多發於雲間今吾姪又發於燕而吳中竟未有一人發者青囊家之言亦甚奇中矣屢欲作東奉候興居

并自通其譜系而以耄夫多病多愁年來有詭

厄之者殊鬱鬱無好懷故每每中止而引領燕

山紫氣心旌輒搖搖馳之矣家奴

歸得手書讀之恍如當面知吾姪伶仃孤苦奮

而自致青雲此亦如吾家文正公矣士不窮不

奮不發旨哉斯言吾亦備嘗孤苦者也幸益自

勉旃他日之業當亦如文正忠宣耳讀閣中牘

魁梧奇偉俊秀淵渟而於書旨尤多懸解此楊

葉之射也春官必首上公車矣捷後幸覓一差

拜瞻文正祠宇此時得握手快談而喜可知也

卷八

尺牘自叙娓娓千言而文致才情宏肆邁逸翻翻多英洵是異才吾宗又有一白眉矣其何快如之玉波為先文正支使房子孫譜系甚明非別族也弟原其分屈在孫輩屢欲以一札自通而恐嫌趨附或來按劍之疑故趨起未敢前耳見時幸為道意偶有便羽聊附八行他人作鯉魚不敢有所將俟春書好音當顯候可也彥卿不及另柬希為道意

與吳興郡公朱心在書

不肖允臨陟伏草莽為深山野人與鹿麋偃卧
豐軟日飽松聲泉韻掩耳不聞戶外者三十餘
年矣以故宏材偉望如台翁者雖神契魂交而
竟未能抱一端綺以自通於門下識韓御李之
顧無奈調饑之怒若也頃因內姪董說庠生米
伏謁臺下勉勒八行為紹介遂得以姓名聞於
左右殊自媿其唐突也乃蒙翁臺不鄙而賜之
溫詞藹然如見其面一何鄉黨之誼殷殷乎董
生既已辱矚睇遂得飾其羽毛深感國士之遇

頌不去其口茲又有故人臧晉叔之孤孫為郡
庠生臧肇基者其才磊落而多英與董說相頡
頏今且應科試於學臺而刈楚之柄則臺翁為
政倘得拔置前茅借之鼎呂吹噓送上青天俾
得與觀棘園盛典倘邀有寸豎亦臺翁春風中
嫋嫋一枝也敢忘矢報乎臨素最不喜為人居
間而憐才一念則不啻如飢渴且又以親舊之
誼欲自附孝標之撫西華故敢不避威嚴冒為
緩頰亦恃親契之末或不加呵訶耳惟翁臺垂
亮而留意焉幸甚幸甚

荅臧廣思書

晉叔子

憶昔白門承乏與尊公結駟聯鑣鳴珂里巷或
卮酒論文或篝燈夜話連牀風雨達旦鷄鳴逸
興翩翩致足樂也已而同賦歸來里居寂寞邀
隔河山不能望衡對宇而時時扁舟往來山陰
乘興亦復杯酒留連惟呼咲傲形神相契自足
千秋不意尊公忽焉委運應賦玉樓之召而不
佞亦頻遭坎壈家道中衰初逢敬通之厄繼興
荀令之衰既而盜嘯於梁鼠窺於室種種不堪
情況難為知己道也以故尊公之捐貲客竟乏

偵人不得以一束生芻哭之隴上白馬素車集
鷄絮酒何寥寥也頃者吾友孝若以八行聞問
同翰使而來捧誦瑤函文采璀璨光暎几席追
念時昔讀之涕零若若云尊公多丈夫子而惟
足下稱王郎奇俊能振家聲又復喜而不寐知
尊公有後矣又知足下居太夫人之喪斬然直
經心甚傷之恨無力寡資無能脫驟以賻西華
深愧劉孝標耳太夫人輓詞勉草數語不能掄
揚微懿萬一姑以枯管授使者塞命恐不堪矣
木也玆就下頌隆豐淪分本不敢祇承重違台

命敬拜佳刻鏡綿以識明德餘二幣附手完趙
肅此附謝未盡綾綬

答當湖郭丹葵書

白門把袂幾閱春秋懷感恩私有如昨日猥以
飲跡深山日友猿鶴桃源鷄犬杳隔烟雲以故
魚素波沉缺焉聞問踈曠之罪等於丘山乃台
臺不加呵討而反辱注存芳訊瑤械不遠三百
餘里而遺之故人高誼直薄雲天矣焦腑中一
片龜龍之石能無赤文綠字乎蒙示以扇頭佳
什讀之金玉相宣蛇龍飛動恍如披拂清風下
沃聆玄論其何快如之承諭慧禪上人欲效瀉
山經營息足敢不願助絮菜一席無奈年米多
難費盡囊垂蕪以尚平之累紛然未了以故不
能效長者布地黃金有方大命如何如何拙作
書之便面以博噴飯下里之音固難與陽春共
歌也慧禪行便敬附尺一奉報臨書神往已在
當湖之濱矣

與張千仞書

大丈夫讀書取記姓名而已無事擲三尺銀不
律伊唔効小兒號嘍壯夫羞為之會須提三尺
劍為王家驅逐腥羶取斗大黃金印應之肘後
使功名垂於竹帛此真須眉男子何乃羞稱魚
服哉前晤老世丈英英道上豪飲縱讀有封狼
居胥意甚喜之惜村醪不足以醉侯客又無女
郎檀板歌柳耆卿楊柳岸曉風殘月令周郎一
顧曲誤為恨耳僕此月下旬或三月初旬當有
婁江之行歸即以十有二日至齊雲九華祝登
析子恐以四月抄方歸大湏以五月初來看池
中荷如繡此時當有十四五女子歌聲嬌渺出
梁塵外也承大作妙不容贊一詞彼歸來笳鼓
競之作何足道哉二扇草草書上為文破例不
可再也

復錢簡樓書

姑丈翁竟不知某反改其父之道寔為操戈之
寇耶外傳和議某為調人殊大不然蓋衆人妄
言之而姑丈翁亦妄聽之耳某乃陽為調人而
陰為主謀者也此書娓娓數千百言皆出骨肉
至情肥腸滿腦中語非有真肝胆者不能為此
辭一字一淚一言一淚作鮫人珠子刃作烈
士魚腸誦之當令奸人胆破壯夫涕零可代聊
城之篋無虞城之不下矣即其坐客展閱相與
嘖嘖嘆賞感尊行高誼千雲不覺淚下沾襟耳
既已往投定當有報報至乞示一觀妻弟先已
百行晤時容道尊意種種冗次草覆

黃花月答楊表白

一別遂及黃花日月易邁懷思可言古人等一日於三秋況不止三秋耶其為饑渴當何如也弟自春徂夏為畢婚嫁而女一時出閭治裝不易勞費難堪尚平之累其苦乃爾賴有賢妻多方為裁措辦庶省老人焦思不然幾累殺白頭翁矣以故久失候問為歉乃承老兄不加呵討而反篤念陳人眷注無已又復損惠佳菓朱柿可以清肺交梨可以解渴老夫得此足以送日矣感謝無可言喻惟有存之五秉不敢遺忘耳

李父母不以時至郡城且乏人偵探故屢屢交臂而失之今承台諭當令解事蒼頭不時問諸水濱乘其謁見上官即扣舷往謁以吾兄相託并道盛德高品名士囑其羽若垂雲決不敢負老友之委也俾旋勒此附謝不盡願言悉炤為荷

為清之上凌聖功書

自台旌榮任以及錦旋不肖懷刺以叩司閭者屢矣而竟不獲一望見清光恍若三秋睽隔緬懷高誼何日忘之頃聞台翁以季子附郭取償於妻弟說者紛紛恐非發自台翁也夫清之與台翁有孔李通家之好而先煩翁與先尊公有犬馬捍衛之勞先尊公之戴先煩翁也有榮枯莫而肉白骨之感此在台翁髮覆額時已悉之矣豈其以薄物細故而一旦頓忘前好乎故不肖以為必非發之台翁也發之者蓋令弟耳然令弟亦未悉其巔委也夫此數百畝之污邪自不肖徵倖南宮時而已授產屈指春秋已四十四年矣祖制五年外不聽回贖况四十餘年乎此載在令甲者而不聞之乎縱令弟以為楚弓楚得贖之固無傷其如違制何也先人遺產原圖世守即有洼下賠糧者棄之猶深杯棬之思何忍以世業而開回贖取償之端此在上宅亦有共念也清之中落往往有侮之者不肖受先煩翁託孤之命并救無補致遺地下之憾所望通好如台翁者時時提之携之使死者永切九

泉之頌生者欲矢千秋之報固知台翁斷不屑
以區區外物傷其中懷也仰祈推念兩先人奕
世之好一借鼎言於令弟俾之速罷此舉以全
舊誼豈惟先嬭翁銜戴幽原枯骸不朽而不肖
與內弟尚有未盡春秋可作他年犬馬耳情切
肺腑義重存孤不覺縷縷惟台翁哀矜而留意
焉干冒威嚴主臣主臣容躬九頓不一

與屠思綿書

駕賁蕪陰俗吏僅以魯明江水相酌至令從者
簡去弟蓋悵快至今屈指把袂之期忽已一漉
秣鳩矣日月真如跳丸哉弟甫脫持籌遂司躍
冶玄溟祝融相繼為伍水衡奔奏日無寧晷頰
眉七尺乃與阿堵作奴無論肺腸俱俗而精已
銷亡矣以故匆匆送日竟未及覓晨風一通聞
問中心抱歉如何可言然懷想玄度時在衣帶
間不必指點明月也

東錢象先

辱贈佳什語語精麗讀之舌端冉冉五色雲生
且能道人意中事微之諸公不及也門下蛾眉
粵綠當令粉黛無色何物介女敢為揚波客子
畏人胡甚耶邠水故是佳地得門下飛鳥其間
瓊花不落莫矣第粉署寒即不能為行李增色
奈何

上方明齋老師

燕山把袂祖帳紛如列錦輶軒遙發魚鱗夕投
遂不及從容卮酒一歆渭城懷感高厚悵如之
何別來忽及榆火晨風無托裂帛杳然雖中多
散之愆寔切猶龍之想也老師以繡虎之才脩
兵盧龍之塞辟之神龍捕鼠威鳳司晨非其任
矣然使羽書無警兵餉相繼乃知文士固有兼
長茲獲督學閩中閩中固才藪又老師往所甄
育司命文章今也為改執牛耳而蒞之士類如
被九錫矣不肖承乏南曹務如毛鷄才脫繫鉛
便理案牘不勝奎負之憂而又嬾嫻狀一行
作吏遂同羈紲頭上進賢束人如繫此猶爰居
鐘鼓檻猿文繡逾思寥廓而頓足猶深也老師
何以教之茲聞台車錦旋敬勒方牘特遣一介
行李恭候下執不腆敝物以伸賀私一水帶如
不獲瞻對神往心馳幾欲縮地矣

上林老師

曩歲走一介候老師於燕匆匆殊愧草率今屈指飛光又三溟秭鳩矣猶龍之想纏綿五內如一日也所恨關山緬邈羽翼參差不獲時通候問則疎節之討請自屏於胡貉耳伏承老師佐朗前星今甌佇卜乃復念白門楊柳秦淮明月範士留都支頤柱笏看鍾陵雲氣何其自耽閑曠也亡何而忽有流言之及老師遂馳想尊鱸瞻懷鄉國殊甚異之方今朝議紛紜幾成聚訟主上漫無裁執致令蒼素混淆渾渥莫辨竟成

渾沌世界此時而安枕漱未為不可第老師望重斗山譽隆朝野恐東山展齒未必能印部覆久不見報當亦為此異日覓見宸衷宣麻大拜終自不遠耳幸靜以須之何如弟子臨去家萬里歷任五春衣期久踰尚未得代歸思濃於春酒而除吏難於轉石未知何日得弛於負擔也倘徵老師寵靈得量移近地則青山之志當視耜師步趨矣前奴子來不知老師已榮蒞陪京遂失賀候罪悚汗決茲特敬勒短狀仰候龍門不腆溪毛將其芟芟惟勿罪後至幸甚

與孟穀餘

萬里投荒隻身絕塞乃不意徵天之幸竊附寮末得與台翁周旋於此荷蒙不鄙愛及屋烏惠顧清光曲垂盼睐兩載以來凡所以提獎羽翼教誨殷勤者不啻加骨而起肉焉母論台翁之遇不肖藹若家人父子一片赤腸徹於肺腑而妻孥以下蒙老夫人之顧覆者真如母子之相依剖心素而罄衷曲問寒燠而憐疾苦恩隱周渥綏指難算傳淪拜賜猶其細者矣雖台範之未親幸比鄰之不遠音容若覩咳吐時承作客

天涯竟不知為異鄉矣方欣聚首遽悵各天聞夙駕之星言痛離情而雨泣渭城一曲雙淚龍鍾把袂歆言輒已哽咽折柳而歸親堂簾之儼若想塵舄之難親掩袂入幃黯然竟斷內子自老夫人行後淒涼愁絕四顧愀然寢不能安食不能咽數日以來泣未嘗乾念不絕口非止感離愴別際故作兒女之悲寔以地厚天高難忘繫戀之私耳昔人有云黃鸝久住渾相識欲別頻啼四五聲夫以黃鳥無知尚懷久住之客矧人生有情寧能舍心知之友是以每登三司之

堂輒動形影之嘆海內交遊非無相契至於析
心相信爾我渾忘意氣相孚肝胆共託如門下
者能有幾人乎心非土木能不感懷貞非金石
幾欲銷化矣別來想途次安達是日以何時抵
板橋尊體不至勞頓老夫人而下俱安車穩席
乎內子鳴筆代候望屬車之行塵心斷昔裂神
往色飛矣

與董玄宰

金昌把袂僅同阿閔不及以一卮歌渭城故人
杯酒愧石尤風矣別後遂邈若河山昆明望漢
水在天上衡陽之羽低回不度碧鷄遂乏孟公
之牘缺焉聞問踈曠可言乃衣帶間時有玄度
政不必指點明月耳丈亦矜其不敏而及之寘
政乎比想道體康勝令問休嘉幸甚慰甚楚材
素雄列國而以丈提衡之定令鞭撻杞梓禾霄
拂雲賢書已奏丈所首列當盡入魁選無留良
矣如弟狂瞽瞋而相士又屬於漠漠之望楚也

徐福

相去奚啻徑庭如夜郎王不知有漢顧安得所
雋而薦之譬伯樂之子按圖而索鞠蹄跌目耳
其何以拂拭益車使驥無長鳴耶於是乎嘆秦
無人矣太史公久課青衿不令虎觀寂寞天子
左右顧而問文學侍從之臣安在將無前席之
思宣麻內召拱而俟之耳茲曰敝司尊孟穀餘
入覲之便敬附八行奉訊興居穀老於弟為通
家莫逆蓋忠誠長厚金玉君子也其諸郎俱翮
翮才彥為門下所知拔之諸生中矣而次公名
登第者更英英道上才如干將不難剗兕截犀

孟公之汗血也獨以愛子故携之滇中頃馳歸
就試道遠稍遲公門闢矣桃李之外乃遺桂林
一枝寧不為門下惜敢求曲賜清光加以眄睐
倘及歲考置之前列俾獲食庾饗官即如弟佩
明德失之東隅收之桑榆何莫非春風披拂也
敢忘啣結哉弟與丈同事豈敢謬為曹丘以開
于謁直以憐才一念或與丈同且恃相知意氣
故敢不辭緩頰耳萬里一檄率爾冒昧主臣主
臣

與王辰玉

別兄乃在霜寒未落時今四月飛花矣昆明池
水望婁江杳在天外衡陽之羽佐回不度碧鷄
顧安得帛書而繫之缺烏聞問職此之由兄得
母中散我耶乃懷想玄度則時在衣帶間政不
必指點明月耳比想佳好視膳滌滌之暇當不
乏吟嘯江淹之彩生花幾何近草藏名山幸以
其副示我頃者予旌蒲輪賁烏婁水之墟明主
側席而念用舊人母亦以忠貞弼亮蘭在有素
其秋風汾水之思乎相公不以此時樹洪茂垂
英聲匡王補袞時雨天下詎令蒼生惟腹企佇
失千載一時哉恐東山明月不能久戀亦有意
乎否也兄其從吏之弟所居最號荒壤二三青
衿衿魯鄙俚日對之作村學究面孔又其地風
氣不常人情薄惡炎國冰山魍魎魑魅條忽萬
狀所言名花異鳥奇水佳山四時麗景婉媚娛
人徒虛語耳且去家萬里音塵杳然客夏一疾
幾至不起蓋十日而不知人皮肉枯腊僅存鷄
骨支牀聞羅老子以為無罪幸免對簿然為趙
關子粒之而聽鈞天宴射熊帝所矣人生如花

上露奈何戀戀五斗從荒徼絕域以性命博一
官乎兄他日出而相天下幸語主爵者以此地
為遷客成徒作一片園扉可耳方直鳳首之亂
日苦兵革不能悉之楮筆露布一通奉覽讀之
而知其狀矣奴子歸敬具八行奉候不腆澗谿
之毛以獻諸從者其麾而置之幸甚

與沈延甫

燕山把袂桐葉再秋飛光若駛懷想如昨也客
歲內弟徐仲容馬首北向則附八行奉候計不
浮沉乎日來遂遂將作一片紫硯荒於石田即
有雲中飛翰波上雙魚安所得片畧清燕命中
書作尺一如陳孟公十吏並書乎缺焉聞問恐
難以稽生之癖解倘自比擢髮之數何可道也
伏承文候清嘉榮問休宅幸甚慰甚粵西之役
年丈懸司空之朗鑑收豐城之神鐵所錄名士
如而人而程士之文爛然如繡乃知休文長才
巨麗不獨可任兵也頃者六郡良家子挾志歸
繁弱較柳葉於中原又年丈為政則頗牧之良
行復出於門下矣收文武宏材以佐天子得士
之功誰與文伯仲乎舍姪指揮范必忠亦挾策
呈其射刺以思立功名於沙磧雖不敢云力格
虎射命中亦小范老子之步兵也敢邀年丈幸
念屋烏而提挈之俾得逞其長技廁於戎伍之
末其為感佩當世垂永矢勿讓弟不敢忘環草
也率爾冒昧主臣主臣前年嫂誌銘脫草已久
仲容行時不及致今錄一通奉覽文拙甚不足

宣揚芳懿乃其情則可云傳信耳石已刻將完
容再覓便搨奉命紀綱來負石去也不悉

與王于媚

驅車過齊安辱足下郊勞折河橋楊柳以當鞭
箠殷殷之誼勒在焦臍誦秀先館華章覺舌上
蓮花冉冉迄今清芬襲齒頰也足下英才道上
如干將新淬鸛鵲之血他日定當狎主齊盟執
牛耳而驅中原區區一第芥恰之矣吾鄉董先
主雙眸如夜光自謂相馬不下伯樂亦復能償
燕臺之直乎僕居此中如坐塵甑二三青衿僅
能擲管效蒼蠅聲對此政堪作村學究耳幸君
家水清君相契如骨肉天涯差不落莫然奔走
東西泛若萍島即歆覓片譽為足下了前諾一
問雲間飛翰顧安得隻輪不耶佳稿字落珠璣
響振金石即令曹劉執鞭沈宋奉鞭差看一陣
洛陽緼價當如黃金何必藉榜玄晏而今糠粃
慕乎奉命敢不刻畫無益一咲擲之可矣水清
君有便信僕託之為頴鯉冗次據案草率能不
責其空匪乎

與陳戶部

金昌把袂邈若河山別來忽已五稔秭鳩衡陽之羽千霄武昌之鱗沉淵坐令聞問阻越閭者澗焉然懷想高風無日而忘玄度也伏承老年大台履清嘉風猷茂宅試政西江口碑載道政宜宣麻內召擢之銓諫之司而乃暫借留曹無乃主爵者少須之耶弟以么麼謏劣既得追隨驥尾又得竊附寅末私心欣慶何幸如之即擬趨賀庭堦祇領大教而株守江關末由躬叩盈盈一水徒有神馳燕之百冗紛紛勿送日竟未及知老年丈履任之期即走一介行李脩候左右踈曠之僑有同河沙難以擢髮數也茲特敬勒赫蹄聊陳不腆少將下忱且值歲序告成青陽邁軌并至椒觴之獻以賀上苑之春統希鑒存曷任改仰

荅楊德潤

不奉色笑十有六年矣古人一日如三秋今動經年歲即生兒已復長大奚啻千秋人生如駒過隙能有幾番十六歲那堪此長別耶每憶燕市追隨卮酒論文篝燈夜話促膝談心把臂嘯傲宛在目前今羽散天涯何可復得離愁如海不能倩寸管航之可勝浩歎廣川一晤殊出意外真如從天而下數載相思今夕聚首稍慰調飢所恨足下公事羈身弟復王程有限各各驅車不獲再踐馬太學別墅之約龍光僅同阿閃遙望玉符夾谷紫氣隱隱心飛神越矣別後即以仲冬抵任隨復乞差東歸了向平俗累復有緹司之轉在苒半歲乃復至白下泛泛若水鳧萍葉竟未及覓晨風一通聞問踈曠之愆難以叔夜為解乃丈不加討而儼然翰使遠存重以映貺故人之誼殷殷乃爾自揣涼薄何以得此於足下耶益增面甲而豐其心碑矣足下負剴兕截犀之才不獲大用而牛刀小試遊刃有餘手觸鄰騎動中桑林之舞蒼赤口碑隆於峴首龜龍之石行當膺不次之擢展其宏抱終不令

枳棘棲鳳皇如第碌碌將作日與竹頭木屑為
伍毋論肺腸俱俗而精已銷亡不足為知己道
也使旋肅此申謝

與楊石閣

不肖向以銓補入都奉鈇執鞭飲駘緒論且瓊
筵之飼雅沐膏芳飲醕戴德至今盟於肺腑捧
檄而南無繇縮地惟有孤懷化作行雲隨風縹
緲飛越左右顧赫蹏之往二稔杳然非故率其
疎畧亦以清華嚴邃不敢以俗吏姓名相溷也
門下鴻名駿望揭日月而行紬金匱石室之藏
揚聖謨於寰海天下爭艷之為董狐班馬辱在
粉榆者其為分榮割采何如耶不肖自踣蹢留
曹以來畧無善狀邇復越俎水衡錢日與銅臭
伍無論才拙於用大而精已銷亡且今肺腸俱
俗面孔牢騷耳比蒙恩典幸微一命以為先人
光所有側得勅書門下為政華袞增榮惟藉如
椽之筆乞賜九制一揮之敏風行綸綍俾鑲璫
賤品快觀龍鸞而非徒博即滯七年之名即門
下所為堪殖於不肖者也敬裁竿牘附布起居
履端初屆願言崇攝以膺戩穀臨楮曷既瞻仰
芹貢不腆庖存為幸外先君行畧一通呈覽以
備未錄

與黃世兄

白門執御獲奉德輝把臂論心懽情如故四十載年家之誼得藉以少申可勝慶幸正喜追隨塵鳥沃領教言而霓旆星馳莫由攀輓條而聚首條而分袂能光僅同阿閔真忽湧相逢是別遲矣睽隔以來忽復三淦神鵠飛光駛若跳丸然懷想高誼循環五秉如金井輓轡不忘旦暮衣帶間時有玄度政不必指點明月耳伏審文候清嘉令聞休宅趨庭舞綵上壽稱觴致足樂也第老年伯方有台衡之寄而遽印屐東山掛

卷五

冠神武不引鏡以明目而為臨流洗耳之計將母令蒼生引領耶不肖荷老年伯猶子之愛辱仁丈國士之知爵弁而登龍門赭衣而蒙華袞此之為感真泛海蒐搖戴鰲恩重也屢欲裁書叙心貢牘陳謝而入滇以來百冗緡集兼以攝官承乏身館數篆簿書盈案羽檄旁午繞投鉛槧便事干戈才非陳孟既難十吏並書路阻碧山遠之雙魚時泳遂令聞問久缺間者濶焉踈節之計知莫逭於湯鑊矣滇中氣候不常風景各異人情險惡到處羊腸語云薄似秋雲以滇

中視之即秋雲亦無一片矣弟之思歸如瘼人不忘起盲者不忘視也總懷美人在天一方清漪綠竹傷如之何異日倘得仰藉宏庇叨轉近地獲通仙源將買小刀乘長風沿溪溯流桃雨芬芳庶幾一見武陵人握手道故而後喜可知也晨風有便敢附八行詞不宣心尚圖再布溪毛交交藉布遠忱幸付下執存其意可矣

卷六

與沈弘所

金昌把袂梧葉飛秋今蓮渚飄香桐陰匝地矣
睽別經年可勝結想恭惟老親翁柳汁染袍杏
泥觀馬春風看長安之花夜月酣曲江之宴雁
行齊舉棣萼交輝豈直駕看山之二難抑且軼
河東之三鳳凡在族里親知皆為踴躍稱慶矧
附喬絲蘿煢煢弱子仰藉垂天之翼者其為慶
幸奚止十倍常情哉茲當朱夏正值文明想金
閨之彥洒墨鳳池石渠之英抽毫文館老親翁
以宏詞博學首應制科定當高擢龍輝榮登鰲
禁書窺四部日轉八磚其為親族交游光寵不
蔡而知矣聞報之日即擬遣力脩賀而以晨風
無便遂羈遲至今抱歉何可言喻茲敬勒赫蹏
特走一介附之來京申候蓋妻弟之使也薄具
不腆少將賀私殊愧爰爰仰希叱存為幸

與趙氏伯仲

兩足下如神龍威鳳不佞所漸磨者數數矣自
不佞通籍以來于交知中盱衡而俟者無先兩
足下以兩足下為我異姓骨肉也往以銓補聚
首都門奉教左右而且承尊公德雅真有加膝
之誼感當何如燕山把袂星霜四移雙鯉寥寥
臨風結想每覘北來音信知兩足下公車待詔
俱復點額東南之寶不見琬于上國令人深恨
然才如兩足下非長貧賤者他日翩翩入洛列
戟牙門豈讓崔陸伯仲耶不佞姓不合俗頗厭
簿書乃今又計水衡錢益覺非任宦情嚼蠟反
不如與諸兄弟登壇角藝時也茲以勅命事托
重尊公乞為留意并附尺一以鳴積悃神隨筆
往風起雲飛

與林自名

燕山把袂每切懷思追念良夜清歡妍談妙論
至今恍然若千里而一室也天末思君情深面
簡將無同乎惟我世大英俊之域絳冕之家亭
亭意勝毋論晤言即曠瞻遠想已若排雲排霧
計今注精鉛槧愈妙而神名篇大章充仞篋笥
矣第何得澡溉俗腸一受讀之計邠辰在壇場
中披羽先升冠冕人士時不佞弟咲與忭會快
當何如弟蕪關得代輒復部署水衡錢日夕鞅
掌胸中塵垢恐不止三斗許况以妮妮唯謹大
恐負老師之陶鑄以是藐然深懼跬步自守不
知我世大更何以左提而右挈之也數枉論心
會合有期長望海天殊自依依茲以貴鄉陳魏
老信便謹奉箋代候興居不腆野人之芹聊將
遠意幸笑而置之冗次草草伏惟昭亮不備

與徐文江

驅車過白門辱台駕遠顧庖酒河梁情深淮水
以例不敢入謁走一刺代叩戴德而南五內為
結回首鍾雲黯然寬斷矣別後留皖城十餘日
乃行以候見敝座師故三月某日至滇遂以次
日履任道途頓委良苦至則姚鴻老以齋捧行
矣司道落落如晨星乃攝官承乏纍然綰九篆
執掌不可言今幸某老至弛於負擔矣此間風
氣殊不佳炎暑嚴寒倏於翻掌葛裘爐扇屢御
屢易其人蠢而野魯而慧見上官輒推髻而前
以尺布裹其首語多含糊不可曉蓋猶侏儒左
衽之遺耳地多狂飈飛塵眯目衣為之縑大要
如京洛而更加淒楚即覓一佳味了不可得人
言滇中佳麗軼三吳畫虛妄耳士跳梁不軌甚
於吳而其文乃大不若即知名廩生僅能搦管
吾鄉幼行文小兒猶不堪伯仲也每一登五華
睇萬山如黛烟雲蔽之不知家山落在何所懷
念思私潛然欲涕日吟吾作吳吟如寒蟬抱葉
耳伏審升翁暨叔母大人動履康吉三尊舅而
下闡門祺福乎叔翁碩德令望分宜久擢崇班

而尚淹京兆何故比來開府多缺計此時已膺
首擢或內召卿寺相去萬里偶未聞耳不肖家
中虛無人他無所繫獨不能忘情於三尺之孤
有叔翁在便泰山而四維矣更何所慮幸念憐
地上下而羽翼之愚夫婦切且不朽此自叔翁
骨肉至情不肖何煩闕其口也奴子歸草候適
有考校之役匆遽不盡欲言伏惟慈炤嗣容額
候不宣

復按臺札子

職於望日具稟遣官馳報地方事會郵俾焚毀
給馬為難乃以十八日行計此時當徹台覽矣
十九日申刻奉到台札及通撫臺書長跼望讀
令人奮激感慨知台臺石畫長慮留意地方甚
亟且殷雖遠隔三百餘里而坐燭情形洞若觀
火使人人盡如台臺何難保孤城而驅小醜哉
第今日之事不患逆首猖獗病在兵餉兩空人
心各異賞賚織嗇號令不嚴而平日恩威未能
盡曉故人無同志衆有離心毛解出崩之勢已
成而釜魚巢燕之危可慮即如台臺前所云調
集操軍餘丁固守會城竟未能行亦未有一人
肯應者本職奉軍門台檄命守東城即欲覓一
鎮撫喚集地方人夫了不可得本職徒張口奮
呼乃次第強集五百餘人相與乘城俾守又皆
老弱市民不知戰守為何物且無器械衣甲而
又無賞賚以結其心彼安肯張空拳挺枵腹而
與戎出死力哉倘烽火一震有鳥獸散耳職無
可奈何勉捐家貲數金暫給銀米以糊其頰又
少請火器兵器與之乃稍稍肯為我用僅保東

城無虞無奈訛言煽惑衆心張皇謂城且旦夕即破必不能守莫若從權以圖後舉衆口紛囁莫能強諍請官則官請印則印遂使逆賊如入空城佯得意飽欲而去若使忝戎之兵早至一日從碧鷄關突然而來截其歸路則將軍從天而下逆賊破膽無措盡在掌中矣惜天不助順坐令網漏吞舟可勝扼腕既而我兵雲至賊衆方歸便可直搗長驅乘其未集一鼓而下乃又預師城下糧餉艱難卜時卜日未得其吉竊空師老氣衰賊勢附合更難為力矣孤虛旺相

兵家所慎苟得小利何必太拘以甲子敗武王不以甲子興乎台臺所云速進為奇正見及此也惜群議盈庭未知所決本職書生不能仰佐末議何敢一闕其口至安氏之兵已集楊林而忽有回師之令則不知其故或有疑其與賊為黨恐從中陰助亦過慮耳台臺令之救援尋旬以需後令此所謂挽其離心而全其右臂誠至計也今鳳首之師方退而張世曾之兵已破嵩明倘一旦尋甸失守則我左右手俱廢徒存一孤城何以自保且城內倉無積儲粟不能支

一月而以數千之兵四處策應無所不攻無所不守其力易詘而賊且乘我空虛復從間道襲我此時何以為計哉竊恐內無糧餉外絕救援城內乏食析骸炊骨之變立見外變方興而內變且作即有頗牧范韓莫能支矣為今之計真若乘賊驕恣速擊武定武定一下則群寇寒心四面之兵不戰而解而又多運糧餉以寔省下不惜千金之賞以召募敢死之士用間而購賊首或借調黔蜀之兵設衛固守以救根本之地此則芻蕘之見耳然非得台臺鎮會城則衆

無所受計而撫臺亦遙遠莫能相與決策今群職之望台臺如農之望歲也業已遣官具稟奉迓台臺俯念地方百萬生靈早命駕一日則斯民早救一日之水火耳至於本職計無所出惟有抗節死難以身殉而已若全軀保妻子則本職有死無二義不敢出也職方病寒疾頭岑岑如壓太山而掀巨浪吐瀉交作歆汗不得方擁余呻吟不能視事倘稍稍痊可即出供職不敢偷安以坐視地方之變乃若總司印務則同列有以爵位官銜當讓者方且見之詞色極為遽

厲每每尋釁相傾恐列職藩司而帶銜臬事兼攝內道者意欲得之即洪方伯亦不敢任也世變如此而人情又如彼仕路險於羊腸羶途嗜若蟻聚本職嬾同思曠素無宦情何苦戀此歲難逢賢受人挫辱乎俟事平之後惟有掛冠而去耳今且未敢言也倘荷台臺俯念下情允辭司篆慨賜批委則本職或可免於擠排以自安於素位耳為此力疾具稟

卷五

上按臺札子

職前奉憲札委課鄉試齒錄序構思終日文成而不敢獻蓋恐淫蛙之曲難並奏於鈞天櫟杜之材懼呈斤於匠石耳然思醜婦不免廟謁明命詎敢草委謹屬草上塵台覽東家之顰里人却影遼海之豕河東掩袂伏望大賜郢裁琢此燕石庶幾聊備收采無汙筆札

卷六

上撫臺札子

職駕寒下乘離奇散木承乏滇雲僑員屬吏自愧行能無足比數方夙夜兢兢隕越是懼乃荷台臺略其疎愚矜其庸陋覆以垂雲之羽沃以湛露之恩左提右挈訓誨以所不及加骨起肉即家人父子有踰焉四載以來恩隱周渥縷指難算昔荆卿佩賜黃金豫讓感恩國士以臨方之曾未足擬一二職非有胸無心能不銘勒五衷圖報萬一方喜依庇二天周旋几席以承奉教言祇奉素餐不圖風波倏起黑霧迷天慈母

投杼於曾參平原變色於毛遂處無繁榮負錦百疋使台臺十六年安疆固圉之功罔晝夜焦心勞思之苦一旦付之流水天道蒙蒙有耳無聰豈謂台臺也哉駕從星馳不能攀援以留几几赤舄瞻望屬車神搖涕澌離亭一樽柳色慘澹不覺黯然蒐銷矣歆躬送平夷而以司篆未脫俘囚是虞不敢遠涉以違台禁勉策駕歸署見畫戟縹緲懷仰庾樓明月惟有夢繞關山耳長途萬里跋履為勞秋暑侵人寒燠互異萬惟珍重節勞加食自愛黑雲妬月何損太虛飄風

飛來倏忽滅沒安能久掩清光哉狼戾其尾德育不暇廟堂之上會須論定想黃麻下賁於丘園蒲輪載馳於沙道東方之人無乃歆鴻飛遵陸乎台臺此行捧紫霞觴而進之太夫人皤然華髮戲舞萊綵十六年人子思慕之情一旦輸之膝下人生快樂曷以逾此是台臺之歸榮於九龍黼黻矣彼讒人交亂祗自貽穢於青繩耳惟願台臺留意蒼生無久戀東山高齒屐使東人重觀衮衣繡裳是則職之至望也茲特敬遣下吏賁粟代叩偶賦拙言一章書之箋頭以識

鄙念附以溪毛數種少將別意台臺遇職異於他人伏惟破格優容以存本職一念惓惓之意幸甚幸甚臨楮沾臆心與雲飛

上撫臺札子

職以邇來萑苻橫發剽掠公行所在見告日夜
憂惶計無所出諸亡命之徒倚藉城社因緣為
奸搜捕稍急則指為抄掠莊戶誣害平民而臺
之法未行而榜戮傾陷之既立至此各官得藉
投鼠忌器之嫌以自解縱盜賊之責而各盜亦
得仗逋逃之主以為囊橐是誨之盜而賞其奸
所云鎮一方者不過萍淵藪耳時事如此良可
扼腕浩歎非得台臺大奮威靈一飛白簡之霜
以玉斧彈壓之滇民安得有寧宇哉頃奉到憲
檄憲札所云各盜猖獗而各官藉口觀望是誠
有之所宜嚴飾以重責成者也除將台諭剿撫
機宜一一督率各官遵行外俟有成功另行詳
報惟是切責主人翁俾垂天之羽不庇於山君
而赤族之威不加於巡吏庶各官得盡力以效
馳驅不至首鼠兩端耳伏惟台臺留意

詒美堂集二十四卷

〔明〕祝以豳撰

明天啓刻本

北京圖書館藏

詒美堂集序

尚書有古文今文之別蓋以其出有先後耳若夫同一時而分古今則惟今代爲然恒言舉業時文者今文也而以詩賦及他作爲古文今文以取士能者不乏卽科名魁天下而古文不必著聲於是以古文妨舉子業父兄之教子弟師之教門人一意時文屏

他書不觀其以古今兼長百不得一焉今文若土龍芻狗事已弃不省矣京兆祝公耳劉與余季弟同成進士以高第擢守隨州余讀其舉子業而善之以爲必能古文不知公固所素長也後宦公鄉始從交游見公一二古文合作蓋四十餘年而公古文始大行有詒美堂集有韵之文若

樂府四言五言五七言律長
律歌行不盡韵之文若序記
傳志雜著其體裁精力風致
色澤不雷同古人而得其神
不立異今人而超其詣余歎
賞不置欲焚君苗筆研而竊
幸鄉者之評偶中也乃余所
心服公者更有說嘉隆以來
海內作者文追兩京詩擬盛
唐雅道大振與文物歲蕤聲

明葱蒨相映發萬曆中年後
學以其棗稅之才涉獵之學
苟簡自恣習爲晚唐弱宋胡
元卑調而舉子業則舍傳註
掇二氏餘唾街談巷議弔詭
雜出并其程式決裂之余竊
心憂不祥文章關氣運何以
墮惡趣若此國家亦寢尋多
事宮府乖隔刑政放紛寇盜
充斥閭閻彫剝晚唐弱宋與

亂同道何時而已雖無老成人尚有典刑典刑舍耳劉安歸夫文有理有法不外經傳子史有感有應不外情景事物古人今人猶之旦暮兩京盛唐故無他術今人耳目心知寧在古人下反正自易胡不彼之則倣而此之沿襲豈不怪哉舉斯集懸之通都布之四方爲操觚翰者祛惑發

覆是稅苑之功臣也聖門之論孝曰非法不言言思可道作事可法耳劉遺榮養親以巨孝稱成一家言有本者如是余第就古文論抑末矣

大泌山人李維楨本寧父



詒美堂集序

昔劉劭人物志以平淡為君德
撰造之家有潛行衆妙之中獨
立萬物之表者淡是也岳之作
者極其中情之變可以無所不
能而大雅平淡關乎神明非名
心薄而世味淺者終莫能近焉
談何容易出師二表表裏伊譔
歸去來辭羽翼國風此皆無門
無筵質任自然是之謂淡乃武

侯之明志靖節之養真者何物
豈澄練之力乎六代之衰失其
解矣大都人巧雖饒天真多覆
宮商雖叶絳黍或乖思涸故取
續鳧之長膚清故假靚粧之媚
貳氣盡語竭如臨大敵而神不
完貳貪多務得如列市肆而韻
不逮烏覩所謂立言之君乎京
兆祝耳劉先生覃精執苑垂四
十年方其壯歲登朝為時曾幾

即依親子舍衡泌棲遲并水之
餘翰墨間作

神皇帝嘉其純孝起之田間游
歷華貫即不必種桑八百株辭
官八十日而身立四虛神遊
極東山之志始終不渝故其撰
造皆肖心而出即規摩西京出
入三謝兼詞人之長猶其剩技
惟是冲夷其度蒼勁其骨遊於
自然之塗而化其鎔裁之迹則

文品之最尊者先生有焉近代
名家此祕鮮覩矣語曰窮則變
變則通自隆萬以來歷下瑯琊
懸衡天下橫詆前人幾無餘地
滔滔末流且過其曆一二君子
有意挽之乃盤盞之水不能起
粘天之波祇爲河伯所笑先生
之集出而談藝者有所拆衷焉
變之此爲時矣予且奉所削以
從不自知其寸之盡也

雲間董其昌撰



古吳後學吳士冠書

詒美堂集序

余幼學咿唔謬志脩詞之
業則雅聞六橋三竺間有
祝耳劉先生者心竊嚮往
之然所得誦先生著作惟
是制舉義耳既束髮而先
生由駕部出僉臬吾粵登
龍雅切義不敢以子祔為
陽鱗其又十餘年而先生
起終養尋副粵憲余供奉

擎下僅於里人伍孝廉稿
序窺先生一斑益不禁其
嚮注母寧當吾世而失祝
先生誠不自意乙丑承乏
留雍而先生以少京地來
也白門握手知先生平亟
索先生副墨之藏得仁謂
詒美堂集卒業焉而先生
因以叙為請予竊惟文章
之道利鈍命於才富險出

於學宏粹存於識枯暢生
于情乃今日文士之集則何
青之不勝敘也為詩者希
齊於淒清柔曼則家陶王
孟之壇為文者剽句於恢
詭譎奇則人競左楊之機
當其盛年矜炫之時猶或
能勉售美積之珠以炫宋
人之鑒賞然而趣味反自
索然生色絕無堪把玩俟

再塞三謁之時而已為陳
人腐語不堪問諸醬瓿矣
論者惜其後為文通之才
盡而不知其初為優孟之
拒掌也先生所作大都積
學以厚蓄酌理以富才研
覽以窮照馴致以練詞以
故玉韞山輝珠涵川媚漸
老漸熟將詣轉化初而發
剛出匣既而刊錐藏鋒時

為春華時為秋實則造化之
文章豈是矣豈少年強
作爾齷語者所取望崖若
乎哉夫文者心之聲而詩
言志也先生自弱冠慨然
四十年間強半子舍曠懷
遠韻脩然於聲塵勢利之
場三復茲編覺筆墨蹊徑
外別有一種靈氣未注引
人著勝地則夫第以脩詞

之業求先生猶之手未盡
先生者也

丙寅人日南海李孫宸題
於北麓艸堂



詒義堂集叙

國朝四大儒三大功臣皆
在湖中近頗摧折文苑循
吏傳稍見絀獨耳劉祝公
自通籍以來即超々翔於
世途指目之外宦不欲蚤
達平進而已集不欲早就
晚出而已祝氏纓綬相望
類古之公族世家而公復
以綺歲登朝才力壯勅必

跋跋容於古今墳史之間
發為著作皆蘊藉而有風
華肅括而有矩矱亭勻而
有健翻似合而有奇音即
鮑謝陶韋之詩賈長沙陸
忠州之文可馳騁相上下
也生平潛實韜光並懷玉
性終養慈母幾隱半生初
為王文肅公所舉士尚在
政府書餼削跡即弇州隄

尺龍門未嘗竿牘自通律
書文采以扇尺寸之譽而
成起家乙丑僅轉南京兆
遠卅三十四年垂今日始
出詔美堂集行之人間學
士大夫迫欲窺其名山之
藏而粹不可得則注之以
晚見公集為恨而不知公
之得力取在此其收名宦
價亦在此昔者杜崔張索

之書衣袖如皂屑齒如黑
筆成塚研成臼推而至於
重耳之出亡十九年勾踐
之生養訓練二十季取威
宣霸亦以晚得之而況榮
惠於翰墨傳文之林者乎
公生長海堧渡跡唐汎揚
子謁孔林些衡寂寂瀑布
於楊漚酌丹泉于麻姑瞢
樓船於廣海眺鳳閣於臺


凌磨蓋以修憲見之品題
撰記而又吐納張司空之
十稟李鄴侯之萬籤縱橫
以面而應之發皇耳目開
拓心胷沛然遊於至是之
餘嘉然中乎大觥之窾善
學問礪礪江山映發歲月
磨礪文如為助者也公詩
文大意在憂道閔世立憲
致家直欲取斗錦呻吟之

故習方之里居之新聲一
汎掃而空之即注代名家
哲匠激有異同何能蟠屈
時流剝剝時調作轅下駒
水中鳬耶歐陽文忠晚年
編集已滿海累日古取不
能決遂至夜分猶未睡薛
夫人謂之曰寧畏先生嗔
耶公徐笑曰吾以畏後生
嗔耳嘗南豐以作文稱三

運之未嘗為余出其文其
自進甚彊自待亦甚重為
可喜也古人重視詩文如
功名人品各期于晚節望
懺而後即安決不肯輕錯
一趾亦不肯輕下一籌審
固遲回久公終叔末後之
全局非得道大有後力者
不能讀公之集庶幾想見
其為人可謂循吏之楷模

文苑之者宿有友樂而叙之

華亭陳繼儒楨首誤



粵遊序


夫詩自三百篇後漢為近古
沿魏逮晉靡於六朝唐興近
體盛行沈宋為之倡而李杜
繼作自開堂戶一時詞林翕
然左袒之宋人主理散薄興
賦風雲月露一切捐棄即唐
音且湮滅矣古調之謂何國
初季迪孟載輩力追古作號
稱大家然尚墮唐季衰靡之

習弘治中北郡信客一洗顏
風再揚絕響可不謂中興功
乎予鱗諸子覆羽翼之詩道
始彬彬振矣惺存祝公之倫
題蓮早登執壇人粵助來覽
勝菟古贈別感懷動形篇章
彙而成帙命曰粵游間山相
示余受而卒業每三歎焉夫
詩尚峭拔者失之詩尚深
沉晦者失之詩尚玄詣險者

失之詩尚流暢蕩者失之詩
尚冲澹淺者失之公五美兼
施膾炙人口譬如樂奏咸池
八音騰沸鳳凰鰓鰓琮琤
璫璫臻昇妙聆者誰不心曠
神怡哉余聞之名山勝水能
爲詩人之助今公所蒞治醴
石標奇庾嶺獻秀而曹溪武
水光洋溯潯悉在公攬括中
窻與揚菁吐葩鳴金戛玉舉

塵壙之音迥殊也究公所至
即凌漢唐而追騷雅兼難者
顧公夙笱篇什昆夥流播海
內茲特畀全蒸之一齋大裘
一腴百畀之酬工司廣興
傳固知吾粵文學之士想望
風采步趨矩矱必有以承下
風者矧陳詩設教肅憲貞度
詛非盲公振之耶余非知詩
者謬以管窺敢僭書畀皆

飛雲洞叟頌南王學曾敘



南遊序

南紀湖東西為勝觀節使彈
制相望惺存祝公備兵湖東自
虔吉歷建武牙戟所指東西之
觀畢故遊以南名乃詩人云而
爾所思不如我所之則夫寄泥
遣懷龍形挫物無如攄其所
之者之為真夫孰知夫思之
生於之而之：生於思也又孰知
夫遊者遊於之外而思者之於

遊之內也虔之勝在鬱孤敢願
子瞻兩先生一劈煙莽之邃而
白鷺青原俎豆之文差備建武
粵有兩姑峭石鑱霜鳴泉漱玉
固已不煩杖履收之而公臨一
至溢為詠歌螺川名德萃止禁
目長清律韶韻雅天籟谷響麻
源道光真氣揜映千古長篇叶
蔭與魯公紀爭唱和乃或散孤
憤之忠魂吐幽貞之逸思激先

正之古德開末學之長津慷慨
蘊藉摛為文章而出之慈憫如
珊瑚拾海璣璧披雲可謂大雅
不羣者矣大致語上駟在韋柳
間中亦不失為西江派和妙喜數
輩絕得西竺之髓文與昌黎子
安滕閣鴻筆相當而一澤乎理
興庶幾乎宋儒所云載道也者
既繡梨子里緘寄又若遊於公
所之高相從几杖之下維然集

何以南遊名也蒙莊氏以逍遙
名游而托之乎南溟遊乎方之
外不必其果南也鐘鼓之詩有曰
以雅以南說者曰二南之篇蓋
本於周召之召陝云然召公所
憩在壽安周之召為南今之所為
西也公家海寧近會稽禹巡南
土塗山氏作歌曰候人兮猗實
為南音之始或者其此是乎未
也劉向曰召公迷職不欲變民

事故不入邑舍於甘棠之下而
聽斷焉陝間之人皆得其所欲
人歌詠之蓋民游公之天而召
公不敢遊於邑故云一遊一休
公治湖東舊災之後屢取伊始
而一休之恬憺使人情自得乎
湖山之外僻魚游槃水之中循
環無紀蠶桑得所聽斷不繁然
後公得禕隋從容時方旁午獨
領清機竹所松菴煙光泉韻發

揮於翰墨而驅使於山水語云
胞有重瀾心有天游民若休乎
遊於公之天而公又遨乎游民之
休此亦游之至已漫假間簡流
離花濺泪而鳥驚心雖日曳康
樂之屐樂乎至於讀者若游公
之游即不穀目未及覩公足未
及覽諸勝亦若恍然卧游而面
晤搢觚之士尚能彷彿萬一而
於公非其至者耳每謂公甘

載陳情依孺子之慕

聖明起之子舍而以畀我天下

望其人如瑞麟威鳳以其麟之

片定鳳之一羽而所以瑞世者

則在仁心為質繇庭除而推之

天下合於二南之旨茲方陳臬

東粵游日益遠著作日益多

乃其在湖東者則此集與

殺節之棠俱在所謂美則愛

愛則傳者豈獨今湖之東亦可

以稱南者乎

上饒鄭以偉撰



南遊序

文章有命固也山水之然尤
華得李青蓮易名以有今稱
釀泉得歐陽六一而併僧智
德亦托以傳至若荆東之石
陽雖奇秀甲富內從古不見
圖徑直至宋時代材而始出
二猶遷史易世乃播杜詩極
尊在百年後耳遲速顯晦命
固爾耶建武之有麻姑賢至

皆知之而麻姑石泉不下慧
山則實自耳劉先生始乃劉
先生官於十餘載而以侍養
歸、將二十季而後出蓋文
章之度武官而山水之交亦
深矣鮑軾隼旌與吳囊象
並映發於巖棲川觀之間自
吉州而徙建武所得詩文凡
若干言道德性命與經術政
事一切於毫末吐之而戰茗

淵勛品泉高韻則又自麻姑
 之神功泉發其一班夫建武
 以官名者莫過謝靈運與顏
 真卿其風流標格古今莫匹
 客兒酷嗜登臨身率徒眾
 山開道乃往來天台獨遺
 下之鴈蕩清臣手記仙壇而
 神功一泉泯々無迹又何也
 豈山水之蚤達晚達理數實
 先為之以故耳劉先生補此

謝顏兩公鼎足而為循吏乃
 表章金石銓叙烟雲又有兩
 公所不敢望先生且入東樞
 軸其於振滯舉佚旌潛
 亦當一如此泉寧第為文
 司命已耶先生他集尚多

序其南遊者如此

秀水沈德符




書詒美堂集後

余初以祝耳劉善令文知其
必善古文已詒美堂集行則
古文果合任然未窺其全也
比讀其全集愧知耳劉淺耳
昔劉彥和之論曰積學以儲
寶酌理以富才研閱以窮照
馴致以繹詞然後使玄解之
宰尋聲律而定墨獨照之匠
窺玄象而運行其論文原委

最精而耳劉寔備之蘊思含
毫遊心內運放言落紙氣韻
天成其積學則博覽六籍色
羅百氏其酌理則咀嚙道真
印證經傳其研閱則仰觀俯
察鏡往知來其馴致則瀟灑
出塵風流獨賞蓋無一不中
古人程度而能自為古知解
卓越才具宏大志趨堅定取
不窮而用不敝體屢遷而貌

多姿夫能以今文為古文且
 其能以今之古文為古之古
 文也劉子玄嘗言天長地久
 風俗無常後之視今亦猶今
 之視昔而作者皆怯書今語
 勇效昔言此爾時為古文者
 之弊得耳劉洗之余因再題
 其集後以補前叙之遺而取
 彥和子玄語申之明非余私
 評也

大泌山人李維楨本寧父



余少時善病入蚤失怙先太
泚人以獨子憐愛甚不欲困
之句讀暇則私取先世所遺
書讀之自垂髫時已博學
為詩古文詞迨長而始屈首
治制舉業遂不能專攻帖
括而旁獵諸子史百家緒語
以文之一時主司名能好古誤
為其所賞後每試率輒售
而簷畧中二三倫撰至懸之

國門李本寧先生所云善今
文知其必善古文且云能以
今文為古文宜其能以今之
古文為古之古文余與先生
謬托知己乃始既以佐俸之
歲月縻之乎旁獵已復以旁
獵之糟粕為徑生帖括資要
以日暮途遠倒行逆施于今
文古文實兩無當先生之言
兩譽之而非其質矣夫以余

之垂髫而學爲詩古文詞今
髮且種矣中間不幸所遭
飄零播遷副草逸去幾十之
五僅南遊粵遊而編存耳
及兒輩稍長知書于是蒐敝
簾而出之而贈遺篇章後
先得之朋舊間都無詮次竟
以災木登老婦寫照于少時
娥眉都涉想像仲醇先生
展榮而朝其晚洵晚也已然

而少時三制義出而讀者且
以爲今文而古文乃今托之乎
詩古文詞而讀者倘更謂夫
固不若少時制義近古則老
不解事不善護短是亦不
可以已乎一粲而書其後

靈苑山人祝以函識



詒美堂集目錄卷之一

詩

四言古詩

島夷東逝屬國內附四首

五嶺四章傷粵脉竭民瘵惘也

五言古詩

結客少年場行

邯鄲才人嫁爲厮養卒婦

子夜四時歌十六首

靈濟巖乃靈濟禪師乞雨處

送李玄暉還燕

壽丁司理母莊太君其門人王孝

廉索

孔林敬述二首

誕子四章

謝許靈長見貺白石

羅明府海塘工成因諸生之請湯采

里謠爲賦

爲高母姚節婦題冊高文端公孫中

書君婦也

遊支硎卽事

談丈爲小兒醫今之盧扁也又郤金

名傾吳下偶傳有非常之耗走筆

問之

清峽飛來寺

青峽用蘇長公韻

曹溪禮六祖真蛇

玲瓏巖

不佞叨役湖西而代斷章貢于吉州

未暖席也已又量徙湖東行矣辱

諸鄉大夫祖餞白鷺書院賦此

麻姑泉

有小序

麻姑雙瀑特稱雄奇循瀑而上別

有泉一縷出石罅所謂神功泉也
深不盈尺廣倍之取之僅受一盞
竟日取無盈罍其味清冽而甘可
與惠山泉伯仲以之釀酒固當絕
勝而建武不知醺并不知釀法恐
負此泉試以洞山芥茶淪之其色
如玉其味如醍醐第念取汲甚艱
珍惜之自供佛外不敢以七碗恣
也泉在斷崖荒蘚中前此無取汲
者汲之自余始不敢過自標表恐
爲此泉他日累聊以數語酬其寂
寞云爾

羅惟行 有序

建武有橋稅郡佐貳代受權而羣
小依憑爲奸複征橫索商旅率吞
聲無告去余局外人然而痛癢相

關時時扼腕歎也會 泰昌改元
悉罷諸關稅立石以示永永于是
商民歡聲載道爲賦此

余得子晚今幼者已弱冠因投產析
箸作一無事道人自幸所得於造
物者侈矣偶成四章皆實際語

牛首弘覺寺有神竈穴地僅尺許從

上投少薪脩自生風須臾二釜皆

熟云是嬾融所遺

壽破衣庵山上人六十覺海寺廣上
人索也

哭許心圖丈

卷之二

詩

七言古詩

朝審一章時隸政比部大司寇舒公

命作

遊黃僊洞

題王勳衛壽龍

題張槎溪詩卷

右詩卷爲故少司馬范公自隨攜

去四十有四年而復還亦奇矣張

君精靈流行於天地間四十四年

一日也卽後千百年抑尤有不待

此卷爲存亡者不佞批對三復何

能續餘響聊以志仰止云

顏汝逢年丈新納牋

邑侯周公禱雨隨應敬賦

壽季父敏泉翁七十

歌贈吳山人江邨

仁侯異夢行

有小序

邑侯蒲陽林公治踰四載化漸萬

戶仁必先矜清而畏知古單父蓋

庶幾焉顧川渤海而下勿論也一

夕夢緋衣者前謁謂宜夙興毋肝

食侯展轉不成寐甫辨色而出視

事及退食而堂之前三楹傾矣傾

之時正居恒延見吏民時也此非

侯精誠與鬼神合而平日不忍一

夫不獲之念陰騰於鬼神何以有

此爲歌紀之

壽許翁敬所七十余與翁作真率會

令子同生嘗兩宰大邑

壽周望濤六十

吾族賢科繼起獨大宗闕如至寅齋

姪始以明經司訓邯鄲猶未知其

能詩也忽以一律并倡和諸什見

遺喜而賦

壽許叔元丈七十

純紫玉宋硯

壽幼巖母舅七十

送李君實父子爲中丞邵公勒石

英石歌

行部連陽諸邑有述

登小金山寶陀院

有序

萬曆己亥冬十一月朔余登小金山

山寶陀禪院偶於僧寮得故本

帙緡之有曾世大父虛齋翁七言

古體一章莊誦不勝愴慕翁在

武廟朝由閩中學使參藩粵東僅

數月竟拂衣歸余今棲遲一官忽

忽改歲讀翁詩愧翁家法多矣因

踵韻一首付山僧俾刻之石存先

後故事云

遊七星巖

麻姑兩山詩

有序

麻姑以泉勝從姑以石勝兩者日

在几案間欲一登陟未暇也戊午

春同羅公廓給諫來長生隱君登

麻姑是日驟雨雖未及探丹霞碧

澗諸勝而泉得兩益奇殊不負遊

展矣明年己未秋復得偕魏賓客

給諫蔡虛谷秘書一踐從姑之關

相與秉燭塞裳穿一線天而度于

是兩山之勝皆得染指焉爲詩紀

之

夷庚宗侯工詞賦傍及篆法繪事且

高雅絕俗築室西山修其大父貞

吉先生之業而自托于來長生爲

七言古體奉贈

庚庚宗侯手書遊麻姑七言長歌見

寄依韻奉和

弔胡哀烈

卽命有序

已酉中秋家園小集客有問省闈

九十人定未或曰墮地八支于定

矣蓋世俗所云命也余嘗作命說

謂人之智愚貴賤從父母求生前

陶鑄已定八支于豈能於墮地時

更作陶鑄蓋天地清淑之氣最秀

最貴人得之而毓爲靈慧發爲文

章引爲福澤原非二物故曰文章

卽命語具於命說中矣余時被酒

語狂頗駭四座客旣散去對月無

寐漫成二十二韻

宿鷹峰觀日出霧合而觀愈奇歌以

壯之

同吳邑侯李山人元蓋弟飲北山禪

房十二韻

癸巳奉使還里適中秋偶有戒不茹

葷叔父走詩見問往酬三章

題操凜水霜卷爲方氏婦厥考邵北

部嘉靖間直臣也

詒美堂集目錄卷之三

詩

五言律詩

送王給諫冊封 韓藩便道省二慈

親於里給諫先公會令宜良稱循

吏有子五人伯以司理考 馳封

矣

送吳給諫冊封 德藩便道還潤州

送顏汝逢民部督餉金城

大司寇豫章舒公畱心絜法試諸

喜雨

送吳問源年丈請急歸吳興

送譚幕徙官歸里適余初蒞隨

飲何仲仁甘露園

有事小河溪東袁孝昌年丈

由小河溪宿盧氏庄



勸農至厲山 神農生地

送李明府之京

春日同岳別駕邀萬中翰過朱氏家

余行勘 潞藩賜地之孝感夜宿

病中陳岳二寅丈屢枉見訊口占

謝大夫問疾醫來走筆志感

醫諳太素脉理不言病而言余名位

所至余守隨陽萬戶未蘇一官猶

贊醫能如秦越人洞見垣一方必

知我心

答李玄暉

喜蔣明府被薦

汪永叔至自郢以本寧先生書來尋

當遊梁

中秋後一夕同陸馬汪方四司理消

興國守張公玩月院署而陸公爲

酒王

會僊橋

途中卽事

暮雨宿港口驛有懷吳蒲圻陳崇陽

二同年

送危雲夢之嚴州郡丞

觀音巖

郢中王勳衛邀飲家園園故白雪樓

目錄

五

武關與諸僚夜集

登岱嶽六首

送王師卿出宰華亭

大行陳太皇后輓歌二章

壽顧迴瀾母八十顧博雅精字學

送郡博東充孟公擢司延慶教

夏日宿濡上人靜室

送學博寅齋姪

兵使者車公誓師海上見示新詩依

韻奉和六首

送司教感時惜別情見乎詞

東臯爲查丈賦

與伯父潯州公過西隣賞牡丹二首

乙酉中秋飲仲兄家憶歲壬午文戰

棘闈同此良霄好月也

入龍井寺刹宇一新憶昔斷澗荒煙

目錄

四

恍涉異境果上人楚楚如昨而應

酬爲劇矣

山阿有禪棲者

王君靜村庭梅特勝

太吏嶺

發章貢辱參戎崔丈祖送江上賦別

同來長生遊麻姑山二首

來長生至自龍沙扁舟停盱江上久

之已而別去將往信州

臨汝飲同年周青來丈出示兩郎君

公車業又遺我扇頭詩行次鍾陵

對雪有懷

聞玄岳弟得雋南都喜而有賦二首

雨澍甚宿魯諸生家諸生嗜學燒燭

譚文夜分乃罷走筆致意

山行尋梅花水

卷之四

詩

七言律詩

隸事西曹署於題名碑見先君諱愴

然有感余舞象時先君曾攜至

送李太史冊封 趙藩

遼東宣捷恭紀

郡新城之南樓爲一郡勝久墮切仄

已丑冬余朔復之漢東之國隨爲

大登茲樓也幾欲小荆楚矣因題

其樓曰襟漢而紀以詩二首

喜李山人君實過訪漢東

徐侍御索壽其尊公慕蓮居士居士

嘗思訓湖陽以將母解官歸莞東

矣

棘署與四司理暨張伯常處兩浹旬

彈碁呼盧驩甚旣告成事乎是慨

勝會之難逢嗟人生之易聯用志

感謝

鄂長顏疊陽年兄邀同羅匡湖大行

黃鶴樓燕集

登衡嶽

祝融峯是衡嶽絕頂

余滿三載考入鄂途中憶鄂長田戎

損年兄

鄂今田武損年兄招飲玄祐官

安居卽古安貴縣屬隨今城址猶存

其地頗有人文田亦治

已丑夏六月應山邑宰何君泊學博

吳君邀飲印臺山山故傳司馬別

業去邑三里而近環邑山皆翼拱

而雉堞參差麓林中真如錯繡遠

目錄

十

望諸山屏立得斜陽暎射俱作紫

金色罡風撼樹若數步鼓吹余宦

郎垂二載餘遊之差可紀者靈濟

巖與茲山耳

登岳陽樓二首

送吳明仲之任星子

送褚進士司直還朝

武闡登明遠樓

送劉玄子贊畫之遼陽

送袁坤儀贊畫之遼陽

奉使榆關

與張士隆賈無錫二寅丈同年王所

敬民部飲榆關城樓張爲地主有

乞歸之疏故末致意云

送丁禹門丈備兵潁川二首

壽徵兄邀余二三兄弟載酒行春兼

訂賞花之約

送郡司理贊皇胡公內召

嘉興太守苕岸曹公爲郡僅二年郡

之人德之不啻懷慈父而肅神明

也今屆懸弛之辰用采里謠兼抒

鄙悃

歲丙戌別戴亨融長安邸中迨戊戌

重會滇江杯酒離亭感念今昔不

勝愴然顧南北異適輪舳殊駕難

合易離益復悽楚因賦二章且訂

後晤

侍御馬公使院庭栢有甘露降適值

誕辰諸大夫爲詩紀之不佞嗣焉

登九成臺

送陳誠甫之任常鎮大叅

送馬侍御還貴竹

予始至崧臺于七星巖忽忽作夢遊

而去今再至而方伯梅公憲長黃

公大叅李公憲副余公咸集于是

李伯東憲副以地主固尋前盟先

賦此爲山靈紹介

與大叅晴原李公遊楊瀝巖觀瀑布

李使君依韻辱和又賦二章見投會

明日有謁臺之行而予病甚燒燭

湯客

王光祿邀飲園亭

端午清峽舟中

喜家兄壽徵之任南安司理詩以代簡

奉訊座主楊公時以脩撰出叅閩藩

陳征蠻朝鮮凱還

查丈仁卿之粵西憲舟過曲江譚家

鄉事有感

顧侍御按部惠陽虞人得熊以獻此

余將以入賀行舟次三水別李伯

東憲副二首

拜表後別藩臬諸寅丈

余去芙蓉江十年所矣番禺唐公賞

由朝陽移海昌脩通家禮甚殷一

再見示詩刻居然大雅愧余偃臥

海上不數數晤也公今擢惠陽行

且有日漫爲一詩寄意兼東王省

軒光祿

送聞徵弟之南北部兼懷無功宗文

奉訊本寧先生

爲趙銓部壽母

送朱惺復出守建昌

送同年樞關李從樸

送甘公紫亭以浙撫徵拜大廷尉

錄

甘紫亭老師正直開朗爲海內人

倫冠冕邇持中丞節鎮撫兩浙一

切典除於膜隱若覲且躬水蘂以

風諸文武吏一時靡然式化而

天子畱心紀法之地以大廷尉趨公

天下將無冤民矣吾浙不並受賜

乎以幽辱在門牆僭爲詩二章庶

幾俟他日太史之采

簡梁右伯

占鰲塔

有序

占鰲塔經始於前侯潯陽郭公落

成於今侯清源陳公塔在邑治之

巽隅爲文筆此侯名塔者也塔旣

成侯登眺而樂之援筆爲韓勒之

石復命

不佞

爲詩紀之

不佞

讀侯

所爲記其文詞雄麗甚更安所措

錄

語漫成二律識盛美云

丁酉有鶴飛集武庫公署爲寅長記

伯明賦

丙午元日

寄家弟泰徵進士

送若虛弟就北闈試弟業春秋而

今上特命詞臣撰進春秋講義故

末期之

卷之五

詩

七言律詩

與于文若別八年矣邂逅濟上感慨

舊遊賦贈

送仁山伯兄司訓皖城

閏八月十五前寓樵李今歸海上

病後值中秋客有勉余起家者因述

鄙懷二首

題覺海禪房

有序

歲已卯余讀書孤嶼之梅花屋值

懸弧之辰覺海禪院廣上人輩爲

余燃燈諷梵乞靈於大雄氏余時

猶在諸生間而今年已酉復值茲

辰則廣之嗣孫珂上人輩亦爲余

燃燈諷梵儼然靈山之會未散也

因念三十年來佛廬旣罹劫灰上

人輩亦相繼示寂所存舊識數輩

僧臘亦頗深矣夫幻境不常何論

幻身又何論浮名去來尤幻幻者

乎惟有旃檀貝葉可了無生事耳

漫成一律

承李還樸使君手書新詩見投依韻

答謝時寓小金山

已酉中秋與心園許丈泊兩甥館師

諸從小集二首

煙雨樓郡守龔公新葺

壽許徵君五十故雲邨給諫孫也

懷川叔不勝悼亡之感作二詩見示

因口占一律

雨中過白蓮寺

丙辰起家長安邸中寫懷

上元小集

暮雪探梅小飲偶得直指推轂之耗

湯成二律解嘲二首

初至龍沙羅公廓給諫扁舟逆我江

上憶別來三十餘年矣

讀鄒南阜先生語義合編有感

奉贈鄒南阜先生

夷庚宗侯築室西山深處學無生理

書來具述看雲聽雨之適奉懷

立春前一日過鍾陵大雪沮行沈令

君世丈餉我春酒得近體一章

秋日登肝江樓

贈鄭愚公太守

奉壽 益王

寄懷鄧壺丘憲副公以侍御出領浙

之金華部

辛酉登粵東五層樓憶庚子去粵二

十餘年矣二首

送蔡戎潘公之松藩

林五磊世丈招同諸寅長飲寶月臺

時遼陽挫後川貴報復至

壬戌三月督訊廣海卽事二首

同鄉諸老酌方正學先生墓

壬戌粵東籌海署中得南光祿之報

四首

將之畱都任二首

春日林翀漢寮長邀遊靈谷寺

同林翀漢登燕子磯

遊嘉善寺一線天步翀漢韻

與翀漢遊牛首山攜次郎君方弱冠

有文章

贈別翀漢

送魏道冲以南少宰召入東閣二首

送區羅陽廷尉北上

讀故京兆尹近川查公紀夢詩公之

孫受之丈索和原韻

壽許起雲丈六十

瀛洲金公翩翩雅士今年屆七十自

號資白先生許甥穉啗索詩爲壽

壽查繼泉丈八十

喜姪士奕以大官丞 覃恩二尊人

賦得海色晴看雨二首

紫雲洞

乙亥秋日與許心園諸公遊鷹窠山

雲岫庵次頂上林韻二首以下諸

生時作

穀雨同陳周二子入龍井山寺寄謝

真果上人

王司理吳邑侯二座師邀余及家弟

元盡於通玄觀校閱兩浙諸生文

立夏日與元盡聞徵二仲孝廉飲潯

州伯朱二丈壽徵兄在席

北山寺與邑侯吳師李山人家弟元

蓋小集得星字

飲北山寺得歌字

送邑貳尹梁公還歸化

再遊雲岫庵次前韻四首

鶯脰湖送別朱考功座師

乙酉九月雨經宿不止獨坐無聊因

念失意二三兄弟何能堪矣

陳邑侯修勸駕之禮且出示近體一

章聊此志謝侯楚人

卷之六

詩

五言排律

喜朔方捷至二十四韻

喜雨詩二十韻爲郡侯曹公賦

家園牡丹盛吐與諸公小飲

陳學使誠甫公署故尉佗舊邸九曜

石立水中甚奇學使扁舟載酒劇

談竟日賦得十三韻

楞伽峽石觀音

七言排律

朝鮮請援劉將軍縉率二子及所畜

健兒赴敵余偕司馬署諸僚閱武

郊外賦此

豫章夷庚宗侯示余麴部尚書古印

而不知余之不勝杯勺也因改署

茶禪見餉欣然領佩詩以謝之

五言絕句

夏日采芳洲晚集二首

由萬家店至泉水寺山徑窈窕松風

泉聲相應寺創于成化乙未有泉

自地出寺所繇名也時久旱泉涸

霖不絕味極甘寒僧云前此歲旱

斟水作供輒應余因默禱于神五

日雨當易寺名靈水云

五大夫松

壽吳節母四首

芙蓉山玉井泉

有小序

嶺南水多瘴毒井尤陰濁妬茗曲

江芙蓉山特秀媚玉井泉出焉味

頗甘芬以荒僻故僅供野衲樵青

瓢飲盥澣之用可惜也予因艾蔓

斲石榜之曰嶺南第一泉而系以

詩四首

大庾嶺有六祖放鉢石卓錫泉各賦

一首

節婦張氏反風滅火既紀其事復成

韻語六首

籌海署中有鹿甚馴於和衷堂前乞

得一牝儷之志喜

八功德水在靈谷寺今涸

琵琶街在靈谷寺履之作絲竹聲

紫雲泉三首

一枝庵上人號棲一二首

吾兄弟輩惟芹陽齒長余二年介峰

少余一年而飲啖步履皆如少壯

余三人時時聚首甚適也漫拈四

絕

村居卽事四首

供佛

種竹二首

移植牡丹

山茶

六言絕句

定心泉偈

戊午夏余以豫章泉入賀萬壽計

期尚遠避暑虎丘之東塔院因得

與悟宗禪師盤桓師出示講臺六

言

偈讀之暑氣盡滌滌拈呈政

卷之七

詩

七言絕句

秦相斯變籀爲篆千餘年而有陽冰

又千年而有元暉皆李姓皆精入

篆室而元暉能走鐵額縱橫金石

上又二子所未逮也余夙有金石

癖相見恨晚卽今虜大躡內地至

墮 明光動色元暉饒遠略熟虞

情酒酣慷慨有投筆請纓之志賦

此壯之若詩文繪事種種名家則

吳先生明卿具述之矣二首

兩後放舟

經關牛石

丁亥泛舟入鄖經關牛石戲爲一絕

越三載爲庚寅復取故道有老

來叩蓬窻乞食因舉余前詩曰石

牛無闢人目自闢耳不知刺史作

麼生調余復爲一轉語

飛來船在衡嶽絕頂

季父緘詩漢東有蒼苔自分窮之句

依韻奉慰二首

鄴侯書院

過長沙

過佛兒嶺

戊子五月登白兆山山爲李太白讀

書處余賈勇扳蘿捫壁直抵桃花

洞別有天地非人間固非虛語因

次韻

夏仲隨陽午發之興都用太白韻

蒲梢道中遇雪回望隨陽有述

由岫川店至舜井井在城西南山谷

中相傳舜父母所使浚井也余蒞

隨旣一載餘今始得以勸農至井

不甚深而頗廣壘陶作浮圖覆其

上形製渾朴奇偉非近代工力所

辦城東隅亦有舜井相距五里而

遙而土人名爲入井出井可笑已

漢東若早安得令吾民耕食鑿飲

歌帝力哉

戊子有事楚關

郡署無梅余歲折野梅供膽瓶之玩

庚寅臘盡梅萼未舒因移植一株

小庭春來花發如霰也聞童子讀

纔有梅花便不同之句湧成三絕

刻之石

戲擬作試題自笑二首

許甥稱嗜久留郡齋有雨中歸思甚

濃之語口占謝之

送何仁仲典客之京三首

無字碑在泰山絕頂二首

吳觀峰

已丑夏四月勘 潞藩 賜地疲於

阡陌者旬餘晚宿招提頗饒幽致

諸生羣而肄業其中有感漫成二絕

送呂玉繩吏部還越四首

雨後署中晚歸時試政西曹

武關方甲乙諸士而朔方捷至喜而

有賦

送徐無染主政贊畫之朝鮮六首

花蕊夫人有寵蜀主後入藝祖宮中

嘗有詩云十四萬人齊解甲更無

一個是男兒戲和韻一首爲十四

萬人解嘲

乙未春夜對雪飲舉家語爲戲或

曰使君乃負此腹矣意謂余不善

飲也余歷落浮蹤聞此悵然不覺

至醉因成三章存佳話云

性上人工畫葉行甫工詩相期過訪

奉酬短章

尋舵上人不遇走筆二首

葉行甫數枉篇章率爾奉酬二首

過分水祠三首

分水祠前見篙師爭道

風度樓以張曲江名二首

七星巖澍雨不果遊戲惱山靈兼簡

地主四首

舟次湓峽侯將軍以慈頭陀所編曹

溪志十品來拈得二偈奉復并柬

頭陀

小金山和蘓長公絕句

翁源人文故小遜余行部邑見所謂

臘嶺者儼然建大將旗則今陳吳

二將軍舊里咸在焉感而賦此二

首

自嶺南歸尋當入薊門別二三親知

二首

樂昌夜發讀昌黎龍寺壁詩用韻

吳將軍奉命提兵討播余祖之境

上俄帳外驩呼則有彈落雙鵬獻

者因口占二詩卽席書扇贈之酬

三巨觥而別二首

慈頭陀扁舟送余江上時方辨色忽

中流有溺者號呼聲四顧人舟絕

迹頭陀舍余鼓柁破巨浪往拯之

復就余舟神色閒定余與頭陀談

次順流已及靈鰲因作二偈爲別

歲庚子余以粵臬入賀隨四母老乞

身距今戊午以豫章叅藩入賀忽

十九年往矣聖壽無疆臣犬馬

筋力猶堪拜舞賦得四首

送聞徵弟述職後之任二首

送許心園遊盱江五首

長安某中貴家有宋時海棠駕部馬
效乾世丈邀飲花下時余奉命
將行矣二首

卷之八

詩

七言絕句

管莧裘
有序

母太恭人躋九表戊申六月爲設

輓之辰念舊廬湫隘不足辱長者

車轍將稍拓之而歲月日時皆會

丁未則彤家好奇以爲百年之所

從得遂經始焉迄戊申四月而堂

廡龕具夫以余之癖怡于世味一

切放置是役也猶不惜賈其餘勇

則自惟有五益而支千之說不與

焉爲太恭人上萬年觴子姓羣集

無虞於勃篲一也制不厭閎愷亦

以抒壯志二也度材量宜增其慧

智三也借以破圓寂振矜情四也

然未幾而垂裳側廩至撤先世所

藏鎗鼎之屬盡入子錢家若憂釜

跋燭人皆知之夫古有清而畏人

不知者今知之亦足稱益五矣曰

菟裘聊以見志耳賦得六首

觀察車公閱兵秦駐山以十絕句見

示依韻奉和

哭遠徵兄十二首

登濟州鬱孤臺和蘓長公韻四首

演倡十首

已未夏苦熱甚忽一日秋風生涼

僧妙喜偈云萬般施設只如常又

不驚人又久長如常却似秋風至

風不涼人人自涼語質而當因上

二句演之得十首皆平常語也

偕同鄉諸老醇方正學墓因與石帆

丈過高座寺二首

爲兒輩改二女果題時執戲書其後

房邨遇歛江近斗邀飲園亭奉贈二

首癸未正月八日

以下孝廉時作

龍井果上人八十二首

從弟玄岳不得於外家挾策遊錢塘

矢無以諸生返也而乙酉竟落第

余嘉其志而重悲其過賦以慰之

三首

郡試示弟輩

乙酉諸藩悉用京朝官典試事先是

吾鄉得儒者多望族而是科乃大

類元和丙申事亦創見也

心園許丈以山蘭并新詩見睨依韻

答謝

在嘉隆間伯槐門先生與先君子前

後佩二十石印俱有才名今上

壬午不佞以幽舉浙闈而伯子壽

徵兄乙酉南畿得雋喜而有賦

我祝氏兄弟四人同上丙戌公車也

昔歲癸未先大夫輩偕計者四人

亦兄弟今再矣

濱陽吳老師繇漳浦之京取道錢塘

聞之驚喜間俄傳已解維下攜李

矣扁舟追送之蓬窗燒燭賦得八

首爲贈辭不能工直以意氣激昂

耳乙酉九月十八日

余偕大京兆談公禱雪隨應喜而賦

此得十二絕句

卷之九

序

送省軒王公由德安司理擢南北部序

賀矩菴危公擢新都郡大夫序

賀郡伯槐里王公膺薦序

代作

賀郡大夫斗山馮公御史臺榮薦序

賀大叅劬見江公擢閩憲長序

賀匡左陳公鎮撫兩粵功成拜少司馬

還朝序

代作

送南安郡侯浴宇曾公入觀序

賀別駕德所岳公膺獎序

卷之十

序

賀郡太守鳳林孫公以前司農攷績馳

恩序

送隨學博蕭君擢令泗水序

送幕僚譚公遷襄府典儀序

賀崇德縣靳侯三載考績序

送司教鄭先生之惠州推官序

賀督撫江西中丞太蒙王公擢總河少

司空序

代虔撫作

送武選郎中瑞芝胡公擢叅議山東序

卷之十一

序

賀觀察大夫訥菴蘓公壽序

又

代作

賀郡侯槐里王公壽序

賀郡太守忠嶼史公壽序

奉從母邵太孺人八袞壽序

賀外父正吾毛翁六袞壽序

賀許心園丈七十壽序

賀禮部冠帶儒士振齋弟六十誕子序

卷之十二

序

劉隨州詩序

雲夢縣志序

粵東兵制序 代直指作

燕游序

憨山重刻壇經序

國朝制義極則序

自敘十三試首卷

泰徵弟制義序

游榆草序

古今青華內外編序

題冰壺澄沆泮翳二編

廣東武舉錄序

題伍開國制義

畫禪齋詩藁序

卷之十三

序

二十一史摘奇序

輯胡哀烈遺錄序

天人合脉編序

武塘康侯新政錄序

大生方論序

時秣秋健序

題重光祿

題章氏宗約

自敘

梅雪上人詩草序

綱鑑集要序

題舊邑侯偶愚陳公甘棠重蔭詩冊序

曹溪實錄序

卷之十四

跋

書劉文房詩集後

書安福劉師母彭孺人手蹟後

書棠陰遺祝卷後

書守愚公手蹟後

又書

書天人合脉編後

書飛燕外傳雜事秘辛後

題楊妃禁牙圖

書天人合脉編後

贊

自在觀世音贊 有序

虎丘善知識周姓者謂余閩海之南

有塑工以莊嚴大士妙天下余托致

之辛亥三月發秋八月爲期余逡巡

至孟冬廿有七日戒使往迎則大士

不先不後適以是日至自閩大士跣

坐盤陀石左手據石右手安右趺所

謂自在觀音相也端嚴妙麗目所未

睹奉戴而出士民瞻禮闕塞途巷於

仲冬三日奉供於旃檀館中而爲

贊之

女兄許丹像贊

望山查翁像贊

卷之十五

記

泮江塘記

周將軍死難記

遊雲岫菴記 諸生時作

疏

瀝血陳情乞准先臣原職進階以廣孝

治疏

奉差事竣思親成疾懇容在藉調理以

延殘息疏

驟膺 新命轉憶衰親懇 恩俯容致

仕以免瘵曠疏

懇 恩補給 誥命疏

母老無依乞恩終養以全子道疏

遵 旨自陳疏

大工鼎建物力方殷敬一再搜括疏

卷之十六

行狀

明故處士我泉周翁泉配朱孺人行狀

明中憲大夫潯州府知府槐門祝公暨

配安人黃氏行狀

河東運司從兄南阜行狀

卷之十七

行狀

大母賈太安人行狀

先太恭人行狀

卷之十八

傳

贈兵部尚書監軍遼陽監察御史見平

張公傳

侍御星石許公傳

廣西按察司副使惺復朱公傳

卷之十九

傳

虎丘悟宗禪師傳

馬節婦生傳

卷之二十

祭文

祭叅知王新盤同年文

祭孝廉印洲沈丈文

祭石菴郭親翁文

祭羅匡湖給諫文

祭修撰楊楚亭座主文

祭君壽伯兄學博文

祭比部心齋弟文

謝雨文

道署新翔土神祠告文

祭孝廉環洲沈丈文

祭慕蓮封君文

祭姚封君文

祭念劬陶親家文

祭譚凡同親家文

祭貢士陳涵初文

祭方邑侯太公文

卷之二十一

祭文

祭陸象山先生文

祭吳母一品夫人文

祭陳太夫人文

祭王太夫人文

祭劉母曾太夫人文

祭陳太夫人文

祭查母姚太夫人文

祭陳母韓太夫人文

祭譚太夫人文

祭吳母太夫人文

祭夏母太夫人文

祭張夫人文

祭錢夫人文

祭宋孝烈婦文

祭封大學士張翁文

諸生時代作

壬午鄉薦祭大宗祠文

戊午修葺大宗祠并置祭田告文

建棹楔邑城祭告山川城隍文

卷之二十二

紀

朔方紀事

募疏

文昌閣募疏

烏龍井廟募疏

重建金粟廣慧禪寺疏

鍾文山白雲庵募偈

火德廟募疏

卷之二十三

論

子卿取胡婦

太史公差貧賤之意

晉室翹楚

王彥昇終身不得節鉞

周高祖善處勝

子卿取胡婦續

表

擬 御製聽講大學衍義詩 示輔臣

屬和因彙爲一編 頒賜侍臣謝表

嘉靖六年

策

第三問

卷之二十四

雜著

命說

太恭人九十乞言述

徐孺人行述

分水祠述

節婦張氏反風滅火述

讀家乘敬述

題方氏墨示兒輩

讀弇州志銘偶書

讀闕史漫書

讀浙志偶書

梅雨說

族異遵紀

會約

公移

開採移牒

吳義門七世同居

孝烈婦宋氏

詒美堂集卷之一

海堧祝以陶耳劉著

詩

四言古詩

島夷東遁屬國內附

帝軌融昌階羽七旬伊彼鬼方而尤偃殷 明
德軼古惟斷乃神形孤甫抗暨于海垠

其二

彼醜跳梁盈庭喑噴攢矛益糗圻寓騷驛拊髀
東顧一怒有赫鑿楹勒社未靖疆場

其三

命帥徂征陳卒被垓三角畫間苦嶮沒鯨鮮之
孫子其麗孔寧辯冕誓首裸將於京

其四

露布朝揮流言夕格如嶽不移恢恢 廟略虧
不蔽成弛不忘曠如股如脅噫嘻衛霍

右四章章八句

五嶺傷粵脉竭民獠恫也

巉巖五嶺焚印錯止椎跣侏儻佐意而使燒塢
鮮執雩祝頻時爰估津梁軍興是恃

其二

軍興歲輓幕十其萬官府斯睽吭扼幾半信食
駢去川途孔惋覲茲使節鬱伊賴汗

其三

炎坪厲崗叢菁阻深夔臆闕只斧戈曷尋無徂
蠲脉兜將攫林脉之蠶兮謂爾儼兮兜之攫兮
謂爾帽兮

右三章二章章八句一章十句

五言古詩

結客少季場行

璀璨白罽袍赭汗金羈絡杯酒然諾傾片語肝
膽躍驚羽三稜鏑屈膠貫繁弱長驅歌出塞劒

氣虹霓斫一戰薄祈連再戰骨都縛結客在狗
知封侯等輕霍

邯鄲才人嫁爲厮養卒婦

十五邯鄲女楊蛾入漢宮香氣氤氳暖蠟影
思紅漏板寒方動徵歌曲未終一辭玉階去飄
零類轉蓬寄語宮中侶腰肢好鬪工三千誰第
一團扇易秋風

子夜四時歌十六首

垂楊搖亂絲烟光未堪拾誰家春閨女弄春如
不及

其二

霞痕融綺閣冰彩散瑤階香畏風吹散春風故
入懷

其三

芳艸初翼憶藻露浥行細寄語同遊伴畱春且
薄粧

其四

漾漾百花中園鳥度初曲水邊有麗人含情知
所屬

其五

西園花事稀曲池有新月衫輕腕若露迴持理
鬢髮

其六

輕綃乍帖身汗漬同心組含羞向歡追請卻西

鄰婦

其七

鴟翔換海風鼉鳴挾江雨儂上一層樓郎今竟
何處

其八

桐花宜覆鳥蓮葉乍勝龜試歌塘上曲儂心不
解悲

其九

天氣清且高玉露似輕雨臨牕未成緒重帖鴛
鴦譜

其十

誰汲銀牀井曙色何幽遽脈脈不得言只持懷
抱去

其十一

繞砌吐叢菊空庭間暮烟輕羅乍適體懶去理
鞦韆

其十二

初縫金縷裙未暇着香薰迴日虛窓度含嚬坐
夜分

其十三

初日澹寒景撼撼芳蕤零一榻對紅爐相將傾
醪醕

其十四

縣邈寒氣升澗陰愈克斤雖有翡翠衾曷以終

遙夕

其十五

月影澹深夜積寒如不勝雲漿貯玉壺未飲結
成冰

其十六

日暮捲迴飈房櫳落輕雪得郎情似綿輸他錦
重襜

靈濟巖乃靈濟禪師乞雨處

自余領茲山歲忽再更嵩山霽識余晚相見兩
錯愕未入牕已澄覽憇神益懷怒石排虛空驚
枝互纏絡森蒼來撲眉流翠欲枯巖欄引探層
扉混沌何年鑿陰風萬竅呼返照漏螢燐耽勝
擬延搜怖奇旋中卻至人七日定定後竟何着
石牀屯古雲靈液垂酥酪斟彼一勺多療此千
頃涸怡悵遵歸途鳥去烟漠漠

送李元暉還燕

燕菊有佳人容光姣絕代卻扇情不勝顧影時
抑晦蘭缸春夜深偷結芙蓉佩豈不願呈身一
矢知莫再昭陽進臂紗竟趣紫闥載寵幸傾三
千咳唾成珠排去去且勿陳含貞以自愛

壽丁司理母莊太君其門人王孝廉索

京兆洵良牧庭幃有愜喜魯政饒令聞閉閣規
以理平亭自厥司二母徒弔詭庶幾孟陽賢慈
鑒歸詰姒補闕據末坐綠衣況稚齒望知骨相

卷之一

七

別遂識天下士明府時柄衡門牆萃桃李中有
結轡生居然濯瓊瓊九方觀天機云出太君槍
太君生名家澄澤秀蘭芷司農建節舊尸祝新
未已兩浙歌召杜苦父今以子明府再更郡剡
割太阿駛子襄三萬言祥符八千紙所遺抑何
多博雅路芳趾天目倚崔嵬可以介祺祉西湖
湛空青官舍將無似 徵書旦暮至翟佩流華
紫佳辰及稱觴所乏非滌穢揚徽紛摘藻所乏

非瑰偶太君自爲壽在彼不在此將以子貴耶
亦以子聞耳余贊宣踰父而子步方趾願言豈
令淑榮名焉足擬百季等黃耆千秋揆彤史

孔林敬述

化工辟陽向高楣翼岱宗蠅螟抱滄溟長河萬
流從渟峙幾千季真氣塞乃鍾累世用不殫窮
禩素王封遙翠襲原首貞珉貢杉松摩挲不能
去愉悅躋遺蹟

卷之一

八

其二

夫子縱自天堯舜賢不啻千萃集晶英萬古矢
聲賸靈域中龜鳧玄隧引洙泗鬱岵十畝宮斯
文托以闕藟棘不敢生嗟羽亦散避噓吁大聖
人儼爾胎瑞異睠彼篋玉藏落日荒煙施

誕子四章

有融俶綿系絙引幾千年丙造之海垠繁柯布
森躔又問塞蒿萊詩書佐蟬聯伊余高曾往簪

紱垂四傳盛或虞繼難造物操微權多取良所
惜子其守吾玄

其二

憶親及余生三十僅踰二繞膝時煦摩猶爲遲
暮喟兒生丁余季四十已不啻遲暮易足云且
幸了欠事疇謂向平達卻俟婚嫁遂五嶽久相
要早晚一掉臂

其三

八月庭桂芬正及兒新浴持抱向中堂共訝時
頭玉余母前致語老眼望孫篤吾門無待高我
老徒恃粥故緋藏已久裁爲襁兒服服之一啼
嬉聊以取娛目

其四

生兒詎憂晚晚得歡益傾但願比爺長賢愚了
不娶東家四男兒日爲田室營西鄰五丈夫辛
苦慕崢嶸有子不解權所得仲孰贏毀權弄雲

霞挂冠適余生邈邈竟焉規茫茫任大紘

謝許靈長見貺白石

午夢天漢遊袖得支磯石飛瓊顧我笑何來此
狂客晚出金馬門竟造雕龍爽一榻晏坐餘瑰
詭自克斥旋發徑寸寶天秉擅玄白閒緘月初
滿落紙冰疑釋焉用明珠雙并賤珊瑚尺君賦
擲地聲連城價騰赫搖筆磨燕然無取一拳劃
不如歸老夫幽窻伴遺冊徐乞地肺身漱齒彭

壽善堂集

卷之一

蠡澤期君三百年爛煮采精鬼倘能共刀圭入
口生六翮

羅明府海塘工成因諸生之請漫采里謠

爲賦

玄造鬱殆舒坤維游乘圻睠此東南氓長悲少
歡憚機槍當晝明芻秣旋監脈蠹彼疇其咨而
乃迂川伯溟穴翻陰風赭礁兩搏擗倏嚙千仞
趾遂撼百雉春規帑無棲糧呼閭眇腴藉郵傳

將日疲冠蓋亦屢赫桑麻尋注宮脂髓塗塤潰
脂脂須循良赤素皇穹格湖平積領罇颺歛歛
美白沫鬢今鬚眉畚市反廢饒父老前致語欲
吐更克噬撫往報曷圖虞來憂轉積安得秘景
符未以代沈璧明府饒遠猷徐起爲民策

爲高母姚節婦題冊高文端公孫中書君
婦也

焯然文端公醉直當 帝眷坐論用弗殫拊
僅一線而逮中書君韶齒委纓升疇表清白遺
婦節凜霜霰疇延絲髮緒飴含雜熊薦今子朝
叩閣綸章夕以絢名德啓貞淑家聲虎林擅

遊支硎卽事

暮春風日好士女偕出郭畫艇尾初啣柔絲忽
交作柳亞青不禁花繁明欲灼遙漪碧于染迤
岫間如暮雲磴百折殊籃筍顧仍卻紅裙蕩風
起翠鈿籠烟薄芙蓉媚雙顰蘿徑時隱約禮佛

上階拜纖手美珠索旖旎未忍去背人笑相謔
引逐煩僧徒狎款喧鳥雀良器不可淹歸途澹
以漠勾境將空花心目兩無著

談丈爲小兒醫今之盧扁也又卻金名傾
吳下偶傳有非常之耗走筆問之

我行避驕陽君忽嬰沈疴脈脈不得聞沮此滄
江波客從東方來音耗殊乖毗豈其杜德機文
壤焉測摩成陽炫奇術投七神鬼訶伯休不
價君竟歸無何爲德稱善建疇能捐其和巾幘
驟欲勝戶屢時已羅見君應大笑億中頗自多
期君超劫存人間無扎瘥

清峽飛來寺

庾嶺吐神漢駛若怒奔驥一瀉六百里二禺忽
中闕旋作衣帶縈迴旋不得驚水東山更奇山
劃水慙恣猥烏披清音巖樹流爽翠一舸穿決
雷心目恍怖悸朱甍出渺靄云是飛來寺凌空

幾千仞人力疑不至居楔寧羽翮三昧劇遊戲
下士聞而笑安得理外事諸佛大願力尋常亦
何異一切世間物時不具性智是以點頭石却
解第一義是以筌賓鐵尋聲躍相企金石精靈
通了不煩布置丈室容恒沙累却屈伸臂倘解
飛來因莫問西來意

青峽用蘇長公韻

列嶂青如削長江碧自灣兩岼松雲濃洗我塵
土顏勝區纔一登忽忽三徑還維梢就石鏤
篠叩崇關水自曹溪分近挹黃禹山造物工爲
奇盤礴百里間小坐達摩石安問歸猿環啜泉
弄月去天風吹髻鬟

曹溪禮六祖真蛻

自聞曹溪語久識曹溪路今茲行腳至跡歷悅
夢寤未掬水已香悠然領心素萬杉繡寶林十
里冒蒼霧旋入不二堂默記本來句示寂既千

載四大元堅固寂後尚有身本無曷以喻不有
卽不空真空卽常住所以永刳存菩提無樹故
捧持乾陀鉢摩挲屈胸布異寶紛前陳倏忽悲
喜互自笑七尺軀人寰五石瓠諸緣息未能性
海若與渡倘許排頓門遽然一宿悟

玲瓏巖

宣風來始興案牘良僕僕輕輿行出郭川原竟
幽囑有巖字玲瓏溢皆生遠淥漸近驚且賞何
物鬼工斲躡級攀巉崑側弁俯踈跼逶迤殊留
朗向背互寬束仙翁遺丹曰丹化石髮綠窈窕
藏謫雲霍靡漏碎旭息疲氣甞舒怖傾步仍趣
賈勇窮上巖陰森導以燭僂復寅緣鼻眼相
捩觸一竅忽通明恍若出亭毒拳石萬恠縕須
彌納芥粟何當假神鞭驅擲濱江曲江空湛玻
璃浸此玲瓏玉

不佞叨役湖西而代斲章貢於吉州未暖

席也已又量徙湖東行矣辱諸鄉大夫祖
餞白鷺書院賦此

清秋發石陽薄暮江流駛祖送煩羣公征帆逗
孤止古洲名白鷺古樹映清泚入門徑弗鬱忽
訝道在邇參對饒典刑肅穆儼遐軌重軒旣豁
達飛閣亦崇侈天風散輕霞萬象落憑几宛委
螺薦青蒼茫駝拂紫摩崖裏前馨披襟受新旨
謬稱鷺洲長未飲鷺洲水臨別乍追尋蘆蘆竟
爾爾徒爲父老憂徬徨復徙倚江風搖別緒黯
黯惜遺畧此別何時逢願言期不毀歲月未詎
涯相思托江芷

麻姑泉 有小序

麻姑雙瀑特稱雄奇循瀑而上別有泉一
縷出石罅所謂神功泉也深不盈尺廣倍
之取之僅受一蠡竟日取無盈涸其味清
冽而甘可與慧山泉伯仲以之釀酒固當

絕勝而建武不知麴井不知釀法恐負此

泉試以洞山界茶淪之其色如玉其味如
醍醐第念取汲甚艱珍惜之自供佛外不
敢以七碗恣也泉在斷崖荒蘚中前此無
取汲者汲之自余始不敢過自標表恐爲
此泉它日累聊以數語酬其寂寞云爾

余家近慧山慧泉日在口遂令一切水不得流
墨丘豫章山多骨泉出頗清瀏麻源況勝區靈

讀書堂集

卷之一

共

液穿石牖未解澎湃飛純抱天一守浮蘚訕若
盈繁莎住疑走歛之極甘寒雅與慧泉耦試烹
芥洞茶俗殺宜城酒甘芬溢沆瀣寒碧漱瓊玖
祗應先大士未許分渴友一吸通華池徐將玉
淵扣恬澹與醇醲并入無何有歸向慧泉誇山
靈或肯首

罷權行 有序

建武有橋稅郡佐貳代受權而羣小依憑

爲奸複征橫索商旅率吞聲無告去余局
外人然而痛癢相關時時扼腕歎也會
秦昌改元悉罷諸關稅立石以示永永於
是商民歡聲載道爲賦此

桑孔握利權四海紛踏踏吁嗟長民者初忍蠲
川脈附羶盡白徒羣作飢彪嚇絺粟閭閻資謬
當崑崙船寸佑復銖量伺喘憂朝夕安問意茲
裝并算鬱林石丹書自天來歡呼動九陌絲煩

讀書堂集

卷之一

七

與除苛川塗曠若關颿影渺去來誰能問鞅譯
天子日月新旄倪共加額貞珉屹江湄世世紀
恩澤使君偕官僚江樓快岍幘臣門若臣心江
光互空碧

余得子晚今幼者亦已弱冠因授產析著
作一無事道人自幸所得于造物者侈矣
偶成四章皆實際語

大宇六尺軀頽仰怒遺緒晚得五男兒益以四

弱女雖悲有摧殘存者自天敘累累數椽屋各
各面圃墅舒或歎盤旋隘不碍飲茹婚嫁任贏
乏安足煩區處

其二

先世饘粥資產不隄下中割產分受之所受焉
得豐布褐與蔬食居然還素風庶免益其愚學
或窮而工卻憐萬卷遺金石函鴻濛麗敞四壁
懸中夜噓晴虹

其三

諸兒寄鉛槧亦復倦將迎新婦名家子頗問織
與耕場餘簞颿迹戶出機杼聲但能事儉勤何
庸問坻京末俗恣豪華天道戒其盈

其四

吾衰滯美疾晏起食每盱口腹憚肥濃何爲列
滿案恬澹惟青蔬輒滑取白粲烹飪不問經庖
丁聽媮玩止餘茗甌癖鼎熾須活炭水榭慧山

液界作玉乳泮以此累兒童長笑憤自舛

牛首弘覺寺有神竈穴地僅尺許從上投
少薪倏自生風須臾二釜皆熟云是嬾融
所造

信步牛首山萬奇莽回互茲山稱仙窟山靈日
呵護徐導入香積拂拭咸矩度有竈通神靈中
空僅如瓠稍稍加束薪罡風竅生怒周匝靡纖
隙蓬蓬執吹响雙釜擔粟炊少選已堪哺三昧

卷之一

十九

十九

劇遊戲羣駭難悉論坎宮泥合成靈通安所附
欲煩破竈僧三擊破羣痼融師當微哂此竈力
堅固嬾融事事懶益薪亦嬾顧火盡薪自傳以
無生滅故

壽破衣庵山上人六十覺海寺廣上人索
也

疇昔破衲子混世謝修薰爲療衆生苦碎剪玻
璃要衆生苦無盡肢析毛可耗其徒山上座頗

軼庸緇羣金整垂十卷頓悟遺聲聞錫鉢自如
如不懶亦不勤一住六十年而猶夕與昕笑彼
廣長舌泡影覺海漬長舌豈無舌假余舌壽君
衲自不堪綴海亦茫無垠衲破海枯千萬億劫
常住世

哭許心園丈

君爲余良友誼更比難兄余姊秉柔嘉事君怙
布荆中憲慘見捐君少亦孤惻已復罹家難涉
世多困衡發憤攻下帷萬卷抽其英美疢中妬
之薛匣毀虹晶余才百倍下簪紱乃濫纓及持
五嶺憲母重替紱輕君聞爲色喜鄰畔期耦耕
桑陰櫛燈火蘭味狎酬酢妙果紫烟屐霽泉漱
月鑑俛仰一紀餘時欣四難并兮旌自天來謂
余當強行余出君不待乘化返太清七十有七
季貧樂賁幽貞歸來箕頴曲風咽飄無聲素心
良不渝玄言儔與傾流水斷孤弦老淚紛蹤橫

念已超無何安用纏有情祇餘微蕨供爲叩笑
榮城

詒美堂集之一終

卷之一

卷之一

五

詒美堂集卷之二

海嶼祝以幽耳劉著

七言古詩

朝審一章時隸政比部大司寇舒公命作

今皇睿德與日新憂早仍復憂冤民齋居露禱
立澍雨覆盆念彼多沈淪沈冤涸脂兩繆紫旭
日清颺爲前刷死不復生罔不續寧俾失生母
失殺恢恢湯網濶天開 翠羽丹書熠燿來圓

卷之二

扉葦累盡出巖坐看悲往倏歡迴一時歌呼殷
巷陌老稚扶攜手加額三尺具存胡縱舍 九
閣可叩靡闕隔卽今鳩署稱持平仁君直弼交
相成立馬天街眺晴宇和氣蔥籠遶貫城

遊黃仙洞

驅車郢里及陽春洪崖涓水青相紉磅礴嶢嶢
五百里中有古洞霾天困乍入疑扶混沌窳萬
怪不住來憎人生貌馴象自搏揣凝雲澁霧交

浮淪乳漸瑩作玉尋丈石田齒齒誰初昀寒裳
熱炬奮窮討且走且蹶寒生彼世間名實難具
陳崑崙玄圃徒勞神此洞奇絕襟帶內嘻吁千
古猶荒屯

題王勳衛畫龍卷

神物何季落綃素令我開卷神辟易黑風昏霧
綢鬣生紫電朱烟併相射豈無湫壑恣騰踴江
漢茫洋稱大澤將軍列戟江漢湄龍也天飛蛟
其迹憶昔草昧翼真龍畱得傳家鐵三尺鐵作
延津怒雨聲龍噴華陰衝斗色泥蟠匣澁用有
時八極上下煩揮斥郢里河山自 帝鄉將軍
世世護金湯祗今瀚海鯨鯢鼓遮莫驪珠晝吐
光

題張槎溪詩卷

右詩卷爲故少司馬范公自隨攜去四十
有四年而復還亦奇矣張君精靈流行于

天地間四十四年一日也卽後千百年抑
尤有不恃此卷爲存亡者不佞批對三復
何能續餘響聊以志仰止云

神物無去來去來自今古楚弓存亡定何主洪
濑晶光流太宇四十四年墨若新應作君家洛
誦譜自君拂衣歸故山山溪枕耳清潺湲軒過
刺史屐常倒碣就中丞管是班世人念勿爲循
吏君有好兒孫更異質行何關身後名此詩此
軸都堪寘

顏汝逢季丈新納媵

春光駘蕩鶯語滑小婦新來春十八鬢髻一窩
雲欲墮步襪雙灣辨初茁使君車從北地歸趙
姬多佻燕姬肥南國佳人古來好莫愁何必非
施威邇聞閨闈亦服美帳穩流蘇春漏徹益州
侍櫺聊免俗成都和墨差不辱使君百行超古
人爲覓瑤田種蘭玉明年佳氣鬱克間把酒重

歌萬事足

邑侯周公禱雨隨應敬賦

五月農家出僂僂囊口蓬蓬時掃土無乃帝遣
江湖封燉煌之人輒相侮枯樸苦竭粟苦貴縱
插秧成已亡庾瘡扎年來骨未蘇創深聚族相
驚呼天以仁侯昨吾邑禱請萬計窮思虞涸灘
無奇退龍哭昆池有梵那能祝角巾行隨赤日
征片心直向蒼旻暴箕占雲舞亦具文滌燥宣
煩仁滲漉恍忽何來少女風須臾霖霖洒空濛
怒桴驚曄寂不起繁聲大點傾如箭望裏柔青
潑新黛婦女束秧男耒已分牀頭翬廩空詎
圖眼底生成再塗歌室頌歡聲流吾民累劫誠
何修推沴爲釐枉反掌精爽直與玄工遊玄工
精爽互爲政恩出兩大難爲酬野夫滄溟上游
佳秫田十歲五不遇昨夜新畦薺藥香壺觴預
理登山具憶從鄂渚識侯先胸中九派湘江烟

他日蒼生遲霖雨爲侯重賦湘江篇

壽季父敏泉翁七十

天目橫青海披穀於越家聲自吾祝名士由來
不出閨探易牀頭乃知叔憶翁盛年氣薄虹下
帷盡發遺編讀詞場所向壁無堅不擬功名負
汗竹山濤以下魏舒上隱德徒然責蓬屋四方
事屬先中憲世緣不復窮蕉鹿醉來竟白人前
眼飽後徐捫水邊腹諸子雅堪寄門戶趨庭敢
誠惟篤睦前猷詎必爭附鳳後輩殊憐能類鶯
翁今七十聊恃粥飄翼渥願兩瞳煜稱觴幸不
乏素風麥熟荷香日初煥余昔一麾綰楚銅翁
走新詩樂固窮薄俸能分佐甘毳老足不踏三
湘鱸自余爲郎侍交戟朔西雲暗扶桑虹翁函
尺一重慰勞時危轉見臣才工致身寧復庸內
顧堂慈幸未成衰癯余時奉使趣歸里排闥一
疏冥高鴻春朝侍膳了無事與翁濁醪時一中

豪華倏忽翻手換榮名潦倒回頭空園籜新抽
足銷夏林田雖疥猶宜豐季方更自饒氣色握
管叱叱攻雕蟲箕裘倘堪貧亦得烟霞長逐山
之東

歌贈吳山人江邨

余生七尺菰蒲中享其敝帚紛推雄風塵忽墮
湘漢曲二酉邈逐湘雲空丁季仗劍遊燕市片
刺投人非所喜偶從款段識吳生睥睨千秋樂
忘死敦螭鼻獮互鬱蟠純丹臆翠流眈寒山陰
無恙營丘在籬籬近世徒衙官生尤翩翩好結
客一諾千金輕一擲聲名隱已動長安吁嗟七
貴筵頭饜醴腊

仁侯吳夢行 有序

邑侯莆陽林公治踰四載化漸萬戶仁必
先矜清而畏知古單父蓋庶幾焉潁川渤
海而下勿論也一夕夢緋衣者前謁謂宜

夙興毋盱食侯展轉不成寐甫辨色而出
視事及退食而堂之前三楹傾矣傾之時
正居恒延見吏民時也此非侯精誠與鬼
神合而平日不忍一夫不獲之念陰騭於
鬼神何以有此爲歌紀之

鈞天錫冊兆大昌祧維藩矣歲乃穰詰人夢豈
僅家室不於其國其民愷仁侯治邑垂四稔冰
壺玉樹相輝光清猗從此絕抵石畫衣不犯朝
桁楊山城五月梅雨足熏風自梟叢生篁虛寬
漏靜睡初穩緋衣忽夢來躑躑似聞致語亟視
事起坐中夜心彷徨是耶非耶語猶在推案曉
色初微茫牘稀吏散侯退食并梧弄影繞三商
連甍辭雕燕泥妬古莎破綠階塵揚巢危那得
不及卯問廐寧必人無傷世間成毀亦恒理此
毀特異繇爲祥士民額手衆鼓舞活人固是鳴
琴堂野夫久醒耶鄆目棠陰自憇華胥隕更看

三穗叶三公老稚年來勤夢卜

壽許翁敬所七十余與翁作真率會令子
同生嘗兩宰大邑

野人自脫頭上簪與君燈火共青林春風喚起
真率會騰觚捉麈襟期深君慈余母並姑侄
毓鴻流多壽質飛瓊況亦耳孫行冰藕攜來六
月實有子巖城綬再懸綵衣不改安吾便林出
歲釀粗已給且辦牀頭枕麴眠君家難弟真
記娓娓七十年前事無論過眼等狂飈即使
心亦飄颻鳳山一峯化日長幾看海水成枯桑
徐分法醞天厨膳好佐季年真率觴

壽周望壽六十

君昔與余尚齡年意氣同令王父憐彪湖垂柳
三春賦鶴嶼寒梅一夜編此時跌宕二三子肝
膽盡豁形骸捐長堤風軟促膝坐虛閣涼生枕
腹眠俛仰於今四十載兒童倏忽皆華顛君今

有子壯門閥兩孫雅更工丹鉛五十脩然謝家
政藤牀竹几逍遙篇自吟自眺復自醉非凡非
佛仍非仙我今幸且脫塵鞅幼兒覓果猶便爍
尚平婚嫁殊未了五嶽脚底空攀緣愧前君生
三百日君領諸福何其全酌君太斗爲君壽君
不謂佞當欣然譚山嶺頭有丹汁子午何煩煉
胎息歲月還應我輩私功名且任兒曹立

吾族賢科繼起獨大宗關如至寅齋姪

卷之二

以明經司訓邯鄲猶未知其能詩也忽以

一律并倡和諸什見遺喜而有賦

吾家世澤引霖霖貳百年來踵纓舄惟茲大宗
久鬱屯汝用明經力恢闢餘勁尤工有韻言珍
重無乃豐李壁五言懷袖忽見吐雋遠已胸中
下格少選更展叢臺吟一時和者盡辟易怪汝
操觚鬚欲蒼笑我逢人眼空白廣文齋頭肯肯
寒蹠踞將無竭詞客新詩且爲報山翁不辭醉

折登山屐

壽許叔文丈七十

黃花十月偏晶英相對傲霜髮幾莖頽然古貌
鶴骨輕七十年作華胥怪藤紛披繡簷楹微
吟淺酌忘將迎樂忘其樂樂自盈任幻併亦忘
勾名阿母年來九十羸古稀更得稱館甥手斟
醴醪薦大觥期願宅相還須成兒孫藹藹羅瑞
瑛世間萬事詎足嬰溫柔久遣仇三彭臥起一
補肌神清詰嗣無忝箕山生余愧巢叟徒荒餘
旣已藏光發其精安用綺語煩墨卿鳳山之麓
可耦耕罷耕還尋真率盟玉塵徐看揚蓬瀛

純紫玉宋硯

鈴峽江潭純紫玉天質羞令鸚眼辱畫惟暖炙
煙氤氳輕漚細沫碧靜新草堂研露繡墨膩夢
斷宜和殿角曉

壽幼岩母舅七十

滄溟滙如帶天塢峙作困宛然華胥域代有羲
皇人周家原出華胥裔長隱南陽閱人世岩翁
老矣舅稱幼幼者今當古稀歲舅於墳典頗瀛
獵恥學書生攻鼓篋舅于意氣干雲天不向五
陵誇任俠林田聊趣山泉種濁酒且邀風月共
古澹衣冠不逐時蕭疎棟宇猶存宋生兒雖晚
雅足娛十齡便已能操觚未論唾手取青紫漸
喜繞膝看孫雛憶昔大母壽躋百尋源世衍長

卷之二

十一

生脈但須隨分飽飯與安眠何勞更覓青晶與
瓊液甥也歷落臞山澤手薦瑤池桃幾核三千
年後相與再看桃花碧

送李君實父子爲中丞邵公勒石玄嶽

十年以前頗識君鬚髯戟張氣薄雲今日重逢
漢東道吳鈎黯淡蓮花文自言於世一無惜不
念功名負竹帛爲重中丞社稷勲千秋托貯玄
碁石卽今胡馬數近邊中丞蟠胸萬控弦泚筆

據鞍君莫讓穹碑蚤晚勒燕然

英石歌

昔愛英石供今作英山主試寒雨後帷片片青
蓮吐玲瓏媚虛閣窈窕宜新穉高韻抗風塵寒
姿走炎熇高韻寒姿劇可憐公餘坐對談玄
大扣小扣受瓊瑤不劇不琢真天然乳竇常含
清峽霧峭頂亂抹芙蓉煙根芟何年托荒溪散
入中原萬餘里況也探搜殊未已它山漫道瓦
甃同岵岵依然完太始我愧初平叱不前笑殺
宋愚空寶燕飛來峯頭萬朶玉胚與虬骨何當
一醉長抱松風眠

行部連陽諸邑有述

日日夜冠狎火雲夢醒烟霞在眉睫風生水響
起坐看扁舟已度清陽峽仙掌霏微曉色醒蛾
眉啼我舍餘情道傍弩矢夾籃筍薄袴緩帶塵
颺輕疎林不遮落日煥冷涯渡口和烟宿關吏

持籌猶漢法估豎爭前絮且祝爲言使君衆父
 父片檄能令號豪嫵嶺海安危惛累棋使君組
 紱輕飛羽惟使事更給稅余西去連雲列戟
 層輿人有足爭凌競千盤忽疑穿漏窅百折仍
 詫臨危槽五徑梯窮日當午蠻女徭童聚如堵
 炎崗冠蓋久不經似辨侏僂慰勞苦從此圭峯
 石閣同別有宇宙苞淳風黔赤無懷吏椎指使
 君亦與爲倥侗推案十日公事了文法惟當去
 繚繞寒帷父老晏見餘榕葉滿庭啾百鳥歸途
 乘漲下湟川猷虛石怒萬鼓驚祲崖飛瀑相怖
 眩空清寒碧流脣咽憶昨山行欲穿屐十步五
 步尺盈咫此夜輕颺載月行月墮巖頭五百里
 事過千年跡未磨檄關秦奈趙佗何水犀間道
 從天下銅柱今標馬伏波地險由來稱用武疇
 當畫疆疇拓土堅瑕何嘗安足數卽今帝朝
 際窮荒河山決滌還千古

登小金山寶陀院有片
 萬曆己亥冬十一月朔余登小金山寶陀
 禪院偶于僧寮得故本一帙緝之有曾世
 大父虛齋翁七言古體一章莊誦不勝愴
 慕翁在武廟朝由關中學使叅藩粵東
 僅數月竟拂衣歸余今棲遲一官忽忽改
 歲讀翁詩愧翁家法多矣因踵韻一首付
 山僧俾刻之石存先後故事云
 金爲靈洲玉爲沙潮音旬激疑打衙三生有身
 亦漏果東坡有悟前身詩百事到眼俱空花耽遊差不
 愧乃祖拙宦自是輸吾家句中之景澹而遠悠
 悠飛盡寒江鴉秀韻遙分博羅色妙理自發青
 林飽高臺四望凌倒景定泉一試天地茶啜茶
 晏坐諸念息堂前法鼓聞三槌年來痛癢頗自
 會麻姑有爪焉能爬丈夫七八還屬我肯向世
 路容咨嗟得歸便喚西湖長飽美雨高峯頂霞

遊七星巖

說與山靈應大笑兩過崧臺惜雙屨誰借天風
吹我來殘霞倒飛衆山躍不知何季斗樞化紫
辰瑤光互聯絡乍窮宵冥攀巉峴倏作空青倏
丹騰但聞簪沸復鏞訇不辨虬蟠與倪攫餘衍
削削風舞旂飄飄晶瑩冰浸幕興來赤脚踏龍
宮神龍未眠火珠燦碧乳亂滴陰風生縞紵無
權酒力薄世外豈更有蓬壺足底已似穿窮壑
兩度虛憑五字酬一日都將萬奇掠爲語風流
李使君石室曹溪對持鑰嶺南着此兩奇人千
古靈區未索莫

麻姑兩山詩

有序

麻姑以泉勝從姑以石勝兩者日在几案
間欲一登跼未暇也戊午春同羅公廓給
諫來長生隱君登麻姑是日驟雨雖未及
探丹霞碧澗諸勝而泉得雨益奇殊不負

遊岐矣剛季已未秋復得偕魏賓吾給諫
蔡虛谷祕書一踐從姑之盟相與秉燭塞
裳穿一線天而度於是兩山之勝皆得染
指焉爲詩紀之

麻姑雙流泉從姑兩立石泉學玉龍飛石作金
鼇躑此泉此石天下奇縈烟抹霧稱壘麓泐澆
頗似挾其長磊砢未肯肩相隨策杖看泉春正
午窈窕青空吐雙乳俄然雨急天風生玉迸珠
跳萬壑怒亦曾緣藤躡石春雲霞盪胸天四碧
萬仞誰令一線穿千劫疑從五丁擘渤海東來
日輪委崑崙西去五萬里兩雄各操造物勝未
聞合則成雙美漫道匡廬瀑布泉亦有五老石
五拳砥今寂寞蠡江上安得隨意漱且眠麻姑
有言試舉似滄海三變桑田矣泉流一去不復
迴夸娥驅石石如砥接待空驚歲月道一語長
含萬古愁泉清石老且須載酒秉燭遊滄桑變

司君知不噫嘻滄桑變幻君知不

夷庚宗侯工詞賦傍及篆法繪事且高雅

絕俗築室西山修其大父貞吉先生之業

而自托於來長生爲七言古體奉贈

五嶸三淙互吞吐需氣南輪結天塢玄鶴驚飛

嶺月寒青鸞欲下岡雲嫵山有鸞仙人一去不

復還十二香城寂寂閒由來詞客原仙客托名於仙

客字不是山人卻住山自言學道有深省會心

藏美堂集 卷之二

便足超人境白屋三間天四幕黃花滿籬秋二

頃有胸不着世緣挂坐臥雲根餐沆瀣營丘盤

礴畫中詩輞川淡沲詩中畫余生偶有篆籀癡

垂金屈玉求遺姿文彭邈矣何震死直向千秋

祀李斯肘印空懸不部趙林田久荒茗畦熟品

泉竟奪徹侯封麻源况是新湯沐前見遺趙都印後更品泉

洪都仙客謫仙才玉洞丹爐次第開清時漫訪

藏名字當日相如亦姓來

夷庚宗侯手書遊麻姑七言長歌見寄依

韻奉和

山色晴陰無不好出郭逶迤曙光早霏霏殘雨

濕籬根漠漠新烟黏樹杪風御冷然不可畱直

探層巖最上頭呼吸已通岡買際身世俄成汗

漫遊滿地砂飛亂如雨却憶當年蔡經里碧樹

丹梯縹緲間恍疑旌珮從風起石幽泉細景倍

清潭影山光悅性情神仙卻醉地上酒餘杭老答方

詞客乃匿人間名興來得句時自喜且任移

宮還刻羽羽字借用故戲之乞得香城換骨膏來試麻

源滌腸水不諱前身詩畫禪擬將雙美敵雙泉

詩神畫趣皆禪悅解道無言妙不傳

弔胡哀烈

姑山幾點青巖巖肝水一碧紫玻璃豈無勛名

耀竹帛賸有靈貺歸衿襦胡娃嫁作李家婦阿

翁治賈不治耕詎遽從穠蹕堂室嗔他瞞瞞須

同緇鞭箠叱詈不敢怨但許孤榮片月知媚歸
遶妾妾安慰誓死君前與君悟君賈徒矜誇鶴
榮妾畱轉觸羣假怒諫苦不從言不忍豈惜紅
顏膏井鮒斯時山川爲震驚井甃傾摧井冰涸
彼獲躑躅謀益亟囊沙厝火生無路殺判獲殪
國憲彰塗咨巷泣天蒼茫消磨八載寸珠在澄
徹千季二水香曾讀遺編嗟異代乃今秉節遊
其鄉爲叩麻源吊青塚萬山落日松風颺精鬼

卷之二

常新天地老麻姑好遇譚桑滄

卽命 有序

已酉中秋家園小集客有問省闈九十人
定未或曰墮地八支于定矣蓋世俗所云
命也余嘗作命說謂人之智愚貴賤從父
母未生前陶鑄已定八支于豈能於墮地
時更作陶鑄蓋天地清淑之氣最秀最貴
人得之而毓爲靈慧發爲文章引爲福澤

原非二物故曰文章卽命語具余命說中
矣余時被酒語狂頗駭四座客既散去對
月無寐漫成二十二韻

歲在己酉中秋夕此夕羣才當射策山亭對客
酒乍酣甲乙誰何漫評覈或云墮地命爾殊奚
煩今日規瑕瑜衆人習見但唯唯余有一說伸
其迂萬古鴻濛漸陶埴河洛圖書吐經緯世間
萬事盡餘滓文章獨抱清醇氣清醇氣稟自先
天五臟靈通五指妍人工澄練各有候却有遲
速歸天權射覆當機尤迅利電鏘投鍼斤斲鼻
聞見皆成有漏因空明獨發無師智此智遙從
太始來三餘藉藉爲重儔惺惺自是天所命豈
八支于之謂哉亦有芳腴供吐漱白首操觚觚
入殼偶然清賦挾其偏絳羽神芝物外觀更有
奇衷腥竹帛片語千秋作金石清泉將無參辰
異原與昏賢不同格得天最貴清且醇譬珠湛

水玉縑珉賈胡蛟人瞥見得罡風劫火終難歷
俗儒闇命工言命生令睽替辱思孟思云人性
命於天孟子言也而有性卽語性命皆批稗智
愚千古終無懈勸客無言但飲酒混沌正苦加
眉臚

宿鷹峰觀日出霧合而觀愈奇歌以壯之
七尺昂藏東海陞甘季不受滄溟知試向鷹峯
一著眼萬象顛倒無能爲鷹峰峭且奇星斗懸

卷之二

卷之二

三

摩尼海天兩未圻我醉方搢願山僧來呼起看
日亂山叢樹猶冥沕脩然天風生膚腠作寒栗
獨上高峰最高處見我未生時太乙少間曙色
東南來上天下地疇恢開濕雲亂繞山之隈
皚銀汞流汾洞汾洞一白森無際羣山露髻如
浮杯須臾四顧盡成海鷹峰獨漾空中樞乘風
不惜溥蓬壺迷途欲問知何在旋於混灔中漏
彼二線赤日上色界呈翻令海水窄山之靈水

之伯簾美挺絃勾蒼碧與子一飽烟霞癖

同吳邑侯李山人元畫弟飲北山禪房十

二韻

我聞適不在境在會心到處深林翳絕巘又聞
千里同心洽比鄰立吐片語成縫綫濁醪聊取
澆磊砢狂歌自足當琴阮轟飲俄驚蜃海翻得
句須令鳳山偃管無呼嶸嶸腐鼠身名易盡九
流坂試看左馬與曹劉唾作珠璣氣蘭畹世人
爭奪不得與七尺別貯千秋苑八閩幟中原
二吳頗亦能強挽精爽寧教塵莽妬聲名不傍
賢豪遠海上墮 明庖人膾新鯉嚴城鼓角何
清婉

癸巳奉使還里適中秋有戒不茹葷叔父

走詩見問逮訓三章

大雲立海天蒼茫風塵黯澹歸故鄉疎桐高竹
蔭曲房故鄉三伏熱亦得况也月白清颼涼

其二

煙水初收湘浦紅。霜颺仍拂薊門羈。清輝已見
幾回圓。薊北湘南亦好。月終憐。杖屨故鄉便。

其三

脫冕纔毫無芥蒂。帙散琴橫。吾意快。剝啄不磨。
童豎慙介。茶漾碧沈烟。輕整領。維摩酒肉戒。

題操凜冰霜卷爲方氏婦厥考邵比部嘉
靖間直臣也

卷之二

誰謂醴泉出無源。誰謂芝艸生無根。一疏抗顏
邵比部。百折凜操方貞媛。嫁夫別夫一年耳。苦
爲腹遺猶忍死。衰姑弱息相繼歿。一燈四壁將
何恃。冰霜歷盡不知寒。天以冰霜琢肺肝。臣常
婦則踵輝暎。氣矗吳峰高鬱蟠。

詒美堂集卷之二終

詩美堂集卷之三

海壇祝以幽耳劉著

五言律詩

送王給諫冊封 韓藩便道省二慈親于

里給諫先公曾令宜良稱循吏有子五人

伯以司理考 貽封矣

利澤在宜良官貧故不妨麗門留石隱竇桂吐

瑞芳紫諾雙慈壽黃麻萬里光憐余亦有母送

子熱中腸

送吳給諫冊封 德藩便道還潤州

玉律頒初夏金符出九天旌旄含柳淨袍錦奪

樞妍上客臨瀟重才名北固縣綸絲無久滯諫

紳待 君前

送顏汝逢民部督餉金城

今日乾坤事那堪問險夷脫巾芻粟後按劍羽

書馳民力東南紂軍聲晝夜疑營平有方略行

看虜庭犁

大司寇豫章舒公畱心絮法

畫省足陽春咎繇自直臣

公常為事寧嘗試得名給諫

法以握持仲曠蕩新捐網平亭老斲輪致君無

學術何以答鴻鈞

喜雨

聖主高齋肅 皇穹錫貺多滂濛元氣合歎忽

萬靈呵玉澱三農粒珠淳太液波歡呼滿中外

擬進大田歌

送吳問源年丈請急歸吳興

劃門千里色迢遞引征鞍歲月浮名見風塵世

路難覲屏供伏枕茗玉佐承歡 聖代需才亟

因風刷羽翰

送譚慕徙官歸里適余初蒞隨

別離何造次把酒重登臨席擁樓雲白

州有白雲樓

帆吹漢日陰朋情深去住吾道足浮沈鴈度昆

陵月因之托素音

飲何仲仁甘露園

案牘稀仍懶林園
斃亦便爲尋金狄
掌得到蔚藍天鳴鳥
深嘉樹繁花媚曲塵
未須投客轄客自解
留連

有事小河溪東袁孝昌季丈

化境驅車入絃歌到
處同采風阡陌外聽
訟水雲中立馬千家
雪憑闌一鴈風美人
不可見裁賦若爲工

卷之三

由小河溪宿廬氏庄

歲宴風塵裏何堪促
去騶亂煙生古戍殘
雪逗寒流艸樹晚還
合靡無黯不收清樽
對長劒中夜勾光浮

勸農至厲山

神農生地

自昔厲山氏身開百
穀先胡爲所生處半
是未耕田亂葦黃沙
積焦禾赤日懸聖明
宵旰切

無榮效微涓

送李明府之京

二月靡無綠前旌不
可留世情終按劍君
意只虛舟治行三湘
最才名百里收此行
看遠略和壁慎輕投

春日同岳別駕邀萬中翰過朱氏家園

郡僻多休暇載酒向
城東一徑窈窕入萬
竹葳蕤中新叢著雨
淨寒翠落林空安得
桑麻遍與物同春工

卷之三

余行勸路藩賜地之孝感夜宿鳳臺

不爲經阡陌何因到
鳳臺一坵從地擁千
里忽天開月度郎山
白霞侵漢渚廻陸流
原傲吏野老莫相猜

病中陳岳二寅丈屢枉見訊口占奉謝

世路何窮極勞勞愧
此生病餘驕物態愁
絕見朋情艸趣呦鳴
鹿樞藏宛轉鸞有身
還屬我便

欲謝浮名

劉大夫問疾醫來走筆志感

藥裹無長日
紙題忽短箋
覺忘軒冕累
兼得大夫憐
坐久桐花落
眠過竹葉圓
高齋容傲吏
轉覺主恩偏

醫諸太素脈理不言病而言余名位所至

余守隨陽萬戶未蘇一官猶贅醫能如秦

越人洞兒垣一方必知我心

卷之三

善病身猶幻浮名幻若何
瓣香供大士
榻石肖維摩

余刻諸佛書新成

爾術饒奇中余心久折磨刀圭

倘能借四境轉陽和

答李玄暉

余生負俠骨逢君骨轉通
乾坤輕一諾金石重

千秋匹馬今何適
西風迥自愁文君他日貴莫

忘鵲鵲巢

君在蜀有無衣之咏故未調之

喜將明府夜薦

太史循良傳看君上
驛收米鹽供調笑翰藻見
風流名久三吳擅才寧
百里優遙憐春雪色長
對九嶷浮

汪永叔自郢以本寧先生書來尋當遊梁

漢東空谷裏忽漫下雙鳬
欲和陽春調還尋照
夜珠解裝餘側理問字
總盤盂到處知名姓寧
煩折柬呼

中秋後一夕同陸馬汪方四司理泊興國

卷之三

守張公玩月院署而陸公爲酒主

一尊開署裏深夜月逾佳
六合還今夕千秋自
我儕已飲容屬和卞壁詎
長懷世事無勞數浮
生未有涯

會仙橋

夜宿上封寺攀緣入幽微
梁穿絕壑度石倚懸崖
飛晴霜拂春樹蒸霞
弄朝晞真仙不可見
惆悵令人歸

途中卽事

路人衡陽盡人披虎豹茸千盤穿地竅一隙漏
天容客思鴛鴦老春愁柳色濃不堪頻北望漢
水白雲重

暮雨宿港口驛有懷吳蒲圻陳崇陽二同
年

去路渺何極衝泥此暫停人家寒雨白野戍暮
烟青宇宙憑相束風塵厭獨醒美人凝望處愁

絕按青萍

送危雲夢之嚴州郡丞

海內知循吏那能久借郎陽春原有腳白雪迥
無羣七澤帆邊鴈三江樹杪雲不知今日別何
處又逢君

觀音巖

太始闢靈竅茲山骨太奇泉爭漱珠珞樹乃結
虬螭耽景聊趺坐愛時感大悲余非軒冕客羣

象未須疑

郢中王勳衛邀飲家園園故白雪樓址

爲憶陽春曲來尋白雪樓此樓不復見此曲空
悠悠簾約花香度杯含竹影流將軍有椽筆下
里恐難酬

武闈與諸僚夜集

聖主闢賢紘誰先爲請纓石弧飛貫扎寸穎聚
談兵吹挾秋風壯寒從密雨生夜深清不寐華

謝美堂集

卷之三

八

燭照雙旌

登岱嶽六首

矯首大門上人間盡莽翳崔嵬扶大宇紆鬱抱
全齊旭樹迴陰室風湍引曲碕菟裘何必問是
處可幽棲

其二

重巒漾碧潯寒色湛虛襟中天風浩蕩下界影
陰森漢碣沈苔寂秦封鎖霧深欲操巖下曲千

載愧知音

其三

身世薄虛無行行捫斗樞日浮三觀動雲倚一峰孤艸昔傳司馬松今辱大夫試登阿閣望往事總萊蕪

其四

日觀峯頭立天風溢九秋談通青帝座神並玉仙遊帶引河流去杯涵海色浮乾坤真覺小感

極倍生愁

其五

信步躡雲根蒼茫宇宙渾石留仙影刃峰讓丈人尊一線縈昏曉雙丸對吐吞安期有真訣擬與細重論

其六

不盡丹梯外雲霞逐手揮真人授瓊簡玉女綴明璣海日三更躍巖霜五月飛清都無勝此觸

熱竟為歸

送王師卿出宰華亭

刀刀發硯寒批輒自不難三吳稱澤竭百里見才單簾靜雲橫閣琴清鶴唳灘臨岐無限思相逐到江干

大行陳太皇后輓歌二章

出震當熙祚專坤靖丕圖寵分浴日厚力借補天助施佛觀千劫遊仙忽九區哀榮今日事形

史待操觚

其二

母慈臨二紀壹淑揆三朝軒曜初沈景商飈正浙寥裨畱藏故綰塗閭問餘椒下國庸揮涕霞輶邈絳宵

壽顧迴瀾母八十顧博雅精字學

君識人間字常懷式穀慈寧惟九瞻助兼有異書遺天姥排青遠雲仍兢綵遲官貧無長物持

壽只新詩

送郡博東充孟公掾司延慶教

文德耀冰天絃歌萬里偏玉關春許度碣石道
仍懸風氣高三觀淵源自七篇重湖留化澤潞
潞雨和煙

夏日宿濡上人靜室

西湖多沸渚覺海有層冰一榻懸相借雙扉局

不磨師時來作客我自習爲僧

上人從室相讓故云

夜久

諸喧寂蓮花對佛燈

卷之三

送學博寅齋姪

莫道青瑣冷人人自飲和文章存大雅模範激
頽波硯井朝暾擁隋隄暮靄多商精遊列宿濟
濟看菁莪

和
兵使者車公誓師海上見示新詩依韻奉

浮航應有譯乘障豈忘倭譚笑歸前箸安危仗

太阿赤嶠噉畫艦白浪捲瑯戈緩帶行吟日從
知海不波

其二

旭日秦皇嶼春風亞父營一身真屹柱五字亦
長城析靜宵沉擊簾虛晝息爭試聽海浦上機
杼萬家聲

其三

劉謝歸風雅蕭曹定指揮東臨開曉節南顧慰
宵衣組練侵雲暗餘艖帶雨飛鯨鯢聞徒窟遙

懾使君威

其四

壓額瘡痍日何人執厲階益兵徒藉寇募客更
驅豺事往嗟柳戒時平仰弼諧龍湫青草色今
始淨氛靈

其五

華夷天險共思患在先防歲月煩休養閭閻及

阜昌雨茁牆陰薺風柔陌上桑未須論士馬勝
氣已金湯

其六

巡方先海微軫念特茅茨有發皆憂國凡規必
救時投鞭麾甲士擊楫誓舟師三尺吳鉤外囊
螢數卷詩

司教行矣感時惜別情見乎辭

木落正蕭森臨岐轉不禁浮沈當過眼去住

論心長水帷陰合延津劒氣深與君它日約

髮峴山岑

東臯爲查丈賦

東望林臯迥扶藜蒼翠中微吟逗山月長嘯狎
松風肯構兒孫事逍遙造物功 聖朝修祀計
或恐及巖隈

與伯父潯州公過西隣賞牡丹二首

深林隱落霞乘興到山家坡笋茁堪供谿魚近

可又高歌銷濁酒微月暈名花不記歸時路東
風急小槎

其二

已惜春將去况逢春乍晴花依高燭媚月傍綺
筵明耐可詩盟負將無酒債輕朝來足高臥不
必問餘醒

乙酉中秋飲仲兄家憶歲壬午文戰棘闈
同此良宵好月也

卷之三

詩

圓月破陰濛開樽對面峯岸巾餘落葉移席度
微鍾醉眼今從白修眉舊憶工時名真長物興
緒坐來空

入龍井寺利宇一新憶昔斷澗荒烟恍涉
異境果上人楚楚如昨而應酬爲劇矣

數往十年強重來度石梁何人新法界老我識
空王細雨淨山氣澄泉生茗香僧雖煩應接未
敢借匡牀

行睹山阿有棲禪

窈窕破眉煙諸天最上天有局皆納岫無澗不
鳴泉閉目疑公案將心可問禪若教求秘密密
在阿誰邊

王君靜村庭梅特勝

江梅隱塵市曲水徑通幽土未下階語香先隔
座浮烟空萬玉蝶霜老孤青虬日暮寒飄襲宵
然疑夢遊

大庾嶺

八千雲水盡縹渺界南垠山向中原開梅先十
月春靈臯輸異糧璇室住真人莫道長安達
恩偏自遠臣

發章貢辱叅戎崔丈祖送江上賦別

將軍還惜別畫艦繫江干魚鳥三千隊風雷十
八灘情悰帆影度肝膽劍光寒 明主知熊虎
酬恩一寸丹

同來長生遊麻姑山

曉色漸蒼涼籃輿引興長烟鬟初拂黛風珮雜
鳴璫丹竈千季寂木疇到處香蓬瀛正清淺何
用卜行藏

其二

賈勇躡崔巍相期願不違樹將雲半合泉挾雨
雙飛踞石譚鋒起憑欄酒力微歸途凌倒景虹
彩照綿衣

來長生至自龍沙扁舟盱江上久之已血

別去將往信州

高人能命駕泉好暫爲畱古堞寒烟渡空江細
雨舟譚深茶是癖愁絕賦扁道好去鵝湖道清
霜狎蒯緱

臨汝飲同季周青來丈出示兩郎君公車

業又遣我扇頭詩行次鍾陵對雪有懷
百年身健在寧道歲虛糜事業驕衰贅文章屬

好兒談深肝膽付坐久徵宮移對雪遙孤賞
探白雪詩

聞玄岳弟得雋南都喜而有賦二首

吾氏蟬聯業寥寥一紀餘斗輝無伏劔紙貴有
新書氣誼看還好科名豈合虛爲言諸後彥
皇網未全疎

其二

人擬飛鳴久一鳴人乃驚珠懸方照秉壁剖
連城特達須難弟婆娑任老兄囊餘金鑑
或佐披傾 余近以嵩賀還里故云

雨澍甚宿魯諸生家諸生嗜學燒燭譚文
夜分乃罷走筆致意

征途苦煩熱暮雨忽翻盆濺沫侵輕袂模糊失
遠村諸生能肅客詩學更專門長湑和譚劇通
宵一默存

山行尋梅花水

溪橋行遠邏山徑互包羅梅趁曦痕吐泉爭石
罅過未煩傾竹葉先與試松蘿爲語山僧道
人癖較多

美堂集

卷之三

八

美堂集卷之三



詒美堂集卷之四

七言律詩

海堧祝以函耳劉著

隸事西曹署於題名石兄先君諱愴然有感余舞象時先君曾攜至

二十年前識古槐兒童今又戴冠來覆盆春借當時疏先君應同江南一時稱最殘碣名懸異代才海嶽思

深餘涕淚乾坤事往幾徘徊獨憐齋閣抽書處

不改繁陰覆綠苔

送李太史冊封趙藩

拂曙雲霞照使輪翩翩玉節下楓宸千季漳

海迴真氣此日平原識上賓白雪調高梁苑色

紫泥光動漢宮春祗今正亟宗盟議歸有囊封

次第陳

遼東宣捷恭紀

聖主垂衣廟略崇華夷此日象胥通陳階舞羽



徵虞化校獵誇胡陋漢功犀駿久傳清漠北旌麾仍奏捷遼東小臣祗續車攻什會看王庭萬里空

郡新城之南樓爲一郡勝久墮劫灰已丑冬余初復之漢東之國隨爲大登茲樓也幾欲小荆楚矣因題其樓曰襟漢而紀以詩

微吏風流滿漢東山川此日爲誰雄斜陽半入

城闌紫寒月忽將林嶂空杯酒千年酬莽蕩高

樓一夕俯鴻濛吾生聊玩人間世矯首風塵思不窮

其二

崔嵬一上一悠哉倚檻雲霞萬里開地坼漢流襟外落天浮嶽色斗邊迴憑將白雪當樽發剌有明珠照夜來成毀相尋那足數卽看今古屬莓苔

喜李山人君實過訪漢東

李初自塞上還

八月秋風動早涼偶逢君到正相望
開函總是千年色拂劍猶餘萬里霜
何處乾坤容俠骨此生湖海傲空囊
浮沈一夢無勞數竟促飛觴酌熱腸

徐侍御索壽其尊公慕遠居士居士嘗司訓潮陽以將母解官歸莞東矣

幾載風塵流舊例一揮湖海任天張
韓山月與宦情澹參里雲兼臥首高
伯玉行藏原自化南州物望雅推豪
稱觴正及迎長候珥筆新分紫禁醪

棘署與四司理暨張伯常處兩浹旬彈碁呼盧驩甚既告成事于是慨勝會之難逢嗟人生之易睽用志感謝

南國徵才下使騶一時仙署共優游
夢回鍾度涼颺曉靜裏碁聲亂雨秋
宇宙百年星聚少榮

名一笑漢波流羣公總屬明時輔他日相思作帛求

鄂長顏疊陽季兄邀同羅匡湖大行黃鶴樓燕集

兄弟天涯好自憐登樓轉覺思條然
醉來綺語霏殘燭賦罷清音裊素絃
不盡長江搖落照空餘大別鎖寒烟
白雲黃鶴今千古莫向風塵問歲年

登衡嶽

天風滿袖思飛揚獨立空濛瞰大荒
軫翼諸峰排作豆沅湘千派引爲觴
夜看南極星辰近春到朱陵洞艸長
五嶽壯遊今一慰此生隨處行藏

祝融峯是衡嶽絕頂

祝融峯高高太奇天低晴翠來撲眉
雲霾俯我百千仞日月出海邊巡時
誰將蒼水金書閱從

借元君玉笛吹怪底烟霞心獨會千秋祖武却
相期

余滿三載考入郢途中憶郢長田或損季

兄

水落天空歲欲闌浮名重爲一彈冠朔風萬樹
爭寒發晴雪千山向晚看未夜吹荒還郢調詰
朝手板又粗官相看莫問三年亭一日風塵思
並殘

卷之四
五
郢令田或損年兄招飲玄祐宮

郢中有客擅風流惜別兼因好月留百尺瑤樓
空外立萬家晴雪鏡中浮乾坤氣壯星辰逼身
世譚餘夜色道來日風塵定何處相思無盡漢
江頭

安居卽古安貴縣屬隨今城址猶存其地
頗有人文田亦治

陵谷高深幾變遷停車野老話當年隨侯名在

猶遺澤安貴烟荒失故廬雨過山家場黍足
來官閣井梧圓漢東風物真淳古扶杖攀攜自
可憐

已丑夏六月應山邑宰何君泊學博吳君
邀飲印臺山山故傳司馬別業去邑三里
而近環邑山皆翼拱而雉堞參差麓林中
眞如錯繡遠望諸山屏立得斜陽暎射俱
作紫金色置風撼樹若數部鼓吹余宦郢
垂二載餘遊之差可紀者靈濟巖與茲山
耳

寤寐山靈幾歲年茲遊端足慰楚然禮文豈爲
吾曹設二君執屬
禮甚謹疎曠惟應性與便萬壑天風
來杖底千巖晴翠落尊前虛亭夜色清如水不
信人間暑未蠲

登岳陽樓

停橈一上岳陽樓極目蕭蕭萬里秋迢遞暮雲

江漢盡滄濛元氣古今浮洲迴白練帆初落嶼
疊青螺鏡未收十載風塵搔短髮蒼蒼寒雨自
生愁

其二

湖上秋陰劃晚開登高端愧大夫才月爭夢澤
明珠上濤擁岷峨積雪來鴈影寒高玄石渚笛
聲空響紫荊臺盪胸萬斛相吞吐此日波臣亦
快哉

送吳明仲之令星子

挾策天泓擁敝裘分符星渚試純鉤三江白破
簾前曉五老青攢几上秋今古戰塵天地滿東
南民力廟堂憂治平他日推賢宰爲看吳公第
一籌

送褚進士司直還朝

執苑當年把臂遊別來容鬢訝先秋君今風翮
終搏鶚我自烟蓑穩狎鷗壯歲功名差有味清

時竹帛豈難酬江雲曉逐帆檣遠好乞恩波爲
報劉君少孤育于大父母今八十偕老

武闈登明遠樓

把酒層樓引望賒西山秋色滿京華金銀氣擁
千尋闕畫煙籠十萬家此日共推闢得駿當
年猶記筆生花試看衝斗氣氤紫何處沈淵有
鏃鈇

送劉子玄贊畫之遼陽

蛤窟波濤動地生看君譚笑請長纓秋風黯
連雲坂海色遙吞不夜城六郡材官新赴敵五
陵豪俠舊知名臨岐莫按驪駒調匣裏蓮花畫
自鳴

送袁坤儀贊畫之遼陽

循良績自扶風最經畫聲先瀚海馳浴鐵霜寒
中廐馬控弦風淨羽林兒七前坐奪餘皇色繡
首長深社稷思紀伐未煩銅作柱千年華表兀

江湄

奉使榆關

入望關門爽氣浮河山盤鬱控燕幽長城半壓
秦雲黑大漠空懸漢月秋持節可無憂辱國弃
繻寧獨爲封侯斜陽西共長安遠殘角鳴鳴起
暮愁

與張士隆賈無錫二寅丈同年王所敬民

部飲榆關城樓張爲地主有乞歸之疏故

末致意云

碣石東趨勢莽蒼一尊高閣俯遐荒山原畫吐
關門紫海氣晴連塞艸黃共道批鱗憂社稷誰
憐躍馬老封疆吾儕幸不逢搖落竹帛功名好
顏頰

送丁禹門丈備兵潁川

春江相逐片帆來把酒吳門醉眼開
余與丁聯舟北上
名動雲霄推國士院當天險借雄才西風畫冷

觀魚磧落日秋高集鳳臺去去不堪頻北望鍾
離艸綠暮砧哀

其二

年來郡國正譚兵此日看君擁節行地入汝淮
偏王氣身都將相亦書生共憂西朔塵初暗無
柰中原脈漸傾試到春申臺上問客今誰復是
朱英

壽徵兄選余二三兄弟載酒行春兼訂賞

花之約

濛濛細雨約輕塵最是風光惜暮春遙浦落紅
歸蕩槳平原柔綠借餘茵半生久習隍中鹿一
醉仍逢眼底人明日庭花正穠豔清樽潦倒莫
辭頻

送郡司理贊皇胡公內台

汗腕從教宰輔期冰心何用畏人知誰能循績
兼文苑好睹祥鸞集鳳池拂案重陰回暖律開

簾羣卉鬱霜蕤何年節鉞還重借時倚星躔望
陸離

嘉興太守甘岍曹公爲郡僅二年郡之人
德之不啻懷慈父而肅神明也今屆懸弧
之辰用采里謠兼抒鄙悃

清時政術若爲工畫一俄頃滯蹟空萬井煥寒

衽席上片心玄澹玉壺中龔黃名盛推爲郡申

甫生原屬降嵩

公中州人

愧我受屢偏覆露一

蓑煙雨泛冥鴻

歲丙戌別戴亭融長安邸中迨戊戌重會

滇江杯酒離亭感念今昔不勝怡然顧南

北異適輪舳殊駕難合易離益復悽楚因

賦二章且訂後晤

繫馬昌山古道邊綈袍相向各泫然到來瘴霧
五千里別去風塵十二年掉臂我甘伶父後折
腰君亦貴人前浮沈去住都疑夢回首乾坤好

自憐

其二

少年意氣五陵豪此日相看問二毛末路何人
能跌宕新詩對爾轉牢騷帆前日落滇江遠馬
首雲開庾嶺高臨別更期呼斗酒璇梯絕處弄
銀璫

侍御馬公使院庭栢有甘露降適值誕辰
諸大夫爲詩紀之不佞嗣焉

御史臺前列栢高翠分羅岫響分濤樓烏幹直

原隆棟警鶴漿寒應壽醪五嶺清霜溥作玉十

城佳氣釀爲膏還朝定有金莖賜南粵謳思夙

夜勞

公時報命將行

登九成臺

天庾東蟠氣鬱蔥九成臺迥攬晴空烟將山色
來衣上月引江光入鏡中家遠人書常隔歲官
閒一節坐宣風乾坤今古同搖落醉撫殘碑百

感叢

蘇長公有
銘刻石

送陳誠甫之任常鎮大叅

乍憶池亭逸思生重臨江閣別愁繁玄譚橫挾

風雷起

時大雷雨

濁酒時含肺腑傾九曜蒼茫

殘夜色五湖浩漾擁春聲知君盡識人間字瘞

碣靈書待品評

送馬侍御還貴竹

風雨蕭蕭暗白楊去帆迢遞指河梁但令肝膽

詩之四

註

長懸日不悔蛾眉解妬霜大庾石寒留墮淚五

溪地迥且狎狂人間勳業尋常事好向千秋愛

景光

予始至崧臺于七星巖忽忽作夢遊而去

今再至而方伯梅公憲長黃公大叅李公

憲副余公咸集于是李伯東憲副以地主

固尋前盟先賦此爲山靈紹介

嶺海羣賢喜盍簪勝區擬共一登臨星巖固自

宜星聚粵客何曾解粵吟倚檻蒼梧雲盡歛嘶

杯瀧水日初沈道傍懶更逢棋看回首人間歲

川深

城南有欄柯巖是王質觀棊處

與大叅晴原李公遊楊瀝巖觀瀑布

案牘何常困稿梧檐帷得共攬名區望鄉余目

空千里作賦君才擅五都日落山皆含翡翠風

迴泉忽迸珍珠乾坤大有棲真地任是飄零興

未孤

李使君依韻辱和又賦二章見投會明日

有謁臺之行而予病甚燒燭漫答

絕壑陰森古木蟠飛流百尺盪冰紈聲依午夢

時時在色借新詩字字寒懶慢春來惟藥裴風

塵日出又衣冠自余一漱曹溪水并作人間電

露觀

王光祿邀飲園亭

遠樹浮青入望賒逶迤重過朝川家憂時半灑

囊中艸生事全餘砌上花感舊擊壺驕塵尾
酣移席傍鷗沙瑤光似叶三台朗未許商山戀
紫霞

公以詩建儲還里

端午清峽舟中

晴江空碧漾輕橈獨把蒲尊對寂寥瘴厲忽先
朱索淨兵戈倘藉赤符銷鄉心去住渾難擬病
骨風塵轉欲驕一吸定泉諸念屏

峽有定心泉

望中雲樹莫相撩

卷之四

喜家兄壽徵之任南安司理詩以代簡

竹馬初迎章水濱斗邊雙紫忽氤氲乾坤宦迹
憐池草南北天涯隔嶺雲兄自孝儀還領郡第
慚元敬雅無文挑燈細展親朋字欲見無由思
轉紛

奉訊座主楊公時以修撰出叅閩藩

詞筆西清幾大家至人遊世且龍蛇十季夢後
燕山月千里神先甬海霞牛斗自沉天半色腿

奔虛擬渥中驂秦階銀礫將無動早晚 明光
趨召麻

陳征蠻朝鮮凱還

誓掃提槍萬里清將軍奇計敵知名颶昏滌海
酋旛偃霧歛神嵩漢幟明百戰 九重推校闔
一身兩粵借長城庾巖亦有摩雲石好擬銅標
對勒盟

查丈仁卿之粵西憲舟過曲江譚家鄉事

有感

鈴閣憑虛倒玉卮風塵此日慰遙思蠡江桃李
春爭媚嶺峽芙蓉秋正空語罷壯心紛踖踖愁
來歸計轉差池天涯無限臨岐感雲到蒼梧欲
度遲

顧侍御按部惠陽虞人得熊以獻賦此

青削瑤梯逼漢廻法轡晴傍麗江開卽看狐迹
飛霜淨忽有熊祥叶夢來繡綵乍酬九膽志綵

毫重爲獵書裁公以奏最晚封通又特安危注

意原非偶今古兼須潤水才

余將以入 賀行舟次三水別李伯東憲

副

紫氣西連五嶺陞風流文采竝淋漓珠江不作

尋常色石室爭開太古奇公闢構諸名勝或有標咏未夜欲

成千里別陽春更許幾人知相看不禁臨岐淚

酒醒潮生月落時

卷之四

其二

春深黔峽水如煙爲爾重停下瀨舡譚裏雄風

吹短劍賦成淒雨澁朱絃 萬年天子嵩爲壽

半夜蒼生席肯前無限乾坤未平事感時惜別

思紛然時林樵正亟

拜表後別潘泉諸寅丈

擁傳乘春出五羊畫樓珠海灩晴光 一人祺

壽同琛帛百粵安危倚駿良矯首雲霄看欲近

致身經術愧無當曲江舊自餘金鏡還許波臣

叩總章

余去芙蓉江十年所矣番禺唐公賞由潮

陽移海昌修通家禮甚殷一再見示詩刻

居然大雅愧余偃臥海上不數數晤也公

今擢惠陽行且有日漫爲一詩寄意兼東

王省軒光祿

江冷芙蓉幾送秋通家片刺故綢繆世情覺

時時澹詩力多君字字遺攬勝可無探禹穴傳

經仍合長羅浮行過竹里如相問十二橋邊烟

雨舟

送聞徵弟之南比部兼懷無功宗文

河橋新柳遠含烟爾向鍾陵我向燕人世浮沈

聊自適天涯南北倍相憐憑將拙宦稱難弟莫

傍清曹愧吏仙爲問吾家名給諫憂時雙鬢可

猶玄

奉訊本寧先生

乍傳奎壁動維揚，隱約微垣揆紫芒。
千古文章周大鼎，一時壇坫魯靈光。
未論刪述垂蘭谷，還擬賡歌重柏梁。
咫尺龍門思執御，病愁無奈滯滄浪。

爲趙銓部壽母

三峯遙入紫薇邊，發色高從太白懸。
家近西池桃實薦，生臨仙掌露華鮮。
茗香夜禱還移孝，蔬艸朝焚獨對天。
欲識顯親歸令德，卽看冰玉照衡銓。

送朱惺復出守建昌

鍾山一望楚天長，畫隼乘春入豫章。
曲渚清暉畱卷幔，層巖擁雪待晨裝。
清暉擁雪皆亭沼名蒲從臥理施無用，榻爲投交下不妨。
青社向來深雨露，未煩停轍問南陽。

送同年權闕李從樸

十載甘泉侍從臣，湖山爭望使車塵。
水衡此日餘棠愛，將作何年罷權緝。
曉露芙蓉迎畫戟，秋風禾黍狎青蘋。
聖明倘賜臨軒問，好爲東南太息陳。

送甘公紫亭以浙撫徵拜大廷尉

有序

甘紫亭老師正直開朗爲海內人倫冠，
冕邇持中丞節鎮撫兩浙一切興除於
膜隱若覲且躬冰蘖以風諸文武吏一
時靡然式化而

天子畱心紀法之地以大廷尉趣名天下，
將無寃民矣吾浙不並受賜乎以幽辱
在門牆僭爲詩二章庶幾俟他日太史
之采

咫尺雲霄春命新，謳謠闐道謁車塵。
一時肅穆橐前曉，萬族流移疏上春。
霜幕冰心同膜徹，高牙列棘並嶙峋。
無寃自是邦家瑞，會看餘馨

起鳳麟

公始得子

其二

十年名姓愧登龍
懷舊論新思萬重
卿月高從三坐朗
法星光借九秋凝
傳來驟撤侯家宴
向去長銷海綴烽
但使中朝相司馬
菰蘆隨分老吳儂

簡梁右伯

真氣東南捲尾箕
湖山總爲使君奇
栢梁詞賦

卷之四

五

誰當代薇省風流自一時
不盡棠陰濃覆露幾

因家世愧酬知黑頭公輔何煩祝
姓字琳瑯在

玉墀

占鰲塔

有序

占鰲塔經始於前侯潯陽郭公落成於

今侯清源陳公塔在邑治之巽隅爲文

筆此侯名塔肯也塔旣成侯登眺而樂

之援筆爲記勒之石復命不佞當爲詩

紀之不佞讀侯所爲記其文詞雄麗甚

更安所措語漫成二律識盛美云

亭亭傑構倚崔嵬
躡級憑虛亦快哉
天柱搏青杯底出
滄溟滙白鏡中開
百年邵杜畱餘澤
一代文章叶上台
員嶠方壺應咫尺
何人先掣巨鰲來

其二

鸞乳蟠翔到海垠
飛甍百尺柱青旻
初疑世界

金粟幾見蓬瀛起
玉塵日落寒潮雙峽壯

低烟樹萬家春磨崖綵筆知難和
聊嗣玄虛附

不磷

丁酉有鶴飛集武庫公署爲寅長韓伯明

賦

仙署無譚晝漏清
仙禽縹緲下蓬瀛
應武庫

藏兵爪不向塵寰
競轉洋竹徑月來
窺瘦影松

庭風度憂寒聲使
君自是緱山侶好
放冲霄羽

翼成

丙午元旦

穩傍滄江狎釣竿
年平骨肉對團圓
椒觴判讓從頭醉
錫餌還承繞膝歡
未少笙歌窮曼衍
且教花竹報平安
盤辛脆滑蘭湯膩
昨夜春風已破寒
除前一日立春

寄家弟泰徵進士

歲月從弛懶慢中
因風聊爲托微衷
鳳承初日
毛筆彩驥展長衢
步益工素業
但令稱是子黑頭
何必艷爲公
卽看棣萼聯翩起
烟月西湖未擬空
時君壽兄若虛弟俱就試北闕

送若虛弟就北闕試弟業春秋而今上
特命詞臣撰進春講義故末期之

柳色長堤拂曙烟
酒酣慷慨賦遊燕
黃金自貸涓人骨
白雪寧操下里絃
兩地辟雍知國士
二難經術是家傳
弟與君壽兄皆業春秋卽今虎觀推麟筆

好待青藜乙夜燃

詒美堂集卷之四終

卷之四

三

詒美堂集卷之五

七言律詩

海堧祝以爾耳劉著

與于文若別八季矣邂逅濟上感慨舊遊
賦贈

長安匹馬傍風塵回首參差歲月湮文采濟南
推地主嶽嶠嶺表倦波臣異時說劍人俱老此
日啣杯會有神葉落江空帆影度相思三觀日
嶠嶠

送仁山伯兄司訓皖城

圻內師儒儼國均青箱雖舊價猶新卽論雍序
偏蒼玉自信春秋有素臣鱗鬣晚克留客饌龍
巖秋拂着書棚天涯兄弟看容巒好問江流寄
慰頻

閏八月十五前寓櫺李今歸海上

一歲中秋逢兩度桂輪前後及新晴煙湖自挾

珠光媚滄海重將練影橫濁酒儘拚經月醉幽
期端慰隔年情東窗况值黃雲熟雞黍壺漿取
次迎

病後值中秋客有勉余起家者因述鄙懷
據梧偃蹇臥江城秋思俄從遠笛生客鬢二毛
窺善病寒光萬里媚新晴天空雲樹河山邈露
下庭臯枕簟清俯仰百年吾計得肯將真賞借
浮名

其二

雨過重湖秋正中開尊聊復對空濛柝聲何處
催黃葉月色千門度早鴻翫髀骨存無礙病拍
浮蹤引秋安窮當時嵇阮心誰會但道愛生感
慨同

歲已卯余讀書孤嶼之梅花屋值懸弧之
辰覺海禪院廣上人輩爲余燃燈諷梵乞
靈於大雄氏余時猶在諸生間而今年已

西復值茲辰則廣之嗣孫珂上人輩亦爲
余燃燈諷梵儼然靈山之會未散也因念
三十年來佛廬既罹劫灰上人輩亦相繼
示寂所存舊識數輩僧臘亦頗深矣夫幻
境不常何論幻身又何論浮名去來尤幻
幻者乎惟有旃檀貝葉可了無生事耳漫
成一律

猶記寒梅伴素細夢醒還是水雲裝閒來轉識
禪心古事去方知佛日長屋外好山圍舊碧塔
前流水澣新香一龕已了無生事何用靈飛覓
禁方

承李還樸使君手書新詩見投依韻答謝
時寓小金山

天空水遠望平夷四面江山畢獻奇書是山陰
醒後字吟成摩詰畫中詩安懷事業誇千載嶺
海艱危又一時日暮蒼梧何處是濕雲如雨雨

如絲

已酉中秋與心園許丈泊兩甥館師諸從
小集

天敞虛庭洗露新坐中俱是得閒人月從碧砌
朱欄灑話入黃雞白酒真萬事棘端爭刺罍百
年杯底狎良辰江籬秋色深逾嫵漸惹先生墊
角巾

其二

玄語霏霏雜薦涼夜深無醉只清狂藥爐經氈
維摩室月色溪聲華子岡詩添秋容旋欲澹茶
烹芥乳別生香坐來忽重鴿原痛漫道吾衰感
慨長

烟雨樓郡守龔公新葺

澤國蒹葭水氣涼空青一片蕩銀黃樓臺過雨
澄新沐市堞和烟暈晚粧檻外忽浮滄海氣尊
前遙挹少微芒漢廷太守龔公最不是風流詎

足償

壽許徵君五十故雲邨給諫孫也

天只峰頭獨攬輝
箕裘何必盡金緋
閭閻自是寬真隱
歲月無勞數去非
問字當年玄是閣
臥雲終日紫成幃
邨名紫雲
不辭牽犢爲君壽
洗耳溪邊艸正肥

懷川叔不勝悼亡之感作二詩見示因口

占一律

卷之五

五

大化茫茫未有根
百年身世寄逡巡
倘來富貴原春夢
偶聚妻孥亦幻塵
荷鍾自隨寧諱死
挂瓢終弃始稱貧
達人去矣高風在
好爲浮生一解鞿

雨中過白蓮寺

湖波十里雨如烟
信步禪扉問白蓮
生死直從叅際了
葛藤久向靜中蠲
龍湫自鼓輕舸度
埭茗新傾定水煎
漚龍山下有泉水一泓
莫訝少年修苦行

蓮花出水自薦然

丙辰起家長安邸中寫懷

帝城秋色曉蒼蒼
客館俄驚落葉黃
菽水廿年猶恨短
風塵一日卽爲長
幾人借著真謀國
何日吹笳奏破羌
自是安攘歸廟略
不妨清世老馮唐

上元小集

歷落浮生夢幻空
團圓良夜晤言同
樓臺畢竟初初滿
燭焰紅膏春乍融
但使清尊長對客
不妨華髮漸成翁
風光屆始從今夕
芒屨花與烟水艸

暮雪探梅小飲偶得直指推轂之耗漫成

二律解嘲

片片寒雲護晚曦
靜綠端與世緣畸
清時物色空相慕
白首疎慵轉自疑
歲月不妨文酒過
乾坤眞爲綠衣私
虛庭雪欲封梅遍
故向橫斜漏

一枝

其二

世事年來歎積薪，憐予且作自由人。
璠璣不分尋常石，經緯都輸七尺綀。
薦章有經緯璠璣語 菽水足娛貧，未憊薜蘿無恙野。而真亦知身隱文，何用莫遑空明點幻塵。

初至龍沙羅公廡給諫扁舟逆我江上

別來三十餘年矣

春色天街並短甍，當時意氣各如虹。
二千里路風塵外，三十年光夢寐中。
君自皂囊先國恤，余依斑綵亦家風。
卻憐身在無它語，相對寒江萬緒空。

讀鄒南阜先生語義合編有感

道向分歧得本元，學從真際絕攀援。
試探鳳翼遡巡脈，并作龍江浩漾翻。
解道危言驚電掣，還將完行結天根。
自嗟十六年虛過，性命尋常總

隔藩 廖先生念及陳情事志愧

奉贈鄒南阜先生

隱約晶光傍斗牛，二儀真氣滿南州。
玄言細吐匡山色，白髮長懸魏闕憂。
自是行藏關一代，漫云廉立付千秋。
時危旦夕還求舊，未許龍華慙冥搜。

夷庚宗侯築室西山，泅處學無生理書來具述看雲聽雨之適奉懷一首

天柱幽奇太古留，卜居仍愜勝全收。
微雲澹抹前山曉，細雨寒生別浦秋。
徒倚盡成詩裏畫，成題時作夢中遊。
浮生并向無生了，了却浮生且任浮。

立春前一日過鍾陵大雪沮行沈令君世

丈餉我春酒得近體一章

春事相將未著梅，六花一夜玉蟲飛。
斜封百雉寒光積，盡擁千山朔氣來。
豈少洛陽存客誼，兼

輸郢里屬歌才乾坤易盡風塵興信宿何疑訪
刻回

秋日登肝江樓

檻外江流碧蜿蜒八牕虛敞得秋先傳來塞微
烽猶滿其奈閨闔賦未蠲疎樹亂山烟霽際人
家古渡夕陽前牘稀不厭頻登覽賸喜重書大
有季

贈鄭愚公太守

一代風騷寄薜蘿至今遺愛滿淖沱功名肯傍
循良起歲月還看意氣多莫遯寒光高北斗恐
妨塵夢醒南柯吳儂早有投簪興喜得新詩與
細哦公詩極里居之樂井用南柯事

壽益王

丹霞山色照江城帝子英徽繼令名繡得異
書標太乙繡來真氣煜長庚雄風自逐薰風散
湛露時隨紺露盈戀闕正須賡六月兕觥時

祝塞煙清王誕辰六月時相祿助邊

寄懷鄧壺丘憲副公以侍御出領浙之金
華部

隼鸞高寒坐曉春夾江旌旆引芙蓉指麾組練
歸如意慷慨助名待景鍾公簡所部
卒赴邊茨嶺着霜
柑競熟穀溪泄露酒初濃聖明數問淮陽守
千里須君爲折衝

辛酉登粵東五層樓憶庚子去粵二十餘

年矣

夾道松風鼓吹殷憑高萬象俯氤氲簷虛曉浴
蒼茫日棟濕春藏窈窕雲玄覽跡荒餘鶴唳翠
微草長走麋群回思二十年前事倚醉狂歌嶠
惠文

其二

當年猶記陟層樓此日重來感舊遊迴合三江
元氣抱叅差萬井夕陽收宦情似比龍泓澹民

計還深蚌海憂徒倚不堪頻北望遠山重疊暮
雲浮

送參戎潘公之松藩

榕葉含風正早秋將軍新紵下炎州三湘奕
世推熊略百粵諸夷識虎頭旌色恍從青嶂出
陣雲猶倚錦江浮綵輿到處堪娛日好向西征
說壯遊

君有太夫人在堂

林五磊世丈招同諸寅長飲寶月臺時適

卷之五

七

陽挫後川貴報復至

出廓春寒尚襲膚使君珍重有行厨喜逢勝友
襟期豁乍讀殘碑歲月殊歷亂巖星呈遠翠空
濛寶月湛明珠杯行黯澹不成醉四海何當罷
鼓桴

壬戌三月督汎廣海卽事二首

春時號令布先庚到日登壇執耳盟海氣浮空
迴大壑山形挾溟壯孤城久煩拊髀思英俊未

少蟠胸有甲兵自是聖明宵旰切會看波靜
塞烟清

其二

海大無際淨朝氛指點樓舡下瀨動浪閃旌旗
鵝鷖隊戍喧鼙鼓鵲鵬群波臣無力寬南顧
廟議誰當領北軍萬里羽書音問絕悲歌倚劍
生宵分

時東陲屢劄望陞信不至

同卿諸老醇方正學先生墓

學士玄扃近帝衢歲時父老薦江籬舊君故
何煩檄殄族剗骸自若飴渺矣江山千古淚淖
哉明聖異時思斜陽忽送鍾陵色萬樹松楸
咽暮颺

壬戌粵東籌海署中得南光祿之報

庭栢風清晝漏閒何來剝啄語烏蠻似傳海微
銅符使入奉陪京玉筍班五枝漸窮堪再試
孤飛欲倦好知還明朝便趁潮東去祗惜羅浮

碧數鬟

其二

曾記含香奉 紫宸滄江甘自老沉淪行看劍

烏猶前度

前後學

博得金緋總後塵浪捲鯨

戈紅髮遁

時紅夷入犯
履其魁過去

雲間驚詒紫泥新年來

吐握清朝事萬里 恩覃瘴海臣

其三

贏得清朝歲月多 君親兩大奈思何箇中舊

絲猶餘戀劍首新霜宛自摩纔見羽書徵浪樂

何時組甲下蓬婆廟廊濟濟調羹日狗職還思

薦鼎鼐

其四

歷落風塵鬢欲秋那堪重作鳳凰遊久拋六代

繁華夢試問三江煙水愁過嶺石英沾雨潤到

家櫨橋帶霜稠癡兒莫向君平問出處於今好

自由

將之留都任

片帆纔下九迴灘又復因風刷羽翰世事總輸

牛馬應物情聊作鸚鵡看 主恩未擬寬高枕

臣力那能學據鞍次第弓旌煩啓事王班行覩

集琅玕

其二

聞道鍾陵是鎬京茲行差足慰平生鳳臺牛渚

應如昨三水三山好結盟于 主向來慚負鼎

者書仍喜傍燭鐺從他不減侯家宴轉愛清時

微吏名

春日林翀漢寮長邀遊靈谷寺

春霽長干暖漸舒相期出郭信輕輿松杉夾道

蒼烟裏宮闕浮空麗旭初六代事過 眞主出

一龕靈借法王居歸途不惜穿梅塢酒氣花香

滿素裾

同林翀漢登燕子磯

虛亭四面敞天風今古雄圖指點中石壁哈呀
春蘇合江流吞吐夕陽空譚深乍醒繁華夢酒
淺難澆磊塊胸不爲浮雲空極目脩然身世寄
鴻濛

遊嘉善寺一線天步狎漢韻

爲探幽奇拂曙來風塵雙眼瞥然開初疑鬼斧
刻方就忽訝神鰲駕乍迴一線是天窺混沌千
年成劫蕩飛灰滿前景物難爲應冉冉東風
漫催

與狎漢遊牛首山攜次郎君方弱冠有父
章

梅花滿樹艸芊綿牛首行行破曉烟率堵何年
留幻影法堂隨處擁青蓮洞幽恍見辟支佛
迥疑穿兜率天辟支兜率
經洞名皆有邨林眞玉樹不
將文酒礙譚禪

贈別狎漢

知已天涯意氣偏長干名勝恣遊羈佳兒少更
饒文采傲吏貧猶給酒錢賸有篇章飛白雪不
因衰颯廢朱弦清時好步屧龍武莫爲蓮峰久
滯牽

送魏道冲以南少宰召入東閣

極北雲光五色開相麻初下鳳凰臺春堤綠淨
沙新築曉陞聲遲履乍回囊草十思酬主聖
家傳三立命時才都人到處迎車轍踰臂傳歌
司馬來

其二

清時寢寐卜師臣風度如公自偉人公於講筵
受知
舜日兩階看羽舞周楨千載叶臣隣時內閣正
滿十八人
大任不改縹緗舊天塹長留砥柱新此去細旗
頻願問東南民庶待陽春

送區羅陽廷尉北上

柳色隋堤綠正勻徵書南下墨光新千年嶺海

迴真氣一日延平簡直臣門自于公高赤棘佩
從治氏吐青鱗聖明宵旰還求舊國事須君太
息陳

讀故京兆尹近川查公紀夢詩公之孫受
之丈索和原韻

聖主蒙衣拱紫宸長安車騎滿黃塵何當執國
紛行意未少臨危解致身萬里瘴烟生死幻廿
年清夢去來真春回贏得春常在簪紱于今誠
世臣

壽許起雲丈六十

榆社季來慰索居更多風誼表鄉閭山藏桂史
當年草水護先生舊日廬赤紱自應看步武青
瓊寧必問居諸庭階羣阮前爲壽桂影醅香樂
有餘

瀛洲金公翩翩雅士今年屆七十自號真

白先生許甥解嘴索詩爲壽

返賁還真自道冲拈來賁白總叅同塵緣生計
浮雲外茗枕詩篇落照中瀛水向東清復淺張
星住世老翁童出張系多君已自忘機久猶
未忘言問海翁

壽查繼泉丈八十

燈火蕭森接素塵多君風尚古人前青囊委篋
稱真隱白首閒居是地仙一局楸枰桑海劫幾
人堂構子孫賢身逢六代雍熙日收却竿絲渭
水邊

喜姪士奕以大官丞 覃恩二尊人

高枕滄江白露零喜傳 丹綈下空冥百年舊
業仍緇素一命宜勞足汗青爾向困衡饒遠馳
帝從恭孝鑒餘馨衰遲亦濫官廚俸端愧涓埃
報禮輕

賦得海色晴看雨二首

海門高障百川東吞吐東南萬古雄漾碧粘天

初漱灑空青挾雨忽冥濛襟期似逐鯨波壯塵
翳還隨屢影空莫把陰晴論海色試登天柱看
長虹

其二

天吳萬里擘雲開動地潮聲吼怒雷應是麻姑
桑欲變也知玄草賦難裁霞光忽擁蓬壺出霧
色遙吞滌渤廻斥鹵漸荒微漸急越裳何日貢
琛來

紫雲洞

病餘策杖轉支離爲愛名山一探奇官窮幾盤
穿絕壑嵌崎百尺挺寒姿亦知鬼斧難爲琢剩
有禪燈乍可窺日暮雲深山並紫歸途剛趁夕
陽熹

乙亥秋日與許心園諸公遊鷹窠山雲岫

庵次項上林韻

諸生唱作

絕頂禪林此托棲鷹聲啼破萬山淒地從紅日

落時小天到滄溟盡處低醉後僧雛頻淪茗林
端客子遠扶藜余來已覺嘆癡盡不學涓涓脂
水雞

其二

信宿叢林怖鴿棲境當幽處自清淒山形故挾
濤聲壯膜色遙將鴈影低出岫無心雲逗閣
僧有約手扶藜塵緣未斷空歸去萬井炊烟唱
暮雞

穀雨同陳周二子入龍井山寺寄謝真果

上人

履屐扶攜入亂山烟霞掠我愜躋攀片雲石迸
雲猶護萬蕊池空蕊自班賴有聖泉烹碧乳更
無靈藥駐紅顏爲煩山色泉聲處許築逃禪屋
一間

王司理吳邑侯二座師邀余及家弟元董

于通玄觀校閱兩浙諸生文

吳嶼嵯峨倚太清，束書載酒坐虛明。
長江遠度千帆影，高竹寒流萬壑聲。
漫向衆中看牝牡，直從韁裏識琮璜。
吳山第一峰頭立，軫翼熹微紫氣橫。

立夏日與元蓋聞微二仲孝廉飲潯州伯
朱二丈壽徵兄在席

春光換夏纔今日，芍藥藏紅一試妍。
生裏有甥能酷似，朱于伯尊前諸旣雅同憐。
雄心不禁野

盧外醉眠俄空落，照邊賴得清時供。
我輩可將詩酒負靈泉

北山寺與邑侯吳師李山人家弟元蓋小
集得星字

喜見池塘夢艸青，況逢詞客滯滄溟。
偶來問字玄爲閣，欲與談禪水在瓶。
塢外杯浮三月雨，坐中人自少微星。
卻憐骭躡原同調，莫放春時日醒

飲北山寺得歌字

雨後春光半已過，清尊選勝入煙蘿。
論心跋蹕千秋語，倚醉支離一曲歌。
月落海門潮水上，露薄花徑夜寒多。
乾坤高會還誰擅，紫氣東南屬太阿。

送邑貳尹梁公還歸化

於越江頭秋正清，扁舟高舉向南征。
昂駒未展村元足，棲鳳徒遺仇覽名。
月映西臺心已白，卷之五興東海恨難平。
翩龍謝卻塵勞累，翠竹清泉自在行。

再遊雲岫庵次前韻四首

管領諸峰海屋棲，丹楓碧草釀清凄。
廿年眼界從今遠，萬里天容到處低。
自赴漁樵來野徑，盡收湖海入筇藜。
也知涉世渾無味，不是羊溝沐首雞。

其二

乘風還覓最幽棲
風攪寒岩萬木淒
塵思對僧
渾淒淒月輪隨磴互
高低清宵有夢依
鐘磬野
衲無禪愧蒼藜
獨起振衣成一笑
太空何物不
醺雞

其三

天柱遙分突兀棲
羊腸一轉一清淒
目窮湖海
萬象屏指點吳越
羣山低宿靄漸噓
封鳥道罡
風忽起舞虬髯
祗今解却西來意
只是晨鍾與
暮雞

其四

此夜禪扃一冥棲
酸心無相復何淒
月呈片片
青蓮出烟織
山山翠幕低
靜裏自鳴雙澗水
夢
回寒桂半牀藜
霞旌欲擁朱光吐
隱約桃都樹
下雞

鶯脰湖送別朱考功座師

時余下第初自燕京歸

一抹胥山千頃湖
淨筵籠月月模糊
夜光炯傍

尊前發暑氣寒從劍首徂
誰復青雲論意氣愁
將白雪抵榮枯
持衡此去燕臺上
爲問千金骨
有餘

乙酉九月雨經宿不止
獨坐無聊因念失
意二三兄弟何能堪矣

積雨淫淫潞黯不收
空齋仍釀古今愁
黃飛亂葉
河流暝白擁千山
海氣浮未夜
悲歌頻倚劍
感時容鬢畏登樓
吾儕祗爲榮名妬
消渴相如故

勸遊

卷之五

陳邑侯修勸駕之禮且出示近體一章聊
此志謝侯楚人
孝廉時作

涼雨初收秋正勻
海濤浮白壯層闔
共推冰葉
聲中宰卻足陽春
調裏人三載沉淪
虛自詫千
秋意氣莽難馴
酒酣上馬出門去
試睨吳鉤欲
蛻鱗

詒美堂集卷之五終

詒美堂集卷之六

海堧祝以幽耳劉著

五言排律

喜朔方捷至二十四韻

西北櫓槍起，珣戈向日橫。朝廷頻發粟，郡國大徵兵。不啻陰靈黑，中原殺氣腥。將軍新授鉞，逆豎久嬰城。謾衆妖成讖，勾戎譎締盟。跋胡纔伏穴，狂嘯已踰龜。水振乘風立，沙寒挾吹鳴。人心爭厭亂，天意欲摧盈。平虜推猿臂，遼陽亦虎聲。有身嗟後死，與賊恨俱生。插羽先鳴鏑，登陴鼓踐更。月昏禰突騎，霜緒受降旌。片檄馳千壁，如綸霈六卿。豕封徒躑躅，鮒涸宛飪烹。不逞心羣折，諸邊氣已傾。履霜由浸漬，揭日陪崢嶸。戢舌虛相仗，焦眉乃獨勑。燐青餘赤藉，骨白半蒼生。爾解直室泐，誰爲執纛萌。往猷隳末路，今略愼先庚。蜃窟旋瀾沸，龍堆宿艸菁。策勛期盡敵，謀

國忌雄成捷，伐旂常事艱。危微展情鏡，歌成未獻佇。擬瑞華平。

喜雨詩二十韻爲郡侯曹公賦

民方離陽九，痛定加痛時。五月愆其濛，三農聚而咨。市粟旣日踴，野稊徒夜疲。坼龜焉可溲，妖俗竟疇麾。澤國今靡改，嘉禾昔豈欺。郡侯饒異政，雩禱絕前規。或恐吾仁溷，將無庶職紕。塞陽空爾試，舞覲亦何爲。步逐雲霾赤，行看面目顰。屏膏宵漏過，撤訟晝簾垂。符卜終危測，身所應輒隨。帝鞭驕日走，鬼御蜚龍馳。霧霈初懸練，依微漸裊絲。萬家清若浣，四壤潤於飴。菽種紛趨隴，擔糲更補陂。饗餐卒歲計，陶播寸心知。起穰還明主，頒祿付有司。頌飲均吏士，鼓舞盡冲耆。侯曰：非臣伐，余能喋我私。商霖看異日，遺愛在今茲。

家園牡丹盛吐與諸公小飲

家釀今朝熟名花昨夜開雨餘山園靜睡起客
軒來促席林光合憑闌野色迴晚添花氣豔狂
露酒糾才狎興先杯發歡端逐漏裁楸枰失豪
舉壺矢挾渠魁傲骨生難穩雄心俗自猜生憎
天地束醒醉各悠哉

陳學使誠甫公署故尉佗舊邸九曜石立
水中甚奇學使扁舟載酒劇談竟日賦得

十三韻

金鎖青連海羅浮紫巨天登堂傾別思檢篋誦
新篇旋命移尊酒兼呼理釣舡地開度策府人
在媚珠淵徑曲縈殘照亭虛敞暮烟澄泓波乍
熨磊砢石爭妍似立還軒翥逃玄或蛻禪石有
肖浮
圖形反老
子青牛者鉅纖紛態出亢抑各神全宛若凌波
去依然捲霧還狂將礪其齒倦欲枕而眠跡向
炎荒古苔綠篆刻鮮促觴余竟醉迂棹爾忘旋
太史遙占象蒼茫九曜邊

楞伽峽石觀音

複嶂踈巖巖楞伽峽更奇松風調咽梵水月澄
玻璃蠱蠱綠虛壁巍巍現古厓莊嚴跌大士辟
易走羣鸞聽法猿窺竇安禪鷁乳枝日舒清淨
寶臂展陀羅尼乍得迷津渡遙看覺水瀾菁峒
開勝路蒸霧濯靈鉅解道冠而虎寧知石也慈
願須堅固力楞伽華
言堅固到處起瘡痍

七言排律

朝鮮請援劉將軍經率二子及所畜健兒
赴敵余偕司馬署諸僚閱武郊外賦此

開漢城東海氣頽榆關烽火徹宵明朝廷新賜
尚方劍郡國還徵北府兵將軍原是牢之後旌
旆初屯驟騎營陣法河圖占向背星文金匱佩
虧成揮戈赤日銜珠動躍馬黃塵浴鐵輕更有
俊兒纔結髮云是從兄願請纓猿肱燕領膚雲
似犀渠玉勒跨風生雙舞刀花寒不落孤鸞弓

月曉逾盈曾教石虎銜飛鏑兼取金人繫絡鉏
雌伏已寒關白膽塞空先掣各蠶旌士女傾都
同鼓舞羽林擐甲倍崢嶸此去功成報天子
久虛麟閣貯勛名

豫章夷庚宗侯示余麴部尚書古印而不
知余之不勝杯勺也因改署茶禪見餉欣
然領佩詩以謝之

生平不受麴生憐安用尚書琬琰鐫妙理非空
卽非是新題逃俗亦逃玄剩有遠携顧渚芽更
喜新汲麻姑泉帝子未嘗三昧味桐君那曉六
時煎碧縷不噓金槽怒赤獸自迸冰珠濺經函
時熏石髮氣佛座靜裊杉脂烟任它居士橫眉
去笑殺仙人卷舌還聞聲便覺孤悶散入嚙盡
遣嗔癡蠲罽來兩字大奇习摹成片石尤蒼妍
彷彿斜封三道印扣門驚起北牕眠

五言絕句

夏日采芳洲晚集

窈窕采芳洲銷夏尤宜晚雨收風細生天水相
與遠

其二

虛閣聚遙青孤城散餘照菱歌唱欲停主人發
鄂調

由萬家店至泉水寺山徑窈窕松風泉聲

相應寺創於成化乙未有泉自地出寺近

繇名也時久旱泉霖霖不絕味極甘寒僧

云前此歲旱澍水作供輒應余因默禱于

神五日雨當易寺名霖水云

問農來古寺酌水空人心何當爲說漚飛去作

甘霖

五大夫松

矯矯凌霜姿秦封竟何有毋謂爵可縻不及陶

家桺

壽吳節母四首

鬱鬱靈山芽托根峻而潔壽母垂令君芬芳吐
瓊屑

其二

皎皎白泉水質色明如練壽母徑寸心澄泓永
無澱

其三

寧忍存姑淚還全鞠子身延陵百年祀是母本

千春

其四

次君尤翩翩結客燕趙滿綺席舞班衣名言青
彤管

芙蓉山玉井泉 有序

嶺南水多瘴毒井尤陰濁如茗曲江芙蓉
蓉山特秀媚玉井泉出焉味頗甘芬以
荒僻故僅供野衲樵青瓢飲盥澣之用

可惜也予因芟蔓斲石榜之曰嶺南第

一泉而系以詩

潰江瘴頗少玉井泉更佳斟泉遜石生民我同
無懷

其二

脈脈荒烟淡涓涓沁寒髓一耿空人心不似石
門水 石門有食泉

其三

午夢入慧山汲泉且盈甕醒啜玉液寒啜罷

疑夢

其四

芙蓉泉味好芙蓉露不如澆此磊砢胸悠然澹
而虛

大庾嶺有六祖放鉢石卓錫泉各賦一首

庾嶺盡天南雲封 寺名 宵無迹師去不傳衣余
來空問石

右放鉢石

冷玉寒生砌居然一錫穿可憐明上座聊與
枯咽

右卓錫泉

節婦張氏反風滅火既紀其事復成韻語
六首

聞古有至人蹈火自不炙誰謂崑岡焚無與辨
玉石

其二

反風豈偶然奇事難揣擬劉昆長者言節婦亦
云爾 節婦歸德令君故云

其三

跌坐無昏曉長齋有藿藜此身原夢幻何惜便
茶毘

其四

彼婆處窮巷生死等浮糝吁嗟揀焚者千古微

民彝

其五

寒食藏新火還傷介子推南豐歲除夜險熄燎
盆枝

其六

與作溝中斷寧爲嬰下琴他年見夫主畱得未
灰心

籌海署中有鹿甚馴於和衷堂前乞得一

北區之志喜

風雨送春韶虛閣坐無聊雙鹿啣花至猶疑是
夢蕉

其二

耦行依曲徑竝飲立清渠不獨憐求友還應慰
索居

其三

宛轉愜新歡低徊迷舊渚倘得千歲苓去來同

逆旅

其四

莫學五色羊須臾便成石遲爾獻符季雙雙化

玄白

八功德水 在靈谷寺今洞

但聞八功名不見八功水石澗餘嶙峋聊堪礪

吾齒

琵琶街 在靈谷寺履之作絲竹聲

吁嗟響屨廊豪奢不堅固何如琵琶街長作

音布

紫雲泉

誰道紫雲泉一泓自純白倘得玉盃盛應不羨

琥珀

其二

出從白石罅時有紫雲封烹來未敢啜先作佛

前供

其三

南山有虎跑北山稱此絕誰能坐蒼煙細與品

優劣

一枝庵上人號棲一

禪房號一枝禪棲聊復一不二自瀟門何處尋

秘密

其二

居鄰萬家市門泊萬里舡拈一不碍萬師亦意

云然

吾兄弟輩惟芹陽齒長余二季介峰少余

一年而飲啖步履皆如少壯余三人時時

聚首甚適也漫拈四絕

矍鑠兩者英一弟一稱兄利有家醪醉都無世

慮嬰

其二

里俗原惇朴人情積漸工容余三白首畱得素

家風

其三

榮枯兼去住俯仰百年中獨是情難遣啣杯感慨同

其四

真率季來會依稀擬竹林眼前三叟在風月任
招尋

村居卽事

土溽蠶葉稀雨久蠶葉濕葉價同黃金蠶婦倚
筐泣

其二

二月賣新絲負他剗肉債四月蠶不登併絲無
得賣

其三

連宵風雨多麥萎旋生蛾有麥食不得米珠將
奈何

其四

蠶時豆初熟兒女共嘗新籬疎炊豆香不惜餽
比鄰

供佛

貧不問田舍懶因疎簡編一燈供佛座聊學小
乘禪

種竹

冷局公事稀善病請休沐病餘轉無事栽得
竿竹

其二

奉石繡苔古疎篁抱筍綠對此有深情寧但取
醫俗

移植牡丹

百朵辭舊欄數苞吐新砌妃子醉初醒倚風劇
爭媚

山茶

山茶蔓棘縈根株久踰跼殿春吐微紅着雨敷
羣綠

赴南光祿出門作

通藉四十年依然老銀艾生無干時策所得亦
已汰

其二

家食幾甘季菽水有天樂出既同小艸處更慚
幽壑

其三

五踏薊門霜兩披嶺海瘴南北皆主恩淡泊
自官况

其四

白下稱佳麗鍾山王氣浮波臣髮種種還作鳳
凰遊

六言絕句

一定心泉偶

跋多心定得泉阿誰飲泉心定修爾泉心雙遣
嗒然動定無證

戊午夏余以豫章泉人賀萬壽計期尚

遠避暑虎丘之東塔院因得與悟宗禪師

盤桓師出示講臺六偈讀之暑氣盡滌漫

拈呈政

瓦礫皆具佛性凡聖何曾揀擇只因強呈伎倆
惹得人呼作石

其二

聽法無耳有耳說法是言非言此際若煩擬議
石頭驀地稱寬

其三

問石既解點頭何不開口便說一自生公去後
付與溪聲長舌

其四

生公尚覺多言悟老只須一看若教直下承當

除却石人鐵漢

其五

晴空日日火雲不爲深松少
賁虎丘倘比曹溪
點頭還須汗下

其六

末法譚經纏纏天花亂墮層
臺千載風清月白
生公何日重來

卷之六

七



詒美堂集卷之七

海堧祝以幽耳劉著

七言絕句

秦相斯變猶爲篆千餘年而有陽冰又千
年而有元暉皆李姓皆精入篆室而元暉
能走鐵韻縱橫金石上又二子所未逮也
余夙有金石癖相見恨晚卽今虜大躡內
地至厯 明光動色元暉饒遠略熟虜情
酒酣慷慨有投筆請纓之志賦此壯之若
詩文繪事種種名家則吳先生明卿具述
之矣

襟漢樓成喜客過酒酣慷慨復悲歌何當一掃
燕然石遲爾如椽筆與摩

其二

由來七尺酬知己軼深里人安足齒生縛名王
不願封但令一雪毛錐恥

雨後放舟

漢東一雨水潄潄萬樹烟銷兩岍山半截風塵
輿馬客似將舴艋下楓灣

經鬪牛石

月明漢渚弄扁舟三老驚呼指鬪牛縱遭大安
調不伏任它終古鬪寒流

丁亥泛舟入鄖經鬪牛石戲爲一絕越三
載爲庚寅復取故道有老衲來叩蓬窻乞

詒美堂集

卷之七

二

食因舉余前詩曰石牛無鬪人目自鬪耳
不知刺史作麼生調余復爲一轉語

輕舟午枕夢逍遙觸石俄驚起怒濤解道風幡
原不動瀉山空費十季調

飛來艇

在衡歡絕頂

有艇凌空出絕壁石耶幻耶非手真怪底飛來
不飛去風波是處有迷津

季父緘詩漢東有蒼苔自分窮之句依韻

奉慰

憐余拙宦渾無味愛叔新詩自分窮說與時人
應不解由來清白是家風

其二

有子知書足娛老有姪微官好固窮月俸微分
堪佐林不妨高臥聽松風

鄴侯書院

紆網絕磴下青冥院古苔荒澗水冷解道藏書

治美堂集

卷之七

三

三萬軸不將一字施山靈

過長沙

黃陵渡口泛輕艇智度風頭數落霞萬頃湖波

千里月賈生何事薄長沙

過佛兒嶺

山色空濛染暮煙石根露濕風冷然手捫削壁
杳無際樹杪月明知是天

戊子五月登白兆山山爲李太白讀書處

余賈勇拔薤捫壁直抵桃花洞別有天地

非人間固非虛語因次韻

天風吹掖上仙山流水桃花盡日閒空卻雲霞
人我相不妨軒冕玩人間

夏仲隨陽午發之興都用太白韻

紅塵脫卻入青山馬首雲霞片片閒解道吾儕
能玩世且教歷落傍人間

蒲梢道中遇雪回望隨陽有述

治美堂集

卷之七

四

混茫天地劇生輝寒氣蕭蕭傍客衣立馬衝泥
重回首大洪天半色霏微

由昀川店至舜井井在城西南山谷中相

傳舜父母所使浚井也余蒞隨旣一載餘

今始得以勸農至井不甚深而頗廣壘陶

作浮圖覆其上形製渾朴奇偉非近代工

力所辦城東隅亦有舜井相距五里而遙

而土人名爲入井出井可笑已漢東苦旱

安得令吾民耕食鑿飲歌帝力哉

斜陽匹馬渡城關
弔古依然迹未東
觀井知無謨
益事問農猶有讓耕人

戊子有事楚園

記得深閨擁翠幃
而今又作嫁姑衣
拈針欲下無情思
角裏涼生月影微

郡署無梅余歲折
野梅供膽甌之玩
庚寅臘盡梅萼未舒
因移植一株小庭
春來花

高齋集

卷之七

五

發如霞也聞童子讀
纔有梅花便不同之
句漫成三絕刻之石

纔有梅花便不同
衆芳搖落見春工
一枝照水亭亭立
明月從今媚漢東

其二

纔有梅花便不同
對花羣緒嗒然空
隨珠郢雪相要久
不似羅浮夢裏逢

其三

纔有梅花便不同
碧紗如霧隔玲瓏
爲君一洗風塵貌
相對繁霜曉月中

戲擬作試題自笑

艸就玄經半禿毫
那堪伎癢費爬搔
赫蹄豈少供瓊覆
猶自辛勤賦廣騷

其二

嘈雜其如下里豪
故將此曲向君操
當時祇是人稀和
未必陽春調果高

高齋集

卷之七

六

許甥稱嗜久畱郡
齋有雨中歸思甚
濃之語口占慰之

底事鄉心對雨濃
丈夫生是五湖踪
漢東雨色吞雲夢
盪爾從前芥蒂胸

送何仁仲典客之京

翩翩裘馬帝京遊
把袂中原氣色浮
郢里陽春知和寡
新詩莫易向人投

其二

地擁樓臺百尺新清樽花下幾邊巡煙霞不逐
奚囊去還許騷人來問津

君有名園余數過

其三

聖代人文集鳳池君行親見漢官儀凌雲彩筆
知無敵賦就三都好奇遺

無字碑

在泰山絕頂

最是李斯工篆籀豐碑緣底只空埋名山縱不
須秦字恐爲焚書作厲階

其二

豈少摩崖筆似椽都來剝蝕付丹鉛卻憐此
頑無字雨洗煙籠閱歲年

吳觀峰

獨立峯頭望海垠依微練影白紛紛鄉關欲問
竟何處不見吳閭空暮雲

已丑夏四月勘 潞藩 賜地疲於阡陌
旬餘晚宿招提頗饒幽致諸生羣而肄業

其中有感慢成二絕

雨過平原綠漸濃隔林何處有疎鍾驅車遙入
招提去獨立斜陽看晚峰

其二

竹色分青與硯池幽牕散帙覆烏皮自從濩落
風塵裏那學書生百不羈

送呂玉繩吏部還越

甫過長安一葉秋美人天際問歸舟銷魂

黃雲積目斷江南紫氣浮

其二

劍舄乘風到海垠河流千里荻花新路傍若有
柴車吏總是山濤鑑裏人

其三

君去西湖秋正妍芙蓉花底水如烟山靈若問
儂消息莫道微官未可捐

其四

久知北斗懸清望縱到東山亦寓君匣裏龍泉
可長臥陸離隨處動星文

雨後署中晚歸時試政西曹

夾道槐陰鳥亂鳴潑眉濃綠雨初晴分明九里
西湖色卻訝身從夢裏行

武關方甲乙諸士而朔方捷至喜而有賦

奎壁堂開日已曛紅塵一騎鼓聲礮妖氛汛掃
天西朗絕勝當季五色雲

送徐無染主政贊畫之朝鮮

混陸江邊燐火飛魯九山下驪聰肥狂奴一夜
吹螺去殘壘風凋玉帳旗

其二

璽書昨夜出明光氣結長虹燭大荒試拂豫章
城下鏡已含刀蹕渡頭霜

其三

問道元戎出馬皆拊髀猶詫捷書遲君行結客

多豪俠生縛平曾報主知

其四

借箸鬚髯忽怒張欲驅組練緒扶桑男兒生有
封侯骨肯老風塵執戟郎

其五

萬里玄雲凍不流朔風吹雪上貂裘匣中欲吐
蓮花影似爲臨岐黯復收

其六

十萬餘腥盪海雲洗刀血摺五花紋請纓自是
書生事好策麒麟第一勳

花蕊夫人有寵蜀主後入藝祖宮中嘗有

詩云十四萬人齊解甲更無一個是男兒

戲和韻一首爲十四萬人解嘲

錦江城外列旌旗國事寧教粉黛知此日新恩
逾舊愛夫人原不是男兒

乙未春雪夜飲舉家語爲謔或曰使君

乃負此腹矣意謂余不善飲也余歷落浮蹤聞此悵然不覺至醉因成三章存佳話云

梟梟春寒着素裳雪姿和月湛瑤芳停卮促席銷清話輸與將軍酒肉腸

其二

金穗熒熒漏欲分鱗絲新進酒微醺疎狂不解人間事此腹還應負使君

其三

雪乳冰芽兩鬪奇醉餘渾訝啜瓊飴陶家癡鄉真癡絕卻憶銷金帳底時

性上人工畫葉行父工詩相期過訪奉酬

短章

摩詰前身是畫師永嘉點綴盡成詩無聲句與聲中景并作山堂一段奇

尋絃上人不遇走筆

十年不踏蠡湖隈海月依然鏡裏開遠師欲問不知處惟有碧雲封紫苔

其二

窈窕尋幽到上方古潭秋淨蘆林香雖然未得逢清話也送浮生半日忙

葉行甫數枉篇章率爾奉酬

每因善病還辭客兼爲多慵亦廢吟風雅祗今零落盡對君幽思重蕭森

其二

怪底陽春調屢移阿誰能習阿誰知聞君賦興堆克棟從此逢人說項斯

過分水祠

司空治水雅稱神手劈鴻濛劃自分今日疏排仍舊蹟阿誰真不愧波臣

其二

千尺長堤柳四圍荒祠寂寞澹斜暉空餘社稷

以名在延世何人問式微

其三

分水祠前樹鬱森風塵老我幾經臨却憐事選
名湮日華表還酬地下心

分水祠前見篙師爭道

一水中流兩獻奇去來帆影互參差相逢莫更
論先後共是乘流得意時

風度樓

以張曲江名

江口寒烟乍鬱紆樓頭落日重躊躇自緣風度
如公少不獨千秋金鑑書

其二

當時空恨霓裳曲此日猶餘風度樓風度祗今
誰彷彿芙蓉兀碑倚清秋

芙蓉山在江甯

七星巖對雨不果遊戲惱山靈兼問地主

奇絕星巖冠五州要將名字抗羅浮炎荒賸有
知稀恨底邊陰霏妬勝遊

其二

信宿茲山紹介通暮雲將雨打孤蓬江天萬頃
空濛合恍似乘流潯閩風

山有圓風巖

其三

雙屐寧緣濟勝私衆山端許臥遊知杯前雨色
暝堪醉望裏嵐光遠更奇

其四

曲江使者倦躋攀日日芙蓉對坐閒賴得胸中

貯丘壑不妨重過未登山

李伯東遺詩見朝和兩度空過作夢遊句

舟次湊峽侯將軍以懸頭陀所編曹溪志

十品來拈得二偈奉復并東頭陀

扁舟江上夕陽迷十品何來刮目銳解道正因

無一字底將綺語施曹溪

其二

絕學誰超最上乘壇經了却十年燈姓名不向
能師道自許曹溪行脚僧

小金山蘇蘇長公絕句

前身坡老原無住今世雲公亦不來萬劫剎那
何足問夕陽依舊妙高臺

翁源人文故小遜余行部邑見所謂臘嶺
者儼然建大將旗則今陳吳二將軍舊里
咸在焉感而賦此

臘嶺雲開萬仞青似寒旌隼入高冥路人爭說
登壇貴不必毛錐叶地靈

其二

四海于今滿戰塵漢家開閣策麒麟山川靈氣
鍾非偶寄語將軍好致身

自嶺南歸尋當入薊門別二三親知

萬里歸來跡尚浮離懷宛轉獨驚秋却憐身似
商人婦潮落潮生不自由

其二

風物家園事事空天涯盡日憶歸期那堪又向

長安道孤負黃雞紫蟹時

樂昌夜發讀昌黎瀧寺壁詩用韻

玉節巡行路二千錦帆秋色度樓舡憑闌欲覓
瀧江句月冷潮生空碧天

吳將軍奉命提兵討播余祖之境上俄

帳外驩呼則有彈落雙鵬獻者因口占二

詩卽席書扇贈之醕三巨觥而別

牙幢今喜屬嫖姚焚道諸夷莫浪驕欲識軍中

騰躍氣健兒一彈落雙鵬

其二

君家兵法過司馬盪寇功名簡冊懸余向九成

臺上望紅塵二騎捷書傳

懸頭陀扁舟送余江上時方辨色忽中流

有溺者號呼聲四顧人舟絕迹頭陀舍余

鼓柁破巨浪往拯之復就余舟神色閒定

余與頭陀談次順流已及靈鼇因作一偈

爲別

當年舡子是前身自度還放度別人人我死生
俱不涉知師已了水中因

其二

曉光一葉點玻璃相送曹溪是虎溪解却楞伽
三萬字身何處覓睺

師疏註楞伽經甫

歲庚子余以粵臬入賀隨因母老乞身距

今戊午以豫章參藩入賀忽十九季往

聖壽無疆臣犬馬筋力猶堪拜舞賦得四

首

曾摹金鑑奏重玄回首相將十九年純孝普天

稱聖主小臣何幸拜恩偏

其二

玉帛雍容集垌螭餘生重覩漢官儀佩聲乍響
疑朝夢賜酺傳呼記逮時

其三

憶從通籍聚翹材長奉天顏睟穆來此日觚稜
凝望處瑞烟縹渺護平臺

其四

選將徵兵廟略崇天山早晚挂珊戈拜誓不盡
華封祝擬上平胡表未工

送聞徵弟述職後之任二首

幾載山堂靜撫琴聲華先後響球琳也知速化
非無術要遣祁陽惠澤深

其三

何日徵書下帝京年來衰祚藉崢嶸老兄穩向
東山臥酒政茶經遞品評

送許心園遊盱江

年來燈火共林疇忽漫逍遙事遠遊紫氣中宵
侵北斗星光千里識南州

其二

寒邨人日人行少蕭瑟疎籬凍雨斜春欲來時

君却去一尊何處問桃花

其三

陡削芙蓉五老青
蠡江東抱萬流
湔憑將眼界
容寥廓定有篇裁入窈冥

其四

屈宋龔黃道並尊
相將綠筆耀朱幡
異時北海承清問
可道王生長者言

郡太守朱公與俱

其五

高挾彤幃破曉寒
洞天深處卜驂鸞
野人老去無它嗜
爲覓麻姑九轉丹

長安某中貴家有宋時海棠
駕部馬效乾世丈邀飲花下時余奉命將行矣

二月春光膩九達
海棠的的綴珊瑚
莫跨雨露前朝樹
竟醉葡萄上苑酤

其二

天涯兄弟叶墳荒
握手相將賦別離
南北雲山

無限意年年相憶海棠時

詒吳堂集卷之七終

卷之七

詒美堂集卷之八

海壇祝以幽耳劉著

七言絕句

營菟裘 有序

母太恭人躋九泰戊申六月爲設帳之
辰念舊廬湫隘不足辱長者車轍將稍
拓之而歲月日時皆會丁未則形家好
奇以爲百季之所俛得遂經始焉迄戊
申四月而堂廡麓具夫以余之癖情予
世味一切放置是役也獨不惜賈其餘
勇則自惟有五益而支干之說不與焉
爲太恭人上萬季觴子姓羣集無虞於
勃篲一也制不厭閼愷亦以抒壯志二
也度材量宜增其慧智三也借以破聞
寂振愉情四也然未幾而垂橐倒廩至
撤先世所藏鎗鼎之屬盡入子錢家若

憂釜跋燭人皆知之夫古有清而畏人

不知者今知之亦足稱益五矣曰菟裘

聊以見志耳賦得六首

阿母堂前九泰開綵衣羣擁薦春醅門高不是

于公意倘有瑤池鶴馭來

其二

平泉綠野亦遼廬壯氣凌雲借一杼若使蓬蒿

三徑足丈夫端合老樵漁

其三

鄧斤扁斲妙無論尋引繩鈞若有神心計任粗

粗亦得問他堂上讀書人

其四

靜學休糧與坐禪誰知錯解養生詮今於動處

重叅取蔬滑梗香簞枕便

其五

四朝清白舊柴荆營得菟裘橐已傾強欲諱貧

貧轉見父清終似勝臣清

其六

元辰丁未共支干何事形家說四難輪奐豈關
興替事娛人庭際有芝蘭

觀察車公閱兵秦駐山十絕句依韻奉和

溟海洄瀾矗柱撐玻璃浴日萬流平祖龍駐蹕
成何事畱待非熊此備兵

其二

魚麗排雲正復奇揜麾樓櫓應朱旗健兒個箇
能超距遮莫酋帆欲動時

其三

天水無垠曉霽間島迴風定瀉潺湲徐生一去
無消息那得安期大藥還

其四

渤澥高原出絳河靈槎湛影不生波鞦韆萬里
梯杭至底事冥頑獨在倭

其五

戎事於今盡瑟更況持玉節傍春行勒助自有
旂常在何必茲山紀姓名

其六

望到陽烏出沒邊御風身世覺冷然憑虛若水
虹梁近不用尋仙骨已先

其七

欲把茲山比峴山勛名今古在區寰野夫身際
羊公日咫尺高風未敢攀

其八

桑麻覆隴翠烟浮澤國民今不帶牛但使內寧
無外患不須重抱杞人憂

其九

百仞峯頭更上躋波濤激灑日沉西垣前綺樹
千家出帳外金鏡萬馬齊

其十

綠影橫拖劃終霄路人齊指晚來潮憑誰寄語
諸曾道天限華夷萬里遙

哭遠徵兄十二首

投紋歸來事事便溪山隨處可畱連那堪忽作
人間別况復同稱未老年

其二

森森伯季總琅玕無祭秋風玉並殘剩有庭芝
芬乍吐稔從長夜望回鸞兄有子顯穎

其三

憶昔兒童各負奇佔呻共惜寸陰移若爲空抱
遺經老得老經笥亦不悲

其四

玉爲風骨水爲神片語能生四座春寂寂空齋
拋卷後不禁惆悵意中人

其五

當時挾策叩金閨懷汙周旋不覺際三十年來

追夢境曉牕殘月戌關雞

其六

世人避事嫌才少爾爲才多卒歲忙試問勞勞
忙底事爲他人作嫁衣裳

其七

第五何慚驃騎名更於阿母最鍾情堂前斑綵
稱觴日九地應知恨未平

其八

楚粵俱成汗漫遊壯心原不爲身謀黃金結客
揮散盡金盡何堪聚室愁

其九

病骨凌兢對淡寥愀言疊夢意猶超誰知轉眼
成千古遺恨錢塘八月潮兄八月卒而余在武林

其十

從來心計妙輸般堂構依稀指掌間此日雕楹
龍碧砌無由相向說寬閒

其十一

季父詞場雅自豪句成時許阿咸褒泉臺倘及
箕裘事爲語翩翩長鳳毛

其十二

歷落迂疎與世畸劑偏抑亢是吾師而今踽立
憐孤影未感人琴淚綆縻

登贛州鬱孤臺和蘇長公韻四首

秋光四敞鬱孤臺表裏河山入望開五路旌旗

語美堂集

卷之八

七

歸幕府九重宮闕倚蓬萊

其二

千峰晴翠簇層臺暇日清尊次第開爲向虛亭

問琴鶴冰壺蹤跡久蒿萊

臺是趙清公一築

其三

古堞參差傍古臺遙山木落曉烟開助名過眼

成千古贏得殘碑施艸萊

其四

人鼇背起高臺倦客登臨眼乍開無限孤雲

悲落日却從何處望蓬萊

孤雲倦客皆公語

演偈十首

已未夏苦熱甚忽一日秋風生涼偶讀

僧妙喜偈云萬般施設只如常又不驚

人又久長如常却似秋風至風不涼人

人自涼語質而當因上二句演之得十

首皆平常語也

萬般施設只如常惟有如常得久長縱好珍

違嗜性鮭蔬隨分卻甘香

其二

萬般施設只如常爲不驚人自久長裘葛軟溫

惟適體肯將新麗袷時裝

其三

萬般施設只如常最不驚人最久長長事親

何易簡此中分聖卽分狂

其四

萬般施設只如常豈有驚人得久長
傳汝攝心還鍊性要如喫飯着衣裳

其五

萬般施設只如常自不驚人自久長
木訥傲言餘味在誦諸母乃近優倡

其六

萬般施設只如常不在驚人在久長
平得自家

讀書堂集

卷之八

九

崎嶇盡世途何處不康莊

其七

萬般施設只如常無意驚人卻久長
文到至真處至妙可煩剝剝恣汪洋

其八

萬般施設只如常暫可驚人不久長
政在空民民自愛至今循吏說桐鄉

其九

萬般施設只如常古澹民風耐久長
能卻奇寒兼靡曼閭閻風俗自羲皇

其十

萬般施設只如常造物如常便久長
甘露卿雲希世瑞何如時雨復時暘

偕同鄉諸老酌方正學墓因與石帆丈過

高座寺二首

寂寞忠魂酌薦餘松風颯颯引籃輿
何年說法

傳高座剩有天花散步虛

其二

把臂徒令感慨增冰心轉覺坐來澄
卻憐胡餅生蔬供並是衰遲尚食丞

爲兒輩改二女果題時秋戲書其後

昭儀飛燕鬪身輕秦號連羈入華清
試看英皇承寵日不因姊妹卻傾城

其二

當季二女下蒼梧竹影江聲入有無爲果已教
匡帝德生兒何事肯丹朱

房邨遇欽江近斗邀飲園亭奉贈二首癸

未正月八日

匹馬霜風自壯遊寒邨雨歇放晴眸誰家池館
黃河曲星月遙洪萬里流

其二

黃河原自斗邊來柴門相對黃河開主人畱客

不問姓童子一歌酒一杯

龍井果上人八十 孝廉時作

滿月湖山好柱願爲言八十刹那時閒身流水

斜陽外一卷殘經一局棋

其二

四十年前識遠公風塵夢醒已成翁也知壽相

原無相一炷旃檀話苦空

從弟玄岳不得于外家挾策遊錢塘矢無

以諸生返也而乙酉竟落第余嘉其志而
重悲其遇賦以慰之

二八宮娃不解悲自停銀燭畫娥眉芙蓉霜曉
無宣喚始信承恩不在姿

其二

車騎如雲擁烏飛衆中蒲伏問牛衣男兒自信
謀生拙不恨當年竊笑非

其三

七尺吾生豈合虛儻來榮瘁亦遽廬老兄落魄
于君甚見說窮愁好著書

郡試示弟輩

二八叢中擅好姿嫁來雙鬢漸藏粧入時別有
新裝裹莫向儂前學畫眉

乙酉諸藩悉用京朝官典試事先是吾鄉
得儁者多望族而是科乃大類元和丙申
事亦創見也

聖代徵賢闢網初邇來闢闢足詩書孫陽賞後
皆成駿虞坂虛勞問伏車

心園許丈以山蘭并新詩見貺依韻答謝

以下諸
生時作

分得仙畦異種蘭不辭衝曉倚風看怪來詩思
清如水一挹幽香肺腑寒

在嘉隆間伯槐門先生與先君子前後佩
二千石印俱有才名今上壬午不佞以

卷之八

幽舉浙闢而伯子壽徵兄乙酉南畿得雋

喜而有賦

文成縵理乍霏微吳冶當年各奮輝誰識延津
千載後雙龍仍挾怒濤飛

我祝氏兄弟四人同上丙戌公車也昔歲
祭先大父輩偕計者四人亦兄弟今再
矣

文物東南古自饒封胡竭末謝庭標稔今盛事

還殊絕鈞駟重看奉

兩朝

謝玄四仲俱顯時
號封胡竭末皆小

云

濱陽吳老師絲漳浦之京取道錢塘拳之
驚喜間俄傳已解維下櫓李矣扁舟追送
之蓬牕燒燭賦得八首為贈辭不能工直
以意氣激昂耳乙酉九月十八日

秋風劒浦片帆來極北浮雲莽自開望裏長安
天際出未煩愁賦鳳凰臺

其二

烟織湖波拍天離亭風物故娟娟扣舷一嘯
秋風起到處乾坤認謫仙

其三

執耳詞壇振羽儀一時八駿競黃驪卽今汗血
天閑者盡是孫陽賞後奇

其四

野老臨行作禮恭傳來神宰下吳淞踐更未得

隨君去好記容顏說向儂

其五

別思綸紛可重陳剛餘徑寸炯如新吳鉤昨夜
蕭蕭響應爲當季辨氣人

其六

把酒相看俠思生胥江千樹擁濤聲蒼茫天地
那堪語惜別唧思意未平

其七

才名原自滿燕京漢主何曾薄賈生此去廻翔
千仞下莫教人易識連城

其八

寒帷萬里濁河流余亦相將賦遠遊赤七貫來
燕市酒朱絲彈作薊門秋

余偕大京兆談公禱雪隨應喜而賦此得

十二絕句

帝遣青娥散六花頑符應自鑄京奢寒光曉朕

千尋闕淑氣晴連十萬家

其二

齋沐晨興肅禱雪蒼黔歌舞隸人愉時清白兆
豐年瑞敢道微誠捷感孚

其三

聖主宵衣問草萊湛恩霖霖遍埏垓雪飛正值
頒綸候嘉瑞原從天際回

其四

滄濤灝色滿長干便欲乘風振羽翰孤塔高撐
銀鷺翥萬松深護玉龍蟠

其五

晴雪霏霏破曉煙坐看百卉盡連拳數竿新種
階前色嫩綠生姿轉自妍

其六

瑞雪原歸造物私軍興猶自念其咨疆場倘奏
淮西捷正是擒胡夜半時

其七

輕雪回風正復斜，庭梅宛爾綴冰花。
却憐擁鼻微吟者，朱雀桁頭無酒賒。

其八

門前深雪榻空懸，忽有高人命駕偏。
倩爾銀鈎呵凍寫，摘余芥乳趁冰煎。

其九

蒼茫寒色漾同雲，慘徑霏微靜不聞。
何處袁安正高卧，校行還有洛陽君。

其十

冷入幽窗喚曉眠，小鎗煨火煮潺湲。
枯腸不慣羊羔飲，何用牀頭問俸錢。

其十一

簾外寒風莫漫吹，吹來雙鬢易成絲。
夜深四壁瓊瑤積，疑是山陰返棹時。

其十二

七貴筵頭雪易消，瓊瑜煖炙玉笙驕。
笑他搦管寒生粟，詩思猶然在灞橋。

詒美堂集卷之九

序

海堧祝以幽耳劉著

送省軒王公由德安司理擢南北部序

當

上覽侍御不貴異物疏忤 旨然心壯之特薄
其譴移與國州倅侍御爲與國者二年所而擢
理德安郡云方侍御疏上被左非常舉動天下
爭豔言之而學士大夫憂國而珍才則往往不
瑞麟而瑞侍御當是時侍御直聲滿天下疇不
謂惠文風稜落落凌人難近乃侍御爲倅倅也
爲理理也蓋今年七月而侍御蒞德安乍接之
寬然長者無城府界喙而至於偵利病求民疾
苦若六屬錢穀刑獄多寡牘煩省胥吏土風人
情淳漓變遷遺簡剩蹟罷置沿革無所不究悉
而又以修謁往來之暇弔奇尋幽發之詩歌春

容雅奧一洗雕文之習焉蓋侍御之司理郡者
董三越月而不佞與二三僚友若習也六屬長
吏若習也四境士民亦若習也則侍御之春陽
條風若薰若披投焉而入入焉而化而忘乎其
接待御驟也乃侍御之去吾二三僚友若六屬
長吏士民抑又何驟已乎于是相與彷徨惋愕
又相與屬不佞謀焉一言以緩其行不佞謂侍
御之去吾儕誠驟然而內遷于侍御則猶晚不
佞二三僚友習侍御然而 上之嘉直臣而寤
寐注情於侍御則尤習也侍御精心絜法旣一
小試之理官而茲復以爽鳩召夫非以刑獄所
關于邦典至鉅重哉昔咎繇爲士期乎致理毓
泰和于虞之廷而咎繇非所稱直臣耶 上固
謂邦刑宜直臣而精心絜法尤宜直臣如侍御
者留都故根本地貴臣世室不無因緣撓漢家
法侍御不難上抗 天子安問其他卽今江以

南橫罹水災至怒然煩廟議彼蠢無知而扞罔
桔拳園土中知 天子簡直臣咸舉首願就平
反而侍御以其明練寬大者處之民不冤矣抑
何讓咎繇虞廷哉余則嘗有味乎侍御疏語大
指蓋欲 上推廣其所欲見麟之心于所未聞
未見夫 上既聞東南百姓冤苦狀而簡侍御
又聞侍御之明練寬大能修其職業設不次以
待矣然第耳而未之見也所見疏艸耳未見侍
御言論風采也 上春秋日富好賢若渴有如
一日虛中臺而召見侍御余與二三僚友更得
爲天下賀毋徒惋于今之失侍御驟矣

賀矩菴危公擢新都郡大夫序

夫爲純吏與巧吏孰難純吏惴惴敦素家亟事
子亟民置得失毀譽勿問一意拊循元元而已
而巧吏者既伺上復乘下既暴長復匿瑕既腴
脂復塗耳既巽事復掩伐機智竭於揣摩精神

耗於纖趨兩者之爲難易甚辨而世之爲其難
者什七爲其易者百不一二何也難于爲而易
于獵華易于爲而難于收名爲獵華計而寧爲
難爲收名計而母寧爲易吏道斯敝極已幸危
公出爲吏治一洒之公兩爲雲夢滿六載攷而
余不佞與公相周旋三載問公何以治雲夢余
不知知公奏最之日雲夢士若民數百千人謂
御史臺泣請願借危侯須臾毋去也聲散于御
史之庭御史異之爲慰勞再三蓋戊庚之際赤
地千成赭衣半道郢郢之間無穰封元元之亟
賢令若慈母而余以問道雲夢所睹見眇不加
蕪而加沃闌不加瘁而加比士絃誦中金石不
加飭而加奮也以問士若民亦不知知侯晝坐
堂皇晡就臥耳公性簡澹經歲一敝衣革履冠
上塵恒滿出入兩騎自隨望之一倅尉耳而表
表洞達靡纖介生平唯諾不欺人人亦不忍欺

之至於臨利害當紕劇犀利蔡晰恢恢矣余不
佞所知公此耳夫身約嗇而窮靡伺上不爲亡
伺上而腹下養交不爲亡欺人而匿瑕塗耳不
爲恢恢於利害紕劇之際而巽事掩伐不爲公
不當純吏而誰當者乃公之爲雲夢旣三載而
不奉御史臺露章一字也修郗者更齟齬之蓋
公滿考奏記則毛舉一二苛禮責公備又以他
事嘗公不應也于是領公次骨居無何修郗者
解官去而公聲實融曉走郢鄖而南北中丞
江郢公以精鑒裁一世士亟推轂之曰心無城
府事有擔當知言哉若朝夕耳目于公者今年
八月公滿六載攷方奏記而新都之一命下矣
念爲純吏拊循煥咻務行吾意而世網繚繞動
觸忌諱純吏安可爲也念爲巧吏精神機智強
非其性時露時發愈辟愈值巧吏安可爲也而
公卒用惻惻敦素發聲長價上精知之而下應

慕之鴻號顯陟援契而應純吏何不可爲哉顧
謂公六載績勩奈何不得京朝官第令公遂得
京朝官榮寒懷刺蹙蹙長安道中猶夫夫耳公
之爲雲夢雖輒試輒效乎猶然七澤之蹄涔見
以爲設施有所未竟卓褒德三爲郡邑史稱其
視人如子人不忍欺凡厥治狀何以異公而人
主一旦嘉重召對恐後秩太傅列通侯光熙簡
冊斯褒德質自有之要其所以歷試者審也新
都稱東南隩區其錢穀刑獄山川土風瑰偉
異甲天下公行而無改於惻惻敦素一意拊循
元元以治新都猶雲夢輒試輒效焯然有以自
信且信于人異日者新都之政成而趣召禁
近佐宣天子寧一之化以礪世摩俗純吏之
收名遠矣

賀郡伯槐里王公膺薦序

代作

王公守德安之明年而御史露章稱最公之屬

守令長造不佞請曰漢河南守治平第一而寥寥莫能名也潁川守治平亦第一而其事臚列燦如則班氏以耳子豈有意哉不佞謝不敏然以爲習公則不敢辭公始以尚書郎高第當擢守會有詔廉舉卓異吏竭蹶以當上指而要不能無沾沾爲名高顧惟仁心爲質潤飾以經術卒無以踰公者公至郡與寮若屬約曰夫其以我與二三子拊循此民也毋急名而後民毋陵墨而恣睢公不憚藥石語冀與改玉終不悛公蹙然吾不能以元元徇也民有麗於肺石者所坐亡命沈累公廉得疑狀謂若曹誠負竿以逞猶可鉤鉏使矧疑惟輕乎有異同必力爲請命而後已兩造之質務麗于情事郡故無豪大猾若乃覲者流公精心爲理而不爲成心靡不得當也以問遶髦士之雋者而校之公故用文

章名藉甚菑園士冀一當鑒識爲快而公能以一時之甲乙盡士之神理士亦心服靡後言以間問郡乘曰文獻不足徵余安所傳其責業既有成言班如矣蓋跡公大端其溫良明察似潁川其力行教化而後誅罰似潁川而廣厲學官振起文雅則次公不能辦也當次公時方尚綜覈使與趙京兆二三君子較武健撻切則數不勝而璽書褒嘉以潁川終長者何也二三君子急於名而潁川急于民也上神靈威武過漢帝遠甚異日者上更舉故事坐而賜宴亦安能不裒然首公哉于是安陸應山進曰子稱引漢事甚悉漢宣拜刺史守相輒親見問考察所繇曰吾兩人寔徵公之寵式靈之公之餘也非臣能爲力也有如上舉以詰公公安所置對矣隨孝昌進曰兩君所謂名實應者也亡慮也惟是吾屬事公淺漢二千石治理有效輒徵入

爲公卿公一日召拜吾屬不得長奉公謂何雲
夢應城進曰亡慮也吾屬事公尤淺卽無論久
近而公所爲貽我民百世澤也頃子擬公于頴
以吾窺公設令公拜丞相總綱紀其號令風采
豈次公所敢望哉余曰諸君子之言善卽上
召問公而公拜爲公卿功名盛於治郡時不佞
請更爲諸君子載筆

賀郡大夫斗山馮公御史臺榮薦序

卷之九

九

我國家設官置吏法至森備其在郡邑長吏而
下職專親民凡所以親民若民之親之狀在豐
簷部屋之間故郡邑吏號最親民而實最遠于
上於是設藩臬長各一分部其地與之耳目習
而呼吸通而又命直指使者持繡斧而巡行
郡國得甄別羣長吏而下淑慝疏名上之天子
故雖越在數千萬里外朝發夕報可夕發朝
報可而凡陟明黜幽之典下郡國亦不啻朝夕

由斯以觀郡邑長吏能親民如襁懷而天子
能親長吏亦若指掌矣茲獨惟夫直指使者周
行郡國日不遑暇程書委積文罔繚繞卽懸鑒
歷歷不爽然第一耳目耳安得郡國長吏而下
諸賢不肖狀若身之手豐簷部屋之間也者乃
今於馮大夫所得露章語始矍然異之大夫職
專赤藉勾稽之事于事號簡而當路才大夫則
往往令輟所事而一切以煩劇周試之當其攝
應山邑符而邑痼瘵起矣旣攝德安郡符郡僞
一時咸乏而大夫總攝之益痼瘵也而重之以
紛紜乃紛紜又隨手解矣卽郡屬大侵民鮮半
菽疋者羸者老稚無知者塞衢巷已且枳廳事
大夫視郡廩粟枵如也於是爲曲筭周思括得
他餼可千餘斛單騎出分賑之一日而嗷嗷噤
三日而疋羸蘇惟時直指使者道蒲梢問大夫
豈有神七令疋羸立蘇如此大夫遂巡謝不敏

于是疏大夫薦之 朝而六屬長吏自隨守而
下爲地方德大夫甚相與微不佞言爲贈夫不
佞始竊惟直指使者所不盡得郡國長吏賢不
肖狀者乃今精知而亟揚之如疏語所稱雖不
盡大夫然而知大夫深矣疏朝夕上而 璽書
黃金亦朝夕且下假令天下郡國盡如馮大夫
其人而精知郡國長吏又盡如直指使者其人
俾天下知得一賢長吏歲雖侵不爲害又知賢
長吏誠有意于親民民親之上未有不精知而
亟揚之者雍熙隆平之化將自吾却而概之全
楚及天下也不佞不爲馮大夫賀得御史露章
實爲御史露章賀得賀馮大夫哉

賀大叅劬見江公擢閩憲長序

上冲聖御極屬疆場多故至竭四海之力以奉
一隅惟粵與閩介在南服號最遐僻其民素狃
於恬熙相靡而爲羯獫狁之習乃今徵兵益

餉計臣之布令密於秋荼有司者竭蹶奉指亦
既不遺餘力 上明見萬里外南顧而怒然念
羯獫狁之民見德易不難睨上而囂思得貞
心博大之臣往撫綏之而主爵謂無踰公者且
以粵就閩於勢便於是啓事朝上夕報可而粵
之薦紳士若民聚而私相詫縣官業軫念南服
萬里外之民在閩猶在粵乃必敘公于粵以予
閩豈遂遺我五嶺三江之頒赤爲不足辱公經
理耶余曰否否公之辱涖吾粵兩季於此矣
之俗襍其輪公家什一賦不盡出於力嗇而買
販漁鹽翡翠璫鏐漆之類與菽粟並長賦吏勾稽
稍不密而胥吏得影借匿伏爲奸欺公故饒心
計於徭賦輕重緩急一按牘而悉其凡從前積
蠹梳剔之殆盡然大指欲留有餘于民而上無
虧軍國之經費如是而已公之於粵惠日洽望
日起位宜日益崇粵之薦紳士若民卽甚愛公

而不忍一日釋其又安能長有公且既以公移
粵就閩又安知不遂以中丞節移閩就粵而何
患乎粵之不得長有公哉屬者公入奉 萬年
之觴 上爲舉之且宴勞之所爲貞心博大業
已得於交戟之所覩記故亟以南服萬里外之
民授公而無疑其政亦惟是斤斤錢穀之間而
特崇之惠文之長以資彈壓蓋異數也公故博
洽有文章奕然標詞壇赤幟猶以爲雕蟲之技
而小之而精求之身心性命之微然不厭薄
切高至于通無象究無始而約其實於倫常政
術無大小無不肅若熟嘗焉者斯又何也或
謂公嘗由望郎守成都所謂沃野千里者舉六
州二十五邑之錢穀刑獄戎務水衡鹽筴諸課
移牒萬計遊乃應之事集而民安卒稱成都治
平第一夫公不難成都其又安足難公者而況
今之錢穀第一政耳監司秩尊而事簡叱嗟治

新風亦有所繇習余又曰否否以公能于守固
知守以公之能繇守習非知公者公於身心性
命其所得力余無以窺之然大要得之主敬敬
以行簡不習自無不利徐而察之若含光承影
之爲用其芒彩盡歛而幾希乎不可覩矣通者
有 詔出甘泉若軫吾民之困什一不忍以一
隅廛四海之物力切誠長民吏務加意噢庥公
方視藩篆奉 詔踴躍待旦而起亟宣布之因
令反側之民蚤得加額 聖天子德意于萬里
之外余聞而竊歎此上臣憂國之誼所以亟使
公而無疑者知公必不負矣公今所蒞閩其開
鎮曰興泉壤固錯於潮惠間鯨波鳧舶靡不與
粵共民于公之去來相率而爭爲襦袴之謠譬
噓相應也卽同事二三大夫一時望若晨星意
不能不重惜公去然或控惠潮或需籌海不但
壤相錯且事相習而聲相聞猶日與公相周旋

於案鈴樽俎之間也者乃猶亟走使東海上徵
言于不佞既辭不獲聊述二三大夫之意書之
以爲公賀且緩其行

賀匡左陳公鎮撫兩粵功成拜少司馬還

朝序

代作

國家北迫胡東南結島夷其在邊胡諸大鎮既
特簡節鉞重臣基布九塞威望夔絕他鎮而東
南惟兩粵建節稱大鎮埒九塞云粵之南盡于

港之九

上

海東介八閩西聯筑竿牂牁天無垠之浸與
扶桑析木諸蠻夷共而海外吞浪之鯨過雲之
帆齒霜雪奪日月之戈矛森雷倏忽莫可控檻
且黎岐徭蛋與齊民錯處而遐商賈貿貿於瓊
瑤篠蕩璣貝齒羽之利日夜輻輳其中於是羣
不逞至探九殺人無虛月自文武大車而下往
往綢繆且補且四杆不逮較西北諸邊壹意控
虜其艱且繁實倍公之撫西粵凡二載 上嘉

又一月而更拜少司馬 上念公拮据勞事
苦功高意似欲休公於司空爲咨岳宅揆地會
建酋匪如三韓烽火幾望於甘泉一時海內名
碩咸次第入佐樞筦而公精白沈毅卓然有古
大臣風已爲 上心之所注向是安得令方叔
召虎不用之鷹揚而優游于將作之署耶不佞
曷伏嶺海外不能悉三韓緩急窾會何若及所
以張撻伐而宣皇威者何若第習公之所爲鎮
撫兩粵者黎岐戢翼珠海安瀾袁醜匿踪于漳
潮而龍城象賓厥有寧宇濠鏡青洲潛杜彙萌
所在化戈爲鉞解劒成犢伊誰之賜哉邇者聞
公簡粵卒數千累糧治艦疾趨登萊過首東逸
之路蓋身在粵而憂深社稷如此公今入叅帷
幄馳上方略神授兵符卽古方叔召虎何讓焉
而何兩粵之能私公爲夫能戈舡下瀨必能鐵

騎犂庭標銅柱勒燕然卽南北異用乎於折衝
牧寧功豈有二公行矣不腆之詞未足繪公勛
德萬一俟公撻伐功成銘勳太常卽因輿頌矢
爲鏡歌請受簡以竣

送南安郡侯洛宇曾公入 覲序

往不佞由彭蠡浮章貢而上蓋千里溯流至南
安而下瞰如建瓴矣南安據豫章脊脊于五嶺
三湘八桂無所不綰絡沮山深菁其民冥悍易
搖而好黠不逞又多窟宅其間自王文成建節
鉞首嚴十家甲法以 高皇帝訓勅其父老子
弟卒用威德後先擒詹師富大贅盧珂等盡得
其要害地而家湖洲頭之間蠻煙悉空創邑崇
義不佞以間攬其山川土風而嘆昔人經畫拮
据之勞爲停桀踟躕久之今去文成時董八十
餘載而其黠悍餘習至輕抵三尺以爲常持之
急卽跳匿三垂五父而莫可迹此其難視昔尤

倍曾公山南司農高第推擇來典郡符甫下車
卽申嚴十家甲法訓勅其父老子弟與文成合
於是民之耳目朗焉一新顧其大指乃在輯和
元元汰郵傳之濫供令郵吏得拱手奉約束而
道旅亦無苦梗下邑錢穀第總其凡以時徵發
於耗羨惟恐或淹庾有坐爭稅而訟者且數年
公廉得膏土若干里頗任賦則減甌脫之稅予
之瘠幸寬而腴不稱虐衆雖呼稱神君訟立解
他若游手而六博倡飲者必法飾物價以愚鄉
人者必法侮文而嚚甘憲如飴者必法一時黠
悍搏志胥舌涸而吏指椎矣又時時延見諸博
士弟子講說經術藝文矜裾雍雍埒望國公爲
郡董朞月所 上在宥之二十九年當大計天
下吏公先期戒行而是時余伯氏壽徵以司理
得佐公下風辱公握手推腹之誼而德公深也
則述公所以治郡若得民狀纒纒甚具且曰子

及公同譜視公伯余及公同寅亦視公伯夫同
官異能同治異功卽公淳淳弟我而我則何
伯視公古稱伯氏吹壎仲氏吹篪載公卓異者
非子而誰也余唯唯因次第公所以治郡若得
民狀書之與公行李俱去公行入見 天子有
如問南安菁崗較曩孰靖癘瘵較曩孰蘇土風
民情較曩孰雅化具以對卽假公文成節鉞填
嶺以北此郡父老子弟旦夕額手而跂者功
盛于爲郡時當遘勅旂常銘景鍾不佞兄弟
欲復徼私誼而有所陳說猶一呷矣

賀別駕德所岳公膺獎序

傳稱孝以事君慈以使衆而要歸于心誠求世
儒童習白紛抵掌而譚斯理豈不甚辨而默察
其躬行大都齟齬不相應豈聖賢於君親上下
之間強其情事之枘鑿而牽合附會之哉余涉
世淺所睹見薦紳先生不數未敢謂躬行與習

兩不相應然而如西粵岳君者足爲世儒一酒
之矣余爲牧則岳君爲別駕方君需次都門屬
有滇缺宜補君入白太宰曰人臣徇職寧渠遠
近之較第念孤有母季七十少茹苦節以有今
日滇越在萬里母老不能偕孤則又焉能獨之
官萬里膝下倘得滇孤直敝屣一官請得從吾
母桑梓老矣太宰爲感動奏特予隨隨于滇猶
稱地近乎然頻年苦燠旱民鮮益藏逋賦歲積
而君又職專賦至則與百姓約以賦緩急爲期
先後輸如期者勞來之卽不如期而君不以積
鞭試也愀然謂若豈不欲盡入租公家旦夕歸
就枕乎奈室且懸磬衣百結食半菽指產以授
豪右而豪右不應也計畫無所復之卽蒲鞭試
徒麻若膚耳于是百姓人人感泣其富者且代
爲貧者輸恐後而又謝絕苞苴手書天理二大
字榜于庭卽有以苞苴來者見君篤行純誼不

忍獻而去郡。故好器訟輒經歲不解又多飭浮語以潤聽斷。余性不耐瑣屑。遇若曹輒爲一二語衷折之。取其尤傳爰書。日嘗竟數十牘于情。暖不無有所潤略。間以牘移君君不然曰。吾得其情之直者亦寧忍使曲者猶有未竟之情。至曲直互匿聽之。往往不憚更日且爲焚香。上諸天務厭其意而後已。而事關風化大誼必喻以情理。倫法之極至兩造各掩泣君亦泣罷。寢比歲大稔不佞與君手調糜分曹計口而餽。而又周行阡陌時諸耆者幼者遠不及者。尪癯遽條僵欲絕者所至持金錢推子之全活。蓋存慮數千萬命。君恒嗷嗷不居功而遙功不佞竊心愧之。君旣迎養太夫人每飯未嘗不念當季苦節謂孤不易有今日太夫人未飯卽不飯未寢卽不寢兩年如一日也。蓋君慈孝天植無所不感。格太宰至貴倨乃曲聽而恤君之私而直。

姓輸賦恐後罷訟相泣此豈可以聲音笑貌爲哉。心誠求之不中不遠君本孝行慈而因慈成孝君親上下之間應若影響貫若節脉世儒所稱固非虛語。今季春楚撫邵公嘉命勞君其辭曰無涖曰勤惕無非常炫俗之績而所期居官三事兩言已具得之可謂知君矣。且世亦詎數精幹局攻窺看愚民獵聲而陰中其私者之蘇然才吏稱乎然而于民艱國恤奚賴焉。君仕陞董兩載所豎立已章章如是他日政成課最無論陟華躋臚卽令幹局之吏不得以其一時釣詭獵華而與君競霽霽真懇之澤君又母徒嗷不自居也。諸寮屬唯唯遂序而張之。

詒美堂集卷之九終

詒美堂集卷之十

海堧祝以函耳劉著

序

賀郡太守鳳林孫公以前司農攷績 勉

恩序

郡侯東冶孫公以司農高第爲主爵者所簡推
公爲郡僅踰朞月所而政平訟理獲上信下治
行於浙東西無兩郡之士若民含戴仁澤思有

詒美堂集

卷之十

海堧祝以函耳

以致其謳謠祝頌而未有間也會公以前司農
滿考奏最馳典及其兩尊人如綸之言褒予備
至一切象服翟佩之飾咸出自尚方規耀隆赫
遠邇傾動於是郡之士若民無不爭先走逆北
墅道上凡居恒所欲致其謳謠祝頌而不可得
者欣欣相告曰今有間矣而吾邑之諸生朱福
長輩以文執受知於公謀所以摠其國士之知
遇于萬一者不佞以幽謂諸生毋刺促有王言



在惟贈公曰撫字心勞循良政最寧緩徵而保
障甘下考以陸沉惟太安人曰性實儉慈儀閑
鵬燧惟官有齊斷機課學大哉王言贈公當季
經世之略未究于用太安人淑懿之範不出於
闕而 人主皆精知之卽有能言之士奚所用
其藻繪而諸生輩竊復有效其謳吟祝頌之私
者則謂吾杭爲東南一大都會雖延袤不能數
百里而賦役將作金錢幾當天下半百伎淫
之所輳集駟騶講張之所倚窟而臺使監司輟
軒乘傳之所絡繹追伺日不皇給以間治事句
校庾藏兩造盈庭以次就獻務得其情而事與
畧俱盡矣又何暇從容於枕文而公則時時進
諸生之雋者與之譚說經術評騭殿最卽案牘
旁午無倦色躁容而前後所識拔士咸超驪黃
而相天機隔垣一方而洞肺腑沈淵伏匣而辨
于莫知懸黎士無不攬指捫心各厭其意而間

詒美堂集

卷之十

二

海堧祝以函耳

有以他端進者憚公威嚴逡巡不敢出然公所爲恤輦理抑不啻肫肫子弟畜之矣此諸生之所爲德公而願施其國士之知遇于萬一者也上冲聖御極方開講席議大婚禮崇上徽號懿典次第舉行不惜殊恩異數推及臣寮而公以雄藩首郡又治行爲天下冠毋論增秩賜金行且入而黼黻廟堂抗議禮樂超拜三公九卿如漢已事兩尊人者湛恩亦且狎至斯諸生之所

爲感知遇而沾沾竊願於公者乎抑漢吳公治

平天下第一史謂其能知賈生諸生誠淬礪自

樹他日有薄賈生不爲者庶幾足聞知遇爲不負公若公之超拜三公九卿推恩之典進而盤綠珮玉六珈瑱栒以榮其兩尊人又安用諸生沾沾爲也

送隨學博蕭君擢令泗水序

余不佞守隨則沔陽蕭君實司諸生教云君博

雅有特操余過沔從沔賢士大夫雅悉君人人

口不置也謂君當世才一第不足取而董董起

家博士天固困君君汨如也曰隨于古稱漢東

大國士惇茂有先民之遺風余藉一日長身臨

校之幸甚則數數爲諸生譚說經義時務獎異

而風諸凡多相率顧化蓋七季如一日也臺使

者旣爲之疏薦之賢聲翔起於是以泗水簡拔

君泗在古爲魯下邑盤瓊控鉅聖人之教化漸

焉卽後世所雅稱洙泗云者泗源本于蠶尾北

與洙合而我仲尼實夾二水而家儒生居恒誦

法仲尼讀其遺言輒愴恍若與之睹見而君今

履其境且得爲其境邑長自昔命世之賢所肝

衡與幸於聖人之居之近者當吾世而遵之可

不爲誦法仲尼者一時異數哉君爲人魁峴傲

儻顧余時揖君堂皇步武不失尺寸語不及之

似不能語及之單詞中窾戚內失也擢之日我

二三大夫若諸生交相色慶已而交惋豈不以君之居隨久重去君哉陽道州爲司業七年遷刺史諸生詣闕而請留者數百人今卽不能而二三大夫謂余當有言以緩君行色夫君七年于隨所爲隨人士譚說經義時務抑久而習豈惟隨之重去君卽君固不能不重去隨矣卽以余之迂疎事君方四越月耳一日傾蓋何遜七年微余言又曷以緩君然而毋以緩君爲也

送幕僚譚公遷襄府典儀序

譚君之在隨旣三年而余始被命爲其守余

守隨僅四越月而君遷襄府秩去始余未之隨則君能聲已自藉甚及接之而哀衣雅步恂恂也譚言微中大類儒者則大駭已而得君渌翰已而又得君篇什則愈益大駭余嘗過君私署水洗一縷自帷中發淪苦茗劇譚啓輒移矣君於職專遠詗策珥之政於其人雅不相當而隨故以簡僻稱今與昔大盤矣蹄輪半道羽檄交發夜分奉片紙卽留契問涂車及于門馬及闕手板及于荏棘之次而余生兩腋下有愴然驟加之良不堪而君又以其職專故于常往來時時先余出而後余歸每相見憫勞苦余嘿察君顏面益黯然有風塵之色焉君恒謂余起家三尺微榮一命且十有餘年吏無卑也凡可因分自致效卑成尊令親故一旦謂我計畫無所復之我卽何以自解而竊引避爲名高曩者屬歲大稔半粟不具於礦之役橫發于不虞材官

首鼠無計余則身率良家拔擊之士董百人與賊會先聲鼓之至輒解散乃今蹄輪羽檄烽火示捷數數從中箠使諸走身先爲之若應指臂所謂因分自致無糜升斗業可以自謝于親故卽余家負廊二頃庶足朝夕奈何刺促自苦也蓋君解官之心忡忡動矣而夏四月乃有今遷君奉檄俶裝而喜可知也謂吾向者無爲而棄官人必從而極之曰是計畫無所復之而引避爲名高乃吾今則可以去也余曰唯唯否君向者欲去而不得去今又得去而不宜去也襄與隨爲接壤朝秣馬而夕至襄王孫以好客聞博雅恢奇之士輻輳幕下君詞翰之妙屬蹄輪羽檄之交無所用之君行而王誠好客如所聞且必虛左車據上座揮塵而傾其四正君行其意之日也不得去而不去不宜去而去君何所取衷焉枚叔曳裙王門與鄒忌諸君

子游文章之造日益以至以君之才得從諸王孫若博雅恢奇之士日劇而角其勝而日益其造君寧無意乎君聞而憮然曰大夫陳義甚高吾無所容辭然吾之去其鄉且久數椽之茅三徑之石吾聊歸而寓目焉吾且行矣余則又前謂君今弃我隨陽以去我誠不得而長有君異日者襄王孫前席問奇稱旨珍綺之外諸法醜禁衛以非時賜當急足致我侑以新篇余將開白雲樓而北眺且吸且歌何以異淪苦茗劇時矣

賀崇德縣靳侯三載考績序

今年春余從諸先生長者後講學構李之人文書院因得與崇德靳侯傾蓋相周旋乍接之貌溫而禮恭言動簡重望而知爲有道君子也余季侯滿三載考當奏最邑諸生楊某等列侯治行走海上乞不佞言爲贈余既心向往矣

生言固願一言之效也崇於檣李號巖邑無
賦役訟牒之繁埒他封而檣轍符繙晝夜絡繹
視他封爲獨劇蓋自徙皂林驛于邑郭之南而
皇華使節以不時至周應不給侯念民不支矣
其要莫若清蠹於是一剔刷而覽冒之窟穴遂
空不益餼而供億若宿備焉侯曰今乃可以專
精于民事矣民最患苦者惟糧解其輕與重
胥得神鬼其間侯始以采聽繼以綜覈劑其
縮而輕重受焉咸謂侯若日周行于簷蔕之下
者又念糧解之最重者無如北白邑凡八艘舊
有羨金艘若干入于官侯麾去之若澆又令中
產家協佐之中產之家無役累願佐恐後于是
白糧解蘇矣邑有鬻女弟于他所而誣其翁以
故殺事久不白侯宿令人于鬻所得女還之夫
而坐兄罪諸凡獄且竟不難拂上官意反案雪
之民以不冤囹圄空虛惡少年倡亂石門白晝

殺人攫金去侯不動聲色校胥卒伍生縛其魁
寘之法餘解散去於是侯之循聲且奕奕走旁
郡邑矣政暇又延邑諸生講藝文課優劣若楊
生輩者感侯知遇而亟欲光大之其頌述侯經
術治行非一卽班范諸君而在將不勝書而況
不佞幸接侯而竊譽往侯者其能無一言之效
乎哉崇西鄰雲西北控具區南介錢塘其地當
四衝而亡命作奸往往爲逋藪卽所稱符繙絡
繹不與嘉若秀共乎然彼有郡大夫提衡其上
且兩大邑分其勞而崇以最爾獨支也則崇之
難可知也侯在事三年繩解刀遊若甚易而不
知其畢精竭神難更倍展有如主爵者按侯治
績而悉其所以難與其所以易璽書旦夕至矣
送司教鄭先生之惠州推官序諸生時作
始先生用朱氏易舉閩明經第一人而今上
丁丑用選人高等來司吾寧教故事得稱署司

教以秋比八月聘典省試于是歲己卯秋先生
去典試事東粵事竣且得偕新舊解士射策南
宮而過吾寧則諸生輩獲望見先生尉勞苦已
出所藉奏賢書示諸生且曰東粵士洵文且都
第手空編揣銖黍猶然空券質貝耳庚辰冬十
月先生擢惠州司理士惘惘不自得則爭句篇
什參豔之又相與趣小子以幽當有所稱說余
冰子何敢阿所私先生才敏復嗜學日下帷
卷之十
雅人極意而歸月有試試必覽含置几鐫院
糊名至手自行施脯而士爭勵可知也士以修
雉見凡宴者與能攻苦者輒爲具飲飯已斥去
曰庶推市毛穎赫蹏不可乎卽不幸有疾病親
老弗任謂不腆之奉猶足緩亟竟不讐責亡聞
也自士習于澆當事者目編萌攝之先生獨扶
大體獎飾善類惟恐不及有不善規諷之甚或

訓諸庭以必亡折士節爲宮牆累諸生卽不能
詣闕廷而請借奈何令嚴師慈父旦夕釋我
去哉且縣官則誠念惠矣惠故漢尉佗境也尉
佗王東粵七十年民不復知有漢元鼎間至厓
樓舡十萬師發夜郎兵下牂柯乃始版圖其地
今雖以累朝帝德照臨而山魃菁猥與浮舶
亡命相緣爲奸至剽人于途而有司不敢問先
生雅願一日身師帥之今縣官以惠士民授矣
惠迫海尤稱羯羗鐘馗衣冠多不傳禮蘇文忠
久于惠其咏惠州諸什蓋亦感憤牢慙之意多
在昔蠻夷猾夏俾咎繇作士明五刑更寬然舞
干羽兩階而格苗賔夷輒景響效先生陶禮以
馴亂明刑以佐禮要以易闇習而光明亦何遜
干羽虞庭哉先生駕矣史蓋稱申大中弟子咸
用經術顯其服官著廉節爲大夫郎中掌故以
百數而申賢愈益彰異日者先生坐合江樓東

而眺并州之故宮而後先桃李或更有脞申
公而下之者乃幽又有以諗吳生黃生兩生於
已卯秋皆裒然舉首而黃寔惠產也先生暇當
進兩生與語其所爲報先生國士知者不知於
以幽之說何如

賀督撫江西中丞太蒙王公擢總河少司

空序 代虔撫作

先是治河大臣推擇當代者啓事數易越歲格

書姜雲集

卷之十

十三

不下計臣總總然慮漕道而謂治河之人不可
一日緩已而以今督撫江西中丞王公名上輒
報可一時深識遠計之臣咸舉手爲漕賀又爲
漕之得公賀而抑知 上之用公與公之所以
簡注於 上者乎蓋公之宦豫章前後二十餘
載其督撫且六載推少司空亦三載 上念公
久于豫章勛勞茂著一將作貳奚足煩公而必
需公之任於河以故持之數年用之一旦而豫

章之百職事及士若民惜公之去喜公之且太
用無不人人鼓舞艷言之而況不佞謬以節餼
承公下風辱公之知最深而受公司南繩尺尤
最真且篤者當公之以中丞滿六載奏績 上
拊膺而 俞勅尚方爲製盤玉犀題將大有所
褒予不佞則嘗修不腆之詞函書戒馬待發而
治河之 新命下矣憶歲丙辰自虔以北大浸
滔天漂廬沒稼民嗷嗷不能以旦夕公與直指
陳公合疏請蠲賑而不佞驅車後至亦踵公意
疏入咸報可於是豫章之民得稍延旦夕之命
而虔之四履實錯他藩而處其民素號羯夷易
動乃今皆熙然含戴恩德寢儲胥而晏如則公
聲靈所聳其波及不佞者甚大而不佞之所爲
惜公之去而喜公之旦夕且大用不尤出諸太
夫國人先耶自公之撫豫章諸拮据輯綏固已
無不竭之心力然南盡庾關北不越滄浦而止

耳乃漕河綰天下命脉縣官則已挈全宇授公
不佞竊嘗聞之道路今之河非昔之河矣徐沛
呂梁之間所稱飛沫千尺今塞裳可揭漕舍故
道它徙徐南淮北非湍駛齒石卽百夫牽輓而
不得前近又決狼矢溝瀾漫四溢并輓卒無所
問道夫先事而議大司農靳金錢弗予予而未
及用而覈者隨之用之濫與捍其利害常相準
而河之濟漕與漕之利河與否又常相參其必
起神禹於今日而後可是不然公清貞練達明
習天下國家事拜命之日固已吞九河四瀆於
胸中曾不帶芥意必有搏掄盈虛之用出於機
權畚耒之外而不徒區區苴補目前而已者公
行矣精誠所注金石可貫玄靈可驅他日平成
之績奏 天子無事沈璧馬剗淇園而河流安
瀾榮光且四塞夫咨岳宅揆非卽胼手胝足之
司空耶不佞則奚俟夫錫玄圭宅百揆之日

後知 上之簡注公者深也

送武選郎中瑞芝胡公擢叅議山東序

今寓內所資以理泊百執事所日夜厯求以徇
職媚上則鉅穀刑獄甲兵具已比年以來北構
胡南復結越當事者掣持若林舌數若戟唯是
錢穀甲兵咕咕而虞乏人任也朔西之變變倉
卒起非恒所睹遠邇波沸大司馬辨色入中樞
集議議瞞猶候 旨甘泉宮休沐靡間當是時
卽人思十請長纓剪滅此而後朝食而迄不得
其要領乃深計之臣見以爲朔西之變遠邇波
沸睥睨觀望人有蓬心憂詎寧獨西哉河山四
塞通都隩區不亟舉誠醇宏練者其人往拊循
之以逆折邪萌令縣官得以全力顓事西不可
于是公繇武選郎高第持叅知節往部青登萊
三郡邑矣始公釋褐爲理錢塘屬不佞以幽在
諸生間習公無以發摘見名而獄非服念不具

也錢塘之民尸祝之至今而及公郎武選又屢
同舍相朝夕卽不佞甫受事且不獲久事公間
嘗操牘從公退而心爲之折也彼選人者其先
世固嘗以所樹尺寸遺所不知何人挾所券梯
巖航濤而至予之疑濫而持之又虞苛且也權
貴與宿猾相表裏陽撼陰嚙予不見德而持之
適以賈怨公獨曙太體以令甲從事事一臬于
冷甲而毛舉濕束引繩批根以自才而坐令
纓垂橐立槁庭下公不爲也蓋衡夫濫與苛之
間而衷裁焉大指如所以理錢塘云夫公不難
理錢塘衡選人法矣其又何難齊琅瑯之墟距
神京董千里累洽以來戶何止七萬而倍薪蒸
鹽廩輟擊肩摩夫非四塞之國而東土之隩區
與太公報政濶達平易國以富疆公至柔礪漸
煩因俗簡禮令諸郡邑長益廛勸課百姓遜于
徃役戶登而畝辟產息而賦平四境相聞鳴加

應吠加殷也卽有羣不逞觀望其間人情顧安
肯易其所甚便亦安所藉口而恣睢睥睨輕扞
文罔乎哉朔西之變厥亦有以致之何可云秦
人輕生好亂其天性也公蓋以時時咋指計之
矣公繇筮仕迄今凡三歷官而刑獄錢穀甲兵
三者通有專職斯于國家事不翅習矣異日者
入而揀鈞叅究無小人無不循運諸掌者公行
矣亦有謂縣官方亟西事奈何東我公幾于逸
公于事而緩公于用者哉衆見已形不見未形
則深計之臣所謂愛寧獨西也

詒美堂集卷之十一

海堧祝以簡耳劉著

序

賀觀察大夫訥菴蘇公壽序

上嗣萬年之曆首筴士于南宮則我觀察大夫
蘇公以經術爲舉首公繇繕部郎高第棟憲使
節鉞臨制楚而楚之郢若邛則自 世皇龍驤
我國家萬季根本重地在焉乃邛以南多桂澤
邛以北多山峒則有椎埋鼓鑄瓦合杆焚囂劇
於女閭七百之間者則有大編戕苛攫士女而
驅之乎湘川邛符靡莫之地者則有馮城依社
委逋弗輸甘憲如飴而頑不省悛者則有貂鎗
緹綺怒馬鮮衣暴橫恣睢以嘗有司有司且相
與睚焉至擇法而後施擇民而後治者夫以湯
沐雄都粉榆舊里 聖主熙時之元氣實緼毓
焉藉第令所稱舉有一于是其爲斷蝕元氣非

詒美堂集

卷之十一

一

二

細故矣 上爲其鄉郡國固念之若曰非大夫

往不可至則持廉矢公灑然與吏民約手取大

慙一二置之重餘各不煩批擣而解其緩書取

二三語而竟其獄情取一再讞而決而其大旨

恒主于不擾務休吾民而息之而於國家根本

重地欲使純茂之氣常混浩流注而無壅無闕

是公所爲康民生壽國脉者具得其大矣今年

夏五月爲公嶽降之辰郡長貳而下圖所以壽

詒美堂集

卷之十一

二

公而謂不佞言不佞不文顧安能出公所爲康

民生壽國脉者別有所效憶昨歲茲辰當公函

表而入賀 萬壽之節余從豹尾班中與公竊

窺見 聖躬強固 聖容晬穆宵旰不勑勤踴

躍蹈舞而出而公賜大官宴所被 寵賚備至

益 上實念其鄉郡國以根本重地重畀公而

公所爲治郢與邛狀 上則已心簡注之矣余

今乃又得從諸父老後目擊公所爲治郢與邛

狀而諸父老竊從田間舉手祝公多壽亦無不
踴躍蹈舞驩聲殷于野是公之所以壽上者卽
所以壽郢若郢而其壽郢若郢者卽所以自壽
乃因郡長貳之請而輒效一言以介于公之庭
公聞而听然曰美哉使君言善則歸君也 上
春秋鼎茂中外臣執掌竭蹶愚不稱任使臣無
似得專精神以庶幾其夙夜則幸矣詎敢言壽
第所爲康民生壽國脉卽不能如使君言而余
壽美堂集 卷之十一 三

又代作

蓋德安去大夫開府署十舍許而遙自隨守而
下非公事不敢以燕見卽見而必爲諸君譚說
理道壹壹共言之也問者諸君過不佞而述太
夫言惟守之言曰余滌隨篆而謁大夫則謂隨

守爾釋槩而當案牘得無且吾哉守曰唯大夫
曰否余束髮事 主上蓋十有餘年出入承明
之廬客亦有以不習吏事日攝余者余問所謂
習豈事習心將心習事也蓋余承乏行使周遊
四方所過都會郡邑所接循良幹局大吏所舉
錢穀刑獄若土風人情隨叩隨識灑然有當于
心卽歷歷若在事境不然而與接爲構情無心
解雖朝握符夕執槩奈何言習余今受事一方
實始辭承明而出也而事固不能且吾我則心
習于事素也于是守聞大夫言而灑然有當于
心也余聞守言而灑然有當于大夫也今年春
余得從吏民後奉大夫約束而挹大夫眉宇旣
又得批稅文若臨池揮灑之興而余又悽然自
失矣大夫之治楚職刑獄盜賊兵革之事而惟
郢與郢最稱煩劇沈牘銅案依社馮城伏莽嘯
落萬有千態而大夫之視若虛而應若割此所

爲心習非耶心習事而事辦事役心而心勞而
大夫又以其心之餘神而發之詩文寄之艸聖
與肖之景物而無所不極于妙余蓋測大夫之
所爲心習者不用而用用而不用而深得于養
生家之寔者余不習事而習養生竊聞之人心
息則我之氣爲天地所攝人心不息則天地之
氣乃爲我所攝大夫一心耳用之于平亭用之
于安集又用之于執文無已而又用之于卜筮

壽養堂集

卷之十一

五

開濬卽今汪濊濊注嘔飲芬郁于郢邛間士民
所共稱如蘇河所共覩如郢中詩邛城吟諸篇
此可以觀大夫不息之心爲能攝天地之真氣
而歸諸我而養生家所謂吸引補導之說彼逃
于虛是謂滓溟此達于用是謂櫻寧且也天地
之真氣寄于洪崖漢水者無足以當大夫而大
夫所篤生則天地山川風氣之上游也蓋自積
石西傾而來東至于巴其下爲岷江而劒閣夔

峽天險殊絕盤旋夾束風脉之固天下莫比故
其清淑凝厚之氣產爲瑋銀鏤千尋之名章
而大夫以其徑寸不息者攝而萃之攝天地之
真氣而歸諸我而不爲天地所攝此至人之
妙理養生之玄詮而黃髮上壽可以契取則不
佞所自附于習養生而竊因諸君以印証于大
夫者抑大夫先世昆吾樊其季錢仕殷以久特
聞則蘇氏業以壽世其家奚俟不佞言矣

壽養堂集

卷之十一

六

賀郡侯槐里王公壽序

蓋德安界楚北爲隩區其山川形勢相囊縮鴻
龐鬱茂之氣蓄而不洩而四方雕文之習亦若
遠而弗及漸其土風猶然樵樸近古闐闐無譁
純綺妙御品羞不備遊冶不馳衰趨不競瑟履
不飾故其民志局神嗇而隨南之山且以壽名
所從來遠矣槐里王公以望郎來守吾郡公吳
人吳文物蔚藻甲天下然而乍接之冲夷敦靖

以爲非吳人也者卽蒞政董期月所而培模
撫流移搜城社清驛騷去敲朴諸姦猶善政非
一而足而郡六屬之吏若民日游泳儲胥之下
山川鴻麗鬱茂之氣不費而恒實藉第令山川
真氣誠囊括不外洩而上或毛舉濕束不然而
聲繡其質令太和中耗山川民物固有隨指顧
而易響者以是知公有造於郡六屬之山川民
物者深而錫之仁壽者抑隱而厚而扶輿磅礴
之氣孕毓於紫金白兆湏漳槎源之鬼且深者
悉萃而歸之公公之壽夫寧渠黃髮鮐背如世
所豔稱而得之若私者哉抑聞之公始爲名邑
宰彼 內召坐簡澹失當事者意官西曹西曹
署卽無不人人內遜公者篇什超灑在陶謝之
間而臨池升太令之堂蓋政事文章種種精詣
而又善藏不露斯於郡土風畜而不洩公天性
雅自近之其用微於民物厝注之大而其旨契

于玄牝養生之深兩相合而交相壽此其際公
不自知而操觚能言之士亦未易以摹測其竟
者今年四月屆公懸弧之辰於是郡六屬長吏
各采其山川民物所得於公仁壽之錫者而屬
不佞次第其語以獻

賀郡太守忠嶼史公壽序

曩不佞請急還屬郡侯史公蒞郡方新郡事望
之若領挈而士若民望之若貢熙獻和以自媚
于公者余與二三鄉父老竊心異之比不佞方
束裝之京而里人數數來言曰冬積雪千里民
願少須臾以徵歲瑞則又曰春麥秀兩岐民更
生矣則又曰膏雨澍條風颺青黃錯隴畝矣余
與二三朝大夫益竊心異之以爲吾郡數十年
所未有之嘉祉乃儼集駢會豈至人作用固能
搏埴陰陽醞釀化工而吾郡之山川人民辱有
厚幸哉方謀介使以質于公安得推沴召和其

速如此而公誕辰屆五月郡六屬長吏自隨守而下走使二千里微不佞言爲祝僉謂公治郡狀非一其大者如發倉儲數千百斛爲平糶令厘市猾豪不得操盈縮以漁獵吾民又汰平糶之餘及括羨金若干金檄六屬長吏分賑有差戒毋塗耳目而恡胼胝毋饜狐鼠而滋蠹蝨于是六屬惴惴奉約束卽無不如其身歷之者而又日調瘼時諸耄者幼者選條骨立者計口而飼而六屬惴惴奉約束卽無不如其身哺之者至于露宿步禱減膳撤騶施乞乞釐諸可爲吾民計者靡不周悉所全活蓋何止數十萬命而又其大者郡之獄情恒傳影響借口緩死往往沈錮其牘卽御史有所平反有司業以其影響沈錮不敢詰至束閣而益重其錮焉公獨目披手裁不數月而郡大獄無不影響若曙沈錮若新監司使者坐境上按牘而詫矣此豈徒精讞

敏幹足多哉凡以民命至重所爲通幽滯覽泰和非可以鹵莽辦也此六屬長吏日事公而習知公而不佞所欲介使往質于公則不盡如諸君指蓋公之初蒞郡其民物之脉理與公之精神嘿相呼應養生家所稱衆人之息以喉至人之息以踵公所爲壽郡之民物者陶無形醞無味式儀注厝之先固自有踵息哉惟公于式儀注厝之先以精神運而郡山川民物于索莫瘼瘵之後以上壽徵是公以上壽壽郡而郡不知郡亦欲以上壽壽公而公不有不佞則何說以獻竊謂不佞郡人耳見郡之民物蔚有壽瑞而亟欲采而壽公隘矣六屬長吏郡吏耳知郡之民物式躋壽域而又亟欲采而壽公迹矣公今春秋鼎盛他日政成而召拜三公九卿握大匕以斟酌元化壽我國家億萬載無疆之筭斯至人之用固自有在不佞則姑以郡人爲郡屬

吏壽公公亦姑取鄧人言而舉鄧屬吏之觴大幸

奉從母邵太孺人八袞壽序

當余母太恭人躋九袞從母邵太孺人率子婦而躬爲壽兩鶴髮髮與翟綵盤綠交映於一堂閭左爭艷言之而今年邵太孺人躋八袞太恭人亦率子婦而躬爲壽顧余當有一言之祝余退而逡巡謂太孺人煥懿焯然布在耳目請俟當世鉅公先生之閒于文辭者已而族長老以稱觴期迫固屬余自惟不腆之辭安足任太孺人彤管第念我祝氏詩書冠帶之澤實發祥于叅知公再傳至司馬公而業稍替也贈比部公爲司馬少子日奉遺編而佔伸不復辨治生太孺人自爲新婦時卽以身當祝氏家督量出納謹筭鑰目析指計不責息而收其贏拮据茶辛者若而年盡拓先業比于素封自太孺人之

業拓而宗黨戚屬奚啻潤九里調糜分續振顛

字屏指廩以償諸伏糧者治櫬封土於無爲後

者人人誦義無窮焉而又好修淨土緣緇素之

乞靈無虛日精廬蘭若檀施殆過四十年一日

也贈比部公晚乃益不復問治生佔伸與麴藥

並進其勵比部君學爲擇師儒課膏晷皆太孺

人代之業成而舉進士爲邑令曹郎有聲太孺

人稍亦倦家政而次君與諸孫輩琅玕森森皆

朱離諸生間太孺人爲擇師儒課膏晷所以策

次君者猶之策比部君也卽所以策諸孫輩者

猶之策次君也太孺人之拮据茶辛爲家督於

祝者前後且四世而福履壽考食報于祝者今

亦且四世徵太孺人而叅知而下詩書冠帶之

澤胡以振振繩繩危替而復隆徵太孺人而比

部而下詩書冠帶之澤又胡以振振繩繩有隆

而勿替繇斯以譚太孺人福履壽攷寧渠四世

食報于祝卽繼此雲仍世世皆太孺人之澤則
皆太孺人之壽而一時融熾期頤之事曾足爲
太孺人頌哉族長老咸曰善於是次君輩盛冠
服致水陸合樂堂上下前爲太孺人壽而余曰
未也母太恭人瑱纒旣三錫余且爲縣官乞疆
場之身奉膝下歡幸不乏媿乃一簪衣二簋
食蚤起晚息以爲常次君亦謂太孺人居恒鮮
重珥兼味操作寤興必身先後其減獲凡此咸

當美堂集

卷之十一

十三

自天性無矯而養生家所稱爲專嗇爲櫻寧猶
龍氏之所挾以爲寶者若夙契而精得之以是
八十若九十而健履卻杖神明之用不衰次君
輩旦夕且上公車得時而駕卽余之越在田野
亦願與次君輩交勉之粟二母之身教以無失
先世素絲五紵之風推而壽國壽天下所爲壽
母者大矣族長老咸曰善

賀外父正吾毛翁六袞壽序

嘉禾當東南綰轂之會風氣流而不緼而又其
俗化雕文日隄月甚諸名祐抗宗一時威燄翔
起焜奕甚都乃未幾而就湮至有比於匹夫編
戶驟而不能舉其名者蓋不佞自垂齠而爲寓
人其地者十年所而所爲日隄月甚陵谷高深
相爲變遷何可勝道顧猷百頃湖波朝夕獻狀
于盛衰興廢之前而堤柳听蓉含烟沐雨今古
供人唵眺而已魏城爲嘉禾巖邑而又最隣于
吳其俗雕文亦最甚翁介弟主爵公威燄翔起
焜奕甚都顧其人寬然長者好急人而諸戚里
藉寵靈尋聲勢亦翔起焜奕獨翁布素自若也
翁寬然長者如主爵與主爵仲季間雅號莫逆
卽封主爵公亦最鍾愛翁乃翁之于父子兄弟
相競爲孝友逡巡退讓絕不萌失得較計之念
而封主爵公雖甚鍾愛翁然以翁逡巡退讓所
有主爵公甘毳之餘不忍以私屬翁卽不忍私

當美堂集

卷之十一

十四

屬翁以甘毳之餘于所鍾愛莫逆安望翁之藉
寵靈尋聲勢被斷樞以文繡而稱夫爲主爵仲
哉逡巡退讓性自有之矣卽鄉之人靡不推服
翁質行君子者何必稱第五倫而翁今季壽六
袞神明不衰諸翔起焜奕者旣先主爵而盡而
翁所爲布素自若者歎後主爵而存帶溪之廬
環廬之塍猶不失先人之遺焉且也子若孫力
學能文咸足自致通顯一二曾玄含飴羅膝無
不可娛而翁又善飲飲不至沈湎淺酌雅語丰
態頽唐一座神醒斯不佞所稱性自有之矣閱
世而不染于世是上壽之真詮也不佞旣受事
一方念不得從鞠臚奉觴之末而翁慨然源長
江涉雲夢過我漢東署中抵署之越月而扁翁
懸弧之旦不佞錦服代斑內子被繡填而流珠
鴈行而進而翁喜可知也則以一卮代翁之爲
子者祝曰孝弟力田無忝所生是謂能子以爲

壽則以一卮代翁之爲孫若曾者祝曰強學
力行以永令名祖武是繩以爲翁壽則又以一
卮偕內子長跪祝曰宅相壺儀匪翁疇祇以毗
君國而贊夫子以爲翁壽翁曰善乃起自爲一
卮醉不佞曰子所爲壽余者余卽不謂如子言
而子所稱毗君國贊夫子惟子與余子交勉之
以益成我宅相而衍爾世澤余庶幾得拍浮酒
缸從百頃湖波中老矣

賀許心園丈七十壽序

許丈心園先生今季壽七十冬十月六日爲懸
弧之辰其族長老謂不佞忝肺腑以祝詞請蓋
許氏族指殷繁先生實稱宗耆云至期少長咸
集祝史請致觴則先少者于是從子之奮賢書
者同生舍若及諸衿髦偃而前曰我仲父穎敏
天授沈酣名理自其爲諸生所當郡邑長吏若
監司督學使先後有國士知而中間敘于美疾

驟蹶颺起僂遇而卒畸然而閭黨之稱博雅習
掌故者必推仲父所爲古文詞典奧有西漢風
詩翩翩闔長慶之室且以吾儕之芥拾青紫而
仲父乃獨抱其經術以老今後進學慚邪而進
慚躡也青紫長物耳卽奕世詩書之澤不儼然
有典刑哉先生謝不任衆曰唯唯則舉諸從子
之觴其稱弟而從者莘郊啓雲而下前曰吾兄
少失怙恃一弟寄息外氏家而重緜役與黠僕
遺先業悉挫兄以一弱稚開家幹蠱卓自樹立
徐復故址而廬焉椽桷堅好榆柳環鬱眀洳易
治而又以其間下帷發憤迄用博雅著聲詞場
夫當兄之藐焉不啻引千鈞手一髮而今七十
矣兩子伯稱艾仲亦望四子之子森然琅玕而
兄之天定矣兄居恒念二親不逮養慕若將終
身而弟之在外家者業中廢更南徙諸所爲經
營而衽席之甚備蓋生平卜口而言選武而踏

後架前規雍容禮法旣授產伯仲脩然一室而
晝無狎友夕無傍聽素屏紙帷棐几竹榻一小
奚奴侍而匡坐間呼所善手譚竟日于戶外一
切穆如澹如也先侍御每謂兄質行君子哉可
以砥礪薄風末俗矣先生謝不任衆曰唯唯則
舉諸弟之觴其稱兄而從者敬所復前曰余與
弟七十幸齊齒余生夏六月而弟惠之言其叙
述余少壯拂鬱轉徙以有今日頗類弟獨以二
兒子貴似沾沾侈我者夫以余子遠宦千里外
余偕之則虞于家不偕之則虞于宦卽所爲祿
養與力田而養者又均不能無虞于志吾弟兩
子咸儼儼有文邇且拓舊業而新之東西構丙
舍各一以伺弟杖屨之所便弟東顧而滌髓進
西顧而几榻陳咸與一當顏色以自愉快夫此
樂三公其孰與易先生益逡巡謝不任衆曰唯
唯則舉兄之觴不佞聞之曰許氏諸君子之言

美矣無所復益矣更何藉于不佞然竊嘗習知先生生平好覽莊周列禦寇言其于丹鉛之際往往挹其精而咀其實固宜先生之穆如澹如于一切也先生嘗署其軒曰貧樂而揭諸棟者有冷覲乾坤還是习之語今軒且凝塵所署語久亦脫去豈其并习與樂而忘之無有何之鄉也耶夫諸子之言其既往者似幻其方來者似樂然而忘习而後爲至习忘樂而後爲真樂有至习真樂而後大宅之腴滿大季之算齊先生听然而笑曰忘則余安能余獨恠余先世箕山之叟卽却堯之天下有一瓢而不能忘以爲煩而去之余幸生際堯代與耕鑿之民相忘于帝力而遊之乎化日舒長之中庶幾與吾子若吾族屬共之哉乃及解不佞與君子皆盡觴極驪錄事謂祝史書之

賀禮部冠帶儒士振齊弟六十誕子序

吾宗自虛齋先生以行誼經術著聲朝宁表正鄉閭子姓繩繩世其家而振齊弟其曾孫也先生仕至行省叅知貴矣然僅以清白遺子孫而仲子次山翁性拓落好施予兩傳而至弟而家益中廢弟夷然不爲意也能讀先世所遺書爲詩做白香山而格調適上每酒酣耳熱奮臂謂丈夫當跨馬提三尺劒生縛五單于立功萬里之外不則有青山白雲可供吟眺安能促促效徐儒輩吟唔章句跼蹐轅下老也遂棄去舉子業一肆意於詩酒及放浪佳山水以自適其興之所至然天性孝友鄉人有構得弟片言立爲解以是宗黨人人愛慕之今年屆六十前旣以例授禮部儒士至是冠服稱觴而弟素艱於子又適誕子當彌月之期於是族子姓釀而爲圓陵鱗趾之頌夫人生六十未足稱老而次山翁而下弟之季父行咸相繼謝世弟已歸然稱魯

靈光且丁季艱於子六十而俛得之二者人謂
是先世畜德所留而弟食其餘斯其爲吉祥善
事較他所遭遇寔不啻倍蓰凡吾族屬子姓得
不爲弟及爲弟之大父以下吉祥善事繩繩未
艾慶也吾族數百指恒聚族而居而弟之徙居
硤石也蓋樂其山水佳勝且其山名紫薇以唐
紫薇舍人白居易名舍人始亦艱于子晚乃得
子而曠達無累放情詩酒自號醉吟先生弟不
但詩似香山而曠達無累放情詩酒晚而得子
足以自娛於香山無所不相似其樂紫薇山而
卜居蓋亦深有所以契之者又聞白舍人季旣
踰八望九其子龜季嘗遇異人授以素書一軸
曰汝父已名挂仙籍矣今弟之得仙與否未可
知然從此而躋八十若九十俟襁中呱呱彌月
者長而問之

詒美堂集卷之十一終

詒美堂集卷之十二

海堧祝以幽耳劉著

序

劉隨州詩序

蓋余束髮卽知好劉文房詩其清醇簡遠爲中
唐第一歲丙戌謁選得隨州二三兄弟數數稱
劉隨州也謂文房以彼其才不得据清華禁近
品藻鴻業徒令其詩以隨名而隨亦若藉文房
爲重者旣之隨以間求文房詩則編摩舛鑿字
畫剝落幾不可讀余嘗記其山含秋色近之句
今集遺之而他詩復多逸去因檢所攜諸家詩
集又從何仁仲典客得其故司寇藏本乃始參
伍裒綴稍稍可觀且文房之以隨州稱稱詩而
已耶隨不稱政而稱詩文房不隨之政稱而詩
稱惡在其刺史隨也卽先乎文房若後乎文房
者豈無幹史良牧乃身名與歲月俱盡者何限

詒美堂集

卷之十二

一

詒美堂集

卷之十二

二

而文房以其歌詠畱連之技擅此聲至於今令
學士大夫雅言之學士大夫無不雅言文房之
詩卽猶之無不雅言隋侯之珠者數千百年隋
侯文房爲政于隨施及于民物山川所不能闕
而史乘所不及紀者獨此詩與此珠竝耀漢東
爲世慕豔吁嗟乎文辭其可少哉至謂文士溺
疏不適于用而詩與政幾不相通而相厲夫詩
三百篇尚矣其究物情愜民隱陳彝常章風雅
太和隆厯之氣組緯醞釀而政術具焉後之爲
詩去三百篇寢遠總之根于情而達于境倘我
之神識情解不極則不能與境會而山川土風
昆蟲艸木服御用止食力助弱不極則亦不能
暢吾之情是故以詩厲政淺乎爲詩而深于詩
未有不深于政者漢東風氣樵樸近古男力穡
婦力紅樵青圉牧若訥若拙可弦可歌一切武
健刻削名法家無所用之庶幾哉陶以詩人溫

柔敦厚之旨靡然顧化已余不識文房治隨何
狀然而因詩可以知政必非武健刻削名法家
者如必武健刻削名法家稱能刺史隨也余將
托是詩于崇崖漢水藏之

雲夢縣志序

大澤鄒先生既撰次雲夢邑志成邑長危公謂
不佞寔習先生當有言且述先生雅欲得不佞
言一再疆屬于是不佞受而卒業焉而懷然自
失也夫志不惟其夸惟其核子虛之譚說雲夢
其夸極矣先生爲之志而過自抑曰此雲夢十
書耳則而該文而不夸令長卿見之不猶自失
乎先生才名滿天下沈毅高潔方其領天官請
急臥里中肩戶謝客凝神漠思非若長卿倦游
靡漫故其辭奧雅足術至如扼拏于山川而究
其所不盡也者及稱引簿書當斯民命脈思深
哉其言之使人讀之而忍汗則豈其討故實切

情事以當於所爲志而已哉志因以風而風絲
先生身自樹之也宜其核也

粵東兵制序

（作直指作）

余奉 命按粵東攬轡寔先岐博乃其山川蟠
亘綿鬱故爲盜俠資今芟夷幾三十餘季而桀
黠窳曼之風猶相靡而軋已而由禺潮滇則庾
湟天險亡論二三瓦合不逞卽尉佗用以檄強
秦而樓船十萬師取建瓴下者已又出黔峽薄
三山厥惟羅旁蹂躪之舊區與西粵崗嶺更唇
齒相錯又南而爲合浦珠宮蠻蛋耽耽其欲僭
耳黎岐畫海沮蒞時擾時伏邇始一大創之猶
且莫必善其後絲斯以觀粵無地無壘萌無時
無呌囂而勞臣智士蒿目扼拏諸所爲布營壘
控險要頓兵庀芻者其綢繆之思抑何深而典
故具在按圖索之若臚列若掌脉將軍之爲力
抑又何勤也將軍久于粵熟粵事者無如將軍

司馬戴公言安得移日將軍帷幕中以前筋竟
粵事其見推若此今且弛負而去而猶拳拳于
嶺海儲胥之思甚矣將軍之愛國重于愛身也
余間謂將軍縣官一旦以緩急借南埽印竿比
赭瀚海猶能據鞍矍鑠如伏波將軍事乎將軍
笑不答然第令粵東之海波永且不揚桴鼓永
且不驚俾執綏被練者奉茲編而賴如將軍雖
角巾玄氅老尊鱸之鄉固且甘之矣

蕭美堂集

卷之十二

五

燕游序

于文若著述甚閎今弟紀燕游耳余惟鄒生自
齊游燕談天之舌至噓簫叶而寒谷溫文若嘆
不受也今寓宇統一國鼎在燕二百餘季來
爭名者走如鶩而重以具文靡于微纏酬往寤
於責負風雅之業多闕不譚非直有所諱而已
文若之游於燕先後幾四載而所職又毀鈴羽
繻之事日不暇給卽臚名不挾其思藁構不捐

其神安得篇章超詣乃爾今讀文若詩鬱宕沈
深望若幽燕老將山川實致其造焉夫此一燕
也風雅之業若留若朗而文若翩翩於臚名藁
構外振起正始之音彼夫淫思十季而後成而
董以靡曼之辭貴洛陽紙以是夸文若猶不受
也

憨山重刻壇經序

自達摩以心印傳二祖并楞伽四卷授之曰此
如來心地要門至五祖易以金剛六祖遂從金
剛悟入既悟寔衣鉢不傳于是楞伽金剛皆爲
絕學而壇經出矣壇經者楞伽金剛之註疏而
闡圓頓秘密不絕之學如摩尼珠如吹毛劍苟
非鈍根下器讀之鮮不決目洞胸涕汗交下者
直指人心見性成佛所謂教外別傳非與顧舊
本漫滅余將謀重鋟之梓而憨頭陀業先之矣
梓未竟余以入賀萬壽行頭陀扁舟破浪追

蕭美堂集

卷之十二

六

及靈鰲謂曹溪行脚僧可無爲壇經作一法施
余時未及擬議曰卽法施無踰頭陀第爲讚歎
如此

國朝制義極則序

漢東河山沮深士耳目亦若有所闕而不能遊
乎閭鉅所爲文大氏猶襲嘉隆之舊卽有雋穎
而億說亡當事倍功半余甚惜焉公暇士之以
文來者不勝應發笥中所攜名公制義若濟之
應德而下復承隆萬以來及近科二三譽髦之
作合得如干首刻之學宮刻成余撫卷嘆曰
國朝制義始不過一博士之疏義至濟之應德
諸公而風骨始高而剴刻性靈漸扶神髓至欲
規西京而鎔大曆則自隆萬以至今日而極矣
於是題曰制義極則夫極安可復加漢東士無
更求工于則之外令後世謂雕漢東士樸者自
余始哉

自敘十三試首卷

余所爲諸生試試輒首也蓋亦有天幸與余矜
棘而從學使者三郡縣長學博士七而所爲試
十有三彼其人設一衡量而覆而射之縣合奇
中才不至此矣卽兩浙諸生中不有赫然名高
才出余上遠甚彼夫時起時蹶何限至委百勁
於一北日暮途遠蹶不復起又何限顧歎其才
畢哉所爲天幸不余迨而余所爲十三試試輒
首而幾得於天幸之屢尤不余迨此余沾沾天
幸自喜文何爲肄業習之耳而且也升而博勝
鄉塾羣孺諸亡賴語並綴而存之此何異舞陽
穎陰爲人稱其微時屠狗販繒以爲佳事也則
可不然而將毋令海內窺見余此余沾沾天幸
亦以自解

泰徵弟制義序

當一世廟朝伯父漳州公與先君子並以明經

衡有聲諸生間所爲博士家言一出而人爭購傳之紙爲貴至今鄉先輩猶誦說津津也然公晚達位不究用其謝潯州歸而泰徵生始及期兩瞳湛若秋水與公奇肖公時時擁泰徵膝上謂有若何官之不可罷也卽泰徵嚴事兄司理君如事公而兄則又厚自遜至引醍乳以爲佳語蓋父子兄弟間更相矜許如此公歿之十有七年今上癸卯泰徵弱冠而魁兩浙所爲博士

家言人爭購傳之如曩購傳公言者而泰徵乃亟欲不佞序之以行夫不佞於博士家言渺所解今髮且種種矣惡能序而重泰徵獨以泰徵才鋒颯鏢足睥睨一世而冲夷醴粹胸中靡接構滓翳志一而神凝故其操觚靈異非區區佔俾可望不佞讀其言大較以風神見標以陶鍊見致以奧雅綿麗見裁卽時代流轉所不公合者色澤耳至其騰理湊而天真紆則亦奇肖公

蓋公之挂冠杜門謝賓客穆然若無與於世者垂十季所而泰徵自舞象時所沈涵已深圓源方折肖在神理淺之乎輪扁之對也寧詎必顏嚴耳屬之爲授受哉不佞旣多泰徵之善肖且以告族之箕裘苗播後泰徵而起者夫泰徵旦夕奉公車承大對且所不足者非季其壹稟於冲夷醴粹以肩重樹魂將所稱名德世載奚讓焉不佞又安用區區雕蟲之伎夸泰徵爲

游榆岬序

燕趙多悲歌而秦聲噍殺風氣靡盬豪傑不免焉乃余友燕山邢君士登溫恭長者而又博雅攻詩當其奉使之榆林鞞轍所憑耳目所竟輒爲詩而詩輒冲夷醴粹廣哉颯颯乎大雅之遺音也士登燕產而榆林實秦境彼其山川土風凌厲峭削不足以撼而奪其噉而冲夷醴粹之音卽山川土風且若夷其凌厲峭削之氣而澤

於雅者夫秦之聲噍殺而人競驚比遂至敢於
冒上亡等榆林之役帑三萬勞其師一倖尉任
之奚必士登要以宣究德意聲之詩歌令一言
雋于投膠一言溫於挾纊若刻中招亡四章雋
惋可泣神鬼而沉榆林踈跼探赜之衆皆其父
兄子弟卽無不感泣間語安得捷書歲入以報
使君夫士登不咕咕悲歌自喜而大雅之音至
能宣究德意易疏而馴役竣來歸以報天子

韻義堂集

卷之十二

十一

斯使不辱命詩不辱使矣

古今菁華內外編序

余當山居多暇屬兒曹課佔俾而羣從輩亦時
時以其業來因間閱近時制義幾於囊括百家
含漱二氏盛矣顧闌闌充棟之冊旣不得十一
而兒曹巾笥所庀涉略亦僅得十五且迂癖之
嗜無當於世鑒偶寓目賞心輒錄而庋之案頭
與詩古文詞並斯於制義亦稱不辱矣人謂

國朝以經義取士猶漢之賢良策唐之詩賦然
漢之取士非一途其錚錚者多以射策顯唐則
特重詩賦國朝亦特重經義是以一代英杰
靡不劇心濡首爲之愈爲愈工不極於工不已
故文必稱漢詩必稱唐若經義集無當於詩古
文詞而成弘以來名能工制義者亦第帖括之
工云耳卽一時命世鉅碩始固不能不斤斤守
其尺幅旣售而後乃始習焉詩古文詞何至未

韻義堂集

卷之十二

十一

離經生輒舍帖括而談名理矜辯博欲以區區
制義肖詩古文詞而出如今日乎夫一制義耳
淺言之不過經生帖括語深言之其氣脉之貫
注風神之融冶與詩古文詞亦烏得言異蓋自
有文詞以來此氣脉與天地之元氣同呼吸流
行在漢龍門氏綜二千餘季之故實驅騁上下
一受簡動盈數千萬言而其纂組刻畫之工密
若繭抽勇若猊搏驅役萬象涕淚千秋所以爲

古今絕技後之庶幾焉者眉山氏耳詩自漢魏以降至唐而律詩始盛律詩至七言而風神殆變要以高華閎麗沈深雄渾爲宗求之盛唐唯少陵一人而已世之著述家咸謂國朝文矩西京詩稱大曆其振始由北地信陽至濟南江左而極深盡變余竊以是程量今昔合前數君子之詩古文詞而才人之致亦畧備矣漫摘其意象之最近而可讀者與制義合得若干卷列

讀美堂集

卷之十二

三

爲內外編總名曰古今菁華藏之家塾令經生佔俾之暇時一游泳於所謂氣脉風神稍有會心何患制義之不妙天下或曰今之經生於制義止剽句調卽可以闢捷而取世資間有高譚神理亦陽浮慕說云耳而何有於詩古文詞乎哉則何異沆瀣濟飢狐白當暑中士不免大笑余曰不然今之制義雖名爲文而八比相屬亦猶詩之八句有起有束有預有腹於詩無不宛

肖蓋體詩而用文者也况邇來作者日新月異一篇之中雕績層出一比之中宮徵迭換必得詩之風神乃能發異采而擅高華必得古文詞之氣脉斯可以出奇無窮而無恣憑萎弱之病此詩古文詞於制義默相助發自有超於字比句櫛之外者且更不聞張長史聽鼓吹而得筆法觀舞劍而書入神成連先生處伯牙海山之闊見海水瀕洞山林杳冥鳥獸悲號於是援琴而歌遂爲天下絕何者宇宙能事皆生於情而入於悟苟情真而悟徹則耳可爲目目可爲指割可以知釣釣可以知射射可以知斲輪夫讀詩古文詞而於制義不瞿然躍竄然神醒而意消也者其亟寘之無爲吾古今菁華辱焉

趙冰壺瀝沆泮翳二編

盈震旦中千萬億劫煩熱銷盡而冰壺現冰壺者清涼圓湛之極也清涼圓湛太虛之本來曷

讀美堂集

卷之十二

四

不遂稱太虛太虛水也壺冰也中太虛而處守
冰壺者爲美睡生問生曷不遂稱冰壺冰壺有
待也生無待也壺先太虛而有後太虛而現生
先冰壺而有與冰壺而俱而彼塊盈丈者仰而
素頰而赭者周脉而鬱艷者起而馮勑而偃息
者皆非冰壺也庶幾哉生之所自籟而詩若文
其冰壺之沆瀣乎非生之所自籟而詩若文其
冰壺之滓翳乎冰壺而有沆瀣非矣有滓翳益
睡

蘇美堂集

卷之十二

五

廣東武舉錄序

歲辛酉

聖天子御極紀元薪禎肇始 詔廣文武士解
額粵武士額僅當文士半而今所廣額較文士
特加贏於是諸縵縵組練之士延頸跂足思一
得當以報其意氣激奮視曩且什伯維時少司

馬候代陳公風猷覽洽大中丞胡公號令先馳
中丞唐公聲靈暨被十郡之材官健兒業雲集
響應而侍御王公式臨簡之先是提調則方伯
吳君中偉以 覲行以幽越俎而代受事乃偕
學憲蔡君侃都閫潘君隆及百執事夙夜毖慎
侍御公興得真才爲縣官用羅士彌廣而布約
綦精於是合弧矢鉛槧三試之得四十四人錄
成以幽例得有言醮士竊惟古取士之法盡於
澤宮之試文武無分曹故周之元戎卽周之卿
士而太尉可相九卿可將也卽 祖制股肱之
佐五府先於六卿厥有深意何至分曹畸局偏
輕重如今日乎邇者三韓烽火幾徹於甘泉爵
賞懸而卒未有帥然策桐鼓而應者宇宙大矣
豈無奇杰亦惟是平日所爲蒐羅簡訓有未至
而駕馭之道失也 神宗鑒此曰遼東之事皆
由文武不和 皇上諭輔臣欲案行 先朝文

蘇美堂集

卷之十二

共

武互相彈壓之法懿焯 聖謨固已默挽二百
餘季文武偏畸極不可返之勢而綬纓組練之
士其延頸跂足思一得當以報又寧第一解額
之羸爲足感奮於風雲而已者粵介在南服然
文士佔俾藻績之業與吳楚埒麗之南卷今諸
士關弓抽鏃貫百步之的無畱行退而述金匱
六發之言又霏壘乎文也豈遂不得與秦晉燕
趙之士顏行而驅中原記稱粵幅幘形勢控關
越引甌駱山盡於海若萬騎雲立而飲於天池
固宜有奇杰出而應之姑無論戈舡下瀨雲麾
三將軍者著戡定功至歷人主嘉嘆卽邇者翁
源陳將軍起徒步而登壇提數萬之衆西盪播
東靖鴨綠功成身退穆無矜容有古名將風韻
士不啻耳而目之耶茲當疆場蹂躪 主上拊
髀勤求之會文武交重千載一時銘竹圖麟豈
異人任且有軼前數將軍而上者斯無負侍御

公簡免且而卜鷹揚之意則豈惟爾粵之光抑
亦執事者之光

題伍國開制義

制義於傳記詞賦之屬無當直刺伎耳至謂能
發宇宙名理傳聖賢心印更欲逆駕於記傳詞
賦之上似已獨無奈膚立稿中者以口耳帖括
謬托於名理心印而世儒憤憤以其啞吽囁嚅
者目之爲元局夫誰得而奪之以今讀伍國開
文始恍然知元局自有真可以懸國門樹標幟
於天下矣國開恂恂猶處子然於書鮮所不讀
而筆扛鼎足以發之夫宇宙名理聖賢心印默
則思惟盡絕何論語言言則要使天花亂墜石
人頭點豈啞吽囁嚅不痛不癢可了而國開以
胸中萬卷筆底千鈞了之咕咕刺伎胡至并河
洛洙泗鶯嶺漆園盡籠之於尺副大哉颯颯乎
以是駕于記傳詞賦之上詎曰不可國開削緘

旦發而夕以弁語見屬行矣鄉國洵殊國開豈
甘第二余更得而賀曰元局自有真以是懸書
樹幟引海內千百英雄東走國開之力也夫

畫禪齋詩藁序

當隆萬之際豫章蓋有貞吉宗侯云其風流文
采潤暎寰宇一時作者如濟南江左無不雕龍
繡虎推之與定交而今夷庚先生後先繼起實
稱聞孫夷庚齒方茂貌若不勝衣而氣凌千古

畫美堂集

卷之十二

九

能下帷盡讀其先世之遺書所爲詩與雅有遠
致又復賈其餘勇工篆籀八法旁及繪事皆駸
駸欲闢古人堂室其以畫禪名齋更以名其詩
夫亦謂夷庚句中有畫且妙得禪理以是稱貞
吉聞孫則可不然而吳興王孫世謂上下數百
年縱橫一萬里舉無其匹而僅以書法若繪事
當之豈無篇章率以伎掩自畫禪齋之詩行而
夷庚書法繪事卽與鍾王閻顧埒吾且無虞於

掩矣

詒美堂集卷之十二終

詒美堂集

卷之十二

二十

詒美堂集卷之十三

海堧祝以幽耳劉著

序

二十一史摘奇序

古今奇事備於史尤備於二十一史顧簡帙浩繁奇事間出自非嗜學強記亦安能竟之夫泛溟渤而采珊瑚其得濊澁鐵網者蓋鮮已姑就李閻生大行以註誤左遷客建武諸傾閻生才名者載酒問奇無虛日已而得其所喪二十一史摘奇上自玄黃下及流峙中而世代社屋襍祥淑慝之徵以至人物倫類羽鬣蜩螭倏忽奇怪之迹靡所不磨撫讀之如入武庫如探波斯舶如進偃師而觀場如燃犀於牛渚之上如蓬萊清淺俯鼉市而指蜃樓所見無非奇也者夫合數千百年之宇宙時時供造物者之簸弄而合數千百年宇宙之奇又時時簸弄于閻生之

筆端要以宇宙無奇卽大塊幾不靈史乘無奇卽簡冊皆腐本而人之耳目無奇聞見卽有奇聞見而不及上下於數千百年之間抑亦與無聞無見等此摘奇之所爲作也或曰宇宙信多奇彼齊諧夷堅汪洋俶詭業旣充棟而茲又何以摘爲夫齊諧志怪夷堅燭幽率多稗官氏之寓言乃若郡國所貢輶軒所采左右史之所記金匱石室之所藏奇而核箴繡具焉故足術也閻生旣奉檄將歸云當從白下竟殺青而付梓而以序屬不佞會春流驟漲一舸艣繫盱江信宿不發因爲艸數語持去且問夜來風雨淫淫蓬底簡帙亡恙乎蓋閻生始來建武兩蒼頭所持敝簾耳而二十一全史橐焉夫以一遷客覽覽往來三千餘里汗駝壓載皆是物閻生其亦宇宙之奇人哉

輯胡哀烈遺錄序

余少常覽鄉先達鄭端簡公吾學編所紀胡哀
烈事甚奇而文更瞻核讀之至今凜凜有生氣
乃今濫竽茲土而哀烈之從孫諸生來貢出所
輯哀烈錄則諸名公之篇什爛然具在尚有續
輯一卷余亟命併付之梓爲三復掩卷而歎曰
嗟乎婦之事舅姑猶子之事父母固也彼父頑
母歸惟號泣於旻天而凱風之詩亦怨而不怒
古仁人孝子不幸而處人倫之變斯爲得天理
人情之至然頑嚚不安其室在人子之於父母
猶得以天合至性委曲感動若哀烈所處則婦
之於姑至貞淫共帷親仇共室悽風烈日共暑
怖悽憫惻共念百折萬荼以異感動而卒不自
明以死異哉一農家女賈人婦耳而能爲古仁
人孝子仁至義盡之事而無愧色其照宇宙芬
竹帛祠祀不絕有以也曩彼仙媛是凋三光不
有貞烈孰肩三綱後五十餘年而有澳源宋孝

烈之事別有紀

天人合脉編序

今世之微福澤爲子孫謀者不勘諸心術行誼
之淑慝順逆而其最沈惑者毋如地理次則好
言命與相與卜謂命與相分定不可移易旣足
以銷人繕躬營職之思而卜則妄探于未至之
吉凶而不審諸人事之得失至于地理之說且
謂足以幹旋造物而滋其惑於是庸叟黠豎得
操其冥不可知者以蠱弄一世余於相卜猶謂
古人亦或不廢獨地理星命二端直斥其妄及
觀空青先生所著陽宅三十六祥與胡處厚心
相三十六善咸有味其言之而命與卜則未及
也余竊倣古人之意述造命三十六瑞卜筮三
十六吉以補其闕皆顯然按諸人事而不在區
區支干繹兆之間蓋天人原同一氣其淑慝順
逆與襍祥凶咎氣相感類相從毫髮不爽若舍

心術行誼而別求冥不可知之禍福雖宅兆命相足以發祥而方寸中無一片朗徹平直可以受福之地卽受之必溢且傾而不可久矣在昔名公碩彥其閱世深而見理透格言莊論昭灼簡冊余取其旨最醇而事最核者條列之而益之以迂愚一得題曰天人合脉編以就正於有道君子

武塘康侯新政錄序

治美堂集

卷之十三

五

青原於海內稱忠信禮義之鄉福其屬邑也土風尤稱醇茂名賢輩出若今武塘侯康公余得傾蓋青原知其爲天下士如今東甌當事者謂不足充公才而武塘爲浙西嚆邑得借公幸甚已而有攜公新政錄至白下者余得而讀之良慕歟猷不一而足而其大者甫下車卽却官衙供具約二百金斥買負廓地掩諸暴骼遠邁蒼生聞者無不轉相艷述焉他如罷訟有禁竊盜

侮文有禁慙猾遊治奇袤之民有禁而疏畊渠均什一示節儉孜孜與民規便利暇則延禮逢掖追琢其業而董正其步趨士靡然顧化邑以大治夫公之治邑士民有鐘鼓史乘有丹青安用余沾沾與人後爲緒說惟是公生忠信禮義之鄉廉仁正直不獨其天性蓋亦居平討論漸厥有本原方其下帷誦讀時已卓然負公輔望而余之知公而嚮公已在武塘士民之先樂爲之書

治美堂集

卷之十三

六

大生方論序

夫生人生物者天地也故曰天地之大德曰生天地之生惟大德而後知鼓潤燠散原隰肥磽德也非所以德惟人亦然竊嘗閱世而知凡人之有生德者卽與天地合其人必多男子蓋化醇化生自有嘿相搏挽之理而血氣筋骸之盈虧強弱不與焉故古稱舜德好生其以大德獲

福究至于子孫保之而經傳所紀惟舜以九男
二女特聞理有固然亦何足異今岐黃家謂人
之生本於精血而精血統於心與命門此其說
固無以易余則謂人與天地合其生德者非腎
與命門乃心也卽岐黃家亦豈不以心爲五臟
六腑之君乎復見天地之心正見生生之心天
地生生之心正爲大生之德而先儒言心如穀
種言生生也釋氏亦謂萬法生於心道家謂衆
妙之門在谷神不死由斯以觀此心之中冲然
湛然純是生機生理而一毫陰刻噍殺之象不
得而融之心生則百脉皆生精與血無不隨之
而生者所謂與天地合其德先天而天弗違者
也卽陰德之說吾猶以爲是後天之補助不免
落第二義而況藥物乎哉且不獨男子也婦之
婉孌淑順以婦德稱者率云宜子彼亦具有天
地之心德與男子合亦屬先天至於醫方之有

百子九子六神二仙用以補助精血詎不奇中
然皆後天而奉天時者也余持此說以閱世徵
應百不失一今讀大生子所著撰余未能一一
悉其義然有味乎大生而爲言也自大生方論
行而以後天補先天以先天券後天當萬不失
一

時杭秋健序

余嘗聞大宛所產在貳師城所謂白犧蜚黃之
屬其平時或奔蹏泛駕及秋風颯然生蹄鬣中
耳堅吻赤鈴目自紫蘭筋欲蹙然後狀若待馭
而姿若矜羣一日千里又元命苞曰瑤光散爲
隼鶚立秋始擊彼所爲鉤琢荆爪大文細纈聲
叶鍾石一舉而絕青冥亦非乘秋不能何者物
得天地清肅之氣以生必以秋健而況文章尤
得天地至清至肅之氣者乎今之談文家動稱
骨力而粉澤左次夫文至八代而衰正以粉澤

之徒工而骨力猥弱不振卽抽黃對白燦若錯綺而識者直命之曰衰近日之文豈遂如八代之靡然而粉澤亦似太工粉澤工而骨力不覺其潛遁則亦不能不動識者之憂矣余戚友

纂諸家之文而梓行之而題曰秋健昔黃帝迎秋西郊奏黃鍾舞雲翹以秋與灝氣應而秋之神曰蓐收其景爲澄爲朗爲澹爲露爲珠其月爲璧其風爲金爲素爲激爲淒爲高而其節爲玄皆文象也皆健象也以此思健健肯深矣若犧黃隼鸛之乘秋而健雖其健能駕千里絕青冥猶之語秋健之淺者也

題重光錄

主上賜誥褒予榮及先臣洎母若臣不勝感激竊惟先臣事 先皇帝爲良二千石身不及攷而母猶安人稱也臣誠不自意釋槩縮符無以究宣德澤萬分一而猥荷 主上特俞臣疏下

考功議先臣得階進四品階而母得從先人爵殊恩仰至臣不勝感激敬奉 綸言而錄之曰重光拜手梓之用垂世

題章氏宗約

古之氏族多世臣故宗法得與治法相提衡而不替章氏之冠紳烏奕江以南而其在吾寧者惟孝弟力田守詩書之澤而不甚顯顧其人恒草率自樹若茂才君問奇父子者能修先世業着宗約以明邇本修睦之道率是約也萬指若合一體罔闕三代之遺庶幾復睹於今日矣自惟余祝氏支庶最號殷繁詩書之澤不替而未有如茂才其人者攢承先世之緒擲管泚頽

自敘制義

余少時爲制義不能守其師說往往有所軼于尺幅二三友生見輒喊去以是當操觚時不得不抑氣以就格前摹後規鬱不自鳴幾至罷莫

卽幸而見收政亦所謂大慙大好者今去昔且若干季文體幾經番覆而邇來未戌兩制科一時海內雋穎至盡舍帖括特標名理直將以三寸之管吞吐百氏恢奇閎恣莫可端倪蓋其勝氣之所飛揚而才情注之有父兄師友之所不能束而繩者然則今日士之爲文第所患才耳無所復虞於尺幅辟躡景駿裏脫驂逸駕驕嘶縱騁于九緯之涂安所不極其造斯亦 昭代

讀書堂集

卷之十三

十一

右文士逢世而得畢其奇之日也余山居無事每展冊伎癢時一爲之游戲而齒增才絀不能如五陵豪舉時詎可令少季見見之不駭我更笑我矣夫一制義耳工拙固無論卽工矣曾何當於不朽而輕以蒲團日影用之于無所用豈亦爲多生以來業習所轉耶又不能不自笑也

梅雪上人詩序

余里有龍山蝦蟇欲飛 國初望氣者建雄剎

其首丹甍縹渺出萬松間僧徒百餘輩而梅雪者好稱詩又好遊足跡幾遍吳會其於西方教飯雲棲於叅禪談經飯四明茗雪而其所取自喜獨詩旣成帙將付梓矣 而謁余問序久之余未有以應也余惟古之詩僧其最着者僅僅辨才皎然靈一貫休法照數人要以慧性旣異復得裴陸孟顧諸君子爲之訓往劇切固宜其詩之傳今上人慧性卽不遜古人詩亦駸駸登

讀書堂集

卷之十三

十二

登古人之堂而余爲上人里人不能爲之訓往劇切何以序而傳之且上人足跡遍吳會不以謁吳會之賢豪而必得余序何也昔有人五臺禮文殊者或謂文殊不在五臺在汝眼中試以汝手遮眼在十指掌中佛固有失之大千而得之咫尺者上人之必索余序亦見佛于十指掌中意耶夫見佛于十指掌中將行脚之與面壁念佛之與叅禪稱詩之與繙貝大千之與咫尺

是一是二總不可思議上人方從當世之名宿遊其以余言質之

綱鑑集要序

儒生學問其大端有二曰史學曰理學自後儒以理學鳴史學左次乃至今日而絀于制科之經義余甚惑焉在昔良史自左馬班范諸君子而下獨司馬氏之資治通鑑朱氏之綱目上鴻濛下迨叔季靡所不囊括後之學士大夫從錢徑跡舍是無繇而成弘以還名德鉅儒能工制科之業者率用是以爲公車嚆矢願通年來士鬬捷於文義通鑑綱目概寔不問偶得篋得之輒大駭以爲安用此烏喙藥籠中自誤誤人而其最雋穎者第撫拾諸子二氏之膚理以供釘鉅於是五尺童子甫脫句讀卽取所爲撫拾釘鉅語字襲而句摹之謂可旦夕儼青紫足矣夫青紫卽遂爲其所獵取異日者當大事

大疑有所引質論次欲橫襟豎毫援証今昔其可得乎然而世有雋穎之士豈其不欲以辨博見長而簡帙浩繁不無虞於日暮途遠此理齋先生鑑要之所爲集也先生以博雅著稱胡舍綱目諸史而亟亟焉規其要哉亦以士誠熟此於古今興亡淑慝之大較已如指掌且不過費寒燠三餘力可辦於文義政不相妨寧獨不相妨而已古今可喜可愕之事境觸神躍拈題命筆上下千載一抒其跌宕淋漓之槩將識力頗進於文義亦大有裨補何至一二經義成卽伎殫能索無復餘致至於棘闈射覆十不得一其不能橫襟豎毫又寧俟異日而後見其困也攜李孫君茂敘丞承家學所著述甚夥茲手鑑要過不佞商訂而復從不佞問序不佞則謂孫君將無以烏喙賦士乎哉孫君曰不然士自諱其疾卽對症之藥吐而不嘗今子業用上池水洞

垣一方矣茲集也以爲烏喙惟士以爲醢醢爲青精飯亦惟士

題舊邑侯偶愚陳公甘棠重陰詩冊序

公之去吾寧垂四十載而甘棠遺澤民到於今稱之自公之謝司馬郎家食者若干年今上御極大蒐巖穴遺逸之臣公始起田間僅補南版曹而余乃得與公相周旋脉公于慙已鬢髮白而兩輔猶丹步履神明自如會吾寧諸踐更諸美堂集 卷之十三 五以歲賦至公一見忻忻猶慈母之抱子諸踐更亦猶赤子且免于慈母之懷而夕就之也於是相與謀繪圖聲詩以識不忘蓋吾民之得事公於今少者壯壯者已老而父兄子弟居平轉相頌述猶若耳而目之公才甚敏又仁心爲質其治邑大要在祛積蠹令胥隸不得爲奸欺而省刑緩征範士訓俗務與民休息門以內日如衰門以外日如盾而簡髮數米鈞脈析亂民以驛

騷公不爲也夫前公而令若後公而令者幾人其殘膏剩馥能與山川社木俱存者幾人公何以使吾民愛慕咏歌之於四十年之後也夫能使吾民愛慕咏歌之於四十年之後卽百世可知已公治行卓犖業大書特書載之貞珉不具論

曹谿實錄序

曩余奉 命備兵粵之南韶賭曹谿末法陵夷諸美堂集 卷之十三 五而佛土之幾爲闌闌也悉逐諸屠酷及所畜雞豚鴈鶩之屬三日而盡戒僧徒永斷酒肉卽客至啜茗或具蔬食乃稱清淨道場庶幾無爲肉身菩薩憑造累劫阿鼻惡業諸僧徒始而廩廩旣乃讚歎踴躍若出湯火而沃以清涼語具余粵遊草中是時憨山大師方演法五羊遠近緇素仰若龍象會余以入 賀將行慮業習之難前未法且終不振爲敦請大師來主是山余旣

從五羊面叩之謂寶林一片地千古一大事因緣非師其孰與仔肩師唯唯送余及靈洲而別迄今辛酉余復持籌海使節過寶林荏苒且二十餘年而師之去寶林亦久矣睹所更建所條布犁然整肅而僧徒皆披緇諷唄視昔鬚鼻荷鉏目不識之無字恍若奪胎蛻骨在三生前其跋慕師而與師之旦夕復來不啻赤子之慕慈母因索余數行走匡廬強要師無何而余誤蒙

醫士堂集

卷之十三

七

恩以勳卿名還陪都歸舟薄清溪未及曹谿者三舍而寺僧以師尺一并所纂曹谿實錄來發函而首以夢习泡影語相質蓋深有感于浮生去來離合之無常也及繙閱實錄則經營計量皆有爲法夫卽云入妄想中種種皆习則寶林曹谿亦幻卽梵宇遺蛻衣鉢等當無不幻焉用此科條森肅米鹽纖細以煩僧徒且實錄中不以常住法爲僧徒律令乎一切有爲皆常住法

而所云夢习泡影則不住法也有常住而後可以不住有不住而後可以常住常不住有常住常不住而後可以無住無不住惟常住而一切夢习空不礙有惟常不住而一切事爲有不礙空大師旣以諸有訓戒僧徒莊嚴佛地而特從數千里外諄諄以夢幼語相質豈以軒冕風塵余猶二十季前行脚面目耶書畢汗下

卷之十三

八

詒美堂集卷之十四

海埂祝以曲耳劉著

跋

書劉文房詩集後

余既梓劉文房詩度之郡齋而篋其副至燕諸君子踵相問不給也程孟孺慙慙更梓之而且出舊本相正於是損半歲俸托之剞劂夫以余之不文而藉文房以張隨一之已甚奈何作重
詒美堂集 卷之十四
僅也梓成一帙

書安福劉師母彭孺人手蹟後

壬戌余以南動卿過吉安入謁師母劉夫人于家時方有家難見余淚哽塞不竟語已而出所手書一冊示余中間歷敘其砥節持家及勤苦操作字字酸鼻讀之不但知師母之賢且才而劉氏家範之肅世澤之長具見之矣我華嶽老師守官清約位不配德傷哉其無六尺之孤也

今繼嗣已定蒸嘗有托凜然有國法有清議其

誰能蒙而蝕之惟是承嗣者無墮堂構克紹其

裘以慰我老師於九原以善事師母于百歲此

日夜祈於福善之天亦祈於當事者不畏強禦

持風化而恤孤寡書畢淚瀾汎紙上

書棠陰遙祝卷後

張君之去全既十八年全之人猶思之爲棠陰

遙祝卷贈君而四明范司馬當守隨時與君善

詒美堂集

卷之十四

二

及填虔南君歿且三十年矣其子湏一椽史耳

司馬爲表其墓且手書授湏以歸而一時虔南

藩臬大吏而下靡不心異湏何以得此于司馬

嗟嗟此兩端者自全人及司馬高誼乎乃張君

之所以爲德於全與所以爲德于鄉者斯可槩

見矣後司馬表墓時又四十年而余得披是卷

會蒲騷陳先生編郡志役且竣余間語張君於

先生乃亟爲傳補之稱述其生平行誼甚具意

若幾失張君也者因爲題卷後授潰與潰之爲子若孫者藏之

書守愚公手跡後

右曾伯世父守愚翁手蹟中所紀卜葬龍山始末其情事懇析覽之不勝感慨追慕之思焉奈何一再傳而其家孫大潰其家并松楸楹祀蕩然無存而獨此手跡更有餘年猶完好無失將祖宗有靈實呵護之而家孫婦陳苦節有才智三世撫孤成立茲編亦其所謹藏以至於今者也夫守愚拮据遷其祖父遺蛻去黑就阜且慨然與同堂諸兄弟共又不難割山之右方與再從兄虛齋守默俾得奉靜安府君而下咸徙吉壤此其誼至高雖求之古人中未易多得若末季賸賸一惑志於堪輿卽同室爲秦越聞此不少愧乎旣得受讀敬題其後付節婦之孫宗文輩藏之

又書

蠖菴四子長守愚於祝氏稱小宗守愚長孫世京旣廢業餘亦淪徙相半獨以幽高大父省齋翁爲蠖菴仲子而曾大父東田府君又省齋仲子始用經術顯至以幽凡四世咸叨纓紱茲山實發祥云竊念諸高曾窀穸鱗次相距僅尺咫其吉凶得失何甚相懸而守翁仁心爲質其子若孫衰落乃若是天之報施善人其何如也雖然以幽四世幸叨纓紱而靜安而下其孫曾之貴顯亦比比歲時伏臘子姓羣集輒誦翁高誼不待讀翁之手跡而族長老之所傳信猶恍如昨日事則翁之懿行令名當與龍陽孔洞嶙峋蔥鬱之觀共存於無窮且翁克讓高誼旣視族屬猶一身又何榮瘁彼此異視哉假令翁當日專一整而私之至一再傳而後之人凌夷不振卽不轉而他屬亦必且鞠爲茂艸安得歲時伏

服衣冠俎豆於茲山如今日哉則善永令名與
善存丘隴者罔莫翁若矣自辛丑迄今庚戌凡
十年節婦及宗文輩俱沒藐孤犢犢慮茲編之
或就散逸也屬以幽錄其副而藏之復識其後
如此

書天人合脈編後

余既敘述天人合脈編攜之豫章或曰入國問
禁豫章於地理星命酷嗜深信而地理尤甚在
縉紳學士家則尤甚子安能以單詞入其所深
信而敘之好余笑置之已而縉紳學士頗有見
而悅之者而鄒南阜先生則深有味乎其言爲
紳一序行之其言曰余間溺而竊疑則先生猶
不免於惑溺而況其他乎初止地理命相三則
今益之以卜筮夫卜以替疑然必事理之是非
灼然在聖賢不廢因以卜其後日之成敗利鈍
如反是而先自有一覲覲倖僥之心雖抱耆問

蔡豈能有如響之應哉故復敘述卜筮三十六
吉補前三說之所未備

書飛燕外傳雜事秘辛後

趙后外傳與漢雜事秘辛文章之妙可爲並絕
其敘飛燕姊弟始進御時情態及如瑩面發顏
抵欄以後足令僧繇虎頭閣筆蓋古今文士道
女婦閨闈事甚多未有極真極奇愈褻愈雅如
此者子千氏或借以抒其不平而梁異當時雖
危狀亦略可見余獨怪樊姬吳姁皆椒房中嬪
賈奈何人主之志不蠱也

題楊妃禁牙圖

唐人好言阿環事卽回眸一笑語自是句中畫
而此圖則寫其病齟時態含顰掩黛低徊不勝
轉復生妍與夷光捧心可爲千古同病相憐矣
賞鑒家定爲王肅之筆肅師事周昉能去其板
細於風神流動處得力若此圖摹寫意象真八

神矣若運筆瀟灑設色古淡位置停勻抑其餘耳每一展玩殊自不禁當時李三郎據几分痛其情態固自宜爾

書天人合脈編後 又

余所述造命三十六瑞止爲經生學士言不能如古人語語身心之要然于舉業家伎倆已似盡傾秘密藏矣今經生學士反躬內照其不潏然汗浹者幾希恐未可盡委諸命也至于命蓋直邇生人靈慧稟於先天之清淑曰清曰淑靈慧出焉而福澤亦胚焉天地之氣未有清而不淑者則人之靈慧與福澤本同一源而文章與名位亦非兩轍故文章卽命一語雖爲經生學士而發而凡厥生民亦莫不然如耕者糞多力勤則稱上農操奇贏善居積則稱良賈其它曲藝苟擅技巧亦稱工師世有以力穡敗農善息廢賈伎巧而不見售者乎若鹵莽而天雨粟拙

計而拾遺金者所見有幾乎倘人事得失外別有冥漠顛倒與人事絕不相應之禍福則吾儒所謂百六陽九二氏所謂業障而豈可執以爲常哉或曰誠如子言富貴福澤皆由人之才謂經畫而得而天爲無權矣是不然後天之靈慧皆出於先天之清淑猶種之於苗蘖之于酒也同源合流一而不二而安可以有權無權論耶惟是行險僥倖求之不以其道則所謂才謂經畫以陰賊猥巧用是末流習染之私智非先天稟受之靈慧雖得必失可倖而不可常何者其陰賊猥巧與殃咎亦同一源流也此天人合脈之旨也

贊

自在觀世音贊 有序

虎林善知識周姓者謂余閩海之南有
塑工以莊嚴大士妙天下余托致之辛
亥三月發秋八月爲期余逡巡至孟冬
廿有七日戒使往迎則大士不先不後
適以是日至自閩大士跏坐盤陀石左
手據石右手安右趺所謂自在觀音相
也端嚴妙麗目所未睹奉戴而出士民
瞻禮闕塞途巷於仲冬三日奉供於旂
檀館中而爲之贊曰

我聞觀世音亦稱觀自在性體本如如一切無
罣礙無罣礙故圓通湛澈超四諦入三昧若慈
而肅安而恭申申而顙顙大衆所共仰瞻僅得
其自在之容空之則水月玻璃而有之則千手
臂目觀自在於是相非相不有不空

女兄許母像贊

莊淑閒靜者度而慈孝仁敬者乃其素豐願月
輔者容而警旦惕夕者乃其中若子之思貌之
更三年而未已所托以盤礴經營者且三易綃
而猶鬱伊于髣髴之似夫以貌貌之而不能將
無以言貌之而庶幾得之於若弟坐如凝視如
止而語如屯斯不已遠於澤而近於神又何必
展轉于貌之似與真蓋莫真于仁人孝子之心
望山查翁像贊

頤而豐願渥而便腹知白守玄知蜚守伏識貌
之非山澤之癯而中測之悠然爲天下谷當其
手炙轉熏汨然若與衆左及夫霜落水涸恬然
乃見真我雖有九阡不易三徑月灌烟鉏金苞
紫孕聊以送日聊以寄興抑閭鄴谷之民多上
壽飲菊液而餐菊英翁今八十得無兄柴桑居
士而彌希夷先生也耶

卷之十四終

詒美堂集卷之十五

海堰祝以幽耳劉著

記

泮江塘記

浙以西凡水皆出天目而滙於具區其洪流既由茗雪北走而其支東北走檣李又其支東走海寧則泮江全受之蓋海寧南控大海海上諸山自天目飛舞而來森峙海濱獨泮江逶迤環邑之北負陰抱陽而山海蟠鬱浩漾之勢咸藉此一衣帶水束而扇之而且也邑之漕粟數萬石歲輸官庾所必由道而士民工賈上溯錢塘沿洄下吳淞橋李舳舨航絡繹奔會風檣雨篙呿啞欵乃之聲與舳芷汀蘋相映發而無間宵旦顧水之嚙堤膠舟與舟行之淹速勞逸皆係於塘衆人徂故常謂塘之治與不治於河流固無恙不知舟之所藉以牽挽者止此一綫之

途耳牽挽之途梗將千斛之裝千指之載皆僅僅取進止於鳴榔柔櫓之力而當其水暴激或挾以石尤長年三老卽竭蹶其手足而無所用此塘之所關於江者大也成化間當事者常備工輦石一大飭治而歲久潰泐數治亦數圯此非獨水勢蝕也亦由瀕塘居民護其籬落若膚髮虞塘且闢將不利我垂蔭之檣榆遂寘公家利害秦越耳迺里民蔣坡等勇於義慨橋梁圯斷之日就傾圯徧白臺使者若監司郡長願一切以身任而邑侯郭公更勸勞而子來之不費官帑一鏹而塘以闢治其故所建置三十六橋如虹如蜺綿亘起伏而泮江之流若增而長若濬而深矣是役也赴之自民營之亦自民業不自愛其籬落檣榆以急公家而成之易且速如此抑可以卜異日者民之愛其塘若自愛其籬落檣榆而不復爲沮洳蓁莽審矣迺鄉三老更

相率而造不佞謂前此塘之數圯而數治也而無以記之則何以勸後而未垂也倘微惠一言載之貞珉庶幾哉塘未永且藉以無泐乎不佞則謂若輩勇於義能闢百餘年未竟之緒又不佞自愛其籬落檉榆以公諸四方往來所不知之人此解豈決藩之風吾觀於鄉而知王道之易易也又何患茲塘之不與天壤俱敝哉不腆之辭且藉茲塘而無泐矣

周將軍死難記

當世廟甲寅乙卯間倭奴犯閩浙乘汎直躡內地會承平久民不習兵所在無不望風奔竄而倭奴恃其長伎舞刀跳躍如懸孫如飛鳥卽倉皇新集土兵素不閑紀律遇賊輒抱頭反潰至蒲伏乞憐長跪受刃於是奴益猖獗甚所過焚劫廬舍標掠子女金帛備極荼慘而吾園花里最近海與澈浦石墩諸寨堡相錯爲賊所必經

道周將軍者奉督撫中丞李公檄與叅將盧鏜各統兵駐園花之崇教寺將軍善騎射與士卒同甘苦帳下健兒無不人人可一當十者時倭奴據石墩懾將軍威名剽掠至鳳山止不進而鳳山以北之居民猶恃將軍而不輟耕不罷市也居無何而流言洶洶謂山以南民且無噍類勢必傍及一鳳嶺安能障之將軍嚙指奮臂曰山以南獨非赤子耶而擁衆坐視何以報中丞鏜次且不敢應謂日時不利須後期將軍恚曰我不利出師彼何以利入寇策馬彎弓而前帳下諸健兒從之而土民千餘人願隨行助聲勢於是悉黜其鼻以相別識行至河橋有二鴉飛鳴馬首將軍仰天射一鴉墮地衆心竊疑之將軍不顧鼓行而進遇賊數百步外與健兒引弓射無不應弦而殲者斬數十級賊潰復追逐之至放鷹山條菁蒙翳賊伏露圍敗垣中馬經行

垣側賊抱石擊將軍中額身被數創馬咆哮
歸崇教寺越宿而絕馬亦不食三日死先是將
軍與鐘約吾先驅君後至爲犄角日晡當會菩
提寺之陽鐘負約不至矢盡以報鐘復不應雖
賊之狙擊出不意乎實以卒寡無援兵將軍倘
不死必有所以酬賀蘭之矢者而竟死悲夫是
役也戰卒不滿數百人以當賊新勁能大挫其
鋒而風山南北時時挾風雨爲金鐵戰鬪聲賊
相戒不敢近將軍固曰吾死當爲厲鬼以驅賊
亦賊素懾將軍之威草木皆兵矣自是 當宁
不勝南顧之憂而一時制閩大帥調募川粵第
貴諸番漢兵以數十萬計糜國家金錢以百萬
計而所募卒皆不習倭又川麓逶迤不成列而
亂相枕藉膏原野欲如將軍之斬級追亡挫奪
賊氣者不一二見而當事者沒其功不錄迄今
六十餘年父老時時能道之而 恤典尚虛祠

祀乏絕將軍忠覓無所憑依至熯溢天扎村社
巫覡禱祝祈請必曰是周將軍之怒比者督撫
中丞劉公因諸生胡某言下郡邑議祠祀而余
里許比部同生慨然身肩其事庶幾足慰將軍
之靈于九原矣夫以賊之剽掠屠戮前後幾七
八年迄未聞有對壘交綏者何問舉旗斬馘功
卒用細人計以金珠名倡誘致其渠魁掩殺之
以大捷聞何以爲東南宇宙灑創殘腥穢之恥
且鼓將來忠勇之氣若將軍者雖飲恨以歿至
今令忠臣義士譚之凜凜有生氣吁士安可以
成敗論哉將軍名應禎中都留守衛人時爲浙
都使司僉書故稱周都司云

遊雲岫庵記

諸生時作

伏瞻眎慄眩已由東南攀緣而上可里許而奇石橫道周爲馴獬爲怒猊爲踰且搏者爭共其態而稍益迫海濤聲與松聲叶爲律盡耳目胸臆靡非山水矣又稍折而東可二里許爲雲岫庵隱踞山隈利貌卽隱而頗嚴整條檜間密幾不似人間世第問所爲荒碣隻言了亡可讀而天禾池亦且爲庸淄所陸沈董一露井不受劫而泉甘冽沁齒已得項少嶽先生手書扇頭詩

管集卷之十五

七

七

先生孤節自好築室駕湖南浹顯者欲一見而未可得先生不以余年少而易之時扁舟竟造必淪佳茗竟日談不勑今先生奄化去矣幻宇勾軀有盡而唯詩若泉當分領茲山千古之勝令人噫慨深又四年而爲已卯決笑一贖未盡之興而四明趙君龍陽爲詩撩余遂於十七日同叔父若季晡刻楊榭至譚家堰弃舟奚奴肩具以從抵談山嶺迫下春矣鼓勇躡磴而上西

望海山潑黛半銜落日已冉冉餘赤光一抹疾如電逝照烟四合曾不辨擇道景物悅殊昔時獨松濤怪石較昔尤奇昏黃抵庵所蓮燈已燭仰天時見一兩星少選月從東白而巖脊右障得月頗遲久之倏吐一痕俄而玉盤霏壘松頂露葉晶瑩若萬點玻璃晴久亡寸翳長空若浣始計繇澈湖放舟酌月而後卽庵虞畧嗇于道與計左於是因曄所構榭選磐石趺坐憶唐人山空月色深自是佳語爲浮白無筭僧出蔬品佐酒庭月正中啜三爵茗就枕清輝徹戶寢寐起松風颭颭襲肌髮甫擁衣禪榻而雞旣鳴矣亟捫蘿凌絕巘曉色已動顧猶不得日四顧白雲數十縷發如炊烟已如木棉花一白亡際羣峰僅露其髻少選羣峰盡沒而所謂股掌大地皆成海矣頃之頽霞一點忽破天水混茫而旒者誕者遞起眈眈刺目又頃之日輪鎔漾而上

卷之十五

八

徑可三尺許海中萬金虬蟠委蜚動第與所謂
未明先見日特異令人熬起日觀峰之想至所
觀白鬢奇甚僧亦不能應飯畢道九曲嶺間激
湖夜來寥吳僧故惜別且必欲下至獅子峰前
而後返峰當九曲之半嵌空嵯窔與飛來伯仲
繇獅峰折數十百武見葛母葫蘆揭荆諸山迎
皆入翠因指顧愴怳忘別笑謂僧獅峯得無爲
虎谿耶窮嶺而北岍芷猶溼問知爲晨霧所清
念向觀白鬢蓋霧也而鷹山蓋迥出霧靄之上
矣又北可數十百武爲湖多渌而蘊湖之概攸
于海羣山四廬意得月而後能勝諸公鈔畱色
當締後盟耳尾湖堤又折而北搔首來時九曲
宛若羊腸諸峯半落天外爲之懷然遂緣譚山
嶺左麓而返至譚仙廟譚仙者蓋譚景升煉藥
得道飛昇處也藥爐丹竈猶存相與藉艸小憩
西眺朱甍隱約烟樹間者非靈泉寺邪吾鄉山

卷之十五

九

九

水僅三十里中而靈泉紫薇鷹窠勝略相當卽
鄉之人多未及涉乃唐白香山宋張無垢明孫
太白少嶽諸君子至築室經歲畱連而不忍去
而山以紫薇臺以讀書名此古今人子不相及
而山川有幸不幸也十月廿日記

疏

瀝血陳情乞准先臣原職進階以廣孝

治疏

卷之十五

十

臣由萬曆十四年進士除授今職三年考滿給
由赴部蒙吏部考覈稱職題奉 欽依復任請
給應得 誥命臣自惟蓬紉豎儒遭際 明聖
纔離削槩卽綰守符三年在事內揣無涓埃萬
一之報而猥荷 皇上褒予錫之 恩綸并及
臣母臣妻榮寵已極踰分蒙戴已自不勝安得
復有希覲願臣父世廉由嘉靖三十二年進士
歷任河南汝寧府知府服官董踰二載劾薦已

經四次於嘉靖四十一年朝 觀該省撫按會
舉先臣卓異有五花攷語在吏部可查止因到
京感冒寒 致誤過堂遂以不及擬調尋卽卒
於京邸臣伏睹吏部執掌內開一款父職高于
子者于原職上進散官一階今臣父職高于臣
例得進階但經考察擬調執掌未經詳載臣一
念報本私情迫切茫昧不知所據及查先年原
任刺州知州文羽麟被劾降調閒散伊子文德
以歷城縣知縣三年考滿請復父原職致仕今
臣父止因臨期患病官守原屬無疵非被劾降
調之比卽不及調簡猶爲知府無庸請復原職
似得幾幸新階伏懇 皇上推廣孝治憫臣私
衷 勅下吏部准予原職進階庶先臣生前因
病望誤齋志九原今得霑被 恩數枯骨再肉
而臣身沐 褒寵亦得侈耀感慰于松楸寂寞
之原存歿有餘榮矣

奉差事竣思親成疾懇容在藉調理以延
殘息疏

臣於萬曆二十一年四月銜 命遼陽 諭賚
東征將士隨往山東浙直等處催趨徵調官兵
而臣母周家居書來念臣呼臣情極殷切臣當
食廢箸因成怔忡咳逆等症蓋臣賦性本弱當
夏秋暑濕兼程五千餘里釀病已深一旦觸發
日增月劇委頓難支或累日匙不入脣或通夕
枕不交睫因扶病便道回籍調理異痊可復任
臣母既喜臣歸且慮臣病臣既恐憂親且虞贖
職紬思往復猶未敢遽行陳請茲遭迴日久病
勢日加延醫生胡應元等診視咸謂思慮鬱于
臟腑焦勞鑠其元氣非假歲月曷救膏肓臣伏
第窮思卽欲忍死馳驅而四肢百骸不能縮攝
必致顛仆有負 生成且也臣父早亡臣母垂
髦無兄無弟惟母惟臣今母憂亦病臣病愈憂

憂病相纏母子并命于情事真極危極苦萬萬
不容已披瀝血衷于 君父之前伏望 聖慈
憐察勅下該部查例 題覆容臣在籍調理臣
子母相依之命更生庶幾有期而臣犬馬矢報
之誠餘生猶或可冀臣不勝惶懼哀祈之至

驟膺 新命轉憶哀親懇 恩俯容致任
以免瘵曠疏

臣往濫竽兵部武選司員外郎因母老身病請

卷之十五

十三

急里居三年限滿赴京本年七月內蒙 恩以

原職補授兵部車駕司時羽書晝夜警署空無
人臣一身兼領 皇城巡視及會同科道太僕
寺官印烙京營馬匹又奉 旨簡閱東征將士
皆係 禁闕疆場重務披霜臘冰自辰終酉精
力耗竭頭目眩瞢臣母家居書來念臣慰臣而
意實憂臣望臣臣不勝五內灼沸入白堂官懇
為代奏移疾歸養而李侍郎不聽謂國家多事

人臣安得言私復諄諄勉臣及時修職以圖報
塞臣素辱李侍郎道義相許方趲起需忍間而
吏部以臣陪推廣東按察司僉事荷蒙 皇上
特達點用 恩數殊常况僉事觀察一方職頗
貴倨即臣至驚下自當矢糜膚髮仰荅 生成

而伏念臣母年已八旬粵東距浙四千餘里母
既不能從臣之京又豈能從臣之粵且也薊北
猶多驛騎嶺表更苦鴈稀他日母子兩地悲思

書奏堂集

卷之十五

十四

必有甚於今日者則臣狗馬圖報之志牽於烏
鳥纏結之私而驅策不復可前矣顧臣拜 命
方新遽有陳請似涉矯激將俟便道還家省母
而後具奏則遷延月日彼中缺官廢事臣罪滋
多將比例請乞終養則京察在邇似假托沽名
陰避指譴抑竊自惟樗枿無庸蒲姿易謝百季
強半母子相依之日更有幾何仰 聖慈憐
臣情次肌骨言出肺腸准令致仕或竟削籍為

編氓得長奉衰慈菽水田野間凡夷猶廣莫之年皆鼓吹 隆麗之日矣

懇 恩補給 誥命疏

萬曆十八年臣以初任知州三年考滿吏部攷覈稱職而臣父原任河南汝寧府知府祝世康母封安人周氏例得覲望 恩典於本年具奏該吏部覆奉 聖旨祝世康准照例進階欽此又該吏部題覆看得知州祝以幽奏稱乞恩復父原職進階一節既經奉有前項 欽依相應題 請合候 命下行交翰林院撰文中書舍人關軸書寫計撰述 誥命一軸正四品湖廣德安府隨州知州祝以幽父祝世康原任河南汝寧府知府該贈中憲大夫奉 聖旨是欽此臣不勝感激候領間隨蒙陞授兵部武選司員外郎到京卽銜 命遼陽 諭賚東征將士事竣中途患病回籍調理至萬曆二十五年復

書奏堂集

卷之十五

十五

書奏堂集

卷之十五

其

補兵部車駕司員外郎隨蒙陞授今職凡領誥命在三九月中比因文憑限迫倉皇赴任未經給領今臣恭賀 萬壽聖誕至京思得臣父進階既經吏部題覆至再奉有 俞旨而臣母周氏因父 誥未領止封太宜人 誥命一道今查例臣母應從父爵進封并撰一軸庶于典制歸一 恩渥均霑此人子一念迫切未竟之情輒復敢傾吐于 皇上之前倘蒙 勅下吏部查照原題頒給則臣父臣母存歿銜載而臣世受 光昭滂澍之恩益願捐棄頂踵以圖報萬一于將來矣

母老無依乞恩終養以全子道疏

臣于去季恭賀 萬壽事竣便道省母于家臣母子兩年睽析萬里來歸瞥見相待且泣且慰比時因大計在邇不敢以私請茲者仰荷 聖恩優容不加顯黜而吏部復循資屢推臣山東

福建湖廣等處布政司參議臣豈不欲少須時日微覲新榮但臣有迫苦至情萬萬不可自解者于 君父之前敢不披控臣母年踰八十下季止生臣一子臣弱齡失怙母子形影相依以有今日自臣之通籍十有六年惟是吏楚五年移疾三年得盤桓膝下及爲武選爲車駕卽越南燕北邇隔雲天然是時母猶甘食美寢而臣心稍稍慰也且臣尚有外王母在年已望百母猶歡然相倚爲孺慕而臣心益稍稍慰也及臣拜粵之 命抵家則母七筋漸汰羸憊日增若嶺海萬里之行臣不惟口不忍發亦心所不敢圖計惟有請乞終養一着而臣母知之謂無以是詛我更以善飯慰臣以 國恩未報責臣且期限浸迫畏于吏議不得已以臣妻及子留家侍母孑身入粵臣母書來旣以官舍落莫欲臣自寬且以嶺海瘴癘勉臣自愛臣於是百痛

損心觸藩無計今臣若縻嗜祿位靳不知止論臆厄導輿闕焉朝夕而重以遠遊鍾母之疾病遺母之憂誰無肝腸堪此酸結以是臣子可屏臣母必不忍離臣冠服可視臣裾必不忍絕有此纏綿苦衷不覺絮語冒干 天聽伏望 皇上俯鑒臣惻容臣在籍依母侍養以終餘年是亦 熙朝勸孝作忠之一事非特遂臣之私而已臣無任哀籲悚息待命之至

臣由萬曆十四年進士歷官兵部武選車駕司員外郎陞廣東按察司僉事因母老無依乞恩終養家居千有六年復補江西按察司僉事歷本省參議廣東副使陞南京光祿寺少卿轉今職自惟臣一介草茅荷蒙 聖朝錫類之恩未敢涓埃萬一之報卽今疆場多事正臣子請纓盡瘁之日矧 聖政惟新尤臣子彈冠

庸之時豈不願激昂自靖務捐糜膚髮勉効馳驅以少答 聖朝泰養之恩然臣內揣材質庸下韞線無長且齒已向衰時有怔忡瘕火之病於此猶然強顏就列則縻祿曠官臣罪滋大邇者 皇上念京堂壅滯許今日陳則素餐如臣自應引分以避賢者路伏惟 聖明垂察容臣解官還里以安愚分則自今以往視息餘生皆祝頌 聖壽咏歌太平之日矣

詒美堂集卷之十六

海堧祝以幽耳劉耳

行狀

明故處士我泉周翁泉配朱孺人行狀

翁名誨字時忠號我泉鄉人人稱我泉翁宋季有萬戶提令者由汴扈蹕之海昌廟灣里家焉萬戶生慶四四生寶三俱爲鹽筴祭酒領西路場事七傳而爲東岩公輦個儻饒智略家愈益

詒美堂集卷之十六

起廬故宋時肯構公陞小之卽其傍建層堂可坐百客曰吾家世有隱德百年將興奈何齷齪效田舍翁且茅綴根而籍口示儉爲也着訓約七十餘條藏於家子節齋公永娶於賈生子二翁其長子也翁生而昂整異凡兒比長授書過目輒不忘以大戴禮補邑諸生顧薄諸生佔俸好旁獵子史稗官外家言爲古文詞峻爽有法數千言下筆立就嘗舐篋東遊會稽謁王文成

西遊括蒼謁章文懿二公一見俱大器之與上

下其議翁益發抒自負時督學使者劉公羣兩

浙士講學西湖之萬松書院翁與焉劉公發難

諸生翁不爲難也至衷枿疑義貫穿名理劉公

時皆擊節歎啓予者周生矣屢試不售援例爲

太學生少司成胡公得翁文而奇之徧贊于都

人士期翁必且驟顯而數輒奇胡公爲扼掣畱

都第朝夕與講稅而翁以父母老請於胡公曰

詒美堂集

卷之十六

二

某與其列鼎而薦孰若飯蔬啜水之逮事吾親

也遂趣歸歸而事二親備極孝養邑苦煩役翁

有弟尚少一切以身任不及弟歲屬太侵道殮

相藉出粟戶賑之全活無美翁旣家督自任遂

弃去舉子業不復應有司辟依曲治構樓三楹

延譽髦士與伯仲二子日切劘其中翁雅負用

世才先中憲以間謂翁仕無崇卑要之適用仇

李智百里祥鸞夫非以贊人者耶翁頷之于是

言選得邑簿領會翁哭其仲子遂無意人間世
仲疆志力學爲諸生有偶聲翁實期之一日千
里也先中憲官汝南使使因迎翁翁固不就俄
而蹇驢奚囊從兩蒼頭蹇蹇來者翁也先中憲
大喜過望爲置酒高會時郡丞蒲梢李公司理
西蜀孫公皆由侍從出氣凌人難近一日於座
上望見翁角巾方袍奮膺高視酒酌而後談鋒
橫出兩公爲心折驪然恨相見晚載酒選勝刻
燭賦詩殆無虛日翁曰昔枚叔遊梁得友公孫
乘鄒陽司馬長卿諸君子而詞賦進吾茲行庶
幾近之第以野人久濶郡太守之謂何竟拂袖
歸而所過下邑飭厨傳張供具羹一當翁翁不
屑也晚復爲季及孤孫繕兩室與故居鼎峙而
三嘗曰吾於生平事幸少息肩所慮者孰然兩
孤耳是時先中憲已謝世而不寂余與仲之子
皆若季翁時討余兩人而訓之服食燕息靡不

卷之十六

三

引於正經余不幸爲豪家所中翁故識豪家爲
書力詆之書二百餘言里之好事者爭傳誦之
翁生平不畏強禦恥脂膏以徇人至譚古今節
俠及事當成敗河縣響應旁若無人與人語一
不當輒唾其面以故得鄉閭簡倨聲然人有緩
急輒卵翼之無弋名無避怨處子姓不嚴而懷
御戒獲固嗃嗃然能恤其私人樂爲用壯時喜
豪飲晚乃自節酒取微醺詩亦取寄興嘗自稱
三半老人人間之曰五合供朝夕庖冷主賓
一壺兩番醉三半老間人其知命樂天超物忘
遇概可見矣配朱孺人學博秋崖公女朱故邑
名族夙閑壺儀及歸翁端靜婉戀保姆厮役罕
親喜愠事舅姑意指所向靡不先承姑有疾孺
人屏諸婢而身奉湯藥調糜粥者二浹旬不倦
翁性放達不拘小謹孺人斤斤佐之白首相莊
稱孺人益友母恭人鍾孺人愛兩家亟問媼使

卷之十六

四

錯於途余既釋褐綰綬將奉母恭人之官孺人
心實難割更遣媼致詞母恭人尔前以夫貴今
以子貴老人幸善飯獲睹爾翟佩乘青雀行其
樂也母恭人色喜促治裝矣孺人性纖約戚屬
餽遺絮縷羞澁不自御必皮而待推予出納燕
饗務劑於當無置財性不媚佛諸優婆夷以福
田果報之說來者孺人謝不與語壽既踰耄步
履神明不衰事無巨細能記憶無敢以面曼
丙申孺人年九十九母恭人時亦望八率余
觴上壽而季若曾玄十餘輩羅于前孺人爲
一慰勞母恭人謂孺人母春秋且滿百吾兒
遂迫功令去敢以一卮鞠臆孺人復爲慰勞
之問余若今何官何以久家食余具以對曰爾
父施未究爾好爲之無以母戀爾母寬慈
當及我余敬諾無何孺人忽無疾卒孺人比年
多美睡睡輒數日夕悉卻七筋間呼寒泉盡

蠶聞者異之曰孺人貌姑射也而希夷寢與翁
生正德庚申卒隆慶辛未享年七十有二孺人
生正德戊午後翁卒二十有八年未及百歲者
一齡耳子四伯道鳴仲道某叔道某皆邑諸生
伯廩於學宮仲叔皆先卒季道傳女一卽母恭
人孫男五國光餘某邑諸生餘某餘某孫
女若干曾孫男若干玄孫男若干翁方易簣於
家政一無間獨顧余謂異日當以文章顯老人
所托不朽者爾其圖之余泣受命歲丁酉將
孺人合葬某山之陽而舅氏舉翁成言屬爲狀
夫余卽不敢以不文辭而會島夷東訶羽書書
夜警余方奉主上命從大司馬盡蒐六郡良
家使擊之士往赴關於叢戟交構中尋繹佳事
臨裁輒已卽舉一二遺行之大略懇關抑盛
無以報翁地下唯是微惠鉅賢大夫有文辭者
采而誌銘之曷勝大幸

明中憲大夫潯州府知府槐門祝公臬配

安人黃氏行狀

余不佞釋褐試政西曹署署蓋有白雲樓貯書千餘卷余與二三兄弟間發而讀之時掌記者前謂不佞是故祝大夫遺也余因問知是千餘卷者悉出工料奇羨以無藉故稍稍有攜去者而胥役因緣爲奸大夫始爲藉藉之加購者錄余歸間以語大夫而喜相勞也且謂若試政西曹西曹稱冷署若先大夫及余咸由此起家出入惟法之信昔于公治獄無冤民謂子孫必有興者余兩人兢兢奉尺一卽不敢謂民不冤而恥爲深文以伺人意旨所畱有餘不盡者不少若曹豈謂徒讀父書可卒卒後先取青紫若承螭掇之乎余時與二三伯仲咸起受教而別別五月而伯氏壽徵使使累糧二千里緘書入楚則大夫以冬十二月卒矣因手述大夫生平懿

行謂不佞知大夫深庶幾藉不朽不佞僚倒案

蹟何能爲役于是卽伯氏所手述稍詮次之令

乞銘于當世秉筆君子大夫姓祝氏諱世喬字

子遷號槐門按譜祝軒轅之後周武王封彭祖

孫光爲祝侯因以國爲姓其後晉散騎常侍巡

居信安五季時郡判官定遷括蒼寔之孫三五

承祀始遷海昌袁花里簪纓繼起爲寧右族十

傳而至曾祖涇號默齋以詩名祖昌祚號守默

博文修行有古人風父繼弘號同溪邑庠生續

學蚤世以大夫貴贈刑部主事母沈氏封太安

人大夫生而穎敏魁奇有大志甫受書塾師卽

問曰凡人讀書將見諸行抑徒誦其詞也守默

公異之稍長授易日誦數千言爲文下筆立就

時余曾大父東田公訓先大夫洎中表朱龍臬

公每較藝必令大夫與偕文成輒稱賞年十六

督學使白泉汪公得大夫卷奇之遂遊邑庠亡

何同溪君卒大夫哀毀骨立幾弗克盡大故奉
太安人撫弟若妹執執苦出間猶讀書至丙夜
不休後每試與先大夫更相甲乙歲丁酉廩於
官癸卯督學使文谷孔公稱爲王佐才以文勝
壁間爲士子式謂國朝時執獨罹師道稱醇和
而大夫庶幾焉生徒數十百人如胡君友信郭
君子直曹君煒周君啓祥相繼取科第咸貴顯
去而公凡十試乃舉於鄉隆慶戊辰成進士授
莆田令莆當島夷破殘之後瘡痍未起征需倍
急大夫身爲調劑民不病催科而國計不虧學
校頽廢爲之葺學育才邑中縉紳多以忤時未
究於用者爲上其名直指起廢者若干人皆
爲名卿民張姓者故望族父歿而貧外家誣以
隱疾欲弗與婚大夫與之婚且斷厚貲給之張
爲感泣會戊卒請餉兵使者給稍緩羣譁於門
當事者莫可誰何大夫挺身出諭曰吾已爲若

輩請發倉矣譁遂止果請檄發倉戊卒安堵已
又檄大夫督造戰艦大夫擇良工購巨木爲之
工未就撫臺恐後期震怒大夫從容具道其故
不色變卒之艦堅利涉猷以功受上賞及徵爲
刑部主事故事笞杖以下發保候其凌轢罪囚
甚於獄吏大司寇欲於獄中別置輕囚室大夫
曰部無官糧若一羈候則貧者立死耳力爭止
之第令保候之家月具供狀而已甲戌歲奉
命論囚江南聞太安人病篤馳歸而太安人卒
大夫哭踊如孺子丁丑復補刑部中貴人王姓
者推刃同氣當事者受權閹私囑欲庇之大夫
堅執必正其辜時柄相政尚嚴苛蘇松守臣請
通賦數百兩以上如通邊糧議大辟詔著爲
令有二三入通賦在令前且罄貲償未取盈者
僅十之一二例亦當死臨刑會朝審大夫力辨
其可矜冢宰王公迎合柄相意難之大夫反覆

抗論不已同官咸咋舌以是爲所忤出守潯州
會京考竟墨藉公論惜之大夫攸善酒至是益
托而逃賓朋好會每至夜分一不問家人生產
乙酉伯氏得雋南畿而大夫喜可知也家居非
公事不入城府有司雅重之歲宿於鄉性至孝
友侍太安人夜讌必親爲行酒迄宦成弗改處
仲父無間爾我喪葬一以身任仲母起居飲食
必令與太安人俱竟成其節居恒宴集必盡懽
於子姪也諄諄以學行相勸勉維以雅諱聽者
忘倦馭家衆嚴而有恩不爲嗃嗃丙戌秋感疾
飲食漸減迎醫輒卻曰我季逾古稀履順歸耳
姻族問疾應對未嘗失禮亦竟無一語及後事
配贈安人黃氏海寧西鹽倉望族父思隱公母
何氏安人其長女也幼端雅婉孌稍長閑姆訓
上女紅異凡女思隱公奇之曰是兒必光我門
宜慎所許奇大夫遂許字焉并而嬪克共婦職

詩美堂集

卷之十六

十一

居平未嘗有惰容闔外亦不聞咳語聲大夫讀
書外舍間休沐入內安人禮之如賓且曰舅氏
早逝妾當勉力以事吾姑諸米鹽瑣屑願君勿
以分志以故大夫得壹意修業事沈太安人尤
謹食飲服御務中其懽跬步必與俱自奉不饜
糟糠而延賓供祀必極洗腆雅當大夫心
安人素艱于子欲大夫儲賸不許乃請於太安
人躬禱許真君而伯氏生安人愛之甚自鞠育
之弗以委乳母未幾大夫罹危疾安人進則扶
侍退則顙天歎歔夙夜靡懈遂以積勞成羸疾
醫藥罔効疾既篤猶手持仲姊及伯氏屬曾庶
祖母萬泣且拜曰以二豎相托萬亦感其意保
護甚至與大夫訣絕而復蘇者三大夫以今安
人繼亦逝者意也
河東運司馬兄南阜行狀
兄之以乙酉冬偕計吏而北也則不佞若司理

詩美堂集

卷之十六

十二

比部之爲兄弟者四人迨司理比部相繼塲兄與不佞皆以微名驅逐風塵世路僅幸得從庾嶺南北一聲相聞迨不佞請急里居兄以行役假休沐還里臨風對酒興慨於升沈去住之無常爲搔短髮相慰兄今亦竟奄忽逝矣追念曩昔聯驪驛路汀霜蘆月時境界宛宛如昨而顧影頽然衰至無期更復何情詮理往事而二從子以狀泣請益不佞一再濡筆而不覺其涕之

無從矣兄名以岡字壽徵南阜其號父潯州府知府槐門先生母贈太恭人黃夢若許旌陽真君者抱一兒手授之遂生兄生而肌白皙眉目韶秀六歲出就外傳十歲能屬文十六補邑弟子員潯州公方以經明行修帷下多四方知名士兄與之切劘下上學日益進潯州公成隆慶戊辰進士出宰莆田兄雖秉家政而益發憤嚮於學羣邑之譽髦若干人結社龍山之陽社中

多負奇翩翩自喜至醺粹爾雅卽靡不心推兄乙酉得雋南畿潯州公已謝政歸矣明年潯州公病兄躬調湯藥衣不解帶旣卒哭躃幾至戚性一切喪葬如禮弟進士以岱生甫七齡潯州公當易簀時屬兄子視之兄撫摩誨督以及授室推產皆用其情之所必至延師儒于家塾日夜扃戶課之學而弟及二從子咸攻苦自力文藻相砥礪俱有聲諸生間二從子齒少長于弟

以季父禮進而中怡怡若同胞當太恭人謝世兄時尚襁褓思隱公更以太恭人女弟事潯州公兄恒念鞠我恩實倍生我於其卒也哀毀無異喪潯州公而兄所以拊弟若庶母杜者視母在有加矣兄旣痛親不逮養又屢絀于春官已亥遂謁選得南安郡司理他司理多甲榜少季而南安又孔道其民囂訟難治兄兢兢沐藥自凜爰書皆手自裁削法律疑似剖判若神胥吏

旁睨之色奪檄委幾遍諸郡邑大要在傳情于
法無苛責以博強幹聲諸郡邑無論筐篚餽遺
卻之惟恐或浼卽郵傳供具饗殮外一蔬餌無
溢也其署下邑篆不爲具文塞責所至振廢廢
獎善良厲學宮繕城堡清逋賦罷冗役咸次第
舉聲稱奕然爲大江以西第一直指義興吳公
桐城方公薦剡交最遂用三載攷進潯州公階
中憲大夫母黃繼母黃贈皆太恭人元配張封
孺人尋陞南陽郡丞士民攀號至數十里外不
忍釋爲祠祀尸祝之矣弟岱旣以弱冠取高第
其制舉之文奇麗甚咸說謂寧馨子何所得庭
訓而兄亦自說喜謂弟不負吾令吾不負弟吾
老矣續箕裘而大之是在吾弟無何而張孺人
卒無意之南陽弟從燕邸書來慇懃甚力乃就
道其治南陽無異南安而歲大侵屬當署郡篆
多方噢庥之不憚拮据夙夜會治河之役與而

南陽距朱旺口千里而遙因移駐裕州與役夫
分甘苦餼以時給咸踴躍趨事績用告成嘗事
者上功次潯被褒膺丙午校錄郡士識今太史
新野馬公昆季於諸生中取冠其儕稱藻鑒云
尋以假守上計惟兩竹筭圖書數卷而已中丞
吳江沈公薦剡所稱清白傳家公明署篆蓋實
錄也兄之龜勉上計亦以念弟故卜握手之驩
而弟竟以病卒於燕聞計畫夜疾馳猶得經紀
其喪而簡書期迫趨南陽任則預飭從子輩爲
卜築堂寢一區以歸旅視且令發孤聿有寧止
爲南陽凡六載陞河東運丞兄謂河東鹽池非
昔有虞氏歌南風以阜民財者耶而今盡以佐
公家需矣顧藪利也亦復藪奸蓋撈掣弊在上
提僱弊在下侵佔影沒弊在猾豪兄以一潔已
鎮之宿蠹絛而其絳核纖析視兩郡時益甚曰
縣官以冗煩數嘗試我我躁屑越不將謂計無

復之耶明年以齋饌符便道還里爲張孺人營
兆域更痛弟幼無五尺孤又未沾一命爲之樹
馬鬣封題曰明進士某庶今後世知吾弟耳排
徊里中者久之再抵河東滿三載考不調再以
離符役還里抵錫山而一疾竟不起矣嗚呼傷
哉兄有經濟才無小大無不洞其肯綮繫端竟
委左規右繩事事吾師也而孝友尤出自天性
當潯州公之令莆田沈太安人家居髦矣兄事
之極志物之備世母金嫠而貧無以養迎致之
與沈太安人共服食起居終其身公是以得安
於宦而無內顧公之喪沈太安人年已望六而
豐軀便腹戚不任易諸舍歛窆窆先事而周靡
不曲如公指公每拊膺歎曰吾子也而又代爲
子吾愧爲人子矣弟之初舉省闈修撰餘姚史
君公同籍友也以通家子修謁史從容間伯仲
行序曰岱不幸孱然孤孽非伯兄何以有今日

語且咽不竟對座客爲之動客史君嘗以語不
佞若伯氏友于何狀令仲見德乃禽嗚呼此不
可以知兄哉孝友篤摯自天性矣兄生嘉靖癸
卯八月初八日卒萬曆甲寅五月初九日享年
七十有二配卽張孺人子守鵬守驥俱國學生
女一適張某孫男若干某某某出孫女若干某
某出守鵬等卜某年月日葬兄某阡而籍手不
佞狀將走謁誌銘表碣之屬以托不朽夫不佞
於辭不嫻然亦安用浮綺覆實謹撫家庭所聞
見列之俟鉅公賢大夫擇焉

諱美堂集卷之十七

海堧祝以幽耳劉著

行狀

太母賈太安人行狀

不肖孤之狀太安人含毫而不能下也而涕隨之矣太安人卒且葬而先大夫不可作太安人之弃不肖孤且四載而孤不蚤奮以庶幾承一日驩負二痛於太安人而勉摠遺行以報地下

諱美堂集

卷之十七

孤卽奚辭太安人姓賈氏世居邑之鳳岡里高太父壁徙家長浜號長浜賈云壁生宗緒宗緒生展展生鏐號臨河配朱氏太安人考妣也臨河與高大父東田公咸有聲諸生間意氣相許遂締婚焉而臨河夫婦相繼塲太安人時未及笄有第三皆幼太安人泣曰微女疇爲二大人子微女又疇爲三弱弟兄而家日益旁落東田公遣議婚事則謝曰二大人未葬孤女力弗克

葬庶幾俟諸弟長而後可以弛負也身緝緝洗

佐朝夕者七越寒暑始歸我太父深溪公而會

東田公令崇仁深溪公又嗜學不問家人生產

太安人羣室中數十指操耜力紅井然各受署

無逸畧歲時譙饗及所問遺出納束枿中窵淥

溪公得壹意修業壬午舉於鄉而太安人念二

大人猶耐淺土私衷之痛不能忘向吾謀爲婦

愚弗稱暇復謀爲子者而今第恐一旦溘先朝

諱美堂集

卷之十七

二

露以爲終天恨於是推其維織之羨爲臨河夫婦營葬事眷窀穸志物逾力而悅又爲三弟咸授室割產三十畝分予之俾食力焉而宗人嘖嘖太安人賢且才云東田公旣解組歸閑家故嚴礪眇所當意而孺人徐尤下亟非人情一切饋具漿醢客至不問所從來取咄嗟辦太安人妯娌子弟布緇荆笄以偶於鮮衣繡鬢間淺觀者不無揶揄而太安人怡然自得也孺人不幸

遘疾且革太安人日夜號泣籲天願以身代
孺人病良已以爲孝感孺人功而東田公置膳
二嘗太安人以姑禮一不當輒相與孽構於東
田公而妯娌又乘間爲齟齬太安人雖屢有逆
受無幾微不平東田公後乃憬然曰吾固知孝
女能爲孝婦哉東田公旣卽世人且謂太安人
或有所修却而處二媵顧愈益厚蓋庶幾敬所
愛終身弗忘也者涑溪公久誦春官謁選得弋
陽令以太安人往弋陽爲冠蓋孔道令什九在
外什一在內至休沐不得間太安人從容進曰
朝廷處君以瘠土劇邑爲君別器抑以養廉第
安之未幾而當道檄獎有一塵不染百廢皆興
之語則涑溪公所獲於太安人勸助者多矣癸
卯先大夫舉于鄉而涑溪公苦不任繁徭有拂
衣志太安人更從臾之遂毅然解印綬日事酒
奕數季謝世太安人泣謂先大夫爾父不究施

以有爾在所以訓策先大夫若諸父者無異涑
溪公而癸丑先大夫成進士高第累官比部郎
得 貶恩有今封已克江南治獄使者報最出
守汝寧發一介迎養太安人曰老婦恃粥耳何
所須二千石顧親民惟守與令先弋陽所不究
施者於吾子觀其成遂之汝寧而先大夫故善
病甫入覲積疴驟發不任治矣於呼痛哉始先
大夫爲汝寧首罷橫征屏私謁太安人時七袞
屈誕辰鄉縉紳先生若民士間致純飾上太安
人而太安人亟謂先大夫以老婦破若格毋寧
食若清若能以清白吏毋壽我則可不卽窮數
道力攷鍾鼓行玉曳紫爲壽老婦不舉若之觴
於是鄉縉紳先生若民士咸誦而郡人相與謂
先大夫賢守謂太安人稱爲賢守母也太安人
性忼慨不爲纖音歲臘婚嫁必及禮村發糗爨
無故前道善飯及美寢狀必推少穀粟與之曰

彼偶旅來何爲者然不爲姑恤愛獨於諸孫中
愛不肖孤若伯兄萬幸卒之日家政壹無間獨
屬伯兄不肖孤兩人吾日有所待而瞑也於乎
痛哉不肖孤不蚤奮以庶幾承一日驩今無及
矣太安人生弘治庚戌卒萬曆丁丑享年八十
有八子三長世康邑諸生次卽先大夫次世慶
邑諸生女一適海鹽朱藉孫男十萬年萬鍾萬
鈞康出俱邑諸生以鳳以鵬以鶴以鸞以鳴以
鸞慶出鳳鸞邑諸生先大夫生一子爲不肖孤
生纔十三而先大夫遽見背不肖孤幼孱弱年
十六始就外傳太安人憂不肖孤嚮學晚時時
舉先大夫生平力學砥行事若古傳記所載先
大夫嘗稱說太安人前者壹壹其言之所以斷
不肖孤甚厚迺不肖孤不蚤奮以庶幾承一日
驩而今始諺從有司薦又迫備計吏往卽勉德
遺行憂憂不具唯是微惠當世秉筆君子垂一

言之錫報太安人地下以無贖先大夫心不肖
孤感且不朽

先太恭人行狀

嗚呼太恭人舉不孝孤晚女兄四戚姓太恭人
歿孤孑然形影從憫惻摧廢中於太恭人生平
事行旣靡繇質所遺而重以才猥爾懼不能昭
揭令懿之什一以爲畢世痛敬枚淚摠述如左
蓋吾邑多故族則周望廟灣自宋迄今代有隱
德擅素封至我泉先生以博雅伉直爲閭左所
推重配朱孺人亦望族是爲太恭人父母太恭
人生而閑靜娟慧無論繡紋組紉敏妙無比至
傳記所載古人瑰行格言一步耳目終身不忘
先生故好白香山詩與程朱理學詩酒酣以往
歌聲烏烏中金石太恭人幼侍側聞之輒成誦
至百餘首先生素負人倫鑒奇先中憲髫髻時
許字焉太恭人始稱婦而王考贈比部公宦豫

章先中憲力學不問家人產太恭人遂受家乘躬拮据操作以先羣指事從姑及諸姒過自抑終始語無間先中憲既舉于鄉當王考喪葬病不支太恭人佐之傳於禮而餘哀成瘠病乃益進太恭人晝夜不解髭調湯藥祈以身代當病憤時取彈指流盼以示意左右莫知所出太恭人影響應之不爽病二載餘稍間輒手不釋卷太恭人止之不得則致一老儒生取齊諸虞初家言隔帷誦之先中憲據梧傾聽時時解頤所爲揣摩曲事類若此先中憲以進士高第拜比部郎太恭人從之燕比部冷曹而先中憲又性簡倪二三里戚咸据要津勢烜赫或風先中憲不有它曹可徙乎太恭人聞之謂君日跨款段入受事畢歸而晏坐一室展卷伊吾以爲常卽要人過從竊窺君憤氣凌人夫纖趨阿匿睨權貴顏色非君事也先中憲頷之二三要津所使

蒼頭女媼來甌茗外不爲具多缺望去尋用比部滿考封安人而先中憲守尚書郎五載不調奉簡命慮囚江以南太恭人預飭門壯顧舍兒江南距吾鄉一衣帶水猾豪易貢緣爲奸利爾輩慎之犯不爾貸也於是諸郡邑胥史以對簿至信宿無敢與私語者卒用平反着聲江南太恭人有力焉旣報命擢守汝寧而太恭人家居歸三女兄咸手裝齋之遂奉姑賈太安人之汝寧崇藩故稱賢王以伊庶人之獄先中憲頗持三尺王不能無纖芥而一時兩郡僚從中秘及夕垣出高自負太恭人從吏好遇之蓋一載所而先中憲病矣公移私牘就榻裁應太恭人謹司筦鑰一赫蹏無闕出入猶之日朱旛而朝吏民內外冰凜諸修郅者日夜訶伺卒不得聞會入覲先中憲力疾行竟於燕邸卽世太恭人聞訃慟絕不欲生賈太安人拊曰寧不爲煢然

藐然者慮耶太恭人掩涕促裝諸郡邑所致賻
悉卻不受曰太守困疾疾何德於元元無更重
之地下嗛時中丞吳興蔡公直指南海龐公傷
先中憲而又高太恭人誼特授符繻遣材官邏
卒戒有司飭廚傳呵護之出境蓋非例所恒得
云太恭人既扶持賈太安人攜兩幼孤踰河澨
淮間關二十餘里與先中憲旅襯偕返咸謂非
太恭人誠信明智不及此抑不知茹忱荼酷危
語集卷十七 九
危傷哉不易有今日矣孤幼不足當大事太恭
人蒿目經營奉先中憲祔王考域營之釐封屬
碣次第就緒顧舊廬數椽不能禦風雨因卜構
李居焉一日有頤而矜鞶人拜堂下徘徊不能
去者自稱孝廉徐生昔在燕邸尚賓卿徐公履
祥以諸子師事先中憲今太僕卿泰時公少子
也纔弱冠太恭人私聽其言論謂先中憲此雞
群鶴異日得君衣鉢者此子也徐君聞之益自

喜奮於學竟用三禮魁南畿蓋甫罷鹿鳴而來
也刺入而太恭人始恍然憶耳寓幄李者垂十
年復闢故址而廬之以居蓋太恭人手所構繕
自淦渚龍陽至是三矣賈太安人以天年終太
恭人痛先中憲之不逮含歛葬送視先考有加
矣而族不逞屢發難布爪吻相窘孤方挾策西
湖兩山中燒者膚至太恭人曰彼曹子何能爲
第妒若居諸業耳若胸中一罍塵市翳將數年
語集卷十七 十
來湖山靈氣盡矣勉之無快讐腹孤長跼受教
已幸竊一第官漢東奉太恭人就漢東養歲大
侵道殣相屬赤白九四出而剝官廚索稻米不
時得滌釜待炊太恭人曰四履將絕炊煙長民
者待炊猶素食也孤敝衣冠戴日步禱太恭人
亦禱于庭每出賑歸問所全活幾何爲喜色遇
祁寒暑雨推布帛漿餌徃行中曰豈無困迫驅
誤抵文罔者比解任叩園扉而號泣者若干人

曰太君去矣疇復能緩我須臾無死者當是時太恭人躋七十以漢東滿考封太宜人而朱孺人尚在年九十餘太恭人孺慕甚燕邸之行固不得請則移疾謝武選事歸侍太恭人田間者三載而朱孺人開百歲得從太恭人後綵服稱觴而喜可知也時島夷躡朝鮮大司馬坐封事失下詔獄太恭人聞之謂若官司馬疆場之事其得諉諸卽偃蹇里門以我老爲解將謂人臣之義何遂勉起之官而一時署空無人白羽若月休沐靡寧畧安得言其私已而大酋關白遁經略臣以露布聞方擬乞身而有粵東之命太恭人亦得因先中憲階進今封遂奉檄趨里則太恭人八十誕辰與期會手織文之誥與六珈填珮上太恭人而又以同藉友袁太史伯修劉給諫濟滄輩所爲壽言誦之太恭人前太恭人欣然爲舉孤之觴而更以觴觴孤曰一發婦三

歷天子之譽命若何以圖報萬一則又曰若友袁太史固言之無以他端詛我孤唯唯而叱嶺表之馭明年以嵩祝過里太恭人迎謂若萬里來歸老人齒髮無恙食若所致荔子而甘萬里膝前矣旣竣役旋具疏乞終養幸得請太恭人始知之正色曰若不忍於裾之絕耶我老健飯卽萬里何難偕若行而遽出此雖然勇退亦仕宦佳事蓋孤之葛巾羽氅而奉菽水歡於人間世一切榮名得喪與太恭人交相忘于融怡澹漠之鄉者十三年猶一瞬而太恭人遽弃不孝孤耶嗚呼痛哉自太恭人之稱未亡人間所遺播徙鞅掌甘荼愉悌者五十餘年而僅此十三年桑榆之隙竟不爲孤少畱耶卽五十餘年中所遺播徙鞅掌甘荼愉悌惟母惟子惟子惟母乃今竟棄不孝孤去卽擗九地籲九天其何從耶嗚呼痛哉痛哉太恭人性慈和遇事

明決家庭間無所不煥咻而內外臧獲惕息無
敢惰媿哀策困不啻切膚以緩急告應若響里
姬數過數授餐或拒妝內之裏不且念之竟日
矣於近屬周親嘉異其賢者而汲其德不振者
卽燕見必以力學治生爲誠質直無諛詞又不
解腹藏過乍或不堪久之益感愧曰太恭人教
我而望我殷也以是卒之日諸宗姓若中表內
外戚若他男女僕百餘曹就帷中外位相弔哭
各失聲曰吾儕不獲奉太恭人溫色粹容矣曰
吾儕不獲聆太恭人底言莊語矣曰吾儕不獲
蒙太恭人察疾苦時乏絕拯患難矣太恭人卽
少長豐腴平身儉素無重采兼味衣三浣潔整
若初服時時指示兒女輩此余結褵時衣也兒
女輩至不敢以鮮穀見間覩近時升服靡曼曰
此不祥人以無家令故母效之至於腰臘必時
醴醢菹羹必適祭祀饗養必虔而於賓塾師儒

敬禮尤篤無論歲幣月修卽七豆纖瑣不目及
者不出迨老勑家政畧稍移輒曰賓塾飯得無
肝乎守一以長孫鍾太恭人愛甫事佔俾呼謂
刺繡者五采適而目室烹飪者五味調而口旨
人無異口目所貴適與調耳雖未嘗多讀書於
文義縣解若此卽詰傳所提撕曷過哉四女兄
歿而諸外孫男女數十百指視太恭人王母而
母而太恭人亦若身代爲之母者割腹分續人
人煦濡之矣從大父郡幕公諸子咸他徙委一
丘宿莽中歲時必遵嚴鹵酒酹其墓或謂是不
嘗爪吻如耶太恭人曰密孺人遇我厚我不忍
其鬼之若敖他復奚知密孺人者郡幕公配昔
所嘗從姑事者也當太恭人九十稱觴遠近羔
鴈畢至內外子姓咸繽紛佐班舞爲益構堂三
楹孤澗疎以付家幹不復問太恭人曰此何以
示子孫儉亟爲徽役之三竹頭木屑咸勾稽之

每風日柔嘉挾一女暨周行權問稼穡桑麻
較量舊穫望見之者以爲神仙蓋孤家食十三
季采風使者蒐巖穴遺佚之士推薦于朝而孤
姓名往往點露章實太恭人以也且以孤之骯
髒不能事諸邑大夫而前後數辱華棗語至手
書纔纒楮棟間亦以太恭人真足表人瑞閭里
耳晚乃專佞佛一室供觀音大士蚤起焚香膜
拜誦般若心經寒暑不輟顧不喜緇黃及福田
因果之說曰吾第求淨現在心寧爲來生地耶
生平霜露少所櫻獨聰德久杜與人言誠無囁
嚅或暖語輒從俯仰得之無敢設元日起步中
庭左股微楚已脫鬲間楚顧不耐苦口藥藥盡
一刀圭再卽卻矣然晨起未嘗廢盥櫛時呼浴
且啜水盡一蠡神駿以王孤等私竊幸天年未
艾也忽一夕趣孤等至曰我何修造物昨我厚
矣爲太夫婦又爲大夫母然兩敵簷無他長物

無以分貺謂孤止若父一象笏手澤瑩如遺若
耳神氣炯炯而若訣者孤等哽塞不能語太恭
人徐曰泣何爲我灑然無所繫亦無所苦數問
今日何甲子須大筏至當行若有待者已寂然
而瞑及歛猶含笑顏色如生蓋壬子七月十八
日也距其生正德己卯六月初二日享年九十
有四子一爲孤以爾娶毛氏封宜人女四一適
許敦偁一適朱履份皆邑文學一適濮鉞一適
郭應燧皆國學生孫男五守一守元守參守熙
守泰卜甲寅年某月某日奉太恭人合先中憲
葬於大碑港三里村忍死勉述遺行爲狀微惠
名世作者賜之金石彝鼎之言存歿世世感且
不朽

詒美堂集卷之十八

海堧祝以爾耳劉著

傳

贈兵部尚書監軍遼陽監察御史見平張公傳

侍御沁水張公以 先皇帝特簡徃監遼陽諸軍事奴酋陷遼陽公仗節死海內忠義之士無問識不識咸扼腕酸鼻歎息而監言之當公之

詒美堂集

卷之十八

一

按豫章余承乏豫章臬得與公日相周旋辱公氣誼之投而國士遇我甚厚至特具疏薦其詞美而溢非譫辭之所敢當及余量移休沐里居而公之訃忽至於是爲位而哭泣然不自知其涕之無從也公爲人端毅開朗吏事精敏絕人讞獄平反往還出人意表一切沉枉淹牘片語剖晰洞中情竅老吏不得以深文周内以是揭覆盆於天日者纍纍卽余之領湖東三郡所平

反大獄以十數而不揣亦謬以一得佐公下風其釋桎梏掉臂竟去而呼天呼父母者聲殷於庭又最畱意於地方之名賢碩德及米撫忠義節俠事務闡其幽光理學如金谿陸象山先生其後喬陵夷祠祀幾至乏絕節烈如建武宋氏張氏婦及七世同居之吳茂才諸奇節瑰行淪沒於窮閭荒谷之中咸爲表其閭若墓捐帑賑恤之又疏請次第 予旌典而湖東之士若民翕然嚮風謂二百餘年來惟公焯然稱采風使者凡所興除洒然與民更始徃暮石畫未易殫述案牘休暇取左轂二傳手自箋註而巡歷所至遇境輒詠大章短篇皆雄渾可諷人謂公負經濟才且大用遼陽之役蓋一時在事諸臣有味乎公之論遼事三疏料敵若神以爲虜邑人公掌中廷臣推擇如出一口人咸爲公危公憂喜不形處之若固然旣得 旨單車就道愛公

詒美堂集

卷之十八

二

者欲公且駐內地決進止公怫然謂身不履戎
行進止何可除度於是疾馳至遼陽當是時遼
陽事去矣公雖嚙指恨然已莫可誰何姑陽推
諸降夷而陰將攜貳其黨及虜騎關開原勢如
風雨驟至公與經略中丞袁公登樓櫓而望虜
長驅將薄城下飛塵蔽天袁公謂公奉使命
監諸軍非有封疆畫守之責且驂死何益不如
亟趨山海督發援兵庶幾萬一有濟公不聽而
降夷開門納虜賊臣李未芳先入見公長軀偉
貌虬髯怒張目炯炯如電輒長跽請曰芳故嘗
効力疆場不幸有功不見錄以至於此公能爲
芳白寬狀開更生路乎公笑曰朝廷何負若
遽甘心臣事大羊若能諭彼酋悉返中國地解
辦請命惑者其萬死幸一生耳因叱之去時亂
卒猶倉皇擁公登輿入署諸生及老父數十輩
泣而從公冠服西向拜南向拜曰臣子七尺生

無以報 若父已矣從容引佩刀自決時道路
梗塞京師戒嚴羽書不以時至公死再踰月而
督撫王公始具狀以聞 上爲嘉悼下所司議
恤典立祠祀額曰旌忠晉秩太僕少卿已更晉
兵部尚書廕一子錦承衛指揮使世襲父五典
時爲山東右布政使 名人爲太僕卿諸所以
爲公者亦云至矣余感公知遇恨不獲果糧走
塞垣下收公遺骸於青燐白艸中以畢區區俯
詒美堂集 卷之十八 四

若神殆非虛語假令公不遽死或廷議蚤推擇公於犁庭掃穴何難哉奈何席未及暖不得抒其前箸之百一徒令一腔熱血洒之以殉國公死無憾矣謂國事何此忠臣義士所以扼腕歎息而不能已也

侍御星石許公傳

當公司理河間而余以丙戌道滹沱是時故邑令吳公爲景學博相與投轄爲信宿留迨祭已

詔美堂集

卷之十八

五

余奉命轉餉薄縣城則公復爲其司理矣郡齋蕭然視河間甚不欲久滯之取間道趨闕里登日觀周齊魯之墟所至公循聲奕奕因寓書問公司理作何狀何以得此聲齊魯間公謝不敏居三載所而公以侍御起家余亦強出待罪司馬署長安款段相過靡間朝夕矣夫余寧獨里姻櫛比爲知公遂不辭而爲公傳公諱聞造字長孺號星石其先自宋提督五傳而爲明海

州守懋以諛槩著稱又五傳而爲封給事中滋滋生相卿爲禮科給事中博雅介持世所稱雲邨先生者公父也公生而給諫業六十餘或謂是兒第足娛老耳焉望其讀父書乃公卅而私發給諫所藏莊列左國司馬氏言讀之輒成誦遂爲邑諸生廩于學宮十六而執給諫喪毀梓如禮伯兄旣蚤世里中豪耽耽公謂許六乃不學其從子族益兄子敦儉性長厚不辦戶外事而久之公益用然諾意氣傾其豪矣敦儉齒長于公二紀然嚴事公燕居對妻子必曰季父成我公才足剽劇諸不難以身任于戚黨間頗著俠迹然屈首不廢學爲經生業甚奇又治詩古文辭其遊成均所當皆天下知名士若胡叅知宗洵李臨淮兄弟輩爭折節下公與杯酒唱和丙子周文恪公主留都試得公文而異之哀然推舉凡四上公車不售仰天歎曰河清難俟奈

詔美堂集

卷之十八

六

何以雕蟲之伎困壯夫遂謁吏部選得河間府
推官河間畿內巖郡又臺使者所寄耳目而胥
黠進往得陰喝張威稜問毛舉一二嘗公公立
杖遷之務以寬大朗洞與吏士更始吏士卽無
不輸赤就公者郡多勳戚貴家徂而輸恣吏不
能長持三尺公發其甚者寘之法于是人人惴
相戒無觸強項理云 潞藩之國所過疲于供
守以下咸錯愕公曰王賢王且三輔地彼近習
寧不爲只尺戚卻顧耶弟飭厨傳謹郵舍旦暮
發而道路聞如衛坐軍乏興卒羣而噪守孱乃
閉閣諉其事幕府公亟走直指言狀發它廩給
之遂定攝郡符獄斬無冤稅斬蔽額於贖鍰羨
金惟恐或淹藏吏從旁曰素也公笑亦自吾素
公爲郡前後剡以十餘薦而會奉太孺人喪歸
服除補東昌郡踞孔道多四方姦宄蟬蛸其間
公嚴明得吏畏一時風裁鬱跂起權使者墨而

殘郡諸生以束薪杆岡公謂薪不責稅必責稅
令侏儒不火食耶事聞當路咸直公而權使者
內自慚以蜚語中公如弗聞也者公既兩更大
郡報最 馳恩贈母陶太孺人尋 召拜貴州
道御史公故慷慨喜言天下事及爲御史白簡
無虛日其諫止東封條議兵餉糾大司馬誤國
與史官不稱職狀皆言人所不敢言而疏詞復
雅馴舉朝咸推服公亡何引疾歸再出按甘肅
甘肅地苦寒迫虜前直指以疾去張掖酒泉之
間繡斧不經者兩年所矣公謂玉關去神京萬
里 九重聽睹不時入藉令人擇便利將民隱
疇達而國家亦安用耳目之臣爲遂單車就道
遍歷諸阨塞激揚吏士宣布 德意至勘松山
功罪則人人謂 天子明見萬里之外矣時宵
人煽虐焰礦稅日深公拊膺太息曰亂形成矣
釋此而東虞倭西虞播末也前後疏上大略言

臣巡按甘肅由徐至淮千里神河全身他徙自
梁入秦四千餘里亢陽不雨夫河之去來時之
旱潦皆爲水患而洪範五行土爲金之母金蒙
土養方能生雲霧而施雨澤金爲土之子金從
水溢方能出山下而成江河 陛下不郊不祀
不禘不嘗雖不採金于山採珠于淵臣猶恐上
下神祇弗歆弗顧況乎傷殘土脈淘汰金行收
雲雨之根氣而錮之深宮汨江河之元精而歸
之內庫哉又言臺省撫按諸臣之言百言而百
不聽宦豎之言百言而百不疑是四海之威權
歸之 陛下而 陛下之威權又盡挈而歸之
二三宦豎也其言甚峭厲 上心不能無動命
再疏有所指摘而汰級之 命下矣公爲諸生
時固已任俠赴人之急甚于已而自御史再出
再歸其自喜爲俠益甚監司守令嚴重君所觀
弗當意或面譴責又時時爲親故白冤抑寬徭

役其德者常八九而旁睨竊覲有所謁而公不
能盡應者不無少望公殊弗屑也邑醯獨劇西
路公采父老議白之當事以所得免庸調供如
齊民準課額之半于是貧戶蘇而富者亦免逋
責累顧生徐生者皆工八法公與之遊顧以他
事繫蕭山獄力出之而徐生少季落魄爲擇配
生子公氣豪不帖帖瑣細而內行純備于倫常
尤篤族黨宴歲率于粟三鍾擬倣希文氏規義
田而未就母族居霄多式微生爲之贈而死經
紀其喪葬不以太孺人存歿異也公有五丈夫
子敦信余倩其它子姓婚字具狀中
祝生曰雲邨先生抗不仕之節臥海上者垂四
十年述先生生平似貞似介而迹公生平似俠
似通然先生雍穆之化被閭黨而公矜然矜取
予疾惡如風介與通兩者均未可以迹倪也余
觀公在公車卽有志天下居謂異日者得爲縣

官用致俗文景奚難及酒酣耳熱把劍畫地謂
丈夫生不東赭瀚海卽北勒燕然山石耳其不
屑刺促雕蟲伎誠自信有所用于世非苟而已
乃隨遇隨蹟僅躋中壽令公薄收敢言之名而
國家不獲覩開濟之實效天乎人耶

廣西按察司副使惺復朱公傳

余外王母朱於公爲姑姪而公母贈太恭人祝
則余世父中憲公槐門女兄於余亦爲姑姪余
既舅事公而公乃過自挹以中表弟余余不受
也蓋公溫然長者白晢豐頤詳視安步不苟言
笑其爲諸生時人目之曰此殆貴人耶公旣捷
南宮余時待罪司馬署中公入而隸事出敝衣
履從兩蒼頭蕭然環堵之室人目之猶儒生而
及其述建昌職便道歸里敝衣履從兩蒼頭操
一舴艋人目之猶儒生耳謁選爲令得江陰蓋
江以南巖邑也而一二貴勢古藉江陰者有所

挾而蔬公至以潔已拊民爲事一切褻食米鹽
取自給藏吏受代致治儲額費大恚面赤訶去
之已度無所寘則以散諸閭閻需具日供而其
直一聽之閭閻矣其勵冰蘖孳孳亟民瘼僅半
載所而江陰之民戴之若赤子之就哺然以不
能善事一二貴勢用蜚語聞當路竟羅御史白
簡然亦僅能拾公寬大之迹文致之以爲疎濶
而終不能以苞苴一字點公銓曹業知公而難
御史遂改令長葛長葛雖號易治然諫大梁都
會而公更不以遷人悒悒其潔已拊民猶江陰
而尤加砮蕘如酌徵納平交兌廣賑恤撫流亡
弭盜賊無不犁然具舉而又間行阡陌見道多
曠土民有遺力則屬鄉三老教以三吳桑麻灌
溉之法駭脫乃盡爲腴壤矣長葛治行遂爲中
土循良冠前後治河大臣中丞臺直指使薦剡
凡十餘上擢南京刑部主事尋陞郎中公念留

都重地四方氓賈所輻輳往徃囂而輕犯法且
重以宵人牢騷之未可盡繩之以凡一凡所平
反大獄務衷於情法諸宦畱都者卽無不稱公
識大體云公爲郎凡四載會建昌守缺難其人
以公名上報可公甫蒞建昌迫得郡巨猾黃惟
昱湯于光等若干人婪暴恣睢諸不法狀咸寘
諸理園郡稱快改郡藏以便洞察固牝鑰時出
納吏胥不得因緣爲奸益藩自諸王孫而下未

藉廩者多冒濫而胥徒餽給亦影射百出至合
屬歲輸郡金錢守藏吏畱難橫索無已公一切
剔刷之殆盡學宮傾圯飭而新之而繕城隍葺
獄舍皆括醵金不足推俸以佐而又集郡譽髦
士月再試之品第甲乙以示嚮方士習翕然丕
變公爲郡大要依于仁恕間有發摘未常不神
明稱當事者列公治狀有云寬于容衆而不寬
于御衆嚴于持法而不嚴于行法兩言足爲公

生平當官實錄矣先是公以長葛最贈父一卿
母祝矣至是乃晉公中憲大夫母太恭人配董
氏封恭人云旣入覲抵郡越月而陞廣西按察
司副使抵家旬日病卒矣

外史氏曰余觀于公而知人間機智之無所用
也公爲諸生未嘗校冊而私于有司然卒用經
術鄉會聯得雋去宦途落落于要津無寒暄尺
一之問然卒用治術典雄郡以至憲臬余謂公
旣貴猶儒生非有所矯也公自率其真坦夷亮
之性非有所矯而爲之卽欲矯而不爲之不可
得也公生平無他好顧獨好奕然公生平石交
亦獨許心園兩人遇輒奕奕輒竟日夜不休余
嘗聞同年王次公云一日入見方伯某公迎謂
曰昨聞朱惺復計而不覺慟也世無若人矣夫
以公生平鮮傲睨之交沒而令人追悼以爲不
可復得可以觀公矣

詒美堂集卷之十九

海堧祝以幽耳劉著

傳

虎丘悟宗禪師傳

悟宗禪師名慧惺悟宗其號也俗姓畢氏齡季出家于虎丘山寺會晒大藏諸經得寶積經讀之盡百卷慨然發憤以佛果爲必可証其師澄公泊二三僧徒日爲治生計而蘇俗縹流市酤

詒美堂集

卷之十九

一

以爲常師不得已偕衆之海虞市不二價遠近歸之息頗贏一日辰起坐肆中有行脚老衲乞錢十二文作齋供師子其半及午無子者師如數足之已而老衲至肆見罍甕雜沓麴蘖熏灼大呼阿彌陀佛至涕泗交下且泣且呼如是者數十聲逡巡而去師是時不覺悔悟錯愕失聲叫絕仆地師有兄在肆遽掖之起師亟趨於慧日寺前追及之師誓首捨地涕泣號呼曰大師



何以度我衲曰爾辦此一片勇進心亦大難得師復誓首願得少住客某略一經紀肆中事毋以逋責爲儕輩累卽隨行腳去矣衲曰我一生行脚無伴侶汝只自脩自省自參自証我行矣無多言師再拜問姓名及挂搭處以俟異日叅尋曰我雲水乞食有何姓名挂搭處可言汝只自修自省自參自証可也師知不可留卽從所識稱貸金錢若干爲壽衲固辭師固進於是取

詒美堂集

卷之十九

二

金之最小者一錢十餘竟去師歸悉弃舊業苦行熏修南走天目天台西走九華匡廬一時名宿如無礙無際雪浪諸人無不爲師印可而師機鋒迅捷言下承當諸名宿亦無不驚嘆以爲法器今世無兩然師之岐嶇跋涉意實主於前之老衲以爲庶幾旦暮遇之果邂逅於匡廬五老峰頭相見悲喜交集始知爲西竺國善多那師覺其日用四威儀頗有神異徐叩之曰此準

提呪力也師曰世人亦多持此呪何得力者少
曰第爲世人太聰明師曰聰明何反不得曰世
人一味機智有甚聰明爾但洗心齋戒持呪百
萬不獲靈通如來神呪卽爲妄語且爾今發願
持呪已見災迤潛釋至於得力會豈自知師誓
首遂以神呪授師與大藏經中小異更直捷易
持今呪略已刻行世矣師從遊八十餘日最後
得指示密諦而歸於是掩關不出閱二藏經至

讀美堂集

卷之十九

三

萬餘卷手寫華嚴及行願諸品各若干卷晝夜
精勤不出關者凡十有八年遂圓貫通徹標示
一看以爲宗旨謂當體全空觸事而真無邊妙
義一時融盡所著有一看關集三十餘種刊布
者僅心經測引蒲團感念數則餘度之龕中戊
申夏雷雨大作崖石裂墮師時默坐龕中併龕
徙去數丈沙石擁師四大無恙也嗣是出關以
戶庭爲限近復以二山門爲限僧臘已望六而

步履便捷如少壯一布衲無以異于諸儕輩無

論豎駘庸繙無不稱悟祖師亦無不煦然接之

一切都忘爾我唯唯薦紳先生若髦士時時就

師有所叩師一二語破的中窾輒極意去戊午

夏余以行役避暑虎丘得與師周旋者旬日餘

每下春便忻憤羽扇納涼萬松下與師各踞一

石坐余於禪悅鮮所解偶一問難師觸之如瀉

懸河余時時愴恍自失也旣得師所撰點頭石

讀美堂集

卷之十九

四

六偈和之師曰若所謂口頭禪於實體真悟尚
隔而余以行役期迫僣遽言別因據師所自述
生平本末及余一時周旋所得於覩見者識之
如此茲行常遂乞身長弁軒冕求所爲實體真
悟者不然點頭石行且笑我

視子曰近世縑宿如達觀密藏輩豈不稱聰穎

辯博然不勝人我揀擇之相至於吐弃名教抹

殺今古者又幾於無忌憚矣彼徒見世之庸縑

曠曠以爲世人盡不如我而學士大夫借以爲名高者復不憚俯首下之不知宇宙甚大聰明穎捷者甚多未可以能繙三乘六宗語便謂世人憤憤而真以爲學士大夫亦盡不如我而恣其貢高無忌憚之心也達摩面壁九年惠能不識一字奈何以辯博驕人辯博驕人在學士大夫不可而況披忍辱鎧者乎修出世業闇然日章惟吾雲棲蓮老然亦無奈學士大夫之借以爲名高過爲尊禮於是縑素輩奉之遂如釋迦住世而一片真實平等心卒無奈蓮老之蕩無町畦何也今悟宗禪師其博綜穎敏不遜達觀諸人而真實平等心又絕似蓮老然蓮老僧臘既高參閱復廣晚年見解彌精而收視返聽退藏于密若悟師者假我數年不知於蓮老何如也近世如憨山者是一無髮宰官經世比丘自

當別論

馬節婦生傳

余不佞雅好譚說古今節烈事比宦豫章豫章故節義之鄉風尚所激閭巷女媼多以節自砥不佞爲采其跡最幽行最瑰奇者表著之業次第受旌又爲之紀其事以傳而況近在里閭周親內行純備如比部許君同生其女兄馬節婦者是安可無紀許爲邑望族節婦王母卽不佞從姑而侍御愚齋董公其外王父也節婦雖家世華胄乎然自其王父以來締業儒不辨治生又困什一節婦以世胄女習蔬布恬如也而性聰慧幼讀內則女訓諸書過目輒不忘人謂邑復有朱靜庵至女紅敏妙剝薛夜來伯仲矣以是父母昆季而下無不人人憐愛之季十九歸諸生馬鍾英歸五年而諸生天一子生纔二十日節婦矢志茹荼苦百端以迄於今蓋三十三年往矣節婦忍一死存孤痛不得從地下則

奉大君遺容朝夕焚香供之新必薦事必告又輯其生平手澤一函時繙閱如面對復題其楮有淚徹九泉等語比部私識之卽孤不以輕示也翁令綦江數千里姑從之節婦孑然里中目幾斷會播酋掠綦江城陷節婦聞而悲悅欲絕計無復之惟拜禱武安王像願以身代已而翁姑瀕九死鋒鏑中得生人里門人謂是節孝所格節婦既與叔氏勉當翁姑大事而孤壯有室能孝事節婦病輒嘗藥以進輒郤匕曰未亡人何生之戀而以煩若於是母子姑婦相持而泣且相慰勞聞者感動斤機杆之羨構一亭名十香供觀音大士日持準提呪及誦金剛經并奉夫君遺容事死如生蓋三十三年一日云比部君敘次節婦於二親昆季備極孝友疾痛喘息皆與通何論蔭蔭長物其感慨於今昔存沒之間一字一酸楚夫矢節存孤大誼炳炳婦順章

節孝堂集

卷之十九

七

矣不具述

外史氏曰余讀節婦十香誦恩親記而悲之其於生成源本一切願力所托可爲婉切沈痛矣是秉懿至性所鬱勃文生於情不獨徵敏慧也紀之以芬耀彤管奚愧焉

節孝堂集

卷之十九

八

詒美堂集卷之二十

海堧祝以幽耳劉著

祭文

祭叅知王新盤同年文

於庠屈指同藉惟江左右相頡頏而後先吳稱
竹箭如圃者樸不足數而論材豫章實惟翁爲
梓杞與榱桷蓋翁出臨武之門實爲詒匠之所
驚顧而冥探韻方颺而並謾度比隸以齊葩綯

詒美堂集

卷之二十

一

煥者斯德囿浩濛者其文瀾程品爲一時之琬
琰建樹尤驟駢之空凡當舍香於粉署洵水部
之清妍彼四民之與地利若周官之所素諸秉
人倫之衡鑒別縕露於琨珉俾西士之燁燁奚
啻起蠶叢魚鳧八代之衰殘點蒼抱珥遐縻禹
服自叅知之來斯而惠愛至今左袵推結以俱
嚙此皆海內知翁之大都而猶未竟其中之所
湛涵樂白雲而入帝鄉何天意之孔儻嗟邇世

之浮沈三十餘年來按諸牒而躑躅强半已化
爲異物而不可攀在天涯且爲憑弔況忝屬縈
茲土而能已於涕之潸潸覩鳳毛之五采實王
氏觸目之琅玕食有餘未盡之報恢乎疏流而
大其源以此問翁于幽扁雖羞溪毛于澗芷其
亦來格之嫺嫺也夫於庠尚饗

祭孝廉印洲沈丈文

詒美堂集

卷之二十

二

於乎世固有泡影難堅之形不至如公之死世
固有恠駭非常之值不至如公之所以處死世
固有超超未定之天不至如公之不可死而死
聞訃之日徬徨歎駭而公竟死矣余少之時與
公昆季異姓同氣並驅詞場泮執牛耳後先成
名鳳毛麟趾咸謂公食給諫之餘未艾給諫猶
不物也季物而公在季猶不物也而公竟死矣
於乎季之藐孤實爲余情今季春以公尺素來
娓娓百餘言力詆世眼之久塗詫梧臺之逆售

意氣憑凌欲無千古乃今之死胡爲哉給諫之
澤也鬱待疏而長公抱璞未偶季公倜吐輒收
惟沈千鈞惟公七尺卽修文需次迫欲得公奈
何以人間未了之身遽厭人間世哉公天性孝
友今所輾轉于庭幃骨肉之間其沈茶擊痛余
不能悉不忍言特以三世交情百年姻誼而私
爲悲公且質公于九原其何說而處此爲三生
去來猶屈伸臂卽泡影非疾歟至人度世簸弄
玄冥卽習性亦常歟著作登壇聲華照乘大季
不朽孰在孰亡卽天亦未始不定歟無繇以質
公聊哭公而慰公于九原如此於乎尚饗

祭石菴郭親翁文

余卅而獲締姻好於公公時爲典客長安貴矣
而性溫易無町岸淵然名家碩德一時薦紳先
生靡不樂附公余才弱冠而公謝典客歸辱不
余少而時進余于顏行杯酒雅語丙夜不勅也

余旣浮沈中外垂十年所余老且勑遊矣而公
髮加白而貌加腴骨加臞而神加王余疑公殆
古伯陽倅仝者流當祛三彭行地不死年來一
輕舠茶鑪藥裹出沒鴛湖杳靄中以爲常比歿
若駟左右鬢豎不知何疾何苦余又疑公殆古
稚川次仲者流乘化委蛻而未嘗死耶以公之
醇德壽考而子若孫翩翩翔翔樹世其家造物所
以爲公足矣可無悲矣然余謬托肺腑寔知公
微公子若孫卽翩翩而逝者不逮公來者公又
不逮公或者齋衷焉而余姊氏不幸不獲推
布操作長事君子豎承兩尊章大事余蓋猶有
隱痛焉斯不自知其涕之無從而辭之不能竟
也至於壽攷福澤造物所以爲公足矣可無悲
矣尚饗

祭羅匡湖給諫文

於乎余與公別三十年而復合合僅一年所而

公遽厭世遂成千古長別也傷哉傷哉當公拜
禮垣未暖席以建 儲議忤權貴奪職歸臥吉
水者三十年天下高公之諒望若威鳳祥麟旦
夕冀其復出乃啓事輒上輒報聞而公竟老且
死矣余之入豫章以丙辰冬公扁舟逆余龍沙
江上執手相訝頭顱幸各且亡恙公雖髮慘慘
變而朱顏若童把酒慰勞道三十年前事真如
夢寐自是余日困簿書公日以營梵剎作辛苦
頭陀行然言論時接頗不落窠臼已秋余嘗一
登公堂齋廚蕭然猶命酒擊鮮潔脩隨相餉余
甚愧公意爲信宿留是時公神明甚王談笑竟
日不倦明季余徙建武辱公惠然枉駕相與載
酒人麻姑山公隔石磴若飛鳥余不能從私謂
所攜客公百歲當未艾又明年余以行役再之
官遣訊相聞知公方臥病更得所以病狀心忤
忤寤憂之居無何而公訃至矣於乎公於用世

卷之二十

五

有大志於擔任世道吾道有大力豁達慨意
不可一世而用不志酬功不力副天其可問乎
哉公嘗謂余忠義之士其骨入地當千年不朽
今公嗟虹之氣與埋香之骨卽鳳巖爭高文水
爭長更千百禩不朽也公其猶有所憐而未釋
者耶抑乘化委運一無芥蒂於死生之際耶公
邇年心力強半役之玄潭九原有知冤鬼當依
於此庶幾得從太史問道真人受訣於區區塵
世泡影亦何所不釋獨愧余三十餘年離合鄭
重若此而忽焉等之值萍委之流電歲暮淒其
瀟江茫茫余負知己矣余負知己矣

祭修撰楊楚亭座主文

嗚呼赤董蟠雲滄溟浴日宇宙搏靈東南之壁
是生偉人爲國柱石惟師之生實出華胄耆卿
碩彥蟬聯羽遷俾盛而傳師難乎後早歲奮迹
揆藻青黎雄章大篇爾雅恢奇走大曆轍奪西

卷之二十

六

京塵坦衷洞腹濶步高視酒酣慷慨多所臧否
彼絳灌儔寧屑與齒忌者側目譏夫及唇遠厭
承明弭節八閩師若固有等之一嘖粵嶠秦隴
再命秉鐸師念母老旋起旋卻母既考終夷猶
淡漠嗚呼人之知師跌宕杯酒而不知師圓左
方右人之知師剛腸果毅而不知師憂國忿世
人之知師脫屣榮秩而不知師庭闈愛日合劔
一編壁聯珠瀉入咽流芬在笥光夜庶幾賜環
講帷重借胡劔未合忽焉劔化嗚呼劔卽云化
晶光燭天化爲長虹合爲大季彼金馬門詎乏
華顛九列百歲何殊電烟師當首肯爲我所然
於乎尚饗

祭君壽伯兄學博文

自同祖而下兄弟凡十人而兄最長兄生而蚤
穎甫弱冠而應有司試其文詞春容而駘蕩歲
戊午先君子奉使歸而兄以秋試入武林爲譚

說經術曰惟吾衣鉢爾其嗣響易三禮而麟經
兄以其無師之智而闢草莽一再試而廩於官
閭左之彥爭執贊而遊於函丈乃十四試而數
奇嗟竟漏于彌天之網嗚呼兄早穎而不自恃
宜售績學而攻苦不休宜售醇謹恬穆無疾語
躁容宜售一廣文豈足以酬兄而竟止此也且
遇不償畜宜壽享不配德宜壽事不人先用不
天殄宜壽而竟止此也余弱冠而從兄于諸生
間才不逮兄遠甚竟先兄而嗚及余請急謝事
歸兄以明經而褰帷于皖城所得周旋者僅諸
生之十襖而天涯相望者寒暑且二十餘更百
年幾何往往顧齒髮而相驚淦水足老余意欲
泥兄之行而重發言兄察余意謂一命而上君
寵是沾治裝決去長江挂帆鱗鬣俯首夫豈素
餐今季季夏忽走健屨函封乍啟光彩的爍徵
文壽余太史公作余書報兄敬爲兄醺兄期百

年共此林壑胡余方剖鯉于三江而兄已騎鯨
于六幕耶嗚呼傷哉師儒不爲不貴七十不爲
不壽先伯父洎先君子所倚望而亟賞者不爲
不驗弟世失醇儒鄉失表正家失督老後生失
模楷而舉族失典刑則余之所爲顧影孑孑而
不自知其涕之無從者也嗚呼尚饗

祭比部心齋弟文

於乎痛哉弟有不宜死者三有不可死者三而
竟死也弟自虛齋翁以來所濬溉深不宜死寬
和有純行不宜死澹泊善攝生不宜死而竟死
也弟有老親不可死有幼子不可死位未滿德
施不究用不可死而竟死也於乎痛哉憶余與
弟歲在癸未各矜國工同偕計吏金臺差戕收
骨遺驢旅屋篝燈搔背相慰亡何後先並掇一
第巧謝炙轍迹匪善麗惟茲拙宦實難足弟庶
幾清白無慙先世庶幾衰宗左矜右袒而今已

矣於乎痛哉余領粵節若亦畫錦天涯同歸良
亦厚幸昆季醵驪逐至夜丙及余薄遊嶺表者
垂二載而以捧賀之役取道白下貫酒秦淮
離棕待寫弟用考績先期秣馬甫及燕京弟竟
余捨於乎痛哉弟少余一歲余從萬里瘴鄉幸
而生還顧余頭顧二毛已斑孑影淒其誰與留
連風塵世路凝竟抽簪啜菽飲水可以承歡弟
有子弟扶持太君恬愉百年將所謂不宜死與
不可死者一切等之燭火電煙於乎

謝雨文

惟神式靈洪崖漢渚片詞甫申三日而雨守則
何修惟神之庥民亦何德惟神之錫士女解頤
若黔鼓腹鼓腹云何謂天雨粟雨之方來其潤
如酥禾黍芑芑立起厥枯雨之繼至其沛若瀉
禾黍蓁蓁青易其赭繇今以往六七八月及時
爲霖塊膏渠滴大慰有秋粒米狼戾守與士民

共拜神勸簡在帝心神益焜赫守與士民世奉
亡教

道署新初土神祠告文

惟神職司后土克配穹旻厥司孔嘉秩祀久湮
湮不可恒有其舉之闕疆妥靈爰疫爰咨神所
托止巽已生氣歲月伊何今 上巳未官常國
憲吏治民風神咸相之以永郅隆

祭孝廉環洲沈丈文

詩美堂集

卷之二十

十一

嗚呼君死妄耶信耶今年春君當偕計吏待對
公車余爲地方緩急留不獲修 覲事則走一
介燕京爲書致君大略謂君茲行名不擅天下
紙不貴洛陽不但君意氣不能平余亦爲君弗
許蓋君妙才篤養余實從諸生中素辟易云乃
發書之十日而蒼頭至自家知君以前月日物
矣嗚呼傷哉君家故給諫與先中憲聯藉兄弟
稱莫逆先中憲靡留之夕以六尺孤屬給諫也

迄今二十有八季給諫塲而余於君家二三兄
弟更稱莫逆也丙戌之秋余被命歸里君不鄙
夷申先世之誼約以兒女子爲兄弟昔管鮑交
契而不必姻聯朱陳締好而無朋友誼若君與
余兩世金蘭而百年肺腑于人世有幾哉奈何
不聞訃傷盡泫然雪涕之無從也且給諫位不
滿望年不配德庶幾哉取償於君而君總角知
名英季穎發宜其憑凌恃氣乃溫然過自抑損
識者卽靡不望而器之茲兩者皆非所以死君
而竟止此嗚呼傷哉君死信耶妄耶憶先中憲
屬給諫時矜矜藐藐諸孤越在數千里外惟給諫
之受托也指其心今君及君之胤子亦越在數
千里外惟余之所可對君兩世純誼者亦指其
心君其鑒之歆之嗚呼傷哉尚饗

祭慕遂封君文

於手璇房縹渺七十二隩金嶼溱洄亘三十六

宇宙吐吞今古渚鏡瑁璣翡翠竭當清淑是生
詰人杜德韞璞腹詩羣藉口鐸諸髦化雨難涉
漸於玉宰將母來歸遺榮寄傲適觀侍御霧騰
文豹侍御持斧再按楚閩水畱吏膽春近民輦
譬彼浦劒翁淬厥鐔譬彼江流在翁惟岷憶歲
癸巳侍御畫繡聊綴韻語以爲翁壽壽翁慕遽
於遽無疾拜引南州翁豈其後去已而亥余乃
客粵案牘錮形聞問猶門云胡萬古竟成奄忽

卷之二十一

十三

黃髮長辭玄冥疇詰於乎億劫夢刼大塊逆旅
不去者存不晦者斐侍御勛名方來未已麟玉
虬錦泉扃侍韓彼五嶺三州阿耨夜樂之間翁
之神無所不翩翩而栩栩倘斯言之得當必且
馮虛御風而歆余一七於乎尚饗

祭姚封君文

嗚呼翁於余爲肺腑姻然眉宇未及接而聲教
未及承也兒元每一謁翁歸卽津津翁純懿不

徒蓋翁之抱真而處若太璞重呂而卽之則秋
水澹而晴雲流翁之比義而行若岳峙壁立而
久之則條風盡而春陽抽翁之借獎後進陶育
子弟煦濡猶不及而中有耿焉若浼之介翁之
繩槩六戚刀尺四封疑漸染而難犯而實則溟
涵谷納夷然而與造物者遊當令子銀臺公珥
筆承明言動著蔡天下望之以爲九苞八璫自
非獻宗千仞河源萬里其孰爲毓而興之 上

卷之二十一

十四

旣再以子之貴貴翁朱紱綠盤與朝貴等而田
父樵叟之禮還不以倨見也五湖以南三泖以
北山可登水可釣名園別墅無不遊汗漫也身
不煩奸黠整躄而鳴瑟跼展侏儒俳優之奉未
嘗遠也耳不聞理亂黜陟而煩絃急管過行雲
而動梁塵者不輟聽也手不持籌算口不問生
產而鄣官譚倩魚龍曼衍之技未嘗不通薦也
而翁之叔子業成進士餘皆翩翩鳳毛蔚政未

艾天之與善不於其身於其子孫然子未必賢
賢未必貴賢未必名世貴未必領黃扉紆墨綬
者繩繩又或晚達不蚤貴不及親之存而翁年
既望八步履益健精神彌王稚齒修娥克盈後
庭曰吾當老是鄉夫以人世諸福備所難致是
鄉信足老矣當翁之疾也銀臺公方在燕邸王
事靡盬不皇將父一日忽心動請急歸得侍湯
藥且旬餘得用其致愛致恪之心以無憾于太
事咸謂翁厚德格天無所不食報余從白下得
翁計爰采江籬脩以淮醕而以翁所爲得全
昌者以諗翁而慰翁夫極生之樂者忘死之哀
翁得無有栩栩長遊衍衍來饒者乎尚饗

祭念劬陶親家文

嗚呼憶曩太親家瀛門公在燕邸余得交傾蓋
而接杯酒也蕭丈徵君實介紹焉後若干季而
蕭丈更以翁命請締姻余追瀛門公夙昔之誼

遂相忘于齊大之非偶乃今兩姪子女甫及結
綰而翁胡以托之無何有耶瀛門公倣儻饒經
濟才雖仕不甚達歸而爲政於家而族屬姻黨
間咸推鄉祭酒翁獨以坦厚醇謹承之人有緩
急不難指廩應也周親執獨不恡分甘予也遇
機械覺之而不忍以億逆也當橫逆茹之而不
欲以智力角人我勝也於歲入不必取盈而於
公家役則必任所繁重也於是閭右翁然得長
厚名而長厚之澤亦偏於閭右卽先世業幾挫
其半而翁之精力亦以拮据而耗病在心腹而
翁猶拮据自如夫德與福俱仁與壽偶以翁沈
靜寡嗜欲宜壽寬大無纖介宜壽仁心爲質推
予不勸宜壽而竟止是耶物理悠悠造化茫茫
無怵于於彼蒼矣翁有賢嗣三余婿最少今且
弱冠先世業雖日挫而翁之畜德行仁所培養
滋多先世澤且日引而日長後必有振瀛門公

之業而大之者翁可以僊僊乎遊夜臺而徜徉
矣汎酒崇殺作詞慰翁庶幾其或來而踰踰矣
乎嗚呼尚饗

祭譚凡同文

嗚呼公於余締交以來中間唁公之太公若太
君已復遘淑媛之戚乃今而復以哭公也嗚呼
公孝友敦至正直忠信宜壽仁心爲質條風煦
人宜壽豐順便腹詳視安步宜壽而胡遽止是

壽堂集

卷之二十

十七

耶自公以文章爲浙士冠才名噪宇內兩宰大
邑所在去思秉鐸八閩實惟才藪公冰鑑無私
所得皆一時知名士至今清議猶謂安得明且
公如譚使君之督閩學政者令天下共矜式之
一時見推若鼎彝瓊玖其重如此登萊之役實
以才望簡公念畿輔吭背重區兵食駢寄於是
精白乃心手畫腹計當事者無不首推轂公而
公心血肉耗矣猗經理綜核不少勑會以事入

臺謁竟卒于濟南公署嗚呼公所謂王臣蹇蹇
鞠躬盡瘁者非耶令稍緩公以歲月建東諸侯
之節鉞綢繆彈壓大可以繫奴酋之頸項亦可
以聲榆關之觝角壯神京之儲胥而今竟已矣
寧第爲戚黨痛摧典刑眞足爲社稷疆場悲失
股肱干城也已余猶憶曩者起家北上辱公走
扁舟杉青道蓬窗數語語皆肝膈迄今思之恍
如昨日而孰意此數語者竟成千古未訣乎哉

壽堂集

卷之二十

大

公蘭玉克庭二難已奏賢書行且儲當代黼黻
珪璋之用將箕裘百世之澤疆場百世之勛皆
公之壽又何必修短之數有遺憾于造物嗚呼
公家世有隱德而公獨以文章顯公稱文章之
士而又獨以疆場幹濟之用顯豪杰信不可測
而又何必以脩短之數強測之於造物岱雲巖
峩登海瀰茫公神可馮遊乎故鄉不腆卮言以
告公其亦爲之來格而洋洋矣乎尚饗

祭貢士陳涵初文

於乎惟公博雅蘊藉合經咀史發爲雄文河奔
霞綺囊括宇宙而意不可一世士歲在丁丑就
試有司側弁登毫咄咄恢奇遂冠青衿咸推白
眉余時挾策亦濫稱首傾蓋語合肝膽各剖弁
啓共膏探珠握玖余愧先鳴公安故步伏櫪長
號擊壺自怨晚乃見收美疾忽妬及余辭絃時
登公堂嗟吭溢而趾蹇猶視高而氣颺余笑謂

讀義堂集

卷之二十

九

公髮短心長縣官憐才薦以冠服俛而不屑向
余頓蹙曰豈內慚將爲子惡余前憫公無或輕
視無論輸粟及鑽故紙齷齪趨未易博此公
爲首肯亦復色喜會未決辰遽報靡畱珠淵采
沉劔匣芒收河清難俟造物焉暫於乎公年望
七無惋駛矣樂泌衡門冠服被矣庭蘭一枝非
乏嗣矣負郭歲入無憂匱矣惟是博識雄文一
世無足入其背胡當右文之世而坐自棄令後

死者曷軌而曷跂余所爲悲悲公之志

祭方邑侯太公文

嗚呼岷嶲洋淳奇舍秀扶誕毓我翁地靈人傑
以篤厥祥佑啓君侯究翁之施爲民之庥翁才
紫鏐宜蚤騫騰有其需之聲光益猷翁德素珥
冲夷豈弟有其布之厥德乃暨翁挾修鱗侯振
飛翰噓雲承日溟徙風搏帝念海墘下民其
咨侯氏樂胥翁定詒之訓敏教惠周浹旁皇侯

讀義堂集

卷之二十

十

善其貸翁取其償嗟魁太甚侯躬露禱一雨三
日立蘇萎槁禦人于途探赤白丸殲厥渠魁夜
戶乃恬鹵噬善潰疏渠引浥侯澤與深翁波之
及黷官飭新以進多士文治彬彬家學有自惟
邑四履壽域春臺天貺我翁齒鯁背鮐民何無
辰翁不憖畱吾民嗷嗷彼蒼悠悠翁來就養歡
呼枳道如將翁鬚如熟翁貌翁今何去蹙額相
告敘我典型疇怙疇冒海署秋空江城晝翳扶

牽黃白涂悲巷悽某等編戶稱氓倚翁大父辱
交偃室望翁儀羽居平爲頌頌翁百年百季且
暮期翁慶綿循猷尚鬱 貽典未揚庶幾異日
丹墀黃腸薄言慰薦崇殺湛醑片月吳天脩然
遐舉尚饗

詒美堂集卷之二十終

詒美堂集

卷之二十

三

海堧祝以幽耳劉著

祭文

祭陸象山先生文

嗚呼先生天挺人豪當其舞象神識冥超窮天地際解今古攷默則成象語乃成父先立其大盡刊枝葉此心此理靡全靡缺六經註我我復

奚說訓詁詞章紅爐點雪自南自北自西自東

美堂集

卷之二十一

一

有聖人生曰無不同先覺覺後雲附響從如風鼓橐以廷叩鍾五議之陳一時訂謨出知荆門德化覃敷胥吏兢義民酣太和施不究用景鍾是摩先生之學特嚴義利砭膏刺盲聞者汗涕紫陽首肯上下其議昭哉白鹿貞珉永誌先生之學平易切實終日終夜不寢不食沈涵熟復惟精惟一禪那苦空燭火擬日先生之學直接孟氏廣居正位大道斯履非由外鑠克之卽是

千五百年靈鈺正璽有山東峙厓如象形伊誰居之象山先生蕙林冰簾攬勝自名峻絕光瑩莫之與京遊先生鄉均切仰止旣新棹楔亦備黍稷直指經營中丞藻黼凡百職事相與鼓舞箕裘生潤靈爽若臨汎酒崇肴以薦明禋未墜者文不晦者心九淙五嶽增高與深

祭吳母一品夫人文

於惟太夫人毓精寶婺攬采瓊嬋德侔徵在

美堂集

卷之二十一

二

晰未絃儲貞淑于向孟備婉嫕於后宣惟伉儷雍穆默彰大順夫斯珪璋奇挺佑啓平季延蘭茁叢生者五秀采苞吐奮於英年然八珍五鼎紫泥綠盤鰲鶴禁麓圖修篁皓鵲均未足侈太夫人之懿燦獨其論思東觀典禮南宮木天壓視艸之班行棘地攬空羣之蹊蹊而且也十年一裘躬秉素約讓賢推能獎善隱惡而後知太夫人仁孝慈儉之所熏洽彼時事相將而揆地俾

惟寅之節 天子鑒不二之心中外且謂廟儀
之有歸而國成之有托迨乞身之疏屢上而忠
臣孝子自求兩端之不忤無何太夫人之訃聞
而宸眷難留綏紳助悼金鑄玉鑑之色乃愈發
而愈燦非太夫人式穀芳規母儀天下而何以
祿位名壽與天壤而相薄也嗚呼華蓋摧峯寶
唐咽流太夫人方偕九華雙成玄妃麻姑而遊
天下悲母儀之胡不百歲而相業之將大而故

讀書堂集

卷之二十一

三

祭陳太夫人文

嗚呼夫人以慈孝溫恭著於里閭爲里閭之婦
若母則卽里閭之人無不能言之者惟是我師
之念韓太夫人春秋高掛惠文冠疏請歸養也
夫人實慙慙焉我師旣歸養太夫人家食者垂
十五載凡所爲承太夫人斑綵驩者極志體之

娛而夫人實左右焉太夫人季且望百嘖笑聲
效師先太夫人之意而承而夫人又先師之意
而承若晨問寢春問食病疾啓處問拊摩師後
太夫人而息而夫人又後師而息蓋十五年一
日也師壯始有嗣夫人推小星之誼躬襁褓而
督教之師旣起家視漕河已晉同卿夫人獨留
家課嗣君讀謹司筦鑰飭臧獲勾盈縮以母勤
師於內顧師負公輔望朝野仰若琳球旦夕不
中執法必秉銓樞駸駸當大用而嗣君亦以業
成而受知於有司褒然爲青衿冠而夫人喜可
知也五珈翟茀 寵命狎至而胡不百年優游
以食其報耶夫人故善病然尋病尋已於壺內
外無隳政以是師得脫然而安於宦而今胡以
遽舍師及嗣君去耶宗黨哭於堂家指哭於庭
鄰里哭於巷男罷業女輟紅慈孝徵矣且韓太
夫人之歿距於今僅三載所夫人當與之驂鸞

讀書堂集

卷之二十一

四

駕虹並遊玉京卽所稱溫恭慈孝流芬於郡國
騰夢於縉紳追思攀慕于戚黨里巷者極人世
之哀榮而於夫人固無加也嗚呼尚饗

祭王太夫人文

太夫人爲德安郡侯王公母侯方領六屬吏事
入而上計天子而太夫人病甚思歸侯之欲
授簪奉太夫人偕歸者數矣會當道繩以大義
辭弗獲於是勉強北嚮旣俠旬乃太夫人訃至

諸美堂集

卷之二十一

五

自九江侯匍匐跳奔及之而某與侯得侍同寅
且辱締世講於太夫人猶母也諒不容無一日
與侯俱去竊謂太夫人教子克家伯仲後先用
經術取高第爲時聞臣而婿若孫又各以家學
顯融應宅相年踰古稀翟珮承恩履順終始
長返眞閨人生亦復何憾第某儕之于侯奉令
承教有年而侯亦不鄙而下交之絕城去府驥
若平生必曰太恭人之從臾行醅庀脯款密留

連必曰太恭人之調劑伏臘交際隆加薄責必
曰太夫人之好施某之於侯也是季是帛而于
太夫人也猶母猶子胡天不慙遺我太夫人而
奪我侯以去也蓋其誼闕于今昔存歿之間而
其悲結于神情黯穆之際斯固不覺其涕之無
從已千里緘辭一介導衷太夫人之靈爲雲爲
霓靡所不在則楚水吳山遠可以幾而江蘭沅
芷薄可以薦嗚呼尚饗

諸美堂集

卷之二十一

六

祭劉母曾太夫人文

太師母劉太夫人卒玄宇藏輝養堂回眺吉路
式遵明燎弗照門下士海昌祝某聞訃之三宿
爲五月戊午朔越九日寓殿饌帛長跽告曰鬱
伊太母戴宿德齊作范幃帷縣程嬀姬令子鉅
碩實維我師神樞性扁翁聞淪見橐籥六經郭
郭萬卷錦攸金閨臚仕湖甸左餐右粥剗薄還
淳再典棘闈譽髦盍簪獨觀天機曰九方歎師

亦有言五載於此無愧厥官欣欣桃李簡在
帝心宣麻尺咫尺宣麻共愉且怒民惟我師
永藉衽席士惟我師步趨爲則胡 內召之期
未及太母之訃突聞令士若民所欲緩師之去
而無策而徒相與拊臆而搏心我師勛庸次第
鼎鉉伯薦南都聲華焜耀母道雖徂母澤彌長
古稱有子太母實當但海內斬我師下慰以蒼
生而上以 當宁副則猶有待於異日而不能
書美堂集 卷之二十一 七

祭陳太夫人文

嗚呼人間世將獨有得天之全者耶太夫人少
儲淑質幽閒懿媚長稱名媛端一靜專爰相夫

子以經術世其家風之積也是以負大翼而翮
翮執搏扶搖其所篤生森森大賢槐苑豹蔚制
科蟬聯益海內之望二陳先生若景星威鳳爭
覩之先而太夫人之成之者遠焉巖廊之上步
武比肩山甫補袞上用罔愆皋陶明刑民以無
冤嗚呼在昔貞元會合厥有賢母寶乳多賢若
古元凱人龍者太夫人不其然乎哉嘉乃丕績
有命自 天累牒連章赤赤輝輝嗚呼若太夫
人壽豈曰不年戚里哀悼孺婦涕漣抑其有
不可護者邪余生也晚自爲諸生則長公業屬
季德而善余有交誼遂釋褐試事比部而次公
爲比部郎又善余有寮誼且嘗從長氏締二姓
好卽不終有姻誼余方以大母嚴太夫人而胡
遽逝而仙耶萬里湘沅而繫一官情慘菴塞有
喙胡宣我役孔嚴我歸式遄卽不踰時用西鴈
而踟躕有帛菱菱爰附束芻寘太夫人之前太

夫人有靈庶其鑒余之捐悃者乎嗚呼尚饗

祭查母姚太夫人文

於乎爰組繫絲蓋亦稱女惟太夫人父冠惠文
爲名御史監饋乃將蓋亦稱嬪惟太夫人兩嬪
並貴盤綠爲壽彼饋而耕蓋亦稱儷惟太夫人
配參雄藩金緋焯懿厥有服劬蓋亦稱母惟太
夫人式穀憲副絲筆繡斧以齊壹政蓋稱嚴君
惟太夫人千指遼遼無替慈勤既備四德以餘
諸機是宜百年長瞻母儀云胡一朝倏掩春
令姿委霜玉鬼長夜閭闔側宗姻咨詫於平
哀哉某於憲副實忝驥附五嶺東西執臬齊我
謂太夫人慰勞敦懷我老善七無煩內顧憲副
叱御遂輕萬里瘴色曉開羯習時教太夫人言
予其有子往報九原庶幾色喜一命再命方來
未艾翟弗鼎釜殊恩狎霈六十四年其識有涯
百千萬年曰榮曰哀於乎尚饗

祭陳母韓太夫人

於乎太夫人備完懿得全昌而躋上壽乘化去
來天倪人穀則姻黨能言之通國皆知之矣惟
是我先大夫之辱交於中丞公也而知太夫人
之婦德中丞游歷藩臬尋驅熊軾太夫人佐之
嚴化贊績婉美從貴魚軒翟弗自某之辱知於
侍御公也而悉太夫人之母儀侍御驤駕玄圃
簪筆赤墀九能加七則太夫人式穀之貽既而
侍御風行霜肅淮甸豫章太夫人業已捐侍御
爲縣官用而侍御不以三公易一日奉太夫人
而夷猶畫繡之堂某數過侍御貌澤而語雍而
知太夫人寢食恬也庭蘭一枝娟娟嶷嶷而知
太夫人含飴擁膝娛也又間追隨侍御於西湖
六橋鶯花唵眺間而知太夫人板輿適風日宜
也逮者秋仲見侍御容若愀然而語怒然者聞
知太夫人啓處或拂其常然猶意卜且未艾以

侍御之能精太夫人養而太夫人之完懿而全昌也乃令季夏之月太夫人之訃來矣於乎太夫人婦德母儀備懿得全卽五珈飾而五釜供百歲引而萬髮旋在他人得之以爲汰而太夫人得之以爲慳昔叩軒闥必聞動憇今拜帷堂慈徽永闕不腆者詞無從者涕恣芬爰臚鬱金且絮淑竟雖僊然而西乎其亦爲之少次也耶

於乎尚饗

壽美堂集

卷之二十一

十一

祭譚太夫人文

於乎太夫人躬四德具八慈以集諸福自閭黨懿親所邁覩無兩矣方令子司馬公以經術冠兩浙太夫人季未及艾今者譽命壽至年尚未及者而孫英羅膝服衿者三結縉者二擁祿而稱孫曾者亦三完福隆享履順去來卽太夫人所爲四德八慈聲稱固不踰閭然司馬公身現瑋縕經濟爲時山斗則咸謂太夫人式穀之造

踰弱冠奮巍科爲時鳳麟則咸謂太夫人允能之助三更蠟邑晉佐畱鑰奕然爲樞筦重則咸謂太夫人做濫訓荆之誼然自太夫人之爲新婦時與先太恭人居同里巷數數聞太夫人賢矣而太夫人亦數數知我先太恭人也守一無似得委禽高門太夫人實尋舊好力贊決焉傷哉淑媛竟先太夫人不祿也守一方仰恃太夫人猶孫之視卵翼胡亦竟後淑媛之歿僅三載所遠厭人間世乎抑聞淑媛當病憊時有異夢若雙成萼綠華者羽衣來迎意冰心蕙質應召仙去稽諸往藉事固有之今當函慈珠駮鸞鶴侍太夫人蓬閭間融融甚適異日者司馬公勛猷名位日益崇諸孫步武鵲起盤綠珮玉駢繁床顯太夫人卽僅躋中壽乎而無疆榮哀是爲太夫人無疆之壽以此慰太夫人并慰淑媛卽辦香蠹水其或一余歆也夫於乎尚饗

壽美堂集

卷之二十一

十一

祭吳母太夫人文

嗚呼禹祈瑞毓望澤氣滙磅礴積含晶流徘徊
不獨軒冕亦鍾珥笄江右名曹壺內夏魂翳惟
賢母夙嫺令嫺雞鳴相夫熊九課嗣啓我神君
金瑩王粹政術文章當代罕儔最示鹽官大都
支壤蒼黔待哺案牘鞅掌下車未幾幽谷頓朗
拊之摩之咸在慈襁薦紳父老以及子矜望若
披曜就若飲醇錢塘妬之借我神君二百餘里
彼洽此淪吁嗟太君胡不百歲錢塘苦逃而況
疆異母儀如臨仁澤永暨赭石滄溟流芬載懿
某忝部峻覆露最深俯尋世誼神交最真浮沈
世路有懷徒屯不腆之詞以侑蒿菴蒼生望重
袞職待補爲民怙恃爲國粉齏湛恩狎至泉扃
光吐太君領之歆此簋簠嗚呼尚饗

祭夏母太夫人文

圖紀海陽嶺南鄒魯惟山鳳騫有水凰舞鍾英

吐奇寧僅圭組其在壺闕焯然儀羽太母令德

慈氣義氤雞鳴夙警以相國珍式用熊九佑啓

仁君仁君爲政先勞以身哺含襁褓曲宣慈芬

最爾鹽官近罹凋頽貧乃好奢愚且予智下車

更始仁心爲質期戒勿亟而鮮適稅民咸畏法

乃不畏吏大母日晏聞政輒喜覩此庭閒庶寬

閭倚民有餘粟爲進甘旨大母有言彤史堪紀

惟民有母惟吾有子愧余謏陋濫嶺海節方幸

詣美堂集

卷之二十一

十四

式間用表慈詰云胡一旦蘭湮壁缺惟我仁君

命代稱杰蒼黔待拊玄化待燮煌煌九原珈珮

待綴大母領之殺崇醑冽於乎尚饗

祭張夫人文

於惟夫人系出華楣身萃完懿克相大夫曰無

攸遂大夫倡道門多謁贊壺則是閑夙興夜寐

及乎計偕固請寘貳慈惠所格是誕國器大夫

綰綬稱五湖長中廚晝間西山朝爽鹿門歸隱

屣塵鞅不聞噴室椎布俛仰夫人示疾令子
額天剖股以進疾乃霍然浩劫誰窮石火電烟
倏焉乘化超彼大千大夫履道用之以冲子也
恂恂氣噓長虹寵錫方來賁厥幽宮酌之椒漿
令儀是風

祭錢夫人文

嗚呼夫人父叅知翁孝廉而伉則今中翰公卽
無論名位所至然皆鄉邦所稱爲篤行君子者

詩美堂集

卷之二十一

五

而四大夫子美秀而文森森乎琅玕觸目也其
懿造完錫令儀純祐固已足樹壺儀艷彤竹矣
而不佞所耳習於夫人者則惟才與賢當中翰
之揆藻明廷選侍秘近王事靡盬留滯燕京者
越數年夫人獨秉家政內外一切辦治蓋秩然
臧否而獲度襲余辱孝廉公忘季交交且莫逆
孝廉墓未拱矣愧余劒猶剗緱而未懸夫人以
中翰公命來且以孝廉風昔交誼請時中翰公

尚在燕京夫人以中翰公命請益力曰斷金之
誼庶幾其附焉以蟬聯然夫人所締姻皆鼎貴
望族卽中翰公以孝廉風誼故不余鄙夷然而
夫人之賢彰矣迨中翰公倦宦歸里夫人亦倦
家政不復問壺以外事第謹中饋飭門牡一稟
中翰公旨以周旋夫人旣擁三新婦而處獨季
尚少鍾夫人愛夫人何以能舍然然少子遽厭
人間世耶又何不能强七加餌食報百年而金
弱息亦竟不得荆笄椎布一事夫人負夫人矣
然夫人方騷鸞鶴躡雲霓卽它日六珈五花光
簡冊而榮泉扉者未艾余又安用以區區兒女
之私向夫人絮舉累歎爲也嗚呼尚餐

祭宋孝烈婦文

吁嗟乎汝宋氏之耿然烈也其遭遇亦重可悲
矣汝夫貧不能給朝夕恒耳至頑不能安室家
荆笄無托金夫見凌斯時也烈婦計惟有一死

爲一身完清白死爲萬古留綱常悠悠肝江
鬱鬱源安得有烈婦之死又安可無烈婦之
死然烈婦不徒死也婆姑老矣方倚烈婦爲命
烈婦日出樵采夜機杼霜月下而饗餐時或不
膳私噉野蔬不令姑乏饋粥冬寒一敵泉覆姑
獨展轉牛衣中達旦耳始烈婦引刀自決鄰里
爭掠藥之烈婦矢必死不受藥姑拊烈婦而號
謂婦死媼不獨生烈婦乃忍死及姑幼而夫暗
彼豪餌知必不免於是烈婦恨一死晚矣紅顏
悞儂黃金悞夫白刃自鳴碧血不散猶得以舊
日荆筭見姑泉下吁嗟乎天日且爲慘黯山川
亦宜震動彼頑與豪何獨非人哉幽谷靈香流
光暗馳而正氣燭天爲虹爲霓不可泯也後四
十餘年余忝觀察茲土爲立石表汝墓曰孝烈
紫酒炙性醕而告汝卽今繡斧巡行之使尤加
於揚芳振幽觀察不敏爲上其事行且聞之

卷之二十一

七

九重微如綸之褒以光揚汝不腆之詞汝其知之

祭之日村谷老幼觀者數百人方讀祝詞忽
大雨頃刻開霽成禮而畢人人嘆異以爲節
婦有靈天且爲之隕泣云

祭封大學士張翁文 諸生時代作

萬曆十一年某月日 誥封大學士蒲州張翁

卒其門下士巡按御史孫某時察議政觀風浙

直睹夫氓弔於野士怒于覺旅愕于塗而吏容

於舍曰我張相公行且釋端揆去矣當其時某

卽不及躬見 聖天子之軫悼賢公卿之哀輓

迺浙直去京師數千里之外之民風有可采之

以唁我翁者於是寓殿饌帛往告靈曰嗚呼翁

哉疇不爲德德啓元輔疇不爲享享分珍黼黻

不爲爵爵宮保封疇不爲子子師相公在隆嘉

間治尚綜核師相握鈞斲雕爲樸解網放開自

上下下翁安師相于位也以噓枯而編籍今翁已矣氓弔于野爰闢賢路茅榮斯亨翁安師相于位也以簡駿而庇楨今翁已矣士怒於賢壘澁紆沮實藉傳尉翁安師相于位也將胡貉而儲胥今翁已矣旅愕於塗名爲精明徒欲創罷翁安師相于位也則醇還而觚化今翁已矣吏咨于舍乃若萬里徵逐臣而不顯人主宣恩之跡片紙斥巨璫而不測人主用威之端則

諸美堂集

卷之二十一

九

一時元老所爲潛移默運而它日寅亮當與伊周比肩此識者所共舉首師相而願翁長有于人間者今翁已矣某猶出吏士氓庶之外而于社稷重有私愆於乎翁生也榮盤綠珮玉翁死也哀唇碑汗竹鳩訥爲川姑射爲山持此完福還彼山川有頌宜述無夢足悲一語得當萬古可揮尚饗

壬午鄉薦祭大宗祠文

惟我祖宗畜善培德既厚既深斯我後人續緒發祥奕奕而振振以某水木仰承已衍於十四世而科名繼起忝爲第十二人適慶源雖若遠而若近論世澤固彌導而彌新乃者歲當壬午應昌期于祖考且也廟名第九踵芳躅于嚴君是皆我祖德宗功式相顯騰而陰佑故考時誌數每若符合而蠅承攀松楸以瞻掃恍感慕其曷勝謹以剛鬣柔毛榮感醴齊祇因歲事以薦

諸美堂集

卷之二十一

二十

尚饗

戊申修葺大宗祠并置祭田告文

嗚呼氣序更新時維元旦廟貌既飭祭田有需伏臘烝嘗犧牲粢盛庶幾皆有所責成以備以潔式擴光大猶于將來有望惟我祖宗寔陰相之祐之尚饗

建棹楔邑城祭告山川城隍文

某自高曾以來叨承累朝錫命世受國恩兼荷

三臺寵光並推公帑建坊標額當鹽官治之前
隅仍舊貫也聚材鳩工實賴邑父母之餘庇日
時叶吉豎柱安樑恭祈山川效靈神明鑒祐自
宰牧而下名德穹崇若士民人羣閭閻熙泰某
繩先素業若與坊以更新而報國甘心矢偕石
而俱永矣謹告



詒美堂集卷之二十二

海壇祝以簡耳劉著

紀

朔方紀事

寧夏之役 廟儀紛如余時待罪司馬署據所
日得飛騎傳報彙而輯之庶幾備它日功罪實
錄云西迫賀蘭山北鄰沙漠東南控黃河而蔽
全陝屹然稱雄鎮商賈士女布粟錢貨輻輳其
中而諸衛所基置遠近 國初特設巡撫都御
史建節彈壓之嘉靖間哮拜以降虜冒漢爵蟠
據鎮城拜故黃毛種因獲擧於其酋長父兄皆
見殺而拜伏水艸中得免因歸命備戎行積級
至都指揮使擢副總兵 今上十八年拜子承
恩乞襲父爵當事者持之謂一降虜何功於
朝廷不宜濫而一時深計之臣請稍從寬假以
示羈縻于是授指揮使去彼初妄覲通侯不則

亦願世總寧夏兵歸不無怏怏而拜既雄於貴
所部驍健千人青海之役驚然有輕中國之心
狼戾欲逞而未有隙會巡撫党公譽於將士多
所濕束而卒劉東陽許朝等俱黠桀亡賴頗蓄
怨望拜刺得之以間嗾東陽等曰若苦党巡撫
虐耶任爲之有我在於是東陽等羣譁於伍聚
黨千人排戟入索党亟党與其母及家衆匿層
樓而東陽等欲縱火焚樓党不得已下爲所執
交刃之立死復羣謂党某之惡石兵備實翼之
蓋兵使者石公繼芳故党姻戚也槍攘間石出
而與總兵張惟忠遇惶恐計無所之乃解冠服
顧從行卒取兜鍪短後衣衣之而手荷戈若爲
張前導也者值東陽等大噉石兵備安在石股
栗仆地衣中露皆纖綺爲賊所察前執之加詆
辱交刃亦立死賊因發鍵縱囚散帑結衆而撫
鎮而下四公署一時盡付烈焰矣蓋壬辰二月

十八日也隨僉事府以臺謁穆少卿來輔以奉使歸咸在鎮城力慰諭各賊不聽而哱拜父子亦從中謬爲講解二十三日遊擊梁琦土文秀守備馬承光千總哱雲將五百騎由中衛互市歸駐城外拜密令哱雲土文秀殺梁馬然後啓關按轡而入土哱氏黨而雲拜義子云二十四日賊又羣赴張惟忠逼奪印去張知不免遂自經于是盡收撫鎮符印旗牌于二十六日封牛馬祭天東賜自僞爵總兵而哱承恩許朝爲左右副總兵土文秀哱雲爲左右叅將數党二十罪脇慶藩及隨穆疏保東賜等爲倡義當授官卽真且爲書若深德東賜者其辭甚懇惻以嘗督撫魏公學會而哱承恩擁衆出生執玉泉營遊擊傅桓又旁掠廣武等營直抵中衛哱雲土文秀等竟襲靈州所過城堡四十餘皆望風靡叅將熊國臣守備袁尚忠趙維等棄城鼠竄

去賊長驅出三百餘里勢張甚魏公所使使張雲諭賊被窘辱歸具言諸罪肆狀始謀發兵顧諸黠猾素貢久不習戰而榆林蘭靖諸邊動隔千里而遙調發不以時于是遣副總兵李煦由靈州橫城遊擊趙武由鳴沙洲各提兵進討賊蓋寧夏肫懸河外前界靈州而稍左爲橫城右爲鳴沙洲計賊由靈州內扣於道便乃遣李煦亟趨靈州而賊已密通土官都司吳世顯僞授叅將約以城降是夜謀洩而叅將來保倉皇糾合士民有勢力者乘城固守又密函報魏公請急而李煦及遊擊吳顯兵咸至文秀知事無濟始遁去煦率兵戰獲僞將王通哱進章等而趙武兵由鳴沙洲獲賊詹仲科于正等并奪獲賊筏數十餘諸城堡盡復賊稍稍斂入城乃盡括鎮城金帛子女往勾虜爲聲援且許割河西地與虜共舉大事虜酋著力免宰僧等啗賊賂

果四出圍趙武于玉泉營會所調榆林莊浪兵
相繼至李煦與總兵牛秉忠率之渡河虜漸引
去玉泉圍解獨平虜營爲虜寄境上文秀哮雲
哮承恩糾虜攻圍甚亟而叅將蕭如薰以孤軍
抗守不下賊謀聚艸焚樓櫓人而如薰大闢兩
門張疑兵却之又手射哮雲中左目死并戰死
賊黨吳教壩周儉等雲於諸賊中最驍悍哮拜
父子倚之右臂雲死而賊氣奪矣當蕭之乘城
抗賊時奉 御座于中門諭諸將士以君臣大
義有死不可背諸將士咸涕泣願效死靡他而
妻楊謂蕭若能爲忠臣妾何難爲忠臣婦乃盡
脫簪珥出饗士士益感奮虜旣不得踰平虜而
東而我兵併力進攻所斬獲甚多焚其火車百
餘賊千人溺水死高益等二健卒賈勇奪門先
登闔城震動顧後兵引却無應者三卒往來號
呼手刃數十賊力盡糜賊手是役也各軍新集

讀史集

卷之二十二

五

無見糧將士多歎望羽書晝夜警京師戒嚴一
時忠謀石畫之臣扼腕而起人人言殊而大司
馬石公首發決水灌城之議議未決會御史梅
公國楨疏舉故總兵李寧遠父子忠勇可亟遣
而在廷諸臣且疑寧遠父子驕縱有他志于是
梅公復疏云李氏父子但當防之於遼左握兵
之時而不當防之於廢棄離任之後若疑臣徒
市私恩不顧國計願與李俱馳寧夏功成卽日
還朝倘中途事平聞報卽返若其不效則軍法
在焉何止薦舉非人之罪疏入 上壯之而寧
遠方家居卽命子李如松充總兵官率所部良
家并簡宣大遼左精騎與梅公馳赴寧夏大司
馬復議調集諸鎮兵爲犄角而巡撫葉公夢熊
請釋甘肅而提兵身討賊咸報可而又特推帑
金數十萬犒士渙 明詔誅首惡宥脇從懸不
次之賞以待豪傑而吳越閩廣間挾策于用者

讀史集

卷之二十二

六

叫號于大司馬之庭無虛日矣當是時大軍未集而魏公所調發兵不滿萬賊憑堅城而諸邊虜且颺起又爲妖讖東勾順義王令大舉入犯時拜徂而日無中原棄故所受綸綍于城下而諸逆黨咸辮髮示不臣拜妻施時時諫不聽又翟輒而立謂拜曰此何來悖德不祥而承恩與弟承寵恚而露刃叱曰老婢子無福作皇后耶益大發家丁出抗王師先後戕殺我士卒數千

諸美堂集 卷之二十二 七

火又勾虜擒截我糧車二百餘乘承恩迫脇慶王妃母子死土穴中民家婦女所被荼毒備極慘毒巡撫朱公正色甫至靈州卽疏稱二難三可畏而魏公不得已亦屢疏欲從招撫廷議謂賊大逆無道死不足贖不可許有 旨切責魏公而李煦及轉餉總兵官劉承嗣一時咸有處分矣會切盡會婦使使來願要說著打二會令無從逆敗市賞失中國意而蕭如薰先擒獲

王會長中有爲著會所亟者願以金帛而蕭公持之以要虜虜大悔恨與賊不無中離而東陽等計溽暑虜馬弱將緩我師以待秋乃更爲辭謾我云十八日之變寔成於史得與常達子等今已廉得首惡正法擁 慶藩及隨穆于睥睨間要故所善總兵張傑爲盟聽招撫魏公與朱公議遣傑賊列幟鼓吹導傑入約後三日當迎朱公往亡何而傑家丁出知傑已爲賊所拘繫

諸美堂集 卷之二十二 八

矣先是平虜被圍朱公議發援而道爲虜梗不得達乃簡玄甲數千夜循賀蘭山徕附而度抵平虜蕭得援出奇兵直搗虜巢斬獲甚衆虜皆指恨要時拜同攻平虜雪耻賊緣是復與虜合時虜在魏信大壩及沙湃者爲副總兵蕭如蘭與來保牛秉忠等先後各堵截出邊而葉公已至靈州所調集苗兵二千人一切攻具咸備梅公泊李如松兵亦至於是分遣諸將四面進

火炮擊三樓櫓皆燼斬賊首四十餘生擒七十餘俘承恩中流矢拜亦幾被擒獲賊大挫而是夜有百戶姚欽武生張遐齡者射書城下約先攻西門舉火爲內應而將士苦戰鬪得書匿不以聞既夜分遐齡候外兵不至身絕城下抵遊擊陳守義營而守義畏縮不敢出久之城上舉火姚欽等知事敗與數家丁亦縋城下而同謀者五十餘人皆被害質明懸首於城矣賊以堅城委我且得以餘力出擾掠自振而我士馬從烈日中晝夜仰攻死亡相籍我怠賊奮士氣沮銷七月初二日隨僉事懷印私墮城傷肱不能起賊以四家丁下執隨而我兵踣殆無一人往抹者賊旣得隨以刀反擊隨者四而鎗之他所賚四家丁人各五十金被絛而耀於樓由是賊益恣無忌宣言虜已與我合勝則據城而叩潼關不勝卽走虜朝廷其奈我何梅公疏入於是

賜魏公尚方劍令自大帥而下不用命者戮以徇而擢蕭如薰總寧夏兵討賊仍械繫熊國臣棄市顧虜暫去欲未飽擁大衆十餘萬騎分道復入總兵麻貴蕭如薰董一奎等各引兵遮擊而遊擊龔子敬粵南名將也率苗兵千人于沙汧守隘會火山灘虜七千餘騎欲出不得乃合圍轉戰苗兵火器所擊死虜無算龔與把總戴君龍兵寡力盡叅將倪英擁衆不發龔戴全軍俱覆沒虜亦創甚去於是始決意爲灌城之策而度城東北勢卑陷水決且旁溢衆議先築堤而令劉承嗣董其役晝夜壘土爲堤數十百丈然後決大壩引水入賊寨而陽出營公石公家屬求招安陰使人決堤堤潰水溢於是斬守堤都司吳世顯實龔以靈州予賊者也我旣以堤捍水而復以兵防堤頃刻不遑暇而賊以間得出密書勾虜虜聲息時至水環城旣踰旬而城

不下且將各爲心軍無統紀號令多不行梅公
不勝忿懣虞公不成無以報簡知而塞中外
望乃復疏賊必不可滅狀上震怒奪魏公官
以葉公代既又命斬陳守義等而逮係魏公矣
大司馬石公更疏請罷庸將董一奎劉承嗣而
命蕭如薰督固原甘肅延綏寧夏諸軍李如松
督宣大山西遼左諸軍而卽以尙方劒改授葉
公葉公既受命與朱公梅公圖所以滅賊者而
諸美堂集 卷之二十二 十二
著曾欲無厭知賊未滅我終不得以全力與角
引精騎直抵橫城爲截餉故智葉公等議城未
下而虜深不逐虜勢中牽何以滅賊乃命李如
松簡宣大遼晉精卒以李如樟李寧趙夢麟等
將之疾馳往夜半與虜道失而李如松自將事
騎馳及張亮堡遇虜五千餘騎圍我軍如松力
戰不能却勢且迫而如樟等聞而趣還李寧身
先不介馬而馳突入圍立斬二虜遂解去我兵

追及賀蘭山斬首虜六十餘級繫繫揭於杆以
恐喝賊賊勢削而浙兵及莊浪土兵新集氣方
銳朱公乃率各兵渡河定殊賞以勞將士而蕭
李等引兵迫塹而攻城中虞食盡必死等死死
義乃始合謀爲內應九月初八日鎮民袁朝黃
中薛永受者潛出云與夏之時何廷章等三十
七人約先潰南關而筆瀉氣者其人有心計得
間卽以太城應矣是日夏之時等斬賊十餘人
諸美堂集 卷之十一 十三
啓關延我兵入朱公梅公下令禁妄殺百姓焚
香迎拜者柘途許朝唵承恩身出戰而我兵乘
勝驅逐賊不可支梧遁入城而縛內應諸人家
屬于城樓我亦隨縛故所獲劉東賜母及許朝
女出示賊乃釋葉公聞而亦渡河厚資諸內應
者而又念百姓苦荼虐戶撫之歡聲四動次日
又令所釋脅從諸人呼于城下曰我等因獻關
受賞矣若獻大城當受上賞晝夜據關而攻賊

復出張傑求招撫而民李登者寄其妻若子于所親而身請行間自矢功成受賞不成以死報國梅公予尺一往說唘拜使殺劉許自贖薄暮以小舟渡入拜長跼雪涕委撤謝如約然必得督撫符印以爲信登出而葉公朱公各授札往拜父子果陰謀殺劉許矣先是南關之役東陽故疑土文秀有異心文秀方托疾不出東陽與朝陽問疾至榻前刺殺之拜知大恨東陽等遂與筆瀉氣密定計擒東陽與朝皆斬之擲其首城下我兵方疑畏而李如松等緣梯而上士民歡呼迎拜者如南關顧諸將士爭功頗有殺戮禁之不能止梅公朱公咸入城計唘氏父子豺虎也而所蓄家丁尚千餘亟之恐生變乃議公部其卒於各將領始示曲全以須後命而葉公念元亮不誅事且不測密傳令將士不卽殺唘氏者伏尚方唘承恩出卽爲浙兵所執一軍大

與拜率其家丁巷戰我兵圍賊急拜闔門自經死李如樟突入斬拜首李寧獲其次子承寵及義男唘洪大李如松獲土文秀首并弟土文德及許朝僞將何應時蕭如薰獲東陽僞將陳雷許朝僞將白鸞陳繼武等拜自縱火焚其廬舍而家丁爲我兵所執若爲居民捕獲者盡殺之貲財悉入亂兵之手蓋九月十六日破賊二十四日捷聞所獲唘承恩等八逆檻至京師十月十二日上御午門百官咸衣紅錦虎拜而上萬季之觴聲殷于庭衛士千人列戟環侍賊以次獻俘畢卽日命磔于市傳首九邊司馬氏曰唘拜父子之叛議者謂竊名號而恣睢則又何以云寬假示羈縻也總之雜夷釀亂自昔而已然爵亦叛不爵亦叛且朔方僞勇好作亂武廟時嘗一証矣至戕殺秉憲兩重臣攫符僞

號此二百餘年所未有也賴主上明聖威福
震耀自春徂秋罪人斯得幽愧無能借前箸第
據赤白羽所傳信書之爲他日功過實錄云

募疏

文昌閣募疏

蓋斗爲帝車旋運中央臨制四海而斗魁戴筐
六星曰文昌宮泰階高峙奠紫薇之垣管籥森
羅聯圖書之府其穹隆燦燦爲千古人文之樞
尚矣顧川德上布精鍾爲星構李城東北有湖
曰天星而湖之陽有宮曰天妃不佞嘗一再眺
攬其地而慨然有當于心也夫圖書之府系諸
東壁五星之精聚於東井今湖滙東鄙而天星
爲名斯其上應文昌下叶川德豈偶然哉郡國
歷代之人文矧當文章極盛之際湖着天星之
燄謚適會星躔布應之區乃使文昌附於三清
而無特祠其爲闕盛美而辱簪紳莫斯爲甚羽

士某者矢口琅函冥心素券不假福報亟禮王
清之關乃撫神臯願舛梓橦之閣孰臚其智實
獲我心第天上五城可綴烟霞而爲椽桶人間
隙地必需材埴以構軒墀洗髓伐毛卽道人不
自愛其銖鎰布金投寶在大衆亦何慙于庾筐
此自宰官長者力肩喜赴令章逢士同發無上
之妙明豈若阿耨僧祇黍種寸鳩歷恒沙劫終
成有漏之因果惟捨施無擇于未現斯落成可
下以歲時行使煩幄延真肅飈游之飛馭珠璣
按式繹慈笈之冲科登斯閣也領夜月吐朝霞
星湖若增而勝披綠圖繡紫籀人文愈翊而昌
烏龍井廟募緣疏

蓋聞青驄躍地一滴爲宇宙之霖皓髮臨淵七
日漲昆明之水豈黑本水屬凡善雨者必推烏
龍而龍以水神被呪水者率從龍樂吾鄉去海
三里而近有烏龍井廟昔聞黑馬跑地而得泉

人因泉相地以建刹西鑿鳳嶼東枕鷹峰大海洗滌以滙南千山岬嶠而倚北天輪神漢旣窈窕以靜深地啓精廬亦莊嚴而偉麗誠鹽官之名區而東南之福地也邇者邑侯郭公憫旱魃爲殃齋七日而躬先步禱致甘霖立澍溥四境而望慰力耕斯實吾侯澤物之仁格於蒼穹以致彼靈如響之應通於玄漠願百年琳宇盡傾四大之風卽丈六金身難免五濁之劫致黎之榮禱靡式抑福素之飯禮何堪俟復俯順輿情首捐俸帑於是僧明正等憫茲旣脫誓劫旃檀通告有情勿謂布金爲有漏倘能無恡卽是種福於無邊水母且因之效靈蓮開火宅國王亦爲之助順寶聚恒沙苟辦信心奚煩饒王謹疏

重建金粟廣慧禪寺疏

我聞如來自三祇之初歷百劫之末假廣慧而

啓衆托金粟以應凡胸前屯字無止無爲足下千輪非空非有法相傳於貝葉靈特現于玉山自赤烏之紀季會康僧之著異法雨施而渴吻燭慈雲雨而弓軀寂亡何遺蛻騰空入海竟薄秦川豈靈骨之必擇靈區此寶地乃肇與寶刹經始實微恩於聖祖再造復藉資於宣皇龍楹峭桷屢最幾三百年蛟漏雀穿拉攞又數十載昔余仗節還朝偶爾聞鐘入寺屢廊遊竹醉憶留題荒徑垂藤勅曾遺馬勝緣未偶宿諾久湮茲沙門某某輩志修淨業誓續前猷謂康師以來真果常圓卽登源而上餘因可邇六欲未離所恃者惟諸佛菩薩二諦難竟爲累者此布菽金錢無鑰疑城開茲信地盡捐恡網釋彼福田將使楮壁玄棖等玉山之舊貫蓮眸月面賄金粟之全身書給尚方秘笈長函於瑤範茶香別院甘澍重灑於火衢一善染心萬劫不

杓

右疏語憶似作於癸卯甲辰之間光景剎那
當時倡募比丘去來不可知余亦冉冉老及
之矣勝果難期淨緣有待今蔡居士子固願
力堅摯何願不償且君家阿經猶能感粒米
成丹砂況以子固如是願力諸佛悲愍天不
且爲之雨粟真成黃金耶末法何修獲此善
信爲歡喜讚歎復作是言若原始要終而爲
說法諸君子之言辯矣余固無綺舌何庸更
益之障乎

鍾文山白雲庵募緣偈

鍾文山去園花五里而近董氏聚族居焉山有
白雲庵嘉靖間不戒于火比丘某者欲謀復之
而董侍御孫茂才君業已度地施財矣從大父
建峰翁更强不佞一言以諭衆因綴片偈應之
偈曰

天目從東來 兩拳峙龍鳳 具一閭浮提

甲第若精廬 參錯王氣中 神漢晝夜輪

鍾文寔砥柱 毓氣壺成雲 皚皚山之隈

蘭若依雲開 忽墮泥連劫 如是六十載

而無作檀施 非無作檀施 以無大信心

非無大信心 未割貪癡網 貪癡亦無網

以無大慧力 大慧亦無慧 而況諸種種

金錢若綺粟 阿菟幾麤麥 捨彼原非有

譬彼雲聚散 太空了無礙 亦無黑白相

捨彼原非有 共証大慧力 共成無上果

火德廟募疏

不佞間讀史考其稱燧人作燧火而茹毛飲血
之民始更爲燔炙春秋繁露則曰火不炎上由
王視不明故南方聖人嚮之而治然則火之功
用博贍羣生資育萬類感而不暴施而不費陶
冶九有協和五味功用蓋亦至弘鉅矣乃若

光弛逸玄煙四合焚野燎原煎河糜礫山陵爲
之崩泐川澤因而蹙澹當是時畚揭盡弛三石
并命王孫打火之珠無功丈人塗隙之智亦拙
然後玄冥回祿赫然推重而祠祀禳禱自昔王
公貴人所不敢廢矣園花向無火神祠有道人
某嘗感異夢得木像二於中流遂卜地葺數楹
供奉之復念祠宇迫隘欲稍增前廡兼拓旁舍
庶幾神靈欣妥而丐余一言告於大衆夫火之

詒美堂集

卷之二十二

二

功用由前言之爲古今生民利益者甚大由後
言之爲古今生民之災害者亦甚大此自昔帝
王有火政有掌火之官而炎以紀號燧以人稱
與補天浴日播種治水之功並重非若社叟里
媼僅僅福田因果之說而已者故不辭而書數
語于端

詒美堂集卷之二十二終

詒美堂集卷之二十三

海堧祝以幽耳劉著

論

子卿取胡婦

世之所爲子卿扼腕者十九年不屈之節是耶
非耶乃子卿所持還報漢天子者十九年不屈
之心耳卽其間所歷怒喜悲愁一切可駭可懼
之事舉飄風疾霆視之而區區胡婦有無顧何
足深辯至爲千古不決之案也蓋李陵所稱亂
子孟堅輕筆之史傳陵於子卿爲執友而良史
稱孟堅於子卿九原其何辭也默不思子卿
受詞衛律引佩刀自決單于萬衆旁睨股栗猶
曰意氣激耳至於間關北海上酸風苦霧者十
九年渺然以千百萬里外如綫君臣之誼寄之
乎危脫之節旄顧獨一胡婦甘心哉此其事之
有無誠不足辯獨念他日白頭歸來母死婦嫁

說者不以是爲子卿痛心而輒以沙漠無煙
事輕譏賢者其謂之何愚以爲子卿卽有之而
內之丹衷亡恙也外之節旄亡恙也卽有之安
知非陽結天驕而陰圖生入玉關以報漢天子
耶此其事之有無益不足辯所恨漢天子所以
待子卿者甚薄而陰啓讒邪之口則李陵一書
未必非當時好事者假筆舌于陵而因以深中
當時忌者之意後世信以爲陵書而併信子卿
有胤子在蓋自孟堅錄而天下萬世惑矣於乎
方子卿飲陵北海上謂武父子無功德濫漢爵
通侯願置肝腦自効語語楚澁陵爲感動泣下
霑衿至引分自責陵之忌心結矣誠何難以胤
子誣子卿此其事之有無益不足辯而愚所爲
子卿扼腕者十九年不屈之節惟夫十九年不
屈讒邪之口之所以乘間入也

大史公羞貧賤之意

拘學或抱咫尺之義展卷而詫曰謬矣太史公
言也貧賤士之所時有者夫貧賤誠何足羞乃
解之者曰太史公鬱於窮愁無厚訾應祇以干
當世當世亦無援者以故一斤不振而不得已
卷其磊塊無聊之氣一寓之手文章乃謂貧賤
足羞云於乎蓋有激云爾也而愚曰唯唯否否
貧賤而果如太史公所厭薄也貧賤豈誠不足
羞耶彼夫寵鈞寶石權厭梁貴吐嗽雨雲而呼
吸霜霧者則靡不望景尋聲而附摩肌戛骨自
托戚知此其貧賤於勢一乃若富埒陰鄧訾雄
程卓藏金穴而擅銅陵則有樞繩半菽之士霑
玉竿之餘歷分鴈鷺之稻梁此其貧賤於賄二
至於辱吻能爲雌黃月旦噓爲朱紫於是手輻
輳輻輳望其餘論求顧盼而長價希照拂以長
鳴此其貧賤於名三夫貧賤等耳貧賤而道德
足榮毋事於勢貧賤而仁義足富毋事於訾貧

賤而令聞足章毋事於名積能潔行如是而久
孤於世貧賤又奚足羞惟其所謂貧且賤者董
董焉嘆於勢空乏于賄于名而已也猶然擁其
泉石以自誇詡吾且見其斬寵而潰防不則沈
賅以蟻行不則博聲以赴時而行能一無所表
見於世斯真貧賤也者太史公之羞之蓋爲千
古若輩一洒而世之砥節修行谷藏川脉者方
藉以吐氣抑又何過哉夷齊窮餓謂貧且賤非
耶太史公至欣豔之爲濁世清士聲施無窮與
孔子民到於今稱之之說若合符契太史公豈
真羞貧賤者哉觀其言曰無巖處奇士之行而
長貧賤亦足羞也此其意昭然著矣余悲世俗
不察而猥以羞貧賤爲太史公不滿自非深思
其意固難爲淺見寡聞道也於乎富者得勢益
彰不得勢則客無所之二語者摹寫其平生所
遭甚肖而感情窮愁之致嗚嗚不平則謂之有

激云亦可

晉室翹楚

嘗謂晉室無翹楚也晉室而有翹楚卽士雅茂弘諸君烏足以當之迺晉末造吾得一人焉庶幾翹楚哉則先採摹晉事以諸君較焉蓋晉繇仲達狐媚以竊漢大器迨石城旂豎羊車佑參羯氏羗卑維處內郡雖有郭侍御江洗馬後先抗疏而不能用晉之禍萌難端將疇執之而一

晉書

卷之二十三

五

初以玄虛謬悠之譚欲舉晉室而置之乎無何有之域三語之瞻寧馨之術華辨之茂先豈不咕咕自命翹楚而卒無裨於銅駝之荆棘卽名江左百六隻晉室再興之萬一如刀如卞如庾陶輩詎爲乏人而新亭風物俱非祇相對欷噓作楚囚狀翹楚之謂何中原腥穢神州陸沈卽有一二志經略者思致力者擊節誓清者而材不副志終其身無能歸侵疆之咫尺又况衍也

樹窟抵以開翹楚之靈穴敦也蓄異且以翹楚是之斧斤風流般浩室繼翹楚之煙雲清人元現徒增翹楚之塵芥雖違衆舉觀東山卽望然肥水之役未序一呼而八公草木咸借色焉俾方張老氏舉三十季訓養之卒盡委於江沆蓋天盈壅而奪之鬼也藉第令晉有中主具臣直犁虜廷挽吳江之水以洒關河嵩洛之恥詎非千載一時耶願乃陳師輓粟直運枋頭而甘備

諸美堂集

卷之二十三

六

符丕之外府是不校者乃毒侮之深仇而藉資者寔亂華之餘孽又何望其能越關踰鄴以睥睨中原也耶彼所稱江表之偉人猶難語晉室之翹楚而他又奚論焉無已則晉徵士陶潛一人而已方其捐五斗賦歸來助釁功伐不少概見而後世高賢大良樹勛策名者咸逡巡退讓以爲不可及則豈以其屢屢飄忽榮利也哉試觀酒進荆軻等作殆欲爲漢相孔明之事而無

其資而忘言於真意委運於大化蓋庶幾哉深
於道矣昔人謂晉無文章惟靖節歸來之調思
亦曰晉無翹楚惟賦歸來之靖節云

王彥昇終身不得節鉞

蓋讀史至黃袍加身之點檢取天下於孱孤弱
廢之手而一時將相大臣咸茅靡鼠伏奔命恐
後幾不復有鬚眉肝膽韓通秩指揮耳慨然奮
雙手於呼吸指顧間挽危墜之綱常令其事得

讀史堂集

卷之二十三

七

行通舉禁近兵於內而貽義淮南輩素著忠勇
握重兵于外四起勤王遠近必且響附恐黃袍
之猶未有定屬也通此舉關周末存亡甚大而
王彥昇以么麼部卒輒襲而殺之并妻子靡孑
遺此千古大逆亦千古大恨及周社既遷乃始
奉虛號以旌通而于彥昇不直加顯戮僅僅不
得節鉞終其身君子有以窺其微矣蓋宋祖既
以陰謀迫脇取天下無一日而忘諸臣之有異

志倘復爲之變叛賞逆何以訓天下故不得已

而有中書之封封韓通則彥昇之誅寧可以旦
夕緩而何以聽羣小之譚詞而輒賈之賈之而
終身不得節鉞以爲宋祖之薄之耶厚之耶漢
高干宥已之丁公戮之以徇于軍曰使後世無
效丁公談者猶謂漢高有猜疑諸臣之心而使
之無效今宋祖之曲賈彥昇視漢高已不勝其
濡忍而奈何以節鉞之得不得爲重輕也且當

讀史堂集

卷之二十三

八

日宋祖之怒而罪彥昇曰吾罪其擅殺獨不思
黃袍誰擅製復誰擅加天子誰擅策復誰擅呼
萬歲禁兵誰擅將而出復誰擅擁而入禪詒誰
擅神復誰擅出袖中當天地震裂日月靈晦之
時種種逆謀疇非擅者而何獨以擅殺罪彥昇
也且范質王溥輩皆周舊臣甘心事仇紆朱曳
紫何論節鉞而節鉞獨于彥昇靳之恐王范諸
人良心未死必有睹朱紫而愧汗無地者抑考

周有掌節之職漢有符節之令皆示義于慷慨
勒玉而使黃鉞當軍門威靈震耀兵不得出入
節鉞之重蓋如此自非社稷臣孰能當之而彥
昇何人以節鉞之得不得爲重輕耶倘僅僅節
鉞之不得爲足以誅彥昇則當世之不得節鉞
者寧止彥昇一人而已且彥昇之所不得者獨
節鉞耳自節鉞而外將何所不得而又安足爲
彥昇誅耶則宋祖之陰德彥昇而陽示裁抑以
詰天下後世蓋不俟其洞開諸門而心事已畢
露矣或又謂宋懲五季之亂強藩假節鉞之權
以自恣况彥昇標桀又自恃翊戴功而一旦節
鉞在握幾不可制故終身不得節鉞是亦收藩
鎮之權之意是未必然總之宋祖原無深猜苛
嫉于彥昇不過假節鉞以欺天下後世孰知彥
昇失終身之節鉞而宋祖卒莫遁萬世之鉄鉞
也哉

周高祖善處勝

愚少負氣喜讀六韜言諸初畫運秘遵者勝不
者敗津津慕之比長而輒閱經史傳記迺始知
聖喆上務不董董爭勝天下在所以處之者善
不善何如彼夙沙之勝石年氏處之以鉏耨豕
鹿之勝公孫氏處之以神靈胤是則禹湯之馳
轅少康之徒旅皆忘勝負而游之乎廣莫不爭
之野何善不善足稱云自六韜言出而譚武事
者始務爭勝以信志使其臆忽斬所之氣爲足
以走萬里而鞭撻之而天下事惟吾所欲爲蓋
輒近世大都然者而槍攘間得一善處勝之宇
文邕氏竊攬卷嘉嘆之邕祖父世世臣魏迨護
也專政遂盜魏而易之周當是時天下瓜分朝
君臣而暮敵國五六輩南面而稱孤各走其鉅
戈倖騎以蹂天下今日齊陳遼師則曰某也勝
甚且勒勛景彝沾沾色動明日梁楚赴鬪則又

曰某也勝甚且快志狼封滔焉席豫大豐亨於
几杖矣終當時之君之身愈勝愈驕愈益求遇
以尋耗亡疇可縷舉乃周高祖獨燁燁迄今爲
史燉談是操何術哉間按當時事論之邕也閔
齊政悖亂而以眭隸之磔然者關其心開襟所
向折無銳攻無堅一戰而晉州克再戰而晉陽
收三戰而擒齊王於鄴城下俘馘以還此在兵
家足稱信志卽崇宮室益嬪御苟自屑越夫誰
禦之不然而第爲襲侈承恬奚不可者而必於
毀宮室損嬪御爲也此其深沈愷厚之概疇足
與譔譔者比長潔廣哉彼鐵鎖方沈卽怙寵于
羊車泥水猶波竟墮志於風鶴此近事章章足
爲炯鑑考其一時制勝之美豈盡出周高祖下
而惟其處勝之善之不周高祖若耳然此亦就
其處勝一事言之抑猶有可爲當時扼掣者齊
政悖亂伐之宜矣齊民磔然莫必其生撫之宜

矣彼安成者姦縱暴亂等君父於倪孺廢置之
不爲意獨不可挈勝齊之師聲大義而剷除之
乎審是則堂堂義旅卽以稱善於天下後世夫
疇不左袒受令而卒坐失焉豈瞻烏靡定之秋
爲邕安枕時邪且也嫡嗣匪才宗社無托而間
關百戰以有區區之土地人民卒坐拱於椒戚
之克豎胡其處勝之善而處宗社之不善迺禽
哉處宗社之不善而處勝之善卽善奚以稱哉
是故在兵家難於取勝而在周祖則吾嘉其能
處勝在兵家難於處勝而在周祖則吾恨其不
處勝之善而玩愒其取勝之遠猷跡若所爲要
未足以當六發意指於黃虞三代竟何如於平
沮三匝於睢水而縞師逾壯尼萬騎於平城而
赤作永綏然則周祖之善處勝固不若漢祖之
善處敗矣夫

子卿之娶胡婦人咸謂史傳之妄而李陵與子卿書云足下亂于無恙謂陵實忌子卿而有意誣譖之且以其書爲後人厲作總之惜子卿十九年虜庭百折不回其忠義大節不宜有此余則以爲子卿之娶胡婦事誠有之有之不足爲子卿忠義大節累也當武初奉遣入虜單于欲盡殺漢使不則盡降之使衛律召武受辭武慨然仰天歎息謂從行常惠等屈節辱國何面目歸漢引佩刀自刺律驚自抱持鑿地燼火置武其上得不死復不降單于壯其節愈益欲降之幽武大窖中數日不得食嚼雪并糞吞之不死復不降又徙武北海上使牧羝曰羝乳乃歸武杖節臥起節旄盡落不死又復不降單于知李陵善子卿使至海上爲置酒設樂道故舊如平生而以間道單于意武曰武自分死久矣君必欲武降單于請畢今日之歡效死於君前陵見

詩集卷之三

卷之三

三

子卿志不可奪因泣下悲歌與武決去而後乃以胡婦妻武胡婦固單于女也陵意武卽不屈姑繫其歸當是時武固籌之矣不降單于自人臣之節娶一胡婦豈遂負漢且陵說我降虜萬端不聽而單于雖盛怒亦必以好來姑從之庶不失陵與單于意此子卿所以娶胡婦而不辭然武之羈虜已十餘季其娶胡婦在嚼雪吞糞持節牧羝出萬死一生之後而非因娶胡婦爲偷生地也不然衛律李陵之徒卽不娶胡婦可爲能忠於漢哉單于旣不忍殺子卿又不肯降畱之無爲當不待上林鴈足之書而歸武之意已決歸之日召子卿官屬咸會爲餞宴并前所隨子卿至者僅九人尚在悉令還漢當其餞宴官屬咸集饗蓋擁道卽胡婦及亂子豈其無情必且牽裾惜別南向而悲而子卿是時或以亂子屬陵固未可知陵書詞所云實亦以友誼故

詩集卷之三

卷之三

三

慰藉之何誑也抑又思漢務和戎明妃烏孫公主皆嫁單于爲古今中國之恥未聞有娶單于女者子卿絕域羈旅之臣單于女卽生長穹廬亦貴主也而伴侍子卿巾幘是足爲明妃烏孫一洒之矣子卿故有子元以上官桀等叛元坐與謀死子卿亦免官帝念子卿著節老臣問左右武在匈奴久有子乎子卿因平恩侯白發匈奴時胡婦適產子通國遂因使致金帛贖歸以詒美堂集

卷之二十三

十五

爲郎吁嗟漢之待子卿者甚薄卽其子不類猶當議功今不有通國子卿之胤絕矣余猶惜當時不并胡婦贖歸貂鵲而稱通侯婦令去帷之妻見之愧恨以爲快也

前論出自簷罍中經生伎倆已盡然市肆每以災木甚愧之今所作自是以文爲戲而肯長筆鈍不及少年時多矣

表

擬

御製聽講大學衍義詩

示輔臣屬和因彙爲一編

頒賜侍臣謝表

嘉靖六年

嘉靖六年某月某日伏蒙 聖恩以 御製聽

講大學衍義詩并輔臣恭和彙次爲編 分賜

在侍諸臣臣等謹上表稱謝者 翠帷嚮學廣

歌叶綴玉之華 丹晨崇文壺寵被函琅之錫

詒美堂集

卷之二十三

十六

望縹緲而目炫捧簡冊以心榮寒峻奇逢熙朝盛事臣等誠惶誠恐替首頓首竊惟道載典謨垂百王畜德之助音抒倡和表一時泰洽之驪惟詰后乃自得師非大聖莫之有作上能率下宣鹿野之周行臣亦媚君答鳬涇以令德慨風微于輓季而典學寢荒逮情隔于堂廉而摘詞亦展興思猛士功已闕于脩齊侈咏柏梁化何闕于平治示宮體而詞流靡麗安望宜家頒集

詩而身沮登庸未聞寶善風斯下矣文在茲乎
恭惟 皇帝陛下德超無始道合重玄體止敬
爲敬一之箴本正心爲心箴之註制嚴配 帝
仁孝用以綏猷學務緝熙典籍因之見道謂東
魯闡皇王之秘揭三綱八目于遺書而西山掇
經史之精備五要六條于衍義心融神解已領
芳馥于談藁旨遠思深遂發洪濤于筆海因前
席以示四輔俾依韻而爲五言吁咈都俞信瓊
瑤之望報集思廣益驚琬琰之匪頒千載明良
一時際遇臣等十五雖從于大學三千莫得其
宗傳事 君矢靡二心敢忘戒于慎獨補哀曾
無一字祇覲德于潤身近法宋臣非誠意正心
不獻遠師周后必齊家治國是期伏願堯德克
明湯盤顧諟盡付記誦詞章于韋布益操精一
執中于帝王由知止而至善不獨言成六經廣
明德以新民行使治超千古臣等無任瞻 天

仰 聖激切屏營之至謹奉表稱謝以
聞

策

第三問

蓋離實用吐經常而高譚性命儒者羞稱云然
此非性命爲贅也則譚性命者支離汗漫而無
當于實卽無當于性命也古今譚道術者折衷
于孔子孔子罕言命雅言不及易故性與天道
龍溪堂集 卷之二十三 十六
無聞焉然聖人無心于罕言也無心于雅言也
日用動靜靡非性命而合性與命靡非一原故
曰吾無行而不與曰天下之道貞夫一今之譚
性命者不求實而求之習不求一而求之鑿而
性與命所以愈譚而愈晦也今夫相遠相近上
下不移孔子蓋言性矣道之行廢知命受命孔
子蓋言命矣此性命所由昉也至于思乃始合
言之曰天命之謂性然非自子思始也遠近之

中已涵天命之性而子思特闡其旨也至孟子又五言之曰命之有性性之有命亦非自孟子始也性中之命卽不受之命命中之性卽遠近之性而孟子特發其蘊也然而窮理盡性至命孔子係易已舉而一貫言之而後世儒者乃紛紛焉謂理爲性之條理而命乃性之命令蓋皆摹寫其離合之狀而非別揭其異同之旨也若夫天地之性氣質之性以言性義禮之命氣數之命以言命而性命又有理氣之分不知此亦發明孟子互言之旨不然爲贅而已矣在天之謂命在人之謂性而性命又有天人之分不知此卽發明子思合言之旨不然爲厄而已矣夫譚性命者似虛而究之無非實用闡性命者似鑿而究之無非一原是固不以孔子之罕言而疑孔子之所雅言亦不以孔子之分言而疑子思孟軻之所合言所互言又不以子思孟軻之

合言互言而疑有宋諸儒割裂同異之言蓋天之生人開塞異知良楮異才喧寂異趨頓漸異功聖人知其然揣摩彼己人各爲說令望之者不驚而聽之者超解是則聖賢之心也無心于罕言雅言也亦無心于合言互言也卽宋儒誦法孔孟猶然牽于訓詁名義之間而分天人分理氣則豈其說之煩而旨之鑿哉孔孟拓基宋儒藻稅孔孟濬源宋儒汎濶無非求明聖賢之旨而已乃今之高談性命者誦法孔孟唯謹而至于荀卿之惡性楊雄之混性韓愈之三品性管輅之譚命李康之運命孝標之辨命雖其辨極輪攻深極象罔侈極雕龍傳極滄紛一切擯之爲寓言裨說吐弃不取而性命天道則今之三尺童子皆得與聞跼蹐閉目而欠伸曰天命未發之中候顰候笑軌于喑哂曰率性無礙之道問之曰吾心有孔孟也窮之曰吾冥會吾嘿

成而性命不可湊泊也交手簿最期會之績自
以爲能政事而目性命爲駢枝贅心抽黃對白
之長自以爲能文章而辱性命爲棲托至于高
譚性命畢畢汲汲則又以宇宙事物悉爲糟粕
悉爲土苴此孔孟之格虜宋儒之重儻而荀楊
諸子之下走也愚生所爲羞稱也

美堂集卷之二十四

海堧祝以幽耳劉著

雜著

命說

世人動必稱命雖父兄之於子弟不問其繕修何若亦援命而代爲解真大惑已彼所謂命卽墮地八支干也其說於古無之古所有者卜與相而已然亦第舉一事預占機咎非若今之說

命說

卷之二十四

命家謂人生榮瘁定於八支干可一推測而竟也人生榮瘁定於父母未生前含冲孕和而五官百竅神靈精爽日抱月盈天地之陶鑄萬品全在於此不探其原而求之八支干豈造物于人之生身立命處漠無真宰必待墮地而聽八支干之陶鑄哉官竅既具人之智愚淑慝已定八支干豈復能變易其已定之稟受而另作陶鑄哉先詰特重胎教正以人之智愚淑慝皆繫

於未生前故借以補造化之玄功若必待八支干而定則胎教之說妄矣且譚命家至唐始有其人亦不甚著卜則司馬季主嚴君平相則唐舉袁天綱皆灼然耳目者司馬季主究明天地之始終日月星辰之紀爲宋忠賈誼所歎服然亦僅以卜名漢武帝聚占家而問娶婦之日五行家曰可堪輿家曰不可建除家曰大吉叢辰家曰大凶歷家曰小凶天人家曰小吉辯訟不當美堂集 卷之二十四 二

夫諸家所習要不過支干生剋之說也卽娶婦一事迄無定據何以定人生畢世之榮瘁哉諸家之術後世罕傳今似竊五行爲命術竊堪輿爲葬術要之皆卜也生人之支干與先天之氣合亦有之故假支干以推卜先天之淑慝是因支干以卜命不可謂支干卽命也卜自君平後無奇中者况因後天以卜先天非神聖其孰能與于斯而可責之瞽丐庸豎哉余生平所遇

方伎甚多于談命第得百一其一亦偶中耳相
則時得什一二焉豈非以人之官竅定于未生
前者猶爲可據耶蓋宇宙間清濁二氣絪縕流
行清淑之氣鍾于人爲靈慧三代而下賢聖不
作清淑間氣行誼與文章分受之得氣之清而
醇者行誼文章富貴壽考咸備古惟伊周畢名
近代庶幾者匡衡胡廣謝安張九齡歐陽脩之
屬若清而未醇所得亦不無遞減而或有清值

詩美堂集

卷之二十四

三

其偏如莊周列禦寇黔婁孟浩然之屬又或如
韓非李斯楊雄曹操父子之屬無論所成就而
其才識均足凌轡千古以其均盜宇宙之清氣
也若濁氣所干爲愚爲賤而已今世士人方其
操筆學爲文良驚立見迨挾策應試讀其文而
衡其得失殿最尺寸不爽愈于支于家推測百
倍何也文屬于人而竅于天故文之佳者必曰
天才曰天巧曰天機曰天趣雖文之極卑者亦

有天焉至於書場射覆其中的入殼尤純以天
用卽平日聞見之所增入至此亦盡成糟粕獨
此一掬無師之智炯炯從先天帶來者隨取隨
足隨觸隨解化腐爲新窮幽極眇無非是物故
曰純以天用以我之天懸合于主司之天若鼓
應桴若鍼投芥何造物之能主張造物固在我
也是文章卽命也世人憤憤謂遇合由命不必
論文將宇宙魁人杰士錮神劇心所冥探之玄

詩美堂集

卷之二十四

四

珠 聖君察相按圖馳繮所謹奉爲著蔡者一
支干得而顛倒之斯不亦辱當代之文章而令
英雄短氣乎必若世人之說將支干值吉士之
文章遂能引拙爲巧主司之目亦且易明爲昏
夫它不暇論卽小之如曲藝如奕碁方其運斤
賭墅卽其人竭智畢慮幾能令血指者斲輪少
算者國手乎夫人之心力智量其淺深工拙毫
不可強况文章何物可容假借若謂主司閱文

婦媚眩瞽既可使士人之愚忽智又可使主司之智忽愚則士人復能造主司之命矣况棘闈校士自經房以至主考閱文者非一人更數目而後定必皆令其認朱成碧且將合數主司之命而造之大謬不然矣且槩觀寓宇若南都之蘇松常浙之杭嘉湖寧紹豫章之南吉閩之漳泉鄉會入彀之士選往一邑而當一郡一郡而當數郡豈官祿支干盡產東南諸郡哉正以東南諸郡家絃戶誦父兄師友之所漸磨雖中材亦易成就北地漸磨之力少惟豪傑無待而興中材卽不免於成否半矣此見稟受均于先天陶鍊由于人力譬之於鏡必原具本來晶光又必磨之而晶光始露若云人生榮瘁舉聽命于所值之支干則不問人事之得失而鏡可以不磨而照又不問稟受之智愚而磨磚亦得成鏡斯惑之甚已

太恭人九十乞言述

太恭人周氏以中憲比部考封安人以以幽隨陽考封太宜人已復進階有今封蓋三命云先中憲見背以幽纔十三齡太恭人焦勞拮据者垂三十年以幽矣侍於隨陽官邸屆七袞歲屬大侵殊慚祿養既承乏司馬尚書郎會島夷躡朝鮮羽書交午不皇惜其私而太恭人里居屆八袞適叨粵東之命疾馳及誕辰僅獲一椀觴而簡書迫去庚子入賀萬壽隨疏乞侍養得奉菽水歡者九載於今而太恭人躋九袞矣太恭人生平無紈綺珠璣之好以幽謏黜又不能樹令懿致顯融以光揚之唯是七袞若八袞辱吳明卿袁伯修諸公惠之華袞之言今屆九袞以幽顧何以嘿默自解於旣危之日也惟太君子無惜金石瑤華以慰人子區區孺慕之一念將綸綍並輝孫曾永戴矣

徐孺人行述

孺人歿而二子箴若範痛孺人甚也念鼎爵鬻封靡足識閭極於是奉比部所自爲狀北走雲杜謁志銘又東走吳興四明謁表若傳矣已復致比部命過余泣曰惟伯氏之幸敦大人愛也而以先孺人不朽請卽雲杜諸公其言具在要以近足徵核足信尚微惠伯氏之一言余時迫功令間道長安不果諾越明年比部更走又一

帝美堂集

卷之二十四

七

薊門以逋諾見討夫比部之狀孺人幾二千餘言二三作者采錄之爛如而必欲令余拾餘瀝而泚筆余則焉能顧余猶記癸未之春與比部同謁南宮走易水道上雞聲茅店風雨聯牀搔背癢相慰比部酒初酣頗感憤於窮愁也曰季子見侶於機中之婦自是機中婦騷耳吾婦居恒以機杼佐吾讀夜丙不休謂吾一第不足取吾兩上春官歸必以風塵相勞苦無幾微色見

吾甚愧之余則已心知孺人賢矣已丑比部成

進士乙未上計還里而再以孺人之祁門邸余時請急田間爲詩二章歌送之富春江上視比部橐橐然耳而親故猶望之外府比部不能應則孺人力懇憇曰人亦時有緩急彼急來須我何可使負快快不得之歎且祿仕五年其誰能諒我不嫌示恡卽謂飾廉如誼何於是悉出簪珥若匱洗之屬冶鋌之令望者極意去而不復知所來繇知之獨余二三兄弟耳孺人從比部邸中未幾而鄰邑起大獄當事者以屬比部獄卽易竟而其人故豪於貲有力者爲居間而當事者意有所持委其難而無堅決比部時時攬牘竊歎孺人察知之謂比部法不可飢天不可欺今日之事何疑也比部領之獄成失當事者意而其人又大流訕孺人不勝憂中夜咄咄起坐風露中會免身失血遂不可藥矣此比部所

帝美堂集

卷之二十四

八

為神傷而二子所不自知其迫痛之無從也狀
稱孺人女而佐茶陵廉以椎素婦而佐比部廉
以門壯操作而佐太孺人勤織書而教子若婦
儉至所以事贈公者疾周于七內周于身而外
周於賓客比部曰先人之大事不有孺人庭即
暴骸漂骨無足贖大罪于天地其德孺人亦深
矣孺人懿碩較着業已大書不一書而其為德
於家於鄉於國即比部所隱痛不忍筆之以暴
於人者余特為述之比部七載循吏不為名高
量移留曹汴若固有箴若範強學有雋譽箴角
試冠其曹廩於官夫視其夫視其子令德徵矣
又奚俟余言而後核也孺人先系生卒月日具
志中

分水祠述

成祖肇建北都歲漕自海運者由直沽至京自
江運者浮淮入河至陽武從陸抵衛輝復入衛

河至京水險陸費耗財溺舟歲以萬億計未樂
九年命工部尚書宋禮往治河發濟兗等府丁
夫六萬餘人疏淤啓隘因勢而治而濟寧至臨
清幾五百里不通舟楫禮用汶上縣老人白英
計知汶水由東平州之戴村瀉入海遂於其地
築壩橫亘五里遏汶水無東使盡出南旺相地
高下而中分之北流者七南流者三北至臨清
地降九十尺為閘十有七合梓衛之水達天津
南至沽頭地降百十有六尺為閘二十有一入
黃河達淮徐由是漕河大通海陸之運悉罷此
誠國家萬世之利亦人臣萬世之功也成化十
七年勘河工部侍郎李燧疏言前工部尚書禮
有大工于漕河宜即其地祠祀以旌勞臣報可
遂於龍王廟東建祠命有司春秋致祭即以管
河郎中主之萬曆元年河道總督兵部侍郎萬
恭復疏言故河臣宋禮有社稷功而牌位猶仍

尚書未有贈謚陰恤之典老人白英以勞死于河工今雖亦有廟祀然止載平定巾手執工簿殊可憐憫亦乞量贈一官庶補先朝未備之典該部覆允宋禮贈太子太保白英亦與冠帶令人但知分水龍王廟而不知宋禮之功余過南旺睹河洛而興思因以所嘗聞見及考証于典故者識之如此宋河南府永寧縣人

節婦張氏反風滅火述

諸美堂集

卷之二十四

十一

建武南城縣張女厚姑適南豐江有本夫婦皆十六齡結婚僅八月而夫死貞心苦節歷十有八年爲萬曆己未當除夕而節婦之所居屋火居四壁立鮮傍徑火挾風內嚮州垣屬於天節婦已自分必死時已令躬率兵卒往勢愈燎人力無所用亦謂節婦且必死節婦呼天而禱者再風忽反火自外却其所居室三楹歸然獨存令及鄉三老而下咸相顧駭詫謂天實祐節婦

云當節婦初矢志時人竊謂其詒李志可奪諸姬恩勸之百端不能入而豐俗信鬼溺巫其怨家陰購爲魘釘諸邪行其術能令人狂驚暴死節婦知之戒小婢焚香危坐於素所奉觀音大士前明燈煌煌誦女史諸篇不輟時夜將半小婢忽疾呼仆地節婦從容起跽大士前祝曰婢何罪罪當及未及人祝畢而婢甦道所覩見甚恠夫節婦一執然髮耳而苦節現行至見鑒於彼蒼鬼神益時時呵護之不獨一反風事而已因并記之若世系節烈與諸慧心淑德言之芬齒頗具節婦父太平今所爲傳中

讀家乘敬述

國朝以來吾祝氏之通藉者凡士有五人甲榜七人父子繩武者六祖孫繼起者一鄉榜人人父子繩武者五祖孫繼起者亦一自余曾大父東田府君而下祖孫父子者四而今泰徵弟弱

冠聰捷合父子兄弟而三且其間鄉會七占魁
名世大父龍山翁與先君子存溪府君俱兩魁
鄉會而先君子與余鄉魁名次又適符祝氏詩
書之澤雖不敢謂抗海內衡然於閭左所得爲
多矣而余之所得於吾宗抑又多矣余及後之
子若孫世受國恩其耄然思所爲報稱之難與
繩武之不易也哉萬曆甲辰三月識

題方氏墨示兒輩

詩美堂集

卷之二十四

十三

方于魯以墨擅新都爲弇州太函大泌三先生
所賞鑒於是海內爭購之至墨譜行而世且以
爲物怪書妖矣弇州之言曰黝而澤綴而黑光
可晰堅於壁太函之言曰稀膏麋角芳澤無加
猶之佛土青蓮取與衆芳伍大泌之言曰不膠
漆而固不烟霧而升不涅淄而黑不珠壁而潤
三先生之言如此余所得不能多實其經始時
專精所製自方氏沒而人間所留日就耗汰至

今日而操觚家寶之不啻珊瑚木難矣恨余幼
不習書篋而藏之幾四十季今老矣爾輩勉之
第得鍾王一波拂意於廳几明淨筆硯精良時
一試之母若爾父勤購而得四十年篋而不試
徒爲墨所笑也

讀弇州志銘偶書

詩美堂集

卷之二十四

十四

自滄溟先生沒而弇州傳之又爲文及百二十
韻詩哭之人以弇州故推尊滄溟先生而疑駭
者亦稍稍噤迨徐天池沒而弇州有哭子與詩
四首且書其後云子與猶幸矣他日我死誰爲
作此語者今弇州沒而一時作者俱盡獨一李
翼軒稱碩果耳志弇州者趙定宇或云出代筆
而其他撰述多不稱夫百二十韻詩字字追琢
可泣鬼神卽滄溟當沾沾地下是寧獨子與幸
哉奈何令弇州寂寞身後也雖然二集在天地
間所謂日月經天光彩常鮮者不誣也奚必得

墓之文而後信耶

讀闕史漫書

闕史所載劉蛻辨裴休益事其益有字云齊桓公會於葵丘歲鑄謂生前不當稱謚証其爲廢其說是矣然考三代以來之器無所謂益且款識或箴銘或稱某人作而不稱鑄今之善贗者無如吳人其形摹大小若紋理款識於古毫髮不謬乃有識者一見辨之何也數千季之物體論其堂集 卷之二十四 十五

質神采豈一時人力所能爲如必援史傳以糾其贗則吳人所製其不合于古者鮮矣昔人嘗以古鼎名蹟証史傳之誤又何耶此或闕史之傳訛未必有是事不然曲阜正周公所封地胡不托之周而稱齊桓大篆非奇文何必衮書生而後辨裴公不陳之几席而出于外庭種種可笑則當時曲阜令與裴之親友生徒皆不解事人耶何以云裴公尚古好奇也

讀浙志偶書

今天下雄藩首吾浙山川清淑之所淳毓間生偉人若劉文成于忠肅王文成其巍伐振代非它建樹可萬一望而至於方學士之抗節商文毅之科名抑亦國朝無兩焉斯亦足爲千古山川吐氣矣獨於文章則二百餘季來遠推北地信陽近遜濟南江左令人抑抑無色卽前數君子者其生平結撰非不揚芬沓苑然論者求

讀其堂集

卷之二十四

十六

多猶謂未及摩屈宗兩司馬之壘而名振代爲文藻爲功業所掩耶抑靈氣所鍾先其實者鉅者而後及其華與緒耶何以寥寥乎二百餘年也卽余所覩見二三作者如胡元瑞徐茂吳輩非不炳煥一代然欲與文成諸公之功業勛名埒則吾未敢漫書以俟

梅雨說

兩間清醇之氣在天爲靈澍在地爲甘泉靈澍

者梅雨也昔人詩云梅子黃時雨如霧又云黃
梅時節家家雨故曰梅雨每季當芒種夏至之
間其雨應期而至其至也濕雲四幕雷電無聲
大者珠翻細若霧織連綿或經旬日其色味清
滑甘香與他雨水迥別此在三吳數十郡邑雨
之候皆同蓋北地之所絕無而荆楚豫章閩粵
或有或無卽候之先後不齊人亦不知貴也甘
泉惟深巖幽谷中有之隱隱自砂紋石罅中出
有上涌有下滴有旁沁者其出也無形無聲注
不盈酌不竭是皆天地最初純一之脉毓孕之
厚而精華輸吐如嬰兒如處女抱貞守冲未滴
未牯若一經風日之炙撼江河之雜揉卽真元
牯而純質漓矣梅雨之外有臘雪與四時之雨
亦天地最初之脉然雪性太寒味太淡四時之
雨或挾暴風雷電飲之皆能損人偶一收之待
澆可耳若甘泉之外無論井水爲茗之靈卽江

之水色昏而質濁投之佳茗香味盡失斷無
可用之理何也純質既漓不復可言水也甘泉
在豫章頗多不獨康王谷水卽嶺南山川絕奇
泉亦有絕佳者陸鴻漸身未徧歷寰區盡嘗水
味止據目前所見品第甲乙如所稱楊子中泠
水爲第一今山僧於寺旁之井大書天下第一
泉試之其味澁濁與凡井同若云郭璞墓側水
之有旋渦處是卽江水何以稱泉天下事徇名
而不采實大約類此甲子夏五月因命家僮收
貯梅水漫書

族異遺紀

余得請里居垂九載里俗頗淳樸近古而今稍
渝也余善病杜門於里之人鮮所接惟是族指
繁不能人人厭其意卽九載中族有非常之事
二而余不幸皆坐梧焉我祖宗故事元旦集族
屬於宗祠祀畢合飲歲壬寅族兄某董祀事貧

且既預虞於恥疊則投他藥酒中飲輒狂醒中
道而仆者疊疊族姪某者其僕任行酒啜其餘
竟死姪以毒殺訟之官邑長蒲田林公疑而就
問余具以對姪以余不張而甚之遂怨余次骨
其後五年而有族弟某之事某之子某一日疾
暴作欲絕得治蠱藥入咽而蘇無何而弟病亦
如之蓋弟有僕既逐復還心疑之執而自承曰
毒得之某甲邑長潯陽郭公訊之不決亦就問
詒美堂集 卷之二十四 十九

余謂弟姪病狀與治狀爲中毒甚明第所置毒
與毒所從來事曖昧法干重辟寧敢以意而操
邑父母生殺人之權乎既而郡司理贊皇胡公
監司使高安陳公問對皆略同而胡公則謂驗
所唾沫浮而不沈辨爲非蠱甚悉余無以難退
而述胡公言然弟之仇其僕亟終不能無嫌於
余矣久之余入武林而姪亦以就訊至姪固青
矜之有志操者心實苦終訟以間屬余爲當事

者委婉卽從末減幸無失主僕體可耳蓋是時
郡獄業從開釋上之監司而行覆讞胡公風稜
矯矯度且無及案事而余于姪重宿諾則入見
縷悉如姪指胡公曰奴不死卽杖走耳此外復
安所甚其罪乎弟姪輩從旁竊聽相顧愕眙獄
具而爰書中謬譽余清修絕世語語金石足爲
此事之案于是雖有喙三尺無以自解于弟姪
矣余竊自惟元旦之役通族聚飲謂置毒酒中
詒美堂集 卷之二十四 二十

而盡殺通族之人此情理之所必無者若文致
殺其同堂季父以抵僕死尤非情理余不能拂
一國之公而徇一人之私某卽仇余余固任之
獨弟姪爲僕所蠱設於事果確余卽証成其罪
豈不快心而徒以曖昧無據漫持兩端致當事
者稱引于爰書余則奚解雖然在弟姪家室燕
昵當有真見余處戶外不得知也在有司庭訊
得情緣情抵罪余處事外不得與也余所以爲

弟姪者止宜若爾所以對當事者亦止宜若爾
平旦思惟原無佞舌無它腸則亦惡用三尺喙
以自解第兩姪所處已與僕之軀命所關孰重
某則竟能釋然於余某則悻悻以爲余實殺其
僕兩入之心術人品其懸絕如此噫事往矣余
猶筆而紀之者念風會日趨今之邑令與理官
監司能以殺人大獄虛已而就問于林壑之人
蓋寡矣如司理胡公以不佞之言筆之爰書而
詒美堂集 卷之二十四 三

會約

吾里僻在海隅猶存淳朴咸黨同志相約爲真
率之會遇花朝月夕良辰美景載酒選勝盡一
日之歡每輪當會一人先期二日用一古折柬
傳知云某日會於某所後列各姓字遇傳帖到
書一知字於姓字之下非大風雨不易期至日

不必再邀辰刻齊赴兩人共一肉一魚以供
飯飯畢隨意登眺未刻四人共一攢盆或量加
果餌數品過侈者罰酒惟家釀適量而止主人
不必以醉客爲恭不把盞不拂席行坐序行序
齒主不鳴謙客不道謝申刻各散不用張燈間
遇時和月皎或不妨載月而歸除嚴寒盛暑外
春秋花月之候會不厭頻所帶僮僕除操舟者
到卽令回隨從不得踰二人僮僕卽用餽餘不
詒美堂集 卷之二十四 三

公移

開採移牒

看得清遠縣鐵屎坪相傳產鐵不聞產銀且在
大羅山中去縣四百里而遙實僑民穴窟萬山

聯絡與西粵衡楚豫章相通嘉靖年間亡命不逞之徒鼓煽諸猺幾釀危禍至勘兩省大兵會剿始得安集而地方剝殘不忍言矣此清遠縣礦山之實也英德縣堯山錫坑相傳產錫錫乃五金之靈凡金銀遇錫無不糜鍊據理錫礦無產銀之事而該縣漫謂錫礦之中或有銀在蓋亦恐涉阻撓遂就其說要之產錫不產銀實父老萬口之同辭而銀不產于錫乃五金生尅之說美堂集 卷之二十四 三十一

定理此英德縣礦山之實也至於礪砭石山原在陽山縣今日連山此聽聞之悞耳據連山縣申稱並無礪砭石山其在陽山縣者近該本道親歷其地詢諸父老謂礪砭石山先年曾納稅軍門充餉聽民採取蓋浮砂碎石無事開鑿之勞故不費官帑不煩督責而坐收成稅但取砂多寡不一而額稅則必取盈利害相當旋開旋罷此陽山縣礪砭石山之實也相提而論在英

德縣費不貲之帑金取有限之錫砂是爲以貴而易賤在清遠縣礦坐猺窟承委員役勢難深入必且諉之亡賴之徒攘奪挑釁關係地方安危不小是爲利微而害著倘貴監能慨然相信除陽山縣礪砭石山聽從收稅外將清遠英德二縣礦山特行停止此實 社稷生靈莫大之福卽貴監與本道亦並受其福矣萬一未肯相信則如從化等縣礦山俱明開黃村管等地名故可據實開挖今兩縣所報皆茫無指實揣摩以應如大羅山以鐵屎名堯山以錫坑名其不產銀明甚果否原報人所報之處今既明知二山之不產銀舍此又別無指實而嘗試開挖虛糜公帑亦何樂而爲此貴監與本道同在地方有同舟之誼地方安危彼此共之如必欲以無著落之礦山冀莫須有之礦銀竭百姓之脂膏挑搖民之爪吻則惟有解綬納節以一道生靈

命于貴監而已

粵東稅監李威酸張甚初公移達制撫批云該道竟移文稅監繳乃不意李監見之欣然相信特罷英德諸處閒採而浚洸太平二稅最需要區亦聽有司徵解不差稅役一人孰謂李非賢者後之決裂實以地方一二激成之也

吳義門七世同居

治美堂集

卷之二十四

五

照得建昌府南城縣民吳以讓以文等自高祖名盛者同居共爨至曾孫輩已歷七世今家衆三百餘指而日用衣食與夫錢穀出入咸統於家督一人耕者無私粟織者無私帛賈者無私財盛遺有家規十四條曰孝悌曰忍讓曰節省曰弗聽婦人言等欵至今于孫奉之如金科玉條固敢渝佚今年曾以公務便道一至其里登其堂老幼數十輩出迓肅如也藹如也因以部

唐唐虞扁額旌其廬量給粟帛以示優異近有子弟十餘人讀書習舉子業試之文理粗通因言之學使考取入學者二人其在贊官布衫革履不爲近時輕薄子卑巾大袖而誠信退讓諸生亦爭愛敬之據本民同居共爨自盛自今已歷七世無論男子居平鮮叱詈聲卽婦女小有嘖于室者聽長婦片言立解以是三百指如一身二百年如一日蓋自浦江鄭氏而外試今日節美堂集

卷之二十四

五

宇內之所絕無而僅有者委宜題請旌表以爲末俗澆漓之勸

孝烈婦宋氏

看得烈婦宋氏旴江農家婦也夫某貧甚有老姑在烈婦事之盡孝晝出采薪夜紡績霜月下以爲常歲荒私啜糠粃野蔬不令姑之饑粥寒夜止一敝絮覆姑身宛轉牛衣中達旦矣烈婦天質雅麗雖敝衣蓬髻隣里見之咸自失有豪

家慕而欲娶之而其夫啗豪金欲令改嫁烈婦
知之引刀自刎姑力救拊烈婦而泣而隣里亦
爭致藥餌得不死更勉事姑三載姑均而豪謀
娶益力烈婦計無所之遂自刎死蓋爲曆十八
九年間事也恨黃金解悞紅顏嗟碧血竟膏白
刃真乾坤之正氣具節俠之剛腸其在草野荆
筭尤稱奇絕建昌有鄉先達私錄其行者間閱
之而得其槩因召本里父老詢之而得其詳夫
埋香歷有歲年闡幽如待今日查旌獎節孝事
屬守道而本婦住近建昌郡郭知之最真且事
關風化好根秉彝遂不避越俎之嫌據實呈請
乞嚴府縣再加查覈如本婦孝烈事蹟果實懇
特爲 題旌以耀幽芳而風末俗地方幸甚